



5. 6. 430

~~CD~~ 5. W. 6.





THEOLOGIA

SCHOLASTICO-DOGMATICA

JUXTA MENTEM

D. THOMÆ
AQUINATIS

AD USUM DISCIPULORUM
EJUSDEM ANGELICI PRÆCEPTORIS
ACCOMMODATA

PER F. VINCENTIUM LUDOVICUM GOTTI

Bononiensem, Ordinis Prædicatorum, in Patria Universitate
Controversiarum Fidei Professore

N U N C

SANCTÆ ROMANÆ ECCLESIAE CARDINALEM.

TOMUS III. IN PRIMAM SECUNDÆ PARTIS

ORDINE NONUS

De Divina Gratia; de Justificatione Peccatoris; & de Merito Justī.




BONONIÆ M. D. CC. XXX.

Ex Typographia Bononiensi Sancti THOMÆ AQUINATIS.
SUPERIORUM PERMISSU.

CATALOGUS

Eorum, quæ hic Tertius Tomus in Primam
Secundæ, ordine Nonus,
complectitur.



TRACTATUS DE DIVINA GRATIA.

QUÆSTIO PRIMA.

De Necessitate Gratiæ Divinæ.

DUBIUM PRIMUM.

Varia Gratiæ Actualis Acceptiones, ac ejus
Præcipui Hostes.

| | | |
|--------|-----------------------------------|---------|
| §. I. | <u>Quid Nomine Gratiæ veniat.</u> | pag. 1. |
| §. II. | <u>Gratiæ Hostes Præcipui.</u> | 2. |

DUBIUM SECUNDUM.

An ad cognoscendas Veritates Supernaturales, & Fidei
sit Necessaria Gratia?

| | | |
|---------|-------------------------------|----|
| §. I. | <u>Aliqua Notatu digna.</u> | 4. |
| §. II. | <u>Affertiones Catholicæ.</u> | 5. |
| §. III. | <u>Argumenta Contraria.</u> | 9. |

DUBIUM TERTIUM.

An ad cognoscendas Veritates Naturales Homo Lapsus
egeat Speciali Gratiâ .

| | | |
|---------|---|-----|
| §. I. | <i>Exponitur Dubium .</i> | 11. |
| §. II. | <i>Duæ Priores Resolutiones .</i> | 12. |
| §. III. | <i>Aliæ Resolutiones .</i> | 17. |
| §. IV. | <i>Objectiones contra has duas Resolutiones .</i> | 20. |

DUBIUM QUARTUM.

An possit Homo Lapsus velle, & facere Bonum, sive Iustus,
sive Peccator sit, sive Infidelis ?

| | | |
|---------|--|-----|
| §. I. | <i>Quædam Prænotantur .</i> | 23. |
| §. II. | <i>Resolutio contra Pelagium .</i> | 24. |
| §. III. | <i>Resolutio contra Lutherum, & Calvinum .</i> | 25. |
| §. IV. | <i>Resolutio contra Bajum .</i> | 29. |
| §. V. | <i>Resolutio contra Jansenium .</i> | 33. |

DUBIUM QUINTUM.

An, ut Homo Lapsus possit facere Opus bonum Morale
indigeat Speciali Gratiâ per Christum : an verò
sufficiat Auxilium ordinis Naturalis ?

| | | |
|--------|---|-----|
| §. I. | <i>Rejicitur Opinio Vazquez, & Gregorii .</i> | 37. |
| §. II. | <i>Resolutio Nostra .</i> | 40. |

DUBIUM SEXTUM.

An Homo Lapsus possit sinè Speciali Gratiâ Deum
super omnia diligere ?

| | | |
|---------|---|-----|
| §. I. | <i>Aliqua Prænotantur .</i> | 43. |
| §. II. | <i>Auxilium necessarium in Statu Naturæ Integre, & Puræ .</i> | 44. |
| §. III. | <i>Auxilium necessarium in Statu Naturæ Corruptæ .</i> | 45. |

§. IV.

| | | |
|--------|---|-----|
| §. IV. | <i>An tale Auxilium sit Naturalis ordinis, an verò Supernaturale?</i> | 50. |
|--------|---|-----|

DUBIUM SEPTIMUM.

*An sit necessaria Gratia ad Observantiam
totius Legis Naturæ?*

| | | |
|---------|---|-----|
| §. I. | <i>Aliqua Supponuntur.</i> | 53. |
| §. II. | <i>Resolutio Dubii.</i> | 54. |
| §. III. | <i>Qualis Gratia requiratur ad Observantiam totius Legis Naturalis.</i> | 60. |
| §. IV. | <i>Quid dicendum de Statu Naturæ Integræ?</i> | 63. |
| §. V. | <i>Quid dicendum de Præceptis Supernaturalibus, sive quoad Substantiam, sive quoad Modum?</i> | 64. |
| §. VI. | <i>Sintne aliqua Præcepta, quæ nec per Dei Gratiam impleri possint in hac Vitâ?</i> | 67. |

DUBIUM OCTAVUM.

An sit necessaria Gratia ad Victoriæ Tentationum?

| | | |
|---------|-----------------------------|-----|
| §. I. | <i>Aliqua Supponuntur.</i> | 68. |
| §. II. | <i>Prima Resolutio.</i> | 69. |
| §. III. | <i>Posterior Resolutio.</i> | 72. |

DUBIUM NONUM.

*An ad diu vitanda omnia Peccata Mortalia, quæ sunt
contra Legem Naturæ, requiratur Spe-
cialis Gratia?*

| | | |
|---------|-------------------------------|-----|
| §. I. | <i>Aliqua Supponuntur.</i> | 74. |
| §. II. | <i>Resolutiones.</i> | 75. |
| §. III. | <i>Contrariorum Rationes.</i> | 77. |

DUBIUM DECIMUM.

An ut Homo Lapsus vitare possit omnia Peccata Venialia,
indigeat Gratiâ, & Quali?

| | | |
|---------|-------------------------------|-----|
| §. I. | <i>Aliqua Prasupponuntur.</i> | 80. |
| §. II. | <i>Resolutiones.</i> | 81. |
| §. III. | <i>Contraria Fundamenta.</i> | 85. |

DUBIUM UNDECIMUM.

De Necessitate Gratiæ ad se Præparandum
ad Gratiâ.

| | | |
|---------|--|-----|
| §. I. | <i>Errorres, & Opiniones.</i> | 89. |
| §. II. | <i>Resolutiones.</i> | 91. |
| §. III. | <i>Contra præfatas Assertiones Militantia.</i> | 93. |

DUBIUM DUODECIMUM.

An Qui jam consecutus est Gratiâ Habitualement, indigeat
ulteriori Gratiæ Auxilio ad Benè ope-
randum, & Quo?

| | | |
|---------|-------------------------------|-----|
| §. I. | <i>Doctrina D. Thomæ.</i> | 95. |
| §. II. | <i>Resolutiones.</i> | 96. |
| §. III. | <i>Contrariorum Rationes.</i> | 99. |

DUBIUM TERTIUMDECIMUM.

An Homo in Gratiâ constitutus indigeat Auxilio Speciali
Gratiæ ad Perseverandum Finaliter?

| | | |
|---------|--|------|
| §. I. | <i>Aliqua Præmittuntur.</i> | 101. |
| §. II. | <i>Resolutiones.</i> | 102. |
| §. III. | <i>Contrariæ Rationes.</i> | 105. |
| §. IV. | <i>De Gratiâ in Statu Naturæ Integræ ad Perseveran- dum requisitâ.</i> | 111. |
| §. V. | <i>Quorundam Resolutio circa Donum Perseveran- tiæ.</i> | 113. |

QUÆ-

QUÆSTIO SECUNDA.

vii

De Divisione Gratiae Actualis.

DUBIUM PRIMUM.

Quid sit Gratia Gratis data, & Quotuplex.

| | | |
|--------|--------------------------------------|------|
| §. I. | <i>Resolutio Prioris Partis.</i> | 115. |
| §. II. | <i>Resolutio Posterioris Partis.</i> | 117. |

DUBIUM SECUNDUM.

De Divisione Gratiae Actualis in Operantem,
& Cooperantem.

| | | |
|--------|---|------|
| §. I. | <i>Divisio Statuitur, & Probatur.</i> | 120. |
| §. II. | <i>Aliqua Resolvuntur.</i> | 122. |

DUBIUM TERTIUM.

Duæ aliæ Divisiones Gratiae Actualis.

| | | |
|--------|--|------|
| §. I. | <i>De Gratia Præveniente, & Subsequente.</i> | 124. |
| §. II. | <i>De Gratia Excitante, & Adjuvante.</i> | 125. |

DUBIUM QUARTUM.

De Gratia Sufficiente, & Efficaci.

| | | |
|--------|---|------|
| §. I. | <i>Quo sensu Gratia dicatur Sufficiens.</i> | 127. |
| §. II. | <i>Ea, quæ obstant, Refelluntur.</i> | 130. |

DUBIUM QUINTUM.

Unde Gratia suam habeat Efficaciam.

| | | |
|---------|---|------|
| §. I. | <i>Aliqua Præmittuntur.</i> | 134. |
| §. II. | <i>Gratiam non esse Efficacem solum ab Extrinseco.</i> | 135. |
| §. III. | <i>Examinantur Nova quædam Opinio de Equilibrio Lib- rati ad Libertatem Indifferentiæ Necessario.</i> | 139. |

QUÆ.

QUÆSTIO TERTIA.

De Gratia Habituali.

DUBIUM PRIMUM.

An Gratia Habitualis sit Donum Intrinsecum Animæ?

| | | |
|----------------|------------------------------------|-------------|
| <u>§. I.</u> | <u><i>Pauca Supponuntur.</i></u> | <u>143.</u> |
| <u>§. II.</u> | <u><i>Catholica Assertio.</i></u> | <u>144.</u> |
| <u>§. III.</u> | <u><i>Objectionum Solutio.</i></u> | <u>146.</u> |

DUBIUM SECUNDUM.

An Gratia Habitualis sit Accidens, an Qualitas, &
an in Specie Habitus?

| | | |
|---------------|---|-------------|
| <u>§. I.</u> | <u><i>Gratia non est Substantia, sed Accidens.</i></u> | <u>149.</u> |
| <u>§. II.</u> | <u><i>Gratia est Qualitas habens esse permanens, & per modum Habitus.</i></u> | <u>150.</u> |

DUBIUM TERTIUM.

An Gratia sit Supernaturalis, & Participatio Formalis Divinæ Naturæ.

| | | |
|----------------|---|-------------|
| <u>§. I.</u> | <u><i>Resolutio Primæ Partis.</i></u> | <u>153.</u> |
| <u>§. II.</u> | <u><i>Resolutio Secundæ Partis.</i></u> | <u>154.</u> |
| <u>§. III.</u> | <u><i>Aliqua contra Præfata.</i></u> | <u>156.</u> |

DUBIUM QUARTUM.

An Gratia constituat Hominem Filium Dei Adoptivum?

| | | |
|----------------|---|-------------|
| <u>§. I.</u> | <u><i>Quædam Præmittuntur.</i></u> | <u>158.</u> |
| <u>§. II.</u> | <u><i>Resolutio Dubii.</i></u> | <u>159.</u> |
| <u>§. III.</u> | <u><i>Rationes Contrariæ.</i></u> | <u>160.</u> |
| <u>§. IV.</u> | <u><i>Aliqua Quæsitæ Resolvuntur.</i></u> | <u>163.</u> |

DUBIUM QUINTUM.

ix

Utrum Gratia Habitualis sit realiter idem cum Caritate?

| | | |
|---------|--|------|
| §. I. | <i>Resolutio.</i> | 165. |
| §. II. | <i>Argumenta Contraria.</i> | 168. |
| §. III. | <i>Quomodo Virtutes effluant à Gratia.</i> | 170. |

DUBIUM SEXTUM.

In quo, ut in Subiecto Immediato, sit Gratia Habitualis?

| | | |
|---------|---|------|
| §. I. | <i>Resolutio Dubii.</i> | 172. |
| §. II. | <i>Rationes Contrariæ.</i> | 173. |
| §. III. | <i>An Creatura Irrationalis sit Subiectum capax Gratia?</i> | 175. |

DUBIUM SEPTIMUM

Utrum solus Deus sit Causa Principalis Gratia?

| | | |
|---------|----------------------------|------|
| §. I. | <i>Certa præmittuntur.</i> | 177. |
| §. II. | <i>Resolutio Dubii.</i> | 178. |
| §. III. | <i>Contrariæ Rationes.</i> | 180. |

DUBIUM OCTAVUM.

An Deus sit Causa Gratia per Creationem?

| | | |
|--------|-----------------------------|------|
| §. I. | <i>Resolutio Dubii.</i> | 184. |
| §. II. | <i>Rationes Scriptorum.</i> | 185. |

DUBIUM NONUM.

An Homo Viator possit certò scire, se esse in Gratia, tali Certitudine, ut nequeat ei subesse falsum?

| | | |
|---------|--|------|
| §. I. | <i>Varia præmittuntur.</i> | 187. |
| §. II. | <i>Affertio Catholica contra Sectarios.</i> | 188. |
| §. III. | <i>Sectariorum Fundamenta.</i> | 191. |
| §. IV. | <i>Examinantur Doctorum Catholicorum Sententiæ.</i> | 194. |
| §. V. | <i>An, secundà Revelatione, possit Homo Viator esse certus de sua Prædestinatione?</i> | 198. |

T R A C T A T U S
DE JUSTIFICATIONE PECCATORIS.

Q U Æ S T I O P R I M A.

De Essentia Justificationis.

DUBIUM PRIMUM.

Utrum Justificatio Impii sit Remissio Peccatorum?

| | | |
|--------|--|------|
| §. I. | <i>Explicatur Justificationis Notio.</i> | 201. |
| §. II. | <i>Resolutio Dubii.</i> | 204. |

DUBIUM SECUNDUM.

An in Justificatione Impii Peccata sic remittantur, ut
verè auferantur, & deleantur?

| | | |
|--------|--|-------|
| §. I. | <i>Catholica Veritas contra Sectarios.</i> | ibid. |
| §. II. | <i>Hæreticorum Fundamenta.</i> | 206. |

DUBIUM TERTIUM.

An Justificatio fiat per solam Justitiam Christi nobis Im-
putatam, an per Justitiam Intrinsecam?

| | | |
|---------|--------------------------------|-------|
| §. I. | <i>Sectariorum Error.</i> | 200. |
| §. II. | <i>Affertio Catholica.</i> | ibid. |
| §. III. | <i>Sectariorum Fundamenta.</i> | 211. |

DUBIUM QUARTUM.

An sola Gratiā Habitualis sit Causa Formalis Justificans?

| | | |
|---------|--|------|
| §. I. | <i>Aliqua Prænotantur.</i> | 213. |
| §. II. | <i>Ponitur Resolutio.</i> | 214. |
| §. III. | <i>Rationes Vazquez.</i> | 215. |
| §. IV. | <i>Quid dicendum sit de Potentia Dei Absolutâ?</i> | 218. |

DU-

DUBIUM QUINTUM.

An possit Homo à Peccato mundari solâ Extrinsicâ Dei
Condonatione, absque ullâ sui Intrinsecâ Mutatione?

- | | | |
|---------|---|------|
| §. I. | <i>Resolutio Dubii.</i> | 219. |
| §. II. | <i>Argumenta Contraria.</i> | 220. |
| §. III. | <i>Quomodo remittatur Peccatum Veniale.</i> | 223. |

DUBIUM SEXTUM.

An possit Remitti unum Peccatum Mortale,
non remissis omnibus?

- | | | |
|--------|----------------------------|------|
| §. I. | <i>Resolutio Dubii.</i> | 224. |
| §. II. | <i>Rationes Contrariæ.</i> | 225. |

DUBIUM SEPTIMUM.

An Gratia ex Natura rei opponatur cum
Peccato Mortali?

- | | | |
|--------|------------------------------|------|
| §. I. | <i>Resolvitur Dubium.</i> | 227. |
| §. II. | <i>Contraria Fundamenta.</i> | 228. |

DUBIUM OCTAVUM.

An de Potentia Dei Absolutâ fieri possit, ut sibi coexistant
in eodem Subjecto Peccatum, & Gratia?

- | | | |
|--------|--------------------------------------|------|
| §. I. | <i>Resolutio Dubii.</i> | 230. |
| §. II. | <i>Solvuntur Rationes Contrariæ.</i> | 231. |

- §. V. *De Propositio suscipiendi Baptismum, vel Penitentiae Sacramentum, Vita Emendandæ, & Observantiæ Præceptorum.* 250.
 §. VI. *De Ultima Dispositione ad Justificationem, à quo Principio fit.* ibid.
 §. VII. *An Justificatio sit maximum Opus Dei; & an Miraculosum?* 252.
-

T R A C T A T U S DE MERITO JUSTI.

QUÆSTIO PRIMA.

De Essentia, Divisione, & Existentia Meriti.

DUBIUM PRIMUM.

Quid, & Quotuplex sit Meritum.

- §. I. *Essentia Meriti.* 253.
 §. II. *Quotuplex sit Meritum.* 254.

DUBIUM SECUNDUM.

An Homo Justus possit aliquid à Deo Mereri de Condigno?

- §. I. *Catholica Veritas contra Sellarios.* 255.
 §. II. *Sellariorum Argumenta.* 259.

DUBIUM TERTIUM.

An Retributio Vitæ Æternæ pro Meritis sit Actus
Justitiæ, & cujus?

- §. I. *Resolutiones Dubii.* 261.
 §. II. *Solutio Objectionum.* 264.

§. III.

Q U Æ S T I O S E C U N D A .

De Conditionibus Requisitis ad Meritum.

D U B I U M P R I M U M .

An Actus Meritorius debeat esse Liber, & quâ Libertate?

§. I. *Resolvitur Prior.* 268.

§. II. *Posteriores Resolutiones.* 269.

D U B I U M S E C U N D U M .

An Actus Meritorius debeat esse Bonus, & in
Obsequium Dei?

§. I. *Resolvitur Prior Pars.* 270.

§. II. *Resolvitur Pars Posterior.* 271.

D U B I U M T E R T I U M .

An ad Meritum Requiritur Status Viæ, & Status Gratiæ?

§. I. *Resolvitur Prima Pars.* 272.

§. II. *Resolvitur Secunda Pars.* 273.

§. III. *Rejiciuntur quæ Militant contra Secundam Affirmationem.* 274.

D U B I U M Q U A R T U M .

An Meritum spectet ad Caritatem; & quomodo ad illud
debeat Caritas influere?

§. I. *Resolvitur Prima Pars.* 276.

§. II. *Ex dictis Aliqua Inferuntur.* 278.

§. III. *Quale sit Imperium Caritatis ad Meritum Requisitum.* 279.

DUBIUM QUINTUM.

An ad Meritum Hominis coram Deo requiratur Divina
Ordinatio, promissio, & Pactum?

| | | |
|--------|-----------------------------|------|
| §. I. | <i>Resolutio Dubii.</i> | 281. |
| §. II. | <i>Solutio Objectionum.</i> | 283. |

QUÆSTIO TERTIA.

De his, quæ Cadunt sub Merito.

DUBIUM PRIMUM.

An Homo possit Mereri primam Gratiam, sive Auxiliantem,
sive Iustificantem sibi, vel aliis?

| | | |
|---------|---|------|
| §. I. | <i>Resolvitur de Gratia Actuali.</i> | 284. |
| §. II. | <i>Resolvitur de prima Gratia Iustificante.</i> | 285. |
| §. III. | <i>Resolvitur de Merito primæ Gratiæ Aliis.</i> | 287. |

DUBIUM SECUNDUM.

An possit Homo sibi Mereri, ut Reparetur post Lapsum?

| | | |
|--------|--|------|
| §. I. | <i>Resolvitur quoad Meritum de Condigno.</i> | 288. |
| §. II. | <i>Resolvitur de Merito Congruo.</i> | 289. |

DUBIUM TERTIUM.

An Homo Justus possit sibi Mereri Augmentum Gratiæ, &
Caritatis; & hoc de Condigno?

| | | |
|---------|---------------------------------|------|
| §. I. | <i>Resolutio Catholica.</i> | 290. |
| §. II. | <i>Objectionum Solutio.</i> | 291. |
| §. III. | <i>Duo Quæsitæ Resolvuntur.</i> | 292. |

DUBIUM IV. ET ULTIMUM.

Utrum Homo possit Perseverantiam Mereri?

- | | | |
|--------|-------------------------------|------|
| §. I. | <i>Resolutio Dubii.</i> | 294. |
| §. II. | <i>Objectiones Solvuntur.</i> | 295. |

Vidit D. Augustinus Maria Alfieri Clericus Regularis Sancti Pauli, & in Ecclesia Metropolitana Bononiæ Pœnitentiarius pro Eminentissimo, & Reverendissimo Domino D. Cardinali Jacobo Boncompagno, Episcopo Albanensi, Archiepiscopo Bononiæ, ac Sacri Romani Imperii Principe.

Die 3. Septembris. 1730.

Attentâ præmissâ Relatione

IMPRIMATUR.

Fr. Paulus Hieronymus Gallaratus Inquisitor Generalis Sancti Officii Bononiæ.

THEOLOGIAE SCHOLASTICO-DOGMATICÆ.

TRACTATUS

DUBIUM I.

DE DIVINA GRATIA.

Varie Gratix Actualis Acceptiones;
ac ejus præcipui Hostes.

§. I.

Quid Nomine Gratia veniat.

Quia per legem admone-
mur quidem, quid age-
re debeamus; non tamen
juvatur, ut id, quod a-
gere debemus, implea-
mus: postquam de legi-
bus actum est, ait D. Thom. 1. 2. q.
109. *Consequenter considerandum est de
exteriori principio humanorum actuum,
scilicet, de Deo, prout ab ipso per gra-
tiam adjuvatur ad rectè agendum.*
Vocat autem gratiam principium ex-
terius; non quòd gratia intrinsecè
non insit, & homini non inhæreat:
sed quia Deus, qui est gratiæ largi-
tor, principium exterius est, idest,
extra hominem est, nec illi per seip-
sum inest, aut inhæret. In præsentī
ergo Tractatu. primò: considerabitur
cum eodem S. Doctore *De necessitate gra-
tiæ.* Secundò: *De gratia quantum ad e-
jus essentiam.* Tertiò: *De ejus divisione.*

Q U Æ S T I O I.

De Necessitate Gratia Divina.

Gratia alia est actualis, alia ha-
bitualis. Hic de gratia actuali
specialiter agemus, quæ est do-
num actuale à Deo descendens, quo
creatura rationalis adjuvatur ad om-
nes suas operationes perficiendas; ma-
ximè eas, quæ ejus vires excedunt,
quæque ad ejus æternam salutem or-
dinem habent. De hujus ergo neces-
sitate specialiter agimus.

Tomo IX.

I. **N**omine gratiæ significantur
dona à Deo gratis, & libe-
raliter creaturæ rationali
collata. Quia verò hujusmodi dona,
triplicis generis sunt; ideo triplex est
gratiæ acceptio. Primò ergo accipitur
gratia largè, & improprie: & hoc mo-
do nomine gratiæ significatur quod-
cumque beneficium à Deo nobis gra-
tis, & liberaliter concessum; sive ad
naturam pertineat, sive supra natu-
ram sit. Ita sumitur à D. Hierony-
mo Epist. 139. (nunc inter Criticas)
ad Cyprianum, dum ait: *Homo à prin-
cipio conditionis sua Deo utitur adiuto-
re: & quàm illius sit gratia, quòd
creatus est, illiusque misericordia, quòd
subsistit, & vivit &c.* Et à S. Augusti-
no, quando Epist. 95. modò 177. scribit:
*Quàm non improbandâ ratione dici-
tur gratia Dei, quâ creati sumus, ut
nonnihil essemus; nec ita essemus aliquid,
ut eadaver, quod non vivit, aut ar-
bor, qua non sentit, aut pecus, quod
non intelligit; sed homines, qui & esse-
mus, & viveremus, & sentiremus, &
intelligeremus: & de hoc tanto benefi-
cio Creatori nostro gratias agere vo-
leamus: unde meriti & ista gratia di-
ci potest; quia non præcedentium ali-
quorum bonorum operum merito, sed
gratuitâ Dei bonitate donata est.* Gra-
tiam in hac acceptione nemo negavit
unquam: imò ipse gratiæ hostis in-
fen-

fenissimus Pelagius hæc gratiæ acceptione Patres Concilii Palæstini fefellit, ut notat S. August. Epist. citatâ. Dum enim videbatur concedere necessitatem gratiæ ad o. e. a. salutaria; nomine gratiæ nil aliud intelligebat, nisi beneficium creationis, vel liberum arbitrium gratis à Deo nobis concessum. Unde idem S. August. *Serm. 11. de Verb. Apost. modò Serm. 26. c. 7.* inducit Pelagianum ita loquentem: *Hoc ipso, quia liberum arbitrium hominis defendo, & dico, quia liberum arbitrium sufficiens est, ut iustus sim, non sine gratiâ Dei.* Sed Augustino ipsum interrogante: *Expone ergo nobis, o doctor, quam dicas gratiam?* Respondet: *Cum dico... liberum hominis arbitrium; vide quia hominis dico.* Quid deinde? *Hominem quis creavit? Deus.* *Quis ei liberum arbitrium dedit? Deus.* *Si ergo hominem Deus creavit, & homini Deus liberum donavit arbitrium; quidquid potest homo de libero arbitrio, cuius gratia debetur, nisi ejus, qui cum condidit cum libero arbitrio?*

Nec in hoc erravit Pelagius: sed in eo, quòd hæc solâ gratiâ contentus, quâ homines sumus; aliam gratiam, verè talem, quâ Christiani sumus, & quâ supra naturam elevamur, negaret.

Quòd si dixeris: nomen gratiæ opponi debito, ac per consequens non posse inter gratias recenserî dona naturalia, eûm illa videantur esse debita.

Respondetur ex D. Thom. 1. 2. q. 111. a. 1. ad 2. Duplex esse debitum. Unum ex merito proveniens, quod refertur ad personam, cui propter sua merita aliquid debetur. Alterum secundum conditionem naturæ: puta si dicamus, debitum esse homini, quòd habeat intellectum, voluntatem, & alia ad naturam humanam pertinentia. Dona igitur naturalia, eûm non careant hoc secundo debito, carent tamen primo: non enim ex merito hominis est, quòd sit, quòd sit homo, & quòd habeat ea, quæ conveniunt homini.

II. Secundò accipitur gratia magis strictè, prout dicit aliquod donum,

non quidem ordinem naturalem prorsus excedens; sed tamen naturæ ex vi creationis, & conservationis indebitum. Tale fuit donum integritatis naturalis primo homini concessum: & talia in statu naturæ lapsæ sunt quædam auxilia intra ordinem naturæ specialia; quæ Deus confert aliquibus ad aliqua opera ordinis naturalis difficilia, & relatè ad naturam lapsam, indebita.

III. Tertiò demum accipitur gratia maxime propriè, pro beneficio supra totum naturæ debitum, nobis per Christum exhibitò; quo disponimur, & ordinamur ad faciendâ opera meritoria, ut oportet, ad vitam æternam consequendam. Et hæc est propriè, ac theologicè gratiæ acceptio, de qua in hoc Tractatu præcipuè auctur sumus: quamvis de gratia etiam in secunda acceptione mentionem aliquando facturi simus.

§. I. I.

Gratia Hostes Principi.

IV. PRIMUS, qui contra gratiam in apertum erupit, fuit Pelagius Monachus, anno 412. qui heresi Pelagianæ nomen dedit. Hujus Personam, hæresis progressum, variosque ejusdem status abundè descripsimus Tom. 4. in 1. P. de *Predestinatione Qu. 3 Dub. 1. §. 1.* Unde illuc meum Candidatum remitto. Ut rem paucis verbis concludam: Pelagius initio suæ hæresis omnem omnino gratiam negavit; solamque naturam rationalem, cum libero arbitrio nomine gratiæ, ut nuper dicebamus, esse gratiam sufficientem ad quodcumque bonum opus ad vitam æternam conducens asseribat. Deinde aliqualem gratiam à natura distinctam mustitare cepit: sed hanc non aliud esse, quam legem, doctrinam, & Christi exemplum; gratiam, nempe, merè externam. Postea gratiam aliquam internam visus est fateri, in sola tamen illumi-

ratio.

natione intellectus sitam : & hac, nullo alio posito, voluntatem suis viribus posse ad omne opus bonum, etiam ut oportet ad vitam æternam. Tandem gratiam ad velle bonum confessus est, & quidem supernaturalem : sed hanc non necessariam, sed solum utilem, & ad majorem operandi facilitatem asserbat : & hanc humanis meritis impetrari posse. Damnatuſ tamen cum suo errore fuit Pelagius in Concilio Carthaginiensi, anno 412. in Diospolitano, anno 415. in Carthag. & Milevitano. 416. in plenario totius Africæ, anno 417. in Ephesino 1. anno 431. ac Demum finaliter proscriptus à Summis Pontificibus Innocentio I. Zozimo, Bonifacio, Xisto, & Leone Magno, à Gelasio, & Hormisdâ in sua *ad Possessorem* Epistola.

V. Videlicet Pelagio, ejusque hæresi, altera surrexit; quæ, quia Pelagianæ appendix, & ramusculus fuit, Semipelagiana dicta est. Ortum habuit in Africa, specialiter in Monasterio Adrumetino, occasione acceptâ ex his, quæ S. Augustinus scripserat contra Pelagianos. Cum enim S. Doctor gratiæ Divinæ necessitatem, ac vim ad opera salutaria mirè extulisset; quidam ex doctrina ejusdem existimarunt, sequi fatalem necessitatem, ac proinde inuiles esse correptiones. Quidam verò Augustini doctrinam temperare volentes, dixerunt: non aliter posse liberum arbitrium cum gratia conciliari, nisi dicendo, progressum quidem in bonis operibus ex gratia esse; initium tamen, maxime fidei, seu desiderium credendi ex nobis esse, non ex gratia, nec Dei donum.

VI. Error hic ex Africa transfretavit in Gallias, maxime Massiliam (unde postea Semipelagiani Galli Massilienses dicti sunt) ubi plures Patronos, hosque viros doctrinâ insignes, nactus est, Cassianum, Faustum Regienſem, Gennadium, aliosque. Horum error erat: initium aliquid justitiæ, ac salutis esse à nobis, nimirum, fidem, ac voluntatem aliquam salutis

obtinendæ; & hæc præcedere opera gratiæ, sicut desiderium sanitatis obtinendæ præcedit operam medici. Ita exponerat Hilarius *Epist. ad August.* Dicebant insuper: Deum sincerâ voluntate velle omnium salutem; nec speciali voluntate, ac consilio magis velle salutem unius, quàm alterius; nec Christum Passionis suæ fructum uni magis, quàm alteri applicare. Ita S. Prosper *Carmine de Ingratis* c. 13. Semipelagianorum historiam, aliosque eorumdem errores recensimus citato *Tomo 4. in 1. P. Q. 3. de Prædest. Dub. 1. §. 1.*

VII. Hactenus illos retulimus, qui libero arbitrio nimium deferentes, gratiæ divinæ detraxerunt. Modò ad aliud extremum oppositum accedendo placet eos asserre; qui gratiam sic statuerunt, ut libero arbitrio locum non relinquerent. Primi inter hos fuerunt ex Monasterio Adrumetino aliqui, tempore S. Augustini; qui S. Doctoris doctrinam de gratia malè intelligentes, per eam liberum arbitrium opprimi dicebant: quos secuti sunt alii, Prædestinationarii discipuli (de quibus, an revera fuerint, resolvimus *Tom. 4. in 1. P. Q. 2. de Prædest. Dub. 1. §. 1.*) de quorum schola seculo 9. fuisse traditur Gorteschalcus quidam, natione Germanus, professione Monachus.

VIII. Hunc errorem, inter alios quamplures, excitavit Martinus Lutherus. Dum enim asserbat, per peccatum originale extinctum fuisse in nobis liberum arbitrium ad bonum, & mansisse unice determinatum ad malum; ac proinde liberum arbitrium ad bonum in nobis esse rem de solo titulo, seu titulum sine re: ex hoc deducebat, omnem nostram intellectionem esse errorem, omnem nostrum affectum esse peccaminosum, omnem nostram actionem peccatum. Hinc proſequabatur dicens: liberum arbitrium nihil agere, sed merè passivè se habere, recipiendo actum à Deo in ipso productum. Opera autem bona, non

ex nobis prodire, sed extrinsecâ applicatione Passionis, & meritis Christi unice in nobis fieri, seu nobis imputari: ac proinde iniuriâ facere Redemptori, qui contenderet bene agere, ac poenitentiam assumere; cum sufficiat credere, sibi esse remissa peccata per imputationem externam meritorum Christi. Quæ omnia anathemate confixit Tridentinum *Sess. 6. Can. 4. §. 11. &c.*

IX. Calvinus verò, estd non tantâ impudentiâ, ut Lutherus, diceret, liberum arbitrium ad bonum à nobis esse penitus sublatum, reverà tamen solum arbitrii nomen admisit: dum asseruit, illud sub gratia positum non liberâ electione agere, sed necessitate, & à gratiâ Dei moveri, sicut equus à fessore movetur.

X. Ex his colligitur: Pelagium, Lutherum, & Calvinum suas hæreses ex eodem hoc principio intulisse, nempe: Liberum arbitrium cum præveniente, & efficaci gratiâ Dei consistere non posse. Ex hoc autem principio oppositas conclusiones deduxerunt. Pelagius enim, & Pelagiani, ac Semipelagiani sic arguebant: Datur in homine liberum arbitrium; ergo non datur gratiâ Dei præveniens, & efficax. Ubi ex antecedente de fide certo deduxerunt consequens hæreticum. Lutherus verò, & Calvinus sic discurrebant: Datur efficax, & præveniens Dei gratiâ secundum Scripturas, & Augustinum; ergo non est in homine liberum arbitrium. Unde & isti ex principio secundum fidem certo, & opposito consequenti hæretico Pelagii, inferebant oppositum antecedentis catholici, quo Pelagius dicebat, in nobis esse liberum arbitrium.

XI. In hoc erraverunt etiam Bajus, cuius, inter alias, damnavit propositiones 39. 66. & 67. anno 1567. S. Pius V. & Jansenius, cuius propositiones proscriptæ fuerunt ab Innocentio X. anno 1653. Alexandro VII. 1656. Innocentio XII. & Clemente XI. Hi enim in statu naturæ lapsæ solam libertatem à coactione, non verò li-

bertatem indifferentiæ, seu à necessitate admiserunt.

XII. Catholici ergo studium esse debet, ut ab hæreticis recedat; gratiæ necessitatem ad opera bona asserere contra Pelagium: liberum arbitrium ad bonum non esse extinctum, per peccatum originale, contra Lutherum. Quod ostendimus *Tom. 6. in 1. p. Quæst. 10. de Effectibus peccati Origin. Dub. 1. §. 1.* Et contra Calvinum, Bajum, & Jansenium, liberum arbitrium in præsentii statu gaudere libertate, nedum à coactione, sed & à necessitate, seu indifferentiæ. Quod ostensum à nobis est *Tom. 1. in 1. 2. Tract. de Act. human. q. 2. de Voluntario libero. Dub. 1. §. 3. & Dub. 2. §. 1.* his igitur prænotatis, ad propositam quætionem accedamus.

DUBIUM II.

An ad cognoscendas Veritates Supernaturales, & Fidei sit necessaria Gratiâ?

§. I.

Aliqua notatu digna.

I. **N**Oto primo: veritatem aliquam tripliciter dici posse supernaturalem. Uno modo ex parte obiecti tantum, non autem ex parte rationis sub qua, seu motivi assentiendi, quod est divina revelatio: sicut si aliquis moveatur ad credendum mysterium Trinitatis ex aliquo motivo humano, non quia Deus illud revelavit. Alio modo potest esse supernaturalis ex parte motivi assentiendi, non verò ex parte rei creditæ; ut quando credimus aliquod naturale, quia Deus illud revelavit: quomodo credimus, Abraham habuisse duos filios (quæ est veritas naturalis) quia Deus hoc nobis revelavit in S. Scriptura. Tertio denique modo potest veritas aliqua esse supernaturalis utroque modo; ita ut & res credita, & moti-

motivum credendi supernaturalia sint : ut dum credimus, Deum esse trinum, & unum, quia Deus dixit.

II. Notò secundò : ad cognoscendas veritates supernaturales duo requiri. Unum ex parte objecti, scilicet, quoddam proponatur, seu reveletur; alterum ex parte intellectus, ut scilicet ei assentiatur; & ex parte voluntatis, quæ moveat intellectum ad assentiendum. Primum nemo unquam negavit, nec Pelagius ipse, saltem in secundo suæ hæresis statu. Imò hanc unicam gratiam sufficere dicebat ad credendum; nempe, quoddam Deus rem credendam exterius homini revelet, seu proponat. Secundum negavit Pelagius; & quamvis in tertio suæ hæresis statu gratiam aliquam internæ illustrationis admisserit in intellectu; ulteriorem tamen gratiam internam, in voluntate, saltem tanquam necessariam, constanter negavit.

III. Notò tertio : in fide tria considerari posse; cogitatio de mysteriis, quæ per fidem creduntur; affectus, seu imperfectum desiderium fidei; & ipse actus fidei, seu assensus. Pelagiani docebant: sive ad cogitationem de mysteriis fidei, sive ad affectum credendi, sive etiam ad ipsummet fidei actum, homini lapso satis esse externam revelationem cum interiori mentis illuminatione. Semipelagiani, illi præsertim, de quibus Prosper, & Hilarius ad Augustinum scripserunt, fatebantur quidem, ipsum fidei actum à Deo esse per gratiam datam etiam voluntati; sed contendebant, Deum in nobis per gratiam non operari primam cogitationem, & primum desiderium, seu velleitatem credendi; sed hæc esse à nobis; & in hoc sensu dicebant, initium fidei à nobis esse.



§. I I.

Affertiones Catholicae.

IV. **D**ico primò. Quando veritas, effò in se sit supernaturalis, attingitur tamen ob motivum merè naturale; supposità revelatione, & propositione potest viribus natura attingi. Probatur. Nam veritates illæ, ut motivo merè naturali attinguntur, sunt quidem supernaturales in se, & materialiter, non tamen formaliter, & in ratione objecti; quia objectum in ratione talis formaliter consideratur ex motivo, sub quo attingitur: sic Deus, etiam ut unus, in se supernaturalis est; ut tamen naturali discursu à Philosopho unitas Dei demonstratur, in ratione objecti, naturalis est.

Propterea hæreticus, qui articulos, quos credit, non quia Deus eos revelavit, ad credendum movetur, aliàs omnes alios crederet; sed quia suo proprio iudicio, & pertinaci suæ voluntatis superbiâ, ac proinde motivo merè naturali, ad eos, præ alijs, credendos movetur: quamvis eos firmissimè credat, non tamen fide supernaturali, & divinâ, nec gratiæ auxilio eos credit, sed fide prorsus humanâ, ut in *Tract. de Fide* docemur à D. Th. 2. 2. q. 5. a. 3.

Eadem ratione, qui ad credendum unicè moveretur ex auctoritate eorum, qui fidei mysteria proponunt, & prædicant, vel aliquo signo viso, nec altius cogitatione assurgeret; fide tantum humanâ, & motivo naturali crederet, nec crederet sicut oportet ad salutem. Ut ergo quis credat fide supernaturali divinâ, & ut oportet; necesse est, ut fidei articulos firmissimè amplectatur propter auctoritatem Dei revelantis, & ex affectu pietatis erga Deum, quo, nempe, Deo se subicit volens; indubitatè suscipiat omnia, quæ ipse revelat, quamvis humanam rationem longè superent. Hinc

V. Multò minus Fide supernaturali,

li, & divinâ crederet, qui ex pravo affectu, puta, regnandi, vel alio quovis malo sine ad credendum præcipuè moveretur. Et hoc primò: quia affectus credendi est donum Dei: id autem de affectu pravo dici non potest, cum sit peccatum. Secundò: affectus credendi est initium bonæ voluntatis: pravus affectus è contra est initium malæ voluntatis. Tertiò: credens ex affectu pravo se habet, sicut qui propter vanam gloriam eleemosynam largitur; ergo sicut in eo non est vera misericordiæ virtus, quia finis vanæ gloriæ imperat eleemosynam: ita nec in eo, in quo pravi affectus, & finis imperant fidem.

VI. Dico secundò. Ad actum fidei divinæ, sive ad assentiendum veritatibus supernaturalibus, ut oportet; sive sint supernaturales tam ex parte objecti, quàm ex parte motivi; sive tantum ex parte motivi, requiritur gratia interna per Christum. Est veritas de fide, stabilita contra Pelagianos in pluribus Conciliis; præsertim Arausiano secundo, anno 529. Canon. 6. & 7. & novissimè in Tridentin. Session. 6. Canon. 3. his verbis: *Si quis dixerit, sine præveniente Spiritus Sancti inspiratione, atque ejus adjutorio, hominem credere, sperare, diligere, aut parere posse, sicuti oportet, ut ei justificationis gratia conferatur, anathema sit.*

VII. In opposito errore aliquando se fuisse, nimirum, ad credendum sufficere prædicationem veritatis, neque aliud Dei donum requiri, ingenuè, ac humiliter fatetur S. Augustinus 1. de Prædest. SS. c. 3. dicens: *Næque enim fidem putabam Dei gratiâ præveniri, ut per illam nobis daretur, quòd posceremus utiliter; nisi quia credere non possemus, si non præcederet præconium veritatis: ut autem predicato nobis Evangelio consentiremus, nostrum esse proprium, & nobis ex nobis esse arbitrabar. Quem meum errorem nonnulla opuscula mea satis indicant, ante Episcopatum meum scripta (nimirum, ex-*

positio quarumdam proposit. ex Epist. ad Romanos.)

VIII. Ad deponendum autem suum antiquum præfatum errorem dicit ibidem, motum se fuisse ex dicto S. Cypriani l. 3. Testimoniorum ad Quirinum: *In nullo gloriamdum, quando nostrum nihil sit. Quod ostendit ex Apostolo 1. Cor. 4. v. 7. dicente: Quid autem habes quod non accepisti? Si autem accepisti, quid gloriaris, quasi non acceperis?* Quibus S. Augustinus subiungit: *Quo præcipuè testimonio etiam ipse convictus sum, cum similiter errarem; putans fidem, quâ in Deum credimus, non esse donum Dei, sed à nobis esse in nobis, & per illam nos imitari Dei dona quibus temperanter, & iuste, & pè vivamus in hoc seculo.*

IX. Hanc veritatem Cap. 2. præcedente probaverat Sanctus Doctor ex illo ad Philippens. 1. v. 29. *Vobis donatum est pro Christo, non solum ut credatis in eum; verum etiam, ut patiamini pro eo.* Super quæ, ait: *Utrumque offendit Dei donum, quia utrumque dixit esse donatum. Nec ait, ut plenius, & perfectius credatis: sed ut credatis in eum.* Rursus ex illo 1. Cor. 7. v. 25. *Misericordiam consentus à Domino, ut sim fidelis.* Non ait, quia fidelis eram. *Fideli ergo datur quidem; sed datum est etiam, ut esset fidelis.* Alia S. Script. testimonia adducemus infra.

X. Probatur autem hoc discursu. Elicere actum fidei, prout oportet, quatuor modis intelligi potest. Primò: ita ut per illum impleatur præceptum, quo actus fidei præcipitur. Secundò: ut ille actus ad justificationem conferat. Tertiò: ut fiat ex pio in Deum revelantem affectu. Quartò: ut ille actus sit ita certus ex parte credentis, ut ita credens paratus sit mortem subire pro veritate, quam credit. Atqui gratia est simpliciter necessaria ad elicendum actum fidei, prout oportet, quocumque ex dictis quatuor modis hæc voces, prout oportet, sumantur; ergo &c.

Minor

Minor pro primo modo prob. Dum præcipitur actus fidei, præcipitur actus, qui sit supernaturalis; is enim est actus fidei, ut oportet: sed actus fidei, qui sit supernaturalis, non potest elici sine gratiâ: natura enim per seipsam non potest ad ea, quæ supra ipsam sunt, ejusque proportionem excedunt; ergo &c. Unde D. Tho. hæc q. 109. a. 1. docet, quod *unaquaque forma indita rebus creatis à Deo habet efficaciam respectu alicujus actus determinati, in quem potest secundum suam proprietatem; ultra tamen non potest, nisi per aliquam formam superadditam: sicut aqua non potest calefacere, nisi calefacta ab igne. Sic igitur intellectus humanus habet aliquam formam, scilicet, ipsum intelligibile lumen, quod est de se sufficiens ad quadam intelligibilia cognoscenda; ad ea scilicet in quorum notitiam per sensibilia possumus devenire. Altiora verò intelligibilia intellectus humanus cognoscere non potest, nisi fortiori lumine perficiatur, sicut lumine fidei, vel prophetia, quod dicitur lumen gratiæ, inquantum est natura superaddita.*

Ad actum fidei secundo modo esse necessariam gratiam, ostensum est superius ex Tridentino *Sess. 6. Can. 3.*

Esse etiam necessariam ad actum fidei tertio modo, idest, ut quis ex pio in Deum affectu credat, probatur. Nam pius ille in Deum affectus est initium bonæ voluntatis: at initium bonæ voluntatis non est à nobis, sed à Dei gratia, ut infra ostendemus; Deus est enim qui operatur in nobis velle, & perseverare pro bona voluntate, (ajebat Philippensibus Paulus C. 2. v. 13.)

Tandem Gratiam esse necessariam ad eliciendum actum fidei cum tanta certitudine, ut homo paratus sit pro fidei mortem obire, constat. Tùm ex Paulo ad Philipp. 1. v. 19. *Vobis donatum est pro Christo, non solum, ut credatis in eum, verùm etiam, ut patiamini pro eo.* Tùm quia: paratum esse mori pro Christo, ejusque fide, est actus at-

tentissimæ caritatis in Deum, juxta illud Jo. 15. v. 13. *Majorem hæc dilectionem nemo habet, ut animam suam ponat quis pro amicis suis.* Tùm demum: quia tanta certitudo de mysticis, quæ cum ratione naturali plerumque in speciem pugnant, & de quibus, cum sint fidei, haberi nequit demonstratio, non aliunde, quàm ex Dei adiutorio haberi potest.

XI. Dico tertio. Ad eliciendum fidei actum, ut oportet, non solum necessaria est gratia interna illustrans intellectum, sed & movens voluntatem. Hoc quovis tempore pertinaciter negavit Pelagius, ut vidimus; constat tamen ex dictis. Nam homo non movetur ad credendum, ut oportet, nisi ex pio affectu erga Deum: ista autem pia affectio, & bona voluntas, cum sit supernaturalis, quia de objecto supernaturali, non potest nasci nobis. Rursus: intellectus quamvis illustratus non procedat ad credendum, nisi moveatur à voluntate: voluntas autem propriis viribus movere non potest ad actum fidei supernaturalem.

XII. Dico quarto. Etiam ad initium credendi, sicut oportet, hoc est, ad cogitationem, & desiderium vel tenuissimum habendam fidem, vera, & efficax gratia actualis per Christum simpliciter, & absolute requiritur. Est contra Semipelagianos. Et probatur primò ex illo 2. Corinth. 3. v. 5. ubi postquam dixit: *Fiduciam nos habere per Christum ad Deum, subiungit: Non quod sufficientes simus cogitare aliquid à nobis, quasi ex nobis, sed sufficientia nostra ex Deo est.* Super quæ D. Tho. ibi *Lect. 1.* ait: *Causa, autem hujus fiducia est, quia quidquid ego facio, etiam ipsum principium operis, Deo attribuo. Et ideo dicit: Non quod simus sufficientes cogitare, scilicet non dicere, vel implere. Nam in quolibet processu operis primò est assensus, qui sit cogitando; deinde collatio per verbum, & postmodum impletio per opus: unde fit, ut sic nec cogitare, quia à se habeat, sed à Deo: non est dubium.*

rium quod non solum perfectio operis boni est à Deo, sed etiam inchoatio: Pbilipp. 1. Qui capit in vobis opus bonum &c. Et hoc est contra Pelagianos dicentes, quod inchoatio boni operis est ex nobis, sed perfectio est à Deo..... Sed ex hoc ne videatur tollere libertatem arbitrii, dicit: A nobis, quasi ex nobis. Quasi dicat: possumus quidem aliquid facere, quod est liberi arbitrii; sed hoc, quod facio, non est ex me, sed à Deo, qui hoc ipsum posse confert; ut sit & libertatem hominis defendat, cum dicit: A nobis, idest, à nostra parte: & divinam gratiam commendat, cum dicit: Quasi ex nobis, scilicet, procedat, sed à Deo. Ita S. Tho. Et S. August. l. de Dono perseverantiæ c. 13. Cogitantes (inquit) credimus, cogitantes loquimur, cogitantes agimus quicquid agimus: quod autem attinet ad pietatis viam, & verum Dei cultum non sumus idonei cogitare aliquid tanquam ex nobis metipsis, sed sufficientia nostra ex Deo est.

XIII. Præcipue verò lib. de Prædest. SS. cap. 1. relatis Apostoli verbis prælaudatis, subiungit: Attendant hîc & verba ista perpendant, qui putant, ex nobis esse fidei captum, & ex Deo esse fidei supplementum. Quis enim non videt, prius esse cogitare, quam credere? Nullus quippe credit aliquid, nisi prius cogitaverit esse credendum. Quamvis enim raptim, quancumque celerrimè credendi voluntatem quadam cogitationes antevolent; moxque illa ita sequatur, ut quasi coniunctissima comitetur: necesse est tamen, ut omnia, quæ creduntur, præcedente cogitatione credantur..... Quod ergo pertinet ad religionem, atque pietatem (de qua loquebatur Apostolus) si non sumus idonei cogitare aliquid, quasi ex nobis metipsis, sed sufficientia nostra ex Deo est; profecto non sumus idonei credere aliquid quasi ex nobis metipsis, quod sine cogitatione non possumus; sed sufficientia nostra, quæ credere incipimus, ex Deo est.

XIV. Probatur secundò. Si nos ex nobis daremus Deo bonam credendi

voluntatem, & subinde Deus daret nobis fidem; nos prius daremus Deo de nostro, & Deus retribueret nobis de suo; atqui Paulus clamans oppositum ait, Roman. 11. v. 35. Quis prior dedit illi, & retribuetur ei? Quoniam ex ipso, & per ipsum, & in ipso sunt omnia. Hinc S. August. lib. de Prædest. SS. cap. 2. concludit: En ipsum igitur initium fidei nostra, ex quo, nisi ex ipso est? Neque enim, hoc excepto, ex ipso sunt cetera; sed ex ipso, & per ipsum, & in ipso sunt omnia.

Si dicas, hoc ipsum desiderium credendi esse etiam à Deo, qui prior dedit nobis voluntatem, quam subinde nos ipsi offerimus. — Sed contra. Posita hac responsione, esset voluntas, quæ potest esse bona, & mala, prout scilicet dicit liberum arbitrium potens flexi ad bonum, & ad malum, sit in nobis à Deo; prima tamen voluntas bona, quæ, nempe, est initium fidei, erit in nobis ex nobis, non ex Deo; ergo aliquid erit in nobis, quod non erit ex Deo, contra illud Pauli 1. Cor. 4. 7. Quid enim habes, quod non acceperis? Imò cum melior sit voluntas bona, quàm voluntas potens esse bona, & mala; id, quod melius est, erit ex nobis, quod verò minus bonum est, erit ex Deo. Ita discurret S. August. lib. 2. de Peccat. merit. c. 18. his verbis: Nam si nobis libera quadam voluntas ex Deo est, qui adhuc potest esse vel bona, vel mala, quæ verò voluntas ex nobis est: melius est id, quod à nobis, quàm quod ab illo est.

XV. Probatur tertio. Si illud primum fidei desiderium, & initium sit à nobis, ejusque intuitu Deus conferrat nobis fidem; jam fides secundum merita nostra dabitur, nempe, secundum illum bonum affectum, & inchoatam credendi voluntatem: sed hoc datum fuit in Pelagio; ergo &c. Hoc argumentum urget S. Augustin. lib. de Prædest. SS. c. 2. dicens: Quis autem dicat, cum, qui jam cepit credere, ab illo in quem credidit nihil mereri? Unde sit, ut jam merenti cetera dicam.

dicantur addi retributione divini: ac per hoc gratiam Dei secundum merita nostra dari: quod obiectum sibi Pelagius, ne damnaretur, ipse damnavit.

XVI. Prob. tandem auctoritate Concilii Arausiaci II. Can. 3. ubi ita statuitur: *Si quis sicut augmentum, ita etiam initium fidei, ipsumque credulitatis affectum, quo in eum credimus, qui iustificat impium, & ad generationem sacri Baptismatis pervenimus, non per gratia donum, idest, per inspirationem Spiritus Sancti corrigentem voluntatem nostram ab infidelitate ad fidem, ab impietate ad pietatem, sed eis documentis, quibus inesse dicit; Apostoli Beato Paulo dicente: Contra adhibetur, quicæpit in vobis bonum opus, perficiet usque in diem Domini nostri Jesu Christi. Et illud: Vobis datum est pro Christo, non solum, ut in eum credatis, sed etiam, ut pro illo patiamini. Et: Gratia salvi facti estis per fidem, & hoc non ex vobis: Dei enim donum est. Qui enim fidem, quâ in Deum credimus, dedit esse naturalem; omnes eos, qui ab Ecclesia Christi alieni sunt, quodammodo fideles esse definiunt. Videatur etiam Can. 6. & 7. Conferantur ea, quæ diximus Tom. 4. in 1. p. Qu. 3. de Causis Prædest. Dub. 2. §. 3.*

§. III.

Argumenta contraria.

XVII. **C**ontra primam assertionem nihil occurrit speciale. Contra secundam vero obijci potest. Intellectus propriis viribus attingere potest quicquid intra ejus obiectum specificativum continentur: sed veritates supernaturales fidei continentur intra obiectum specificativum intellectus humani, quod claudit omne verum; ergo &c.

XVIII. Respondeo, majorem esse veram de obiecto proportionato potentie; non verò de obiecto excedente facultatem potentie. Veritates au-

Tom. IX.

tem supernaturales licet contineantur intra spheram essentiali obiecti specificativi intellectus humani, quod est omne verum; excedunt tamen ejus naturalem facultatem, & proportionem, cum sint altioris, & ordinis diversi. Quemadmodum lux Solis, estd contineatur intra obiectum specificativum visus, quod est corpus lucidum, vel coloratum; quia tamen ob nimium ejus splendorem excedit naturalem facultatem, & proportionem visus, ab eo nequit videri, nisi speciali aliqua virtute roboretur.

XIX. Obijcies secundò contra tertiam assertionem. Si ad credendum requiritur gratia ex parte voluntatis, ~~salutem~~ requiritur ex parte intellectus; lium aduale, ponitur præter auxilium fidei: ita in voluntate deberet, præter gratiam adualem, poni habitus supernaturalis; quo, sicut intellectus, ita, & ipsa permanenter inclinaretur ad imperandum actum fidei: atqui hoc videtur absurdum. Nam ille habitus in voluntate nec esset virtus theologica, ut patet, nec moralis infusa; virtutes enim morales infusæ amittuntur per peccatum mortale, sicut ipsa gratia, à qua emanant: habitus autem ille perseveraret in peccatore, sicut & fides, quæ in comanet, informis tamen.

XX. Responderi solet dupliciter. Primò, neg. maj. Sicut enim ad opera artis efficienda ponitur habitus in solo intellectu, quamvis ad opus artis efficiendum debeat à voluntate moveri: ita ad assentiendum mysteriis revelatis poni debet habitus in intellectu, qui immediate elicit assensum; in voluntate autem, quæ solum movet ad assensum, nihil habituale, & permanens poni debet, sed solum aduale auxilium hic, & nunc eam elevans.

Secundò, datà maj. nego min. Nec enim necesse est, ut ille habitus positus in voluntate, sit directè, & propriè virtus theologica, vel moralis infusa; sed reductivè pertinet ad virtutem theom-

B

theo-

theologicam fidei, tanquam via, & dispositio ad ipsam. Sed de hoc dicitur in *Tract. de Fide*.

XXI. Obijcies tertio contra quartam assertionem. Apostolus dicit quidem, gratiam non esse ex operibus, non tamen dicit, gratiam non esse ex fide; ergo est dici non possit, quod opera praecedant gratiam, non est cur fides, saltem inchoata, praecedere non possit gratiam, & sine gratia haberi.

XXII. Respondetur, co. ant. neg. conf. Nam opera possunt esse sine gratia, & ante gratiam, quia naturalia sunt; non tamen fides, quia supernaturalis est, & ad justificationem perducit. Et hoc indicavit Paulus ipse ad Galat. 2. v. 16. dum ait, *Non nos in Christo legitur, & non ex operibus legis.* Et S. August. l. de Praedest. SS. c. 7. *Ex fide autem ideo dicitur justificari hominem, non ex operibus: quia ipsa prima datur, ex qua impetrentur caetera, qua propriè opera nuncupantur, in quibus iustus vivitur. Nam dicit etiam ipse: Gratia salvi facti estis, & hoc non ex vobis, sed Dei donum est (Ephes. 2. v. 8.) id est, & quod dixi per fidem, non ex vobis, sed Dei donum est etiam fides.* Caetera argumenta inveniet Studiosus proposita, & soluta supracitato Tom. 4. Q. 3. de Caus. Praedest. Dub. 1. §. 4.

XXIII. Quæres tamen: An & quomodo fides sit primum Dei donum, & prima gratia; seu an, & quomodo fides sit primus effectus gratiae?

Suppono, in fide quatuor considerari posse. Primo: cogitationes de fide amplectendâ. Secundo: voluntas audiendi Evangelium ex desiderio salutis. Tertio: bonus in Evangelium auditum affectus. Quarto tandem: ipse actus fidei, seu assensus, & consensio voluntatis auditis, & revelatis in Evangelio. Cogitationem antecedere fidem, superius ostendimus ex S. August. l. de Praedest. SS. c. 2. Voluntas audiendi Evangelium ex desiderio propriae salutis eluxit in Proconsule Ser-

gio, antequam fidem amplecteretur. *Hic (inquit) Lucas Act. 13. v. 7.) accersitis Barnabam, & Paulo, desiderabat audire verbum Dei.* De affectu vero credulitatis in Evangelium auditum testatur Araficanum II. Can. 5. superius allato.

XXIV. Respondeo ergo: si sumatur fides pro assensu, quem intellectus motus à voluntate præbet revelatis, non est primus effectus gratiae; si nomine effectus intelligatur omne id, quod est à gratia: consensum enim, & assensum revelatis præcedunt cogitationes de amplectenda fide, voluntas audiendi Evangelium, & affectus in Evangelium gratiae, & Dei dona esse, contra Semipelagianos ostendimus. Quapropter inter Quesnelianas propositiones à Clemente XI. proscriptas, est hæc num. 27. *Fides est prima gratia, & fons omnium aliarum.* Videantur quæ diximus Tom. 3. in 1. p. Q. 2. de Volunt. Dei dub. 3. §. 6. num. 59. Si verò fides sumatur in effectum completo, & prout claudit omnes præfatos actus, sic dici potest primus effectus gratiae, & radix, ac fundamentum justificationis, & caeterorum donorum, ac meritorum: non enim Deus hominem movet ad aliarum virtutum supernaturalium actus, nisi prius ei fidem tribuerit. Quare S. Augustinus Ep. 105. modò 194. ad Sixtum c. 2. *Restat igitur, (inquit) ut ipsam fidem, unde omnis iustitia sumit initium non humano, quod illi extollunt, tribuamus arbitrio: nec ullis præcedentibus meritis, quoniam inde incipiunt bona quaecumque sunt merita: sed gratuitum donum Dei esse fateamur, si gratiam veram, id est, sine meritis cogitamus opera quippe bona sunt ab homine; fides autem sit in homine, sine quâ illa à nullo sunt homine.* Et Conc. Trident. Sess. 6. cap. 8. *Fides (inquit) est humana salutis initium, fundamentum, & radix omnis justificationis, sine quâ impossibile est placere Deo Gra.*

DU.

DUBIUM III.

An ad cognoscendas Veritates Naturales Homo lapsus eget speciali Gratia?

§. I.

Exponitur dubium.

I. Loquimur hic, & loquimur in sequentibus de homine in statu lapsus; in quem scilicet peccato Adami delapsus plura contraxit vulnera, inter quæ vulnus ignorantia in intellectu, ut ostendimus. *Tom. 6. in 1. p. Qu. 10. de Effect. Peccati Origin. Dub. 1.*

II. Veritates insuper naturales, seu naturali lumine cognoscibiles, aliæ sunt speculativæ, aliæ practicæ. Speculativæ sunt, quæ unice movent ad sui cognitionem, & in ea faciunt sistere intellectum. Practicæ sunt, quæ ulterius, vel movent, vel dirigunt intellectum ad operationem. De utrisque sermo erit.

III. Veritates insuper præfatæ summi possunt, vel divisivè, vel collectivè. Possè omnes cognoscere divisivè, est possè omnes sigillatim, seu singulas secundum attingere; ita ut nulla in particulari offeratur, quam non possit cognoscere. Possè autem omnes cognoscere collectivè, est possè cognoscere omnes conjunctim, totam collectionem veritatum ita absorbendo; ut nulla ex his supersit, quæ non cognoscatur. Sicut possè comedere divisivè omnia poma, quæ sunt in canistro, est possè comedere singula; ita ut nullum sit in canistro pomum, quod non possit comedi: possè autem omnia collectivè comedere, est possè omnia sic comedere; ut nullum remaneat in canistro pomum, quod non comedatur.

IV. Præterea: Veritates naturales, aliæ sunt naturales ex parte luminis tantum, non ex parte objecti: sicut Deum esse unum, intellectivum &c. ex

parte objecti divinæ, & supernaturales veritates in seipsis sunt; ex parte luminis tamen sunt naturales: quia ratione connexionis, quam habent cum ratione naturali, per lumen naturale cognosci possunt. Aliæ sunt naturales ex parte objecti, sed non ex parte luminis; quarum scilicet notitiam per sensus, seu per sensibilia habere non possumus: quales sunt cogitationes, & secreta cordium, dum non manifestantur exterius: futura contingentia, & etiam præterita, quæ sui vestigium non reliquerunt: similiter quot arenæ sint in mari, quot lapilli in flumine: veritates de Angelis demonstrabiles, quæ non cadunt sub sensu: & infinitæ aliæ, quæ de rebus possibilibus formari possunt. Aliæ tandem sunt naturales tam ex parte objecti, quam ex parte luminis; ut sunt omnes illæ, quæ non solum quoad entitatem sunt naturales, sed ad quarum cognitionem beneficio sensuum mediata, vel immediate possumus devenire. De veritatibus ergo primi, & tertii generis præterea Dubium procedit: nam de veritatibus secundi generis, nullus ambigere potest, quin ad eas cognoscendas specialis gratia requiratur.

V. Circa nomen gratiæ observo, possè dupliciter accipi. Primò: generaliter pro omni eo, quod est indebitum, sive sit intra, sive supra totum naturæ ordinem. Secundò: specialiter pro eo, quod est indebitum tanquam excedens totum naturæ ordinem. Et hæc est gratia, de qua olim Controversia fuit inter Augustinum, & Catholicos ex una parte, & Semipelagianos, ac Pelagianos ex altera. Modò de hac non loquimur, sed de gratia, seu auxilio, quòd licet non sit toti naturæ indebitum, quia intra ordinem naturæ contentum; sit tamen indebitum huic, vel illi, in hac vel illa circumstantiâ.

VI. Hinc aliis terminis distingui solet Dei auxilium, seu concursus ad operandum: nempe, in auxilium generale,

rale, & auxilium speciale. Primum est illud, quod Deus dat in ordine ad aliquem actum naturæ debitum, ac ejus viribus proportionatum: unde idem est auxilium generale, & auxilium debitum secundum providentiam generalem, quâ Deus distribuit unicuique, quæ suæ naturæ conveniunt. Secundum est illud, quod datur ad aliquid indebitum; vel supra debitum naturæ, aut absolute, vel in talibus circumstantiis positæ: unde idem est auxilium speciale, ac indebitum; quod est effectus providentiæ specialis, quâ Deus interdum facit, ut natura ultra ordinarias vires agat. Quærimus ergo: an ad cognoscendas veritates naturales, quarum notitia humano ingenio comparari potest, omnes, si ve divisivè, si ve collectivè, si ve speculativas, si ve practicas necessaria sit gratia, seu auxilium speciale: an verò sufficiat auxilium generale, & debitum v creationis, & conservationis naturæ.

VII. Suppono duplicem solere distinguere potentiam. Unam physicam, quæ attenditur penes commensurationem ad actum, abstrahendo à difficultatibus, impedimentis, occupationibus &c. Alteram moralem, quæ non solum attenditur secundum commensurationem ad actum, vel objectum; sed ulterius dicit earentiam omnium impedimentorum, quæ possent eam prohibere, ne exeat in actum, vel saltem ne ita promtè, & expeditè. Sit exemplum: homo sanus, & liber à compedibus habet potentiam physicam, & moralem ad ambulandum: sed homo, qui vel laborat podagrâ, vel compedibus detinetur, physicè quidem potens est ad ambulandum, non tamen moraliter, quia non est liber ab impedimentis.

VIII. In hac Controversia quatuor sunt opiniones. Prima asserit, veritatem naturalem, quæ aliquo modo movet affectum ad rectè vivendum, non posse cognosci sine auxilio gratiæ per Christum: quæ verò non movet ad

virtutem, posse quidem cognosci sine auxilio gratiæ per Christum, non tamen sine auxilio gratiæ Dei. Ita Vazquez.

Secunda opinio est, posse quidem hominem lapsum sine speciali auxilio cognoscere multas veritates naturales tam speculativas, quàm practicas, non tamen omnes etiam divisivè; cum sint aliquæ admodum abstrusæ, & difficiles. Ita Montefino, Granado, & alii.

Tertia opinio censet, hominem lapsum solo concursu generali posse omnem veritatem speculativam cognoscere non solum divisivè, sed etiam collectivè. Quæ opinio tribui solet Durando, Cajetano, & Medina.

Quarta tandem existimat, hominem lapsum posse quidem solo concursu generali cognoscere omnes veritates naturales, si ve speculativas, si ve practicas divisivè, non tamen collectivè sumtas. Hæc est communis inter Thomistas. Nostram ergo opinionem sequentibus aperiemus.

§. I I.

Dua Priores Resolutiones.

IX. **D**ico primò. Homo non potest ullam veritatem, si ve speculativam, si ve practicam, si ve naturalem, si ve aliam actu cognoscere sine divino auxilio, saltem generali, quo Deus unamquamque causam movet ad agendum. Ita S. Doctor hæc q. 109. a. 1. concludens: *Sic igitur dicendum est, quod ad cognitionem cujuscumque veri homo indiget auxilio divino, ut intellectus à Deo moveatur ad suum actum.* Cujus rationem his verbis præmiserat: *Omnes motus sãm corporales, quàm spirituales reducuntur in primum movens simpliciter, quod est Deus. Et ideo quantumcumque natura aliqua corporalis, vel spiritualis ponatur perfecta, non potest in suum actum procedere, nisi moveatur à Deo.* Ne verò quis existimet, Deum movere creaturam per hoc præcisè, quod ei dedit, ac in ea conser-

vat virtutem motricem, addit: *Sic igitur actio intellectus, & cuiuscumque entis creati dependet à Deo quantum ad duo. Uno modo, inquantum ab eo habet perfectionem, sive formam, per quam agit: alio modo, inquantum ab ipso movetur ad agendum.* Et ne quis timeat, tali motione sibi auferri libertatem, dixerat: *Qua quidem motio est secundum sua providentia ordinem, non secundum necessitatem naturæ, sicut motio corporis embleis.* Deus enim causis, quas voluit agere necessariò, aptavit formam determinatam ad unum; iis autem, quas voluit agere liberè, formam indidit indifferentiem. Cùmque moveat omnes, ut agent convenienter ad formam, & naturam, quam eis dedit; sic se gerit, ut dum movet causas necessarias, faciat, ut agent necessariò: dum verò movet liberas, faciat, ut liberè agent, & contingentem. Operatur enim in unoquoque secundum ejus proprietatem, ut alibi docuimus, ex eodem 1. p. q. 83. a. 1. ad 3. Videri etiam potest *Leſſ. 1. in c. 3. 2. ad Cor. 1. 2. q. 51. a. 4. ad 2. Opus. 3. c. 129. Opus. 2. contra Græcos c. 10.* Sed de hoc jam sermonem habuimus in 1. p. & in bñe 1. 2. de Voluntario libero, & iterum sermo redibit de efficacia Gratix.

X. Dico secundò. Homo in statu naturæ lapſæ potest aliquas veritates naturales sive speculativas, sive practicas, etiam si ad bonum honestum moveant, cognoscere absque auxilio gratiæ per Christum; imò absque speciali auxilio gratiæ. Est contra Vazquez. Prob. maximè de veritatibus speculativis, ratione D. Thom. hic a. 1. Unaquæque forma, indita rebus creitis à Deo, ex se habet efficaciam respectu alicujus actus determinati, in quem potest secundum suam proprietatem; sicut ignis ex se habet vi suæ formæ efficaciam ad calefaciendum, visus ad videndum colores, auditus ad audiendum sanos: sed intellectus humanus habet sibi inditum lumen intellectuale, de se sufficiens ad qua-

dam intelligibilia percipienda, ea maximè, ad quorum notitiam ex sensibilibus potest devenire; ergo quemadmodum applicato combustibili, solo concursu generali, ignis potest comburere, applicato per lucem colore visus videre, & applicato sono auris audire, & hoc absque additione alicujus extranei, & indebiti: ita quoque intellectus applicato sibi intelligibili proportionato, solo concursu generali &c.

XI. Respondent Adversarii, duplex inter intellectum, & alias potentias esse discrimen. Unum, quòd potentix naturales non sunt ullo vulnere sauciæ, sicut intellectus; qui per peccatum originale mansit obnubilatus, & vulnere ignorantix læsus; alterum, quòd aliæ formæ, & potentix naturales non sunt indifferentes, sed determinatæ ad sua objecta, & actus: ignis ad calefaciendum, visus ad videndum colores, auditus ad audiendum sonum. At intellectus non est determinatus ad verum, sed indifferens ad verum, & falsum: unde concursus Dei ad verum non est illi debitus.

XII. Sed contra primò. D. Thomas laudato art. 1. dicit, Intellectum hominis lapſi ad cognoscendum indigere tantùm auxilio Dei moventis, quod generali ratione requiritur ad hoc, ut unaquæque causa agat: sed hoc est auxilium, seu concursus generalis; ergo &c.

Secundò. Lumen naturale intellectus, estò per peccatum originale fuerit attenuatum, non fuit tamen totaliter extinctum; ergo cum solo concursu generali Dei potest aliquas veritates, saltem ex clarioribus, noscere. Conf. prob. Nam lumen attenuatum, est non intensè, potest tamen lucere: & homo ægrotus potest aliquos passus incedere, est non tot, quot homo sanus: & visus, licet læsus, dummodò non sit prorsus extinctus, absque speciali conformatione videre potest aliqua maximè visibilia.

Tertiò. Estò intellectus sit indifferens

rens ad verum, & falsum, ex sua tamen inclinatione tendit ad verum sibi proportionatum; unde falsitas est contra naturam intellectus: sed cuique potentiae debitus est concursus ad terminum proportionatum suae inclinationi naturali; unde gravibus debitus est descensus, & levibus ascensus; ergo intellectui debitus est concursus ad verum, & consequenter, ut verum cognoscat, non eget gratia speciali.

XIII. Probatur secundò etiam de veritatibus moralibus. Philosophi Gentiles in disciplinis tam physicis, quam moralibus plures veritates abstrusissimas, aliasque moribus componendis aptissimas, ut ex Aristotelis, Platonis, Socratis, Senecæ, & aliorum libris colligere est, penetrarunt, ac docuerunt: atqui eas veritates non penetrarunt ex auxilio gratiae per Christum: nam, prima gratia per Christum est primus motus ad fidem, ut supra dicebamus, qui motus Gentilibus illis, qui de Christo nihil audierunt, nunquam concessus fuit. Secundò. Gratia per Christum non datur, nisi in ordine ad salutem: neque enim Christus mortuus est, ut humanarum disciplinarum, quæ nihil ad salutem conferunt, cognitionem homini lapsò mereretur. Unde S. August. Ep. 105. modò 194. ad Sixtum c. 2. ut Pelagium impugnaret, qui cum in Concilio Diospolitano gratiam confessus fuisset, & interrogatus, quid nomine gratiae intelligeret, dixisset, gratiam ipsam humanam esse naturam: *Abjiciatur (inquit) à Christianorum cordibus ista fallacia: nam omnino non istam gratiam commendat Apostolus, quæ creati sumus, & homines essemus: sed quæ iustificati, cum mali homines essemus. Ista est enim gratia per Jesum Christum Dominum nostrum.* Eadem ergo ratione nec mortuus est Christus, ut Philosophi essemus, nec ut veritates naturales cognosceremus.

XIV. Probatur tertio, Hominem lapsum sine gratia per Christum, & sine auxilio indebito posse cognoscere ali-

quas veritates morales, licet ad bonum honestum moveant. Primò. Nam principia communissima moralitatis, ut: *Quod tibi non vis, alteri ne feceris. Bonum est faciendum, malum est fugiendum*, quis, nisi rationis sit impos, statim non cognoscit? Deinde veritates, quæ in Decalogo continentur, per se movent ad bonum honestum. Vix enim fieri potest, ut quis de hac veritate: *Parentes sunt honorandi*, seridò cogitet, quin ad pietatem erga parentes exciteiur: atqui hæc, & aliæ veritates Decalogi sine gratia per Christum etiam ab homine lapsò cognosci possunt. Cum enim Decalogi præcepta sint conclusiones ex primis moralibus principiis immediatè deductæ; quis aded hebes est, ut iis cognititis istas deducere non possit? Si Gentiles olim multa opera ex objecto bonæ, & honestæ operati sunt, & nunc operantur sine auxilio gratiæ per Christum; cur sine eodem auxilio eas veritates cognoscere non potuerunt, quarum cognitio ad ea opera ex objecto bona, & honesta movere poterat?

XV. Dices tamen primò contra hanc secundam assertionem. Humana mens non potest intelligere aliquid, nisi cogitando, ut ait August. lib. 14. de Trinit. cap. 7. sed Apostolus dicit 1. ad Corint. 3. v. 5. *Non quoddam sumus sufficientes cogitare aliquid ex nobis, quasi ex nobis, sed sufficientia nostra ex Deo est*; ergo homo non potest &c.

XVI. Respondeo ad min. quoddam vel Apostolus loquitur de cogitatione merè naturali: & sic ait, non esse sufficientes &c. quia semper indigemus divino auxilio ad cogitandum quodcumque, inquantum ipsum movet ad agendum. Ita D. Tho. hoc a. 1. ad 3. Vel loquitur de cogitatione pertinente ad pietatem, religionem, & fidem: & sic, ait S. August. l. de Prædest. SS. c. 2. *Professò non sumus idonei credere aliquid, quasi ex nobis metipsi, quod sine cogitatione non possumus, sed sufficientia nostra, quæ credere incipiamus, ex Deo est.* Et hæc intelligentia, quam præ-

præfato textui adhibet etiam S. Thomas in 2. dist. 28. qu. 1. a. 1. ad 1. mentem Apostoli magis assequitur, ut Dub. præced. & nos ostendimus.

XVII. Dices secundò. Concilium Milevitanum c. 4. *Utrumque*, ait, *Dei donum est, scire quid agere debeamus, & diligere, ut faciamus*; ergo saltem ad veritates morales, quæ nos excitant ad honestè agendum, cognoscendas, gratia per Christum necessaria est. Rursus Arausicanum II. expressè ait. *Utrius muneris est, cum rectè cogitamus*. Et ne quis rectam cogitationem ad solam supernaturalem restringat, Can. 22. dicit: *Nemo habet de suo, nisi peccatum, & mendacium*.

XVIII. Respondeo, Concilium Milevitanum loqui de cognitione eorum, quæ agere debemus ad salutem; & ad hæc dicit, esse necessariam non solum gratiam illustrationis in intellectu, quam Pelagius admittebat; sed gratiam actionis in voluntate, quam Pelagius negabat, ut jam vidimus. Quare utrumque statuit Dei donum esse: & *scire quid agere debeamus*, quæ est gratia in intellectu; & *diligere, ut faciamus*, quæ est gratia actionis in voluntate. Unde Concilium Milevitanum loquitur de cognitione, quæ ad justificationem conferat, non autem de cognitione merè naturali, quæ nullo modo ad fidem, aut justificationem conducatur; qualem habuerunt etiam Gentiles, & de quâ unicè loquimur in præfenti.

Concilium verò Arausicanum II. in eodem sensu loquitur, quo Concilium Milevitanum. Agebat enim contra Semipelagianos, qui, ut vidimus, initium salutis, nempe, cogitare de salute, dicebant esse ex nobis. Quod, ut evertat, dicit: *Divini muneris est, cum rectè cogitamus*, hoc est, ut oportet ad salutem, vel ad præcavendum à peccatis; addit enim: *Et pedes nostros à falsitate, & iniustitiâ continemus*. Insuper se loqui de cogitatione, ut oportet ad salutem, explicaverat Can. 7. dicens: *Si quis per natura vigorem bonum ali-*

quod, quod ad salutem pertinet vita aterna, cogitare, ut expedit.... posse confirmat.... hæretico fallitur spiritu.

Quod verò dicitur: *Nemo habet de suo, nisi peccatum, & mendacium*; non facit sensum, quòd homo viribus propriis non possit, nisi in peccatum, & mendacium: sed quòd quidquid peccati, & mendacii est in homine, ab homine sit, non à Deo, sive fonte, iustitiæ, sive auctore naturæ. Quemadmodum enim, si quis in locum tenebrosus inferret lucem, quâ illatâ, locus ille maneret ex parte illuminatus, & ex parte obscurus; & tenebrosus; dici deberet, quòd quidquid habet lucis, & claritatis habet ab eo, qui lucem intulit; quod verò esset obscuritatis, haberet à se, seu ex defectu majoris luminis, quod illi deest: ita homo ex nihilo ortus, & rursus ex peccato originali obtenebratus, quidquid habet veritatis, sapientiæ, virtutis, & sanctitatis, habet à Deo, sive ut largitore gratiæ, sive ut auctore naturæ mentem illustrante, & voluntatem confortante: quidquid verò defectus habet, sive in cognoscendo, aut volendo, habet à se, veluti reliquias sui nihil, & contagionis ex Adamo contractæ. Unde S. August. l. de Nat. & gratia c. 3. ait: *Omnia quidem bona, quæ habet (homo) in formatione, vita, sensibus, mente, à summo Deo habet Creatore, & artifice suo: vitium verò, quod ista naturalia bona contenebrat, ut illuminatione, & eruditione opus habeat, non ab inculpabili artifice contractum est; sed ex originali peccato, quod commissum est libero arbitrio*.

XIX. Sed instabis. Si ex originali peccato vitium etiam in mentem contractum est; ergo nihil absque illustratione Dei cognoscere poterit, & consequenter sine gratiâ.

XX. Respondeo ex D. Thoma. loc. a. 1. ad 2. dist. conf. Illustratione, quæ sit applicatio luminis, con. conf. Quæ sit nova collatio luminis, subdist. ad ea, quæ vires naturalis luminis excedunt,

dunt, conc. conf. Ad ea, quæ naturali lumini sunt proportionata, nego conf. *Sol intelligibilis* (inquit S. Doct.) *qui est Deus, illustrat interius. Unde ipsum lumen naturale anima inditum est illustratio Dei, quâ illustramur ab ipso ad cognoscendum ea, quæ pertinent ad naturalem cognitionem: & ad hoc non requiritur alia illustratio, sed solum ad illa, quæ naturalem cognitionem excedunt.*

XXI. Sed replicabis. S. Thomas excludit quidem ad cognoscendum verum naturale aliam illustrationem dantem lumen habituale, non tamen aliam illustrationem, per modum gratiæ actualis; ergo &c.

Respondeo, neg. ant. Nam D. Thom. ad cognoscendum verum naturale, ultra lumen naturale à Deo inditum, id solum requirit, quod requirit unaquæque causa ad agendum actum suæ virtutis proportionatum: sed unaquæque causa ad agendum, aliud auxilium non requirit, quàm generale, seu motionem ad agendum; ergo idem dici debet de natura humanâ. Aliàs, ut ipse docet in 1. dist. 28. q. 1. 2. 5. *Aliis imperfectior esset, si non sibi sufficeret in naturalibus operationibus. Et ideo dicendum est, quòd hæc vera, sine omni lumine gratiæ superaddito, per lumen naturale intellectus agentis cognoscere possunt.*

XXII. Dices secundò. Ea, quæ Gentiles Philosophi de Deo cognoverunt, ad Rom. 1. v. 19. *Deus . . . illis manifestavit*; ergo non sine gratiâ potuerunt illa cognoscere. Unde Augustinus Epist. 120. modò 140. ad Honoratum c. 35. ait: *Ne hoc quidem nobis esse tribuendum, quòd noscimus Deum: sed eam quoque scientiam illius misericordia tribuamus.*

XXIII. Respondeo, neg. conf. Quæ Philosophi Gentiles cognoverunt de Deo, Deus illis manifestavit, non per aliquam specialem revelationem; sed præsentando eorum naturali lumini species rerum creaturarum, quæ seipsis manuducunt ad cognitionem sui Crea-

toris, ut idem Apostolus ibi dicit v. 20. Unde D. Thomas in 2. dist. 28. qu. 1. 2. 5. ad 2. de istis Philosophis loquens: *Pro tanto (inquit) dicitur eis Deus revelasse; quia naturalem rationem eis dedit, & creaturas condidit, in quibus majestas Creatoris cognosci poterat: & non per aliquod lumen gratiæ naturali lumini superadditum.*

S. Augustinus autem ibi loquitur non de cognitione Dei naturali, sed supernaturali: explicat enim illud Matth. 25. *Nescio vos.* & inde, ac si diceretur: *Nescitis me, quando de vobis magis eligis confidere, quàm de me.*

XXIV. Dices tertio. Veritatum, naturalium notitiam rectè petimus à Deo; ergo donum Dei est, quod ex gratia nobis datur.

XXV. Respondeo, neg. conf. Possumus enim pro auxilio generali Deum orare, & de eo obtento ipsi gratias agere, quando habet aliquid contingentis, & fallibilitatis: nam ob talem contingentiam rationem habet beneficii, non specialis, quia debitum est; sed generalis, quia ex parte eventus contingens est. Hac ratione oramus Deum, pro pluvia, serenitate, frugibus terræ &c. & illis obtentis gratias agimus illi; quia licet regulariter pertineant ad providentiam generalem, tamen contingentiam, & fallibilitatem habent ex parte eventus: qui eventus cum contineatur in manu Dei, qui operatur omnia in omnibus, etiam ea, quæ naturæ debita sunt; in manu ejus est etiam cognitio nostra, quamvis debita, & ideo ab ipso petenda. — Addo: quòd etsi non statuamus necessariam gratiam ad habendam cognitionem naturalium absolute; eam tamen necessariam concedimus, ad cognitionem faciliùs obtinendam, vel ut ipsâ utamur, prout expedit ad salutem. Et sub hac ratione scientiam à Deo petimus, & à Deo petebat Salomon, Sap. 9.

XXVI. Dices quartò. Homini per peccatum insiduum est vulnus ignorant-

rantiz, quod sanari non potest, nisi per gratiam Christi; ergo sine istâ non potest saltem veritates practicas cognoscere.

Confirmatur. Ex cognitione veri moralis nascitur prudentia: at sine gratiâ Christi non potest homo esse prudens: quia prudentia absque virtutibus moralibus esse non potest, hæ autem absque gratia Christi haberi nequeunt; ergo &c.

XXVII. Respondeo, neg. conseq. Nam vulnus ignorantiz non verè, ac perfectè sanatur ex hoc, quod homo aliquas veritates etiam morales cognoscat, nisi lumine fidei illustretur; fides autem non datur, nisi ex meritis Christi.

XXVIII. Ad Confirm. nego maj. Nam vera, & perfectâ prudentia non oritur ex qualibet cognitione veritatis moralis; sed tantum ex ea, quâ de omnibus agilibus rectè judicari potest: sic autem judicare nemo potest sine gratiâ speciali. Ratio est: quia prudentia circa omnia agibilia, etiam quoad substantiam, & quoad officium sumta, supponit appetitum circa omnia rectum, & ordinatum; intellectus enim judicat pro variis voluntatis affectibus: sine autem speciali gratiâ per Christum appetitus non potest esse circa omnia rectus. Hinc licet Philosopho persuasum sit, Deum esse super omnia diligendum, non esse tentationi consentiendum: sine gratiâ tamen non judicat, hic, & nunc Deum super omnia diligendum esse, ac tentationi non consentiendum. Nam judicium illud semper est conjunctum cum praxi: includit enim imperium, quo voluntas agere jubetur id, quod intellectus judicat, hic & nunc esse faciendum.

XXIX. Dices quintò. Homo per peccatum factus est cæcus, ideoque à Gregorio Magno *Homil. 11. in Evang.* figuratur in illo cæco, cui Dominus, *Luca 18.* visum restituit: at cæcus propriis viribus nihil potest videre; ergo &c.

Tom. IX.

XXX. Respondeo, hominem per peccatum factum quidem esse omnino cæcum, quoad veritates ordinis supernaturalis, & quæ conferunt ad salutem; quia fuit privatus lumine fidei, & scientiz, quod Deus primis Parentibus infuderat: non tamen fuisse factum omnino cæcum, quoad veritates naturales, ita ut privatus fuerit lumine naturalis rationis. Alioquin homo lapsus nec prima quidem principia naturalia, nimirum: *Totum est majus sua parte: Bonum est faciendum, malum est fugiendum*, propriis viribus posset cognoscere, quod nemo dixerit.

§. III.

Alia Resolutiones.

XXXI. **D**ico tertio. Homo in statu nature lapsus potest sine gratiâ cognoscere singulas veritates naturales, tam speculativas, quam practicas: hoc est, nulla ex præfatis veritatibus est, quam cum solo auxilio generali Dei non possit cognoscere; quod est, posse cognoscere omnes divisivè.

Assertio hæc intelligi debet primò de veritatibus naturalibus, ad quas homo per sensum, & sensibilia potest pervenire. Si enim veritates aliquæ naturales sint adeo latentes, ut ad eas per sensus homo nec studio, ac labore possit pervenire, de his præfens assertio non procedit. Secundò debet intelligi non de omnibus hominibus etiam rudibus, & hebetis ingenii; multi enim ait D. Tho. 1. *contra Gent. c. 4.* propter complexionis indispotionem naturaliter sunt indispositi ad sciendum; multi vel otio, vel pigritiâ, vel curâ rei familiaris distrahuntur: sed de aliis excellenti ingenio præditis, qui studio, & contemplationi rerum naturalium vacant. Hi enim sine speciali gratiâ proprio studio, inquisitione, industriâ, inventionem, vel aliorum magisterio quamlibet veritatem possunt cognitione divisivè assequi.

C

Quoad

Quoad veritates etiam naturales practicas observandum est, eas esse in duplici differentia: quædam enim pertinent ad artes, & dirigunt factionem: quædam, dictæ morales, dirigunt humanas actiones. Istarum autem aliquæ spectant ad Philosophiam moralem; suntque vel principia moralitatis, vel conclusiones ex iis deductæ. Aliæ spectant ad prudentiam, & dicuntur, quid hic, & nunc agendum sit. Dum ergo dicimus, intellectum hominis lapsi posse sine speciali gratiâ cognoscere omnes veritates naturales, etiam practicas, divisivè; non loquimur de vero practico ad prudentiam spectante: quia verum practicum ad prudentiam spectans est illud, quod hic, & nunc agendum est, secundum conformitatem ad appetitum rectum, ut nuper dicebamus: & hoc, saltem in singulis occasionibus, sine speciali gratiâ haberi non potest. Sed loquimur de veritatibus practicis, sive artificialibus, sive etiam moralibus, ad Philosophiam moralem spectantibus, à qua confideantur solum in universali: & etiam si sumantur in particulari, dum tamen proponantur solum indifferenter voluntati, de iis eadem ratio videtur esse, ac de speculativis.

XXXII. Assertio igitur sic explicata prob. primò. Ex pluribus hominibus in actu primo expeditis, & potentibus tam physicè, quàm moraliter quamlibet veritatem divisivè cognoscere, non est specialis gratia, quodd alicui saltem illorum detur auxilium ad quamlibet divisivè cognoscendam: causæ enim sufficientes, & expeditæ ad actum sibi connaturalem debetur concursus ad agendum; ita ut ad nullum actum ei specialis gratia fiat: sicut igni debetur concursus ad comburendum: quodcumque combustibile sibi applicatum: atqui ex providentia generali Dei conditi sunt plures homines expediti physicè, & moraliter ad quamlibet veritatem divisivè studio, & industria cognoscendam; ergo alicui illorum dari auxi-

lium ad quamlibet veritatem divisivè cognoscendam, specialis gratia non est. Min. probatur. Ex vi enim providentiæ generalis quovis tempore, creari homines excellentis ingenii, fortes, integræ fanitatis, longioris vitæ, & contemplationi deditos, pertinet ad perfectionem humanæ naturæ: & hoc nedum inter Christianos, sed etiam inter Gentiles; quorum aliqui studiosissimi fuere, & talis ingenii, ut quamlibet veritatem indagantes, eam assequerentur, talisque valetudinis, ut usque ad decrepita senectam sanitate integri pervenerint.

XXXIII. Probatur secundò, præcipuè de veritatibus moralibus in generali, vel etiam in singulari indifferenter tamen propositis. Nam eadem ratio est de veritatibus moralibus in universali cognoscendis, ac de veritatibus speculabilibus; cum omnes, vel sint prima principia, quæ ex iis terminis innotescent, ut ista: *Quod tibi non vis, alteri ne feceris: Deus est colendus: Bonum est faciendum, malum vitandum*: vel sunt conclusiones ex primis principiis immediatè, vel mediatè deductæ, ut sunt præcepta legis naturæ; ideoque sunt viribus naturæ proportionatæ, ut nulla possint occurrere in eis cognoscendis difficultas viribus nativis insuperabilis; ergo quæmadmodum singulæ veritates speculabiles, ita & singulæ veritates morales in universali possunt solo concursu generalis providentiæ divisivè cognosci.

De veritatibus etiam moralibus in singulari, indifferenter tamen propositis, probatur. Nam cognitio indifferenter proponens verum practicum in singulari, vel constituit, vel est unum ex necessariis requisitis, ad constituendum liberum arbitrium; ut ostendimus Tom. 1. in 1. 2. Tract. de Arb. Human. Q. 2. de Voluntario libero Dub. 4. §. 1. sed liberum arbitrium non est specialis gratia homini; ergo neque cognitio indifferenter ei proponens objectum: cui enim non est specialis

ialis gratia constitutum, neque debet esse specialis gratia id, quod ad ejus constitutionem necessarium requiritur. Min. quoque est certa: quia liberum arbitrium spectat ad constitutionem naturæ humanæ inquantum rationalis.

Confirmatur primò. Pelagius admittere liberum arbitrium ad bonum, & cogitationes, quibus sufficienter ei bonum proponeretur: & tamen à Patribus reprehenditur, tanquam non admittens specialem gratiam ad bonum requisitam; ergo liberum arbitrium cum cognitione indifferenti specialis gratia non est.

Confirmatur secundò. Sicut, ut oculus videat, requiritur concursus speciei, & objecti eum constituens in actu primo; ita, ut voluntas sit facultas ad liberè operandum expedita, necessarium requirit cognitionem indifferenter proponentem objectum: sed ex quo debitum est homini visus, debitum est etiam concursus speciei, & occursum objectorum; ergo ex quo debitum sit homini liberum arbitrium, debita est ei cognitio indifferenter proponens bonum, & malum.

XXXIV. Dixi: debitam esse cognitionem, seu iudicium indifferenter proponens bonum, & malum. Quòd si loquamur de iudicio practico distante, hic, & nunc esse prosequendum bonum, & inclinante voluntatem ad illud; estò concedam, posse illud formari ab homine lapsò sine speciali gratià in aliquo casu: non tamen concedam posse formari in omni, etiam divisivè. Et ratio est: tum quia tale iudicium insert in voluntate actum bonum; ergo eodem modo loqui debemus de illo, ac de actu bono: sed voluntas sine speciali gratià potest quidem aliquid opus bonum facere, ut dicemus, non tamen omne adhuc divisivè; non enim sine speciali gratià opus bonum facere potest in præsentia gravis tentationis, aut aliud opus valde difficile; ergo &c.

Tum etiam: quia tale iudicium res-

picit verum practicum ad prudentiam spectans; sed, ut supra dictum est, non potest homo lapsus sine speciali gratià formare dictamen rectum ad prudentiam spectans, saltem in omni casu; ergo &c.

XXXV. Dico quartò. Homo lapsus est impotens sine gratià speciali ad cognoscendas omnes veritates naturales, sive speculativas, sive morales, etiam in universali, collectivè: nimirum, totam earum collectionem sic absorbendo, ut nulla remaneat cognoscenda. Hanc veritatem demonstrant insuperabilia impedimenta, quæ reddunt hominem lapsum ad hoc impotentem. Primò. Vita brevior, quàm ut satis sit ad tot tantarum, ac ferè infinitarum veritatum notitiam comparandam. Secundò. Acumen ingenii, quod ob debilia sensuum organa continuo labore prorsus obtunditur, juxta illud Sap. 9. v. 15. *Corpus enim, quod corrumpitur aggravat animam, & terrena inhabitatio deprimit sensum multum cogitantem.* Hinc nimio studio additi contrahunt ægritudines, quibus plerumque speculationi efficiuntur inepti. Tertio. Quia nemo unquam, post Adami lapsum, omnium omnino veritatum naturalium cognitionem, quantacumque diligentiam, quantumcumque studio assecutus est. Imò neque omnes, qui ab Adamo usque ad præsens floruerunt, omnes omnino veritates naturales deprehendisse, indicant plurimæ veritates, quæ retroactis seculis incognitæ, nostris seculis innotuerunt; ergo omnium veritatum collectivè summatarum cognitio est homini lapsò impossibilis.

XXXVI. Quæres primò: Qualis sit impotentia in homine lapsò ad totam collectionem veritatum naturalium cognoscendam?

Respondet, in quodam sensu dici posse solum morale, & in alio physicam. Solum morale: quia non est ex defectu virtutis, imò in intellectu supponitur virtus sufficiens ad totam collectionem; quia intellectus agens potens

potens est ex omnibus species formare, & intellectus possibilis eas recipere; sed oritur præcisè ex impedimentis supra enumeratis, quæ obstant, ne intellectus possit totam suam virtutem explicare. Dici etiam potest impotentia physica; quatenus in homine nulla datur potentia physica ad hæc impedimenta superanda: sicut homo ligatus habens vires ad ambulandum, sed non valens abicere à se ligamina, dicitur physicè impotens ad ambulandum.

XXXVII. Quæres secundò: Quælis gratia requireretur ad hanc impotentiam vincendam?

Respondeo, gratiam, quæ requireretur, non fore quidem quoad substantiam supernaturalem; fore tamen supernaturalem quoad modum, non absolute, sed relatè ad hominem lapsum. Non fore supernaturalem quoad substantiam, videtur certum. Nam hæc requiritur solum ad id, quod substantialiter excedit vires naturæ creatæ, & creabilis: talis autem non est collectio omnium veritatum naturalium. Fore tamen supernaturalem quoad modum, patet: quia modus, quo homini darentur species, & scientia omnium veritatum naturalium collectivè, esset supra debitum, & exigentiam naturæ humanæ lapsæ. Fore verò supernaturalem quoad modum relatè solum ad hominem, non absolute, probatur. Quia cognitio omnium veritatum naturalium, quæ ex sensibilibus haberi potest, etiam collectivè, non est supra exigentiam, imò est debita naturæ Angeli; ergo licèt sit supernaturalis quoad modum respectu naturæ hominis, ob impedimenta, quæ in eo sunt, non tamen absolute: ad hoc enim oporteret, ut talis modus excederet, non solum naturam, & exigentiam hominis, sed cuiuscumque naturæ creatæ, & creabilis.

XXXVIII. Quæres terciò: An huiusmodi gratia requisita ad cognitionem omnium veritatum naturalium collectivè, sit gratia solum Dei Condi-

toris; an verò sit gratia Christi Redemptoris, & consecranda ex ejus meritis?

Censent aliqui, fore gratiam Dei Conditoris, non Christi Redemptoris, moti ex August. Ep. 105. modò 194. ad Sixtum. Et ex PP. Africanis Ep. 95. modò 177. ad Innocentium, dicentibus, gratiam per Christum esse illam, ad quam nobis procurandam, Christus mortuus est: atqui non est mortuus, ut homines, aut Philosophi essemus, sed ut essemus iusti; ergo &c.

Verius tamen, & communius censent alii, gratiam illam fore per Christum, & ex ejus meritis. Quia quibus daretur, daretur, vel ut ipsi ad pietatem reducerentur; vel ut alios reducerent ad salutem. Quod colligere licet in Salomone, & aliis, quibus scientia concessa est, vel ob propriam, aut aliorum salutem, vel ad Ecclesiæ edificationem. Quo pacto dici potest, Aristoteli, & aliis similibus, si qui sunt, ex Christi gratia fuisse datam. plurium veritatum cognitionem ad bonum Ecclesiæ, & profectum fidelium: cum eorum doctrinis Ecclesiæ, & PP. usi fuerint ad veritates fidei cum Philosophia conciliandis.

Neque verum est, ea sola cadere sub meritis Christi, propter quæ Christus est mortuus. Nam Christus meruit sui nominis exaltationem, sui corporis gloriam, illuminationes, & gaudia accidentaliter Angelorum: & tamen propter ista mortuus non est, sed solum propter nos homines, & propter nostram salutem.

§. I V.

Objectiones contra has duas Resolutiones.

XXXIX. **C**ontra tertiam assertionem objici potest primò. In homine lapso multa sunt impedimenta, tum extrinseca, tum intrinseca: debilitas humani ingenii, pigritia, tedium laboris, brevitatis vitæ, & alia, quæ sicut obstant cognitioni

tionem omnium veritatum naturalium collectivè, ita & singularum divisivè. Eo vel maximè, quòd Aristoteles 2. *Metaph. c. 5.* docet, quòd intellectus non se habet ad manifestissimam naturam, sicut oculus nocturnæ ad lumen solis. Et experientia testatur, plures etiam excellentis ingenii erga eandem veritatem, post longum studium, & laborem veritatem non invenisse: cujus signum est varietas opinionum, quæ divisi sunt, imò errores, in quos lapsi sunt. Nisi ergo addit gratia & auxilium indebitum, non potest homo lapsus singulas veritates cognoscere.

XL. Respondeo, præalata impedimenta officere quidem. ne homo lapsus absque gratiâ cognoscere possit omnes veritates naturales collectivè; & rursus, ne quilibet homo possit etiam singulas divisivè cognoscere: non tamen, ne in tota specie humana dari possit aliquis homo excellentis ingenii, complexione fortis, à curis omnibus abstractus, qui solo concursu generali Dei quamcumque veritatem, cui se applicaverit, assequi possit: in quo sensu procedit nostra assertio. — Neque id negat Aristoteles. Ut enim exponit D. Thom. ibi, *per manifestissimam naturam* non intelligit veritates ex sensibilibus cognoscibiles, de quibus loquimur; sed substantias immateriales, ut Deum, & Angelos, quas, cum sint remotæ à sensibus, non potest homo quidditivè, ac perfectè cognoscere: unde nisi confortetur, se habet ad eas sicut nocturnæ ad lumen Solis — Varietates autem opinionum solum arguunt, multos aliquas veritates non fuisse assecutos, non tamen nullum: & dato etiam nullum fuisse adhuc assecutum; non sequitur, alios non fuisse assecuturos, si majori indagine eas conarentur penetrare.

XLI. Obiicit secundò contra eandem. Voluntas non potest ad omne opus bonum, etiam divisivè, absque speciali gratiâ, ut dicimus; ergoneque intellectus: quia sicut voluntas per peccatum manet infirma; ita in-

tellectus vulnus ignorantie contraxit.

Confirmatur primò. Non est ratio, quare intra ordinem naturæ detur opus bonum adeo difficile, ut ad illud egeat voluntas speciali auxilio; & in linea veri non detur veritas aliqua adeo difficilis, ut ad ejus cognitionem requiratur specialis gratia: præsertim quia, ut ait D. Thom. 1. *Contra Gentes c. 4.* aliquæ sunt veritates valde difficiles, & ad quarum cognitionem ordinatur totius Philosophiæ consideratio.

Confirmatur secundò. Deus in ratione boni non magis excedit voluntatem humanam, quàm verum divinum, intellectum creatum. Et sicut graves tentationes reddunt opus morale difficile: ita cognitio veri redditur difficilis ex studio, labore, accedente tædio, pigritiâ, & distractione ad alia.

XLII. Respondeo, negando consequens. Duplex enim assignari solet disparitas. Primâ: quòd per peccatum gravius fuit infixum vulnus voluntati in ordine ad bonum, quàm intellectui in ordine ad verum, præsertim speculabile. Nam voluntas manet aversa ab ultimo fine, qui est primum principium in moralibus: at intellectus circa prima principia speculabilia manet illæsus. Ut autem docet S. Tho. 2. 3. *de Mdo a. 13.* qui errat circa prima principia, difficilius potest reduci, quàm qui errat solum circa conclusiones; quia hic potest reduci ad veritatem per principia, in quibus non errat.

Secundâ disparitas est (& fortè melior) quòd intellectus speculativus non est principium movens alias potentias, sed perficit suum opus intra se: & quamvis ad illud utatur sensibus, isti non impediunt, sed potius juvant intellectum, tanquam ministri ad intelligendum. At voluntas est principium movens cæteras potentias, à quibus sæpè rebellionem patitur, & resistantiam: appetitus enim sensitivus sæpè rebellis voluntatis imperium infirmat, ut in gravi tentatione contingit; ideoque

que ita difficilem reddit actum voluntatis, ut nisi adit specialis gratia, illum producere nequeat.

XLIII. Ad primam Conf. ratio est jam assignata. Nam à bono rationis diligendo sensibilia, ratione rebellionis appetitus, conantur retrahere voluntatem: at à vero cognoscendo non retrahunt, sed potiùs ad illud manuducunt intellectum. Hinc dilectio summi boni est inter opera difficillimum, cognitio autem summi veri potiùs est facillima; quia sensibilia eam potiùs promovent, quàm impediunt. Et quæcumque veritates in se difficiles beneficio sensuum, studio, ac labore superare possunt.

XLIV. Ad secundam Confirm. dico, Deum in ratione boni à voluntate prosequibilis (est non in ratione entis) magis excedere voluntatem humanam, quàm in ratione veri ab intellectu attingibilis: quia à prosecutione Dei summi boni sensibilia retrahunt voluntatem, ab attingentia vero Dei summi veri non retrahunt, sed ad eam potiùs manuducunt. Difficultates autem retrahentes à studio ob laborem, tedium &c. non sunt in intellectu ad cognoscendum, sed in voluntate ad applicandum intellectum: unde sequitur, quòd auxilium speciale poni debeat in voluntate, non in intellectu.

XLV. Obijcies tertio contra eandem. Auxilium ad cognoscendum quodlibet verum divisivè non est debitum; ergo est speciale. Ant. prob. Intellectui Petri non est debitum auxilium ad cognoscendum potiùs speculabile, quàm fabrilis: intellectus enim Petri est indifferens ad contemplanda speculabilia. & fabrilia; ergo auxilium ad contemplandum determinatè speculabilia non est ei debitum.

XLVI. Respondeo, dist. ant. Non est debitum huic individuo determinatè, conc. antec. Non est debitum speciei humanæ, nego antec. Ad probationem autem assumtam eodem modo respondeo. Certum est ergo, quòd

non est debitum titulo creationis, ut Petrus applicetur potiùs ad speculabile, quàm ad fabrilis: & ideo respectu illius dici potest gratia, orta tamen ex creatione, quòd applicetur potiùs ad speculabile. Cæterum respectu totius speciei humanæ debitum est: quia titulo creationis debetur naturæ humanæ, ut aliquod ejus individuum, vagè sumptum, vacet contemplationi speculabilium. Sicur quòd Petrus sit acuti ingenii, sit agilis naturæ, favor est Petri; non tamen est favor, sed debitum speciei humanæ.

XLVII. Obijcies primò contra quartam assertionem pro Cajetano. Vultus ignorantie, ex peccato originali contractum, non affert intellectum speculativum; ergo homo in statu naturæ lapsæ sine speciali auxilio potest omnes veritates naturales speculabiles collectivè cognoscere. Probat ant. ex D. Tho. 1. 2. q. 85. a. 3. ubi enumerans potentias, quæ per peccatum remanserunt vulneratæ, asserit, unam esse Rationem in qua est prudentia: sed Ratio, in qua est prudentia est, Ratio practica, non speculativa; ergo &c.

XLVIII. Respondeo, neg. ant. ad probat. dico. S. Thomam ibi solum velle, quòd vulnus ex peccato relictum, sit in Ratione practica, in qua est prudentia, præcipuè & principaliter; non verò, quòd unicè in illa sit: ita ut nec mediàtè Ratio speculativa sit vulnerata. Quare citato loco dicit: *Per peccatum, & Ratio hebetatur, præcipuè in agendis*. Videantur quæ diximus Tom. 6. in 1. p. Qu. 10. Dub. 1. §. 2. ubi vulnera ex peccato originali in intellectu relictà descripsimus.

XLIX. Obijcies secundò contra eandem. Quælibet causa cum solo auxilio generali potest exire in actum suæ virtuti proportionatum; sed cognitio omnium veritatum naturalium, etiam collectivè sumatarum, est actus proportionatus lumini naturali intellectus hominis etiam lapsi; cum non solum singulæ, sed tota earum collectio contineatur sub ente per sensibilia cognoscibi-

scibili, quod est obiectum proportionatum intellectus humani; ergo &c.

Si respondeas, maj. veram esse de actu proportionato proportionem tam physicā, quam morali; non verò de actu proportionato proportionem quidem physicā, sed non morali. In statu autem naturæ lapsæ, dico, quoddam collectio veritatum naturalium sit proportionata proportionem physicā; non tamen est proportionata proportionem morali, propter impedimenta supra relata, quibus quasi ligatur, ne exeat in actum circa illam.

L. Replicabis. Non obstantibus illis impedimentis, potest homo lapsus singulas veritates naturales divisivè cognoscere; ergo & omnes collectivè. Conf. prob. Quia à singulis enumeratis ad omnes simul valet consequentia; ut si dicatur: hic homo est risibilis, ille est risibilis, ille &c. ergo omnes homines simul sunt risibiles.

Explicatur. Supponamus, veritates naturales esse centum: homo valens attingere omnes divisivè absque speciali gratiā, poterit, verbi gratia, attingere nonaginta novem veritates; ergo poterit attingere centesimam; ergo omnes collectivè.

LI. Respondeo, conced. antecedens negand. consequentiam. Ad prob. dico, quoddam modus arguendi à singulis ad omnia simul est bonus, quando consequens eodem modo sumitur ac antecedens; secus si sumatur diverso modo. Ut si dicerem: hic equus divisivè, & separatim sumtus non potest trahere currum, nec ille; ergo neque omnes collectivè, & simul sumti non valeret: quia procederetur à sensu divisivo ad collectivum. Ita in casu: quamvis hæc consequentia sit bona: potest intellectus hanc veritatem divisivè ab alia cognoscere, & istam, & illam; ergo potest omnes divisivè: non tamen valet: potest intellectus hanc, & illam divisivè cognoscere; ergo omnes collectivè, eadem ratione: valet tamen in casu allato, ratione materiæ, quia arguitur in materia necessaria.

Ad explicationem dico, eam non bene percipere sensum divisivum, & collectivum. Sensus enim divisivus stat in hoc (quoad præsens) quoddam possit quis quamlibet earum veritatum attingere; ut nulla sit inter eas, quæ non possit attingi. Sensus verò collectivus stat in hoc, quoddam possit quis omnes illas attingere, ut nullam relinquat, quam non attingat, non quidem simul, sed successivè. Sit exemplum: dentur plures racemi in canistro: dicetur quis posse omnes illos racemos divisivè comedere; quia inter illos nullus est racemus, quem non possit comedere: dicetur autem posse omnes illos comedere collectivè, si eos omnes comedit, ut ex eis nec unum relinquat, quem non comedit, estd successivè. Patet ergo, quoddam præfata explicatio confundit sensum divisivum cum collectivum successivo.

LII. Sed dices. Intellectus cum sit potentia spiritalis, quò plures veritates cognoscit, eò potentior sit ad cognoscendas alias; ergo tandem poterit ad omnium collectionem devenire.

Respondeo, neg. conf. Estd enim intellectus, qui plura cognoscit, eò fiat ad alia cognoscenda potentior in seipso; attamen in sibi adjunctis, & interventibus, puta sensibus, debilitatur, & fatigatur: ac subinde, ob tale impedimentum, non potest omnium collectionem attingere.

DUBIUM IV.

An possit Homo lapsus velle, & facere Bonum, sive Justus, sive Peccator sit, sive Infidelis?

§. I.

Quadam præstantior.

I. **H**omo in triplici statu considerari potest. Vel in statu puræ naturæ, in quo quidem non fuit, sed à Deo condituit.

tuit. In statu innocentiae originalis, in quo fuit Adam ante peccatum, & fuissent omnes ejus Posteriores, si non peccasset, violando præceptum. In statu naturæ lapsæ, seu corruptæ, in quem cecidit Adam peccando, & in quem cum ipso omnis ejus posteritas prolapsa est.

II. Homo lapsus potest esse vel justus habens gratiam justificantem; vel injustus carens gratiâ justificante, sed habens fidem supernaturalem: vel infidelis carens gratiâ, & infuper fide. De homine in hoc triplici statu quærimus: an possit facere opus bonum morale, & honestum?

III. Opus autem bonum aliud est bonum, & honestum bonitate solum, & honestate morali: & est illud, quod versatur circa materiam convenientem & nullâ circumstantiâ vitiatur, sed procedit ex dictamine rectæ rationis: veluti cum infidelis quispiam, naturali honestate motus, reveretur patrem, reddit depositum, tuetur innocentem &c. Aliud est opus bonum ad salutem: estque illud, quod habet non solum omnes circumstantias requisitas, ut supra, ad opus bonum morale, sed insuper confert ad æternam salutem: estque à speciali auxilio Spiritus Sancti, sive inhabitantis sive moventis. Ejusmodi sunt illa bona opera, quæ per inhabitantem Spiritus Sancti gratiam sunt ab hominibus justificatis: & etiam illa, quæ, Spiritu Sancto cor movente, ad justificationem disponunt; ut credere, sperare, diligere, de peccatis poenitere.

IV. In hac materia plures errarunt. Pelagius, de quo supra, voluit, omne opus bonum etiam salutare, & ut oportet ad salutem, fieri posse sine gratiâ Dei per Christum, saltem assente voluntate. Lutherus, & Calvinus, nullum opus in se bonum ab homine lapsio fieri posse dixerunt; sed omnia opera, etiam hominis justificati, esse in se immunditia, & veluti pannum menstruatæ, & solum ex meritis Christi non imputari. Michael

Bajus existimavit, ad omne opus bonum morale requiri gratiam habitualem, & imperium Caritatis: ac subinde omnia opera, quæ sunt à peccatore esse abominationes, & peccata. Jansenius autem asseruit, ad omne opus bonum moraliter gratiam fidei esse necessariam: ex quo intulit, omnia opera Infidelium esse peccata, & omnes eorum virtutes, vitia. Hoc proponit tanquam indubitatum S. Augustini doctrinam l. 3. de Statu naturæ lapsæ c. 14. *Nullum videlicet opus bonum, ne quidem moraliter, ab humano arbitrio fieri posse, nisi per gratiam, non quamlibet, sed fidei, liberetur: ut proinde ante fidem non sit ei liberum, à peccato, dum bte, & nunc agere meditatur, abstinere; sed quicumque sese verterit, quâdam humanis viribus insolubili peccandi necessitate teneatur.*

V. Omnes tamen Doctores verè Catholici, quamvis concorditer sentiant contra Pelagium, Lutherum, & Calvinum, Bajum, & Jansenium, dissident tamen in hoc: quòd quidam ad omne opus bonum morale eliciendum requirant gratiam quamdam actualem specialem, & theologicam collatam ex meritis Christi. Ita Vazquez cum aliquibus aliis. Quidam verò admittunt, sine gratiâ speciali, cum solo auxilio Dei moventis, hominem lapsum posse aliquod opus bonum moraliter efficere. Ita communis sentiunt S. Thomæ discipuli, modo tamen inferius explicando. Prius igitur hoc Dubio errores eliminabimus: opiniones verò Catholicorum in sequenti discutietur.

§. I I.

Resolutio contra Pelagium.

VI. **D**ico. Nullum bonum salutare, & conducens ad vitam æternam fieri, vel haberi potest absque gratiâ actuali speciali per Christum datâ. Dico fieri vel haberi: quia non solum actiones, quæ sunt à nobis, sed etiam habitus virtutum infusarum, quæ

quæ erit non fiant à nobis, habentur tamen, à dono Dei gratuito per Christum descendunt.

VII. Probatum primò. Quia Christus, Joan. 14. v. 6. universaliter dicit: *Ego sum via, & veritas, & vita, nemo venit ad Patrem, nisi per me*: atque per quodlibet opus ad salutem perueniens itur ad Patrem; ergo illud fieri, aut haberi non potest, nisi per Christum, eius scilicet gratiam.

Rursum Joann. 15. v. 5. *Sinè me inquit, nihil potestis facere*; loqui autem Christum de opere conducente ad salutem, quod per Christi gratiam fieri debeat, ex contextu liquet. Ibi enim seipsum comparat viti, & discipulos palmitibus; qui, si in vera vite Christo manserint, multum fructum afferent: fructum utique salutis, qui emanat à Christo, & quem à discipulis suis ipse requirit. Super quæ S. Aug. Tract. 81. in Joan. ait: *Ne quisquam putarit, saltem parvum aliquem fructum posse à semetipso palmitem ferre; eum dixisset: Hic fert fructum multum, non ait: quia sinè me parum, sive multum, sed: Nihil potestis facere. Sive ergo parum, sive multum, sinè illo fieri non potest, sinè quo nihil fieri potest. Quia etsi parum adtulerit palmet, eum purgat agricola, ut plus afferat: tamen nisi in vite manserit, & vixerit de radice, quantumlibet fructum à semetipso non potest ferre.*

Tertio: ex locis supra relatis Dub. 2. §. 2. quibus ostensum est, sinè gratia Dei per Christum nec posse nos cogitare, desiderare prout oportet ad salutem, tam ex Scripturis, quàm ex Augustino, & Concilio Araucano II. non enim inutiliter repetenda sunt. Solum addo eundem S. August. lib. de Gratia Christi ita scribentem: *Gratiam Dei, quæ caritas diffunditur in cordibus nostris per Spiritum Sanctum, qui datus est nobis, sic consecratur qui vult veraciter consistere; ut omnino nihil boni sinè illà, quod ad pietatem pertinet, veramque iustitiam, fieri posse non dubitet.*

Tom. IX.

VIII. Ratio autem est: quia nulla creatura habet naturalem facultatem, ut per se, seu suis naturalibus viribus eleveur ad gradum naturæ altioris; ergo non potest propriis viribus, absque auxilio divinæ gratiæ, tendere ad finem supernaturalem; cum ergo ad eum tendat per opera supernaturalia, non potest ea facere absque gratiæ auxilio. Alioquin, ut benè discurrebat Paulus, Galat. 2. v. 21. Si homo potest per opera moralia legis ad iustitiam tendere; *Ergo gratis Christus mortuus est*: quia non ob aliam causam Christus est mortuus, nisi propter nostram justificationem — Addo: quod omne opus ad salutem pertinens, vel est dispositio ad gratiam, vel est meritum vite æternæ: sed homo non potest facere opera disponentia ad gratiam, sinè gratiâ Spiritus Sancti moventis, nec opera meritoria vite æternæ sinè gratiâ Spiritus Sancti inhabitantis, ut infra ostendetur; ergo &c.

Pelagianorum argumenta solvimus Tom. 4. in 1. p. Qu. 3. de Caus. Prædest. Dub. 1. §. 4. quæ Studiosus videre poterit.

§. III.

Resolutio contra Lutherum, & Calvinum.

IX. Dico. Neque omnia Iustorum opera sunt peccata; neque omnis actio humana est mala in se. Probatum primò ex Trident. à quo anathemate feritur, Sess. 6. Can. 7. *Si quis dixerit, opera omnia, quæ ante justificationem sunt, quæcumque ratione facta sint, verè esse peccata, vel odium Dei mereri; aut quantò debementius quis nititur se disponere ad gratiam, tantò cum gravius peccare.* Et Can. 25. *Si quis in quolibet bono opere iustum, saltem venialiter peccare dixerit, aut, quod intolerabilius est, mortaliter; atque ideo penas æternas mereri; tantumque ob id non damnari, quia Deus ea opera non imputet ad damnationem.*

D

X.

X. Multa sunt, quæ adversus hunc errorem à Theologis Polæmicis adducuntur ex Scripturis, & PP. nos brevitate studentes aliqua subjiciemus. Primò ergo probatur ex Job. 1. v. 1. *Vir erat in terra Hus nomine Job, & erat vir ille simplex, & rectus, ac timens Deum, & recedens à malo.* Quod Deus ipse confirmavit, v. 8. dum ad Satan conversus dixit: *Nunquid considerasti servum meum Job, quòd non sit ei similis in terra, homo simplex, & rectus, ac timens Deum, & recedens à malo?* Quomodo autem dicere potuisset Deus, Job esse virum rectum, recedentem à malo, timentem Deum, si in omni opere suo peccasset mortaliter? Aut ergo Deus falsum dixit; aut (quod verum est) falsum dicunt Lutherus, & Calvinus. Imò Satan ipse potuisset Deum redarguere, dicens: non est verum, quòd Job sit vir rectus, sit timens te, recedat à malo, cum continuò peccet; sed tu non imputas ei peccata, quæ facit.

XI. Secundò. David ad Deum loquens, de semetipso, Psal. 7. v. 10. dicit: *Judica me, Domine, secundum justitiam meam, & secundum innocentiam meam super me.* Psal. 16. v. 1. *Exaudi, Domine, justitiam meam.* v. 3. *Probasti cor meum, & visitasti nocte: igne me examinasti, & non est inventa in me iniquitas.* v. 15. *Ego autem in justitia apparebo conspectui tuo.* Psal. 77. v. 24. *Et ero immaculatus cum eo.* v. 25. *Et retribuet mihi Dominus secundum justitiam meam, & secundum puritatem manuum mearum in conspectu oculorum ejus.*

An hæc tantà fiducià dixisset David, si scivisset, omnia sua opera esse coram Deo injustitias? Mentitus esset, dum ait, Deum in corde, per ipsum probato, non invenisse iniquitatem, cum nihil aliud in eo invenisset, nisi iniquitatem; si verum esset, quod dicunt Lutherus, & Calvinus. Accedit: quòd ipse Deus, 3. Reg. 14. v. 8. increpans Jeroboam, per Prophetam Abiam, dixit: *Non fuisti sicut ser-*

vus meus David, qui custodiit mandata mea, & secutus est me in toto corde suo, faciens quod placitum esset in conspectu meo. Si autem omnia opera David fuissent peccata coram Deo, & æternà pœnà digna; quomodo fecit, quod placitum erat in conspectu Dei? An ergo peccata Deo placent?

XII. Tertiò. Christus, Matth. 5. v. 16. ait: *Sic luceat lux vestra coram hominibus, ut videant opera vestra bona, & glorificent Patrem vestrum &c.* Si autem omnia opera Justorum sunt peccata, cur Christus hortatur, ut ea faciant? Rursus: Paulus, 1. ad Timotheum. 4. v. 8. *Bonum (inquit) certamen certavi de reliquo reposita est mihi corona justitiae, quam reddet mihi Dominus in illa die justus iudex.* Si omnia gesta Pauli fuerunt coram Deo peccata; quomodo Deus justus iudex pro illis gloriam dabit in coronam? Præterea: 1. Cor. 5. v. 10. *Omnes nos manifestari oportet ante tribunal Christi, ut referat unusquisque propria corporis prout gessit, sive bonum, sive malum.* Quomodo possumus ante tribunal Christi, referre quæ gessimus, sive bona, sive mala; si coram ipso omnia mala sunt?

XIII. Nec refert cum Calvinò lib. 3. Instit. c. 17. §. 10. dicere: *Quòd opera nostra justa sunt, & habentur; quia quidquid aliàs vitii in ipsis est, Christi puritate sepultum non imputatur.* Nam si Calvinus diceret, opera, quæ habent vitium, Christi puritate delecti in homine justo, & in eo non esse amplius vitiosa, faciliè percipi posset: sed quòd in operibus hominis justii maneat vitium, & vitio manente sint Deo grata, quis intelligit? An fortè quia, licet sint in se peccata, Deus non reputat talia? At eodem modo dici posset, quòd una nigredo sit alba, alia nigra; quia, licet omnes nigredines sint nigræ, una tamen reputatur nigra, alia non: si quavis omnia opera Justii sint peccata, unum tamen est peccatum, aliud non, quia, ut peccatum non imputatur. Cum ergo

ergo Scriptura opera hominis, alia bona, alia mala esse dicat; dici debet, aliqua esse intrinsecè bona, aliqua intrinsecè mala.

XIV. Sed obijciunt primò. *Psalm. 142. v. 1. dicitur: Non intres in iudicium cum servo tuo, quia non iustificabitur in conspectu tuo omnis vivens; ergo, iniquiunt, opera etiam Iustorum coram Deo sunt iniustitiarum, & peccata.*

Respondedo, negando illatum. Verba enim illa triplicem pati possunt sensum. Primus est: Domine Deus, ne velis exco, & severo iudicio mecum contendere; quia nullus mortalium coram te invenitur tam iustus, ut nulla ex parte sit culpabilis, in iis saltem, in quibus Iusti quicumque delinquant, quæ quotidiana, & venialia peccata vocantur. Secundus est: quod nemo coram Deo ex seipso, seu propriâ virtute iustificetur: quia nullam possumus veram habere iustitiam, nisi ex Divino munere. Tertius est: quod sicut nos quamvis reverà simus, comparatè tamen ad Deum, sic sumus, quasi non simus; quia solus ipse ab esse non potest deficere, cum sit ipsum esse: ita quamvis reverà iusti simus, comparatè tamen ad Deum, qui à iustitia deficere non potest, cum sit ipsa iustitia, sic sumus iusti, quasi non simus. Eodem ergo modo, quo Job. 6. 4. v. 18. dicit, quod in Angelis suis reperit pravitatem: & c. 25. v. 5. Ecce luna etiam non splendet, & stella non sunt munda in conspectu ejus, quamvis Angeli boni, qui serviunt ei, pravitatem non habeant, & luna, ac stellæ verè luceant: sic homo, estò verè iustus, comparatè ad Deum dicitur non iustus: unde subdit: *Quantò magis homo, putredo, & filius hominis vermis.*

XV. Obijciunt secundò. Ecclesiast. 7. v. 21. *Non est enim homo iustus in terra, qui faciat bonum, & non peccet.* Quibus consentaneè loquitur Paulus, Rom. 3. v. 11. dicens: Omnes declinaverunt, simul inutiles facti

sunt: non est, qui faciat bonum, non est usque ad unum; quod priùs dixerat David *Psalm. 13. v. 3.*

Respond. sensum Ecclesiast. esse, non quod vel homines in quolibet actu peccent; vel quod omnis eorum actio sit peccatum, ut Acatolici volunt: sed quod nullus homo sit ita sanctus, quin aliquando, saltem leviter, non peccet; vel non sit in periculo, ut & de virtutum culmine ad vitia delabatur. . . . & nunquam cum esse securum; sed semper metuiere in tranquillitate naufragium. Ita S. Hieronymus l. 1. adversus Pelagianos.

Paulus verò ibi, sicut & David, describunt homines, quales sunt ex viatiâ suâ origine: sic enim non est iustus quisquam, nec vel unum opus bonum facere potest, quod ad salutem animæ pertineat. At de homine, iam per Christum iustificato, aliter loquitur, dum ad *Ephes. 2. v. 10.* vocat eum, creatum in operibus bonis.

XVI. Obijciunt tertio illud *Isaiæ 64. vers. 6. Et facti sumus ut immundus omnes nos, & quasi pannus menstruata universa iustitia nostra.* Ergo omnia opera, quæ faciunt etiam Iusti, sunt immunda, & maculata.

Respondetur huic textui, quem in ore semper habent Protestantes, neg. conf. Quod enim infertur in consequenti, nempe, omnia opera hominis etiam iusti sunt immunda, non ponitur in antecedente, nempe, in textu: imò potius oppositum. Cum enim ibi loqueretur in persona totius populi Iudæorum, cuius maxima pars Deum corde dereliquerat: propter quod Deus illum in captivitatem tradidit: bene dicit, facti sumus omnes ut immundi. Et licet aliqua opera, quæ ipsi putabant iustitias, prosequerentur, nimirum, oblationes, sacrificiorum, ac festorum legalium observantiam; quia tamen ex continuo affectu ad sua crimina, & bonæ intentionis defectu, aliarumque circumstantiarum ea peragebant; ideo coram Deo comparantur panno menstruato: quia, estò aliquod

D 2

appa.

appareret bonum, & mundum, prava tamen intentio totum opus maculabat. Non tamen sic omnes vocat imundos, & omnia eorum opera maculata; quasi in toto illo populo nullus esset iustus, & nemo aliquid bonum opus saltem morale faceret: aderat enim inter alios Isaïas ipse, imò etiam aliqui iustitiam veram facientes: dixerat enim v. 5. *Occurrissi latanti, & facienti iustitiam*. Sed, ut ait S. August. l. de Unit. Ecclesiæ c. 12. *Plerumque sermo divinus impis turbas Ecclesiæ.... sic redarguit, tanquam omnes tales sint, & nullus omnino bonus remanserit*.

XVII. Obijciunt quartò S. Paulum, *Roman. 7. v. 18.* dicentem: *Scio enim, quidd non habito in me, hoc est in carne mea, bonum*. Atqui Matth. 7. v. 18. *Arbor mala non potest fructus bonos facere*: ergo homo nullum opus bonum facere potest.

Respondeo, neg. conf. Nam S. Paulus nomine mali intelligit fomitem peccati, seu concupiscentiam, quæ licet ex peccato sit, & ad peccatum inclinet, peccatum tamen propriè non est: ut Tom. 6. Q. 8. de Peccato Origin. Dub. 2. §. 2. & 3. ostendimus. Neque ex concupiscentiæ inclinatione fiunt omnia opera, præsertim illa, quæ ex spiritu fidei, & gratiæ prodeunt. Arbor autem mala, nempe, homo malæ voluntatis, quales erant falsi Prophetæ, dum ex mala voluntate operabantur, certè non potest fructus bonos facere: sed non sequitur, quòd homo semper sit arbor mala, & ex mala voluntate operans. Inid Christus ibi supponit, quòd aliquando possit esse arbor bona, & fructus bonos facere; ait enim: *Arbor bona fructus bonos facit*.

XVIII. Obijciunt tandem Patrès Augustinum l. 9. *Confess. c. 13.* dicentem: *Va etiam laudabili vita hominum, si remotà misericordiâ discutias eam*. S. Gregorium l. 9. Moral. c. 2. *Sandus vir omne virtutis nostræ meritum esse vitium conspiciit, si ab interno ar-*

bitrio districtè judicetur; quod alibi sæpiùs repetit. Et S. Bernardum Serm. 5. de Verb. Isaïæ *Nostra enim (si quæ est) humilis est iustitia, recta forsitan, sed non pura*.

Respondeo S. August. solùm velle, non esse vitam hominis ita laudabilem, quæ si à Deo discutiatur, non inveniatur aliqua maculà, veniali saltem, maculata; ob quam temporali poenà post mortem esset purganda, nisi Deus eam, vel totam, vel ex parte misericorditer per Christum remitteret.

S. autem Gregorius solùm vult, quòd si homo per superbiam audeat se Deo comparare, quasi quod à Deo accepit, à seipso habere præsumat, totum amittit. Sanctus autem vir, quod ex se habet virtutis suæ meritum, vitium reputat; quia si districtè judicetur, quod putat esse meritum, inveniet non esse meritum, sed vitium, nec esse veram iustitiam, sed fortè injustitiam. Eodem modo exponendus est in aliis locis. Vel dicendum, quòd loquitur de iustitia nostra comparatè ad iustitiam Dei; coram qua quæ alioquin vera iustitia est, desinit esse iustitia, ut supra diximus.

S. Bernardus verò puram iustitiam ibi vocat; quæ absque omni peccato est, tam præsentì, quàm præterito. Distinguit enim iustitiam, docens, aliquam esse rectam, sed non puram, nec firmam; cuiusmodi est in homine mortali, quando benè vivit, & peccato non consentit: dum enim sic vivit, habet iustitiam rectam, sed non puram, quia aliquando peccavit, nec firmam, quia ab ea potest peccando excidere: aliam rectam, & puram, sed non firmam, ut in primis nostris Parentibus, antequam peccarent: aliam denique puram, rectam, & firmam, quæ scilicet nec unquam amissa fuit, nec amitti potest, ut in beatis Angelis. Sed de hoc satis

§. I V.

Resolutio contra Bajum.

XIX. **D**ico. Ad faciendum opus bonum morale non requiritur gratia sanctificans, nec imperium caritatis: ac proinde homo, dum est in statu peccati mortalis, potest aliquod bonum opus morale facere, nec omnia opera peccatoris sunt peccata.

Probo primo ex Constant. Concilio Sess. 15. Ubi, inter alios Jo. Wicleff, & Joan. Hus errores, damnatur iste: *Ex principis fidei est per se notum, quod quidquid homo in peccato mortali fecerit, peccat mortaliter.* Et iste: *Si homo est vitiosus, & agat quidquam, tunc agit vitiosè: & si est virtuosus, & agat quidquam, tunc agit virtuosè: quia sicut vitium, quod crimen dicitur, sive peccatum mortale, inest universaliter actus hominis vitiosi: sic virtus vivificat omnes actus hominis virtuosus.*

Secundò ex Conc. Tridentino Sess. 6. Can. 7. eum anathemate damnante, qui dixerit: *Opera omnia, quæ antequam justificationem fiunt, quæcumque ratione facta sint, verè esse peccata, vel odium Dei mereri.* Quare ratione optimà S. Pius V. anno 1567. tres sequentes propositiones ex Bajo damnavit; nempe, nu. 35. *Omne, quod agit peccator, vel servus peccati, peccatum est.* Num. 38. *Omnis amor creatura rationalis, aut vitiosa est cupiditas, quæ mundus diligitur... aut laudabilis illa caritas, quæ per Spiritum Sanctum in corde diffunditur, Deus amatur.* Et nu. 40. *In omnibus suis actibus peccator servit dominantī cupiditati.*

XX. Probatur primò assertio. Christus, Luca 11. v. 41. hortatur Phariseos, qui peccatores erant, ut faciant eleemosynam: *Verumtamen, quod superest date eleemosynam: sed si eleemosyna facta à peccatore esset peccatum, vel Christus ad eam non hortaretur, vel hortando, hortaretur ad faciendum peccatum; ergo &c.* Rufus: *Daniel.*

6. 4. v. 24. hortatur Nabuchodonosorem peccatorem, imò & infidelem, his verbis: *Consilium meum placeat tibi, & peccata tua eleemosynis redime, & iniquitates tuas misericordii pauperum: forsitan ignoscat delictis tuis: atqui peccata novis peccatis non redduntur, nec Deus ab actu malo movetur ad ignoscendum; ergo eleemosynæ illæ, ad quas hortabatur Daniel, licet factæ à peccatore, erant opera moraliter bona, dum fierent animo elevandi miseria pauperum.*

XXI. Probatur secundò. Ideo peccator non posset facere opus moraliter bonum, quia, ut aiebat Bajus, in quovis suo opere ferviret dominantī cupiditati, seu operaretur semper ex affectu ad peccatum: sed hoc est falsum; ergo &c.

Min. prob. Dum homo existens in peccato, puta luxuriæ, ex motivo pietatis exhibet debitam reverentiam parentibus, ex motivo misericordiæ subvenit egeno, vel motivo alterius virtutis facit aliquod opus virtutis, animo exercendi honestatem illius virtutis; talia opera certè non facit ex affectu, vel ut serviat dominantī cupiditati luxuriæ; ergo &c. — Et jure quidem: nam sicut homo habitualiter conversus ad Deum per gratiam, non semper operatur ex affectu, & ordine ad Deum; sed interdum in quædam prolabitur, quæ licet levia, & venialia, peccata sunt: ita quoque ex adverso homo habitualiter aversus à Deo, & conversus ad creaturam, per peccatum, non semper operatur ex affectu ad creaturam; sed aliquod opus morale bonum ex alio motivo potest facere. Unde Chrysostomus Homil. 67. ad Populum: *Non potest (inquit) malus omnino malus esse, sed evenit, ut aliquid habeat boni: neque bonus esse omnino bonus, sed nonnulla solet habere peccata.*

XXII. Probatur tertio. Opera virtutum, justitiæ, religionis, misericordiæ, temperantiæ &c. jure naturali, & divino præcipiuntur non solum

lis iustis, sed etiam iniustis, & peccati mortalis labe inquinatis: atqui non præciperentur, si isti ea non possent implere, nisi peccando; alioquin eis præciperetur, ut peccarent, atque in hac inevitabili necessitate constituerentur, ut peccarent, sive implendo, sive non implendo actum præceptum; ergo &c.

Imò sequeretur, quòd non essent hortandi peccatores ad facienda opera bona, ut jejunia, orationes, mortificationes: si enim nullum opus bonum facere possent, sed in quòvis opere peccarent; idem esset eos hortari ad opera bona, ac eos hortari ad peccandum: quo quid absurdius?

XXIII. Sed inquires. Quid juvare potest peccatorem ejus oratio, quem Deus odit, quem non exaudit, ut habetur Joann. 9. & cujus oratio erit execrabilis? ut dicitur Prov. 28. Quid proderunt eleemosynæ, & opera pietatis moralia, quæ utpote merè naturalia, ad justificationem nihil conferunt?

XXIV. Ad hoc respondit jam D. Th. 2. 2. q. 83. a. 16. ubi docet: Quòd in peccatore duo sunt considerata, scilicet, natura, quam diligit Deus, & culpa, quam odit. Si ergo peccator orando aliquid petit, inquantum peccator, idest, secundum desiderium peccati; in hoc à Deo non auditur ex misericordia, sed quandoque auditur ad vindictam, dum Deus permittit peccatorem, adhuc amplius ruere in peccata. Deus enim quædam negat propitius, quæ concedit iratus, ut Augustinus dicit (Tract. 75. in Joann.) Orationem verò peccatoris ex bono natura desiderio procedentem Deus audit, non quasi ex iustitia, quia peccator hoc nun meretur; sed ex pura misericordiâ, observatis tamen quatuor præmissis conditionibus, ut scilicet pro se petat, necessaria ad salutem, pè, & perseveranter.

Hoc idem repetit eadem 2. 2. q. 178. a. 2. ad 2. his verbis: Oratio in impetrando non innititur merito, sed divina misericordia, qua etiam ad vales

se extendit: & ideo etiam quandoque peccatorum oratio à Deo exauditur. Unde August. dicit super Joann. (Tract. 44.) quòd illud verbum cæcus locutus est, quasi adhuc inunctus, idest nondum perfectè illuminatus: Nam peccatores exaudit Deus. Quòd autem dicitur, quòd oratio non audientis legem est execrabilis, intelligendum est, quantum est ex merito peccatoris: sed interdum impetrat ex misericordia Dei; vel propter salutem ejus, qui orat, sicut auditus est Publicanus, ut dicitur Lucæ 18. vel etiam propter salutem aliorum, & gloriam Dei.

XXV. S. Augustinus, præter loca à S. Thoma allata, hanc veritatem etiam docet lib. 2. contra Epist. Parmeniani c. 8. his verbis de Publicano orante dicens: Quamquam enim iustificatus desisteris esse peccator; tamen ut iustificaretur peccator orabat, & peccator constebatur, & exauditus iustificatus est, ut desisteret esse peccator. Non utique desineret esse peccator, nisi prius exaudiretur peccator. Quamobrem non quidem omnem peccatorem exaudiri, sed tamen non omnem peccatorem non exaudiri veritas testis est. Ita S. Doctor adversus donatistas errorem Bani præformantes.

XXVI. Quomodo etiam eleemosyna, & aliud opus morale factum à peccatore possit à Deo acceptari, docet S. Thomas in 4. dist. 17. q. 2. a. 2. quæst. 2. ad 1. ubi loquens de Pharaone, cur nihil Deo acceptabile facere potuerit, ait: Quòd si opus Deo acceptabile dicatur opus meritum, tunc planum est, quòd nec Pharaon, nec aliquis in peccato mortali existens potest facere opus Deo acceptum. Si autem omne opus, quod est bonum ex genere, & bona intentione factum, dicatur opus acceptabile Deo; tunc dicitur Pharaon non potuisse, non quia omnino non potuerit, sed propter fixationem obstinatis voluntatis ad malum, in quam inciderat, divinâ gratiâ desertus. Hinc si aliquis in peccato existens, bona intentione faciat eleemosynam pauperi;

actio ista, esse non sit acceptabilis Deo tanquam meritoria, potest tamen Deus ex sua misericordia ad eum converteri, ut à peccato liberetur. Unde S. Cyprianus Serm. de lapsis: *Si (inquit) ad veniam delicti sui Dominum gussis, & continuis operibus instet, misereri talium potest.* Ubi nota: S. Cyprianum non dicere: *misereri talium debet*, quasi ex iustitia; sed *potest*, nempe, ex misericordia. Et Daniel. c. 4. laudato, hortans Regem ad redimenda peccata sua elemosynis, adhuc dubiam relinquit ei peccatorum remissionem, dicens: *Forisam ignoret delictis suis.* Et ratio est: quia opera purè moralia nec merentur, nec disponunt ad gratiam remissionis; sed ex pura Dei misericordia est, quoddam ea respiciat, & gratiam, quam peccator se ad justificationem pręparet, largiatur.

XXVII. Altera assertionis pars: quoddam scilicet ad faciendum opus bonum morale, non requiratur imperium caritatis, sequitur ex dictis. Nam si homo non existens in gratia habituali potest aliquod opus moraliter bonum facere; id etiam poterit sine imperio caritatis, quę supponit gratiam tanquam ejus proprietatem.

XXVIII. Probatur autem specialiter. Actus fidei, timoris, spei, & attritionis, quibus secundum doctrinam Tridentini *Sess. 6. c. 6. & Sess. 14. c. 4.* peccator incipit se disponere ad justificationem, sunt actus boni, & laudabiles; cum sint à Spiritu Sancto specialiter movente cor, esse nondum inhabitante: & tamen ex imperio caritatis non sunt, quia ad eos actus non ex caritate, quam nondum habet, sed ex reverentia ac metu movetur; ergo actus boni sunt, & non ex caritate. Quoddam isti, qui tamen supernaturales sunt, possunt esse boni, & non ex imperio caritatis; multò magis poterunt esse boni actus morales moralitate, & honestate solùm naturali.

XXIX. Ratio autem hujus est: quia

bonitas moralis actus in hoc distinguitur à bonitate supernaturali, & meritoria vitę eternę; quoddam illa constituitur per solam conformitatem actus cum debita ratione, & prudentiā, absque ullo ordine ad finem supernaturalem; ista verò procedit ex influxu gratię, & caritatis referentis actus nostros in finem supernaturalem. Unde quamvis sine caritate homo nequeat elicere actus supernaturales, & meritorios vitę eternę; potest tamen sine illā plures actus honestos, & moraliter bonos exercere, ut colere parentes, subvenire egenis: isti enim actus debent intentione facti, ex fine proximo, & obiecto habent honestatem, & bonitatem moralem.

XXX. Addo: quoddam si ad quodcumque opus moraliter honestum, & bonum necessaria est ordinatio caritatis; sequeretur, quoddam quotiescumque homo deliberat agit, adstringatur pręceptum caritatis. Cum enim, juxta nos, non detur actus deliberatus in individuo indifferens, quoties homo deliberat agit, tenetur honeste, & bene moraliter operari: sed hoc est absurdum, cum pręceptum caritatis, utpote affirmativum, non obliget pro semper, sed pro tempore determinato; ergo &c.

XXXI. Sed dices primò. Ut actus humanus sit moraliter bonus, debet ab operante ad Deum referri: sed peccator non habens caritatem non potest actum suum ad Deum referre, cum sit à Deo aversus; ergo non potest facere actum moraliter bonum.

Respondeo, negando maj. maxime intellectam de Deo sine supernaturali; alioquin in quolibet actu deliberato urgetur pręceptum caritatis. Ut ergo actus humanus sit bonus bonitate morali, satis est, ut ab operante dirigatur ad finem proximum honestum; & fiat ob honestatem virtutis, & quoddam pravā intentione talem ordinem non impediatur. Hoc enim posito, actus ille, cum ex natura sua ordinetur ad Deum auctorem totius moralis

ralis honestatis, interpretativè saltem ad Deum tendit, & ex tali ordine bonus evadit. Et constat in actu attritionis à peccatore ex metu gehennæ conceptio, quem bonum, & laudabilem esse Tridentinum definit: qui tamen ad Deum per caritatem non refertur, cum procedat à subiecto per peccatum à Deo averso. Et in actu, quo quis, in peccato existens, ex pietate naturali movetur ad sequebendum egenum: cum enim sit conformis diclamini rationis, conformis est etiam legi æternæ Dei; ideoque interpretativè, & mediatè saltem, ad Deum tendit: qui propterea ex sua misericordia interdum movetur ad respiciendum peccatorem gratiâ suâ. Hoc aliqui explicant exemplo lapidis, qui cum naturâ suâ tendat in centrum; si ab extrinseco non impediatur, ad centrum ut sui terminum spontè descendit. Sic actus ex objecto bonus, si ab operante, malo fine, aut pravâ circumstantiâ non detineatur, spontè ad Deum totius boni fontem ascendit.

XXXII. Sed replicabis. Omnes actus hominis in peccato mortali existentis referuntur ex parte operantis ad malum finem; ergo sunt peccaminosi, & moraliter mali: quia actus ex objecto, & specie boni ex intentione mala vitiantur. Antec. probat. Homo existens in peccato mortali quidquid appetit, ordinat ad bonum proprium; ergo &c.

Respondeo, neg. ant. Sicut enim homo iustus non actu semper refert omnia ad Deum, licet in eo habitualiter suum ultimum finem constituat, cum nonnunquam venialiter peccet: ita nec impius omnia, quæ facit, actu refert ad bonum proprium, in quo habitualiter suum ultimum finem constituit. Solum ergo actu refert peccator actus suos ad bonum proprium, ad quod per peccatum est habitualiter conversus; quando ex influxu illius, & ex affectu ad ipsum operatur, seu quando operatur ut peccator. Ceterum cum sicut iustus non semper o-

peratur, ut iustus, ita nec impius semper operetur, ut impius; fit, ut quemadinodum non omnis actus hominis iustus est ex affectu ad iustitiam, & ex influxu illius: sic nec omnis actus hominis iniustus fit ex influxu iniustitiæ, & ex affectu ad illam. Hoc demonstro: nam impius non agit semper ex prava cupiditate, sed aliquando ex motu Spiritus Sancti, nondum quidem inhabitantis, sed moventis; ut diximus supra de actibus, quibus incipit se disponere ad justificationem; quis autem dicat, actus ad quos Spiritus Sanctus movet, actu referri ad pravam finem? Similiter dum peccator, tactus misericordiâ, alienæ egestati subvenit, quis dicet, istum referre actu hoc opus ad finem suæ pravæ cupiditatis? Ad eiusmodi ergo actus prava cupiditas ex parte subiecti supponitur quidem, sed non influit, & quasi per accidens comparatur.

XXXIII. Dices secundò. Opus hominis elevati ad finem, & ordinem supernaturalem, si non ordinatur ad talem finem, est malum: sed qui non habet caritatem, non ordinat &c. ergo semper facit actum malum. Maj. prob. Quia in homine natura sensitiva conjuncta est cum rationali, actus sensitivæ partis deliberatè elicitus redditur malus, si non ordinatur ad bonum conforme naturæ rationali: unde supra q. 18. a. 9. infert S. Thom. ex hoc principio, non posse dari actum indifferentem in individuo; ergo similiter in natura conjuncta cum elevatione ad finem supernaturalem, actus erit malus, si ad talem finem non ordinatur.

Respondeo, nag. maj. Ad prob. negro ant. Causa enim, quare actus sensitivæ partis, si deliberatè fiat, debet ordinari ad bonum rationis, aliâ erit vitiosus, non est præcisè, quia conjungitur cum natura rationali; sed quia in omni actu deliberato debet illi subordinari. At natura rationalis non tenetur, ut bene agat, in omni actu suo se actu subordinare fini, ad quem

quem est elevata; sed sufficit, ut actum suum ordinet ad finem rationi naturali conformem.

XXXIV. Dices tertio. In Scripturis plura opera, alioquin in se optima, hoc ipso rejiciuntur, quod ab impiis fiant: *Quare* (inquit Deus ipse ad peccatorem, Psalm. 40. v. 16.) *tu enarras iustitias meas, & assumis testamentum meum per os tuum?* Et *Isaia* 1. v. 13. ait Deus: *Ne offeratis ultra Sacrificium frustra: incensum abominatio est mihi. . . . Calendas vestras, & Solemnitates vestras odivi &c.*

Respondeo, Deum citatis locis non significare, hæc omnia esse peccata, ex eo præcisè, quod à peccatoribus fiant; sed reprehendere Judæos, qui prava intentione ea faciebant, scilicet, non ex affectu religionis, & honestatis, sed ex hypocrisi, & vanagloriâ: omnemque suam iustitiam in cultu illo externo constituebant, virtute, & cultu Dei interno contemnis. Unde *Isaia* 29. v. 13. dicitur: *Populus iste ore suo, & labiis suis glorificat me, cor autem ejus longe est à me.*

XXXV. Afferri solent varii S. Augustini textus, quibus videtur dicere, quod id, quod facit homo sine caritate, nullo modo facit bene; omnia bona hominis in summum bonum referenda esse; & virtutes, dum propter se appetuntur, superba vitia esse.

Sed respondetur, S. Doctorem non negare, id, quod facit homo sine caritate, fieri bene moraliter; sed solum negare, fieri bene, ut oportet ad salutem. Velle, omnia opera bona in summum bonum referenda esse, vel explicite, ex parte operantis, ut sint meritoria vitæ æternæ; vel, quod saltem à tali ordine operans illa non actu retrahat, ut sint bona morali bonitate. Virtutes autem superba vitia vocat in Stoicis, qui de suis virtutibus gloriabantur, ac superbiebant, in cisque ultimum finem collocabant.

§. V.

Resolutio contra Jansenium.

XXXVI. Dico. Ad faciendum opus bonum morale non est necessaria gratia fidei: ideoque non omnia opera Infidelium sunt peccata. Probo. Nam Scriptura variis in locis refert, aliqua Infidelium opera fuisse à Deo remunerata: cuiusmodi fuit beneficium præstirum Israelitis ab obstetricibus Ægyptiis, quod Deus remuneratus est, ædificando eis domus *Exod.* 1. Gratia, quam Raab præstiruit exploratoribus Israelitis, Dei voluntate à Josue compensata fuit *Josue* 2. & 6. Et *Ezechiel.* 29. Nabuchodonosor dicitur à Deo mercedem sui operis recepisse. Unde Hieronymus ibi: *Ex eo, quod (inquit) Nabuchodonosor mercedem accepit boni operis, intelligimus, etiam Ethnicos, si quid boni fecerint, non absque mercede Dei judicio præteriri.* Propterea S. Augustinus l. 5. de Civit. Dei c. 15. asserit, Deum Romanis infidelibus dedisse amplum Imperium, ut eorum virtutes in hac vitâ mercedem aliquam haberent. Atqui Deus non remuneratur opera mala, seu peccata; hæc enim non præmio digna sunt, sed pœnâ; ergo in Infidelibus dantur opera bona, & honesta moraliter.

XXXVII. Verum quia Jansenius gloriatur, sibi patrocinari Augustinum; audiamus S. Doctorem l. de Spiritu & litt. c. 27. ubi dicit, quod hi, qui naturaliter, quæ legis sunt, faciunt, quamvis non sint habendi in numero eorum, quos Christi iustificat gratia: *Quidam tamen facta, vel legitimus, vel novimus, vel audimus, quæ secundum iustitia regulam non solum vituperare non possumus, verum etiam meritis, recteque laudamus.* Quamvis autem subdat, quod si discutiantur, quo sine sint, vix inveniuntur, quæ iustitiæ debitam laudem, defensionemve mereantur; addit tamen, quod non usque adeo

In anima humanâ imago Dei terrenorum affectuum labe detrita est, ut nulla in ea velut lineamenta extrema remanserint; unde meritò dici possit, etiam in ipsa impietate vita sua facere aliqua legis, vel sapere. Et inferiùs cap. 18. dicit, quòd estò talia opera non sint eis profutura in die, qua iudicabit Dominus ocella hominum; proderunt saltem, ut mitius puniantur. Sicut enim non impediunt à vita aternâ iustum, quadam peccata venialia, sine quibus hac vita non ducitur; sic ad salutem aternam nihil profunt impio aliqua bona opera, sine quibus difficillimè vita cuiuslibet pessimi hominis invenitur.

XXXVIII. His præcluditur Jansenii responsa dicentis, in Infidelibus dari aliqua bona opera ex parte objecti, seu operis; non verò ex parte finis, seu operantis. Primò: nam, ut vidimus, multa bona opera Infidelium Deus temporaliter remuneratus est: at si ex parte finis fuissent mala, Deus ea non fuisset remuneratus: quis enim dicat, bonum opus ex fine malo factum, puta ex vanagloria, à Deo remunerari? — Secundò: estò Augustinus dicat, quòd si opera illa discutiantur quo fine fiant, vix inveniantur, quæ iustitiæ debitam laudem mereantur; non negat tamen, posse ab Infideli aliquod bonum etiam bono fine fieri: subdit enim, imaginem Dei non esse penitus in Infideli detritam: esset autem penitus detrita, si non posset aliquod opus bonum ob finem honestum rationis facere, & liberum arbitrium ad bonum esset prorsus extinctum. Deinde dicit, quòd bona illa opera proderunt Infideli, saltem ad mitiorem poenam: si autem essent ex fine mala, & proinde nova peccata, non proderent ad mitiorem, sed obessent ad acerbiores poenam.

XXXIX. Sed mentem S. Augustini colligo ex *Epist.* 130. modò 144. ubi de Polemone, qui in disputatione de temperantia cum Xenocrate habità, factus fuit continens, dicit, hanc mutationem non fuisse opus hu-

manum, sed divinum: quia si corporis bona, sicut forma, vires, & salus... non sunt nisi ex Deo Creatore, & perfectore natura, quanto magis animæ bona donare nullus alius potest? Audet ne dicere Jansenius, continentiam, quam Augustinus fatetur esse donum Dei Conditoris in Polemone, fuisse bonam solum ex officio, & obiecto, malam verò, & peccatum ex fine? Rursus prosequitur Augustinus: quòd si Polemon ex luxurioso factus continens sciret, ejus esset hoc donum, ut cum, obiectis superstitionibus gentium, pìd coleret; non solum continens, sed etiam veraciter sapiens, & salubriter religiosis existeret: quòd ei non tantùm ad præsentis vite honestatem, verùm & ad futura immortalitatem valeret. Continentiæ igitur Polemonis moralis honestas non deerat, quamvis deesset fides, quâ illi in futura vita prodesse posset.

XL. Hinc *Epist.* 99. modò 164. ad Evodium scribit, in libris Ethnicorum quosdam laudabiles vitas legi: *Ut ex cepto Dei Cultu, in quo erraverunt... imitandi meritò proponantur: imitandi verò meritò non proponerentur, si semper ex fine pravo operati essent.* Item *lib. de Gratia Christi* c. 24. ex subita mutatione Assueri in favorem Judæorum infert, intelligendum, & fatendum esse: *Non lege, atque doctrinâ insonante forinsecus, sed internâ, & occultâ, mirabili, ac ineffabili potestate operari Deum in cordibus hominum non solum veras revelationes, sed etiam bonas voluntates.* Bona ergo fuit non solum ex parte objecti, sed etiam ex parte intentionis, & finis mutatio voluntatis in Assuero Ethnico, si eam operatus est Deus.

XLI. Nunc examinandum est præcipuum Jansenii fundamentum. Estimât ipse, omnia Infidelium opera ideo esse peccata, quia opera, aliàs ex officio, vel obiecto bona, aut in pravum infidelitatis suæ finem detorquent; aut saltem in verum finem Deum, quem ignorant, refertè omittunt: unde

unde sunt mala, vel ex appositione finis pravi, vel ex omissione finis debiti: sed utrumque falsum est; ergo &c.

Min. pro primâ parte prob. Quid enim cogit, ut Infidelis semper agat ex affectu, puta, ad Idolum? Quid prohibet, ut Infidelis det eleemosynam indigenti, ut ejus necessitati occurrat, nil cogitando de suo Idolo, vel pravo infidelitatis fine? *Sicut enim* (inquit S. Thom. 2. 2. q. 10. 2. 4.) *habens fidem potest aliquod peccatum committere in actu, quem non refert ad fidei finem, vel venialiter, vel etiam mortaliter peccando: ita etiam Infidelis potest aliquem actum bonum facere in eo, quod non refert ad finem infidelitatis.* Videantur superius dicta §. præcedente, num. 31. & 32. Unde S. Th. In Cap. 1. Epist. ad Tit. lect. 4. exponens hæc verba: *Coinquinatis autem, & Infidelibus nihil est mundum, ait: Quando peccator facit aliquod bonum, secundum quod est peccator, & Infidelis, totum est peccatum ex radice: sed si quid facit ex principio alienius boni, quod habet, ut fidei informis, vel natura, non est immundum.*

Min. pro secunda parte probatur. Ex dictis enim, ut actus humanus sit moraliter bonus, & laudabilis, non requiritur, ut in Deum expressè referatur, ut ultimum finem: sed satis est, ut ex natura sua ad Deum tendat, & à Deo per pravum operantis affectum non deordinetur. Actus enim qui sunt à peccatore, sive à Catechumeno, ante justificationem, & Baptismum, boni, & laudabiles sunt ex Tridentino: & tamen non possunt ab operante expressè ordinari ad Deum; cum careat, vel fide, vel saltem caritate, utpote in peccato mortali adhuc existens: sed opera, quæ facit Infidelis, est ad Deum expressè non ordinat; ergo &c.

Confirmo hoc. Si, ut actus sit bonus moraliter, requiritur, ut expressè ab operante ordinetur in Deum, ut

ultimum finem; sequitur, quoddam Fidei, imò & justus homo, qui nihil de Deo cogitans dat eleemosynam pauperi ex solo motivo subveniendi ejus miseræ, non faciat actum moraliter bonum, imò peccet: quia dum nihil de Deo cogitans operatur, certè actum illum expressè non ordinat in Deum. — Nec valet dicere, Justum ejusmodi eleemosynam referre habitualiter in Deum per habitum caritatis, quo ornatur — Nam habitus nihil ponit in actu, nisi ad eum ponendum influat; aliàs, qui habet habitum justitiæ, si postea peccet per intemperantiam, peccaret etiam peccato injustitiæ. Cum igitur in Justo, qui habens habitum caritatis, nil de Deo cogitans, ex pura pietate erga pauperem, ei dat eleemosynam, habitus caritatis nihil influat in talem actum; sequitur, quoddam illum expressè non ordinet in Deum: & quoddam ut actus sit moraliter bonus, non requiratur expressa ordinatio in Deum.

XLII. Probo secundò, evertendo aliud Jansenii fundamentum. Ideo Infidelis non posset actum moraliter bonum facere, quia in eo corruptum, esset omne principium boni moralis: sed hoc est falsum; ergo &c. Min. probata manet supra ex Augustino: non enim in Infideli prorsus obtrita, est imago Dei. Deinde ratione, quæ D. Tho. 2. 2. qu. 10. 2. 4. probat, non omnia opera Infidelium esse peccata, his verbis: *Peccatum mortale tollit gratiam gratum facientem; non autem, totaliter corrumpit bonum naturæ. Unde cum infidelitas sit quoddam peccatum mortale, Infideles quidem gratiæ carent; remanet tamen in eis aliquod bonum naturæ. Unde manifestum est, quoddam Infideles non possunt operari bona opera, quæ sunt ex gratia, scilicet, opera meritoria; tamen bona opera, ad quæ sufficit bonum naturæ, alicqualiter operari possunt. Unde non oportet, quoddam in omni suo opere peccent; sed quantumcumque aliquod opus operantur ex infidelitate, tunc peccant.*

E 2

Cum.

Cumque sibi secundò loco opposuisset: *Fides intentionem dirigit: sed nullum bonum potest esse, quod non est ex intentione recta; ergo in Infidelibus nulla actio potest esse bona.* Respondet: *At secundum dicendum, quod fides dirigit intentionem respectu finis ultimi supernaturalis: sed lumen etiam naturalis rationis potest dirigere intentionem respectu alicujus boni connaturalis.*

XLIII. Dices tamen primò. Apostolus ad Rom. 14. v. 23. *Omne autem (inquit) quod non est ex fide, peccatum est: sed nullum opus Infidelis est ex fide; ergo omne opus Infidelis peccatum est.*

Respondet D. Tho. loco laudato ex 2. 2. ad 1. *Quod verbum illud est intelligendum, vel quia vita Infidelium non potest esse sine peccato; cum peccata sine fide non tollantur. Vel quia quid agunt ex infidelitate, peccatum est: unde ibidem (ex August. lib. 4. contra Jul. cap. 3.) subditur: quia omnis infideliter vivens, vel agens, vehementer peccat.*

In cap. 14. ad Rom. lect. 3. duplici responsione exponit præfatum textum. Primùm: quod *ly ex fide* non accipitur pro fide theologia, quæ est regula credendi, sed pro conscientia, quæ est regula agendi; ita ut sensus sit: omne, quod non est ex fide, id est, ex dictamine conscientie judicantis licere, peccatum est. Loquebatur enim de Judæis, vel aliis, qui cum judicarent, quosdam cibos sibi esse illicitos, eos comedebant. Secundò: si accipiat pro fide theologia, *ly non ex fide* debet accipi contrariè; ita ut sensus sit: quod est contra fidem, seu ex infidelitate, peccatum est. Ecce S. Thomæ verba: *Omne, quod est contra fidem, vel contra conscientiam, peccatum est.* Priori modo textum Pauli sumit Chrysost. Homil. 35. in Epist. ad Roman. dicens: *Hic fidem, non dogmatum, sed propositi argumenti intelligit, & cum eo alii Veteres, ac Recentiores.* Posteriori verò sumit S. Augustinus cum aliis.

XLIV. Dices secundò. D. August. l. 4. contra Julian. c. 3. docet, fidem ad omne opus bonum desiderari; ac subinde nullum opus sine fide esse bonum: ex quo insert, omnia opera Infidelium esse peccata, ac virtutes Philosophorum non fuisse veras virtutes, sed vitia.

Hæc Augustini testimonia, quibus se vicisse gloriatur Jansenius, nisi & ab ipso aliquà benignâ interpretatione emollianitur, contra ipsum sunt. Nam Augustinus loco citato exigit ad bonum opus, non qualemcumque fidem, sed eam, quæ per dilectionem operatur: hæc autem non solum in Infidelibus non est, sed neque in fidele peccatore; ergo si verba Augustini sunt in toto rigore accipienda, ad opus bonum requireretur influxus, non solius fidei, sed etiam caritatis: quod tamen Jansenius fateri erubescit; ne in errorem Michaelis Baii à Tridentino, & S. Pio V. damnatum impingat.

XLV. Respondeo ergo advertendo, quod S. Augustinus contra Julianum scribebat, qui unus ex præcipuis Pelagianis erat. Qui videlicet eximabant, etiam infideles per opera moraliter bona, & virtutes morales eximi ab omni vitio, & peccato; ac reverrà fieri posse justos, ac per hujusmodi opera à damnatione æterna eximi. Quare S. Augustinus, ut iis sese opponeret, docebat, ad omne opus bonum fidem desiderari, nullumque opus sine fide esse bonum; nimirum, potes hominem iustificare, à peccato mundare, & eximere à damnatione æterna: quæ veritas catholica est. Hinc insert, omnia opera Infidelium esse peccata, non quoad actum (nisi forte ab iis fiant ex affectu ad infidelitatem, vel ex alio pravo fine) sed quoad statum; quia semper sunt in statu peccati, & ab homine simpliciter vitioso. Dicit etiam, virtutes Philosophorum non fuisse veras virtutes, sed vitia: vel quia nil illos juvabant ad vitam æternam, cum semper essent in statu peccati: vel quia vix apud

apud Ethnicos invenitur aliqua vera virtus, vel aliquod opus ex objecto bonum, quod ab operante, aliquo pravo sine, vel circumstantiâ non vitietur. Unde ait: *Ipsa non recto sine peccatum est.* Addi potest: S. Augustinum non dicere, singula opera ejus, qui sine fidei directione operatur, esse peccata; sed totum corpus, sive congeriem operum esse plenam nigredine peccatorum: quia pauca inveniuntur, quæ peccata non sint. Et ideo I. de Spiritu, & litt. c. 27. *Si* (inquit) *disputantur; quo sine fiant, vix inveniuntur, qua iustitia debitam laudem defensionemque merentur.* Ubi non dicit, nulla esse, quæ debitam laudem merentur, sed ea esse rara.

DUBIUM V.

An, ut Homo lapsus possit facere Opus bonum Morale indigeat speciali Gratia per Christum: an verò sufficiat Auxilium Ordinis Naturalis?

§. I.

Rejicitur opinio Vazquez, & Gregorii.

Stabilito, hominem, sive justum, sive peccatorem, sive etiam infidelem, posse aliquod bonum opus morale ordinis naturalis facere; superest modò examinandum; an possit aliquod saltem facere cum solo auxilio generali; an egeat auxilio speciali: & hoc, an debeat esse ex meritis Christi.

I. Dico. Ut homo lapsus faciat opus bonum morale ordinis naturalis, non indiget gratiâ per Christum, seu gratiâ theologicâ. Est contra Vazquez, & Gregorium de Arimino. Probatur primò. Gratiâ illa per Christum, vel dat vires, ita ut sine illâ non possit, ut videtur velle Gregorius; vel solum dat actu agere, ita ut sine

illâ possit quidem agere, sed non agere opus bonum morale, ut sentit Vazquez: sed utrumque est falsum; ergo &c. Minor pro prima parte probatur. Tum quia; Concilia Arausicum II. Can. 7. & Tridentinum Sess. 6. Can. 1. anathema dicunt ei, qui dixerit, per opera solis naturæ viribus facta posse iustificari; ergo supponunt, in natura etiam lapsâ, adesse vires ad faciendum opus bonum morale. Tum quia: si in libero arbitrio non sunt vires ad faciendum aliquod bonum opus morale; jam liberum arbitrium ad bonum erit extinctum, & non valebit nisi ad peccandum: quorum primum damnavit Trident. Sess. 6. Can. 5. contra Lutherum; secundum autem S. Pius V. contra Bajum. Imò secluso tali auxilio, esset æquè destitutus viribus, & impotens ad bonum opus morale ordinis naturalis, ac ad bonum opus ordinis supernaturalis: careret enim aliquo absolute necessario, & antecedente non solum actum, sed etiam posse, quod reipsa non haberet, nec posset à se habere, nec promereri. Nam si in sua potestate esset, illud auxilium habere, vel promereri; maxime hoc posset per actum aliquem moraliter bonum: at neque hoc posset. Nam ad tale opus bonum, quo promeretur illud auxilium, vires non haberet, nisi mediante alio auxilio, & sic in infinitum: vel si ad tale opus bonum non egeret auxilio, neque egeret ad alia, cum omnia sint ejusdem ordinis.

II. Unde prob. secundò. Liberum arbitrium in homine lapsò non est extinctum ad bonum, sed solum attenuatum, & infirmatum; ergo in eo remanserunt vires aliquæ, ad faciendum aliquod opus bonum morale, etsi non omne. Eisdem enim homo æger non habeat vires ad se movendum, sicut homo sanus, nisi ab alio adjuvetur; habet tamen vires, ut ad aliquos passus seipso se moveat; ergo cum homo integer, & sanus potuisset viribus suis omne opus moraliter bonum facere, homo

homo æger suis viribus poterit facere saltem aliquod. Ita discurrit S. Thomas hæc *qu. 109. a. 1.*

III. Secunda autem pars eadem ratione probatur. Potentiæ enim habenti ex se vires ad aliquos actus, debitum est auxilium, ut aliquos saltem ex iis agat, etsi non omnes; ergo si, ut supponit Vazquez, aliquæ vires ad bonum in libero arbitrio remanserunt post peccatum, debitum est illi, ut ad aliquod bonum aliquando moveatur; & sic, quoddam aliquam piam cogitationem, etiam prædicam, de bono honesto concipiat, puta, de colendis parentibus, de subveniendo indigenti, & quoddam secundum illam operetur; poterit interdum esse effectus concursus generalis, & debiti naturæ, in qua rectæ rationis lumen non prorsus extinctum est.

IV. Nec obstat, quoddam peccatum originale mereri potuerit, ut homo bonis cogitationibus congruis, & quovis auxilio efficaci privaretur — Nam potuit etiam mereri, ut lumen rectæ rationis in eo prorsus extingueretur, & ut cæteræ corporis, animique dotes amitterentur. Cum ergo, hoc non obstante, peccatum hæc non demeruerit; nec proinde lumen rectæ rationis, nec aliæ naturales dotes sint ex gratia Dei per Christum: neque dicendum est, quoddam omnis pia cogitatio, & bonum opus ex gratia per Christum sit.

V. Probatur ulterius. Ad ea tantum opera requiritur gratia theologica, & per Christum, quæ ordinantur ad vitam æternam, aut nostram justificationem; cum Christus gratiam suam ad nostram salutem ordinaverit: sed opus moraliter bonum in ordine naturali non ordinatur, nec conducit ad nostram salutem; ergo &c.

Min. probatur primò. Nam, ut Dub. præcedente dictum est, etiam in infidelibus dantur opera moraliter bona, in quibus non conducunt ad justificationem, & salutem; cum in eis non sit fides, quæ est salutis, & ju-

stificationis initium. Secundò. Quia quicquid ad justificationem, & salutem conducit, debet cum ea proportionari, sive per modum meriti, sive impetrationis, sive dispositionis: at nullum opus morale ordinis naturalis hoc habet, nisi cum Pelagio sentiamus; ergo &c.

VI. Dices primò. *Joann. 15. v. 5.* dicitur: *Sine me nihil potestis facere.* 2. Cor. 3. v. 5. *Non quiddam sufficientes sumus cogitare aliquid à nobis, quasi ex nobis, sed sufficientia nostra ex Deo est.* Et 1. Cor. 4. v. 7. *Quid autem habetis, quod non accepistis?*

Sed huiusmodi textus intelligendos esse de bonis salutaribus, & conducentibus ad justificationem, diximus supra, & concedere tenetur etiam Vazquez: alioquin tenebitur dicere, non solum gratiam congruam, seu efficacem ad opus bonum morale, sed etiam auxilium sufficiens, & dans posse, esse donum Dei per Christum; quod tamen ipse negat, sed ex præfatis textibus infertur. Concedere etiam tenebitur, quoddam liberum hominis arbitrium sine gratia, & Dei adiutorio nonnisi ad peccandum valet. Quoddam cum Pelagio sentit, qui boni aliquid naturalis, hoc est, quod ex natura solis viribus, ortum ducat, agnoscat. Et quoddam Nonnisi Pelagiano errore admitti potest usus aliquis liberi arbitrii bonus, sive non malus: & Christi gratia injuriam facit, qui ita sentit, & docet. Quæ tamen sunt propositiones in Bajo damnatæ à S. Pio V. & Gregorio XIII.

Eodem modo respondeatur ad id, quod objicit Vazquez ex Concilio Palæstino, ubi inter cæteras propositiones, quas Pelagius coactus est retractare, hæc habetur: & gratiam Dei, atque adiutorium non ad singulos actus dari. Quod pariter damnatur in Concilio Arausicano II. *Cæn. 3. & 11.* — Erenim ibi, & aliis in locis, quæ afferri possent, sermo est de gratia salutari, & ad actus, prout oportet ad justificationem, quam Pelagius prorsus negabat, & Semipelagiani, saltem ad

ad initium fidei, ut superius dictum est.

VII. Dices secundò. S. Thomas *Q. 24. de Verit. a. 14.* dicit: *Si gratiam Dei volumus dicere, non aliquod habituale donum, sed ipsam misericordiam Dei, per quam, interiori motum mentis operatur.... sic nec ullum bonum homo potest facere sine gratiâ Dei.*

Respondeo, S. Thomam citatis verbis loqui de actu ad salutem ordinato; nam post ly *operatur*, subiungit: *Et exteriora ordinat ad hominis salutem.* Cæterum superius loquens de opere purè morali, & honesto honestate naturali, dixerat: *Illud autem bonum, quod est natura humana proportionatum, potest homo per liberum arbitrium explere.... Quamvis autem, huiusmodi bona homo possit facere sine gratiâ gratum faciente; non tamen ea potest facere sine Deo: cum nulla res possit in naturalem operationem exire, nisi virtute divina; quia causa secunda non agit, nisi per virtutem causa prima, ut dicitur in lib. de Causis. Et hoc verum est tam in naturalibus agentibus, quam in voluntariis.* At concursus Dei necessarius ratione dependentiæ causæ secundæ à prima, generalis est; ergo &c. Nec refert, quod hanc quandoque etiam gratiam appellet; gratiam, inquam, Dei generalis Conservatoris, & Provisoris: quia non nostris meritis, sed gratuitâ Dei bonitate donata est. Unde in 2. dist. 28. q. 1. 2. 1. ad 1. *Gratia* (inquit) *duplitter dicitur. Uno modo donum gratuitum. Alio modo ipse Deus gratis dans. Dona autem gratuita propriè dicuntur, quæ naturalibus superaddita sunt, siue quibus bonis homo multa bona facere potest, quamvis non meritoria. Nihil tamen boni potest facere sine gratiâ Dei, secundum quod intelligitur gratia ipse Deus gratis dans: eo quod ipse est principium omnis boni, non tantum in hominibus, sed etiam in aliis creaturis.*

VIII. Dices tertio. Ecclesia non pro quibusdam tantum, sed pro singulis operibus bonis Deum orat, ejus-

que gratiam postulat; & illis factis Deo gratias agit: sed oratio, & gratiarum actio apud Augustinum est clarissimum argumentum indigentiae gratiae divinæ; ergo &c.

Respondeo primò, Ecclesiam bona opera moralia à Deo postulare, non præcisè, ut sistant in bonitate morali naturali, sed ut nos ad salutem conducant; quare suas collectas concludit: *Per Dominum nostrum Jesum Christum*, ex cuius meritis gratiam sibi dari postulat, ut ad salutem præsent.

Respondeo secundò, Ecclesiam adhuc orare posse Deum, ut nos faciat benè moraliter operari: quia licet possimus aliquod opus bonum morale facere, sine speciali gratiâ, non tamen singula, etiam divisivè, ut dicemus, propter pericula, & laqueos, quibus humana vita plena est; adeo ut homo sine speciali divino adiutorio evadere non possit, & superare universa; propterea Deum oramus, ut honestè etiam in operibus moralibus operemur. Quamvis, ut superius dictum est, orare possimus Deum etiam pro iis rebus, in quibus agendis gratiâ speciali non egemus; quia semper egemus ipso, ut adiutore, saltem tanquam primo movente, & Provisorè generali, quod auxilium non sit simpliciter (præsertim hic, & nunc) debitum, nec in potestate hominis positum. Qua ratione rogamus Deum etiam pro aeris tranquillitate, frugum abundantia, sanitate &c. quæ tamen ex gratia speciali, maxime per Christum, non prodeunt.

IX. Dices quartò. Major, & fortior Dei concursus requiritur ad actus bonos moraliter, quam ad malos: sed ad malos, secundum substantiam spectatos, concursus Dei solum est generalis; ergo ad bonos erit specialis.

Confirmit. Homo per peccatum factus est distortus, ad instar tibie curvæ: atqui tibia curva, sibi relicta, non potest non claudicare, si ambulet; ergo nec homo, sibi relictus, potest rectè operari, nisi à Deo specialiter rectificetur.

X.

X. Respondeo, neg. conf. Quamvis enim ad actus moraliter bonos concursus Dei non sit gratia per Christum, & specialis; adhuc tamen aliter concurrat ad actus bonos, ac ad malos. Nam ad malos concurrat solum quoad entitatem, non quoad malitiam actus, quam solum permittit: ubi ad bonos, quoad utrumque concurrat, & auctor est non solum entitatis, sed bonitatis. Ita S. Thom. in 2. dist. 37. q. 2. a. 2. ad 3. *Deus (inquit) dicitur causa bonarum operationum, non solum quantum ad essentiam actus, sed etiam quantum ad perfectionem, secundum quam bona dicuntur: utrumque enim agenti influit, & ut agat, & ut bene agat. Sed in malis actionibus quamvis sit causa earum, quantum ad essentiam, non tamen est causa quantum ad defectum: hoc enim reducitur in solam causam secundam deficientem.*

XI Ad Confirm. nego conf. Nam, ut ait D. Thom. Q. 24. de Verit. 2. 12. ad 4. *Exemplum Augustini (l. de Perfect. Iustitiae c. 2.) de curvitate quantum ad aliquod non est simile: quia scilicet non est in potestate tibia, ut utatur curvitate, vel non utatur: ideo oportet, omnem motum tibiae curva claudicationem esse (si nimirum ambulet) Liberum autem arbitrium potest uti, vel non uti sua curvitate: & ideo non oportet, quod in omni actu suo peccet, sed potest quandoque vitare peccatum. Est autem simile quantum ad hoc, quod non est possibile omnia vitare.* Et ad hunc finem eo exemplo utebatur S. August. contra Pelagianos, qui volebant, hominem sine gratia posse omnia peccata vitare. Addo: quod si exemplum hoc in omnibus esset simile; sequeretur, hominem peccatorem in omni actu suo peccare, quod superius reprobavimus.

Hinc patet differentia inter hominem adhuc mortalem, & Dæmonem, aut Damnatos. Nam hi cum sint in termino, sunt jam in malo immobilitati, & obstinati; quemadmodum è contra Beati sunt immobilitati in bo-

no: ac per consequens semper illi ex prava, isti ex bona voluntate operantur. Homines autem morales, utpote in statu viæ, neque habent voluntatem in malo obstinaram, neque semper operantur ex prava voluntate.

§. I I.

Resolutio nostra.

XII. Dico primò. Homo lapsus, cum solo concursu generali Dei, potest aliquod bonum morale honestum facere. In hac assertionione non intendimus, naturam humanam in quolibet suo individuo posse, cum solo concursu generali, aliquod bonum opus morale facere, sed naturam in aliquo individuo: ita ut concursus ille sit generalis, & debitus naturæ ad aliquod opus facile. Assertio sic explicata prob. Attendâ conditione humanæ naturæ, ex vi Providentiæ generalis debetur ei, ut in aliquo suo individuo aliquando bene operetur; ergo auxilium, ad aliquando bene operandum, non est naturæ indebitum, sed conforme ejus exigentiæ. Ant. prob. Natura humana in pluribus individuis habet potentiam expeditam, & facilem, ut in una, vel altera occasione eliciat aliquos actus bonos, faciles, & quibus appetitus sensitivus parum, aut nihil repugnet: sed ad providentiam generalem, quæ unicuique rei providet secundum ejus naturam, & exigentiam, spectat, ut naturæ habenti expeditionem ad bonum, in aliquo suo individuo concursum præstet, ad aliquando tale bonum faciendum; ergo &c. Maj. prob. Inclinatione ad bonum honestum, est per peccatum originale manserit infirmata, non tamen mansit prius extincta; ergo mansit expedita ad aliquod bonum, ut per seipsam ad illud possit in aliquo individuo, & aliqua circumstantia: Sicut (inquit D. Thom. hæc q. 109. a. 2.) *homo infirmus potest per seipsum aliquem motum habere; non ta-*

*men perfectè potest moveri motu hominis
fani, nisi sanetur auxilio medicina.*

XIII. Dico secundò. Quoties aliquod individuum naturæ humanæ benè operatur intra ordinem naturalem, sit illi gratia specialis, præ alio non operante; quæ proinde poterat illi negari, illæsi debito naturæ. Probatur. Estò enim, ut diximus, naturæ in aliquo individuo debeat concursus ad aliquando benè operandum; non tamen debeat illi in hoc, vel illo individuo determinatè, nec in hac, vel illa occasione; poterat enim satisfieri debito naturæ, si alteri individuo, vel in altera occasione concederetur; ergo huic individuo, cui in hac occasione conceditur, præ alio, sit specialis gratia; ei enim negari poterat absque læsione alicuius juris.

XIV. Dices tamen primò contra primam assertionem. Indifferenti ad has, vel illas cogitationes non est debitum, quòd res ita disponantur, ut potius oriantur cogitationes congruæ, quàm incongruæ; sed quòd potius oriantur congruæ est specialis gratia; sed homo est indifferens ad cogitationes congruas, & incongruas; ergo &c.

Confirm. Debito naturæ satisficit per hoc, quòd ita res disponantur, ut oriantur cogitationes sufficientes ad bonum: seu, quòd voluntas sit in actu primo libera ad bonum; ergo quòd aliquando illi dentur cogitationes etiam congruæ, seu efficaces, non est debitum, sed specialis gratia.

XV. Respond. dist. maj. Non est debitum, ut semper, & in omni suo individuo, con. maj. Aliquando, & in aliquo suo individuo, nego maj. & con. min. dist. eodem modo conf. Indifferentia ergo naturæ ad cogitationes congruas, & incongruas probat quidem, quòd non semper, & in omni suo individuo debeantur ei cogitationes congruæ; non verò, quòd aliquando, & in aliquo individuo non debeantur: monstruosum enim videretur, quòd naturæ indifferenti ad bonum,

& malum, & habenti aliquam inclinationem ad bonum, ex vi providentiæ generalis semper, & in omni suo individuo deberetur cogitatio incongrua, & concursus permissivus ad malum; & nunquam, & in nulla occasione cogitatio congrua, & concursus ad bonum.

Ad Confirm. nego ant. Imò ex quo naturæ in aliquo individuo, & occasione sit debita sufficientia, & facilitas ad bonum, inferimus, illi aliquando, & in aliquo individuo debitum ei esse auxilium, & cogitatio congrua ad bonum.

XVI. Dices. Estò homini in statu naturæ integræ deberetur cogitatio congrua ad bonum; per peccatum tamen homo meruit privari omni cogitatione congrua ad bonum; ergo de facto &c. Ant. prob. Quia homo per peccatum factus est indignus, ut etiam à Deo conservetur; qui propterea acquisivit jus ad illum puniendum, eum etiam reducendo in nihilum.

XVII. Respondetur, dist. antecedens. Meruit quoad sufficientiam, conc. antec. Quoad efficaciam, nego antec. Estò enim peccatum foret sufficiens demeritum, ut Deus in pœnam hominem etiam annihilaret; tamen de facto noluit eum annihilare, sed voluit eum in esse conservare. Supposito ergo, quòd post peccatum hominem conservare voluerit, & in eo liberum arbitrium cum virtute, indifferentia, & inclinatione ad bonum, licet attenuatâ; teneatur, juxta ordinem suæ providentiæ generalis, ei conferre aliquando, & in aliquo individuo auxilium ad bonum suæ naturæ proportionatum: quod, licet ex suppositione conservationis esset gratiosum, absolutè tamen illi non est indebitum; sicut nec indebitum est, juxta Contrarios, auxilium sufficiens ad bonum; nec in statu naturæ integræ indebitum fuisset auxilium efficace, quamvis gratuitam creationem, & conservationem supponeret. Et ratio est: quia supposita creatione, & conser-

vatione rei, tenetur providere illi secundum proportionem suæ naturæ.

XVIII. Dices adhuc. Ideo applicatio ad bonum honestum est debita naturæ humanæ, modo dicto, quia ex se habet inclinationem ad illud: sed hæc ratio est nulla; ergo &c. Min. prob. primò. Homo existens in gratia habet inclinationem, & potentiam expeditam ad aliquam operationem rectam supernaturalem: & tamen non est debitum illi, in ullo casu, auxilium ad aliquod opus supernaturale, cum illi concedatur ex speciali gratia per Christum; ergo à pari &c.

Secundò prob. min. Homo, ex vi providentiæ generalis supernaturalis, accipit potentiam expeditam ad salutem, aliàs illam consequi non esset ei in culpam: & tamen auxilia efficacia, quibus homo pervenit ad salutem, non sunt alicui debita; aliàs esset debita prædestinatio, & donum perseverantiæ, cum quibus talia auxilia sunt connexa; ergo &c.

XIX. Respondeo, neg. min. Ad primam probat. dist. min. Et tamen non est debitum illi, absolūtè sumto, co. min. Reduplicativè, ut est in gratia, & habet cætera dona gratiam comitantia, nego min. Cum enim ad providentiam Dei spectet, ut quando concedit virtutem expeditam ad aliquam operationem, tribuat etiam auxilia ad eandem operationem, saltem alicui, & aliquando; inde est, quòd homini existenti in gratia, & habenti dona supernaturalia, convenit, ut Deus, saltem aliquando, det auxilium supernaturale ad illam actionem: quod auxilium est quidem gratiosum homini, in puris naturalibus considerato, non verò eidem, ut in ordine supernaturali constituto. Sicut est quidem gratiosum, quòd subditus elevetur à Rege ad aliquod munus, puta Proregis, sive Ducis: supposità tamen tali elevatione, debitum est, ut Rex illi conferat ei, quæ ad tale munus rectè administrandum requiruntur. Ita in casu. Unde illud auxilium erit

quidem auxilium per Christum, non tamen specialis gratia per Christum.

Ad secundam prob. min. dico, hominem, ex vi providentiæ generalis supernaturalis, habere quidem potentiam physicè expeditam ad salutem; non tamen expeditam tam physicè, quam moraliter: sicut neque ad implendam totam legem, vel ad perseverandum finaliter. Ex potentia autem non expedita moraliter non inferitur à nobis, debitum esse auxilium efficax; sed ex potentia, etiam moraliter expedita, quam in aliquo casu habere hominem ad opus honestum ordinis naturalis sustinemus.

XX. Oppones contra secundam assertionem. Quod est debitum naturæ, est debitum omni individuo illius; ergo si est debitum naturæ humanæ auxilium efficax ad aliquod opus bonum morale, est illi debitum in omni individuo.

Respondeo. Maj. esse veram de eo, quod est debitum naturæ per modum prædicati quidditativi, & per se in primo, vel secundo modo, sicut debitum est homini esse risibile: non verò de eo, quod est debitum debito solius concedentiæ. Quod enim est hoc modo debitum naturæ, non est debitum omnibus; sed satis est, quòd alicui vaze concedatur. Sic licet naturæ humanæ sit debita congrua statuta corporis, recta dispositio partium, aliæque dotes ingenii &c. non tamen omnibus necesse est ea concedi, sed solum aliquibus. Ita in casu nostro.

Nec dicas. Potentia ad faciendum aliquod opus bonum debita est omnibus; ergo facere illud de facto debitum est omnibus, aliàs potentia illa videretur frustranea. — Nam respondeo, neg. conf. Quia potentia ad bonum est debita debito fundato in prædicato quidditativo hominis, nempe, in indifferentia ad bonum, & ad malum, quæ est de essentia liberi arbitrii; non verò debito purè concordantiæ, quale est de facto facere bonum.

Talia

Talis autem potentia, ne sit frustranea, sufficit, ut in aliquo individuo reductatur ad actum.

DUBIUM VI.

An Homo lapsus possit sine Speciali Gratia Deum super omnia diligere?

§. I.

Aliqua Prænotantur.

I. **D**Eus considerari potest, vel ut auctor naturæ, vel ut auctor gratiæ. Priori modo consideratus, est auctor, & largitor bonorum, quæ creaturæ in suo esse naturali summi conveniunt. Posteriori autem modo consideratus, est auctor, & largitor bonorum, quæ creaturam promoveant ad finem, qui illius naturam excedit. Quia verò Deus amari potest, & ut auctor naturæ, quatenus nobis contulit bona naturalia; & quatenus auctor gratiæ, ut scilicet bonis excedentibus naturam nos cumulat: ideo datur locus distinguendi duplicem amorem erga Deum, unum naturalem, alterum supernaturalem. Amor naturalis regulatur lumine rationis naturalis: ex quo enim homo lumine rationis cognoscit Deum Creatorem, Conservatorem, Provisorum &c. movetur ad eum amandum. Amor verò supernaturalis regulatur lumine fidei: quia, ex quo per fidem homo cognoscit Deum Redemptorem, & Glorificatorem, movetur ad eum amandum. Scio, hujus hanc distinctionem amoris in naturalem, & supernaturalem reicere; ait enim: *Distinctio illi duplicis amoris, naturalis videlicet, quo Deus amatur, ut auctor naturæ, & gratuiti, quo Deus amatur, ut Benefactor, vana, & commentitia, & ad illudendum Sacris Litteris, & plurimis Veterum testimonis excogitata.* Item: *Amor naturalis, qui ex viribus naturæ exoritur, ex sola philosophia, per elationem presumptionis huma-*

na, cum injuria Crucis Christi defenditur à nonnullis Doctores. Quæ tamen propositiones à S. Pio V. procriptæ leguntur num. 24. & 25.

II. Certissimum est, quoddam homolapsus, sine special: gratiâ supernaturali, non potest Deum auctorem gratiæ, & donorum supernaturalium diligere: hoc enim statutum est in pluribus Conciliis contra Pelagianos; & novissimè in Tridentino Sess. 6. Can. 3. Controversia solum est: an homo lapsus, ut diligat Deum auctorem naturæ, egeat speciali gratiâ.

III. Noto: quoddam dupliciter possumus amare Deum; vel amore efficaci, vel inefficaci. Amamus Deum amore solum inefficaci, quando velleitate quâdam complacemus in bonitate divina; non tamen querimus media, ut Deo placeamus: & ad hunc amorem habendum, certum est, nos non indigere speciali gratiâ; talis enim actus est facilis, & nullam difficultatem involvens. Quis enim est tam duro corde, ut sibi propositâ divinâ bonitate, non exerceat in se complacentiam, & amorem inefficacem erga illam. Tunc verò amamus Deum amore efficaci, & super omnia, quando vel amamus Deum, ipsum super omnia appretiando; ita ut Deo omnia, ac nos ipsos subordinemus, plus diligamus ipsum, quàm cætera, & propter ipsum parati simus omnia abdicare: vel intensivè, quando Deum amamus ferventiùs, quàm quidquam aliud.

IV. Porro: cum, ut dicebamus, amor Dei super omnia, alius sit naturalis, alius supernaturalis, ly *super omnia* non aequaliter accipiendum est in uno amore, sicut in altero; sed cum proportionem: statim in amore naturali intelligatur, *super omnia*, quæ continentur in ordine naturali; & in amore supernaturali intelligantur *omnia* absolutè, cuiuscumque sint ordinis, sive naturalis, sive supernaturalis. Ratio primi est: quia amor Dei super omnia naturalis, secundum se

consideratus, includit voluntatem servandi omnia mandata, non simpliciter, sed naturalis ordinis, & vitandi omnia peccata his præceptis contraria; quia hæc sola naturali lumine apprehendi possunt. At amor Dei super omnia supernaturalis includit voluntatem servandi omnia præcepta simpliciter, etiam illa, quæ sunt supernaturalia: supponit enim cognitionem omnium, & eorum, quæ sunt ordinis naturalis, & eorum etiam, quæ sunt ordinis supernaturalis. Unde dilectio, quæ est Dei solum, ut auctoris bonorum naturalium, non est super omnia simpliciter, sed tantum secundum quid, nempe, super omnia naturalia: amor autem, qui est Dei, etiam ut auctoris bonorum supernaturalium, est super omnia simpliciter, quia includit omnia ejuscumque ordinis.

V. Præterea: amor Dei super omnia, sive naturalis, sive supernaturalis, potest esse efficax, vel solum affectivè, vel etiam effectivè. Est efficax solum affectivè, quando licet in affectu omnia Deo subjiciat, non tamen in effectu, puta, quia parum durat. Est verò efficax etiam in effectu, quando non solum in affectu, sed cum perseveret, in effectu etiam omnia. Deo subjicit, totam legem implet &c.

VI. Distinguendus est etiam duplex amor, qui sit bonus. Unus amicitix, alius concupiscentix. Amicitia illum amamus, cui bonum aliquod adesse optamus, vel ei gratulamur. Concupiscentia verò amamus bonum illud, quod nobis inesse, vel optamus, vel gaudemus. Atque hoc etiam amore, & non solum amore amicitix contingit, Deum à nobis amari super omnia; partim quia Deus est majus bonum nostrum, quam quodvis aliud, quantumcumque nobis intrinsicum: partim quia homo amat sibi Deum, tanquam suum ultimum finem, quo modo nec se, nec ullum aliud bonum amat.

Nec refert, quid isto amore homo Deum sibi, & propter seipsum diligat: unde sequi videtur, quod magis

seipsum diligit, quam Deum. Nam licet sibi ipsi tanquam subiecto, ac etiam propter seipsum, hoc est, propter suam perfectionem, Deum diligat; non tamen propter seipsum tanquam finem Deum diligit: sed ipsum Deum tanquam suum ultimum finem amat, quem cupit adipisci, & quo desiderat frui; unde & seipsum etiam in Deum ordinat tanquam in suum finem ultimum.

VII. Hic ergo generaliter quærimus: an homo lapsus possit sine speciali gratiâ Deum, ut auctorem naturæ, super omnia diligere. Quæ in re Scotus cum suis vult, hominem lapsum posse, cum solo auxilio generali facere aliquem actum dilectionis Dei super omnia, amore benevolentix, & efficaci, non quidem effectivo, sed affectivo, saltem ad breve tempus; quod concedunt etiam homini in statu naturæ puræ. Alii id quidem negant homini lapsus, concedunt tamen ei, si in puris naturalibus fuisset conditus. Ita, Alvarez, Sylvius &c. Alii in utroque statu auxilium speciale requirunt; quod tamen in statu puræ naturæ esset ordinis naturalis, in statu verò lapsus, debeat esse etiam auxilium ordinis supernaturalis: non tanquam principium eliciens actum, sed tanquam removens impedimentum peccati, quo manente, Deus super omnia diligere non potest. Quod autem nos sentiamus, sequentibus aperiemus.

§. I I.

Auxilium necessarium in Statu Naturæ Integræ, & Puræ.

VIII. **D**ico primò. In statu naturæ integræ poterat homines suæ naturæ viribus, absque speciali auxilio, diligere Deum auctorem naturæ super omnia, cum solo auxilio Dei moventis. Ita expressè S. Thom. hoc a. 3. dicens: *Homo in statu naturæ integræ non indigebat dono gratiæ superaddita naturalibus bonis ad diligendum Deum natu-*

naturaliter super omnia, licet indigeret auxilio Dei ad hoc cum moventis. Et probat. Nam in statu naturæ integræ homo, virtute suæ naturæ, poterat operari omne bonum sibi connaturale: atqui Deum, ut auctorem naturæ, super omnia diligere est bonum homini connaturale; quia cum pars naturaliter sit propter totum, naturaliter vult suum esse, & suum bonum proprium propter bonum totius: sed bonum commune totius Universi est Deus; ergo naturaliter vult se, ac suum bonum proprium propter Deum, tanquam suum auctorem, & ultimum finem. Et hoc convenit unicuique creaturæ, proportionaliter tamen ad modum sibi convenientem; & ut ait S. Doct. secundum modum amoris, qui unicuique creatura competere potest. Hoc est: vel amore intellectuali, sicut Angelus diligit, vel rationali, sicut homo, vel animali, sicut bruta, vel naturali sicut lapides, & alia insensibilia, quemadmodum explicat D. Thom. Quolib. 1. a. 8. & 2. q. 16. a. 3.

IX. Confr. Homo in statu naturæ integræ nullum habebat obicem, quo impediretur, seipsum, & omnia referre in Deum, auctorem naturæ: pars enim superior erat subiecta Deo, & pars inferior erat perfectè subiecta rationi; ergo habebat vires expeditas, ut solo auxilio generali Dei moventis posset naturali amore Deum super omnia diligere; quemadmodum lapis naturali pondere, si non impediat, tendit in centrum.

X. Dico secundò. Homo si fuisset conditus in statu puræ naturæ, probabile est, potuisse diligere Deum auctorem naturæ super omnia, dilectione efficaci affectivè, saltem ad breve tempus, cum solo concursu generali. Videtur conformior menti S. Thomæ, tum Quolib. 1. a. 8. ubi eodem modo loquitur de homine integro, ac de homine in puris naturalibus condito; quia sic diligere Deum, est bonum connaturale homini: *Naturale enim est, ut qualibet pars suo modo plus amet ta-*

tum, quàm seipsam; ergo hæc inclinatio debebat, saltem aliquando, esse, expedita iam physicè, quàm moraliter, ut per seipsam, cum solo concursu generali Dei moventis, posset in actum dilectionis Dei exire.

XI. Confirmo hoc. Tota ratio, quare D. Thom. hoc a. 3. requirit in homine, pro præfenti statu, gratiam specialem ad diligendum Deum auctorem naturæ super omnia, est appetitus voluntatis rationalis, quæ, propter corruptionem naturæ, sequitur bonum privatum: sed in statu puræ naturæ natura non fuisset per peccatum corrupta; ergo voluntas hominis non ita sequeretur bonum privatum, quin, saltem aliquando, propriis viribus posset bonum totius, quod est Deus, plusquàm seipsam diligere.

XII. Dixi: *aliquando*, scilicet, saltem ab initio usus rationis. Licet enim pro illo statu fuisset rebellio appetitus ut ostendimus Tom 6. in 1. p. Quæst. 11. Dub. 2. §. 2. credibile tamen non est, quòd homo constitutus in naturali rectitudine, statim impedimentum experturus fuisset ab appetitu, ne posset in actum dilectionis naturalis viribus sibi inditis prorumpere. Quamvis enim ea rectitudo non potuisset, absque speciali auxilio naturali, esse ita firma, quin aliquando motus aliqui passionum circa, vel contra præscriptum rationis orirentur; non est tamen verisimile, quòd in natura ab initio, & origine non vitiatà statim fuissent exorti.

§. III.

Auxilium necessarium in statu Naturæ Corruptæ.

XIII. Dico. In statu naturæ corruptæ nemo potest solis naturæ viribus, & cum solo auxilio generali Deum auctorem naturæ dilectione efficaci, tam affectivè, quàm effectivè super omnia diligere. Probo primum ex D. Aug. Epist. 107. modò

217. ad Vitalem c. 4. dicente: *Liberum arbitrium ad diligendum Deum primi peccati granditate perdidimus*. Ubi non dicit, quod perdidimus liberum arbitrium ad diligendum Deum auctorem gratiæ; sed absolute, & absque ulla restrictione, & per consequens etiam ad diligendum Deum auctorem naturæ: sicut quia non perdidimus vires ad cognoscendum Deum auctorem naturæ, nemo sapiens diceret, quod perdidimus vires ad cognoscendum Deum.

XIV. Probatur etiam ex Concilio Milevitano Can. 4. sic dicente: *Utrumque donum Dei est, & scire quid facere debeamus, & diligere, ut faciamus*. Ergo ea diligere, quæ ad Decalogum pertinent, donum Dei est. Hæc etiam habet Arausicanum II. Can. 25. *Prorsus Dei donum est, diligere Deum*. Estò autem ille Canon statuatur contra Pelagianos, & Semipelagianos; illa, tamen particula *prorsus* significat, Concilium loqui absque ulla restrictione; cum sit terminus indefinitus, ac proinde universalis: ac per consequens vult, omnem Dei amorem super omnia, sive perfectum, & supernaturalem, sive inchoatum, & imperfectum, donum Dei esse: maxime quia in subsequentibus dicit: *Non nos incipimus, & postea per Dei misericordiam adiuvamus: sed ipse nobis nullis precedentibus bonis meritis, & sciam, & amorem sui prius inspirat, ut & Baptismi Sacramenta fideliter requiramus*.

XV. Hoc idem docet S. Thom. hoc art. 3. dicens: *Homo in statu naturæ integræ non indiget dono gratiæ superaddita naturalibus bonis ad diligendum Deum naturaliter super omnia, licet indigeret auxilio Dei ad hoc eum moventis. Sed in statu naturæ corruptæ indiget homo, etiam ad hoc auxilio gratiæ naturam servantis*. Et rationem paulò ante assignaverat: ex eo quod voluntas hominis lapsa, & existentis in peccato, sive originali, sive personali, est veluti recurva, & ad bonum privatum, ac proprium, quod

est ultimus finis peccatoris, conversa: unde, nisi sanetur, & veluti erigatur per gratiam, non potest sui, & omnium aliorum dilectionem in Deum referre, ipsumque tanquam bonum proprium, & ultimum finem diligere; cum hoc sit contra inclinationem curvam, & deviam.

XVI. Probatur Conclusio primò sic. Dilectio Dei super omnia appetitativa, & efficax est actus omnium præstantissimus, quem natura sana, & integra possit elicere: sed natura infirma, licet sine adiutorio alterius possit aliquod opus efficere, non tamen præstantissimum operationem, quam potest facere natura sana; ergo lapsus sine gratiâ &c. Min. patet. Maj. prob. Dilectio Dei auctoris naturalis efficax, & super omnia, testimonio Christi, Matth. 22. v. 38. *Est maximum, & primum mandatum, includens virtute, & saltem in affectu, omnium mandatorum legis observantiam, juxta illud Joann. 14. v. 15. Si diligitis me, mandata mea servate*. v. 21. *Qui habet mandata mea, & servat ea, ille est, qui diligit me*. Et v. 23. *Si quis diligit me, sermonem meum servabit*. Unde Basilii lib. de Inst. Monachorum c. 2. *Mandatum istud (inquit) unum quidem videtur; sed omnium mandatorum in se virtutem complectitur*. Tum etiam: quia actus efficacis dilectionis Dei auctoris supernaturalis virtualiter continet observantiam omnium mandatorum supernaturalium; ergo &c. Tunc sic: sed actus virtute continens observantiam totius legis est actus præstantissimus, & difficillimus; ergo &c.

XVII. Confirmatur. Quoties est impossibile executio alicuius operis, est etiam impossibilis voluntas, & propositum efficax illud exequendi: sed viribus naturæ lapsæ est impossibilis observantia totius legis naturalis, cuius propositum efficax includit efficax dilectionem Dei auctoris naturæ super omnia; ergo &c. Min. ex dicendis constabit.

XVIII.

XVIII. Respondere solent Contrarii, quòd ex his colligitur quidem, hominem lapsum non posse absque speciali gratià dilectionem Dei diuturnam, ac per totam vitam elicere, utpote inducentem effectivam omnium mandatorum observantiam: non tamen id non posse per aliquod breve tempus, utpote includentem solum aifctivam omnium mandatorum observantiam, seu solum in affectu, non in effectu. Eo vel maxime, quia fieri potest, ut pro illo parvo tempore nulla infurgat tentatio gravis, aut nullum præceptum difficile obliget.

XIX. Sed contra. Homo lapsus absque speciali auxilio non potest cum effectu observare omnia præcepta naturalia, nec vincere omnes tentationes graves; ergo nec potest etiam per breve tempus habere efficacæ propositionis ea omnia observandi, & tentationes vincendi. Consequ. probatur. Quoties executio alicuius rei est impossibilis, etiam propositum efficacæ ponendi illud, licet pro parvo tempore, est impossibile. Sic quia impossibile est hominem portare pondus centum modiorum, aut numerare arenas, quæ sunt in mari; impossibile censetur etiam propositum efficacæ ea exequendi. Et ratio est: quia cui sunt impossibilia media, quibus finis in executione habendus est, & quorum electio in intentione efficacæ finis includi debet; censetur impossibilis etiam intentio efficacæ, quia ille actus voluntaris est efficacæ, qui insert executionem mediorum. Ut tamen prævenitur responsio, quæ dari solet, nempe, id verum esse de eo, quod est impossibile physicè, non de eo, quod est impossibile solum moraliter: ideo sic

XX. Confirmatur. De objecto moraliter impossibili est impossibilis etiam moraliter affectus, seu propositum efficacæ: at in dilectione efficacæ Dei auctoris naturæ implicite clauditur propositum efficacæ observandi totam legem perseveranter, & per longum tempus, quod viribus hominis

lapsi est moraliter impossibile; ergo &c. Min. prob. Eodem enim modo proportionaliter discurrendum est de hac dilectione naturali efficacæ Dei, ac de dilectione efficacæ supernaturali per caritatem: sed hæc implicite claudit efficacæ propositum observandi omnia mandata etiam supernaturalia, non pro determinato tempore tantum, sed pro tota vita; quia de ratione ejus est, in affectu nunquam deficere ab amicitia Dei, & nunquam peccare; unde hoc propositum requiritur etiam, ut quis debite disponatur ad justificationem; ergo &c.

Quapropter est tentationes, & impedimenta ad actum dilectionis Dei non semper occurrant subjective, quando sit ille actus; semper tamen occurrunt objective; quia dilectio Dei efficacæ super omnia firmare debet affectum superandi omnes tentationes, & impedimenta: quæ obflare possunt observantiæ totius legis; ergo si homo lapsus non potest per longum tempus legem implere, & omnestentationes, ac impedimenta superare, quæ actui dilectionis Dei obitare possunt, absque auxilio gratiæ; neque poterit sine illo, adhuc per breve tempus, actum dilectionis Dei efficacæ elicere.

XXI. Probatur ulterius. Homo ille, qui suis naturæ viribus Deum auctorem naturæ super omnia diligere, mori posset etiam, antequam fidem fuisset eductus, & initiatus Baptismate; in eo autem casu, vel damnaretur, vel salvaretur. Si damnaretur; dicendum esset, quòd homo, qui Deum ut auctorem naturæ super omnia diligeret, & qui in ea voluntate per totam aternitatem permanfurus esset, damnandus esset: & falsum esset, quod dicit Sapientia, Prov. 8. v. 17. *Ego diligentes me diligo*. Et Christus, Lucæ 10. v. 18. *Hæc fac, & vives*. Si verò salvaretur; dicendum esset, hominem sine gratià, sine fide propriis viribus posse salvari, quod plusquam Pelagianum est.

XXII. Roboratur hoc. De præceptis

ptis legis naturæ loquebatur Christus, cum, *Matth. 19. v. 17.* dicebat: *Si vis ad vitam ingredi, serva mandata*; ergo is, qui omnia legis naturæ mandata servaret, haberet vitam æternam, de qua ibi est sermo. At is, qui diligit Deum, ut naturæ auctorem, simpliciter, & absolute super omnia, ad minimum omnia legis naturæ præcepta observat; partim actu, & re ipsâ, quantum ad ea, quæ tunc occurrunt; partim in voto, seu proposito, quantum ad reliqua; ergo si sic moreretur, intraret ad vitam æternam: at nemo potest ad illam vitam ingredi per solas naturæ vires; ergo nec per eas solas talem dilectionem habere potest.

XXIII. Dices tamen primò contra hanc rationem. D. Tho. 1. p. q. 60. a. 5. ad 5. concedit in Dæmonibus, qui tamen sunt damnati, dilectionem naturalem Dei; quam in 1. dist. 33. q. 2. a. 2. ad 5. concedit etiam pueris in limbo existentibus; in his autem non est specialis gratia. Et rursus: non est absurdum, quòd, qui diligit Deum dilectione naturali, damnetur.

XXIV. Respondeo, D. Thomam non admittere in Dæmonibus dilectionem Dei auctoris naturæ, quæ sit electiva, & appetitiiva; quæ libere Deum super omnia diligit, ac omnia ad ipsum, ut ultimum finem, referat, de qua loquimur in præfenti: sed dilectionem quamdam naturalem, quæ quælibet pars tenetur diligere totum, eo modo, quo diligit se ipsam; quæ dilectio est quasi proprietas naturæ, naturaliter ab ejus substantia effluens, sicut motus cordis à natura animalis; ut diximus *Tom. 5. in 1. p. Tract. de Angelis q. 6. Dub. 2. §. 3. num. 16.* Idem dico de parvulis in limbo existentibus: Deum enim diligunt amore quodam naturali, & inefficaci, qui est amor concupiscentiæ. Cum enim naturaliter diligant seipfos, naturaliter tenentur diligere etiam Deum, sinè quo nequit eorum esse sustentari, & con-

servari: non verò amore libero, electivo, casto, & amicitia, quo Deus diligitur, ut amicus, ut universalis Legislator, & omnia referuntur ad ipsum, ut ad ultimum finem. Et ad hunc amorem, non ad primum, requiritur specialis gratia: & qui cum eo moritur, damnari non posse dicimus.

XXV. Dices secundò. Falsum est, quòd non possit dari intentio efficax de eo, cujus executio est impossibilis; ergo &c. Ant. prob. primò. Licet Sacerdos non possit virtute propria consecrare, vel absolvere à peccatis; potest tamen propriis viribus velle consecrare, & absolvere. Secundò. Licet ad actu perseverandum usque ad mortem requiratur speciale auxilium; potest tamen homo cum auxiliis ordinariis divinæ gratiæ habere propositum efficax perseverandi in observantia legis usque ad mortem; ergo &c.

XXVI. Respondeo, neg. antec. ad primam prob. dico, quòd in consecratione Hostiæ, & absolutione Sacramentali est naturalis prolatio verborum, & est elevato verborum ad effectum supernaturalem: de primo habet Sacerdos virtute propria propositum efficax, non de secundo. Quare exemplum est pro nobis potius, quàm contra nos.

Ad secundam prob. cone. antec. nego consequ. Nam licet ad actu perseverandum requiratur speciale donum ab auxiliis communibus distinctum, non tamen ad posse perseverare; hoc enim cum auxiliis ordinariis gratiæ potest homo; unde cum istis perseverantia est ei possibilis, & proinde potest eam efficaciter intendere. Ad observantiam autem totius legis naturalis, quæ includitur in dilectione Dei super omnia, vires homo lapsus non habet; & proinde eam efficaciter intendere non potest, nisi gratiâ Dei adjuvetur.

XXVII. Dices tertid. Potest aliquis, ex solis naturæ viribus, tantum diligere patriam, falsos Deos, parentes &c. ut pro eis vitam suam profundat; ergo à

go à fortiori pro Deo, qui summè amabilis est. Antec. probatur. Nam, ut habetur Joan. 15. v. 13. *Majorem hac dilectionem nemo habet, ut animam suam ponat quis pro amicis suis.*

XXVIII. Respondeo, varias esse rationes discriminis. Prima: quia qui pro Patria, pro falsis Diis, pro parentibus, pro falsa fide morti se tradiderunt, seipsos quæsierunt, ut consequerentur famam, vel gloriâ, sicque non dilexerunt prædicta plusquam seipsos: & ideo inferri non potest, posse diligi Deum plusquam seipsum ab homine lapsò.

Secunda est: quòd Deus, utpote magis elevatus supra sensibilia, minùs, & inefficaciùs nos movet, quàm motiva terrena supradicta: & ideo etsi sit maximè diligibilis, plus requiritur, ut ipsum diligamus, quàm illa. Hanc rationem Patres Arausici II. Can. 25. tradiderunt. Natura enim corrupta pondere suæ prævæ inclinationis ita fertur in bonum sensibile, aut in bonum privatum suum; ut, nisi per gratiam erigatur, nequeat assurgere sursum. Et sicut oculi vitiatii minùs valent ad intuendum lucem Solis, quàm ad videndum lumen candelæ, etiamsi lumen Solis secundùm se sit magis visibile; & noster intellectus minùs intelligit res spirituales, tametsi magis intelligibiles, quàm res corporales, & sensibiles: ita voluntas humana, quoniam depravata, & conversâ ad bonum sensibile, ac privatum, infirmior est ad amandum Deum, qui est maximè amabilis, & prior ad diligendas creaturas, etsi longè minùs amabiles.

Tertia est: quòd dilectio temporarium non petit, ut deponatur affectus ad peccatum, sicut requirit dilectio efficax Dei super omnia: & ideo plus requirit ista, quàm illa.

XXIX. Doctrinam hanc tradidit S. Augustin. lib. de Patientia cap. 17. his verbis: *Qui hæc dicunt, non intelligunt, & quemque iniquorum tantò esse ad quacumque mala perferenda du-*

Tom. IX.

viorem, quantò in eo major est cupiditas mundi; & quemque Justorum tantò esse ad quacumque mala perferenda fortiorem, quantò in eo major est caritas Dei. Et infra: *Quantò ergo major est in Sanctis caritas Dei, tantò magis pro eo, quòd diligitur; & quantò major est in peccatoribus cupiditas mundi, tantò magis pro eo, quòd concupiscitur, omnia tolerantur.* Unde concludit: *Et ideo illi falsa patientia potest, sine adjutorio Dei, voluntas humana, sufficere; tantò durior, quantò cupidior, & èd tolerabiliùs mala sustinent, quòd ipsa sit peior: huic autem, quia veræ patientia est, ideo voluntas humana, nisi desuper adjuncta, & inflammata, non sufficit; quia Spiritus Sanctus est ignis ejus, quo nisi accensa diligit impassibile bonum, ferre non potest, quòd patitur malum.*

XXX. Dices quartò. Intellectus viribus propriis potest cognoscere, Deum auctorem naturæ esse super omnia diligendum; ergo & voluntas, quæ sequitur dictamen rationis, poterit ad eum diligendum viribus propriis accendi.

XXXI. Respondeo, dist. ant. Cognitione speculativâ, con. ant. Prædicâ, nego ant. Estò igitur intellectus noster viribus propriis possit cognitionem, quasi speculativam habere hujus veritatis: *Deus est super omnia diligendus;* non tamen habere potest judicium prædicum, & prudeniale, quo judicet, ac imperet voluntati, Deum hîc, & nunc esse super omnia diligendum, nisi viribus gratiæ adjuvetur: quia, hujusmodi judicium prædicum plures difficultates involuit, ut supra diximus, quæ ab intellectu pratico hominis lapsi magis infirmato in ordine ad prosecutionem boni, quàm speculativo in ordine ad cognitionem veri, propriis viribus superari non possunt.

Hinc quamvis viribus propriis possit Deum auctorem naturæ cognoscere; non potest tamen eum ut talem diligere: quia, ut docet D. Thom. hæc q. 109. a. 2. ad 3. *Magis est natura*

G

bu-

humana corrupta per peccatum quantum ad appetitum boni, quàm quantum ad cognitionem veri. Unde citò in ea aliqua inclinatio ad bonum universale adhuc perseveret; in praxi tamen prævalet inclinatio ad bonum privatum, ad quod per peccatum fuit conversa. Quare nisi per gratiam erigatur, non potest ad illud efficaci tendere voluntate.

§. I V.

Auxilium sit Naturalis ordinis, an verò Supernaturale?

XXXII. **D**ico. Ad diligendum Deum auctorem naturæ efficaciter, & super omnia; per se loquendo, & quantum est ex parte objecti, solum requiritur auxilium speciale ordinis naturalis: at supposito, quod homo sit elevatus ad ordinem supernaturalem, si in peccato existat, per accidens, & concomitanter, requiritur auxilium supernaturale, imò & gratia sanctificans.

Explicatur hæc secunda pars. Homo existens in peccato mortali, per peccatum impeditur, ne possit elicere actum dilectionis Dei super omnia, etiam ut auctoris naturæ; est ergo necesse, ut per aliquem actum prius se disponat ad gratiam sanctificantem, quæ formaliter expellit peccatum. Cum autem non possit se disponere ad gratiam, & expulsionem peccati per actum merè naturalem, necesse est, ut hoc faciat per actum supernaturalem: & consequenter, ut per auxilium speciale ordinis supernaturalis fiat expeditus ad diligendum Deum auctorem naturæ. Conclusio igitur sic explicata duas habet partes.

XXXIII. Prior pars prob. Dilectio Dei, ut auctoris naturæ, est actus entitativè, & ex parte objecti merè naturalis; ergo per se, & ex præcisa ratione objecti, non requirit nisi auxilium speciale naturalis ordinis: aliàs si per se ad sui elicentiam exigeret

auxilium supernaturale, actus ille non esset naturalis, sed supernaturalis.

Confirmatur. Inter propositiones Baii à S. Pio V. & Gregorio XIII. proscriptas trigesima quarta hæc est: *Distinctio illa duplicis amoris, naturalis videlicet, quo Deus amatur, ut auctor naturæ; & gratuiti, quo Deus amatur, ut beatificator, vana est, & commentitia, & ad illudendum sacris Litteris, & plurimis Veterum testimoniis excogitata:* Sed si ad omnem actum dilectionis Dei requiritur per se auxilium supernaturale, jam vana redidit distinctio amoris in naturalem, & supernaturalem; ergo &c.

XXXIV. Secundo eadem pars probatur. Etiam supposita elevatione hominis ad ordinem supernaturalem, datur locus amorì, quo Deum diligit amore naturali, ut auctorem naturæ, distincto ab eo, quo eum diligit, ut auctorem gratiæ, & gloriæ. Nam Angeli fuerunt elevati ad ordinem supernaturalem: & tamen D. Thom. 1. p. q. 62. a. 7. distinguit in eis etiam, ut beatis, duplicem amorem, unum naturalem, alterum supernaturalem.

XXXV. Posterior pars probatur. Supposita elevatione hominis ad ordinem supernaturalem, nequit converti ad Deum auctorem naturæ super omnia, quamdiu manet aversus à Deo auctore gratiæ: sed homo in peccato mortali existens, est aversus à Deo auctore gratiæ; ergo quamdiu non tollitur ista aversio non potest Deum auctorem naturæ super omnia diligere: sed hæc aversio, non potest tolli, nisi per auxilium supernaturale; ergo &c. Maj. videtur certa. Nam respectu hominis elevati ratio auctoris naturæ, & gratiæ sic connectuntur; ut non possit ad unam accedere, quin accedat ad alteram, & pariter ab una recedere, quin recedat ab altera.

XXXVI. Confirmatur. Si homo in peccato mortali existens, posset Deum auctorem naturæ super omnia diligere; posset esse conversus ad Deum auctorem naturæ, & aversus à Deo auctore natu-

naturæ: sed hoc repugnare nemo non videt; ergo &c. Maj. probatur. Nam omne peccatum in homine elevato avertit à Deo, non solum ut auctore gratiæ, sed etiam ut auctore naturæ.

XXXVII. Confirm. iterum. Dilectio Dei auctoris naturalis super omnia petit, ut nulla creatura diligatur plusquam Deus: sed qui esset conversus per amorem ad Deum auctorem naturalem, & non conversus, sed aversus per peccatum à Deo auctore supernaturali, aliquam creaturam diligeret plus, quam Deum auctorem supernaturalem; ergo Deum super omnia diligeret, & non diligeret.

Ex quo sequitur, quod homo diligens Deum auctorem naturæ super omnia, debeat etiam concomitanter habere gratiam sanctificantem. Diligens enim Deum auctorem naturæ super omnia debet à se auferre omne peccatum, omnemque aversionem à Deo, utpote cum tali actu impossibilem, ut vidimus: sed peccatum, & aversio à Deo non auferuntur, nisi per gratiam sanctificantem; ergo qui diligit Deum auctorem naturæ super omnia, debet habere gratiam sanctificantem.

XXXVIII. Quæres: An homo jam habens gratiam sanctificantem, possit cum auxilio speciali ordinis naturæ diligere Deum auctorem naturæ super omnia?

Respondeo, affirmative. Ut enim diximus, ad diligendum Deum auctorem naturæ super omnia, non requiritur auxilium supernaturale per se, nimirum ex parte actus, & objecti; sed solum ex parte subjecti, quod habet impedimentum peccati, quo non ablato per gratiam, non potest Deum, etiam ut auctorem naturæ, super omnia diligere: sed homo justus non habet impedimentum peccati, & licet habeat gratiam, & caritatem, potest illis non uti, & viribus naturalibus auxilio speciali illius ordinis adjutus elicere actum amoris Dei finis naturalis, regulati per cognitionem naturalem: quemadmodum licet habeat tem-

perantiam infusam, potest eam non uti, & ex viribus naturalibus, ac motivo naturali elicere actum temperantiæ acquisite; ergo homo justus, in quo per gratiam justificantem natura sanata est, elicere potest actum dilectionis Dei auctoris naturalis super omnia, procedentem ex viribus liberi arbitrii, auxilio speciali ordinis naturæ adjuti. Si enim ad omnem Dei dilectionem, & in omni subiecto requireretur semper auxilium supernaturale; jam omnis amor Dei esset supernaturalis; & sic distinctio amoris Dei in naturalem, & supernaturalem esset vana, & commentitia, quod in Bajo damnatum fuit, ut diximus.

XXXIX. Sed dices primò contra secundam partem assertionis. Stat, hominem converti ad Deum, ut auctorem naturæ, quin convertatur ad ipsum, ut auctorem gratiæ; ergo stare potest amor Dei naturalis, quin ex parte subjecti requiratur auxilium supernaturale. Ant. prob. Omnis homo perveniens ad usum rationis potest, & tenetur naturali præcepto Deum auctorem naturæ super omnia diligere, ut docet D. Thom. 1. 2. q. 89. a. 6. & tamen non tenetur converti ad Deum auctorem supernaturalem; ergo &c. Min. prob. Si enim ad hoc teneretur, deberet ei Deus conferre auxilia sufficientia ordinis supernaturalis, per quæ fieret potens ipsum in tali ordine amare; nemo enim tenetur ad id, quod non potest: sed Deus non omnibus confert auxilia sufficientia ad actum supernaturalem, verbi gratia ad fidem; aliàs non daretur infidelitas negativa, quod est contra D. Tho. & communem Theologorum consensum; ergo &c. Min. prob. Quia Infidelis purè negativè ille est, qui non credit, quia non habet auxilia sufficientia ad credendum: si enim ea haberet, & non crederet, esset Infidelis, non negativè tantum, sed privativè.

XL. Huic argumento, quod in hac materia non est parvi momenti, jam

respondimus Tom. 3. in 1. p. Qu. 2. de Vol. Dei Dub. 3. §. 6. n. 60. & 61. Cohærenter ergo ad ibi dicta, nego antec. ad probat. nego min. ad cuius probat. nego similiter min. Deus enim, teste Joann. c. 1. v. 9. est *Lux vera*, quæ illuminat omnem hominem venientem in hunc Mundum: quæ verba de illuminatione circa supernaturalia mysteria explicant Chrysostomus apud D. Thom. in Cat. aurea. Et Hieronymus ad Galat. 1. & D. Tho. 1. 2. q. 89. a. 6. ab arguente laudat docet, quod homo veniens ad usum rationis: Si quidem seipsum ordinaverit ad debitum finem, per gratiam consequitur remissionem originalis peccati. Talis autem ordinatio, quæ per gratiam consequatur remissionem originalis peccati, debet esse ad Deum auctorem supernaturalem. Datur ergo omnibus ad usum rationis venientibus auxilium, sufficiens ordinis supernaturalis, ut ostendimus citato Tomo in 1. p.

XLII. Neque sequitur, non dari infidelitatem negativam in iis, qui nihil deinceps audierunt de mysteriis fidei. Etenim licet Deus omnem hominem, ad usum rationis prius venientem, sufficienter de illis interius illuminet; itaut si tali illuminatione benè utatur, justificationis gratiam consequatur; si non benè utatur, peccet mortaliter, ut docet D. Tho. citatus: attamen si postea in sylvis educetur, & nihil ei de talibus mysteriis, de quibus fuit interius illuminatus, exterius prædicetur, potest primæ illius illuminationis naturaliter sic oblivisci, ac si illam nunquam habuisset; & consequenter ignorantia invincibilis circa fidei mysteria laborare, & fieri infidelis negativè. Et sanè: si contingit aliquando peccati commissi in grandiori ætate naturaliter sic oblivisci; ut possit quis invincibiliter ignorare, se illud commississe, & non teneri ad illud confitendum: cur non continget, virum adultum (si ei amplius non prædicetur, & nihil postea de illis audiat, ut supponimus) natura-

liter sic oblivisci mysteriorum fidei; de quibus in ætate tam tenera fuit à Deo interius illuminatus, ut illa credere amplius non teneatur?

XLIII. Dices secundò. Dilectio naturalis Dei in homine lapsò non est incompatibilis cum peccato mortali; ergo &c. Antecedens prob. Non est incompatibilis cum peccato immediatè, quia non est forma destructiva peccati; hæc enim est gratia; neque mediatè, quia non est dispositio per se connexa cum gratia; ergo &c.

XLIII. Respondeo, neg. ant. Ad prob. dico, dilectionem Dei naturalem esse incompatibilem cum peccato mortali indirectè; non quia habeat vim aliquam activè destructivam peccati, sed solum passivè; quia, est non valeat peccatum à subiecto expellere, in subiecto tamen, in quo est, non compatitur peccatum, sed petit esse in eo principium destructivum peccati. Cum enim dilectio Dei auctoris naturalis super omnia, hominem convertat ad Deum, nequit stare cum peccato lethali, quod hominem à Deo avertit: nequit enim homo elevatus esse aversus à Deo auctore supernaturali, & conversus ad Deum auctorem naturalem.

XLIV. Neque infest, Dæmones in peccato mortali existere, & pueros similiter in Limbo positos; qui tamen Deum auctorem naturalem diligunt.

Nam respondeo ex dictis, nos loqui de dilectione Dei amicabili, & electiva; non verò de amore naturali, quo Dæmones, & pueri in limbo Deum diligunt: talis enim amor non diligit Deum, quia summum bonum in se, sed quia bonum est diligenti. Quia cum Dæmones, & pueri in Limbo diligant suum esse, naturali quodam pondere diligunt Deum, quo indigent, ut conserventur in esse: & ideo non mirum, si iste amor sit compatibilis cum peccato. Ut enim docet D. Tho. 1. p. q. 60. a. 2. dilectio naturalis unicè tendit in finem; dilectio verò electiva est boni, quod

quod diligitur propter finem. Dæmones autem, & pueri in Limbo, esse diligant Deum inquantum est commune bonum omnium, quæ est dilectio naturalis: non tamen diligant in ordine ad ipsum ea, quæ sunt ad finem, quæ est dilectio electiva.

DUBIUM VII.

An sit necessaria Gratia ad observantiam totius Legis Naturæ?

§. I.

Aliqua supponuntur.

I. Suppono, ex dictis, posse in natura lapsa hominem, unum, vel alterum præceptum naturale ex facilioribus, cum solo auxilio Dei moventis, implere quoad substantiam saltem; nempe, implendo officium, quod per ea vel præcipitur, vel prohibetur: cum enim, ut superius ostensum est, possit homo lapsus aliquod bonum opus morale facere, viribus propriis; videtur etiam, quod instante præcepto facilis adimpletionis possit illud eisdem viribus, quoad substantiam, & ex motivo naturali honesto implere. Cum enim in homine, per peccatum lapso, liberum arbitrium ad bonum sit quidem infirmatum, sed non prorsus extinctum; non potest quidem sine adiutorio facere ea, quæ posset sanus, aliqua tamen facere potest. Hinc S. Augustinus lib. 4. contra Julian. c. 3. docet, inter nonnullos ex Gentilibus visa fuisse plurimum virtutum officia. Reperti enim sunt, qui thori fidem servarunt, qui cultum exhibuerunt parentibus, qui suis opibus alienam miseriam sublevarunt; qui à perjurio, homicidio, aliisque in Decalogo vetitis temperarunt: unde obstetrices Egyptiæ, quæ præcepto iniquo Pharaonis de interficiendis Hebræorum masculis obtemperare noluerunt, tali actu in se honesto temporalem mercedem à Deo reportarunt.

II. Ex his adverto cum S. Thom. hæc q. 109. a. 4. quod implere præcepta legis, contingit dupliciter. Uno modo quantum ad substantiam operum: Prout scilicet homo operatur iusta, & fortia, & alia virtutis opera... Alio modo possunt impleri mandata legis, non solum quantum ad substantiam operis, sed etiam quantum ad modum agendi, ut scilicet, ex caritate fiant. Priori modo dicit S. D. quod homo in statu natura integra potuit omnia mandata legis implere: alioquin homo non potuisset in statu illo non peccare; cum nihil aliud sit peccare, quam transgredi divina mandata. Idemque probabiliter dici posset, saltem per aliquod tempus, de homine in puris naturalibus condito. Nam, ut supra diximus, præcepta legis naturalis fuissent illi in eo statu connaturalia; nec natura fuisset per peccatum corrupta, nec adeo frequens fuisset carnis rebellio. Posteriori autem modo, neque in statu natura integra, neque in statu natura corrupta potest homo implere absque gratia legis mandata.

Hanc distinctionem esse admittendam, constat: tum ex dictis Tom. 7. q. 2. de Propriet. Virtutum. Dub. 3. §. 2. & 3. ubi ostendimus, virtutes acquisite non esse per se connexas cum caritate. Tum ex eo, quod S. Pius V. & Gregor. XIII. hunc Baii articulum. num. 61. damnarunt: *Celebris illa Doctorum distinctio, divina legis mandata bisariam impleri: altero modo, quantum ad præceptorum operum substantiam tantum: Altero, quantum ad certum, quendam modum, videlicet, secundum quem valeant operantem perducere ad regnum æternum, hoc est, ad modum meritorum, commentitia est, & explodenda.* Cui similis est articulus 62. pariter proscriptus.

III. Pelagius Gratiæ Dei hostis infensissimus, ut refert S. August. l. de Hæres. c. 83. inter alios errores, hos assererat: hominem posse omnia divina mandata facere sine gratiâ: gratiam ad hoc dari hominibus, ut quæ face-

æ

re per liberum iubentur arbitrium, facilius implere possint per gratiam: hanc autem, sine qua nihil boni possumus facere, non esse nisi in libero arbitrio: charitatem, quā piē vivitur, non dari, sed Deum nos tantum adjuvare per suam legem, atque doctrinam: aliosque, jam damnatos in Synodis Diospolitana, in Palæstina, (quæ Civitas antea vocabatur Liæda, cuius fit mentio *Aldorum* 9. v. 32. & 38.) alijque quatuor Africanis, Carthaginensi, in qua præcipue damnatus fuit Cœlestius Pelagii discipulus: alterā Carthaginensi, Milevitana, & tertiā Carthaginensi, quam August. *Epist.* 47. modò 215. totius Africæ *Ple-nariam* vocat. Quas omnes ab Apostolica Sede fuisse probatas, testatur Augustinus, & Prosper *Respons.* ad 3. cap. *Gall. & lib. contra Collatorem* cap. 21. Quibus addi potest Conc. Ephesinum: scribit enim S. Gregor. I. t. *Epist.* *Epist.* 114. & l. 7. *Epist.* 47. Pelagium cum suis dogmatibus in Ephesina Synodo fuisse damnatum; constatque ex actis illius Concilii r. 17. & ex S. Prospero in *Chronico* ad ann. 434. Pelagianæ tandem reliquæ dissipatæ sunt anno 529. sub Felice Papa IV. in Synodo Arausicana II. cujus Canones à Sede Apostolica ex variis S. Augustini locis excerptos, & ad Patres Arausicanos transmissos, Patres præfati publicaverunt, eisque subscripserunt. Ita enim initio Synodi loquuntur: *Pervenit ad nos, esse aliquos, qui de gratia, & libero arbitrio minus cavet, & non secundum fidei regulam sentire velint: Unde & nobis secundum auctoritatem, & admonitionem Sedis Apostolicæ iustum, & rationabile visum est: ut pauca Capitula ab Apostolica nobis sede transmissa, qua ab antiquis Patribus de veteris Scripturarum voluminibus in hac præcipue causa collata sunt, ad docendos eos, qui aliter, quàm oportet, sentiunt, ab omnibus servanda præferre, & manibus nostris subscribere deberemus.*

IV. Dimisso Pelagiano errore: ex

Catholicis quidam putant, hominem lapsum posse sine speciali gratiā totam legem naturæ, ex motivo merè naturali implere. Pro qua opinione ab aliquibus citatur Scotus. Quidam asserunt, posse quidem sine gratiā habituali, non verò sine gratiā speciali auxiliante. Pro hac citantur S. Bonaventura, & alii. Alii demum ad observantiam totius legis naturæ, requirunt nedum gratiam auxiliantem, sed etiam gratiam habitualement, modò *Dub. præcedente* explicato. Ita frequentius cum Thomistis Theologi.

§. I I.

Resolutio Dubii.

V. Dico. Homo lapsus sine speciali gratiā non potest omnia præcepta legis naturalis implere, nec collectivè, nec divisivè; ne quidem quoad substantiam. Probo primò. Quia inter præcepta legis naturalis maximum, & primum est diligere Deum super omnia: sed hoc absque speciali gratia ab homine lapso impleri non posse, ostensum est *Dubio* præcedente; ergo &c.

Secundò. Ut dicemus, ad vincendam gravem tentationem, est necessaria specialis gratia: sed observantia totius legis naturalis includit victoriam gravis tentationis; ergo &c.

Confirmatur. Homo lapsus non potest sine gratiā servare præceptum, quo prohibetur, ne voluntas titillanti concupiscentiæ consensum præbeat: nam hoc servari non potest sine victoriā gravis tentationis.

VI. Si dicas, accidere posse, quoddam etiam per longum tempus tentatio gravis non occurrat — Contra est. Nam hoc ipsum gratis concessum, specialis gratia erit. Unde arguo sic: in observantia legis naturalis, vel occurrit gravis tentatio, vel non. Si occurrit; ergo ad ejus victoriam requiritur specialis gratia: si non occurrit; ergo hoc ipsum non occurrere specialis gra-

tia

tia erit: attentā enim rebellione appetitus, & hominis conditione, necesse est, plures ei occurrere graves tentationes.

VII. Urgetur hoc. Per legem non tollitur, sed augeatur occasionaliter concupiscentia: ait enim Paulus ibi v. 8. *Occasione autem acceptā, peccatum per mandatum operatum est in me omnem concupiscentiam: sine lege enim peccatum mortuum erat.... sed cum venisset mandatum, peccatum revixit.* Quod hac eleganti similitudine explicat S. Augustinus l. de Spiritu, & litt. c. 4. nimirum: *Sicut aqua impetus si in eam partem non esset influere, vehementior sit, obice exposita, cujus molem cum evicerit, majore cumulo precipitatus vehementius per prona provolvitur; nescio quo enim modo, hoc ipsum, quod concupiscitur, sit jucundius, cum vetatur.* Unde ibidem Apostolus ait v. 13. *Video. aliam legem in membris meis repugnantem legi mentis meae, & captivantem me in lege peccati, quae est in membris meis.* Et postmodum quarens v. 14. *Quis me liberabit de corpore mortis hujus?* Respondet: *Gratia Dei per Dominum nostrum Jesum Christum.* Sentiunt ergo Apostolus, & Augustinus, concupiscentiam præcepto *Non concupisces* fieri vehementiorem, & indigere gratiā per Christum, ut frānetur.

VIII. Probatur ulterius. Observantia totius legis naturalis est opus perfectissimum, quod possit fieri ab homine sano: sed homo lapsus, infirmus, & cujus arbitrium, licet non sit extinctum, est tamen attenuatum ad bonum, & vi aversionis à Deo per peccatum, & rebellionis appetitus, nequit viribus propriis facere opus perfectissimum, quod potest fieri ab homine sano, nisi sanetur per gratiam; ergo &c.

IX. Rursus: quod aliquo modo confert ad justificationem; non potest servari sine gratiā: alioquin homo per naturæ vires se præpararet ad gratiam, quod Pelagianum, vel Semipe-

lagianum esse, inferius ostendemus: atqui observantia omnium, & singulorum mandatorum Decalogi confert ad justificationem; ergo non potest. Min. prob. Tum ex illo Rom. 2. v. 13. *Factores legis justificabuntur.* Tum ex illo Christi, Matth. 19. v. 17. *Si vis ad vitam ingredi, serva mandata:* quoniam autem essent hæc mandata subjuncta: *Non homicidium facies, non adulterabis.* &c. aliaque præcepta Decalogi.

X. His addo: quod si tota Decalogi lex servari posset sine gratiā, aliqui homines, non adjuti Dei gratiā, eam aliquando servassent; quod enim est possibile, in aliquibus saltem ad actum reduci debuit: sed nemo unquam, non adjutus gratiā, omnia, & singula Decalogi præcepta servavit: ergo &c. Min. docet Paulus, Rom. 3. v. 12. dicens: *Omnes declinaverunt, simul innutiles facti sunt: non est, qui faciat bonum, non est usque ad unum.* Et prius v. 9. dixerat: *Judeos, & Græcos (sibi relictos) omnes sub peccato esse.* Et cap. 7. v. 5. scribit, hominem carnalem, hoc est, qui per gratiam non est factus spiritualis, suis passionibus servire: *Cum enim (inquit) essemus in carne, passiones peccatorum, quae per legem erant, operabantur in membris nostris, ut fructificarent morti.* Qui autem passionibus servit, qui fructificat morti, non servat omnia præcepta Decalogi.

XI. His accedunt Concilia. Milevitano Can. 5. hæc habet: *Quicumque dixerit: ideo nobis gratiam justificationis dari, ut quod facere per liberum jubemus arbitrium, facilius implere possimus per gratiam; tanquam, etsi gratia non daretur, non quidem facile, sed tamen possumus etiam sine illā, implere divina mandata, anathema sit.* Et primum Concilium Carthaginense: in Epistola Synodica ad Innocentium, quæ est 90. modò 175. inter Augustinianas, testatur, Pelagianos fuisse damnatos, quod dicerent: *In eo Dei gratiam esse deputandam, quod talem homi-*

hominis instituit, creavitque naturam; qua per propriam voluntatem legem Dei posset complere, sive naturaliter in corde scriptam, sive litteris datam. Idem testatur Innocentius I. *Epist. apud August.* 93. modò 181. dicens de Pelagianis: *Negantes auxilium Dei, inquirunt, hominem sibi posse sufficere, nec gratiâ hunc egere divinâ..... dum ad omnia vita perficienda mandata solâ tantummodo libertate contendat.* Quod & Cœlestinus scribens ad Galliarum Episcopos *eap.* 10. confirmat.

XII. Respondent Adversarii, Scripturam, Concilia, Summos Pontifices loqui de præceptis divinis; non quæ sunt juris naturalis, sed juris positivi, & supernaturalibus, ut sunt præcepta fidei, spei &c. aut si loquuntur de præceptis Decalogi, & juris naturalis; loqui de eis, non quoad substantiam implendis, sed etiam quoad modum, nempe, ex caritate: vel de eis, ut conferunt ad justificationem, & vitam æternam.

XIII. Sed contra primò. Nam Christus, & Paulus laudatis locis apertè loquuntur de præceptis Decalogi, & juris naturalis. Christus enim expressè recenset præcepta Decalogi: Paulus etiam reddens rationem, cur Judæi, & Græci legis rei, & sub peccato essent, adduxit *Psal.* verba *Se-pulebrum patens est guttur eorum, linguis suis doloris agebant, venenum aspidum sub labiis eorum &c.* quæ sunt peccata contrà legem naturalem. Et *eap.* 7. & 8. *ad Roman.* præcipuè loquitur de præcepto: *Non concupisces.* Deinde Paulus *Roman.* 3. ostendere voluit, non solis Judæis gratiam esse necessariam, ut sine peccato essent, sed etiam gentibus: at gentes non aliam legem habebant, quàm naturalem, nec de modo illam implendi ex caritate quidquam audierant; ergo &c. Imò cùm loquatur de absoluta imple-tione legis, ut non peccetur contra illam, loquitur de imple-tione illius quoad substantiam; & ad hanc docet esse necessariam gratiam.

Secundò. Concilia, & Pontifices loqui de gratia necessaria ad imple-tionem legis naturalis etiam quoad substantiam, ostendo. Tùm quia hanc necessitatem deducunt ex infirmitate liberi arbitrii ad bonum, & rebellione appetitus inducâ per peccatum: atqui hæc infirmitas, & rebellio appetitus non solum est circa bonum supernaturale, sed, & quidem maxime, circa bonum naturale, & rationis; ut testantur continui concupiscentiæ, & aliarum passionum motus, gravesque tentationes retrahentes à bono rationis; ergo &c. Tum etiam, quia Concilia, & Pontifices necessitatem gratiæ ad id asserabant, ad quod necessariam esse negabat Pelagius: atqui iste gratiam necessariam negabat, nedum ad supernaturalia, sed naturalia præcepta implenda: unde in Synodica Concil. Carthaginensis reprehenditur, quòd diceret, per propriam voluntatem posse impleri legem, *sive naturaliter in corde scriptam, sive litteris datam;* ergo &c.

XIV. Sed dices primò. Paulus ad *Roman.* 2. v. 14. dicit: *Cùm enim gentes, quæ legem non habent, naturaliter ea, quæ legis sunt faciunt. ejusmodi legem non habentes, ipsi sibi sunt lex. Qui ostendunt opus legis scriptum in cordibus suis.* Ergo per naturæ vires, sine gratiâ, potest observari lex; cùm eam omnes habeant in corde scriptam.

XV. Respondeo, duplici responsione exponi hunc textum. Primò, negando consequentiam. Ly enim naturaliter, seu naturâ, ut in textu Græco, non excludit gratiam, idemque valet, ac solis naturæ viribus; sed excludit legem scriptam, & reddit sensum: cùm enim gentes, quæ legem scriptam non habent, naturaliter, id est, per cognitionem, quam lumine naturæ scriptam in corde habent, sine adjutorio legis scriptæ, eisi non sine adjutorio fidei, & gratiæ, eam, quæ legis sunt faciunt. Ita exponit S. Tho. *hoc a. 4. ad 1. ex S. Augu-stino*

Aino I. de Spiritu, & litt. c. 27. dicente: *Non te moveat, quod naturaliter dixit, eos, quia legis sunt facere: hoc enim agit spiritus gratia, ut imaginem Dei, in qua naturaliter facti sumus, inflaret in nobis.* Multi enim ex Gentilibus Dei cognitione, & fide Mediatoris imbuti, ejus gratiâ, legem naturalem, etiam legem scriptam non haberent, observarunt. Unde S. Chrysostomus: *Gentiles (inquit) hinc appellantur, non eos, qui Idolatra essent, sed eos, qui Deum colerent; qui natura legi parentes, exceptis judaicis caeremoniis, ea omnia, quae ad pietatem conferrent, observarent: qualis erat Melchisedech cum suis omnibus, qualis erat Job, quales erant Niniuita, qualis erat Cornelius.* Cum ergo Melchisedech, Job, Niniuita poenitentiam agentes, & Cornelius fideles fuerint, apparet, Paulum de gentibus fide, & gratiâ Mediatoris jam imbutis locutum fuisse.

XVI. Secundò exponunt alii, Paulum loqui de gentibus à fide alienis; non ita tamen, ut velint, istas gentes omnia, quae legis sunt, naturaliter fecisse: sed quòd solo naturæ ductu, & ejus viribus non pauca legis præcepta ex facilioribus, quoad substantiam, impleverint: qualia sunt honorare parentes, reddere depositum, egenum sublevare, non occidere, & alia id genus. Et hæc expositio ut catholica habenda est; cum S. Pius V. & Gregorius XIII. hanc Bani propositionem 21. condemnent, qui dicebat: *Cum Pelagio sentiunt, qui textum Apostoli, ad Rom. 2. Gentes, quæ legem non habent, naturaliter ea, quæ legis sunt, faciunt, intelligunt de gentibus fidei gratiam non habentibus.*

XVII. Dices secundò. Deuteron. 30. v. 11. dicitur: *Mandatum hoc, quod ego præcipio tibi hodie, non supra te est, neque procul positum, nec in Caelo situm &c.* ergo lex naturalis, quam Deus per Moysen promulgavit, vires naturæ non excedit.

XVIII. Respondetur primò, diff. Tom. IX.

conf. Non excedit quantum ad cognitionem, co. conf. Quantum ad observantiam, nego conf. Lex ergo non est supra hominis vires, quantum ad cognitionem; quia in corde hominis insita, & per Moysen sufficienter promulgata; unde dicitur *mandatum neque procul positum est, neque in Caelo situm.* Est tamen supra hominis vires, quantum ad observantiam, saltem totius legis, ratione corruptionis naturæ per peccatum.

Secundò respondetur, quòd sicut Paulus, Roman. 10. v. 8. dicit: *Prope est verbum (fidei) in ore tuo, & in corde tuo, quia facile est, credere cum divinæ gratiæ adjutorio, quod nulli deest: ita facile est, legem implere.* Porro sive Dei adjutorio non posse legem naturalem impleri, indicavit Moyses, cap. 8. v. 18. *Recorderis Domini Dei tui, quòd ipse vires tibi praeberit.* Et c. 29. v. 4. Judæos alloquens, qui cum vidissent magnalia, quæ fecit Deus pro ipsis, adhuc ei non obsequabantur, ad deficientiam divini adjutorii quo causam refert, dicens: *Et non dedit vobis Dominus cor intelligens, & oculos videntes, & aures, quæ possint audire, usque in præsentem diem.*

XIX. Dices tertio. Plures in Sacris Litteris leguntur, mandata Dei observasse absque gratiæ subsidio. Primò. Apud Isaiam cap. 44. v. 28. de Cyro viro Idololatra dicit Deus: *Omnem voluntatem meam complebit.* Et c. 46. v. 11. cum nominat: *Virum voluntatis meæ.*

Secundò. Matth. 19. Adolescens quidam nondum fide, ac doctrinâ Christi imbutus, audiens ab ipso: *Si vis ad vitam ingredi, serva mandata;* respondit v. 20. *Omnia hæc custodivi à juventute mea.* Quòd autem verè ea observasset, non fide, indicat Marcus c. 10. v. 21. dicens: *Jesus autem intuitus eum, dilexit eum.* Is autem, cum nondum in Christum crederet, gratiam non habuit, & tamen totam legem observaverat.

Tertiò. Paulus Philipp. 3. v. 6. de H sc

se, nondum ad Christi fidem converso, loquens testatur, quodd secundum iustitiam, qua in lege est, conversatus fuerit sine querelâ; hoc est, legem ex integro observavit.

XX. Respondeo, neg. assumtum. Ad primum dico, Cyrus dici virum voluntatis Dei, & complevisse omnem eius voluntatem, eam nimirum, quae erat de populo Israelitico de captivitate liberando, & in terram suam remittendo, deque templo in Jerusalem restituendo: at non eam, quae consistit in praeceptis lege divinâ expressis. Cyrus namque Idololatra, Regnorum alienorum iniustus invasor, & qui male periit, ut historiae referunt, & S. Hieronymus in *cap. 1. Zachariae*, quomodo dici potest, totam Dei legem servasse? Usus est tamen Deus Cyro ca ratione, quâ aliquando solet Deus voluntatem suam implere, etiam per malos, quamvis ipsi aliud in animo habeant; ut patet de Assur, *Isaia 10.*

XXI. Ad secundum dico primum, quodd homo ille, de quo *Matth. 19.* & *Marci 10.* fermo est, utpote Iudaeus, explicitâ fide in Deum, & implicitâ in Christum erat imbutus; & proinde potuit habere gratiam, quâ omnia praecepta legis servaret, & à Christo diligeretur.

Dico secundò, quodd non liquet, eum reverâ omnia legis praecepta servasse, & maximè primum de dilectione Dei super omnia; tamen si fortè ipse ita existimaverit, propterea quodd praecepta de dilectione proximi solum eo modo, quo Iudaei sufficere arbitrabantur, abstinendo scilicet à manifestis iniuriis, observaverit: cum etiam dives esset, & nimio divitiarum amore implicatus, eas plus quàm Deum diligebat. Cujus signum fuit, quodd à Christo invitatus, ut propter Deum divitias relinqueret, non acquievit; sed, ut ait Evangelista, *abiit tristis*. Unde Christus tacitè eum culpans, occasionem sumit hanc proferendi sententiam, *Matth. 19. v. 24. Facilius est, Camelum per foramen acus transire,*

quàm divitem intrare in Regnum Caelorum. Nec obstat, quodd Iesus eum intuitus dilexit eum. Non enim dilexit, quodd omnia Dei mandata etiam quoad substantiam servaret; sed dilexit in eo bonam, ac sinceram voluntatem, quâ ad eum accessit, dicens: *Quid boni faciam, ut habeam vitam aeternam?*

XXII. Ad tertium respondeo, Paulum dicere, se in iustitia, quae est in lege, conversatum fuisse sine querelâ, quoad externa legis officia; abstinendo nimirum ab omnibus externis operibus lege vetitis, in quo legis observantiam sitam esse, Iudaei arbitrabantur: non verò quoad sincerum cordis affectum Deum super omnia diligendo. Accusat enim Paulus pristinam conversationem suam, & fatetur 1. ad *Timoth. 1. v. 13.* se fuisse blasphemum, & contumeliosum. Et ad Titum 3. v. 3. *Eramus (inquit) aliquando & nos insipientes, increduli, errantes, servientes desideriiis, & voluptatibus variis, in malitia, & invidia agentes, odibiles, odientes invicem.*

XXIII. Dices quartò. Praecepta legis naturae, collectivè sumta, naturae vires non excedunt: sunt enim naturalia, & in determinato numero; ergo ad ea implenda gratia non est necessaria.

Respond. dist. ant. Vires naturae saepe, & integrae, con. ant. Infirmæ, & corruptæ, nego ant. Solutio ex dictis patet: occurrunt enim naturae corruptæ in observantia omnium mandatorum difficultates, & impedimenta, quae sine auxilio gratiae superari non possunt. Videantur superius dicta.

XXIV. Sed instabis. Qui observavit unum, vel alterum mandatum, fit promtor, & in eo firmatur inclinatio ad bonum virtutis; ergo poterit aliud, & aliud, & tandem omnia observare.

Confirm. Qui potest ad singula, potest ad omnia: sed homo lapsus potest ad singula mandata; ergo potest ad omnia.

XXV. Respond. fieri ad summum prom-

promptiorem ad observanda alia mandata ejusdem facilitatis, & in absentia impedimentorum. Ceterum si occurrat præceptum difficile, qualis est dilectio Dei super omnia, vel dilectio inimicorum, vel occurrant impedimenta supra recensita, nisi adjuvetur gratiâ, deficit.

XXVI. Ad Confirm. dico, patere ex superius dictis, non valere à sensu disjunctivo, vel divisivo ad totam collectionem, vel ad sensum copulativum. Præterquamquod negari debet min. Homo enim lapsus non potest sine gratia observare maximum, & primum mandatum legis naturæ, nimirum diligere Deum auctorem naturæ, ut vidimus.

XXVII. Dices quintò. Scripturæ, & Patres docent, Deum non præcepisse homini aliquid impossibile; ergo cum præcipiat observantiam omnium mandatorum, hæc poterit impleri per vires naturæ, aliòquin essent ei observatu impossibilia.

Confirm. Ad observanda omnia mandata sufficit homini velle, juxta illud Ecclesiastici 15. v. 16. *Si volueris mandata servare, conservabunt te*; ergo non requiritur gratia.

XXVIII. Respondeo, neg. conf. Quamvis optimè sequatur, Deus nihil præcipit homini impossibile; ergo quæcumque jubet homini, homo potest implere: non tamen sequitur, quòd ea possit sine gratiâ, seu per solas naturæ vires implere; aliàs cum ei præcipiat, credere, sperare, diligere, & hæc sint homini possibilia, sequeretur, quòd hæc possit implere per solas naturæ vires, ut volebat Pelagius. Ratio autem est: quia non quidquid homini præcipitur, ei præcipitur, ut per solas naturæ vires impleat; sed ut eo modo faciat, quo ei secundum suum statum convenit. Unde nec sequitur: homo sine Dei gratiâ non potest implere omnia divina mandata; ergo ea implere non potest: quia arguitur à dicto secundum quid ad dictum simpliciter. Sicut non va-

leret: homo non potest scindere sine cultro; ergo non potest scindere.

Quare autem dicamur posse id, quod non sine Dei gratiâ possumus, docet D. Thom. hæc q. 109. a. 4. ad 2. ubi solvens hoc argumentum, quod ad nauseam usque Pelagiani olim objecerant Augustino, ait: *Ad secundum dicendum, quòd illud, quod possumus cum auxilio divino, non est nobis omnino impossibile, secundum illud Philosophi in 3. Ethic. c. 3. Quæ per amicos possumus, aliquantulum per nos possumus. Unde Hieronymus ibidem (Epist. ad Damasum, quæ est 17.) constituitur, sic nostrum esse liberum arbitrium, ut dicamus, nos semper indigere Dei auxilio. Porro: cum auxilium sufficiens, & dans posse saltem remotè, quo si malè homo non utatur, ulterius auxilium ei confertur, omnibus de facto detur, ut in 1. p. ostendimus; verum est, omnem hominem posse omnia servare mandata.*

Simili argumento S. August. 1. de Perfect. justitiæ c. 2. Respondemus (inquit) vitari posse peccatum, si natura vitata sanetur gratiâ Dei per Jesum, Christum Dominum nostrum: instanti enim sana non est, inquantum id, quod faciendum est, aut cecitate non videt, aut infirmitate non implet. Hoc autem c. 3. explicat hac eleganti similitudine dicens: Cum videmus claudum, qui sanari potest, rectè utique dicimus, debet homo iste esse sine claudicatione; & si debet, potest: nec tamen cum vult, continud potest, sed cum fuerit adhibita curatione sanatus, & medicina adjuverit voluntatem. Et infra ait: Consultissime homini præcipi, ut rectis passibus ambulet; ut cum se non posse perpexerit, medicinam requirat ad sanandum peccati claudicationem. Unde 1. de Nat. & Grat. c. 43. & ex eo Concil. Trident. Sess. 6. c. 11 Deus (inquit) impossibilia non jubet, sed jubendo monet, & facere quod possit, & petere quod non possit, & adjuvat, ut possit.

XXIX. Nec moveat, quòd homo viribus propriis non possit accerere

medium, nec medicinam gratiæ desiderare, nedum advocare, ut contra Semipelagianos fides docet. — Nam estd viribus propriis non possit, potest tamen per gratias sufficientes, quæ nulli defunt, & dant posse, sive proximum, sive saltem remotum: gratiam verò efficacem, quâ agat, estd advocare non possit, impedire tamen potest, ut docet S. Thom. 1. 3. *contra Gentes* e. 150. his verbis: *Licet aliquis per motum liberi arbitrii divinam gratiam nec promereri, nec advocare possit; potest tamen seipsum impedire, ne eam recipiat (sive efficacem dantem agere, sive sufficientem dantem proximiis posse) Dicitur enim de quibusdam Job. 24. Dixerunt Deo: recede à nobis, scientiam viarum tuarum nolumus. Et cum hoc sit in potestate liberi arbitrii impedire divina gratia receptionem, vel non impedire; non immerito ad culpam imputatur ei, qui impedimentum præstat gratia receptioni: Deus enim quantum in se est, paratus est omnibus gratiam dare. Quod repetit e. 161.*

XXX. Ad Confirm. respondet S. August. lib. de Gratia & lib. arb. c. 16. Certum est, nos mandata servare, si volumus: sed quia præparatur voluntas à Domino, ab illo petendum est, ut tantum velimus, quantum sufficit, ut volenda faciamus. Certum est, nos velle, cum volumus; sed ille facit, ut velimus bonum, de quo dictum est, quod pauld ante posuit: Præparatnr voluntas à Domino: de quo dictum est: A Domino gressus hominis dirigentur, & viam ejus vult: De quo dictum est: Deus est, qui operatur in vobis velle, & perficere. Certum est, nos facere, cum facimus; sed ille facit, ut faciamus, præbendo vires efficacissimas voluntati, qui dixit *Ezechiel. 35. Faciam, ut in justificationibus meis ambuletis, & judicia mea observetis, & faciatis...* Ille facit, ut faciamur, cui dicit homo: Pone Domine custodiam ori meo. Hoc est enim dicere: fac, ut ponam custodiam ori meo: quod beneficium Dñi jam fuerat consentus, qui dixit: Posui ori meo custodiam.

6. I I I.

Qualis Gratia requiratur ad Observantiam totius Legis Naturalis.

XXXI. Dico primò. Ad observantiam totius legis naturalis necessaria est in homine lapsò gratia sanans, seu sanctificans; non quidem per se, & ratione objecti, sed ratione subiecti, & status corruptionis. Hæc posterior pars asserti exponenda est, ut supra diximus *Dubio præcedente* §. 4. Nam observantia totius legis naturalis est de objecto naturali; ergo per se non requirit, nisi principium naturale.

Prior verò pars ex præcedent. Dubio constat. Nam sub lege naturæ comprehenditur tanquam maximum, & primum, præceptum diligendi Deum auctorem naturæ super omnia: sed, ut vidimus, non potest ab homine lapsò diligi Deus auctor naturæ super omnia sine gratiâ habituali; ergo &c.

Colligitur ex Concilio Milevitano, tum *Can. 3.* ubi definit, gratiam, quâ justificamur, non solum valere, ad remissionem peccatorum, quæ commissa sunt; sed esse adjuviorum ad non peccandum. Tum *Can. 5* ubi anathematè ferit eum, qui dixerit, gratiam justificationis ideo nobis dari, ut quod facere per liberum iubemur arbitrium, facilius implere possimus per gratiam; tanquam, etsi gratia non daretur, non quidem facile, sed tamen possemus etiam implere divina mandata: atqui gratia justificationis, quâ remittuntur peccata, est gratia sanctificans, seu habitualis; ergo hæc de facto est necessaria.

Idem colligitur ex Tridentino *Sess. 6. cap. 11.* dicente: *Qui enim sunt filii Dei, Christum diligunt; qui autem diligunt eum, ut ipsemet testatur, servant sermones ejus: Atqui filii Dei, qui diligunt Christum, sunt qui habent gratiam habitualement, quâ constituuntur filii Dei; ergo qui habent eam*

eam, ii sunt, qui servant mandata Christi.

Id est doctrina S. Augustini, *Tract. 82. in Joann.* ubi ad illa verba, *Joan. 15. Si praecepta mea servaveritis, manebitis in dilectione mea*, quaerit: *Dilectio facit praecepta servare, an praecepta servata faciunt dilectionem?* Cui quaesito respondet sic: *Sed quis ambigat, quod dilectio praecedit: unde enim praecepta servas, non habes, qui non diligit.* Quibus verbis loquitur Augustinus de dilectione, quae per fidem operatur, quae procul dubio est supernaturalis, & proprietates gratiae habitualis. Unde paulo post subjungit: *Quid est ergo, manete in dilectione mea, nisi manete in gratia mea?*

XXXII. Rationem quoque indicat S. Tho. hac q. 109. a. 8. Nam hominem posse omnia praecepta naturalia servare, etiam quoad substantiam, est, posse omnia peccata mortalia vitare: sed homo, nisi sit in gratia, nequit saltem diu omnia peccata mortalia vitare; ergo &c. Maj. patet. Min. probatur. Ut homo possit diu omnia peccata mortalia vitare, oportet, ut sic adhæreat Deo ultimo fini; ut pro nullo bono acquirendo, vel malo vitando, ab illo separari velit: sed qui est in peccato mortali, non sic adhæret Deo, imò est à Deo averfus; ergo &c. Maj. prob. Si enim homo non sic firmiter adhæreat Deo, si non timeat ab illo separari, cum multa occurrant delectabilia allicientia, propter quae consequenda necesse sit, ejus praecepta contemnere, ut illis fruatur, statim Deum derelinquet. Sicque impossibile erit, quòd averfus habitualiter à Deo, diu operetur conformiter ad Deum, quod requireretur, ut posset totam legem servare.

XXXIII. Confirmatur. Homo inclinatur ad operandum juxta præconceptum finem; ergo conversus per peccatum ad creaturam inclinatus est ad operandum juxta illam; ergo licet aliquando possit operari, & non juxta illam, & sic non peccare; impos-

sibile tamen est, saltem viâ ordinariâ, ut diu operetur, & nunquam juxta talem finem, sed semper juxta finem oppositum, & consequenter, quòd servando omnia praecepta diu vitet peccatum. Hinc *Psalms. 34. v. 6.* via peccatorum dicitur tenebra, & lubricum. Sicut ergo qui per lubrica in tenebris incedit, facile ruet, si non avertantur tenebrae: ita homo, qui per lubrica delectabilium graditur, nisi tenebrae peccati per gratiae lumen, dissipentur, facile ruet in peccatum. Et *Sicut fracto gubernaculo navis, non quòd vult vadit, sed quòd tempestas impellit: ita homo gratiâ Dei destitutus in precipitia peccatorum defertur.* Similitudo Chrysostomi est.

XXXIV. Urgetur etiam magis. Nam impossibile est, esse benè ordinatum circa media, qualia sunt praecepta, & non esse benè ordinatum circa Deum, qui est ultimus finis eorum; quia media eliguntur propter finem, & ex amore efficaci finis: atqui sine gratiâ sanctificante nullus est benè ordinatus circa Deum ultimum finem; ergo &c. Optimè igitur S. Augustinus l. de Spiritu, & litt. c. 25. docet, justificationem debere præcedere, ut homines totam legem observent: *Sic (inquit) intelligendum est, factores legis justificabuntur, ut sciamus, eos aliter non esse factores legis, nisi justificentur: ut non justificatio factoribus accedat, sed ut factores justificatio præcedat.* Et l. de Catechizandis Rudibus c. ult. de Dei lege scribit: *Quam non implet, nisi qui Dominum acceperit Spiritum Sanctum, Patri, & Filio utique aequalem.* Accipitur autem Spiritus Sanctus per gratiam habitualement, quando infunditur caritas.

XXXV. Dico secundò. In homine lapso ad totius legis naturalis observantiam, præter gratiam habitualement, necessaria est specialis gratia auxilians: quæ ratione subiecti aliquando debet esse supernaturalis, aliquando potest esse naturalis ordinis. Prior pars probatur. Nam impotentia moralis

ralis, quæ est in homine lapsa, & in peccato mortali existente, ad implendam totam legem naturæ, non solum oritur ex rebellionem mentis à Deo, sed etiam ex rebellionem, & pugna appetitus inferioris contra rationem : at licet gratia habitualis mentem subijciat Deo ultimo fini, rebellionem tamen appetitus contra rationem non tollit, sed eam relinquit ad agonem, & meritum, ut docet Tridentinum *Sess. 5. de Pecc. origin. & experientia satis ostendit*; ergo, præter gratiam habitualementem, requiritur specialis gratia auxilians, quæ tali rebellionem homo possit resistere, impedimenta occurrentia superare, & sic totam legem servare.

XXXVI. Quoddam autem auxilium hoc sit specialis gratia, probatur. Nam semper determinari ad bonum, & nunquam permitti peccatum transgressivum legis naturæ; dare vim ad superandas graves tentationes, & plures mediocres, & leves, specialis gratia est homini infirmo, & lapsa: sed hoc totum importat observantiam totius legis naturæ; ergo &c.

Hoc speciale auxilium Apostolis suis, jam iustis, & mundis, à Patre exorabat Christus, Joann. 17. v. 11. *Pater sancte, serva eos in nomine tuo*. Hoc fatentur Patres Arausiaci II. Can. 10. *Adjutorium Dei renatis, & sanctis est semper implorandum; ut ad finem bonum pervenire, vel in bono possint opere perdurare*. Hoc fatetur Innocentius I. in rescripto ad Concilium Carthaginense dicens: *Adjutorio quotidiano nos egere, negare non possumus: hoc enim, seu bene vivimus, precamur, ut melius, sanctiusque vivamus; seu pravè sentientes à bonis avertimur, ut ad certam redeamus viam, ejus auxilio plus egemus*. Hoc idem S. August. passim inculcat, & præsertim l. de Natura, & gratia c. 26. ubi hac similitudine utens: *Sicut enim (inquit) oculus corporeus, etiam plenissime sanatus, nisi candore lucis adiutus, non potest cernere: sic homo etiam perfectissime iustificatus, nisi ater-*

nâ luce iustitiæ divinitus adjuvetur, recte non potest vivere: sanat ergo Deus, non solum, ut deleat quod peccavimus, sed ut præstet etiam, ne peccemus.

XXXVII. Secunda pars, quoddam mirum auxilium hoc, ratione subiecti, interdum sit supernaturale, probatur. Nam Deus sæpè non dat adimplerem legis, nisi ipsum super omnia diligenti, ut dictum est; neque illud confert, nisi Fidelibus fide orantibus, & petentibus; sed ad hæc requiritur auxilium supernaturalis ordinis, ut patet etiam ex præcedente dubio; ergo &c.

XXXVIII. Tertia verò pars, quoddam tale auxilium possit interdum esse naturalis ordinis prob. Quoddam auxilium ad observantiam totius legis naturalis sit supernaturale, non requiritur per se, & ex natura actus, vel objecti; sed ratione subiecti, quod non potest legem implere nisi sit in gratia, & caritate, vel quia ex motivo supernaturali eam implet: sed nihil prohibet, quoddam homo, jam existens in gratia, ex motivo naturalis honestatis procedat ad totam legem implendam; ergo &c. Min. probatur. Habens gratiam, & caritatem non tenetur semper in exercitio iis uti, & ex eorum motivo procedere, quia habitibus utimur, cum volumus; ergo potest præcepta naturalia observare ex motivo naturali, & proinde ex solo auxilio speciali naturalis ordinis, cum in hoc nulla sit repugnantia: ad eum modum, quo supra diximus, hominem existentem in gratia, & caritate posse non uti caritate, & diligere Deum, ut auctorem naturæ, super omnia, cum solo auxilio speciali intra ordinem naturæ.

XXXIX. Sed contra primam assertionem dices primò. Homo in statu peccati mortalis obligatur ad servanda omnia præcepta legis naturalis; ergo ea observare potest: sed huic deest gratia habitualis; ergo sine illâ potest ea observare, quia obligatio supponit posse.

Ref.

Respondeo ad min. subsumtam, quod homo in peccato mortali existens, etsi non habeat gratiam justificantem; habet tamen à Deo auxilia, quibus vel potest disponi ad gratiam, vel saltem potest petere auxilia ad illam disponenda: hæc enim omnibus à Deo concedi, ostendimus *Tom. 3. in 1. p. Q. 2. de Volunt. Dei Dub. 3.* Quod si noluerit petere, sua culpa erit, quod sit privatus gratiâ habituali ad observantiam omnium mandatorum requisitâ, & ei imputabitur, si non observet. Sed de hoc statim dicemus.

XL. Dices secundò. Cum sola gratia auxiliante potest homo lapsus omnia præcepta servare; ergo superflua est gratia sanctificans. Ant. probatur primò. Si Deus, quoties inflat præceptum, conferat homini auxilium gratiæ, homo semper poterit illud servare — Secundò. Gratia habitualis datur præcisè ad hominem sanctificandum, non ad operandum: sed ad hoc datur gratia auxilians — Tertiò. Homo in statu naturæ puræ ad servandam legem non eguisset gratia habituali, sed solo auxilio speciali; ergo neque in statu naturæ lapsæ.

XLI. Respondeo, dist. ant. Attendâ naturâ rei, co. ant. Attendâ præsentî Providentiâ, nego ant. Fateor, posse Deum absolute, & attentâ naturâ rei, hominem conservare per longum tempus, vel etiam per totam vitam in observatione omnium mandatorum legis naturæ, quantum ad substantiam, cum solo auxilio actuali, sine gratiâ justificante: juxta tamen præsentem legem, & providentiam necessariâ est gratia justificans. Ut enim ex Scriptura, & Patribus vidimus, decrevit Deus, quod homines redempti, à peccato prius mundarentur; ut eum diligenter, & ex amore ad ipsum præcepta ejus tam naturalia, quam supernaturalia servarent: ut sic legis observantia, utpote ex amore procedens, esset jugum suave, & pondus leve. Cujus diviniæ dispositionis ipsa

experientia testis est: nemo enim usque modo fuit, qui in peccato, & sine gratiâ existens, totam ejus legem, ac mandata custodierit; ut implicatur illud Joan. 14. v. 24. *Qui non diligit me, sermones meos non servat.*

Ad secundam probat. dist. ant. Non ad operandum directè, conc. ant. Indirectè, velut removens prohibens, nego ant. Estò igitur gratia justificans non requiratur (sicut auxilians requiritur) ad operandum directè, & per se; requiritur tamen, tanquam removens peccatum prohibens dilectionem, à qua in præsentî providentiâ debet incipere observantia legis, & per quam voluntas redditur firma ad operandum secundum legem.

Ad tertiam nego consequ. Nam impotentia ad observandam totam legem in statu puræ naturæ, vel solum proveniret ex pugna appetitus contra rationem: vel si etiam ei competeret ex averfione mentis à Deo, non tamen à Deo auctore supernaturali, sed tantum naturali. At in isto statu provenit etiam ex averfione à Deo auctore supernaturali: & quia hæc averfio in hac providentiâ auferri non potest, nisi per gratiam justificantem, qua tollatur peccatum; ideo in hoc statu gratia justificans prærequiritur.

§. I V.

Quid dicendum de Statu Naturæ Integræ?

XLII. Dico. Homo in statu naturæ integræ potuisset implere totam legem naturæ absque speciali gratia dante expeditionem virtutis. Facile hoc probatur. Homo enim in illo statu erat rectus, ratio subdita Deo auctori naturæ, & appetitus perfectè subiectus rationi; ergo in illo statu ex parte actus primi habebat expeditionem ad implendam totam legem, & diu non peccandum. Conf. prob. Tota enim ratio, quare homo lapsus sit impotens, & inexpeditus in actu

actu primo ad impletionem totius legis, est deordinatio à Deo ex peccato, & rebellio appetitus.

XLIII. Si dicas primò. Potuisse tunc hominem affligi gravioribus tentationibus, præsertim superbiz, ratione excellentiæ illius status, quàm nunc patiatur ex rebellione appetitus; ergo tunc eguisset auxilio gratiæ ad eas vincendas.

Secundò. De factò Adamus in statu innocentiae transgressus fuit præceptum de non comedendo fructu vitæ, quod erat præceptum naturale; ergo lignum est, eum indiguisset gratiâ speciali ad illud implendum.

XLIV. Respondeo ad primum, neg. antec. Excellentia enim status non arguit majores tentationes: quia in tali statu habuisset perfectius lumen, & promptiorem voluntatem ad se subjiendum Deo. Sed adhuc dato, quòd in illo statu subditus fuisset tentationibus, dist. conf. Eguisset auxilio gratiæ dante expeditionem, & actum, consec. Dante expeditionem virtutis, nego consec. Eguisset igitur gratiâ, non dante expeditionem virtutis, hanc enim habebat ratione status: sed dante efficaciam ad actum, non ut posset agere, sed quâ de factò ageret, quod Augustinus vocat adiutorium quo.

Ita respondeo ad secundum. Adamus enim transgressus fuit præceptum, non ex defectu gratiæ dantis expeditionem virtutis, sed gratiæ dantis efficaciam ad actum, seu adiutorii quo. Quod solum evincit, hominem etiam ad agendum expeditum, egere ulteriori dono Dei ad defacto benè agendum. Vid. August. *l. de Corrèp. & grat. c. 12.*

XLV. Quid si quæras: an gratia, quæ defuit Adamo, fuerit gratia specialis? — Respondeo, fuisse gratiam specialem, & indebitam. Verùm dato, quòd non foret specialis, & eam potuisset Deus conferre Adamo ex generali providentia: tamen ad diu benè operandum, si in integritate perseverasset, & per longum tempus servanda præcepta naturalia, quæ ipse,

eiusque posterì transgredi poterant (non enim fuissent in gratia confirmati, ut vidimus *Tom. 6. in 1. p. q. 3. Dub. 5. §. 2.*) indiguissent speciali auxilio; non quidem dante expeditionem, sed dante actualem observantiam præceptorum. Et ratio est: quia indifferenti aliquid ad bonum, & ad malum, seu expedito ad utrumque, non debetur semper applicatio ad bonum; sed ipsi connaturale est, aliquando applicari ad bonum, & aliquando permitti malum.

XLVI. Ex his discere poteris, diversimodè hominem lapsum egere gratiâ speciali ad observantiam mandatorum, ac eguisset homo in statu integritatis ad diu benè operandum. In statu enim lapsus, præter gratiam Dei moventis, & dantis actum, eget gratiâ dante expeditionem virium, & fanante: ita ut homo lapsus ex propriis viribus sit inexpeditus, & impotens impotentiâ etiam antecedenti, vel physica, vel saltem morali. In statu verò integritatis indiguisset solum aliquando, & non semper, gratiâ speciali; non quidem dante expeditionem, fuisset enim semper expeditus: sed gratiâ solum Dei moventis, seu dantis actualem observantiam. Unde S. Tho. hæc qu. 109. a. 3. Homo (inquit) in statu natura integra non indigebat dono gratia superaddita naturalibus bonis, ad diligendum Deum naturaliter super omnia, licet indigeret auxilio Dei ad hoc cum moventis: sed in statu natura corrupta indiget homo etiam ad hoc auxilio gratia naturam fanantis. Quod de observantia mandatorum repetit *art. 4. sequente.*

§. V.

Quid dicendum de Præceptis Supernaturalibus sive quoad Substantiam, sive quoad Modum?

XLVII. **D**ico. Neque in statu naturæ integræ potuit, neque in statu naturæ corruptæ potest homo

homo fervare ullum præceptum supernaturale, quoad substantiam, sine gratiâ supernaturalis ordinis; uti nec ullum naturale secundum modum, quo ad veram coram Deo iustitiam, & spirituale animæ salutem ordinatur.

Prior pars est de fide contra Pelagium. Et probatur. Quia præcepta supernaturalia, quoad substantiam, sunt de objecto supernaturali, & nequeunt impleri, nisi per actus supernaturales: sed actus entitativè supernaturales, quia de objecto supernaturali, nequeunt elici à potentia, nisi auxilio supernaturali per se influente roboretur, quia potentia naturalis sine auxilio supernaturali actus supernaturales non continet; ergo &c. Maj. patet in præceptis fidei, spei, & caritatis, quorum objectum est Deus ut auctor supernaturalis: fidei quidem, ut prima veritas in dicendo, spei in ratione auxiliantis, & caritatis in ratione summi boni in se.

XLVIII. Confirm. primò. Præceptum supernaturale credendi nequit impleri, nisi per actum fidei divinæ; aliàs hæreticus non habens fidem divinam posset implere præceptum fidei, quoad substantiam: sed actus fidei divinæ, utpote supernaturalis, nequit haberi per vires naturæ; ergo &c.

Confirm. secundò. Præceptum credendi &c. obligat ad credendum &c. prout oportet ad salutem; quia talia præcepta dantur de mediis necessariis ad salutem: sed hoc modo credere &c. non potest homo viribus propriis, nisi gratiâ adjuvetur, ut statuunt Concilia Arausicanum II. Can. 25. & Tridentinum Sess. 6. Can. 3. ergo &c.

XLIX. Posterior etiam pars, quæ non minus certa est, & si non immediate, mediâtè saltem ad fidem pertinens, traditur à D. Thom. hoc a. 4. ubi postquam dixit, præcepta naturalia impleri posse, quoad substantiam, & quoad modum agendi, ut scilicet ex caritate fiant; subiungit: *Et sic neque in statu natura integra, neque in statu natura corrupta potest homo implere ab-*

Tom. IX.

que gratia legis mandata. Unde Augustinus in lib. de Corrupt. & grat. c. 2. cum dixisset, quod sine gratiâ nullum prorsus bonum homines faciunt, subdit: Non solum, ut, monstrante ipsâ, quid faciendum sit, sciant; verum etiam, ut, præstante ipsâ, faciant cum dilectione quod sciunt.

L. In hoc sensu Patres Arausicani Can. 7. interpretati sunt illud Jonn. 15. v. 5. *Sine me nihil potestis facere*: idest, nihil ad salutem pertinens. Et illud 2. Cor. 3. v. 5. *Non quod sufficientes simus, cogitare aliquid à nobis, quasi ex nobis, sed sufficientia nostra ex Deo est*. Nam modus operandi in ordine ad salutem, dirigendo opus per caritatem ad vitam æternam, excedit omnes vires creaturæ; quæ, nisi elevetur per gratiam, nec de salute æterna potest cogitare.

LI. Sed dices contra primam partem primò. Etsi præcepta supernaturalia, quæ dantur de actibus internis, non possint impleri sine auxilio supernaturali, bene tamen præcepta, quæ dantur de actibus externis.

Nego tamen assumptum. Quia sicut omissio actus interioris fidei, quando instat præceptum de tali actu, opponitur fidei theologicæ; ita & omissio exterioris confessionis: & sicut credere, quæ fides docet, ita ea exterioris confiteri, à fide est. Et rursus: sicut credere, ut est necessarium ad salutem, cadit sub præcepto fidei; ita etiam confessio fidei, ut ore fit ad salutem: ut enim ait Paulus, Roman. 10. v. 10. *Corde creditur ad iustitiam, ore autem confessio fit ad salutem*. Tam ergo supernaturale est præceptum de externa fidei confessione, quam de actu interno credendi, & utrumque ad salutem tendit, ergo utrumque, ut impleatur, requirit auxilium supernaturale, cum utrumque ad fidem divinam spectet.

LI. Dices secundò. Potest Gentilis, vel hæreticus non habens habitum fidei theologicæ credere, & exterioris confiteri aliquod mysterium, & salutem quoad substantiam satisfacere præcepto,

I

cepto,

cepto; ergo &c. Ant. probatur. Præcepta naturalia, quæ dantur de actibus virtutum, adimpleri possunt, quoad substantiam, per actus sive internos, sive externos, quamvis non procedant ab habitu illius virtutis; potest enim quis non habens habitum misericordiæ, aut iustitiæ, largiri elemosynam, & reddere alteri quod suum est, & implere præceptum; ergo à part potest quis &c.

LIII. Respondeo, dist. ant. Non habens habitum fidei, habens tamen auxilium supernaturale &c. admitto ant. Non habens nec habitum fidei, nec auxilium supernaturale, nego ant. Neque oppositum suadent allata exempla. Imò sicut actus misericordiæ, & iustitiæ factus ab eo, qui nondum habet habitum illarum virtutum, eisdem non procedat à virtute misericordiæ, & iustitiæ, procedit tamen ab auxilio Dei ordinis naturalis: ita actus fidei, ut saltem naturā antecedit habitum fidei, ut sit impletivus præcepti, eisdem non procedat ab habitu fidei, procedere tamen debet ab auxilio supernaturali Dei.

LIV. Sed instabis. Si quis instante præcepto fidei credat, sed ex inani gloria, verè implet præceptum fidei: sed actus ille, utpote vitiosus, nec procedit ab habitu fidei, neque ab auxilio supernaturali; ergo &c.

Confirmabis. Homo in peccato mortali existens potest suscipere Baptismum, & facere Confessionem informem; & sic, eisdem non suscipiat gratiam, implere præceptum Baptismi, & Confessionis, quantum ad substantiam, per vires naturales absque auxilio supernaturali, quod ad tales actus, utpote peccaminosos, dari non potest.

LV. Respondeo, dist. maj. Si inanis gloria sit motivum adæquatam credendi, nego maj. Si sit merè concomitans actum credendi, con. maj. Aliquem ergo credere ex inani gloria, vel alio motivo humano, contingere potest dupliciter. Uno modo, ita ut

adæquata ratio credendi sit inanis gloria, non quia Deus dicit: & hoc modo non implet præceptum fidei. Alio modo, ut ratio credendi sit quidem, quia Deus dicit, & proinde supernaturalis, eam tamen circumstantia inanis gloriæ concomitetur: & in hoc casu implet præceptum fidei per auxilium supernaturale datum ad actum fidei, non ad circumstantiam inanis gloriæ illum vitiantem.

LVI. Ad Confirm. concedo, quod homo in peccato mortali existens potest suscipiendo Baptismum, vel faciendo Confessionem informem (si tamen sit valida) implere præceptum de utroque: quia, eisdem peccat, peccat quidem contra præceptum religionis, quo obligatur dignè facere, quæ pertinent ad cultum Dei; non tamen contra præceptum ex Sacramento suscipiendi. At nego, quod ea præcepta impleat absque auxilio supernaturali Dei. Sicut enim nequit homo velle Sacramenta conficere, nisi à Deo moveatur per auxilium supernaturale; ita nequit velle ea suscipere, quia nequit suscipere sine intentione ea suscipiendi: quæ certe supernaturalis est, & ab auxilio supernaturali esse debet. Neque sequitur, Deum auxilio suo concurrere ad peccatum indignè suscipientis. Quia in susceptione indigna Baptismi duo sunt: & intentio suscipiendi Baptismum, & implendi præceptum, & indigna sumtio. Ad primam Deus auxilio suo concurrir; ad secundam sola malitia sumentis. Quemadmodum in actione Sacerdotis sacrilegè consecrans duo sunt: & actio consecrativa, & sacrilegium. Deus ergo auxilio suo supernaturali concurrir ad actionem quatenus consecrativam, non verò quatenus sacrilegam. Nota tamen, præcepto Communionis annuæ non satisfieri per sacrilegam Corporis Domini manducationem. Oppositum enim damnatum fuit ab Innoc. XI. *Propositi.* 55. 2. Martii 1679.

§. V I.

Sintne aliqua Præcepta, quæ nec per Dei Gratiâ impleri possint in hac Vitâ?

LVII. **E**sse aliqua, contendunt hæretici Lutherus, Calvinus, & alii ejusdem furfuris, quibus accesserunt Bajus, & Jansenius. Lutherum, & Calvinum damnavit Tridentinum Sess. 6. Can. 18. his verbis: *Si quis dixerit, Dei præcepta homini etiam justificato, & sub gratia constituto, esse ad observandum impossibilia, anathema sit.* Bajum proscripsit S. Pius V. censurâ notando ejus propositionem num. 54. quæ talis erat: *Definitiva hæc sententia, Deum homini nihil impossibile præcepisse, falsè tribuitur Augustino, cum Pelagii sit.* Jansenium verò Innocentius X. anno 1653. cuius primam hanc propositionem damnavit: *Aliqua Dei præcepta hominibus iussit volentibus, & conantibus, secundum præsentem, quas habent vires, sunt impossibilia: deest quoque illis gratia, quâ possibilia fiunt.* Confimiles propositiones confixit in Quæsnellio Clemens XI. Constit. *Unigenitus*.

LVIII. Dico ergo. Ad fidem pertinens est, nulla esse præcepta, quæ ab homine in hac vitâ non possint impleri per gratiam. Hanc veritatem statuimus. tum *Tom. 3. in 1. p. 9. 2. de Volunt. Dei Dub. 3. §. 3. à nu. 14.* & toto §. 7. Aliqua etiam diximus *Dub. præsentis nu. 27.* quod meum Candidatum remitto.

Prædictis tamen ad præsens addi potest, quod Christus, *Matth. 11. v. 30.* invitans omnes ad tollendum iugum suum, ait: *Iugum enim meum suave est, & onus meum leve.* Quomodo autem esset iugum suave, & onus leve, si aliqua imponeret præcepta, quæ non possent impleri ab iis, quibus dantur? Deinde: si Deus *Ezech. 36. v. 27.* *Spiritus (inquit) meum ponam in medio vestri, & faciam, ut in*

præceptis meis ambuletis, & iudicia mea custodiat, & operemini: vel Deus in suis promissis non est fidelis, & verax, quod nefas est cogitare: vel per Dei gratiam omnia ejus præcepta possunt impleri. Hinc David *Psalm. 118. v. 32.* generaliter dicit: *Viam mandatorum tuorum curram, cum dilatasti cor meum.* Et *v. 157.* *Custodivit anima mea testimonia tua, & dilexit ea vehementer.* Et *v. 168.* *Servavi mandata tua, & testimonia tua.*

LIX. Audiendus est S. August. *lib. de Nat. & gratia cap. 59.* dicens: *Ex ipso, quo firmissimè credimus, Deum iustum, & bonum impossibilia non potuisse præcipere; hinc admonemur, & in facilibus quid agamus, & in difficultibus quid petamus: omnia quippe sunt facilia caritati, cui uni Christi sarcina levis est, aut ea una est sarcina ipsa, quæ levis est. Secundum hoc dictum est: Et præcepta ejus gravia non sunt; ut, cui gravia sunt, consideret, non potuisse divinitus dici, gravia sunt, nisi quia potest esse cordis affectus, cui gravia non sunt, & prætat, quo deditur, ut impleat, quod iubetur.* Unde *c. 43.* dixerat: *Non igitur Deus impossibilia iubet, sed iubendo admonet, & facere quod possit, & petere quod non possit: quæ ex Augustino desumit Trident. Sess. 6. cap. 11. addens: Et adjuvat, ut possit.*

LX. Ratio autem est. Cum enim Deus puniat omnem voluntariam mandatorum suorum transgressionem; impium foret existimare, Deum punire eum, qui mandata ejus non observavit, quia observare non potuit.

LXI. Quoniam verò Sectarii præcipuam difficultatem movent de duobus præceptis, nempe, isto: *Diliges Dominum Deum tuum ex toto corde tuo,* & isto: *Non concupisces.* De primo posse impleri per gratiam, offendimus præcedenti Dubio. De secundo alibi à nobis ostensum est, motus concupiscentiæ prævenientes, & omnino involuntarios non esse peccata, nec prohibita præcepto: *Non concupisces:* ideoque

que hominem eos sentientem, sed non consentientem, legis prædictæ non debere pronuntiari transgressorem. Quæmadmodum enim Deus homini non præcipit, ut faciat, quod facere non potest: ita neque prohibet id, quod vitare, etsi maximè velit, omnino non valet. Impediunt quidem hi motus, ne omni modo, ex corde toto; non tamen efficiunt, ut ea, quæ de diligendo Deo lex est, non veraciter impleatur: caritas enim, quam secum consistere patitur, etsi violenta carnis rebellio, idcirco etiam legis plenitudo dicta est, quoddam per eam divina lex impleatur. Unde meritò à S. Pio V. damnatus est articulus 75. *Motus pravi concupiscentia sunt pro statu hominis vitati prohibiti præcepto: Non concupisces. Unde homo eos sentiens, & non consentiens, transgreditur præceptum: Non concupisces, quævis transgressio peccatum non deputetur. Et 76. Quamdiu aliquid concupiscentia carnalis in diligente est, non facit præceptum: Diliges Dominum Deum tuum ex toto corde tuo.*

LXII. Nec obstat, hoc axioma: Deum impossibilia non præcipere, fuisse familiare Pelagio, & Pelagianis. Nam Pelagius, & Pelagiani, & abutebantur ad suæ hæresis confirmationem; & ut persuaderent, omnia præcepta legis posse per solas vires liberi arbitrii adimpleri: cum nos dicamus, impleri quidem posse, sed divinæ gratiæ adjutorio. Hinc Beda l. 1. in Cantica contra Julianum Pelagianum ait: *Quod dicit, Dominum non impossibile aliquid præcipisse, qui iustus est, verum professio dicit, si ad ejus respicit auxilium, cui Catholica vox supplicat: Deduc me in semitas mandatorum tuorum. Si verd viribus animi sui fidet, repellit eum veridica ejusdem iusti Conditoris sententia, qua dicit: Sinè me nihil potestis facere.*

LXIII. Obijciunt Petrum, *Athor. 15. v. 10. de jugo legis dicentem: Quod neque nos, neque Patres nostri portare possumus.* Item Paulum *Rom. 7. v. 18.*

ubi ait: Velle adjacet mihi, perficere autem non invenio.

LXIV. Sed ad primum dico, Petrum non significare impossibilitatem legis servandæ, sed difficultatem, quâ non obstante multi, etiam ante Christi adventum, eam servarunt.

Ad secundum jam alibi dixi, quomodo exponendus sit Paulus. Modo addo, sensum ejus esse hunc: habeo quidem (etsi non ex me, sed ex divino munere) voluntatem non patiendi, neque sentiendi pravor concupiscentiæ motus: sed velim, nolim, eos patior; & sic non invenio, me (tamen si divinâ gratiâ adiutum) posse totum illud bonum perficere, quod bene vellem. In hoc tamen non peccabas Paulus, sed in hac infirmitate virtus ejus colaphizante liberaretur, 1. Cor. c. 12. v. 9. respondit Dominus: *Sufficit tibi gratia mea: nam virtus in infirmitate perficitur.*

DUBIUM VIII.

An sit necessaria Gratiâ ad Victoriâ Tentationum?

§. I.

Aliqua supponuntur.

I. **S**uppono primò: tentationem nil aliud esse, quàm motivum sollicitans, ac inducens ad malum, vel retrahens à bono; quod ex triplici causa potest occurrere: nempe, ex suggestione Dæmonis, ex inclinatione appetitus, & ex occasionibus, quæ in humano convictu sese offerunt. Et hi sunt tres humani generis hostes, vulgo dicti Dæmon, Caro, & Mundus.

II. Suppono secundò: quasdam tentationes esse graves, magnas, vehementes, & difficilis repressionis; alias leves, parvas, parum urgentes, & facilis repressionis. Primi generis sunt,

sunt, quæ vel multum durant, vel multum impellunt; quia sunt de obiecto valdè alliciente ad sui prosecutionem, & ad quod tentatur valdè est propensus, vel ex complexione, vel ex habitu. Secundi generis sunt, quæ vel parum durant, vel non multum alliciunt. Ad cognoscendum autem, quæ sit gravis, quænam verò sit levis tentatio, nulla certa regula præscribi potest: nam quæ respectu unius est gravis, potest esse levis respectu alterius. Quare ad formandum iudicium de gravitate, vel levitate tentationis, attendendum est ad circumstantias, & præcipuè persone, quæ tentatur.

III. Suppono tertio: tripliciter potest vinci tentationem. Primò: ex fine pravo; ut si quis vincat tentationem luxuriæ ex avaritia, aut gulæ ex inani gloria. Quo pacto multi Eihnici tentationes ad vitia habentia turpitudinem ex gloriæ cupiditate vicerunt, & alia multa graviora, & difficillima superarunt: & ad vincendam tentationem ex hoc fine, certum est, gratiam necessariam non esse; cum hæc non sit bona, & vera victoria; quoniam *carialis cupiditas, quâ peccatum commutatur potius, vel augetur, cupiditate aliâ non sanatur*, ut ait August. l. 3. *contra duas Epist. Pelagium. c. 4.* & ita vincens non vincat, nisi ab alio peccato victus. Unde Prosper Carmine de Ingratis de eo dicit: *In vulnere vulnere surgit*: hoc est unum peccatum vincit altero peccato. Nec tam ipse homo vincit peccatum, quam unum peccatum vincat aliud: ideoque ad ejusmodi falsam victoriam nec gratia, nec auxilium Dei concurrunt; cum Deus neminem adjuvet ad peccandum.

Secundò: victoria tentationis contingere potest ex amore Dei, & caritate: & hoc modo certum est, non posse vinci sine speciali gratiâ. Victoria enim hoc modo confert ad salutem. In negotio autem salutis: *Solâ, quæ per Christum est, gratiâ homines liberantur à malo, & sine eâ nullum prorsus,*

sive cogitando, sive volendo, & amando, sive agendo faciunt bonum, ut ait August. l. de Corrupt. & gratia c. 2. Et in hoc sensu intelligendum est illud Psalm. 117. v. 13. *Impulsus, & versus sum, ut caderem, & Dominus suscepit me.* Psalm 117. v. 30. *In te eripiar à tentatione.* Et Matth. 6, v. 13. *Ne nos inducas in tentationem.*

Tertio modo potest vinci tentatio ex fine, vel motivo naturalis honestatis virtutis, & odio turpitudinis peccati, non tamen ex amore Dei, nec cum proventu, aut lucro animæ: ita ut talis victoria ad salutem animæ, aut justificationem nec proximè, nec remotè conducatur, aut disponatur. Et in hoc sensu Dubium procedit.

IV. In hoc Vazquez, & omnes illi, qui tenent, absque auxilio speciali gratiæ nullum prorsus opus moraliter bonum posse effici ab homine lapsio; consequenter dicunt, nullam tentationem, quamvis levissimam, posse ab eo vinci sine speciali gratiæ auxilio. Qui verò affirmant, hominem lapsum sine speciali auxilio gratiæ posse aliquod opus bonum morale facere; sustinent, posse etiam sine speciali auxilio aliquam tentationem levem superare, non tamen gravem.

§. II.

Prima Resolutio.

V. Dico primò. Contingere potest, quoddam homo lapsus sine auxilio speciali gratiæ, cum solo auxilio generali Dei moventis, aliquam levem tentationem superet. Prior pars ex dictis superius sequitur: Docuimus enim, naturam hominis non esse ita corruptam, & liberum arbitrium non esse ita extinctum, quin aliquando suis viribus aliquod bonum morale facere, & aliquod præceptum naturale servare possit; ergo etiam poterit aliquam levem tentationem vincere. Conf. prob. Dum enim voluntati pro-

poni-

ponitur iudicio indifferente aliquid faciendum; non solum ei proponitur bonum, sed etiam repræsentatur malum, & utrumque, ut sibi conveniens, & aliquomodo alliciens; ergo dum voluntas relicto malo prosequitur bonum, aliquam saltem levem tentationem vincit; ergo si aliquando bonum operari potest sine gratiâ, poterit etiam aliquando vincere tentationem levem sine gratiâ.

VI. Secundò probatur. Neque est specialis gratia, quod una, vel altera tentatio levis sit: neque est specialis gratia, quod aliquando vincatur, supposito, quod levis sit; ergo &c. Ant. pro prima parte probatur. Non est connaturalis homini etiam lapsio, quod objecta delectabilia ipsum semper nimis alliciant, quod ex humorum commotione semper graviter moveatur, & quod Deus semper permittat, hominem à Dæmone tentari: sed potius cum in eo inclinatio ad bonum honestum non sit prorsus extincta, convenit, ut objecta sensibilia minùs moveant, ac minùs repugnent rationi, in iis præsertim actibus, ad quos homo est naturaliter propensus, ut honorare Parentes, vel dare eleemosynam extremè indigenti, qui actus facile, & cum magna delectatione sæpe fiunt. Et licet homo in pœnam tentetur à Dæmone; ad suavem tamen Dei providentiam pertinet, quod non semper respiciat ad hominis indignitatem, sed aliquando concedat, tentari solum leviter; ergo non est semper specialis gratia, quod tentatio sit levis.

Secunda autem pars prob. Indifferenti, & expedito ad bonum, & malum, & potius aliquid inclinatio ad bonum, debetur, ut non semper permittatur malum; sed potius connaturalè videtur, ut aliquando determinetur ad bonum, & aliquando permittatur malum: sed homo lapsus, etiam leviter tentatus, manet indifferens ad bonum, & malum, & aliquando inclinatus ad bonum; ergo &c.

Et confirmatur. Quia infirmitas naturæ lapsæ tollit quidem potentiam expeditam ad opus difficile, quod est proprium hominis sani, non tamen ad opus facile, ut vidimus: sed vincere levem tentationem est opus facile; ergo &c.

Hinc S. Pius V. inter propositiones Bani damnavit hanc, num. 30. quæ negabat: *Tentationi ulli sine gratia ipsius adiutorio resistere hominem posse, sic ut in eam non inducatur, aut ab ea superetur.* Ex quo constat, liberum arbitrium alicui tentationi resistere posse sine gratiæ Christi adiutorio, sic ut non inducatur in tentationem, neque ab ea superetur, esse doctrinam catholicam.

VII. Huc etiam pertinet, quod S. Augustinus l. 1. de Peccat. meritis c. 22. agnoscit hominem à pueritia modestiorem, ingeniosorem, temperatiorem, magna ex parte libidinum violentiorem, qui oderit avaritiam, luxuriam detestetur, atque ad cæteras virtutes pronior, aptiorque consistat: & tamen eo loco sit, ubi ei prædicari gratia Christiana non possit. Loquitur enim de illo, qui sine fide, & fidei voluntate, imò & sine cognitione, sine speciali gratiâ operatur; ergo iste poterit sine speciali gratiâ aliquam levem tentationem vincere, & opus bonum facere.

VIII. Quod verò sine auxilio Dei moventis nemo possit, (quæ est altera Assertionis pars) constat. Quia levem aliquam tentationem vincere, est quoddam bonum morale: ut autem docet S. Tho. hæc q. 109. a. 2. & reliquis, nullum bonum morale fieri potest absque Dei primæ causæ, & primi motoris auxilio.

IX. Sed objicies primò. Scripturam, Concilia, & Patres victoriam tentationum soli divinæ gratiæ tribuere: Scripturam quidem. Nam Psalm. 17. v. 30. dicitur: *In te eripiar à tentatione.* Psalm. 117. v. 13. *Impulsus, eversus sum, ut caderem, & Dominus suscepit me.* Matth. 26. v. 41. *Orate, ut*

ut non intretis in tentationem. Concilia etiam. Nam Araulicanum 1. Can. 9. *Drum* (inquit) *muneris est, cum rectè cogitamus, & pedes nostros à falsitate, & injussitâ continemus.* Et in Concilio Palæstino, apud Diospolim, cogitur Pelagus retractare capita errorum suorum, quorum undecimum erat hoc: *Et victoriam nostram non esse ex Dei adjutorio, sed ex libero arbitrio.* Retractatio autem hæc erat: *Ut fateatur, quando contra tentationes, concupiscentiasque illicitas dimicamus, quomodo, & illis propriam habemus voluntatem, non tamen ex illa, sed adjutorio Dei, nostram provenire victoriam.* Multa etiam Pontificum testimonia, & Patrum proferi Ivenin Tom. 5. *Inst. Theol. part. 5. dissert. 1. de Gratia Actuali c. 5.* quibus conatur ostendere, ad omnes omnino tentationes, etiam leves, superandas requiri gratiæ adiutorium.

X. Respondet, omnia præfata testimonia, tum Scripturæ, tum Conciliorum, tum Pontificum, & Patrum exponenda esse, vel non de una, aut alterâ levi tentatione; sed de omnibus, aut saltem de pluribus, & per longum tempus, quod etiam nos concedimus: vel de vehementioribus, & magnis: vel de quancumque victoria cum animæ proventu: vel tandem de victoria, nedum quoad substantiam, sed etiam quoad modum, nempe, procedentem ex caritate. Concilia enim, & Pontifices, ac Patres procedebant contra errores Pelagii, qui gratiæ necessitatem negabat etiam ad victoriam tentationum conducentem ad animæ proventum, & salutem æternam. Nos autem loquimur de victoria levis tentationis ex motivo, honesto quidem, sed naturali. Et hoc sustinemus; nedum à Pelagii errore volumus extricari, incidamus in errorem oppositum Baii, liberum arbitrium spolians omnibus viribus ad operandum bonum, & resistendum malo, qui, ut vidimus, damnatus fuit. — Nec dicat Ivenin, quod Concilia &c. indefinitè

dicunt, victoriam tentationum esse à Deo, & consequenter omnium; quia propositio indefinita æquivalere universali. — Nam indefinitè quidem loquuntur, sed in determinatâ materiâ, nempe, de victoria cum animæ proventu ad salutem; unde sequitur quidem, omnem victoriam hoc modo reportatam esse ex speciali gratia, non autem omnem omnino. Etenim etiam dicunt cum Scriptura, omne bonum de sursum esse, sufficientiam nostram ex Deo esse: & tamen ipse Ivenin, citato loco *eap. 1. a. 2.* concedit, hominem lapsum posse sine gratiâ opus aliquod referre ad finem honestum, licet perraro. Cur ergo dici non poterit, posse etiam aliquando, & raro levem aliquam tentationem sine gratiâ superare? — Idcirco à Deo petimus victoriam tentationum, etiam levium: quia aliquando vincere tentationem levem, etiam non sit specialis gratia naturæ; quod tamen hic homo lapsus, in hac occasione, levem solum patiatur tentationem, vel illam vincat, specialis gratia esse potest huic individuo, ut supra diximus de actu bono facili: & ideo Deum rogamus.

XI. Obijcies secundò, & replicabis. Quod non omnis tentatio sit gravis, sed aliqua levis, specialis gratia est; ergo &c. Ant. prob. ex Patribus ponderantibus insidias Diaboli, qui totis viribus conatur ad hominis perditionem, & contra quem nobis continuò pugnandum est; cui certè semper succumberemus, nisi divina gratia præsidet foret. Quod si aliquando non graviter, sed leviter teneret, meritis Christi adscribendum est; qui Demonem ligavit, ne semper teneret, & ne quoties tentat, graviter teneret.

XII. Respondet, dist. ant. Specialis gratia est huic, vel illi individuo, conc. antec. Naturæ humanæ semper, nego ant. Quod enim ego potius, quam alter levi tentatione pulser, & eam vincam, mihi certè gratia est specialis. At quod natura humana, viribus quidem ad bonum infirmata, sed non peni-

penitus destituta in aliquo suo individuo, & aliquando tentatione solum levi impetatur, & eam vincat, conaturale, & debitum est, non gratiosum; sicut etiam, quod in aliquo suo individuo aliquod opus bonum operetur. Ad probat. dato, quod omnis pugna nostra sit contra Diabolum, cum sæpe homo tentetur à concupiscentia sua, ut ait S. Jacobus *cap. i. v. 14.* quæ non semper graviter tentat, concedo, quod Diabolus, si sibi relinqueretur, semper graviter nos tentaret; sed hoc sibi non semper à Deo permittitur, imò interdum coercetur: quæ Diaboli refrænatio, est ex meritis Christi sit, ad providentiam tamen generalem spectat. Supposito enim, quod Deus hominem punire noluerit tantâ poenâ, sed illi juxta suam debilitatem providere, & ipsius Dei bonitatem; conaturale est, quod aliquando pugna vel cesset, vel pugna sit levis. Sicut supposito, quod Deus noluerit, hominem ob peccatum annihilare; ad providentiam generalem pertinet, quod ipsum conservet.

XIII. Objicies tertio. Indifferenti, ut tali, non debetur unum extremum præ alio, maxime si ad unum magis propendat: sed homo, leviter tentatus, indifferens est ad vincendum, & succumbendum, imò prior ad succumbendum; ergo ei non debetur auxilium ad vincendum.

Addo: quod si ei deberetur, non posset absque injuria denegari: sed homini, leviter tentato, sæpe sine injuriâ negatur, cum de facto succumbat, quin Deo imputetur ejus lapsus; ergo &c.

XIV. Respondeo, dist. maj. Non debetur in omni individuo, & in omni occasione, co. maj. Non debetur naturæ in aliquo individuo, & aliquâ occasione, nego maj. Et similiter dist. cons. Ut ergo dicebamus, auxilium ad vincendum potius, quàm succumbendum tentationi, est sit specialis gratia huic individuo, & in hac occasione; est tamen debitum naturæ hu-

manæ, cui debetur aliquando vincere, & non semper succumbere: & licet ratione corruptionis aliquam contraxerit proniatiem ad malum, retinet tamen indifferentiam, & inclinationem ad bonum. Quod exemplo firmatur: nam quod aliquis homo gaudeat bono ingenio, & firmâ valetudine; specialis gratia est individuo præ altero, cui non confertur: quia tamen ad generalem Dei providentiam pertinet providere, ut natura humana in aliquo suo individuo talibus donis fruatur; ideo naturæ humanæ specialis gratia non sunt.

Ad id, quod additur, dico, quod cui debetur, nunquam negatur; debetur autem naturæ humanæ in aliquo individuo vage, & aliqua occasione, & hoc nunquam negatur. Si autem negetur huic individuo, non fit injuria, quia illi non debetur: & si huic negetur, alteri tamen, vel illi in altera occasione conceditur.

§. III.

Posterior Resolutio.

XV. **D**ico secundò. Homo lapsus non potest sine speciali gratiâ facia, nedum individuo, sed naturæ vincere gravem tentationem. Hanc veritatem probant primò omnes auctoritates Scripturæ, Conciliorum, Pontificum, & Patrum, quas Adversarii §. præcedente attulerunt.

Deinde eam suadet ratio primò. Natura lapsa est debilis, & infirma, liberum etiam arbitrium ad bonum, etsi non sit extinctum, est tamen viribus attenuatum; ergo, nisi specialiter juvetur, solum poterit ad opera facilia, non ad difficilia, qualis est victoria gravis tentationis. Consequenter probatur ex sæpe allato exemplo hominis infirmi, qui aliqua quidem facere potest, non tamen omnia, quæ facere potest sanus.

XVI. Secundò probatur. Gravis tentatio illa est, quæ vehementer inclinat

elinat ad malum, & retrahit à bono; & licet non totaliter præveniat rationem, illam tamen obscurat; ex quo fit, ut in illius præsentia tepide, & remissè voluntatem alliciat: at eo ipso, quòd ita contingit, non debetur homini determinatio ad bonum rationis; ergo si ad illud determinetur, specialis gratia erit. Min. probatur primò. Voluntas posita inter duo bona inæquali efficacità sibi proposita, connaturaliùs amplectitur bonum sibi efficacius propositum; ergo amplecti bonum rationis tepide, & remissè propositum, relicto bono delectabili efficacius movente, quod in gravi tentatione contingit, non debetur voluntati. Secundò. Connaturale est cuivis agentis operari secundum prævalentem inclinationem: sed urgente gravi tentatione prævalet inclinatio ad bonum delectabile; ergo &c.

XVII. Sed objicies primò. Homo ex motivo humano, & sæpè pravo, potest vincere gravem tentationem; imò multa mala, ac sensibilia pati, usque ad sustinendam mortem; ergo poterit etiam ex honesto motivo vincere gravem tentationem, & fortia quæque pati. Conf. probatur. Ideo ex motivo honesto homo id non posset, quia in conspectu gravis tentationis bonum rationis valde remissè, bonum autem delectabile valde intensè, & efficaciter ei proponitur: & ideo magis eum movet, & inclinat: sed etiam homini graviter tentato v. g. de furto, remissè proponitur motivum pravam, puta inanis gloriæ, aliàs tentatio furti non esset gravis; ergo si non obstante hoc, ex motivo inanis gloriæ potest vincere tentationem furti, quare non poterit eam vincere etiam ex motivo honesto?

XVIII. Respondeo, con. ant. nēg. conf. ad prob. nego absolute min. Est enim initio tentationis de furto, furtum magis moveat, & alliciat, quàm inanis gloria; considerans tamen, quòd si furetur, famam amittet, format judicium prædicum, melius sibi

Tom. IX.

esse abstinere à furto, quàm furando famæ jacturam pati: quo judicio cupiditas servandæ famæ magis incipit movere, quàm cupiditas furti, & sic tentatio, quæ erat gravis, fit illi levis. Cumque hoc judicium viribus propriis formare possit, potest etiam viribus propriis, ex motivo humano, vincere tentationem gravem; seu variis de una tentatione in aliam ruere, eique succumbere: non sic autem potest eam vincere ex motivo honesto. Nam, ut docet S. August. *l. de Patientia c. 16.* bonum rationis non ita efficaciter movet sensum, imò sæpè opponitur illi. At cupiditas mundi, amor proprius, aliaque motiva prava valde propinqua sunt, & amica sensui: ex quo fit, ut homo graviter tentatus, ex propriis, insufficiens sit ad graves tentationes vincendas, ex motivo honesto; cujus convenientiam non facile percipit, seu vix tunc percipit, nisi speciali gratiæ lumine illustretur mens, & voluntas moveatur. At ex amore proprio, vel mundi cupiditate præstò adest motivum: cupiditas enim ita exagitat voluntatem, ita effuscaciter suadet, & fallaciter decipit, ut quæcumque etiam terribilia vincat, & superet; quæ tamen victoria non est, sed insania, & jactura.

Hoc exponit S. Aug. citato loco, simili argumento respondens his verbis: *Qui hæc dicunt, non intelligunt, & quemque iniquorum tantò esse ad quæcumque mala perferenda duriores, quantò in eo major est cupiditas mundi: & quemque justorum tantò esse ad quæcumque mala perferenda fortiores, quantò in eo major est caritas Dei.* Sed cupiditas mundi initium habet ex arbitrio voluntatis, progressum ex juncunditate voluntatis, firmamentum ex vinculo consuetudinis. Caritas autem Dei diffusa est in cordibus nostris per Spiritum Sanctum, qui datur est nobis.

XIX. Objicies secundò. Non resistere gravi tentationi imputatur homini ad culpam; ergo ei potest resistere suis viribus: nemini enim imputa-

K

tur

tur ad culpam, quod vitare non potest.

Confirmatur. Voluntas libera est ad resistendum gravi tentationi libertate nedum à coactione, sed à necessitate: atqui, si non posset resistere &c. esset necessitata ad succumbendum, & non libera à necessitate; ergo &c.

XX. Respondeo ex sæpè dictis, neg. conf. Ad prob. ibi adjunctam dist. ant. Quod vitare non potest, nec propriis, nec ab alio acceptis viribus, conc. ant. Quod non potest propriis viribus præcise, nego ant. Sicut enim, ut homo dicatur posse observare præcepta etiam supernaturalia, & vitare peccata contra illa, non est necesse, ut id præstare valeat propriis viribus; sed sufficit, ut id præstare valeat gratiâ sufficiente, quæ ipsi à Deo præstata est, cum eorum urget obligatio: ita, ut homo graviter tentatus contra præcepta naturalia possit tentationi resistere, non requiritur, ut id propriis viribus possit; sed ut possit viribus gratiæ, quæ illi quoties tentatur, adest, & quâ, si velit, potest tentationi resistere.

Ad Confirm. dico, voluntatem, dum tentatur, esse liberam à necessitate succumbendi, non libertate naturæ sibi relicte, sed adjunctæ per gratiam.

Unde Paulus, Galat. 4. v. 31. *Non sumus (inquit) ancilla filii, sed libera, quâ libertate Christus nos liberavit.*

XXI. Objicies tertio. Ex S. Augustino lib. de Patientia c. 27. Potest quis ab Ecclesia separatus, non pro errore, qui eum separavit, sed pro veritate dogmatis, quæ apud eum remansit, qualecumque supplicium perpeti, etiam mortis: at is propriis naturæ viribus, & humanis motivis inductus, mortem, aliæque sustineret; ergo &c.

Respondeo ex S. August. ibi c. 29. dist. maj. Potest separatus ab Ecclesia pro veritate fidei &c. perpeti per donum Dei, quod S. Aug. ibi *Donum. Exheredatorum* appellat, con. maj. Per naturæ vires, distinguo rursus. Si do-

minetur in illius animo passio aliqua vehementior, puta, studium conservandæ apud Sectarios famæ, concedo. Si secus, nego. Sic idem S. Doctor fortitudinem Gentilium, quâ ad afferendam patriæ libertatem, & incolumitatem, mortem obierunt, appellat *donum Dei*, diversum tamen à donis filiorum Cœlestis Jerusalem.

DUBIUM IX.

An ad diu vitanda omnia Peccata Mortalia, quæ sunt contra Legem Naturæ, requiratur Specialis Gratiâ?

§. I.

Aliqua Supponuntur.

I. **D**E peccatis mortalibus hæc sermo est: an sine gratiâ possit homo lapsus omnia vitare. Nam de venialibus sequenti dubio agemus. Insuper de peccatis mortalibus contra legem naturæ: nam de peccatis contra præcepta supernaturalia hic non loquimur. Dixi quoque: an ad ea diu vitanda: nam ad ea vitanda, per breve tempus, hominem potentem esse sine gratiâ, suppono. Non enim homo in statu peccati mortalis existens in omnibus suis actibus peccat, ut contra hæreticos, & Bajum statuit Ecclesia. Unde superius diximus, hominem in peccato mortali existentem non semper operari ex affectu ad peccatum; sed aliquando opera moraliter bona, facere posse. Addo: quod si homo in peccato mortali existens in omni actu suo peccaret, ut peccatum vitare non posset, peccata illi voluntaria non essent; quod enim vitari non potest, nec peccatum est, nec voluntarium. Sermo igitur est: an possit sine gratiâ homo lapsus peccata mortalia vitare, per diuturnum tempus. Ita S. Thomas hæc q. 109. a. 8. his verbis: *Antequam hominis ratio, in qua est peccatum mortale, reparatur per gratiam.*

cliam iustificantem, potest singula peccata mortalia vitare, & secundum aliquod tempus: quia non est necesse, quod continud peccet in actu. Sed quod diu maneat absque peccato mortali, esse non potest.

II. Loquimur etiam de homine in statu naturæ corruptæ: supponimus enim cum S. Thom. citato loco, quod in statu naturæ integræ poterat homo absque usu, & influxu gratiæ habitualis (non tamen sine auxilio Dei cum in bono conservantis, quo subtratto etiam ipsa natura in nihilum decideret) omnia peccata sive mortalia, sive venialia vitare. Et rationem dat: quia peccare contra legem naturæ est recedere ab eo, quod est secundum naturam: sed natura integra poterat non recedere ab eo, quod est secundum naturam: poterat enim omne id, quod est naturale; ergo poterat vitare omne, quod est contra naturam.

III. Neque inferas, quod si homo in statu naturæ integræ posuisset, vitando omnia peccata, evadere damnationem sine gratiâ, seu sine usu gratiæ, potuisset etiam absque usu gratiæ ad salutem pervenire — Nam plius requiritur ad salutem consequendam, quam ad evadendam damnationem, si utrumque absolute consideretur, præscindendo à præsentī statu. Ad evadendum enim damnationem sufficit, nec peccatum habere. nec peccare: ad habendam verò salutem, ulterius requiritur, esse filium Dei adoptivum per gratiam, & eâ gratiâ bene uti, quando occurrit obligatio implendi divina præcepta, ut ad salutem oportet. Ita S. Thom. Q. 24. de Verit. a. 12. ad 2. ubi ait: *Et propterea non sequitur, quod si aliquis evadat damnationem ex libero arbitrio, propter hoc ex viribus liberi arbitrii possit gloriam acquirere: hoc enim majus esset, & patet instantia de homine in statu innocentie.* His suppositis

§. I I.

Resolutiones.

IV. **D**ico primò. Homo in statu naturæ corruptæ non potest peccata mortalia contra legem naturæ per diuturnum tempus vitare, nisi sanetur per gratiam sanctificantem. Ita D. Thom. hoc a. 8. cujus ratione sic probo. Quamdiù ratio non est perfecte subiecta Deo, non potest esse, quin insurgant mulæ inordinationes in actibus rationis: sed ratio non fit perfecte subiecta Deo, nisi per gratiam habitualement, eam à peccato sanantem; ergo &c. Maj. probatur. Sicut inferior appetitus debet subdi rationi, & per rationis iudicium regulari debent motus inferioris appetitus; ita etiam ratio debet subdi Deo, & in ipso constituere finem suæ voluntatis, ita ut ex ipso regulentur omnes actus humani: sed quamdiù inferior appetitus non est totaliter subiectus rationi, non potest esse, quin contingant inordinati motus in appetitu sensitivo; ergo ratione hominis non totaliter existente subiectâ Deo, consequens est, ut contingant mulæ inordinationes in ipsis actibus rationis, & proinde peccata mortalia; quæ nil aliud sunt, quam deordinationes rationis humanæ à Deo ultimo fine.

V. Confirm. ex eodem S. Doctore. Ut homo possit vitare omnia, & singula peccata mortalia, debet habere cor suum firmatum in Deo; ita ut pro nullo bono consequendo, vel malo vitando, ab eo separari velit: sed qui est in peccato mortali, non habet cor suum firmatum in Deo, sed habituales à Deo aversum; ergo &c. Maj. probatur. Cum enim multa occurrant in hac vitâ mala, quæ formidamus, & bona delectabilia, ad quæ allicimur; si homo non habet cor suum firmatum in Deo, faciliè, propter consequenda illa bona, aut vitanda illa mala, recedet ab illo, & contemnet

K 2

præ-

praecepta ejus. Tùm etiam, quia in-
repentinis homo operatur secundùm
praeconceptum finem, & secundùm ha-
bitum praeexistentem; ergo qui habet
cor suum firmatum, non in Deo, sed
in bono commutabili, statim eligit il-
lud, quod huic est consonum; *Quam-*
vis enim ex praemeditatione rationis pos-
sit homo aliquid agere, prater ordinem-
finis praeccepti, & prater inclinatio-
nem habitus: tamen, quia homo non po-
test esse semper in tali praemeditatione,
non potest contingere, ut diu permaneat,
quin operetur secundùm convenientiam
voluntatis deordinata à Deo, nisi eito
per gratiam ad debitum ordinem repare-
tur. Ita S. Thomas.

VI. Neque dicas, ex hac ratione so-
lùm concludi, quòd, ratione hominis
non perfectè subiectà Deo, non possint
vitari subitæ inordinationes, quæ sunt
peccata venialia, cùm ob defectum de-
liberationis non possint esse mortalia.

Nam in primis dicta proportio sic
est accipienda: ut sicut sensualitas non
subiecta rationi, intra breve tempus,
incidit in peccata venialia; ita ratio
non subiecta Deo, intra breve tem-
pus, incidit in mortalia: quia is, qui
alicui fini perverso inhaeret, non diù
stat, quin eligat aliquid conformiter
ad ipsum — Deinde: dum S. Thom.
dicit, quòd qui est fini pravo affixus,
facile habet subitas inordinationes,
non vult, eas esse ita subitas, ut sint
absque omni deliberatione requisitâ ad
peccatum mortale: sed quia sint absque
deliberatione tali, quæ sufficiat, eum
à peccato mortali perpetrando retra-
here. Qui enim est animo malè affec-
tus, quando ad novum peccatum
mortale tentatur, vel non actu adver-
tit, sicut posset, ac deberet, quòd sit
contra Dei legem; vel si advertit, ea
cogitatio non sufficit, ut ipsum à pec-
cando retrahat; quia minoris æstimat
Deum, quàm finem illum perversum,
cui adheret. Unde vel contingit, quòd
priusquam bona cogitatio illi occur-
rat, jam consenserit: vel si occurrat,
ipsum non moveat statim sine majori

deliberatione, quæ non semper adest.
Unde S. Thomas Q. 24. de Verit. a. 12.
Quando (inquit) homini sic disposito
occurrit aliquid faciendum, quod prae-
cedenti electioni conveniat, repente fertur
in illud per electionem, nisi multa deli-
beratione seipsum cohibeat. Nec tamen
per hoc, quòd sic repente illud eligit, à
peccato mortali excusatur, quòd aliquòd
deliberatione indiget: quia deliberatio
illa sufficit ad peccatum mortale, quòd
perpenditur, illud, quòd eligitur, esse pec-
catum mortale, & contra Deum.

VII. Accedit: quòd, ut ait S. Gre-
gorius Homil. 11. in Ezech. & lib. 15.
Moral. c. 9. *Peccatum, quòd mox per*
penitentiam non deletur, suo pondere
in aliud trahit. Quia, ut idem Homil.
17. in Ezech. advertit, peccatum, quòd
per poenitentiam citius non deletur,
aut peccatum est, aut causa peccati:
si citius poenitentia non tergitur, ius-
to judicio omnipotens Deus obliga-
tam peccatis mentem, etiam in culpam
alteram permittit cadere. Si ergo
peccatum manens reatu, aliud pecca-
tum trahit, & peccator meretur, ut
Deus in pœnam præcedentis, & non-
dum deleti per poenitentiam peccati,
linat, eum labi in alia; quomodo po-
terit diu manere, quin in novum la-
batur peccatum?

Adde: quòd hominem in tali statu
multa circumstant, tàm intrinsecæ,
quàm extrinsecæ ipsum provocantia ad
peccandum: nimirum rebellio appeti-
tus, tentatio Dæmonum, & societas
pravorum hominum, qui exemplis,
& consiliis suis rationem, per peccatum
habitualmente à Deo averfam, in con-
tinuo periculo noviter peccandi tenent;
quòd propriis viribus certè, saltem diu,
vitare non potest.

VIII. Dico secundò: Homo per
gratiam habitualem sanatus, ut diu
vitet peccata mortalia, indiget adhuc
gratiâ actuali auxiliante. Ita S. Thom.
hæc q. 109. a. 9, & probat primò
exemplo S. August. l. de Nat. & grat.
c. 26. *Sicut oculus corporis plenissimè*
sanus, nisi caudare lucis adjutus, non
potest

potest cernere; sic & homo perfectissimè etiam iustificatus, nisi aternâ luce iustitia divinius adjuvetur, rectè non potest vivere. Deinde id probat, tum ratione generali; propter hoc scilicet, quod nulla res creata potest in quemcumque actum prodire, nisi virtute motionis divina. Tum ratione speciali; propter conditionem status humanæ naturæ; qualis est per gratiam sanetur quantum ad mentem, remanet tamen in ea corruptio, & infectio, quantum ad carnem, per quam servit legi peccati, ut dicitur Rom. 7. Remanet etiam quadam obscuritas in intellectu, secundum quam, ut etiam dicitur Roman. 8. Quid oremus, sicut oportet, nescimus. Propter varios enim rerum eventus, & quia etiam nos ipsos non perfectè cognoscimus, non possumus ad plenum scire, quid nobis expediat secundum illud Sapientia 9. Cogitationes mortalium timidæ, & incertæ providentiæ nostræ: Et idè necesse est nobis, ut à Deo dirigamur, & protegamur, qui omnia novit, & omnia potest. Et propter hoc etiam renatis in filios Dei per gratiam convenit dicere: Et ne nos inducas in tentationem; & fiat voluntas tua, sicut in Cælo, & in terra; & cætera, qua in oratione Dominica continentur, ad hoc pertinentia. Hæc S. Thomas.

Ex his hæc conficitur ratio. Iusti, etsi sanati quantum ad mentem, egent tamen sanari quantum ad carnem, quæ menti adhuc rebellat; & ideo Deum orant, ne illos patiat, temptatione vinci. Insuper incerti sunt, quid illis ad salutem expediat; & ideo Deum rogant, ut eis voluntatem suam ostendat; ergo ultra gratiam habitualem, quam habent, aliam gratiam petunt, eaque indigent, & hæc est gratia actualis auxilians.

IX. Hoc idem ostendit S. Doctor 3. Contra Gentes c. 55. hoc discursu. Omne, quod est variabile, ad hoc ut figatur in uno, indiget auxilio alicujus moventis immobilis; sed homo variabilis est, & de bono in malum, & de malo in bonum; ergo ut im-

mobilitate perseveret in bono, eget auxilio divino. Hinc est, quod homines, etsi iusti, debent semper manere in timore, debent semper Deum orare, ut illis concedat auxilium ad vitanda peccata, & pro eo obtento supplices gratias agere.

X. Hinc sequitur, hominem iustum posse vitare omnia peccata mortalia, nec indigere Dei auxilio, ut possit, sed ut de facto vitet. Nam peccatum mortale in ratione consistit, hoc est in parte rationali, quæ complectitur intellectum, & voluntatem: sed per gratiam habitualement ratio & sanata, est, & reparata, quia Deo ut fini subiecta; ergo habet posse sufficiens ad vitanda omnia peccata mortalia. Unde qui iustificatus est, potest innovitate vitæ, & non secundum carnem, sed secundum spiritum, ambulare, exhibere membra sua servire iustitiæ in sanctificationem, quia peccatum in eo non dominatur, ut Rom. 6. dicitur, quia ex Deo natus est: Omnis autem, qui natus est ex Deo, peccatum non facit, quoniam semen ipsius in eo manet, & non potest peccare; quoniam ex Deo natus est. (1. Joann. 3. v. 9.) Et ratio est: quia is, qui per gratiam iustificatus est, Deum diligit per caritatem; qui autem Deum diligit, præcepta servat, vel servare potest, juxta illud Joann. 14. v. 23. Si quis diligit me, sermonem meum servabit. Quibus accedit: quod 1. Cor. 12. v. 9. Deus dixit Paulo; Sufficit tibi gratia mea; non autem ea sufficeret, si ea præditus non posset vitare omnia peccata mortalia. Et propterea Tridentinum Sess. 6. Cap. 12. declarat, iustificatos posse cum divino auxilio sermones Dei servare.

§. IIII.

Contrariorum Rationes.

XI. P Rimum objeiciunt contra primam Assertionem. Homo integer poterat sine gratiâ diu non peccare con-

tra legem naturalem; ergo etiam homo lapsus, non enim perdidit, quæ spectant ad naturam. — Respondetur tamen, quod licet ea, quæ spectant ad naturam, non perdidit homo per lapsum; manserunt tamen infirmata, & vulnerata in ordine ad bonum.

XII. Secundò obijciunt. Homo non habens potentiam ad diù vitandum peccatum, necessariò peccaret, eique non imputaretur peccatum: sicut illi non imputatur, non habere gratiam, sine qua non potest peccata vitare.

Respondeo, negando, quod absolute necessariò peccaret: Deus enim omnibus dat auxilia sufficientia, quibus, saltem remotè, possit ad gratiam habitalem se disponere, vel saltem à Deo petere auxilium ad non peccandum. Quòd si ad eam nec se disponit, nec illud petit, necessitatur ad peccandum, sed à propria voluntate; quâ, cum possit exire à statu peccati, & se firmare in bono, mavult in statu peccati perseverare. Et licet in hominis potestate non sit, gratiam habere, vel advocare; in ejus tamen potestate est, per auxilium Dei ad eam se disponere, aut auxilium petere, vel saltem ei obicem non ponere. Responderi etiam potest ex D. Tho. Qu. 24. de Verit. a. 12. ad 7. *Quòd aliquis existens in peccato mortali potest vitare omnia peccata mortalia auxilio gratia; potest etiam ex naturali virtute singula vitare, quamvis non omnia: & ideo non sequitur, quòd peccatum committendo non peccet.*

XIII. Tertiò obijciunt. Homo sine gratiâ servare potest omnia præcepta naturalia divivè, & in particulari: sed unum ex præceptis naturalibus est, non peccare contra legem naturalem; ergo potest contra eam non peccare.

Respondeo primò, neg. maj. Ut enim supra vidimus, non potest sine gratiâ servare præceptum diligendi Deum auctorem naturæ super omnia, quia includit observantiam totius legis: nec etiam potest observare præceptum non peccandi contra legem,

quia hoc etiam esset, posse totam legem observare. — Secundò, datâ maj. nego min. Præceptum enim non peccandi contra legem non est unum præceptum, sed dicit collectionem omnium præceptorum: & ideo impleri non potest, nisi omnia impleantur.

XIV. Quartò obijciunt. Si ad non peccandum diù, requiritur, ut homo sit in gratia, posset aliquis sine revelatione certò scire, se esse in gratia: sed hoc est falsum; ergo &c.

Maj. probatur. Homo enim per experientiam potest scire, se diu abstinuisse à peccato mortali, quia peccatum mortale procedit ex deliberatione rationis: certò autem innotescere potest homini id, quod ex deliberatione facit.

Respond. neg. maj. ad prob. nego ant. Nemo enim, seclusâ Dei revelatione, certò potest scire, an amore, vel odio dignus sit, ac proinde se ab omni mortali labe esse immunem, maxime per longum tempus. Quia, estò peccata transgressionis cognita facilia videantur, omissionis tamen difficillimè cognoscuntur. Et quamvis peccatum mortale cum deliberatione fiat, multa tamen sunt, quæ, ut affecti sumus, repente, & præcipiti judicio facimus; de quibus ambigimus, an deliberatè fecerimus, & an deliquerimus circa illa mortaliter, an solum venialiter. Unde meritò ajebat David Psalm. 18. v. 13. *Delicta quæ intelligit? Ab occultis meis munda me.* Et Paulus 1. Cor. 4. v. 4. *Nihil enim mihi conscius sum; sed non in hoc justificatus sum: qui autem judicat me, Dominus est.*

XV. Quintò obijciunt. Si homo, ut vitaret peccatum, teneretur esse in gratia, teneretur post peccatum statim agere poenitentiam; quia si statim non ageret, exponeret se periculo iterum peccandi: periculum autem peccandi quisque vitare tenetur.

Respondeo, negando sequelam. Cum enim non semper occurrat occasio peccandi, illud periculum est solum remotum,

motum, & ideo non obligatur illud vitare. Si tamen gravis occurrat tentatio, secum ferens periculum proximum peccandi; tunc tenetur orare, poenitere, & Dei gratiam implorare. Et ideo non sequitur, quod peccator sit obligatus statim poenitere; sed solum in iis occasionibus, in quibus urget periculum proximum iterum peccandi.

XVI. Sexto obijciunt contra secundam Assertionem. Ideo homo lapsus non potest sine gratia habituali omnia peccata contra legem naturæ vitare, quia hoc est opus hominis sani: sed homo in gratia est homo sanatus; ergo homo in gratia sine ulteriori auxilio potest &c.

Confirmatur. Gratia habitualis ad hoc datur, ut possimus, bonum facere, & peccatum vitare; ergo si per gratiam homo non potest abique ulteriori auxilio, vel gratia frustra datur, vel est imperfecta.

Respondeo, dist. min. Est sanatus quantum ad mentem, conc. min. Quantum ad carnem, nego min. Responso est D. Thomæ hoc a. 9. Est enim homo per gratiam sanetur quantum ad mentem, quia per illam mens hominis subicitur Deo; remanet tamen in eo corruptio quantum ad carnem, nempe, concupiscentia, ex qua varix, gravesque tentationes oriuntur, voluntatem ad peccatum trahere molientes: quare, ut homo iustificatus illas superet, & peccata vincat, præter gratiam habitualement, eget speciali auxilio Dei, de quo dicemus infra Dub. 12.

XVII. Sed dices. Idem S. Doctor 3. p. q. 62. a. 6. ad 3. referens hanc responsum, illam retractat dicens: *Alii dicunt, quod Circumcisio conferebat gratiam, etiam quantum ad aliquem effectum positivum, qui est facere dignum vitæ æternæ; non tamen quantum ad hoc, quod est reprimere concupiscentiam impellentem ad peccandum; quod & aliquando mihi visum est. Sed diligentius consideranti apparet, hoc e-*

tiam non esse verum; quia minima gratia resistere potest cuilibet concupiscentia, & mereri vitam æternam; et ergo &c.

Respondeo, D. Tho. non retractare doctrinam, quam hic docet, sed quam admiserat, ut probabilem in 4. dist. 2. q. 2. a. 4. quæst. 3. nimirum, quæ asserbat, gratiam, quæ in Circumcisione dabatur, esse quidem sufficientem ad faciendam animam dignam vitæ æternæ; non tamen esse ex se sufficientem ad reprimendum motus concupiscentiæ, sicut sufficiens est gratia Baptismalis. Hanc ergo doctrinam in 3. p. retractat, dum ait: quod *minima gratia potest resistere cuilibet concupiscentia*, nimirum, de se, & quantum ad sufficientiam. Non autem retractat id, quod docet hæc q. 109. nimirum, quod est gratia de se sufficiens sit, utramque sanitatem, & mentis, & carnis conferre; tamen ratione corruptionis, quam invenit in subiecto, priorem quidem conferat, non tamen secundam, saltem perfectè. Quemadmodum, licet calor aquæ bullientis de se superet ejus frigiditatem, & sufficiens sit, eam tollere; quia tamen aqua non est subiectum connaturale caloris, à frigore demum expellitur: ita quia gratia in nobis viatoribus est in subiecto multum infirmo, indisposito, & vertibili, licet ipsa fortior sit concupiscentiæ, & potens eam extinguere, ab ea tamen, nisi auxilio speciali Dei sustentetur, tandem superabitur, & corrumpetur.

XVIII. Ad Confirm. dico cum S. Tho. hoc 2. 9. ad 1. Quod donum habitualis gratia non ad hoc datur nobis, ut per ipsum non indigeamus ulterius divino auxilio: intiget enim qualibet creatura, ut à Deo conservetur in bono, quod à Deo accepit. Et ideo si, post acceptam gratiam, homo adhuc indiget divino auxilio, non potest concludi, quod gratia sit in vanum data, vel quod sit imperfecta: quia etiam in statu gloriæ, quando erit omnino perfecta, homo divino auxilio indigebit. *Hic*

Hic autem aliquantulum imperfecta est, inquantum hominem non totaliter sanat.

XIX. Septimò obijciunt contra eandem. Ideo homo in peccato mortali existens nequit vitare omnia peccata, quia non habet cor firmatum in Deo : sed homo in gratia habet cor jam firmatum in Deo; ergo &c.

Respondéo primò cum D. Tho. hîc ad 3. rationem hanc concludere, hominem in gratia non indigere aliâ habituali gratiâ, non verò non indigere divino auxilio actuali. — Secundò respondeo, dist. min. Habet cor firmatum in Deo, mobiliter tamen, co. min. Immobiliter, nego min. & conf. Etenim negatio firmitatis cordis in Deo est quidem causa, cur homo lapsus non possit diù peccata vitare; positio tamen talis firmitatis non est adæquata causa vitætionis: quia cùm homo in hac vitâ non firmetur in bono immobiliter, si ulterior actualis gratia non adit, & gravis urgeat tentatio, in bono gratiæ, quam à Deo accepit, non conservabitur.

DUBIUM X.

An ut Homo lapsus vitare possit omnia Peccata Venialia, indigeat Gratiâ, & quali?

6. 1.

Aliqua Prasupponuntur.

I. SUppono, hîc non esse sermonem de homine in statu integritatis, & innocentie: in illo enim felici statu potuisset vitare omnia peccata venialia, non solum divisivè, sed etiam collectivè ex vi auxiliorum, quæ erant consona illi statui. Et ratio est: quia homo in illo statu gaudet perfecta integritate; adeo ut appetitus sensitivus esset totaliter subiectus rationi, & omnis pars inferior parti superiori: sed peccatum veniale confurgit ex inordinato motu

appetitus contra rationem, vel partis inferioris contra superiorem; ergo &c. Imò Tom. 6. in 1. p. q. 5. Dub. 7. ostendimus, hominem durante statu innocentie non potuisse peccare venialiter.

II. Suppono etiam, ut certum, hominem cum solis auxiliis statui præsentis ordinariis posse vitare omnia peccata venialia divisivè. Et ratio est: quia nullum est peccatum veniale, quod ab homine lapsò, sed iustificato, cum solo concursu generali vitari non possit: nulla enim est materia venialis peccati, ad quam non possit homo iustificatus practicè attendere, & eam vitare; aliàs si non posset, ei peccatum non imputaretur. Loquimur ergo de omnibus peccatis venialibus collectivè.

III. Procedit etiam quæstio de vitætionem eorum per totam vitam, aut per longum tempus. Nam per aliquod breve tempus posse hominem iustum esse absque omni peccato veniali, probabilius censemus. Unde illud 1. Joan. 1. v. 8. *Si dixerimus, quoniam peccatum non habemus, ipsi nos seducimus, & veritas in nobis non est:* ait D. Th. 3. p. q. 79. a. 4. *Non est ita intelligendum, quin aliquò horum possit homo esse absque omni reatu peccati venialis: sed quia vitam istam sancti non ducunt sine peccatis venialibus.* Quod confirmari potest ex S. Hieronymo lib. 3. adversus Pelagianos; & ratione etiam. Tùm quia: qui recedent sunt Baptizati, non omnes statim peccant, etiam venialiter. Tùm quia: nullus iustus adultus posset immediatè post mortem migrare in Cælum, quin ad abluendam maculam priùs detineretur in Purgatorio; quod tamen est salum.

Nec obstat illud Proverb. 24. v. 16. *Septies in die cadet iustus.* Hoc enim verbum in die nec est in Hebræo, nec apud lxx. nec in Latinis Vulgatis emendationibus legitur, sed: *Septies enim cadet iustus, & resurget.* Imò S. Aug. l. 21. de Civit. Dei c. 37. *Septies (inquit) cadet iustus, & resurget, id est, quo-*

quotiescumque ceciderit, non peribit. Quod non de iniquitatibus, sed de iri-
bulationibus ad humilitatem pertinen-
tibus, intelligi voluit. Quod si de lap-
su in peccatum accipere velimus, non
significatur, quod iustus quolibet die
septies peccet; sed quod etiam si sæ-
pius, aut multoties peccet, faciliè re-
surgat.

Cæterum quantum sit illud breve
tempus, in quo possit iustus esse absque
omni peccato veniali, prorsus incer-
tum est, nec ab ullo homine definiri
potest. Possit tamen unum diutius alte-
ro illis omnibus carere, prout fue-
rit in Dei amore ferventior, nulli du-
bium est. Possit quoque ad unum diem,
vel etiam diutius, si sit honestis exer-
citiis occupatus, & in templo Dei vi-
gilans, probabile est.

His ergo suppositis, quærimus:
an homo in statu naturæ lapsæ, ut
possit omnia peccata venialia collecti-
vè per totam vitam vitare, egeat spe-
ciali gratia, quæ sit extraordinaria,
& speciale privilegium. Secundò: an
hoc privilegium sit necessarium, ut, pos-
sit vitare, an verò solum, ut de facto
vitet. Tertio: an alicui ex hominibus
hoc privilegium fuerit concessum.

§. I I.

Resolutiones.

IV. **D**ico primò. Nemo per totam vi-
tam, aut per diuturnum tem-
pus, cum solis auxiliis gratiæ habitua-
li annexis, possit omnia peccata venia-
lia collectivè sumta vitare; sed ad hoc
indigere speciali privilegio. Ita ex S. Th.
hæc q. 109. a. 8. cuius rationem infra
expendemus. Colligitur quoque ex
Scripturis. 3 Reg. 8. v. 46. ait Salo-
mon: Non est enim homo, qui non pec-
cet: quod repetitur 1. Paralip. 5. v.
36. Psalm. 31. v. 6. Pro hac (nimirum
pro remissione peccatorum) orabit ad te
omnis Sanctus. Proverb. 18. v. 17. Ju-
stus, prior est accusator sui. Proverb. 20.
v. 9. Quis potest dicere: mundum est cor
meum, purus sum à peccato? Ecclesiastæ

7. v. 21. Non est enim homo iustus in
terra, qui faciat bonum, & non pec-
cet. Jacobi 3. v. 2. In multis enim
offendimus omnes. Et 1. Joann. 1. v.
8. Si dixerimus, quoniam peccatum non
habemus; ipsi nos seducimus, & veri-
tas in nobis non est. Quibus aperte
apparet, homines etiam iustos, cum so-
lis auxiliis gratiæ regulariter annexis,
absque omni peccato vivere non posse.
Et hinc est, quod omnes etiam iusti
debent orando quotidie dicere: *Dimis-
te nobis debita nostra.*

V. Idem affirmant Patres. Hiero-
nymus Epist. ad Ctesiphontem. Et 1.
2. adversus Pelagianos; quorum, inter
alios, hic erat error, posse hominem
vivere sine peccato. Unde S. August.
Serm. 29. de Verbis Apost. c. 2. Sunt
quidam (inquit) inflati viri, ita spi-
ritu elationis pleni, ut dicere audeant,
inventiri homines absque peccato. Dicunt
ergo, iustos prorsus in hac vita nullum
habere peccatum. Hæretici autem sunt
Pelagiani, idemque Cælestiani, qui hoc
dicunt. Et c. 6. Non autem quia dico,
quod non possumus hic esse sine peccato;
& homicidia facere debemus, aut adulte-
ria, vel cætera mortifera peccata, quæ
uno actu perimunt. Talia non facis bo-
na fidei, & bona spei Christianus; sed
illa sola, quæ quotidiano orationis pe-
niculo tergantur. Tract. 1. in primam
Joann. Non potest homo, quamdiu carnem
portat, non habere levia peccata. Et
lib. 2. contra Julian. c. 8. refert, &
laudat S. Cyprianum sic dicentem: Si
nemo esse sine peccato potest, & quis-
quis se inculpatum esse dixerit, aut su-
perbus, aut stultus est. Quam necessa-
ria, quam benigna est divina elemen-
tia; quæ eam seiat, non deesse Sanctis
quandam postmodum vulnera, dedit cu-
randis denuo, sanandisque vulneribus
remedia salutaria? Idem passim S. Aug.
contra Pelagianos docet. Ut lib. de
Perfect. sustineat. Lib. de Natura, &
gratiâ cap. 12. & sequent. Lib. de Gra-
tia Christi c. 45. & 48. Et Lib. de
Dono persever. cap. 2. ubi inter ea, quæ
con-

contra Pelagianum defendit Ecclesiā, hos secundo loco recondet: *In quantumque iustitia, sine qualibuscumque peccatis in hoc corruptibili corpore neminem vivere.*

VI. Quia verò Pelagiani respondere solebant, verba è Scripturis petita, maxime ex Ep. 1. S. Jo. c. 1. solum velle, iustos fateri debere, se habere peccata, causā humilitatis: vel quia sunt pars populi, qui in peccatis est.

VII. Priori responsioni obstat, quòd S. Joannes non dicit: *Si dixerimus, quoniam peccatum non habemus, nos superbumus, & humilitas in nobis non est* (quod juxta Pelagianum sensum erat dicendum) *sed ipsi nos seducimus, & veritas in nobis non est*: imò subditur: *Si confiteamur peccata nostra, fidelis est, & iustus, ut remittat nobis peccata nostra, & emundet nos ab omni iniquitate.* Sentit ergo S. Joannes, debere nos confiteri, esse peccatores, non ex humilitate, sed quia omnes in peccatis sumus. Ita intellexerunt S. August. *Serm. 29. de Verb. Apost. & Concilium Milevitanum Canon. 6.* his verbis: *Quisque sic accipiendum putaverit, ut dicat, propter humilitatem, dici, nos habere peccatum, non quòd verè ita est, anathema sit.*

VIII. Posteriori responsioni obstant testimonia supra laudata ex Proverb. 30. Ecclesiastes 7. Psalm. 31. quibus absolute dicitur, non esse hominem, qui non peccet: cui addi potest illud Psalmi 141. v. 2. *Non intres in iudicium cum servo tuo, quia non iustificabitur in conspectu tuo omnis vivens.* Unde signanter Daniel vir sanctissimus, sua, & populi peccata seorsum agnoscit, cap. 9. v. 20. dicens: *Cumque adhuc loquerer, & orarem, & confiterer peccata mea, & peccata populi mei Israel.* Ubi S. Hieron. l. 2. contra Pelagian, prope finem: *Vides* (inquit) *quòd tam pro peccatis suis, quàm pro peccatis populi Dominum sit deprecatur?* Merito igitur Synodus Milevitana C. 7. rejicit explicationem, quā Pelagiani hæc orationis Dominicæ verba: *Di-*

mitte nobis debita nostra, contendebant à Sanctis dici, non pro seipsis, sed pro aliis. Cui adhærens Tridentina Sess. 6. cap. 11. *Illā* (inquit) *vox est, & humilis, & verax: Dimitte nobis debita nostra.* Et ex hac doctrinā confecit Canonem 23. ubi ait: *Si quis hominem semel iustificatum dixerit posse in tota vitā peccata omnia, etiam venialia, vitare, nisi ex speciali Dei privilegio, quemadmodum de Beata Virgine tenet Ecclesiā, anathema sit.*

IX. Ex prælaudatis testimoniis Scripturæ, Conciliorum, & Patrum duplex argumentum conficitur. Primum est: Si cum ordinariis gratiæ auxiliis homo iustus posset per totam vitam, aut diuturnum tempus, omnia peccata venialia vitare, aliqui iisdem gratiæ auxiliis aduti ea vitassent: atqui reverè non vitarunt, cum non sit homo, qui non peccet, cum omnis Sanctus oret pro sui peccati remissione, cum nullus vivens in conspectu Dei iustificetur, cum, si quis dixerit, quoniam peccatum non habet, ipse se decipiat, & veritas in eo non sit: & tandem cum nemo sit, qui suorum peccatorum remissionem in oratione Dominicā verè non postulet; ergo &c.

Alterum est: Pelagius, & Cœlestius damnati sunt à Ecclesiā Catholica, quòd vellent, iustos quosdam eā perfectione commendatos fuisse, ut nunquam venialiter peccaverint; ergo Ecclesiā Catholica sentit, nullum unquam omnia peccata venialia vitasse.

X. Probatur deinde ratione Theologica. Ut quis per totam vitam, aut diuturnum tempus, omnia venialia cum ordinariis gratiæ auxiliis vitaret; necesse esset, ut omnes, qui insurgunt concupiscentiæ motus, statim comprimeret, & ut collectivè omnia sciret, quæcumque sibi agenda sunt: atque hæc duo cum ordinariis gratiæ auxiliis haberi non possunt. Ut enim iustus omnes omnino concupiscentiæ motus statim comprimeret; deberet continuè, ac sine intermissione ad seipsum attendere, nullā negligentia tor-

porè.

pere, nulli omnino concupiscentiæ motui nec leviter consentire. Ut collectivè sciret omnia, quæ sibi agenda sunt, deberet nullâ ignorantia laborare: atqui hæc nemo hominum in hoc statu solis ordinariis gratiæ auxiliis adjutus habet, aut habere potest; ergo &c. Unde D. Tho. hoc a. 8. ait: *Non autem potest homo abstinere, ab omni peccato veniali, propter corruptionem inferioris appetitus sensualitatis; cujus motus singulos quidem ratio reprimere potest, & ex hoc habent rationem peccati, & voluntarii; non autem omnes: quia dum uni resistere nititur, fortassis alius insurgit; & etiam quia ratio non semper potest esse pervigil ad huiusmodi motus vitandos.*

XI. Confirmatur. Per gratiam cum solis ordinariis auxiliis non extinguitur, aut ligatur fomes peccati; hoc enim est privilegium nulli hæcenus concessum, exceptâ B. Virgine, ut dicemus: sed non extincto, aut ligato fomite, non potest homo per totam vitam, aut diu omnia venialia peccata vitare; ergo &c. Min. probatur. Nam si fomes non extinguitur, aut saltem ligatur, continuò ferè contra rationem pugnat, contra eam appetitus insurgit; cujus motus rationem aliquando præveniunt omnino, aliquando solum ejus plenam deliberationem: hique adeo frequentes sunt, ut dum uni ratio resistit, insurgat alius, adeoque contingat, ut, dum vincit unum, vincatur ab altero; sic in tot conflictibus impossibile sit, ut aliquando saltem leviter non succumbat; ergo &c.

XII. Sed dices, hanc rationem, quæ est D. Thomæ supra laudati, convincere ad summum, quòd homo per totam vitam, aut diu vitare non possit omnia ea peccata venialia collectivè, quæ ex surreptione appetitus, & inadvertentia, ac indeliberatione rationis contingunt: at non ea, quæ ex objecto solum venialia sunt, ut parva furta, verba otiosa, mendacia jocosa.

XIII. Verùm hæc non obfunt, quin S. Thomas generaliter de omnibus pec-

catis venialibus locutus sit; quamvis ejus probatio solum procedat de venialibus, quæ contingunt ex imperfectione actus. Tùm quia: illi satis erat conclusionis suæ veritatem declarare per id, quod est magis clarum. Quemadmodum enim si dicatur, quòd homo non potest vitare omnem morbum, non est necesse, ut hujus veritatis probatio procedat, & de hoc, & de illo genere morbi, & sic de omnibus; sed satis est, quòd de uno, eoque notiore procedat: ita ad probandum, quòd homo non potest vitare omne peccatum veniale, sufficit, hoc probare de uno genere peccati venialis. Tùm quia S. Doctor procedere voluit ab eo, quod certius est. Estò autem tenendum sit, hominem nec posse vitare omnia peccata, quæ ex genere sunt venialia, per totam vitam, aut diu; quia homo iustus non semper operari potest ex fervore caritatis, secluso speciali privilegio; non adeo tamen certum est, quin ab aliquibus in dubium revocetur: imò non desunt, qui asserant, fuisse aliquando homines tantæ perfectionis, ut nunquam, vel ferè nunquam in peccata, ex objecto venialia, ex plena deliberatione lapsi sint; sed in ea tantùm, quæ per ignorantiam, aut surreptionem contingunt. Animæ namque purissimæ (quales Apostoli, S. Joseph, S. Joannes Baptista) summâ diligentia, & summâ cautione declinarunt ea omnia, quibus Deum offensum iri certè noverunt.

XIV. Dico secundò. Privilegium, quod requiritur ad vitanda per totam vitam, aut per longum tempus, omnia peccata venialia collectivè generaliter, est necessarium homini lapsò, non solum ut de facto ea vitet, sed etiam ut vitare possit. Hinc homo in præfenti statu cum solis auxiliis ordinariis habet impotentiam, non solum consequentem, sed etiam antecedentem ad ea omnia vitanda: impotentiam, inquam, non solum moralem, sed etiam aliquo modo physicam.

L 2 Coll.

Colligitur ex supradictis. Nam secundum doctrinam S. Tho. homo lapsus, non extincto, aut ligato fomite, si non sit semper in continua vigilia, non potest potentia nec moraliter, nec physice expedita, omnia venialia collectivè vitare: sed homo lapsus non potest semper esse in continua vigilia, & advertentiâ supra se ipsum; ergo &c. Maj. probatur de impotentia physica, quia de morali non negatur. Ibi non adest posse physicum physicè completum, ubi non adest physicum principium physicè complens vires physicas: sed fomite non extincto, aut ligato, non adest hujusmodi principium ad vitanda omnia peccata venialia &c. ergo &c. Min. prob. Principium physicum physicè complens vires ad vitanda omnia peccata venialia collectivè, est perpetua vigilia, & advertentiâ rationis: si enim continuò non advertat homo, motus inordinatos non statim reprimet, & sic peccabit venialiter: sed hanc continuam vigiliam, & advertentiam homo cum solis auxiliis ordinariis habere non potest; ergo &c.

XV. Confirmo. Ad id, ad quod vitandum homo non habet plenam libertatem, non habet potentiam physicè expeditam: sed ad vitanda omnia venialia collectivè non habet homo plenam libertatem: cum enim non advertente ratione insurgant motus, & dum homo unum conatur reprimere, alius eo ipso nolente surrepat; non est in ejus plena libertate, omnes reprimere. Hoc testatur Paulus, Rom. 7. v. 19. *Non enim quod volo bonum, hoc facio, sed quod nolo malum, hoc ago. Si autem quod nolo, illud facio, jam non ego operor illud, sed quod habitas in me peccatum.* Et v. 23. *Video autem aliam legem in membris meis repugnantem legi mentis meæ, & captivantem me in lege peccati, quæ est in membris meis.*

XVI. Hæc dixi circa illa peccata venialia, quæ procedunt ex inadvertentiâ rationis, & non plenâ liber-

tate. Cæterum ad vitanda omnia, quæ sunt venialia ex objecto, & levitate materiæ, quæ ex plena deliberatione committuntur, habet homo plenam libertatem, & potentiam physicam: est tamen impotens, saltem moraliter, omnia vitare. Et ratio est: quia frequentissimè occurrit, & cum amicitia, & gratiæ Dei non opponantur, nec homo semper ex fervore caritatis operetur, facillime, & sine scrupulo committuntur.

XVII. Dico tertio. Privilegium vitandi omnia peccata venialia collectivè, est in aliqua determinata materia videatur concessum aliquibus viris probis, & Sanctis; generaliter tamen, & in omni materia soli B. Virgini concessum est. Prior pars, inter cæteros, verificata videtur in S. Thoma, de quo canit Ecclesia: *O munus Dei gratia vincens quodvis miraculum! Pestifera superbia nunquam perensit stimulum.* Et de eodem dicit: *Per quietem sentire visus est, sibi ab Angelis obstringi lumbos: quo ex tempore, omni prorsus libidinis sensu caruit.* Similiter S. Joannem Baptistam omnia venialia, quæ locutione committuntur, declinasse; & B. Joseph ea, quæ contra virtutem castitatis pugnant (hoc enim decebat Sponsum Virginis purissimæ) evitasse, multi asserunt. Quod idem B. Gregorius refert de S. Benedicto: nempe, postquam se inter spinas volutasset, rebellionem carnis nunquam sensit.

XVIII. Secunda verò pars, nempe, soli B. Virgini privilegium non peccandi venialiter in nullo genere fuisse concessum, præter testimonium Tridentini supra relatum *Sessio. 6. Can. 23.* traditur à S. Augustino lib. de Nat. & gratia c. 36. ubi de Sanctis viris, ac mulieribus, quos Pelagius enuenerat, sine peccato vixisse: *Exceptâ (inquit) Sancta Virgine Mariâ, de qua propter honorem Domini, nullam prorsus, cum de peccatis agitur, habere volo questionem: Unde enim scimus, quod ei plus gratia collatum fue-*

ad ad vivendum omni ex parte peccatum, qua concipere, ac parere meruit eum, quem constat, nullum habuisse peccatum. Hac ergo Virgine exceptâ, si omnes illos Sanctos, & Sanctas, cum hic viverent, congregare possemus, & interrogare, utrum essent sine peccato, quid fuisse responsuros putamus: utrum hoc, quod iste (Pelagius) dicit: an quod Joannes Apostolus? Rogo vos, quantalibet fuerint in hoc corpore excellentiâ sanctitatis, si hoc interrogari potuissent, nonne una voce clamassent: Si dixerimus, quoniam peccatum non habemus, nos ipsos seducimus, & veritas in nobis non est? Item à S. Bernardo, qui Epist. 114. scribit: Ego puto, quod & copiosior sanctificationis benedictio in eam descendit, quæ ipsius non solum sanctificaret ortum; sed & vitam ab omni deinceps peccato custodiret immunem.

XIX. Scio, aliquos, inter quos Ambrosius Catharinus noster, docere, quosdam alios Sanctos, quos vocat insigniter prædestinatos, à mortali, & veniali per totam vitam abstinuisse, speciali Dei præordinatione. Inter hos reponit Hieremiam, & S. Joannem Baptistam, qui fuerunt in utero sanctificati. — Verùm cum non liceat aliquem à lege generali eximere, sine fundamento in Scriptura, Patribus, & Conciliis; & ex alia parte Scriptura potius omnes Justos peccare asserat; & Patres, ac Concilia neminem excipiant, nisi Beatam Virginem, & hoc tanquam de fide sub anathemate proponatur: ideo existimo, non sine censura dictum privilegium posse extendi ad alios, nisi in aliquo determinato genere, vel materiâ, ut dictum est. Alioquin potiori jure deberet extendi ad Apostolos, quos Sanctus Thomas *lect. 5. in cap. 8. ad Roman.* scribit, quod sint omnibus aliis Sanctis præferendi: cum tamen, & S. Petrus fuerit verè reprehensibilis, ut ex *cap. 1. ad Galat.* & SS. Jacobus, & Joannes ita loquantur, ut appareat, nec ipsos ab omni culpa immunes fuisse.

XX. Si quæras: in quo consistat hoc Privilegium non peccandi unquam nec venialiter, quod dicimus B. Virgini fuisse concessum?

Dici potest, consistere partim in perfectione gratiæ, & virtutum; partim in ligatione, vel potius extinctione somitis, & in extrinseca Dei mantutione, & providentia speciali circa talem Personam.

§. I I I.

Contraria Fundamenta.

XXI. **P**rimò obijci possunt varia Scripturæ testimonia: quæ aliquos laudat tanquam perfectos, ad Philipp. 3. v. 15. *Quicumque ergo (ait Paulus) perfecti sumus, hoc sentiamus.* Aliquos tanquam omnino immaculatos, Psalm. 118. v. 1. *Beati immaculati in via.* Lucæ 1. v. 6. de Zacharia, & Elisabeth dicitur: *Erant autem justi ambo ante Deum, incedentes in omnibus mandatis, & justificationibus Domini sine querelâ.* Et de Job hæc habentur Job. 1. v. 8. *ex ore Dei: Quod non sit ei similis in terra, homo simplex, & rectus, ac timens Deum, & recedens à malo.* Qui autem pronunciantur immaculati, perfecti, incedentes in omnibus mandatis Dei sine querelâ, abstinentes à malo; dicuntur caruisse omni culpâ etiam veniali.

XXII. Respondeo, aliquos in hac vitâ dici perfectos, quia ad perfectionem toto conatu tendant, non quia eam jam consecuti sint. Unde Paulus, ad Philip. 3. ubi seipsum inter perfectos recenset v. 12. dixerat: *Non quod jam acceperim, aut jam perfectus sim.* Quæ verba Augustinus lib. 3. ad Bonifac. c. 5. ideo ab Apostolo dicta esse contendit: *Ut ostenderet, secundum illius vitam modum esse quamdam perfectionem; eique perfectioni hoc quoque deputari, si se quisque noverit, nondum esse perfectum.*

Immaculati etiam in hac vitâ dicuntur, non qui nullam prorsus habeant maculam.

maculam, vel rugam, cum omnes verè dicant Deo: *Dimitte nobis debita nostra*: sed, vel qui nullam habent peccati mortalis maculam, quæ sola perfectionem in hac vitâ possibilem destruit; vel quamvis levia quædam committant, citò tamen ab eis mundari curant. Unde Augustinus lib. de Perfectione iustitiæ c. 9. *Ingressi* (inquit) *sine macula non absurde etiam ille dicitur, non qui iam perfectus est; sed qui ad ipsam perfectionem irreprehensibiliter currit, cavens criminibus damnavilibus, atque ipsa peccata venialia non negligens mundare elemosynis*. Et D. Thom. 2. 2. q. 24. a. 8. ad 2. docet, quod peccata venialia, quæ non contrariantur habitui caritatis, sed alii, non repugnant perfectioni viæ, sed perfectioni patriæ.

Dicuntur etiam quidam ambulasse in omnibus mandatis, & justificationibus sine querelâ, idest, ut interpretatur August. l. de Gratia Christi c. 48. *Secundum quamdam inter homines conversationem probabilem, atque laudabilem, quam nullus hominum iustus posset in accusationis, & criminationis querelam vocare. Quam propterea in Dei conspectu Zacharias, & ejus uxor habuisse referuntur; quia in ea homines nullâ dissimulatione fallebant, sed ut apparebant hominibus, ita noti erant oculis Dei. Non autem dictum est hoc secundum illam perfectionem iustitiæ, in qua verè, & omnimode immaculati, perfectique vivemus*: nempe, in Patria.

Job autem quantumcumque iustus fuerit, & abstinuerit ab omni opere malo ex deliberata voluntate; donec tamen in hac vitâ mortali mansit, non fuit liber à lege, quæ repugnat legi mentis, & proinde nec à levibus sortibus, quæ ex ejus surreptione contrahuntur. Unde ipse Job coram Deo peccata sua confitetur, & apertè ait, quod non iustificabitur in conspectu ejus omnis vivens. Hinc S. August. lib. 2. de Peccat. meritis, & remis. c. 22. *Non igitur* (inquit) *præclarum*

illud testimonium Dei, quo laudatur Job, contrarium est ei testimonio, quod dictum est: Non iustificabitur in conspectu tuo omnis vivens. Quia non id persuadet, prorsus in illo nihil fuisse, quod vel ab ipso veraciter, vel à Domino Deo rectè reprehenderetur; quamvis iam iustus, & verax Dei cultor, & ab omni opere malo se abstinens non mendaciter diceretur.

XXIII. Secundò obijci potest. x. Joann. 3. v. 9. *Omnis, qui natus est ex Deo, peccatum non facit.... & non potest peccare, quoniam ex Deo natus est; ergo iustus, dum iustus est, peccatum non facit, nec veniale, nec facere potest.*

Respondeo, neg. conf. Joannis enim verba duplicem sensum facere possunt. Vel quod iustus nec peccat, nec peccare potest, ne quidem venialiter, quatenus talis; idest, quatenus operatur ut iustus, nempe, ex Dei gratia, & caritate. Vel quod iustus nec peccet, nec peccare possit, componendo cum iustitia peccatum iustitiæ oppositum, atque adeo mortali, dum iustus manet: simul enim stare nequeunt, peccare mortaliter, & manere iustum: unde superius dixerat v. 8. *Omnis, qui facit peccatum, ex Diabolo est. Quibus indicat, se loqui de peccato mortali, & de eodem loqui, cum ait: Omnis, qui ex Deo natus est, peccatum non facit.*

XXIV. Tertiò obijciunt. Homo, etiam non extincto, aut ligato fomite, potest vitare omnia peccata venialia; ergo nulla est ratio supra adducta. Antec. prob. Potest Deus homini, quoties insurgunt motus inordinati, vel urget motivum peccandi venialiter, conferre auxilium efficax, quo de facto vitet peccatum: sed hoc posito vitabit omnia venialia, nec habebit extinctum, aut ligatum fomite: quia tale auxilium non faceret, ne motus inordinati insurgerent; sed solum, quod quoties insurgerent, reprimerentur, & non essent peccata, neque venialia.

XXV.

XXV. Respondeo, neg. antec. Ad prob. dist. maj. Potest &c. attentā potentia absolutā, admitto maj. Attentā potentia ordinariā, nego maj. Dato ergo, quod de potentia absoluta possit Deus, mediis auxiliis efficacibus, facere, ut homo vitet omnia peccata venialia sine extinctione, aut ligatione fomitis: artamen de ordinaria potentia, quæ omnia connaturaliter disponit, non datur privilegium vitandi omnia peccata venialia, non prius extincto, aut ligato fomite. Hoc enim connaturalius est; sicut connaturalius est, quod antequam Deus det gratiam efficacem ad victoriam tentationis gravis, immittat sanctas cogitationes, & affectus tentationem minuētes, vel auferentes. Hinc B. Virgini, cui soli concessum credimus privilegium generaliter vitandi omnia venialia, concessum fuit per extinctionem fomitis; in aliis autem, in quibus non fuit extinctus fomes, non est concessa gratia omnia venialia vitandi.

Addo: quod maius privilegium, & miraculum esset, sine extinctione, aut ligatione fomitis dare auxilium efficax ad vitanda omnia venialia, quàm fomitem exinguere, vel ligare. Majus enim est, hominem cum effræni appetitu semper operari conformiter ad rationem; quàm ita operari, appetitu extincto, vel frænato: sicut major victoria est, de hoste fortiter pugnante triumphare, quàm illum ad pugnandum reddere impotentem; & vincere, hoste jam reddito impotente.

XXVI. Quartò obijciunt. Ex Divo Thoma probavimus, hominem non posse vitare omnia peccata venialia collectivè; quia non potest esse semper pervigil ad reprimendos motus appetitus insurgentis contra rationem; ergo saltem vitare poterit omnia venialia ex objecto talia, quæ cum plena advertentia committuntur.

XXVII. Respondeo ex dictis §. præcedentē, negando consequ. Fieri enim non potest, quod animus hominis in hac viâ inclinat ad sensibilia, per

totam vitam, sive per longum tempus, non cedat plus, quàm oportet vanitatibus, voluptatibus, aut curiositati. Nimis enim, & frequentes sunt occasiones, & materiæ, quæ occurrunt. Fomes etiam peccati, & deordinatio appetitus non solum est causa, vel occasio, ut homo ex imperfecta deliberatione peccet; sed etiam, ut stante perfectâ deliberatione, frequenter trahatur à passione aliquâ, & ut non semper, & in levibus rationi adhæreat. An verò ad hoc evitandum, requiratur speciale privilegium; judico requiri: quia Scriptura, & Patres generaliter de omnibus venialibus loquuntur, ut supra dicebamus.

XXVIII. Quintò obijciunt contra secundam Assertionem. Nullus peccat in eo, quod vitare non potest, ut ait August. lib. 3. de Libero arb. cap. 18. sed homo non vitando omnia venialia peccat; ergo ea vitare potest.

Respondetur communiter, dist. min. Non vitando omnia divisivè, & singulatim, conc. min. Omnia collectivè, nego min. & consequ. Ut enim peccata imputentur, satis est, ut homini adsit auxilium, quo valeat, singula divisivè vitare; peccata enim non collectivè, sed divisivè vitanda occurrunt. Ita S. Tho. hâc q. 109. art. 8. Non potest (inquit) homo abstinere ab omni peccato veniali, propter corruptionem inferioris appetitus sensualitatis; cuius motus singulos quidem ratio reprimere potest: & ex hoc habent rationem peccati, & voluntarii, non autem omnes. Et superius q. 74. a. 3. ad 2. dixerat: Talis corruptio fomitis non impedit, quin homo rationabili voluntate possit reprimere singulos motus inordinatos sensualitatis, si presentiat; puta, divertendo cogitationem ad alia. Sed dum homo cogitationem ad aliud divertit, potest etiam circa illud aliquis inordinatus motus insurgere; sicut cùm aliquis transfert cogitationem suam à delectationibus carnis, volens concupiscentia motus vitare, ad speculationem scientiæ; insurgit quandoque aliquis motus

carnis

imani gloria impræmeditatus. Et ideo non potest homo vitare omnes huiusmodi motus, propter corruptionem prædictam. Sed hoc solum sufficit ad rationem peccati voluntarii, quod possit vitare singulos. Idem docet in 3. contra Gentes cap. 160. Ratio autem est: quia homo tunc solum peccat, quando non reprimat motus inordinatos, quos reprimere potest: cum autem non possit reprimere totam collectionem motuum inordinatorum, stante corruptione fomitis; seu in potestate ejus non sit, separari à fomitis corrupti conjunctione, hinc fit, quod non peccat.

XXXIX. Sed dices. Habetur præceptum de nunquam peccando venialiter; ergo habetur præceptum de vitanda tota collectione venialium; quia nunquam peccare, est idem, ac vitare totam collectionem peccatorum: sed præceptum non datur de impossibili, Deus enim impossibilia non jubet; ergo est possibile vitare &c.

XXX. Respondeo, neg. conf. Præceptum enim de nunquam venialiter peccando est de vitandis peccatis, pro ut hic, & nunc vitanda occurrunt: occurrunt autem vitanda, non collectivè, sed divisivè. Unde sufficit, ut omnia possit vitare divisivè; quod est, nullum de facto occurrere posse veniale, quod non possit vitare; aut quod sic illud committat, quod possit non committere; quod bene stat cum impotentia ad omnia collectivè. Sicut impossibile est, quod non veniant scandala, & in collectione hominum potentia non est ad vitanda scandala: & tamen nullus datus homo, qui non possit scandalum vitare, & si non vitet, non peccet. Unde ait Christus, Matth. 18. v. 7. *Necesse est enim, ut veniant scandala: verumtamen va homini illi, per quem scandalum venit.* Ita in casu. Et sicut ut homo possit vitare scandala, requiritur quidem, ut possit vitare scandalum hic, & nunc sibi occurrens; non autem ut possit vitare, scandala præbenda ab aliis, & in collectione omnium occasionum: sic, ut

quis possit vitare omnia venialia, requiritur quidem, ut possit vitare omne veniale in hac, vel illà occasione committendum; non tamen ut possit vitare in collectione omnium occasionum: quia sic necesse est, esse in natura corrupta peccata venialia, sicut necesse est, in Mundo dari scandala.

XXXI. Replicabis. Iste actus: *Nolo vitare omnia peccata venialia*, licitus non est; ergo potest, & tenetur &c. Si enim non possit, licitè posset nolle: possum enim nolle facere, quod facere non possum.

Confirmatur. Qui semper facit quantum potest, nunquam peccat; ergo qui semper potest facere quantum potest, potest nunquam peccare: sed quilibet homo, præsertim iustus, semper potest facere quantum potest; ergo potest nunquam peccare sine privilegio.

XXXII. Respondeo primò, neg. conf. Nam iste actus: *Nolo vitare omnia venialia collectivè*, includit etiam nolle vitare aliqua, imò & singula divisivè: non enim possunt non vitari omnia, quin non vitentur aliqua — Secundò respondeo, neg. item conf. quia non vitare omnia venialia, est obiectum turpe, & ex se malum; ergo non licet deliberate illud velle. Nec refert, quod vitare illud non possit. Nam si ex se malum sit, quamvis mihi necessarium, velle illud non possum: sicut peccatum Antichristi vitare non possum; & tamen mihi licitum non est, velle, quod Antichristus peccet.

XXXIII. Ad Confirm. nego subsumum. Attenrà enim hominis, etiam iusti, corruptione, instabilitate, & fragilitate; ac perpenfis simul quotidianis temptationibus, ac peccandi occasionibus, moraliter loquendo, ista duo non consistunt: hominem esse in hoc statu mortalitatis, & semper facere totum, quod potest; ideoque in sensu composito præsentis corruptionis, verum non est, quod homo semper possit facere totum, quod potest; quamvis absolutè, & in sensu diviso, ac simpliciter, verum sit.

XXXIV.

XXXIV. Sed instabis. Si non possumus ab omni peccato abstinere, nec posse à Deo speramus, cur ab eo petimus, esse sine peccato? *Ut ad nullum declinemus peccatum?*

Respondeo, id rationabiliter nos à Deo petere, quia nullum prorsus est peccatum, quod cum Dei gratia vitare non possimus; & conformiter speramus à Deo gratiam, quâ unumquodque vitare possimus: & licet gratiam non speremus, quâ omnia collectivè vitare possimus, valet tamen hæc oratio. Tùm quia: nunquam peccate, quia bonum, semper optandum est. Tùm quia: oratio illa valet, ut rariùs peccemus, & peccata quæ commisimus, aut deleantur, aut minuantur: & ut tale desiderium nunquam peccandi manuducat nos ad statum Regni Cœlestis, ubi nulla penitus peccata erunt.

XXXV. Sextò obiici potest contra tertiam Assertionem Chrysostomus, qui *Homil. 10. in Joann.* ait, B. Virginem ex motu ambitionis dixisse Filio: *Vivum non habent.* Et Augustinus, qui *lib. Quast. Vet. & novi Test. qu. 73.* super illa verba Lucæ 1. *Tuam ipsius animam pertransibit gladius,* dicit, eam habuisse dubitationem fidei in Passione Christi. Tandem B. Virgo potuit & ipsa dicere: *Dimitte nobis debita nostra,* & dixisse credenda est; ergo ab omni veniali nec ipsa fuit immunis.

XXXVI. Respondeo ad 1. ex D. Th. 3. p. q. 27. a. 4. ad 3. *Quòd in verbis illis Chrysostomus recessit.* Possunt tamen exponi, ut intelligatur, in ea Dominum cohibuisse, non inordinatum inanis gloria motum quantum ad ipsam: sed id, quod ab aliis posset estimari.

Ad secundum dico cum eodem S. Th. citato ad 2. *Quòd illud verbum Simeonis, Origenes humil. 17. in Lucam, & alii Doctores,* exponunt de dolore, quem passa est in Christi Passione. Ambrosius autem in hunc locum, per gladium, dicit, significari prudentiam Mariæ non ignaram mysterii Cœlestis. *Vivum est enim Verbum Dei, & validum, &*

Tom. VIII.

acutius omni gladio acutissimo. Quidam verò per gladium dubitationem intelligunt. Quæ tamen non est intelligenda dubitatio infidelitatis, sed admirationis, & discussionis. Dicit enim Basilus in Epist. ad Optimum (quæ est 317.) Quòd B. Virgo assistens Cruci, & aspiciens singula, post testimonium Gabrielis, post ineffabilem divinæ conceptionis notitiam, post ingentem miraculorum ostensionem, animo fluctuabat: Ex una scilicet parte videns, eum pati abjecta, & ex alia parte considerans ejus mirifica. Hæc S. Thom. Ad tertiam dico, quòd B. Virgo potuit dicere, & deus factio dixit: Dimitte nobis debita nostra, orans totius Ecclesiæ nomine, aut communitate Fidelium, quamvis ipsa in se nullum debitum haberet.

DUBIUM XI.

De Necessitate Gratiæ ad se præparandum ad Gratiā.

§. I.

Errores, & Opiniones.

I. **D**UO fuerunt circa hoc superiùs recensiti extremi errores. Primus est Lutheri, & suorum, qui cùm asserant, omnia opera hominis, ante justificationem facta, esse peccata; consequenter dicunt, hominem, etsi cùm asserant, omnia opera, nihil agere posse, quo se ad justificationem præparet, ac disponat. Utrumque hunc errorem confixit Tridentinum Sess. 6. Priorem quidem Can. 7. his verbis: *Si quis dixerit, opera omnia, quæ ante justificationem sunt, quacunque ratione facta sint, verè esse peccata, vel odium Dei mereri; aut quantum vehementius quis nititur se disponere ad gratiam, tanto eum gravius peccare: anathema sit.* Contra quem errorem supra pugnavimus Dub. 4. §. 3. & contra Bajam, & Jansenium §. 4. & 5. Posteriorum verò Can. 4. *Si quis dixerit,*

M

xerit,

merit, liberum hominis arbitrium à Deo motum, & excitatum, nihil cooperari Deo excitanti atque vocanti, quo ad obtinendum justificationis gratiam se disponat, ac præparet.... anathema sit.

II. Secundus error fuit Pelagii, & Pelagianorum dicentium, homines per naturales vires liberi arbitrii, absque ullo gratiæ interioris auxilio, ad gratiam se præparare posse: cui Semipelagiani præcipuè subscripserunt. volentes, initium justificationis esse ex nobis, & gratiam secundum merita nostra dari. Contra hos stant plures Conciliorum definitiones, & præcipuè Arausici II. Can. 4. ubi statuitur: *Si quis, ut à peccato purgemur, voluntatem nostram Deum expetere contendit; non autem, ut etiam purgari velimus, per Spiritus Sancti infusionem, & operationem in nos fieri conficitur, resistit Spiritui Sancto dicenti. Præparatur voluntas à Domino: & Tridentini Sess. 6. Can. 1. 2. & 3. Pelagii personam, & errores descripsimus, ac eos impugnavimus Tom. 4. in 1. p. Qu. 3. de Causis Prædestinationis Dub. 1. per totum. Unde ne inutiliter repetantur, quæ ibi diximus, illuc Lectorem remitto.*

III. Porro S. Thomas, & cum eo Catholici omnes mediâ viâ inter istos duos errores incedentes, ajunt, hominem quidem se ad gratiam præparare; non tamen per seipsum, ac suas vires, sed auxilio gratiæ moventis. Ita Angelicus Doctor hæc q. 109. a. 6. dicens: *Duplex est preparatio ad bonum. Una quidem, quâ preparatur ad bene operandum, & ad Deo fruendum. Et talis preparatio voluntatis non potest fieri sine habituali gratia dono, quod sit principium operis meritorii. Alio modo potest intelligi preparatio voluntatis ad consequendum ipsum gratia habitualis donum. Ad hoc autem, quod se præparet homo ad susceptionem hujus doni, non oportet præsupponere aliud donum habituale in anima, quia sic procederet in infinitum: sed oportet præsupponere aliquod auxilium gratuitum Dei in-*

vis animam moventis, sive inspirantis bonum propositum.

IV. Neque oppositum docuit in 2. dist. 28. q. 1. a. 4. ubi ait: *Quid ad gratiam gratum facientem habendam, ex solo libero arbitrio se homo potest præparare. Nam illud ex solo, non excludit auxilium speciale, & motionem gratuitam Dei, sed donum habituale gratiæ. Ibi enim expressè ait, gratiam dupliciter accipi. Primò: pro eo, quod homo à Deo excitatur ad convertendum se, ut gratiam gratum facientem accipiat, quod gratia gratis data dici potest; & sic sine gratiâ gratis datâ homo se ad gratiam non præparat. Secundò: pro aliquo dono habituali animæ infuso: & licet aliqui dicant, sine hoc neminem posse se ad gratiam gratum facientem præparare; ipse tamen S. Tho. ibi docet, sine hoc dono habituali, ex solo libero arbitrio, excitato tamen per gratiam gratis datam, seu actualem auxilium Dei, posse se præparare ad gratiam gratum facientem, seu habitualement habendam, aliàs abiretur in infinitum.*

V. De ipsa primâ gratiâ auxiliariæ, seu excitantiæ, dubitatum olim fuit: an ad ipsam, sicut ad gratiam gratum facientem, detur ex parte hominis aliqua dispositio, condignitas, meritum, seu præparatio. Et Semipelagiani quidem, ut nuper dicebamus, asserbant, primam gratiam, unde fides, & justificatio sumit initium, primamque Dei vocationem esse ex nobis; nempe, intuitu boni operis nostri facti ex solis naturæ viribus, tanquam propter meritum de condigno, vel saltem de congruo concedi.

VI. Aliqui tamen Doctores Catholici volunt, ex viribus naturæ dari causam dispositivam, etiam non meritoriam, primi supernaturalis auxilii. Inter hos recensetur Scotus, Durandus, Gabriel &c. Alii verò dicunt, opera bona ordinis naturalis, non esse quidem naturâ suâ dispositiones ad primam gratiam, primamque Dei vocationem.

actionem; esse tamen ex lege Dei, & pacto inito cum Christo de non neganda gratiâ facienti quod in se est, ex viribus naturæ: quo pacto cum gratiâ auxiliariæ connexionem aliquam, vel proportionem saltem congruitatis accipiunt. Ita Molina in *Concordia diff.* 10. plures ex Recentioribus secum trahens. De his omnibus egimus citato Tom. 4. in 1. partem q. 3. de *Causis Predest.* dub. 1. & 2. aliqua tamen pro uberiori cognitione hic breviter dicemus.

§. I I.

Resolutiones.

VII. **D**ico primò. Fide certum est, quod nemo ex solis naturæ viribus, sine auxilio gratiæ specialis, potest se ad gratiam habitualement consequendam præparare; sic, ut eam de condigno mereatur. Est contra Pelagium, cujus unum ex præcipuis dogmatibus hoc erat: *Gratiam secundum merita nostra dari.* Quod & Pelagius ipse, ne à Concilio Palæstino damnaretur, ejurare coactus fuit. Et Patres ibi congregati, sicut & tota Ecclesia Catholica, pro condemnato habuerunt semper, constantissimè asserentes: *Gratiam non secundum merita nostra dari*, propter rationes quas citato Tomo 4. in 1. P. Q. 3. Dub. 1. §. 3. num. 16. expendimus. Quibus nunc addo August. Ep. 127. modò 217. ad Vitalem cap. 6. sic arguentem: *Quomodo voluntatis humana meritum sequitur gratia, cum datur & parvulis, qui nondum possunt velle, seu nolle? Quomodo gratiam vel in majoribus dicuntur præcedere merita voluntatis, si gratia, ut vera sit gratia, non secundum merita nostra datur? Quam sententiam Catholicam Pelagius ipse sic tenuit; ut eos, qui dicunt, gratiam Dei secundum merita nostra dari, sine dubitatione damnaret, ne à Catholicis iudiciis damnaretur.* Et Epist. 106. modo 186. ad Paulinum cap. 2. Si

(inquit) *querere voluerit ante gratiam, quid meruerit, ut acciperet eam, mala sua poterit homo invenire, non bona; etiam si cum unius diei vitam habentem super terram gratia Salvatoris invenerit.*

VIII. Hinc Tridentinum Sess. 6. Can. 3. ait: *Si quis dixerit, sine prævenienti Spiritus Sancti inspiratione, atque ejus adjutorio, hominem credere, sperare, diligere, aut penitere posse, sicut oportet, ut ei justificationis gratia conferatur: anathema sit.* Et Sess. 14. c. 4. Enumerans attritionem inter dispositiones ad gratiam justificationis in Sacramento Pœnitentiæ obtinendam, eam dicit, *Donum Dei esse, & Spiritus Sancti impulsus, non adhuc quidem inhabitantis, sed tantum moventis, quo penitens adjuvatus viam sibi ad justificationem parat.*

IX. Triplici ratione hæc veritas probari potest. Prima ex D. Tho. hæc q. 109. a. 6. Finis, & principium alicujus effectus debent, quoad ordinem, proportionari, quia idem est ordo finium, & agentium: at finis omnis dispositionis ad gratiam habitualement est, hominem conjungere Deo, ut auctori, non naturæ, sed supernaturali, & ut possidendo per gloriam; ergo principium ad hoc movens debet esse Deus auctor supernaturalis. — Secunda sumitur ex eodem 3. contra Gent. c. 149. Nulla causa particularis potest prævenire actionem causæ universalis, sicut nulla causa sublimitatis potest prævenire motum cœlestem: sed anima humana se habet ut causa particularis, Deus autem auctor gratiæ ut causa universalis; ergo non potest prævenire suâ actione motionem Dei, seu se præparare ad gratiam habitualement actione, quæ à Deo auctore gratiæ non sit. — Tertia ex hoc a. 6. sumpta talis est. Se præparare ad gratiam habitualement, est se convertere ad ultimum finem supernaturalem: sed licet homo per seipsum, & ex motione causæ particularis possit se convertere ad finem proximum; ad finem

M a tamen

tamen ultimum se convertere nequit, nisi per motionem primi moventis: *Sicut animus militis movetur ad quarendam victoriam ex motione Ducis exercitus; ad sequendum autem vexillum aliquis aciei ex motione tribuni; ergo cum Deus sit primum movens simpliciter, ex ejus motione est, quod homo ad ultimum finem supernaturalem, & simpliciter ultimum convertatur.*

X. Dico secundò. Homo ex viribus naturæ nequit ullo modo, nec remore, se disponere ad primam gratiam, puta, vocationis ad fidem. Est contra Semipelagianos à nobis probata citato *Tom. 4. in 1. p. Qu. 3. Dub. 1. §. 3. à num. 17.* Unde ibi dicta conferenda sunt; & præsertim auctoritates tum ex Scripturis, tum ex Augustino expensæ. Nunc addo: Si homo sine auxilio, & gratiâ Dei posset ad gratiam auxiliantem se præparare; hoc esset, vel per humanas vires eam invocando, vel credendo, volendo, desiderando, pulsando: sed in primis solis naturæ viribus non potest, nec de gratia cogitare, multò minus eam querere, ut ostensum est citato loco *§. 4. num. 32.* Deinde quantumcumque ponatur quispiam, solis naturæ viribus gratiam invocare, credere, velle, desiderare, non ideo dabitur ei gratia; ergo non erit ad illam dispositus. Min. prob. ex *Can. 2. Concil. Arausic. ubi dicitur: Si quis per invocationem humanam, gratiam Dei dicat posse conferri, non autem gratiam facere, ut invocetur à nobis, contradicit Isaiâ Propheta, vel Apostolo idem dicenti: Inventus sum à non querentibus me, palam apparui his, qui me non interrogabant.* Idem statuit *Can. 6.* addens, quod qui contrarium sentit: *Resistit Apostolo dicenti: Quid habes, quod non acceperis? & Gratiâ Dei sum id, quod sum.* Et *Can. 7. Si quis (inquit) per naturæ vigorem bonum aliquod, quod ad salutem pertinet vitæ æternæ, cogitare vel expedit, aut eligere sine salutari, id est Evangelica predica-*

tioni, consentire posse confirmat, absque illuminatione, & inspiratione Spiritus Sancti, qui dat omnibus suavitatem in consentiendo, & credendo veritati, hæretico fallitur spiritui.

XI. Dico tertio. Opera moraliter bona Deum non movent ad dandam gratiam auxiliantem; nec de congrua ex Dei lege, vel pacto initio cum Christo, quod facienti quod in se est, Deus daturus sit gratiam. Assertio contra Molinam statuta, & probata est sæpè citato *Tom. 4. in 1. p. Qu. 3. de Caus. Prædest. toto Dubio 2.* ubi ostendimus, opera moraliter bona ex se movere non posse Deum ad dandam gratiam; nec dari ullum pactum initium cum Christo de ea dandâ ex talibus operibus; & quod illud dictum: *Facienti quod in se est, Deus non denegat gratiam,* exponendum est, ex D. Thoma, de faciente quod in se est, non viribus naturæ, sed gratiæ. Videantur ergo ibi dicta.

XII. Nunc sic discurre. Arausicani Patres, ex superius dictis, & quotquoque contra Pelagianos, & Semipelagianos pugnantes, constantes fuerunt in hoc principio: *Gratiam non secundum merita nostra dari.* Et Arausic. II. *Can. 4.* damnat eum, qui, sine gratiâ Dei credentibus, volentibus, desiderantibus, & pulsantibus, misericordiam dicit conferri: atqui hæc adeo generaliter non dixissent, si adesset lex, & pactum de danda gratiâ facienti quod in se est viribus naturæ; ergo &c. Vel Patres illi ignorarunt istud pactum, quod supponit Molina; vel istud pactum non datur. Minor pro prima parte probatur. Si esset lex, conventio, & pactum de danda gratiâ facienti quod in se est ex naturæ viribus; jam posita tali conventionione, & pacto, in bonis operibus per naturales vires factis esset quoddam meritum, fundans aliquam rationem debiti, ut propter illa gratia daretur. Nam pactum, & conventio aliquod debitum iustitiæ fundat: quod ostendit Christus, *Matth. 10.* in Parabola

bola de Operariis, ubi supposita conventione denarii pro labore diurno, denarium merces fuit, & debitum titulo iustitiæ. Quare illis Dominus dixit: *Nonne ex denario convenisti mecum, tolle quod tuum est, & vade.* Ergo si adesset conventio de danda gratiâ facienti quod in se est solis naturæ viribus, gratia evaderet merces, debita; & non gratis, sed secundum meritum daretur, & gratia non esset gratia: quia posita tali conventione, in gratia conferendâ rationem illorum operam haberet, eamque illis ab homine politis teneretur dare.

Si dicas, tale debitum esse solum in ordine ad Christum, cum quo æternus Pater tale pactum inivit; non verò in ordine ad hominem.

Contra est. Nam si aliquis Rex ad infantiam Filii conderet legem, quâ promitteret, se daturum Civitatem, cuicumque ex militibus, qui primus illam ingrederetur; posita tali lege, qui primus ingrederetur Civitatem, eam faceret sibi debitam, & talis ingressus faceret, ut non ex gratia illi conferretur; ergo si Pater æternus legem &c.

XIII. Secunda etiam pars probatur. Nam si facienti quod in se est naturæ viribus Deus ex pacto dat gratiam; ergo jam sine gratiâ conanti, volenti, desideranti, pulsanti confertur misericordia Dei. Quod tamen à Concilio Arausicano II. in Semipelagianis damnatum fuisse *Can. 6.* vidimus.

§. III.

Contra prefatas Assertiones Militantia.

XIV. **Q**Uæ contra primam, & secundam assertionem in favorem Pelagianorum, & Semipelagianorum affecti solent, proposita à nobis fuerunt, & soluta citato *Tom. 4. in 1. p. Q. 3. de Causis Prædest. Dub. 1. §. 4.* Quæ verò pro sua opinione adducit Molina, soluta etiam fuerunt ibidem *Dub. 2. §. 2.*

quod Lectorem remitto. Præter tamen ibi dicta

XV. Objici potest primò. Prima gratia auxilians supernaturalis eget aliqua dispositione ex parte subiecti: sed hæc non potest esse supernaturalis, alioquin alia supernaturali dispositione indigeret, & sic in infinitum; ergo debet esse naturalis, & consequenter homo, ex viribus naturæ, potest se disponere ad primam gratiam. Min. patet. Maj. verò prob. ex D. Thoma 1. p. q. 12. a. 5. ubi sic ait: *Omne, quod elevatur ad aliquid, quod excedit suam naturam, oportet, quod disponatur aliquâ dispositione.* At prima gratia auxilians excedit naturam hominis; ergo ut eleveretur ad illam, debet aliqua dispositio præcedere.

XVI. Respondeo, neg. maj. Ad probat. Explico S. Thomam, ad aliquid se habens per modum termini, & formæ completæ, con. maj. Ad aliquid se habens per modum viæ, & motus ad terminum, nego maj. Ad gratiam ergo habitualement, quæ est forma habens esse completum, & terminus justificationis, requiritur præparatio ex parte hominis; non verò ad suscipiendum auxilium gratiæ, quod datur per modum viæ, & motionis: Ita se explicat idem S. Doctor, tum hæc q. 109. a. 6. ad 3. tum q. 112. a. 2. his verbis: *Gratia dicitur dupliciter. Quandoque quidem ipsum habituale donum Dei: quandoque autem auxilium Dei moventis animam ad bonum. Primò igitur modo accipiendo gratiam, præcigitur ad gratiam aliqua gratia preparatio: quia nulla forma potest esse, nisi in materia disposita. Sed si loquamur de gratia, secundum quod significat auxilium Dei moventis ad bonum, sic nulla preparatio requiritur ex parte hominis, quasi præveniens divinum auxilium: sed potius quaecumque preparatio in homine esse potest, est ex auxilio Dei moventis animam ad bonum.* In loco autem citato ex 1. p. loquitur de forma se habente per modum termini; nempe, de divina essentiâ per modum formæ intel.

intelligibilis: & ad hanc, ut iniatu-
intellectui beato, dicit, prærequirit
lumen gloriæ, tanquam disponens intel-
lectum ad talem unionem. Ad quod
probandum assumit hoc principium:
*Omne, quod elevatur ad aliquid, quod
excedit suam naturam, oportet, quod dis-
ponatur aliqua dispositione, qua sit supra
suam naturam.* Ex quo patet etiam,
quod si ad primam gratiam auxilian-
tem deberet admitti aliqua dispositio;
hæc deberet esse non in natura, sed
supra naturam. Quare S. Thomas in
totum pugnat cum contraria sententia.

XVII. Secundò obijci potest. Actus
merè naturales conducere possunt ad
gratiam impetratoriæ; ergo etiam dis-
positivè. Conf. probatur ex paritate
rationis. Ant. verò est D. Thomæ 2.
2. q. 83. a. 15. in corp. dicente: *Ora-
tionem verò peccatoris ex bono natura de-
siderio procedentem, Deus audit, non
quasi ex iustitia, quia peccator hoc non
meretur, sed ex pura misericordia.* Et
ibid. ad 2. ait de peccatore: *Et quan-
vis ejus oratio non sit meritoria, potest
tamen esse impetrativa; quia meritum
innititur iustitia, sed impetratio inni-
titur gratia.*

XVIII. Respondeo, neg. ant. Nec op-
positum docet S. Thom. Dum enim
dicit, quod Deus exaudit orationem
peccatoris ex bono naturæ desiderio
procedentem; loquitur de bono deside-
rio naturæ, non nudè sumptæ, sed ut
elevatæ per fidem auxilientem, & de-
siderio in fide fundato. Unde subdit,
quod exauditur, si nempe: *Pro se petat
necessaria ad salutem, pñ, & perseveran-
ter.* Quomodo autem necessaria ad
salutem petere orando potest, quin-
talit oratio sit donum Dei à fide pro-
cedens? Id clarè exprimit eadem q. 83.
a. 15. ad 2. his verbis: *Oratio sine
gratiâ gratum faciente meritoria non est,
sicut nec aliquis actus virtuosus.* Et ta-
men etiam oratio, qua impetrat gratiam
gratum facientem, procedit ex aliqua
gratiâ, quasi ex gratuito dono. Quia
ipsum orare est quoddam donum Dei,
ut Augustinus dicit in lib. de Persece-

rantia (c. 23.) Et ibi ad 3. *Oratio (in-
quit) innititur principaliter fidei, non
quantum ad efficaciam merendi, quia
sic innititur principaliter caritati; sed
quantum ad efficaciam impetrandi: quæ
per fidem habet homo notitiam omnipo-
tentia divina, & misericordia, ex qui-
bus oratio impetrat, quod petit.*

XIX. Alias auctoritates S. Thomæ
congerit Molina, ut ostendat, pactum
de danda gratia facienti quod in se
est viribus naturæ, agnitum fuisse à
S. Doctore, & probatum. Attamen
citato Tom. 4. Qu. 3. Dub. 2. §. 2.
num. 13. quæ sit genuina S. Doctoris
mens, & quàm contraria opinioni Mo-
linæ, ostensum est.

XX. Obijci solet tertid illud Pro-
verb. 16. v. 1. *Hominis est, animam
præparare, & Domini, gubernare lin-
guam.* — Respondimus loco citato
num. 12. Hominis esse, animam præ-
parare cum adjutorio Dei; ita enim
explicat S. Augustinus ibi allatus.

Sed contra hanc responfionem ob-
stare videtur. Nam ibi per antithesim
dicitur, quod hominis sit, animam præ-
parare, & Domini, gubernare linguam;
sed hæc antithesis non subsistit, nisi
folius hominis sit, animam præparare,
cum gubernare linguam, quod dicitur
esse Domini, sit etiam hominis divi-
nâ gratiâ adiuti; ergo &c.

XXI. Respondeo, antithesim juxta
datam explicationem benè subsistere.
Quoniam etsi homo animam per di-
vinam gratiam præparavit; non po-
test tamen linguam suam gubernare,
nisi adhuc aliud novum gratiæ bene-
fictum ei donetur. Significatur ergo,
quod quantumcumque homo se præ-
paraverit, & animo suo præcogitave-
rit, quid, quomodo velit eloqui ea,
quæ ad salutem necessaria sunt (quod
sine speciali Dei gratiâ facere nequit)
tamen quando venit ad eloquendum
illa præcogitata, opus sit novâ Dei
gratiâ, ut hoc convenienter fiat. Et
quoniam illam gratiam solus Deus
dat, & quidem non semper; ut pro-
inde aliquando contingat, hominem,
etfi

et si multum conetur, vehementerque cupiat, non posse tamen eloqui, quod cogitavit: ideo gubernare linguam rectè assititur esse solius Domini.

XXII. Obijci potest quartò. Magis congruum videtur, quòd Deus det gratiam vocationis ad fidem ei, qui benè vivit moraliter, quia hic habet cum gratia minorem repugnantiam, minùsque propterea est indignus; quàm illi, qui pluribus flagitiis, & gravioribus sordidatus, magis gratiæ resistit. cæque magis est indignus.

XXIII. Respondeo, neg. ant. Estò enim qui benè vivit moraliter, minùs sit indispositus, & minùs indignus, minùsque resistat gratiæ Dei; non propterea sequitur, quòd sit magis congruum, dare gratiam minùs indispositis: nulla enim est congruitas, sive ex parte Dei, sive ex parte hominis. Non ex parte Dei: quia Deus gratiæ suæ Dominus est, nulli debitor, neque titulo convenientiæ, aut congruitatis: sed cum omnis homo sit peccatò subiacens, vel personali, vel originis, dum Deus unum, estò magis indignum suâ gratiâ liberat, misericordiam exercet; dum verò alium, licèt minis indignum, in peccato relinquit, iustitiam exercet. Neque ex parte hominis: quia homo nullum proportionem habet ad gratiam. Alioquin si aliquam proportionem congruitatis, per bona opera naturalia, haberet ad gratiam, maxime primam; iam homo esset quodammodo initium lux salutis, se se ab aliis discerneret, posset adversùs alterum inflari, & in se gloriari; quòd scilicet gratiam sit consecutus, quia non est sicut ceteri, raptor, adulter, homicida &c. quod est contra dictum. Apostoli 1. Cor. 4. v. 6. & 7. Quia ergo gratia, & gratis datur, ut vera sit gratia, & Deus vult declarare, se eam omnino gratis dare; ideo nullo modo dicendum est, aliquam intervenire congruitatem in ea conferendâ intuitu operum, quæ solo naturæ ductu sunt, absque gratia.

XXIV. Audiendus propterea est Augustinus *Epist. 105.* modò 194. ad Sixtum: *Non omnium est fides, qui audiunt verbum, sed quibus Deus partitur mensuram fidei: sicut nec omnia germinant, quæ plantantur, & rigantur, sed quibus Deus dat incrementum. Cur autem ille credat, ille non credat, cum ambo idem audiunt; & si miraculum in eorum conspectu fiat, ambo idem vident: altitudo est divitiarum. sapientia, & scientia Dei, cujus in-ferutabilia sunt iudicia, & apud quem non est iniquitas.* Et infra: *Cur illum potius, quam illum liberet, scrutetur, qui potest, iudiciorum ejus tam magnum profundum. Verumtamen caveat precipitium.* Quod certè Augustinus non diceret, si agnosceret pactum de danda gratiâ ei potius, qui moraliter benè operatur. Effet enim facilis responsio, hunc potius, quàm alium ad fidem converti: quia per bona operâ moralia reddidit se dignum, ut traheretur per gratiam vocationis ad fidem.

DUBIUM XII.

An qui jam consecutus est Gratiam Habitualementem, indigeat ulteriori Gratia Auxilio ad benè operandum, & quo?

§. I.

Doctrina D. Thomæ.

I. Sanctus Thomas hoc *a. 9.* docet, hominem lapsum, sed jam per gratiam habitualementem sanatum, ac reparatum, cæterisque virtutibus infusus adauctum, non egere quidem ulteriori habitu infuso; egere tamen auxilio actuali, quo moveatur ad benè operandum, secundum habitus supernaturales, quibus ornatur. Cujus duplicem affert rationem. Unam generalem militantem etiam pro homine integro: quia, nimirum nulla res creata potest in actum prodire, nisi à Deo movea-

moveatur ad agendum. Alteram specialem pro homine lapsō: quia licet per gratiam habitualem sanetur homo quantum ad mentem, quæ per illam sit Deo subiecta; non tamen perfectè sanatur quantum ad carnem. Quamdiù enim in hoc mortali corpore agit, manet in eo corruptio fomitis; qui, nisi reprimatur, continvò contra rationem machinatur: manet in intellectu multa ignorantia obscuritas; quæ sæpè nescimus, quid nobis sit agendum, quid optandum, quid à Deo petendum, juxta illud Roman. 8. v. 26. *Spiritus adjuvat infirmitatem nostram: nam quid oremus, sicut oportet, nescimus.* Multa quoque in voluntate sunt vulnera, & prinitas ad peccandum; multæ demum occasiones, multa pericula, multæ tentationes: quæ omnia, nisi ulteriori gratiæ auxilio avertantur, & homo roboretur, esse non poterit, quin labatur. Huc revocanda sunt, quæ supra diximus Dub. 9. §. 2. *Affert. 2. à num. 8. & §. 3. à num. 16.* ubi ostendimus, ad diu vitanda omnia peccata mortalia homini lapsō esse necessariam, præter gratiam habitualement, etiam gratiam actualem.

II. Est autem ibi dicta meo Candidato sufficerent; ulterius tamen rem hanc pertractandam duxi, quærens: an ad omnes, & singulas pias, seu salutares actiones exercendas, homini iusto necessaria sit aliqua nova gratia actualis, seu novum aliquod speciale, & gratuitum auxilium, quod, præter gratiam habitualement, ad earum singulas ei conferatur; & rursus: an sit vera, & nova specialis gratia; & tandem: an sit gratia efficax.

§. I I.

Resolutiones.

III. **D**ico primò. Fide catholica certum est, gratiam ad singulos actus dari. Oppositam enim propositionem damnare, tanquam hæreticam, coactus fuit Pelagius in Synodo

Diospolitanâ Palæstina, ne ipse ut hæreticus damnaretur, teste S. August. 1. de Gestis Pelagii c. 4. & Epist. 106. modò 186. & 107. modò 217. ad Vitalem c. 2. scribens: *Hæc est illa Pelagianorum mala, malè diffamata, meritoque reprobata, & ab ipso etiam Pelagio, timente damnari, in Orientalium Episcoporum iudicio damnata sententia, quæ dicunt, gratiam Dei non ad singulos actus dari.* Et postea inter duodecim sententias, quas se tanquam ad fidem veram pertinentes profiteri testatur, hanc recenset: *Scimus majoribus (hoc est adultis, seu ratione utentibus) ad singulos actus dari.*

IV. Hanc probant Scripturæ. Joann. 15. v. 5. *Sinè me nihil potestis facere.* Super quæ August. tract. 8. in Joannem, observat, Christum non dixisse: aut multum, aut parvum; sed nihil potestis facere. Item ad Philipp. 1. v. 6. *Qui cepit in vobis opus bonum, perficiet usque in diem Christi Jesu.* Etc. 2. v. 13. *Deus est enim, qui operatur in vobis, & velle, & perficere pro bona voluntate.* Et ad Hebr. 13. v. 21. *Deus aptet vos in omni bono, ut faciatis ejus voluntatem, faciens in vobis, quod placeat coram se.* Et, ut cæteras omittam, ponderanda est illa Pauli sententia. 1. Cor. 4. v. 7. *Quis se discernit? Quid autem habes, quod non accepisti? Si enim ad aliquod opus bonum non daretur gratia actualis, sed sufficeret gratia habitualis; sequeretur, quod è duobus iustis gratiam habitualement habentibus, quorum unus bonum operaretur, alius otiosus maneret; ille se discerneret ad isto, haberet aliquid, quod non accepisset, possetque in se gloriari, & adversus alterum inflari.*

V. Hinc Synodus Palæstina laudata distinguit gratiam majorum à gratia parvulorum; & dicit, hanc majoribus ad singulos actus dari; ergo non loquitur de gratia habituali, quæ in utrisque conservatur, sed de nova gratia actuali, quæ majoribus datur: neque enim idem est dari, ac confer-

Vari.

uari. Quapropter, siue loquamur de adultis, qui dono gratiæ habitualis jam instructi sunt; siue de Cathecumenis, & poenitentibus, seu generaliter de quibuscumque boni aliquid salutatis cogitantibus, volentibus, agentibus: fatendum est, nihil eorum facere, nisi ipsis detur ad singula adiutorium gratiæ actualis supernaturalis. Id constat etiam ex Constitutione ducentorum quatuordecim Episcoporum, quam contra inimicos gratiæ Christi totus Mundus amplexus est, & quam S. Prosper Respons. 8. ad Capit. Gallorum, refert: ubi resolutum fuit: *Gratiam Dei per Jesum Christum non solum ad cognoscendam, verum etiam ad faciendam iustitiam nos per actus singulos adjuvare: ita ut sine illâ nihil vera, sanctisque pietatis habere, cogitare, dicere, agere valeamus.* Et rursus ex Epistola Cœlestini ad Episcopos Galliarum C. 8. scribentis: *Ut boni aliquid agant, paternis inspirationibus suorum ipse tangit corda fidelium. Quos quos enim spiritu Dei aguntur, hi filii Dei sunt: ut nec nostrum deesse sentiamus arbitrium; & in bonis quibusque voluntatis humana singulis motibus, magis illius valere non dubitemus auxilium.* Quibus Cœlestini verbis indicatur primò: ad singulos actus salutares gratiam Dei actualem requiri; non solum sumendo pro generibus singulorum, sed pro singulis generum: ait enim: *In bonis quibusque singulis motibus.* Secundò: eum loqui, non de tali gratia, quæ efficaciter inspiret, & operetur, si homo velit, & non efficaciter faciat, ut velit: sed de gratia faciente efficaciter, ut velit: id enim indicat illud *magis valere.* Magis enim valet, qui prævalet: prævalet autem qui ab alterius consensu non dependet, sed eum sibi subijcit, facitque, ut alter consentiat. Quare

VI. Dico secundò. Dum dicitur, gratiam ad singulos actus dari, sermo est de gratia efficaci. Sequitur ex prælaudatis Cœlestini verbis. Quod

Tom. IX.

confirmat modus precandi Ecclesiæ, quæ à Deo petit gratiam dantem non solum posse, sed etiam agere. Unde Dominicâ quartâ post Pascha: *Da.* (inquit) *populis tuis id amare, quod præcipis, id desiderare, quod promittis.* Dominicâ quintâ: *Deus, à quo bona cuncta procedunt, largire supplicibus tuis; ut cogitemus, te inspirante, quæ recta sunt, & te gubernante, eadem faciamus.* Dominicâ duodecimâ post Pentecost. *De cuius munere venis, ut tibi à fidelibus tuis dignè, ac laudabiliter serviat.* Dominicâ decimasextâ: *Tu nos, quasumus Domine, gratia semper præveniat, & sequatur; ac bonis operibus faciat esse intentos.* His, & similibus precandi formulis constat, Ecclesiam à Deo petere ad singulos actus gratiam, quæ faciat, ut agatur, & propterea gratiam efficacem. Id etiam ostendunt testimonia Scripturæ superius allata pro prima assertionem.

VII. Hanc fuisse gratiam, quam admitti ad singulos actus à Pelagio postulabant Patres, ostendit Augustinus lib. de Gratia Christi c. 10. his verbis: *Sed nos eam gratiam volumus, iste aliquando fateatur, quâ futura gloria magnitudo non solum promittitur, verum etiam creditur, & speratur; nec solum revelatur sapientia, verum etiam & amatur: nec suadetur solum omne, quod bonum est, verum & persuadetur.... Hinc debet Pelagius gratiam, confiteri, si vult non solum vocari, verum etiam esse Christianus.* Atqui gratia, quâ creditur, & speratur, quâ sapientia amatur, quâ persuadetur, est gratia efficax, quæ nimirum dat agere; ergo &c.

VIII. Quæres: an ad singulos actus salutares necessaria sit gratia excitans, præveniens, & adjuvans?

Respondeo affirmativè. Universale est enim illud Augustini l. 1. de Peccat. merit. c. 18. *Quoniam quod à Deo nos avertimus, nostrum est: & hæc est voluntas mala. Quod verò ad Deum nos convertimus, nisi ipso excitante, atque adjuvante non possumus: & hæc est vo-*

N

luntas

luntas bona. Quid habemus, quod non accepimus? Gratiæ insuper prævenientis, & subsequenter necessitatem agnoscit lib. 2. ad Bonif. c. 9. dicens: Si vos non prævenit Deus, non solum non persequitur, sed nec inchoatur ex nobis. Si enim sine illo nihil possumus facere, profecto nec incipere, nec perficere. Quia ut incipiamus, dictum est (Psalm. 58.) Misericordia ejus præveniet me. Ut perficiamus, dictum est (Psalm. 22.) Misericordia ejus subsequetur me. Et in Enchirid. c. 33. Nolentem prævenit, ut velit, volentem subsequitur, ne frustra velit. Quibus conformiter Sanctus Gregorius Homil. 10. in Ezech. Ipse (inquit) aspirando nos prævenit, ut velimus, qui adjuvando subsequitur, ne inaniter velimus, sed possumus implere quod volumus. Et S. Bernardus in Tract. de Gratia &c. Conatus liberi arbitrii ad bonum, & cassi sunt, si à gratia non adjuvantur; & nulli, si non excitantur.

IX. Quia verò Dei gratia dupliciter intelligi potest nos adjuvare: uno modo, quia nos juvat ad faciendum opus bonum, ipsum simul cum homine faciendo; non tamen hominem movendo, neque in ipsum hominem agendo: Alio modo, agendo in hominem; ipsum movendo, & faciendo, ut agat; ac insuper influendo in opus, illudque simul cum homine operando: Scriptura, & Patres, ubi de adjutorio gratiæ ad singulos actus scribunt, illud, juxta hunc posteriorem modum, intelligunt. Loquuntur de adjutorio, quo non solum bene volumus, & bene operamur; sed per quod etiam fit, ut bene velimus, & bene faciamus. Ut ex D. August. lib. de Correptione, & gratiâ c. 12. Tantum Spiritu Sancto accenditur voluntas eorum, ut ideo possint, quia sic volunt, ideo sic velint, quia Deus operatur, ut velint. Et Conc. Arausic. II. cap. 9. Quoties bona agimus, Deus in nobis, atque nobiscum, ut operemur, operatur. Quod egregie confirmat celebre S. Augustini dictum lib. de Gratia, & lib. arb. cap. 16.

Certum est, nos facere eum facimus; sed ille facit, ut faciamus, præbendo vires efficacissimas voluntati, qui dixit: faciam, ut in justificationibus meis ambuletis, & judicia mea observetis, & faciatis. Sed de hoc plura alibi diximus, & infra dicemus.

X. Quæres tamen: Cum gratia ad singulos actus detur, quid gratiæ, quid libero hominis arbitrio tribuitur?

Respondeo, bonum opus non partim gratiæ, partim libero arbitrio; sed totum gratiæ, totum libero arbitrio tribui. Quod totum opus bonum Dei gratiæ tribuatur, ostendit primò Scriptura, quæ asserit, sine Dei gratiâ nec parum, nec multum nos posse, sed nihil: Sine me nihil potestis facere. Asserit quoque, id omne, quod in nobis bonum est, à Deo esse, Jacobi 1. v. 17. Omne datum optimum, & omne donum perfectum de sursum est, descendens à Patre luminum. Secundò id ostendit orationis præceptum, quo jubemur totum, non partem ejus, quod pertinet ad salutem, à Deo petere. Tertio ex Patribus, & præsertim Augustino in Enchiridio Cap. 32. docente: ideo dictum esse: Non volentis, neque currentis, sed miserationis est Dei: Ut totum Deo detur, qui hominis voluntatem bonam, & præparat adjuvandam, & adjuvat præparatam. Et lib. de Dono Persever. c. 13. Hoc nobis expedit & credere, & dicere: hoc est pium, & verum, ut sit laudabilis, & submissa confessio, & detur totum Deo. Cui subscribens Prosper lib. contra Collatorem cap. ultimo: Non est (inquit) devotionis, dedisse prope totum, sed fraudis retinuisse, vel minimum.

XI. Porro: quod totum etiam tribuatur libero arbitrio, docet S. Bernardus lib. de Grat. & lib. arb. c. 14. his verbis: Non partim gratia, partim liberum arbitrium, sed totum singula opere individuo peragunt: totum quidem hoc, & totum illa, sed ut totum in illo, sic totum ex illa. Excipit tamen primam boni cogitationem, quæ
men-

mentem subit, addens: *Sic ergo tria hac, hoc est, bonum cogitare, velle, & perficere, operatur in nobis. Primum profecto sunt nobis, secundum nobiscum, tertium per nos facit. Si quidem immittendo bonam cogitationem nos praevenit; immutando etiam malam voluntatem, sibi per consensum jungit; ministrando eam consensui facultatem, foris per apertum opus nostrum internus opifex innotescit.*

§. III.

Contrariorum Rationes.

XII. **C**ontra primam Assertionem obijciunt primò. Gratia habitualis ad hoc datur, ut per eam possimus facere bona, & vitare mala; ergo qui eam habent, nullà alià gratià indigent ad faciendos actus bonos; aliàs gratia habitualis, vel frustra daretur, vel esset imperfecta, utpote non valens ad hoc, ad quod datur.

XIII. Ad hoc jam responsum fuit superius *Dub. 9. §. 3. num. 16. & ex D. Thom. hinc qu. 109. art. 9. ad 1. neg. consequ.* Nam gratia habitualis, & virtutes infusae, non ad hoc dantur, ut agamus; sed ut per eas possimus, & habiles simus ad bona opera exercenda. Quo fit, ut etsi ad defectu bene agendum egeamus ulteriori auxilio: non tamen sinistra data sint; quia finem, ob quem sunt datae, nempe, hominem reddere Deo gratum, & potentem ad opera salutaria faciendà, assequuntur. Nec sunt imperfectae: quia perfectio gratiae, & virtutum non est in eo posita, ut ulteriori divino auxilio non indigeant (quia, ut docet S. Thom. laudatus: *Etsiam in statu gloria, quando gratia erit omnino perfecta, homo divino auxilio indigebit*) sed in eo, quod vires inferiores sibi perfecte subijciantur, ne contra iudicium rationis excidentur: quod cum non habeant in viatoribus. Ideo gratia in hoc statu dicitur à D. Thoma esse imperfecta.

XIV. Sed dices primò. Concil. Mi-

levit. *Can. 3.* Statuit, gratiam, quā iustificamur, non valere ad solam remissionem peccatorum, quā iam commissa sunt; sed etiam ad adiutorium, ne committantur, & proinde ad faciendā etiam opera bona. Idemque repetitur in Conc. Africano circa tempora Bonifacii I. *Can. 78.*

Secundò. Gratia actualis efficax est tantum necessaria ad initium fidei, & ad perseverantiam usque in finem: de hac enim solū loquitur Augustinus in *l. de Praedest. Sanctorum, & lib. de Dono perseverantiae*; ergo &c.

XV. Respondeo ad primum. Praefata duo Concilia dicere quidem, gratiam iustificationis valere ad adiutorium, ne peccata committantur; parim quia animam sanat, & bene disponit, ac perficit; parim quia secum trahit virtutes infusae, ex quibus sequitur, gratiam habitualement dare sufficiens posse: non tamen dicere, quodd gratia habitualis sola sufficiat, ut peccata deinceps non committantur, sine ulteriori gratiae actualis adiutorio, ut in praesenti loquimur.

XVI. Ad secundum respondeo contra anteced. neg. conf. Nam S. Augustinus in duobus citatis libris, quos edidit contra Semipelagianos, tantum sollicitus fuit, ostendere necessitatem gratiae ad initium fidei, & ad perseverandum, quia hanc Semipelagiani negabant; non fuit tamen sollicitus, eis ostendere necessitatem gratiae actualis ad alios actus; quia hanc illi ulro concedebant. Cuius tamen necessitatem ad singulos actus in libris, quos edidit contra Pelagianos, qui eam negabant, strenuè inculcavit, ut vidimus. Unde Libro de *Dono perseverantiae cap. 24.* de Semipelagianis loquens: *Sed quid plura? (inquit) Satis doroisse me existimo, vel potius plusquam satis: dona Dei esse, & incipere in Domino credere, & usque in finem in Domino permanere. Contra verò bona ad vitam piam, quā Deus rectè colitur, pertinentia; etiam ipsi, propter quos haec agimus, Dei dona esse concedunt.*

N 2

XVII.

XVII. Obijcitur secundò. Unicusque formæ debitus est Dei concursus ad suam operationem proportionatam; sicut calori debitus est concursus ad calefaciendum: sed gratia habitualis est forma quædam ad bonos, & salutares actus ordinata; ergo debetur illi concursus, & sic non est necessaria nova gratia.

XVIII. Respondeo, dist. maj. Unicusque formæ, ratione sui, omitto maj. Ratione indispositionis subjecti, nego maj. Cum enim, ut supra diximus maxime *Dub. 9. §. 2. num. 4.*

Gratia habitualis in homine lapsa posita, esto sanet animam quantum ad mentem, non tamen quantum ad corruptionem carnis; non ita illud reddit dispositum, & expeditum ad bonum, quin, ut tollat omnia obstantia ad actusalem prosecutionem boni, debeatur illi concursus ad eam, & non sit nova gratia, cum conceditur. Quare, quidquid sit, an talis concursus sit debitus gratiæ secundum se; non est tamen debitus individo, cui præ alio conceditur; sed illi est nova gratia, & quidem specialis. Videantur dicta citato loco.

XIX. Obijcitur tertio. Ille, cui restituta est vita corporalis, potest absque novo supernaturali auxilio exercere operationes vitales, ut videre, audire &c. ergo similiter is, cui supernaturaliter restituta est vita animæ, potest sine novo auxilio supernaturali actiones animæ bonas operari.

XX. Respondeo, con. ant. nego consequi. Operationes enim vitales, ut videre, audire &c. etiam si earum principium sit supernaturaliter datum, seu restitutum, adhuc sunt naturales, nec vires naturæ excedunt: tam enim naturales erant operationes Lazari post resurrectionem, quam ante; & visio cæci nati à Christo illuminati naturalis erat, sicut visio cuiusque alterius: ideoque non minus absque supernaturali auxilio eas exercere poterant, quam quilibet alius homo: nam estò inchoatio, quoad modum, supra natu-

ram fuerit, progressus tamen naturalis erat. At vita restituta animæ, per gratiam habitualement, supernaturalis est tam in initio, quam in progressu, & consummatione. Tam enim excedit naturæ vires animæ sanatio, & revocatio à morte peccati ad vitam per gratiam, quam opera salutaria inde procedentia: unde æquè indiget supernaturali auxilio ad ista, quam ad illam. Aliqua propterea opera sunt, quæ initium supernaturale habent, sed non progressum, ut prædicta: alia verò supernaturalia sunt in initio, progressu, & consummatione; & hæc egent continuo divino auxilio supernaturali. Talis fuit ambulatio Petri super aquas: quamprimum enim Christus virtutem suam subtraxit, quæ solidabat aquas, Petrus mergi cæpit. Talis, quod Paulus nocte, ac die maneret in profundo maris: quod Jonas triduo in ventre Cæti maneret vivus: quod ignis Babylonicus non combureret tres pueros: quod aquæ starent relictæ in mari rubro, & similia.

XXI. Obijcitur quarto. Cereus ab igne accensus debet quidem conservari ardens, non tamen eget nova accensione, ut comburat stuppam; ergo nec gratia cor accensum eget novâ gratiâ, ut affectus pravos exurat.

Confirm. Aqua, quandiu in fonte, manet, sponte salit: sed aqua ista est gratia, dicente Domino Joan. 4. v. 14. *Aqua, quam ego dabo ei, fiet in eo fons aqua salientis in vitam æternam;* ergo &c.

XXII. Respondeo primò, quod licet cereus accensus non eget nova accensione, ut comburat stuppam; eget tamen nova Dei motione facientis, ut urat, quam si subtraheret, ignis non ureret stuppam: sicut ignis nec combussit Rubum, *Exod. 3.* nec ignis Babylonicus tres pueros. Unde Azorius l. 1. Instit. Moral. c. 21. q. 8. *Deus* (inquit) *non solum cum igne urit, sed etiam facit, ut urat: quia sicut ignis non subsistit, nisi Deo volente, & faciente, ut subsistat; sic non urit, non movet,*

non

non efficit, nisi Deus velit, & faciat, ut urat, moveat, efficiat. Et postea: *Deum igne uti ad urendum, est ignem movere ad urendum, quia vult, ut urat, & volendo, motionem in igne imprimit, quâ unâ cum illo urit ignis motus ab ipso Deo ad urendum.* Quare distingui potest conf. Non eget novâ gratiâ habituali, con. conf. Nova gratia actuali, & movente, nego conf.

XXIII. Respondeo secundò, disparrem esse rationem inter cereum accensum, & hominem lapsum habentem habitum gratiæ, & caritatis. Nam cereus accensus habet ignem jugiter excitatum, & actu ardentem: at homo iustus habens gratiam habituales, & caritatem, habet quidem ignem Spiritus Sancti, sed non actu ardentem, imò quasi sopitum: & ideo opus habet, ut per auxilium actuale quodammodo excitetur.

XXIV. Ad Confirm. de aqua, dico primo, sicut de igne dictum est, quòd salit, sed Deo faciente, ut saliat; cuius motio si deficeret, aqua non saliret: sponte ergo salit, sed non sine Dei concursu. Dico secundò, quòd sicut aqua sponte salit è fonte, sed si inveniat impedimentum, eget manu illud tollente, ut saliat: ita gratia est fons aquæ salientis; sed cum ab appetitus pugna impediatur, ne actu saliat in vitam æternam: ideo indiget speciali auxilio, ut de fæcto saliat.

XXV. Obijciunt quintò. Experientia docet, hominem iustum posse elicere actum fidei, spei, & caritatis, quando vult; ergo non est ei opus gratiâ ad singulos actus.

Respondeo, neg. conf. Verum quidem est, hominem posse credere, sperare, diligere, quando vult; sed ut velit, voluntas ejus præparatur à Domino. Et quidem fides iustus sit, à Spiritu Sancto inhabitante per gratiam, & habitus quasi sopitos excitante: si verò iustus non sit, ab eodem ut movente cor, & quasi à foris pulsante. Quemadmodum anima aliter excitat ad opus mem-

brum sibi vitaliter conjunctum; aliter instrumentum ab ea separatum: illud enim excitat tanquam illud inhabitans; istud tanquam purè movens. Sic idem spiritus est, qui operatur in nobis, & velle, & perficere pro bona voluntate, ut habetur, *Philipp. 2. v. 13.*

DUBIUM XII.

An Homo in Gratia constitutus indigeat Auxilio speciali Gratiae ad Perseverandum Finaliter?

§. I.

Aliqua Pramittuntur.

Perseverantia potest dupliciter usurpari. Primò pro continuatione in gratia longo tempore; abstrahendo ab hoc, quòd continuetur usque ad mortem. Secundò pro perseverantia in gratia usque in finem vitæ inclusivè: seu, pro conjunctione gratiæ cum morte, quæ vulgò perseverantia finalis nuncupatur. De perseverantia priori modo egimus supra, cum ostendimus, hominem, etsi iustum, non posse diu abstinere à peccatis; & longo tempore perdurare in gratia, absque novo auxilio speciali. Superest modo agere de perseverantia secundo modo, quæ *Sola* (ait Augustinus) *informatur meritum, remuneratur currentem, coronatur pugnantem, & ad portum conducit navigantem*: an scilicet sit speciale donum distinctum à dono gratiæ sanctificantis, & ab habitibus supernaturalibus gratiam comitantibus.

Dixi distinctum à dono gratiæ &c. Quòd enim perseverantiæ donum sit distinctum à quocumque dono naturæ; suppono, ut de fide certum, contra impium Pelagium. Quia verò potest aliquid esse à gratia distinctum, & nihilominus cum illa connexum; quomodo concursus ad aliquando benè operandum supernaturaliter, qui est à gratia habituali distinctus, potest esse illi debitus ex providentia generali, ut

ut diximus: idcirco quærimus: an donum perseverandi usque ad finem vitæ sit homini existenti in gratia prorsus indebitum, & beneficium specialissimum Dei; ut nulli unquam, & in nullo casu possit esse debitum.

II. No'o insuper cum S. Thoma. hanc q. 109. a. 10. quoddam perseverantiam tripliciter dicitur. Quandoque enim significat habitum mentis, per quem homo firmiter stat, ne removeatur ab eo, quod est secundum virtutem, per tristitias irridentes, ut sic se habeat perseverantia ad tristitias, sicut continentia ad concupiscentias, & delibationes.... Alio modo potest dici perseverantia habitus quidam, secundum quem homo habet propositum perseverandi in bono usque in finem. Et utroque istorum modorum perseverantia simul cum gratia infunditur, sicut & continentia, & cætera virtutes. Alio modo dicitur perseverantia continuatio quadam boni usque ad finem. Et de hac in præsentem quærimus: an ad eam habendam indigeat homo, non quidem aliâ habituali gratiâ, sed divino auxilio; quod sit novum, & speciale donum à gratia, & communibus auxiliis distinctum.

III. In hac quæstione duo fuerunt errores, & duæ inter Catholicos versantur opinioniones. Primus error fuit Pelagianorum; qui, sicut ad nullum pietatis actum, ita nec ad perseverantiam usque in finem, gratiam per Christum absolute necessariam esse contendebant. Alter fuit quorundam Massiliensium Semipelagianorum; qui, ut scribit Hilarius ad Augustinum, asserunt, requiri quidem gratiam ad perseverandum usque in finem: sed quæ non sit specialis, & distincta à gratia, per quam quilibet iustus potest perseverare.

IV. Prima opinio affirmat quidem, perseverantiam finalem esse speciale donum indebitum iusto, quando ab instanti suæ iustificationis usque ad finem vitæ longum tempus intercedit: quia hoc tempore occurrunt, vel præcepta difficilia observanda, vel tena-

tiones graves vincendæ, vel alia pericula, ad quæ vitanda homo eget speciali gratia. Secus tamen ad perseverandum finaliter per breve tempus, in quo vel nullum occurrit præceptum servari difficile, vel nulla gravis tentatio. Ita Vega in Trident. lib. 12. cap. 22. Idipsum à fortiori dicturus de perseverantia parvulorum, qui post Baptismum ante usum rationis moriuntur. Cui subscribit Duvallius. Unde hi Auctores perseverantiam asserunt speciale donum, non præcisè, quia finalem, sed quia diuturnam. Altera verò opinio, eaque communis, asserit, perseverantiam finalem, sive ad breve, sive ad longum tempus, semper esse speciale donum à gratia habituali, & communibus auxiliis distinctum.

S. II.

Resolutiones.

V. Dico primò. Ad perseverandum finaliter est necessaria gratia per Christum. Est contra Pelagianos. Prob. primò. Gratia est necessaria ad singulos pietatis actus, ut Synodus Palæstina Pelagium fateri cogit, & Dub. præcedente ostendimus: sed inter actus pietatis possimum locum tenet perseverantia finalis, cum sine eâ reliqui ad vitam æternam non perducant; ergo &c. Secundò. Perseverantia finalis est meritoria vitæ æternæ; vel ei saltem connexa est vita æterna, juxta illud Mat. 24. v. 13. Qui autem perseveraverit usque in finem, hic salvus erit: sed sine gratiâ per Christum vita æterna haberi non potest, Roman. 6. v. 13. Gratia autem Dei vita æterna in Christo Jesu Domino nostro; ergo &c. Tertiò. Perseverantia à Deo poscitur; ergo Dei donum est, neque enim à Deo poscitur, quod ipse non donat. Sic August. I. de Dono Perseverantiæ c. 2. Cur perseverantia ista poscitur à Deo, si non datur à Deo? An & ista irrisoria petitio

gratia est, eum id ab eo petitur, quod fitur, ipsum non dare, sed ipso non donante esse in hominis potestate? Sicut irritoria est etiam illa actio gratiarum, si ob hoc gratia agitur Deo, quod non donavit ipse, nec fecit An ab illo perseverantia nostra fortè non possit? Jam hoc qui dicit, non meis disputationibus refellendus, sed Sanctorum orationibus revorandus est.

VI. Dico secundò. Gratia, quæ ad perseverantiam finalem requiritur, est speciale donum Dei à gratia habituali, & communibus auxiliis distinctum. Est contra Semipelagianos. Probatur primo ex August. supra laudato. Nam Iusti, & Sancti omnes continuè à Deo petunt actualis perseverantiæ donum, dum in oratione Dominica dicunt: *Adveniat regnum tuum*; imò & illud petere debent, ut ex Arausico. II. Can. 10. *Adjutorium Dei etiam renatis, & Sanctis semper est implorandum, ut ad finem bonum pervenire, vel in bono possint opere perdurare*. Quid autem implorare deberent adjutorium Dei ad perseverandum, si non esset donum distinctum à gratia habituali, quam Iusti habent; eum nemo petat ab alio, quod in sua potestate habet? Petunt ergo, quia, ut ait Cælestinus Epist. ad Episcopos Gallia Cap. 6. sciunt, neminem, etiam Baptismatis gratiâ renovatum, idoneum esse ad superandas Diaboli insidias, & ad evitandas carnis concupiscentias; nisi per quotidianum adjutorium Dei perseverantiam bona conversationis acceperit.

VII. Probo secundò. Perseverantia finalis tale donum est, ut qui illud habuerit, revera, & actu in finem usque perseveret; unde August. de Dono persever. c. 6. ait: *De illa enim perseverantia loquimur, quæ perseveratur usque in finem: quæ, si data est, perseveratum est usque in finem; si autem non est perseveratum usque in finem, non est data*. Atqui donum tale, ut, cui datum est, is perseveret usque in finem, est donum à gratia habituali, & communibus auxiliis distinctum; cum non

omnes Iusti usque in finem perseverent: imò multi, qui totâ fere vitâ in iustitia permanferunt, in fine lapsi sunt; & contra multi, qui totâ vitâ iustitiâ caruerunt, in finem adepti sint; ergo &c.

VIII. Neque dicant Molina, & alii, dari quidem omnibus gratiam, & auxilia sufficientia, quibus possint usque ad mortem perseverare; sed quosdam benè iis uti, quosdam malè; & ideo illos actu perseverare, non istos; unde actualis perseverantia non est donum à gratia, & communibus auxiliis distinctum.

IX. Nam hæc doctrina, si nil aliud addat, ponit actualem perseverantiam finalem in manu hominis, non Dei; & discretionem perseverantis à non perseverante esse ex homine, non ex Deo, contra illud Pauli 1. Cor. 4. v. 7. *Quis te discernit? Quid autem habes, quod non acceperis? ac posse gloriari, quasi non acceperit*. Vel enim, quod benè utatur usque in finem gratiæ communi, habet à Deo præparante voluntatem ejus præ altero; & hoc erit perseverantiæ donum à gratia communi distinctum. Vel quod benè utatur usque in finem, habet ex libero arbitrio absque speciali gratiâ; & sic se discernet, & habebit bonum usum finalem, quem à Deo non acceperit.

Rursus: sequitur ex hac doctrina, Deum per gratiam solum dare nobis posse perseverare, quia solum daret gratiam sufficientem; ipsum verò actu perseverare potius esse à nobis, & à nostra voluntate: sicque tribui nobis id, quod est melius, quod in Pelagianis adeo reprehendit Augustinus. — Et tandem Iustos non debere à Deo petere actualem perseverantiam, nec pro ea gratias agere. Ut enim ait idem Augustinus Epist. 107. modò 117. ad Vitalem c. 1. *Prorsus non oramus Deum, sed orare fingimus; si nos ipsos, non illum credimus facere, quod oramus. Prorsus non agimus gratias Deo, sed agere fingimus; si undò illi gra-*

gratias agimus, ipsum facere non possumus. Hoc autem falsissimum esse, docet S. Thomas 3. contra Gentem cap. 155. ubi ait, perseverantiam finalem nos quotidie à Deo petere illis Dominicæ orationis verbis: *Adveniat Regnum tuum*. Imò S. August. lib. de *Dono persever.* à cap. 2. usque ad 6. ex Cypriano probat, in omni petitione præfatæ orationis (exceptâ illâ *Dimitte nobis debita nostra*) perseverantiæ donum à Deo nos postulare.

X. Probatur tertio ratione D. Tho. 3. contra Gentem c. 155. dicentis: *Omne, quod de se est variabile, ad hoc, quod figatur in uno, indiget auxilio alienius movētie immobilis: homo autem, variabilis est, & de malo in bonum, & de bono in malum: ad hoc igitur, ut immobiliter perseveret in bono, indiget auxilio divino*. Et 2. 2. q. 137. a. 4. de Perseverantia, ait: *Perseverantia dupliciter dicitur. Uno modo pro ipso habitu perseverantia, secundum quod est virtus: & hoc modo indiget dono habitualis gratia, sicut & cetera virtutes infusa. Alio modo potest accipi pro actu perseverantia durante usque ad mortem: & secundum hoc indiget non solum gratia habituali, sed etiam gratuito Dei auxilio conservantis hominem in bono usque ad finem vitæ... Quia cum liberum arbitrium de se sit vertibile, & hoc ei non tollatur per habitualem gratiam præsentis vitæ: non subest potestati liberi arbitrii, etiam per gratiam reparati, ut se immobiliter in bono statuât, licet sit in potestate ejus, quod hoc eligat. Pleumque enim cadit in nostram potestatem electio, sed non executio*. Hæc S. Doctor. Ex quibus sic conficitur ratio. Quod de se est vertibile de bono in malum, non potest immobiliter se figere in bono, in eoque perseverare, nisi auxilio alicujus movētie immobilis: sed liberum arbitrium hominis, etiam per gratiam habitualem præsentis vitæ reparatum, adhuc manet vertibile de bono in malum; ergo non poterit actu perseverare immobiliter in bono usque ad fi-

nem, nisi auxilio Dei movētis immobilis.

XI. Hoc docuerat prius S. Augustinus l. de *Correp. & gratia* c. 12. his verbis: *Tantum quippe Spiritu Sancto accenditur voluntas eorum (iustorum) ut ideo possint, quia sic volunt; ideo sic volunt, quia Deus operatur, ut velint. Nam si in tanta infirmitate vita hujus (in qua tamen infirmitate propter elationem reprimendam, perfecti virtutem oportebat) ipsi relinqueretur voluntas, ut in adjutorio Dei, sine quo perseverare non possunt, manerent, si vellet, nec Deus in eis operaretur, ut vellet; inter tot, & tantas tentationis, infirmitate suâ voluntas ipsa succumberet & ideo perseverare non possent, quia deficientes infirmitate, nec vellet, aut non ita vellet infirmitate voluntatis, ut possent. Subvenit enim igitur infirmitati voluntatis humana, ut divinâ gratiâ indeclinabiliter, ac insuperabiliter ageretur: & i eo quomodo infirma, non tamen deficeret, neque adversitate aliquâ vinceretur*. Ecce Augustinum, & Thomam impossibile iudicantes, quod voluntas infirma prævideatur bene usura auxilio sine quo, seu sufficienti in quacunque occasione, & usque in finem perseveratura; nisi accedat auxilium quo, seu efficax, quo indeclinabiliter, & insuperabiliter agatur, & ita perseverans fiat in bono.

Quibus adhærens Tridentinum Sess. 6. cap. 13. perseverantiæ doni infalibilitatem, & efficaciam, non à consensu voluntatis humanæ prævisio ut futuro, sed à divina omnipotentia petit: ait enim citato Capite (quod est de perseverantiæ munere) tale donum *Aliunde haberi non potest, nisi ab eo, qui potens est, cum, qui fiat, statuere, ut perseveranter stet, & cum, qui cadit, restituere*. Et hoc Can. 16. vocat *Magnum usque in finem perseverantia donum*. Et tandem Can. 22. definit: *Si quis dixerit, iustificatum, vel sine speciali auxilio Dei in accepta iustitia perseverare posse, vel cum eo non posse, anathema sit*.

XII. His omnibus accedit: quod si actualis perseverantia usque in finem ex prævione boni usus gratiæ usque in finem pensanda foret, jam posset reddi ratio, cur iste perseveret usque in finem, alius non: quia nimirum iste prævisus fuit bene usus gratiæ finaliter, alius non: atqui huius nemo unquam aliam rationem assignare valuit, nisi inscrutabilia iudicia Dei; unde S. August. l. de Correp. & grat. c. 8. *Si confiteris (inquit) donum Dei esse perseverare in bono usque in finem: cur hoc donum ille accipiat, ille non accipiat, puto, quod mecum pariter ne- scis, & ambo hic inscrutabilia iudicia Dei penetrare non possumus.*

XIII. Dico tertio. Perseverantia finalis est speciale donum, non in iis tantum, qui, post acceptam justificationis gratiam, diu in ea perseverarunt; sed & in iis, siue adultis, siue parvulis, qui, post acceptam siue per Baptismum, siue per poenitentiam justificationis gratiam, statim, siue paulo post moriuntur. Probatur ratione fundamentalis. Effectus providentiæ specialis, habens infallibilem connexionem cum gloria, est, in quocumque reperitur, donum Dei speciale à gratia habituali, & communibus auxiliis distinctum (quia hæc, utpote Electis, & Reprobis communia, non sunt effectus providentiæ specialis prædestinativæ) sed perseverantia finalis, etiam in parvulis, vel adultis, qui post acceptam justificationem per Baptisma, vel poenitentiam, statim, vel paulo post moriuntur, est effectus specialissimus providentiæ specialis prædestinativæ, & habet infallibilem connexionem cum gloria; ergo est speciale donum cuiusque detur &c.

XIV. Explicatur hoc. Quod adultus, post acceptam gratiam, statim, vel post breve tempus moriatur; quod puer fonte Baptismatis regeneratus, antequam ad usum rationis perveniat, morie rapiatur, specialis Dei gratia est, & effectus providentiæ prædestinativæ: quæ cum utrumque ad salu-

Tom. IX.

tem ordinaverit, disponit utriusque mortem pro tempore, quo sunt in gratia, & non finit, eos diutius vivere; ne expositi gravibus tentationibus, & subjecti vertibilitati arbitrii eam, peccando antequam moriantur, amittant, juxta illud Sapientiæ 4. v. 11. *Raptus est, ne malitia mutaret intellectum ejus, aut ne fides deciperet animam illius; ergo perseverantia finalis siue in adultis, siue in parvulis, qui, post acceptam gratiam, statim, vel post breve tempus moriuntur, specialis gratia est.*

XV. Quare August. l. 1. de Dono persever. c. 1. *Hanc (inquit) certè, de qua nunc agimus, perseverantiam usque in finem, nullo modo habuisse dicendus est, qui non perseveraverit usque in finem: potiusque hanc habuit unius anni fidelis, & quantum infra cogitari potest, si donec moriatur, fideliter vixit: quàm multorum annorum, si exiguum temporis ante mortem à fidei stabilitate defecit.* Ubi vides, Augustinum statuere perseverantiæ finalis donum, non in tempore, quo quis perseverat in gratia; sed in eo, quod fideliter vivat, donec moriatur, quamvis uno tantum anno, vel infra, puta, uno die, unâ horâ tantum in fide vixerit. Et cap. 17. de Parvulis, ait: *Sed mirabilior, & fidelibus evidentior largitas bonitatis Dei est, quod etiam parvulis, quibus obedientia non est, illius statim ut detur, datur hæc gratia.*

§. III.

Contraria Rationes.

XVI. **C**ontra secundam Assertionem obijciunt primò. Quod datur omnibus, non est donum speciale; nam commune, & speciale opponuntur; atqui perseverantia, quantum est ex parte Dei, datur Justis omnibus. Sola enim ratio, cur nonnulli non perseverent, est, quia nolunt: possent quippe perseverare, si vellent, idest si auxiliis gratiæ habituali annexis cooperari vellent, actu & rêvera per-

Q

fe

severarent, juxta celebrem Augustini sententiam l. de Correp. & gratia c. 7. dicentis: *Justior enim videtur excusatio dicentium, non accepimus audientiam; quam dicentium, non accepimus perseverantium: quoniam potest dici: Homo, in eo, quod audierat, & tenuerat, in eo perseverares, si velles; ergo &c.*

XVII. Respondeo, neg. min. Licet enim concedam, solum rationem, cur nonnulli non perseverarent, peti ex eorum libero arbitrio; nempe, ex cupiditate, quam plenâ, & efficaci voluntate vincere nolunt: inde tamen non sequitur, illis, quantum est ex parte Dei, donum perseverantiæ dari. Nam si eis daretur, cupiditatem illam vincerent; cùm gratiam cum morte sic conjungat, ut qui illud à Deo acceperit, infallibiliter perseveret. Unde August. l. de Dono Persever. c. 2. *Ilanc certè (inquit) de qua agimus, perseverantiam, quâ in Christo perseveratur usque in finem, nullo modo habuisse dicendus est, qui non perseveravit usque in finem.* Et c. 6. *de illa perseverantia loquimur, quâ perseveratur usque in finem; quæ si data est, perseveratum est usque in finem: si autem non est perseveratum usque in finem, non est data.* Non itaque dicant homines, perseverantiam cuique datam usque in finem, nisi eam ipse veneris finis; & perseverasse, cui data est, refertus fuerit usque in finem &c. Ita S. Doctor respondens Semipelagianis; qui, ut refert Hilarius (Epist. ad August.) ægrè ferebant, quòd solis Sanctis daretur donum, quo non solum perseverare possent, sed etiam perseverantes fierent: aliis verò omnibus solum daretur adiutorium, non quo perseverantes fierent, sed sine quo perseverantes esse non possent; asserentes, ex hoc homines in desperationem adduci.

XVIII. Quod verò additur, nimirum, quòd homines justî, si velient cooperari auxiliis gratiæ annexis, de facto perseverarent, distinguendum est. Si velient, voluntate tamen per auxilium

speciale præparatâ, con. ant. Voluntate per auxilium speciale non præparatâ, nego ant. Duo complectitur hæc responso. Unum, voluntatem non velle perseverare, nisi à Domino præparata fuerit. Alterum, præparationem illam positam esse in auxilio speciali, quòd semper efficiat, ut voluntas perseverare velit.

Primum celebre est apud Augustinum variis in locis, & præcipuè l. de Gratiis, & lib. arb. c. 16. ubi ait: *Certum est, nos mandata servare, si volumus: sed quia præparatur voluntas à Domino, ab illo petendum est, ut tantum velimus, quantum susceperit, ut volendo faciamus.* Certum est, nos velle, cum volumus; sed ille facit, ut velimus bonum, de quo dictum est, quod paulò ante posui: *Præparatur voluntas à Domino.* De quo dictum est: *A Domino gressus hominis diriguntur, & viam ejus vult.* De quo dictum est: *Deus est, qui operatur in nobis velle.* Certum est, nos facere, cum facimus; sed ille facit, ut faciamus, præbendo vires efficacissimas voluntati. Quod confirmat l. 2. Retratt. c. 10. ubi prætestatur, quoties dixit, omnes homines fide imbutos ad mandata Dei servanda converti posse, si velint; se subintellexisse semper, si tamen voluntas eorum præparatur à Domino. Non existimans (inquit) novè hæretici Pelagiani secundum eos esse dictum. Verum est enim omnino, omnes homines hoc posse, si velint: sed præparatur voluntas à Domino.

Alterum etiam, quid voluntas, ut velit perseverare, præparetur per auxilium speciale distinctum à gratia, & auxiliis ei annexis, efficaciter faciens illam velle, & perseverare, constat: tum ex ailiatis Augustini verbis: tum ex iis, quæ l. de Correp. & gratia c. 8. Pelagianum arguens, dicit: *Si ad liberum arbitrium hominis pertinere dicis, ut perseveret in bono quisquam, vel non perseveret; non Deo donante, si perseveret, sed humana voluntate faciente: quid moliturus es contra verba dicentis: Rogavi pro te, Petre, ut non deficiat fides.*

fides tua? An audebis dicere, etiam rogasse Christo, ne desceret fides Petri, deserturam fuisse, si Petrus eam desecere voluisset; quasi aliud Petrus ullo modo vellet, quam pro illo Christus rogasset, ut vellet? Nam quis ignorat, tunc fuisse perituram fidem Petri, si ea, qua fidelis erat, voluntas ipsa desecret, & permansuram, si eadem voluntas maneret? Sed quia preparatur voluntas à Domino: ideo pro illo Christi non posset esse inanis oratio. Quando rogavit ergo, ne fides ejus desecret; quid aliud rogavit, nisi, ut haberet in fide liberrimam, fortissimam, invictissimam, perseverantissimam voluntatem? En quomodo S. Doctor, non ad præscientiam exploratricem, sed ad præparationem Dei recurrit, ut ostendat insallibilem Petri in fide perseverantiam.

XIX. Sed contra hæc dices. Si Justus non potest velle perseverare, nisi voluntas ejus præparetur à Domino per auxilium speciale; cum non sit in potestate Justus, hoc auxilium habere, quomodo verificabitur, eum posse perseverare, si velit?

XX. Respondeo in primis, quod sicut per gratiam habitualement, & virtutes annexas homo justus habet, ut possit non peccare; ita per eandem habet, ut possit perseverare, si velit, etiam tunc, quando ei deest auxilium speciale: quoniam ejusmodi gratia, & virtutes tribuunt homini posse perseverare usque in finem, si velit; quamvis neque tribuant, quod actualiter velit, nec quod actualiter perseveret, nisi voluntas ejus specialiter præparetur, & adsit ei specialis continua Dei protectio, & gubernatio.

Et quidem (fateor) auxilium illud speciale, & specialis Dei protectio non sunt in potestate hominis justus; quasi vel subsit ejus potestati naturali, ea ad se advocare, vel etiam velle, aut desiderare auxilium, ad quod ista sequantur. Nam, ut ait August. q. 2. ad Simplicianum: *Non potest effectus misericordie Dei esse in hominis potestate*. In potestate tamen hominis aliquomodo di-

citur esse, quod ipse per Dei gratiam potest habere, & ab eo petere, ac obtinere: & hoc modo in hominis justus potestate dici potest esse, ut habeat auxilium ad perseverandum usque in finem necessarium, videlicet, illud impetrando vigiliis, elemosynis, orationibus, bonis operibus, ut docet Tridentinum Sess. 6. cap. 13. & Augustinus l. de *Dono Perseverantiae* c. 6. & 7.

Quamvis autem etiam ad orandum &c. ut oportet, requiratur adjutorium gratiæ Dei; attamen quoniam Justus quilibet habet gratiam sufficientem, quâ potest, tum orare, tum alia bona facere: gratiam, nempe, justificantem, ac virtutes ei annexas, frequentesque inspirationes, excitationes, motiones; quibus si (ut cum Dei gratia potest) bene utatur, Deus in eo perficiet quod cepit, dabitque ulteriora ad perseverandum auxilia: ideo si hæc omittat, & auxilio ulteriori careat, suo vitio omittit, & suâ culpâ ulteriori illo auxilio caret. In quo, ne quis sapere velit, plusquam oportet, meminisse in primis debet, quod perditio nostra ex nobis sit; salus autem, seu auxilium ad salutem, ex Deo esse, ut dicitur Osæ 13. v. 9. & quod: *Liberum arbitrium ad malum sufficit sibi, ad bonum, non nisi adjuvetur à Deo*, ut loquitur August. l. de *Cantico novo* c. 8. Deinde, quod qui jam consecutus est gratiam habitualement, non potest per seipsum operari bonum, absque novo auxilio Dei moventis, & dirigentis; & quod Dei gratia non solum est necessaria ad incipiendum, sed etiam ad perficiendum id, quod per gratiam capimus.

XXI. Ex dictis facile quis percipere poterit, quomodo intelligendum sit illud Tridentini Sess. 6. c. 11. *Deus namque suâ gratiâ semel justificatos non deserit, nisi ab eis prius deseratur*. Vel enim intelligitur de defectione propriè tali, quâ Deus deserit hominem, ipsum suâ gratiâ, & amicitia privando; quomodo intellexisse videtur S. Prosper ad sententiam 7.

Galorum: & Respons. 7. & 14. ad Objeſt. Vincentianas; & multi Recentiores intelligunt. Sic clarum est, Deum non deferere semel iustificatum, ipsum gratiâ suâ, & amicitia privando, nisi prius ab eo deferatur per peccatum mortale. Vel intelligitur de desertione improprie tali; ut perinde sit, Deum hominem iustificatum deferere, ac ipsi non auxiliari, & non dare illi gratiam efficacem ad vitandum peccatum, sed permittere illi, ut peccet mortaliter. Sic Deus etiam non deserit, priusquam deferatur. Nam etsi iustus non proprie, & simpliciter deserat Deum, quodammodo tamen deserit; quatenus gratiam sibi datam negligit, eâ non bene utens, sicut cum Dei munere posset. Et quia aliquam similem negligentiam, seu culpam semper admittit iustus, priusquam Deus finat ipsum peccare mortaliter; ideo etiam, iuxta hunc modum, verum est, quod Deus non deserit iustum, nisi prius deferatur. Et huic intelligentiæ favent ejusdem Tridentini verba, Sess. 6. c. 13. *Deus enim, nisi ipsi illius gratia defuerint, sicut caput opus bonum, ita perficiet, operans velle, & persicere*. Ubi de gratia actuali, & efficaci loquitur: deserit enim Deum is quoque, qui bonas inspirationes, salutares cogitationes; ac pios animi motus, aliaque à Deo immissa negligit, non utens illis, sicut cum divino munere posset.

XXII. Quid si ulterius dicas. Cum bene uti gratia sufficiente, quales sunt salutares cogitationes, & pii motus, non sit, nisi ex gratia efficaci; cur hanc Deus non omnibus dat: sed aliquibus dat, & hi perseverant, aliis vero non dat, & hi cadunt?

XXIII. Respondeo, quod ubi venit ad quærendum; quare Deus permittere voluit, quod ille divinæ gratiæ deesset, ac divinis donis non bene uteretur, labereturque in primam sive negligentiam, sive tepiditatem, vel aliam culpam, vel culpæ occasionem, ex qua præciebat, illum

mortaliter peccaturum; reprimenda hic est humana curiositas, & ad incomprehensibilia iudicia Dei confugiendum cum Paulo; *Roman. 11. v. 22.* dicente: *Vide ergo bonitatem, & severitatem Dei: in eos quidem, qui ceciderunt, severitatem: in te autem bonitatem Dei, si permanseris in bonitate, alioquin & tu exideris*. Et cum S. August. 1. de Dono persever. c. 13. *Et inchoandi, & usque ad finem perseverandi, gratiam Dei non secundum merita nostram dari: sed donari secundum ipsius secretissimam, eandemque iustissimam, beneficentissimam, sapientissimam voluntatem*. Et 1. de Correp. & gratia c. 8. *Si confiteris, donum Dei esse, perseverare in bono usque in finem; cur hoc donum ille accipiat, ille non accipiat, puto, quod tecum pariter nescis: & ambobus inscrutabilia iudicia Dei penetrare non possumus*. Et S. Prosper Respons. 14. ad objeſt. Vincent. Cur autem (inquit) illum retineat, illum non retineat, nec possibile est comprehendere, nec licitum vestigare: cum scire sufficiat, & ab illo esse, quod statuit, & non ab illo esse, quod statuitur.

XXIV. Obijciunt secundò contrà eandem. Ut habeatur perseverantia, sufficit ponere gratiam habitualement cum auxiliis communibus, & causas inferentes mortem: quia his positis habetur conjunctio gratiæ cum morte; ergo non requiritur donum speciale ab his omnibus distinctum.

XXV. Confirmatur primò, Ut homo perseveret in gratia per viginti annos, absque unione cum morte, non requiritur speciale donum à gratia, & communibus auxiliis distinctum; ergo neque requiritur, ut homo recentius iustificatus post horam moriatur, & sic finaliter perseveret. Conf. prob. Plus requiritur ad perseverandum in gratia per viginti annos, quia difficilius, & pluribus impedimenti obnoxium est, quàm ad perseverandum solum per horam; ergo si ad primum non requiritur speciale donum, minus requiritur ad secundum.

XXVI.

XXVI. Confirmatur secundò. Homo habens gratiam, habet jus ad gloriam, quamdiu est in gratia: gratia enim est semen gloriæ, ut dicitur 1. Joann. 3. v. 9. ergo continuatio gratiæ cum gloria est debita gratiæ. Ex debito enim, & non ex gratia, datur hæreditas habenti jus ad hæreditatem.

XXVII. Respondeo, neg. absolutè ant. Omnia enim ibi assignata, estd sufficiant ad conjungendam gratiam cum morte, ut causæ per accidens, non tamen, ut causæ per se. Nec enim gratia cum communibus auxiliis, petit conjungi cum morte; nec morbus, aut aliæ causæ inferentes mortem, petunt ex se conjungi cum gratia. Quare ne dicatur, conjunctionem gratiæ cum morte esse effectum prout casualem, & fortuitum; necesse est ponere aliud donum distinctum, quod ita disponantur, & præparentur omnes causæ; ut tunc mors à causis naturalibus, vel violentis inferatur, quando homo existit in gratia.

XXVIII. Ad primam Confirm. nego consequ. Ad probat. dist. ant. Difficilius est, in potestate tamen nostrâ, conc. antec. aliter; nego antec. Dato igitur, quod plures difficultates; & impedimenta occurrant ad perseverandum per viginti annos; in potestate tamen nostrâ est, per vires gratiæ, & auxilia communia omnia illa impedimenta vitare, & à peccato abstinere, ut vidimus. At ad perseverandum per horam, conjungendo perseverantiam cum morte, requiritur, quod sic mors disponatur; ut nos eripiat de vita in hac horâ, in qua sumus in gratia. Hoc autem in potestate nostrâ non est, neque gratiæ, sed solius Dei; estque effectus præcipuus specialis suæ dilectionis, quia vult nos salvos voluntate efficaci, ideoque donum ejus particulare, ac distinctum à gratia, & communibus auxiliis.

Negari potest etiam ant. Ostendimus enim, hominem lapsum, per longum tempus, in gratia perseverare, &

à peccato abstinere non posse, sine speciali Dei auxilio. Quod confirmat S. Hieronymus Epist. ad Ctesiphontem, monens nos: *Ut sciamus, nos nihil esse, nisi quod Deus donavit, in nobis ipse servaverit. Semper largitor, semperque donator est. Non mihi sufficit, quod semel donaverit, nisi semper donaverit.* Et lib. 3. adversus Pelagian. circa initium, concedens, fieri posse, ut homo statim à Baptismate careat omni peccato: *Sed illud tempus (inquit) quando sine peccato est, nequamquam possibilitati humana, sed Dei gratia deputatur.* Multò ergo magis gratiæ speciali Dei deputabitur, quod perseveret finaliter.

XXIX. Ad Confirmat. nego consequ. Estd enim homo, quamdiu est in gratia, habeat ins ad gloriam; non tamen habet jus, ut, quamdiu est in vita, conservetur in gratia, seu quod gratia continuetur cum morte: cum pro statu præsentis liberum ejus arbitrium non sit fixum in bono, sed veritabile de bono in malum. Quare quod quis à Deo sic protegatur, ut non amittat gratiam, cum adest mors, est maximum, ac specialissimum donum, præcipuumque prædestinationis effectus: sicut, è converso, quod aliquis permittatur mori in peccato mortali, est ultimus effectus reprobationis.

XXX. Obijciunt tertid: Omnis homo inexcusabiliter obligatur ad perseverandum usque ad finem vitæ; ergo debet habere potentiam ad perseverandum: nemo enim potest obligari inexcusabiliter ad id, quod non potest; ergo perseverantia non est donum speciale.

XXXI. Respondeo, conc. antec. & prima consequ. neg. secundam. Ut enim diximus, estd homo cum gratia, & auxiliis ei annexis possit perseverare usque in finem, si velit; ut tamen de facto velit, & actu perseveret, eget auxilio speciali, & hoc est perseverantiæ donum.

Claritatis tamen gratiâ, dist. primum consequens. Habere debet po-

ten-

tentiam sufficientem ad perseverandum, quantum ad id, quod perseverantia, dicit de negativo; idest, non ponere obicem gratiæ per peccatum mortale, conc. consequ. Potentiam efficacem, & quantum ad id, quod dicit de positivo; nempe, conjungere gratiam cum morte, nego consequ. Est doctrina Sancti Thomæ Qu. 24. de Verit. a. 13. in corp. dicentis: *Aliud est dicere, posse abstinere à peccato, & posse perseverare usque ad finem vite in abstinentia à peccato. Cum enim dicitur, aliquis posse abstinere à peccato, potentia fertur supra negationem tantum; ut scilicet aliquis possit non peccare. Et hoc potest quilibet in gratia existens, loquendo de peccato mortali: quia habenti gratiam non inest aliqua habitualis inclinatio in peccatum; quin potius inest ei habitualis inclinatio ad vitandum peccatum. Et ideo quando occurrit ei aliquid sub ratione peccati mortalis, ex habituali inclinatione dissentit ab illo; nisi in contrarium nitatur, concupiscentias sequendo, quas tamen non necesse habet sequi... Sed cum dicitur, iste potest perseverare usque ad finem vite in abstinentia à peccato, potentia fertur ad aliquid affirmativum; ut scilicet aliquis ponat se in tali statu, quod peccatum in eo esse non possit..... Hoc autem non cadit sub potestate liberi arbitrii; quia virtus motiva exequens ad hoc non se extendit. Et ideo homo causa perseverantia sibi esse non potest; sed necesse habet perseverantiam à Deo petere. Hæc D. Tho. valde notanda. Et hoc exemplo explicari possunt. Supponamus, quod Deus conservaret justum per totam æternitatem, & relinquendo in ipso potentiam ad peccandum, decerneret tamen, nunquam illi permittere peccatum. Homo iste de facto nunquam peccaret: quia tamen, utpote potens peccare, esset indifferens ad peccandum, & non peccandum; pariter esset indifferens ad perseverandum, & non perseverandum; & sic nunquam haberet donum intrinsicum perseverantiæ; quia nun-*

quam poneretur in statu, in quo esset impotens ad peccandum.

XXXII. Sed dices. Si in manu hominis non est, sine dono Dei, actu perseverare usque in finem, neque erit in manu Dei, dare perseverantiæ donum: sed hoc est absurdum; ergo &c. Maj. probatur. Ideo in manu hominis non est, perseverare, quia est in manu ejus sit, abstinere ab omni peccato, non est in manu ejus, conjungere cum morte talem abstinentiam, & ponere se in statu, in quo non possit amplius peccare: sed est in manu Dei sit mors, attamen, quod mors jungatur cum abstinentia à peccato, à Deo non est, sed ex nobis; quia abstinentia à peccato, utpote libera, est ex determinatione voluntatis nostræ; ergo &c.

XXXIII. Respondeo, neg. maj. ad prob. dist. min. Ex determinatione voluntatis creatæ, præparatæ à Deo faciente, ut abstineat, co. min. Aliter, nego min. Verum ergo est, quod libera abstinentia à peccato existit ex determinatione voluntatis nostræ: hæc tamen determinatio supponit determinationem Dei, quæ sit, ut de facto velit abstinere; & ex qua, si sit conjuncta decreto dandi gloriam, descendit etiam decretum conjungendi abstinentiam à peccato cum morte: unde Deus ad utrumque determinat, & ad abstinentiam à peccato, & ad conjungendam eam cum morte. Creatura autem se determinat quidem, modo dicto, ad abstinendum à peccato; non tamen determinat Deum ad conjungendam cum abstinentia à peccato mortem: sicque donum perseverantiæ à Deo est.

XXXIV. Contra tertiam Assertionem objici potest. Fieri potest, quod Justus statim moriatur post acceptam justitiam; cum ergo iste non acceperit auxilium ad perseverandum, consequens sit, non omnem Justum tali auxilio indigere. Et hoc confirmari potest exemplo parvulorum, qui post acceptum Baptisma decedunt.

XXXV.

XXXV. Respondeo, justum, qui statim post acceptam iustitiam moritur, majori auxilio diverso à gratia iustificante præservari, ac finaliter perseverare; quia singulari Dei providentiâ sic per mortem ordinatur ad salutem, ut à tentationum periculis prorsus liberetur. Rursus: licet gratiæ infusio secundum se considerata sit beneficium generale ordinis supernaturalis; infusio tamen gratiæ ex intentione, ut cum morte conjungatur, speciale beneficium est: quia huic conjunctioni insalubriter annexa est gloria, & ex ejus intentione procedit. Similiter mors, licet secundum se non sit donum Dei, sed potius poena communis primi peccati; ut tamen volita ad habendum statum immobilitatis in gratia, & ad gloriam obtinendam, est effectus specialis providentiæ prædestinativæ; sicut est ipsa beatitudo, ad quam efficaciter perducit. Unde S. Augustinus l. 13. de Civit. Dei c. 6. *Tantum (inquit) Deus gratiam fidei præstitit: ut mors, quam constat, vita esse contrariam, instrumentum fieret, per quod transiretur ad vitam.* Idem dico de parvulis decedentibus post Baptisma, ut superius observatum est.

§. I V.

De Gratia in Statu Natura Integra ad Perseverandum requisita.

XXXVI. **D**ico. Homo in statu innocentie, præter auxilia debita connaturaliter integritati naturæ, gratiæ habituali, & virtutibus infusis, à quibus habebat, ut posset perseverare; indigebat alio speciali auxilio, quo perseveraret usque in finem status viæ. Est contra Jansenium, & alios Recentiores. De hac aliqua diximus Tom. 3. in 1. P. Q. 6. de Scientia futur. condit. Dub. 8. §. 2. ubi etiam ostendimus, auxilium illud fore suapte naturâ efficax, non ex prævisione.

Modò probatur primò ex S. August. Tum in *Enchiridio* c. 106. dicente: *Esti peccatum in solo libero arbitrio erat constitutum; non tamen iustitia retinenda sufficiebat liberum arbitrium, nisi participatione immutabilis boni divinum adiutorium praberetur.* Et c. 107. *Sic factus est homo rectus, ut manere in ea rectitudine posset, non sine adiutorio divino.* Tum Epist. 106. modò 186. ad Paulinum, ubi c. 11. *Natura (inquit) humana, etiam si in illa integritate, in qua condita est, permaneret, nullo modo se ipsam, Creatore suo non adjuvante, servaret.* Unde insert: *Cum igitur sine Dei gratiâ salutem non possit custodire, quam accepit; quomodo sine Dei gratiâ potest reparare, quam perdidit?* Ex quibus S. Augustini verbis Conc. Arausic. II. Canonem 19. composuit. Gratiâ ergo ad actum perseverandum in homine innocente requirit, non habitualem solum, non sufficientem solum; hanc enim habuit: sed actuaalem, quâ perseveraret, quæ quia illi defuit, ideo non perseveravit.

XXXVII. Hinc S. Thomas hæc q. 109. a. 10. ad 3. ex eodem S. Augustino l. de Nat. & grat. c. 43. & lib. de Corrupt. & gratia c. 12. docet: *Quod homo in primo statu accepit donum, per quod perseverare posset, non autem accepit, ut perseveraret.* Ex quo insert, donum Christi esse majus, quàm delictum Adæ; dicens: *Nunc autem per gratiam Christi multi accipiunt, & donum gratia, quo perseverare possunt, & ulterius eis datur, quod perseverarent.* Et addit: *Et tamen facilius perseverare poterat in statu innocentia, in quo nulla erat rebellio carnis ad spiritum, quàm nunc possumus: quando reparatio gratia Christi, eisi sit incubita quantum ad mentem, nondum tamen est consummata, quantum ad carnem, quod erit in Patria; ubi homo non solum perseverare poterit, sed etiam peccare non poterit.* Idem docet Q. 17. de Verit. a. 3. ad 3. ubi docet, quod homo in illo statu licet

licet non indiguisset ultra gratiam habitalem divinâ operatione, quæ operatur in nobis, propter infirmitatem naturæ; indigebat tamen ad perseverandum divinâ providentiâ eum dirigente, & adjuvante.

XXXVIII. Ratio autem eadem est, ac supra ex D. Thom. 3. *contra Gent.* c. 155. & 2. 2. q. 137. a. 4. nempe, variabilitas, & vertibilitas liberi arbitrii. Cùm enim in illo statu liberum hominis arbitrium per gratiam, & alia dona gratiæ annexa, non esset fixum, & firmatum in bono, sed variabile, ac vertibile maneret de bono in malum; sicut rei eventus in Adamo, & in Angelis probavit: ideo ulteriori auxilio opuserat, quo fingeretur in bono, in eoque immobiliter perseveraret. Unde de Angelis, qui in bono perseverarunt, dicit August. 1. 12. *de Civit. Dei* c. 9. accepisse majus aliquod auxilium, quod qui ceciderunt, non acceperunt: *Istis* (inquit) *mala voluntate cadentibus, illi amplius adjuti, ad eam beatitudinis plenitudinem, unde se nunquam casuros certissimi ferebant, pervenerunt.*

Quibus alia accedit urgentissima ratio. Nam perseverantia in Adamo, & Angelis, qui ceciderunt, fuisset effectus infallibilis prædestinationis eorum: atqui effectus infallibilis prædestinationis creaturæ rationalis, in quocumque statu sit, semper est à providentiâ speciali electivâ unius præ alio ad gloriam, & præparativâ mediorum, quibus certissimè ad eam perducat; ergo non poterat non esse ex speciali auxilio.

XXXIX. Nec dicas cum Jansenio, quòd si Adam in statu innocentie perseverasset, discretio hominum salvandorum, non fuisset ex speciali gratia, nec à Deo; sed à libero arbitrio, si ve ab eorum merito, ut prævisio, priusquam eos prædestinaret; dicente Augustino 1. *de Corrupt. & gratia* c. 11. quòd Adamo dederat, & adiutorium, *sive quo in ea bonâ voluntate non posset permanere si vellet; ut autem vellet,*

in ejus libero reliquit arbitrio: igitur perseverare in Adamo non fuisset effectus specialis providentiæ.

XL. Nam contra est. Primò. Eadem enim est ratio quantum ad hoc de hominibus in statu innocentie, ac de Angelis in statu viæ, ut faretur Jansenius: at discretio bonorum, & malorum Angelorum fuit ex gratia speciali Dei, non ex merito eorum antècedenter prævisio; ergo &c. Minorem tradit Augustinus ipse 1. 12. *de Civit. Dei* c. 19. dicens: *Inter sanctos Angelos, & immundos fuisse discretum, ubi dictum est: & divisit Deus inter tenebras, & lucem.* Et addit: *Solus quippe Deus ista discernere potuit.* Hinc *Apoç. 7. v. 12.* omnium Angelorum vox est: *Benedictio, & claritas, & sapientia, & gratiarum actio, honor, virtus, & fortitudo Deo nostro in secula seculorum.* Quibus omnium bonorum ad Dei Angeli omnes gloriam referunt, ac de illis ei gratias agunt.

Contra secundò. Quia cùm nulla creatura rationalis per seipsam habeat jus ad beatitudinem supernaturalem; omnia merita, seu media, quibus ad eam efficaciter ordinatur, sunt effectus gratiæ electionis Dei: effectus autem nequit prævideri futurus ante suam causam.

XLI. Neque obest, Augustinum dixisse, quòd, ut homo vellet perseverare, Deus in ejus reliquerat arbitrio. Nam in primis S. Doctor non dicit, Deum ita reliquisse Adami arbitrio, ut ad perseverandum speciali gratiâ ulteriori non indigeret; sed solum contraponit velle perseverare, ad posse perseverare: cùm enim posse perseverare non sit in ejus arbitrio, sed Dei solius donum sit; velle tamen perseverare ejus arbitrio subest, gratiâ tamen Dei adjuto. Unde ad illa verba Ecclesiastici 15. v. 14. *Deus ab initio constituit hominem, & reliquit illum in manu consilii sui,* dicit S. Thomas 1. 2. p. q. 22. a. 2. ad 4. *Quòd in hoc, quòd dicitur, Deum hominem sibi reli-*

reliquisse, non excluditur homo à divina providentia: sed offenditur, quod non praefigitur ei virtus operativa determinata ad unum, sicut rebus naturalibus, qua aguntur, quasi ab altero directa in finem; non autem seipsa agunt, quasi se dirigentia in finem.... Sed quia ipse actus liberi arbitrii reducitur in Deum sicut in causam; necesse est, ut ea, qua ex libero arbitrio fiunt, divina providentia subdantur. Uno verbo: ad non-perseverandum, sibi solus sufficiebat Adam: ad perseverandum verò non sibi sufficiebat sine Dei adiutorio. Ita S. August. l. de Perfect. Just. c. 3. ad illa verba, Eccles. 15. v. 17. *Apposuit sibi aquam, & ignem, ad quod vis porrigere manum tuam*; quo textu abutebatur Pelagius: *Manifestum* (inquit) est, quod si ad ignem manum mittit, & malum, ac mors ei placet; id voluntas hominis operatur: si autem bonum, & vitam diligit, non solum voluntas id agit, sed divinitus adiuvatur. Sufficit enim sibi oculus ad non videndum, hoc est, ad tenebras: ad videndum verò, lumine suo non sibi sufficit; nisi illi extrinsecus adiutorium clari luminis praebeatur.

XLII. Deinde dico, quod cum S. Augustinus dicit, Adamum habuisse in libero arbitrio velle perseverare; solum intendit declarare facilitatem, quam, ratione integritatis naturae perfectae subijcientis partem inferiorem, superiori, & superiorem Deo, habebat, ut vellet perseverare. Quare ibidem c. 11. Ille (inquit) non opus habebat eo adiutorio, quod implorant Sancti, cum dicunt: Video aliam legem in membris meis repugnantem legi mentis meae &c. Quoniam in eis caro concupiscit adversus spiritum.... Ille verò nullà rixâ à seipso adversus seipsum tentatus, atque turbatus, in illa beatitudinis loco suū secum pace fruebatur. Ita explicat hunc Augustini textum, cui maxime Janseniani fidunt, S. Th. 2. 2. q. 137. a. 4. ad 1. his verbis: *Sicut Augustinus dicit in lib. de Corrupt. & grat. c. 11. primo homini datum est,*

Tom. IX.

non ut perseveraret, sed ut perseverare posset per liberum arbitrium; quia nulla corruptio tunc erat in humana natura, qua perseverandi difficultatem praeberet. Solum ergo intendit S. Augustinus excludere à primo homine necessitatem gratiae sanantis, qualis in nobis requiritur; non tamen necessitatem specialis auxilii figentis, ac firmantis in bono liberi ejus arbitrii vertibilitatem.

§. V.

Quorundam Resolutio circa Donum Perseverantiae.

XLIII. QUAERES PRIMò: In quo consistat donum perseverantiae?

Dico, donum perseverantiae finalis consistere in conservatione gratiae habitualis, & conjunctione ejus cum morte imperatâ ex intentione efficaci glorificandi. Probo. Tùm quia: his positis, habetur actualis perseverantia. Neque Augustinus sive in parvulis, sive in adultis requirit aliud ad perseverandum, quàm decessum in gratia; qui nil aliud est, quàm conjunctio gratiae cum morte. Tùm etiam, quia: in eo formaliter situm est donum perseverantiae, quo perseverantes à non perseverantibus distinguuntur: atqui non distinguuntur in alio, nisi in eo, quod talis est providentia circa ipsos, ut infallibiliter moriantur in gratia; cum non perseverantes interdum plus habeant gratiae, & donorum Dei in hac vita; ergo &c.

XLIV. Ex his colligitur PRIMò: donum perseverantiae non consistere, neque in diuturna conservatione gratiae seorsim à morte, neque in dispositione mortis seorsim sumtâ. Mors enim omnibus hominibus naturalis est: & quod aliquis moriatur ante usum rationis, est effectus providentiae generalis. Similiter, quod gratia conferretur per longum tempus, est quod commune etiam multis, qui praedesti-

P

nati

nati non sunt. Consistit ergo in complexo, seu in conjunctione utriusque, gratiæ scilicet, & mortis. Licet enim nec gratia, nec mors excedant providentiam generalem; conjunctum tamen ex utroque ad altiorē providentiam pertinet: quatenus conjunctio utriusque non eligitur à Deo, nisi ex intentione gloriæ, & ex providentia speciali, quā aliquem ad gloriam ordinavit præ alio. Et propterea donum specialissimum est: quia alia dona, quæ Deus confert Prædestinatis, absolute stare possunt sine collatione gloriæ: at conjunctio gratiæ cum morte in præfenti providentia conjungi non potest cum carentia gloriæ.

XLV. Colligitur secundò: donum perseverantiæ finalis esse distinctum ab eo, quod datur ad diu perseverandum in bono. Illud enim est effectus proprius prædestinationis, & solis Prædestinatis conceditur: istud verò secundum se non est effectus prædestinationis, sed providentiæ generalis; cum etiam Reprobis concedatur.

XLVI. Colligitur tertio: perseverantiam, pro formali, esse ejusdem rationis in omnibus; cum in omnibus importet conjunctionem gratiæ cum morte, ex intentione efficaci glorificandi imperatam; pro materiali verò, diversa in diversis importare. Nam in iis, qui sine usu rationis decedunt, dicit solam Dei providentiam ita omnia disponentem; ut mors accidat, antequam gratia possit amitti. In aliis verò dicit collationem variorum auxiliorum, vel ad resipiscendum à peccato; vel ad vitanda peccata, & superandas tentationes, & longo tempore in bono persistendum: vel, & quidem maxime, ut homo in gratia existat pro eo tempore, quo ex speciali Dei dispositione mors accideret.

XLVII. Quæres secundò: An donum perseverantiæ finalis sit diversum à dono confirmationis in gratia?

Respondeo affirmativè. Nam illud

est commune omnibus Prædestinatis: istud specialissimum, quod Deus non nisi B. Virgini, Apostolis, aliisque paucis concessisse creditur. Illud non tollit, nec ligat potentiam peccandi; sed solum facit, ne homo peccet mortaliter in fine vitæ, & infallibiliter moriatur in gratia, quamvis absolute peccare possit: istud verò dat non posse peccare mortaliter, aut etiam venialiter juxta modum, quo datur. Quibusdam enim datur, ut non possint peccare neque venialiter; ut de B. Virgine supra diximus: aliis verò, ne possint quidem peccare mortaliter, non tamen venialiter, ut Apostolis.

XLVIII. Quæres tertio: An Deus sit paratus donum perseverantiæ omnibus conferre?

Negant quidam, & probant. Tùm quia: Deus non est paratus omnibus dare beneficium prædestinationis; ergo nec donum perseverantiæ, quæ est proprius effectus illius. — Tùm quia: donum perseverantiæ non est necessarium, ut quis possit salvari, sed ut quis de facto salvetur: atqui non omnes de facto salvantur; ergo &c. Sicut de facto non est paratus Deus omnibus conferre donum confirmationis in gratia. — Tùm denique: quia Deus ab æterno decrevit, non conferre reprobis donum perseverantiæ, sicut nec alia auxilia efficacia ad salutem; ergo non est paratus ea illis dare.

XLIX. Attamen communiter tenetur pars affirmativa, quæ deducitur ex Tridentino Sess. 6. c. 13. ubi dicitur, quod de munere perseverantiæ: *Nemo sibi certi aliquid absolute certitudine polliceatur; tamen in Dei auxilio firmissimam spem collocare, & repone omnes debeant. Deus enim, nisi ipsi illius gratia defuerint, sicut capis opus bonum, ita perficiet, operans vult, & perficere.* Ergo Deus paratus est omnibus illud dare, nisi per illos steterit. — Tùm quia: in oratione Dominica serè totà, ut ex Augustino vidimus, perseverantiam petere jubemur.

Quid

Quid autem iuberemur omnes à Deo petere, quod non est paratus omnibus dare? — Rursus: Deus est paratus omnibus dare salutem; ergo est paratus omnibus ea conferre, quæ sunt ad salutem necessaria, inter quæ potissima est perseverantia. — Denique: Deum esse paratum pertinet ad voluntatem antecedentem, estd non ad consequentem: aliàs non esset paratus omnibus dare salutem; ergo sicut voluntate antecedente omnibus vult salutem, ita eadē vult omnibus perseverantiam.

L. Nec nos terrent contrariæ rationes. Ad primam, nego consequ. Nam etiam gloria est effectus prædestinationis: & tamen illam conferre omnibus paratus est. — Ad secundam, nego etiam consequ. Deus enim non solum paratus est dare (imò de facto dat) auxilia sufficientia, quibus omnes perseverare possint, & salvari; sed etiam efficacia, quibus de facto salventur, nisi obicem ponant, inter quæ est donum perseverantiæ. Exemplum autem confirmationis in gratia non est ad rem. Hæc enim non est necessaria, ut quis de facto salvetur, vel ut possit salvari: & ideo non est mirum, si Deus non sit paratus omnibus illam dare. — Ad tertiam pariter, nego consequ. Nam eodem modo probaretur, Deum non esse paratum dare gloriam Reprobis. Deus ergo, ut diximus, sicut vult voluntate antecedente omnes homines salvos: ita eadem voluntate paratus est dare omnibus necessaria ad salutem.

LI. Solet hic agitari: an Deus omnibus det auxilia sufficientia, seu gratiam dantem posse salvari. Sed de hoc abundè actum est, Tom. 3. in 1. p. Qu. 2. de Voluntate Dei circa hominum salutem, toto Dubio 3. ubi etiam Dubio 1. & 2. omnia, quæ de voluntate Dei, & Christi circa hominum salutem agitari solent, fusè pertractata sunt.

QUÆSTIO II.

De Divisione Gratia Actualis.

Gratia communiter primò dividitur in actualem, & habitua-
lem. Quia verò gratia actualis comparatur ad habitua-lem sicut motus ad terminum; cum omnis gratia actualis habeat pro termino reddere hominem conjunctum Deo, quod per gratiam habitua-lem formaliter fit: ideo prius varias gratiæ actualis species examinare intendimus; & deinde quæst. sequenti, de gratia habituali sermonem instituere. Porro quia gratia actualis dividi solet in gratiam gratis datam, & gratiam gratum facientem: & ista in operantem, & cooperantem, in prævenientem, & subsequenter, in excitantem, & adjuvantem, & tandem in sufficientem, & efficacem; de singulis harum divisionum membrorum sigillatim in hac quæstione agendum erit.

DUBIUM I.

Quid sit Gratia gratis data, & quoduplex.

§. I.

Resolutio Prioris Partis.

I. **C**onvenientem esse divisionem gratiæ actualis in gratiam gratum facientem, & gratis datam, ostendit S. Thomas hæc 1. 2. q. 111. a. 1. Cum enim gratia ad hoc ordinetur, ut homo reducatur ad Deum; hoc dupliciter contingere potest: vel, ut per eam ipse homo reducatur ad Deum, eique conjungatur: & hæc dicitur gratia gratum faciens. Vel, ut per eam cooperetur alteri ad hoc, quòd ad Deum reducat; & huiusmodi donum vocatur gratia gratis data: Quia (inquit S. Tho.) supra facultatem naturæ, & supra meri-

P 2

tum

tum persona homini conceditur. Sed quia non datur ad hoc, ut ipse per eam iustificetur; sed potius, ut ad iustificationem alterius cooperetur: ideo non vocatur *gratum faciens*. Et de hac dicit Apostolus 1. ad Cor. 12. Unicuique datur manifestatio spiritus ad utilitatem, scilicet, aliorum.

II. Ne autem dicatur, etiam gratiam gratum facientem esse gratis datam; ac proinde unum membrum huius divisionis coincidere cum alio, contra regulas bonæ divisionis: sciendum est, has duas gratiæ species non in eo distingui, & opponi, quod una sit gratis data, alia non, cum omnis gratia sit gratis data; sed in hoc, quod una sit gratis data tantum, & non etiam faciens hominem Deo gratum; altera sit gratis data, & faciat simul hominem gratum. Unde S. Thomas citato loco ad 3. *Gratia* (inquit) *gratum faciens* addit aliquid supra rationem gratia gratis data, quod etiam ad rationem gratia pertinet; quia scilicet, hominem gratum facit Deo: & ideo gratia gratis data, qua hoc non facit, retinet sibi nomen commune, sicut in pluribus aliis contingit: & sic opponuntur dua partes divisionis, sicut *gratum faciens*, & non *faciens gratum*.

III. Dico igitur. Gratia gratis data est beneficium, seu donum à Deo collatum, quod per se, & directe ordinatur ad salutem aliorum procurandam, vel promovendam. Hac definitione gratia gratis data rectè distinguitur à gratia gratum faciente: hæc enim per se confertur ad salutem illius, cui conceditur; cum illa è contra ad salutem aliorum per se ordinetur. Dixi per se, & directe. Nam certum est, gratiam gratis datam, per accidens, valere posse ad spiritualem utilitatem etiam hominis, cui datur; si nimirum (quemadmodum debet) eà utatur, non ad ostentationem, sed ad Dei gloriam, & ex vera Dei, ac proximi dilectione, juxta illud *Danielis* 12, v. 3. *Qui autem docti fue-*

runt, fulgebunt quasi splendor firmamenti: & qui ad iustitiam erudiunt multos, quasi stella in perpetuas æternitates. Similiter certum est, gratiam gratum facientem, si foras per bona opera se prodet, ad aliorum salutem, per accidens, plurimum conferre, juxta illud Christi, *Matth.* 5, v. 16. *Sic luceat lux vestra coram hominibus, ut videant opera vestra bona, & glorificent Patrem vestrum, qui in Cælis est.*

IV. Ex hæcenus dictis colligitur: gratiam gratum facientem solum dari in eo, qui vel formaliter per gratiam habitalem conjungitur Deo, vel dispositivè, ac initiativè tendit ad dictam coniunctionem. Unde auxilia, quibus peccatores moventur adversus peccata odio, ac Deum iustitiæ fontem diligere incipiunt, ad gratiam gratum facientem reducuntur. Gratia vero gratis data, quia per se solum data in bonum aliorum, nonnunquam in peccatoribus, & pravis hominibus esse potest: cum peccatores, etsi propriam salutem negligant, moveri à Deo possint ad salutem aliorum; sicut Balamo, quamvis ariolo, & idololatraz, donum prophetiæ concessit, *Numer.* 22. Caiphas impius prophetavit, *Joann.* 11. & Sybillæ, etsi Ethniciæ, dono prophetiæ claruerunt, earumque vaticinia valdè ab antiquis Patribus commendantur. Unde Christus, *Matth.* 7, v. 12. legitur dicturus multis, qui in nomine suo Dæmonia eiecerunt, prophetaverunt, & virtutes multas fecerunt: *Nunquam novi vos.* Propterea ex solis miraculis &c. in hac mortali vita per aliquem factis, non potest certè concludi ejus sanctitas (nisi, ut Christus ea faciebat, in testimonium sanctitatis ejus facta sint) etsi non sit dubium, quin gratias miraculorum, & reliquas sæpius solis iustis Deus concedat, ut eos sibi caros esse patefaciat.

§. I I.

Resolutio posterioris partis.

V. Dico. Divisio gratiæ gratis datæ, in novem species ab Apostolo 1. Corint. 12. à v. 7. assignatas, est sufficiens, & adæquata. Ita S. Thomas hæc q. 111. a. 4. Probatur primò, referendo Apostoli verba: *Unicuique autem* (inquit) *datur manifestatio spiritus ad utilitatem. Alii quidem per spiritum datur sermo sapientiæ: alii autem sermo scientiæ secundum eundem spiritum. Alteri fides in eodem spiritu: alii gratia sanctorum in uno spiritu. Alii operatio virtutum, alii prophetia, alii discretio spirituum, alii genera linguarum, alii interpretatio sermonum.* Hæc autem omnia operatur unus, atque idem spiritus, dividens singulis, pro ut vult. Quibus apparet, quòd gratiæ gratis datæ species sunt, sermo sapientiæ, sermo scientiæ, fides, gratia sanctorum, operatio virtutum, prophetia, discretio spirituum, genera linguarum, interpretatio sermonum.

VI. Probo secundò ratione S. Thomæ ibi. Gratiæ gratis data ordinatur ad hoc, quòd homo alteri cooperetur, ut reducatur ad Deum: cùm autem homo ad hoc operari non possit, interiùs movendo (quòd solius Dei est) sed solùm exteriùs docendo, vel persuadendo, fit; ut tot debeant esse gratiæ gratis datæ species, quot sunt modi, quibus potest homo exteriùs cooperari, ut alius ad Deum reducatur: sed hoc novem prænúmeratis modis contingere potest; ergo &c. Minor ab eodem S. Doctore probatur. Ad hoc, ut homo utiliter instruat alterum de rebus divinis, quæ sunt supra rationem, tria requiruntur. Primò quidem: quòd homo sit fortitus plenitudinem cognitionis rerum divinarum, ut possit instruere alios. Secundò: ut possit ea probare, & confirmare. Tertiò: ut possit ea convenienter, ac intelligibiliter proferre, ac pronunciare. Ad primum pertinet ser-

mo sapientiæ, sermo scientiæ, & fides. Ad secundum gratia sanctorum, operatio virtutum, prophetia, discretio spirituum. Ad tertium genera linguarum, & interpretatio sermonum.

VII. Probatur, singula explicando. *Sermo sapientiæ* est ea gratia, quæ quis accuratam habet notitiam rerum divinarum, cum promptitudine easdem alijs proponendi, explicandi, & defendendi; Oportet enim (inquit S. Thomas) quòd Doctor rectè se habeat circa principales conclusiones scientiæ: & sic ponitur sermo sapientiæ, quæ est cognitio divinarum.

VIII. *Sermo scientiæ* est illa gratia, quæ quis talem habet rerum inferiorum notitiam; ut etiam per illas manifestare possit ea, quæ sunt Dei. Unde S. Thomas, ait: Oportet, ut (Doctor) etiam abundet exemplis, & cognitione effectuum, per quos interdum oportet manifestare causas. Et quantum ad hoc ponitur sermo scientiæ, quæ est cognitio rerum humanarum: quia invisibilia Dei per ea, quæ facta sunt, intellecta conspiciuntur.

IX. Nota tamen: neque sapientiæ, neque scientiæ hic sumi, prout sunt dona Spiritus Sancti. Nam, ut diximus Tom. 1. in 1. 2. Qu. 4. de Donis Spiritus Sancti, Dub. 2. §. 2. num. 3. & docet D. Tho. hæc q. 111. 2. 4. ad 4. *Sapientiæ, & scientiæ non computantur inter gratias gratis datas, secundum quòd enumerantur inter dona Spiritus Sancti; prout scilicet mens hominis est bene mobilis per Spiritum Sanctum ad ea, quæ sunt sapientiæ, & scientiæ... sed computantur inter gratias gratis datas, secundum quòd important quendam abundantiam scientiæ, & sapientiæ; ut homo possit non solùm in seipso rectè sapere de divinis, sed etiam alios instruere, & contradicenter revincere... Quia ut Augustinus dicit 14. de Trinit. c. 1. Aliud est scire tantummodo, quid homo credere debeat, propter adipiscendam vitam beatam: aliud est scire, quemadmodum hoc ipsum, & piis optuletur, & contra impios defendatur.*

X.

X. Gratia Fidei ea est, quâ quis excellentem habet de rebus fidei certitudinem, & in illis constantiam; non solum in se, sed simul est idoneus, eas aliis proponere, & eos de illis instruere: *Oportet enim* (ait D. Th. hic in c.) *quod qui debet alium instruere in aliqua scientiâ, primò quidem, ut principia illius scientiâ sint ei certissima. Et quantum ad hoc ponitur fides; quia est certitudo de rebus invisibilibus, quæ supponuntur ut principia in Catholica doctrinâ.*

XI. Notat tamen S. Thom. ibidem ad 2. *Quod fides non numeratur hic inter gratias gratis datas, secundum quod est quadam virtus iustificans hominem in seipso: sed secundum hoc, quod importat quamdam supereminentem certitudinem fidei; ex qua homo fit idoneus ad instruendum alios de his, quæ ad fidem pertinent.* Hisce tribus gratiis præclarè imbutum fuisse B. Stephanum, testantur Acta Apost. c. 6. v. 5. ubi dicitur: *Et elegerunt Stephanum virum plenum fide, hoc est, plenum intelligentiâ ad persuadenda Mytheria.* Quare v. 10. *Judæi non poterant resistere sapientiæ, & spiritui, qui loquebatur.* Unde v. 8. dicitur: *Plenus gratiâ, & fortitudine.*

XII. Ad confirmandam verò fidei doctrinam, quatuor gratiis ornare solet Doctores suos Deus. Prima est Gratia sanitatum: quâ quis veritatem, quam prædicat, confirmare potest, infirmis largiendo sanitatem, eisque fidem persuadere; non solum propter magnitudinem facti (quod pertinet ad operationem virtutum) sed etiam propter beneficium eis collatum. Quo pacto Petrus Act. 3. claudum, qui sedebat ad portam Templi, sanando traiecit ad fidem.

XIII. Operatio virtutum est, quâ quis in fidei confirmationem potest miracula facere; atque ita solâ magnitudine facti persuadere veritatem divinam: cuiusmodi sunt omnia, quæ Moyses in Ægypto fecit: cum Gedeon flare fecit Solem: quæ etiam ad

terrorem, & punitionem incredulorum patrari solent; ut cum Petri objurigatione mortui ceciderunt Ananias, & Saphira.

XIV. Prophetia est gratia, quâ res occultæ, præsertim futuræ, vel aliquin à cognitione nostrâ valde remotæ, divinâ revelatione cognoscuntur, ut aliis manifestari queant.

XV. Discretio spirituum est ea gratia, quâ quis potest intima cordis alterius ita penetrare; ut discernere possit, quid in corde alter gerat, & maxime quo spiritu moveatur ad loquendum, vel operandum.

XVI. Has quatuor gratiæ gratis datæ species ita exponit S. Thomas hoc a. 4. in corp. *Confirmatio autem in his, quæ subduntur rationi, est per argumenta: in his autem, quæ sunt supra rationem divinitus revelata, confirmatio est per ea, quæ sunt divina virtuti propria. Et hoc dupliciter. Uno quidem modo, ut Doctor Sacra Doctrina faciat, quæ solus Deus facere potest in operibus miraculosis. Sive sint ad salutem corporum: & quantum ad hoc ponitur gratia sanitatum. Sive ordinentur ad solam divinam potestatis manifestationem; sicut quod Sol set, aut tenebreseat, quod mare dividatur: Et quantum ad hoc ponitur operatio virtutum. Secundò: ut possit manifestare ea, quæ solius Dei est scire: & hæc sunt contingentia futura. Et quantum ad hoc ponitur prophetia: & etiam occulta cordium: & quantum ad hoc ponitur discretio spirituum.*

XVII. Quia verò Sacer Doctor debet posse aliis manifestare ea, quæ sibi revelata sunt: ideo ponitur *Donum linguarum*, quod est gratia, quâ ex peculiari Dei munere loqui potest diversis linguis; vel unâ linguâ loquens facere, ut ab omnibus, etiam diversis idiomatis, intelligatur.

Et similiter *Interpretatio sermonum*, quæ est donum, quo obscurus sermo sensus potest interpretari, atque aliis interpretari.

XVIII. Has duas gratiæ species ita D. Thom. citato loco exponit: *Facultas*

tas autem pronunciandi potest attendi, vel quantum ad idiomata, in quo aliquis possit intelligi: Et secundum hoc ponuntur genera linguarum: vel quantum ad sensum eorum, quæ sunt proferenda: Et quantum ad hoc ponitur interpretatio sermonum.

XIX. Constat ergo, novem tantum gratias gratis datas admittendas esse. Nam ad plenitudinem scientiæ dantur solum tres: nimirum, *Fides* propter principia, *Sapientia* propter principales conclusiones, & *Scientia* propter effectus. Ad hoc verò, ut possit confirmare quæ docet, quatuor tantum necessariae sunt Doctoris scilicet, *Gratia sanitatum* ob corporalem salutem, *Operatio virtutum* ad divinæ potentiae ostensionem, *Prophetia* ob futura contingentia, & *Discretio spirituum* ad secreta cordium penetranda. Denique, ut possit docenda proponere, requiruntur tantum duæ: nempe, *Genera linguarum* propter idioma, & *Interpretatio sermonum* propter sensum sententiarum.

XX. Alias tamen gratias gratis datas, præter novem enumeratas, dari sentiunt Vazquez, Bellarminus, & Suarez: nimirum, characterem Sacerdotalem, jurisdictionem in foro interno, & specialem assistentiam Spiritus Sancti Summo Pontifici, & Conciliis legitime congregatis promissam.

XXI. Sed verius dicendum est, ad intentum Apostoli novem tantum esse species gratiæ gratis datæ. Primò: quia hic solum intendit enumerare gratias extraordinarias, quas Spiritus Sanctus, prout vult, quibus vult, & quando vult, impartitur; unde subdit 1. Cor. 12. v. 11. *Hæc autem omnia, operatur unus, atque idem spiritus dividens singulis, prout vult*; & quas in Ecclesiæ exordio largiter effundebat, ut fides propagaretur: non verò de gratiis, quas ad ordinarium Ecclesiæ regimen, & administrationem quovis tempore tribuit, uti sunt character Sacerdotalis, jurisdictio spiritualis, assistentia Spiritus Sancti Pontifici,

& Conciliis. Secundò: quia Paulus loquitur de gratiis, quæ sic sunt in aliorum utilitatem, sicque donantur gratis; ut non sit in libera hominis facultate eas consequi, etiam si velit, sed ex sola Dei voluntate donentur: potestatem autem ministrandi Sacramenta multi, si velint, possunt accipere. Tertiò: distinguendæ sunt cum eodem Apostolo 1. Cor. 12. d. v. 4. divisiones gratiarum à divisionibus ministrarionum; & operationum: hæ autem quomodo distinguantur, docet D. Thom. *ibi lect.* 1. Nam gratia gratis data solum datur ad manifestationem, confirmationem, & promulgationem fidei, quod sufficienter præstat per dictas novem species. Ministratio, seu ministerium dicit auctoritatem exercendi actum aliquem in ordine ad alios, operatio verò est executio illius ministerii: & ad hæc pertinere dicimus ea, quæ enumerant Suarez, & alii: sunt enim ministeria, & operationes ministerii, non verò ad gratias gratis datas in sensu Pauli.

XXII. Quæres: An præfatæ gratiæ gratis datæ sint in homine per modum habitus, an solum per modum motionis transeuntis?

XXIII. Respondeo, aliquas esse in homine per modum habitus, ut fidem, sapientiam, & scientiam; his enim ad arbitrium, & quando vult, utitur, quod signum est, esse in eo permanentes: alias verò esse in eo per modum motionis, seu impressionis actualis, quæ, producto effectu, statim desinit: cuiusmodi sunt aliæ sex sequentes: his enim gratis ad arbitrium uti non possumus, sed tunc solum quando à Deo movemur, quod de prophetia expressè docet S. Thomas 2. 2. q. 171. a. 2. ubi dicit, lumen propheticum esse in mente Prophetæ, sicut lumen Solis est in aere *per modum cuiusdam passionis, seu impressionis transeuntis*. Et hoc significatur Exodi 33. Cumque transibit gloria mea, ponam te in foramine petræ &c. Et 3. Reg. 19. dicitur ad Heliam, Egredere, & stam in monte coram

coram Domino, & ecce Dominus transit &c. Et inde est, quòd sicut aer semper indiget nova illuminatione: ita etiam mens Prophetæ semper indiget nova revelatione: sicut discipulus, qui nondum est adeptus principia artis, indiget, ut de singulis instruat. Unde & Isaiæ 50. dicitur: Mane erigit mihi aurem, ut audiam quasi Magistrum. Et hoc etiam ipse modus loquendi prophetiam designat, secundum quod dicitur, quòd locutus est Dominus ad talem, vel talem Prophetam: aut quòd factum est verbum Domini, sive manus Domini super eum: habitus autem est forma permanens.

XXIV. Aliquæ gratias gratis datas esse in homine permanentes, aliquas vero solum transeunt, expressit S. Gregorius Homil. 9. super Ezechiel. ubi observat, quòd Spiritus Sanctus, Sap. 1. stabilis simul, ac mobilis appellatur; & ait: Quia in Sanctorum cordibus iuxta quasdam virtutes semper permanet; iuxta quasdam vero recessurus venit, & venturus recedit. In fide etenim, & spe, atque caritate, & in bonis aliis, sine quibus ad Cælestem patriam non potest venire... perfectorum corda non deserit: in prophetia vero virtute, doctrina facundia, miraculorum exhibitio, Electis suis aliquando adest, aliquando se subtrahit.

XXV. Ab hac tamen regulâ excipiendus est Christus; in quo huiusmodi gratiæ fuerunt per modum habitus. Idque primò: quia eius humanitas erat instrumentum realiter hypostaticè unitum divinitati: ideoque sicut talis unio erat permanens, & nunquam dissolvenda; sic etiam gratiæ gratis datæ, quæ talem unionem consequantur, consentaneum erat, ut in ipso essent permanentes. Secundò: quia Christus erat præditus potestate, quam vocant Excellentiæ; ratione cuius imperio poterat in omnes creaturas, & de iis ad libitum suæ voluntatis disponebat: miracula, quando volebat, faciendo, Dæmonibus, morbis, ventis, ac mari

imperando, ut legimus in Evangelio. Et Luca 6. v. 19. dicitur: Omnis turba quærebat eum tangere, quia virtus de illo exibat, & sanabat omnes. Quibus ostenditur, virtutem, seu gratiam sanitarum fuisse in illo permanentem, & ab eo exisse, sicut lux exit à Sole.

DUBIUM II.

De Divisione Gratiæ Actualis in operantem, & Cooperantem.

§. I.

Divisio statuitur, & probatur.

Incipit D. Tho. hâc q. 112. dividere gratiam actualem gratum facientem in suas species; & hoc 4. 2. dividit eam in operantem, & cooperantem, de qua divisione

I. Dico primò. Convenienter dividitur gratia actualis in operantem, & cooperantem. Probatur primò auctoritate Augustini, qui lib. de Grat. & lib. arb. c. 17. hanc divisionem tradit, & probat. Loquens enim de Apostolo Petro, dicensque, quòd ei non deerat caritas, quamvis parva, & imperfecta, quando dicebat (Joan. 13. v. 37.) Domine, Animam meam pro te ponam. Et quis (inquit) illam, etsi parvam, dare ceperat caritatem; nisi illa, qui preparat voluntatem, & cooperando perficit, quod operando incipit? Quoniam ipse, ut velimus, operatur incipiens, qui volentibus cooperatur perficiens; propter quod ait Apostolus (Philipp. 1. v. 6.) Certus sum, quoniam quò operatur in vobis opus bonum, perficiet usque in diem Christi Jesu. Ut ergo velimus, sine nobis operatur; cum autem volumus, & sic volumus, ut faciamus, nobiscum cooperatur. Tamen sine illo vel operante, ut velimus, vel cooperante, cum volumus, ad bona pietatis opera nihil valeamus.

II. Colligitur quoque ex Scriptura. Gratiæ quidem operans, ex illo Philipp. 2. v. 13. Deus est enim, qui opera-

operatur in nobis velle, & perficere. Et ex illo Isaïæ 46. v. 12. Omnia enim opera nostra operatus es nobis. Utraque verò ex illo 1. ad Cor. 13. v. 13. Gratia Dei sum id, quod sum, & gratia ejus in me vacua non fuit, sed abundantius illis omnibus laboravi: non ego autem, sed gratia Dei mecum. Unde S. Augustinus l. de Gratia, & libero arb. c. 5. de Pauli vocatione, quæ per gratiam operantem efficitur, sic ait: *Ut autem de Calo vocaretur. & tam magnæ, & efficacissimæ vocationis, gratia Dei erat sola; quia merita ejus erant magna, sed mala.* De gratia verò cooperante ibidem sic habet: *Non ego autem, sed gratia Dei mecum; id est, non solus, sed gratia Dei mecum, ac per hoc nec gratia Dei sola, nec ipse solus, sed gratia Dei cum illo.* Item S. Gregor. l. 25. Moral. c. 11. hæc scribit: *Superna pietas prius agit in nobis aliquid sine nobis; ut subsequente quoque nostro libero arbitrio, bonum, quod jam appetimus, agat nobiscum.*

III. Probatur secundò Assertio hoc discursu. Gratia rectè dividitur in eam, quæ Deus in nobis sine nobis incipit omnia nostra bona opera, seu in nobis operatur primam bonam voluntatem; & in eam, quæ nobiscum operatur perfectionem, seu executionem boni operis, cuius initium jam in nobis operatus fuerat, ut ex dictis apparet: ac prior est gratia operans, secunda verò est gratia cooperans; ergo &c.

IV. Adverte tamen: quòd cum dicimus, gratiam operantem esse illam, quæ Deus operatur primam bonam voluntatem in nobis sine nobis; non ita est intelligendum, quòd eam operetur sine nobis consentientibus, & liberè agentibus: ac si voluntas nostra à Deo mota, merè passivè, nihil agendo, seu inluendo, in bonum actum se habeat. Nam hic est error Lutheri, & aliorum, quem damnavit Tridentinum Sess. 6. Can. 4. Et ratio adeò: quia nullus actus vitalis egredi potest à potentia

vitali sine influxu illius: unde August. l. de Gratia, & lib. arb. c. 17. *Certum (inquit) est, nos velle, cum volumus, sed ille facit, ut velimus... Certum est, nos facere, cum facimus, sed ille facit, ut faciamus &c.*

Gratiam ergo operantem solam, sine nobis, in nobis operari dicitur; quia ad illam habendam nihil nostris contulimus, sive petendo, sive desiderando, sive eam aliquomodo promerendo, aut impetrando: cum enim, ut supponimus, primam bonam voluntatem in nobis operetur; sequitur, quòd eam nullus bonæ voluntatis motus antecedit. Itaque operatur sine nobis prius volentibus, conantibus, pulsantibus, desiderantibus, fluentibus, meditantibus; non tamen sine nobis per eam influentibus. E contra gratia cooperans dicitur nobiscum operari; quia jam per gratiam operantem conantibus, pulsantibus, desiderantibus, petentibus boni perfectionem, ac executionem operatur. Vel aliis terminis: gratia operans ea dicitur, quæ primam bonam voluntatem deliberatam sola operatur in homine; puta, conversionis ab infidelitate ad fidem, vel à peccatis ad poenitentiam; cooperans verò ea est, quæ homini jam per gratiam operantem volenti, & cooperanti cooperatur augendo, ac roborando voluntatem, ut efficiat, & perficiat, quod vult, & ad quod conatur. Et hoc est, quod superius dicebamus ex August. l. de Grat. & lib. arb. c. 17. *Quoniam ipse, ut velimus, operatur incipiens, qui volentibus cooperatur perficiens... Ut ergo velimus, sine nobis operatur: cum autem volumus, & sic volumus, ut faciamus, nobiscum cooperatur.*

V. S. Augustino subscribit S. Thom. hæc q. 111. a. 2. his verbis: *Operatio alienius effectus non attribuitur mobili, sed moventi. In illo ergo eff. èu, in quo mens nostra est mota, & non moventis, solus autem Deus movens, operatio Deo attribuitur: & quantum ad hoc dicitur gratia operans. In illo autem eff. èu,*

in quo mens nostra, & movet, & movetur, operatio non solum attribuitur Deo, sed etiam anima: & secundum hoc dicitur gratia cooperans.

VI. Quæres: Utrum gratiam operantem comitetur semper gratia cooperans?

Respondendo negativè. Nam Deus nonnunquam homines, qui nec de eo cogitant, nec ipsum orant, imò & ei contradicunt, movet ad boni desiderium, ad conversionem, ad imperfectam caritatem; in quibus tamen per gratiam cooperantem non operatur boni executionem, integram conversionem &c. Cùm enim, ut docet S. Thomas hoc *art. 2.* gratia operans sit ad illum actum, ad quem Deus se habet ut movens, voluntas verò humana, ut mota; & præsertim cum voluntas incipit bonum velle, qua priùs malum volebat: gratia verò cooperans sit ad hoc, ut voluntas perficiat opere, Deo ipsam adjuvante, id, quod ut ab ipso mota cæpit velle; contingit sæpè, quòd id, quod velle cæpit, non perficiat: ideoque quòd gratiam operantem gratia cooperans non comitetur.

VII. Ex quibus colligere putant aliqui cum S. Doctore dicto *a. 2. ad 4.* quòd gratia operans, & cooperans sit eadem gratia; sed distinguatur secundum diversos effectus. Si enim moveat ad actum, ad quem voluntas se habeat solum ut mota, Deus autem movens; idest, ad actum, ad quem nullo modo se præparavit, erit gratia operans: at si moveat ad actum, ad quem voluntas non solum sit mota, sed etiam sit movens seipsam; idest, ad actum, ad quem ex motu gratiæ operantis conatu, ac desiderio se præparet, erit gratia cooperans. Verùm licet hoc sustineri possit de gratia habituali, de qua ibi loquitur S. Doct. & *Q. 27. de Verit. a. 5. ad 1.* difficile tamen sustineri potest de gratia actuali; quæ, ut dicimus, in motione voluntatis consistit. Nam alia est motio, quâ Deus voluntatem prævenit, ac movet, ut velit; alia verò, quâ dein-

de facit, ut homo tandem perficiat, quod ante voluit; cùm motio, seu vis motionis, simul transeat cum actione, ad quam datur.

§. I I.

Aliqua resolvuntur.

Dubitari solet primò. Quænam gratia hęc dividatur: an actualis, an habitualis.

VIII. Dico, hanc divisionem extendi posse ad gratiam habitualem; propriè tamen esse divisionem gratiæ actualis. Priorem partem docet S. Thomas hoc *a. 2.* his verbis: *Sic igitur habitualis gratia, inquantum animam facit, vel iustificat, siue gratiam Deo facit, dicitur gratia operans; inquantum verò est principium (radicale) operis meritorii, quod ex libero arbitrio procedit, dicitur cooperans.* Quod docet etiam *Q. 27. de Verit. a. 5. ad 2.*

IX. Posterior autem pars colligitur ex eodem S. Doctore *art. 2.* citato: ubi primo loco divisionem hanc explicat de gratia actuali, ut dictum est; docens, gratiam operantem esse, dum voluntas nostra est tantum mota, & non movens; cooperantem verò esse, dum mens nostra movetur, & simul movet. Accedit: quòd S. Augustinus, ex quo hæc divisio sumta est, & Scriptura, ex qua ipse Augustinus eam defumsit, omnino videatur loqui de gratia actuali; quæ per se primò datur ad agere, non ad esse, ut gratia habitualis. Gratia enim operans, secundum Augustinum, & Scripturam, est illa, quâ fit, ut bonum salutare velle incipiamus: cooperans, quâ fit, ut bonum, quod jam velle cæpimus, faciamus.

X. Dubitari solet secundò. An, cùm gratia actualis quædam sit increata, nimirum, Deus ipse gratuito operans, & cooperans; alia creata, nempe, Dei motio, quam imprimit in voluntate: præfata divisio non solum gratiæ increatæ conveniat, sed etiam

etiam gratiæ creatæ. Certum enim est, apertissime convenire gratiæ increatæ: cum certum sit, Deum esse, qui, & operando facit, ut velimus, & cooperando, ut quod volumus, faciamus.

Censent quidam, solam gratiam increatam esse eam, quæ dividitur in operantem, & cooperantem; & præter eam, nullam gratiam actualem creatam admittunt, nisi actiones nostras, sive deliberatas, sive indeliberatas.

XI. Dico. In præfata divisione dividitur etiam gratia actualis creata; non quidem quæ sit nostra actio, sed quæ sit actionis nostræ principium: aliqua nimirum vis, per modum transeuntis, menti nostræ impressa; quâ Deus operatur, & cooperatur in nobis ea, quæ ad salutem pertinentia volumus, & facimus. Prior pars probatur. Nam quæcumque bonæ actiones nostræ assignentur, quamvis sint quædam gratia, quatenus gratuita nobis donantur; propriè tamen non sunt gratia actualis. Quia gratia actualis est illa, per quam Deus nos movet, vel nobiscum cooperatur ad actiones bonas, seu salutare faciendas: & per consequens ea gratia debet esse quodam istarum actionum principium, & istæ actiones illius gratiæ effectus esse debent.

XII. Et confirmat hoc D. Thom. hoc a. 1. ubi gratiam actualem, quam dividit in operantem, & cooperantem, vocat *divinum auxilium, quo Deus nos movet ad bene volendum, & agendum*; ergo ex mente S. Doctoris non est ipsa volitio, sed aliquid prius, & causa nostræ volitionis. Et in resp. ad 3. Homo autem (inquit) per gratiam operantem adjuvatur à Deo, ut bonum velit; ergo bonum velle, est effectus gratiæ operantis, & non ipsa gratia operans. Unde in corp. ejusdem art. ait: *Si gratia accipiatur pro gratuita Dei motione, quâ movet nos ad bonum meritorium; convenienter dividitur gratia per operantem, & cooperantem.*

Quibus apparet, S. Doctorem loqui de gratia actuali; quæ non solum distinguatur ab actione creatæ voluntatis, ad quam movet, & quam facit, ut causa; sed quæ distinguatur etiam à Deo, & ab actione æterna, & increatâ Dei, tanquam motio, & impressio temporalis ab ea producta in voluntate creata, quâ Deus voluntatem movet: unde illam vocat *auxilium, motionem*.

Et confirmatur etiam à pari ex illis, quæ docet Q. 17. de Verit. a. 5. ad 1. Quemadmodum enim ex gratuita increatâ Dei voluntate hominem iustificandi descendit in hominem donum habituale creatum, quo formaliter iustificatur; ita ex gratuita increatâ Dei voluntate hominem movendi ad bonum, & perficiendi bonum, quod voluit, descendit in hominem motio quædam creata, quâ formaliter movet ad bonum volendum, & perficiendum bonum, quod voluit: & illa est gratia operans, ista cooperans.

XIII. Ex his constare incipit posterior pars: quod, nempe, gratia actualis creata sit quædam motio, seu vis menti humanæ transeuntè impressa. Est enim tam Scriptura, quàm August. cum loquuntur de gratia actuali, dicant, Deum operari, ut velimus, & cooperari, ut quod volumus, faciamus: non tamen dicunt, Deum ita per se operari; ut nullam vim, aut virtutem menti imprimat, per quam faciat voluntatem volentem, vel agentem. Sicut, est Deus sit, qui iustificat; non tamen excluditur, quin hoc faciat per donum gratiæ habitualis creatæ. Imò August. 1. de Grat. & lib. arb. c. 16. explicans modum, quo Deus facit, ut velimus, ac faciamus, dicit, quod hoc præstat præbendo vires efficacissimas voluntati. Et S. Bonaventura in 2. dist. 16. in fine dicit: *Unde non est aliud dicere, gratiam movere liberum arbitrium, quàm gratiam esse instrumentum Spiritus Sancti ad movendum liberum arbitrium.* Cui consonat D. Tho. Qu. 3. de Potentia

titia a. 7. ad 7. dicens: *Id, quod à Deo fit in re naturali, quo actualiter agat, est ut intentio sola, habens esse quoddam incompletum, per modum, quo colores sunt in aere, vel virtus artis in instrumento artificis.*

XIV. Dubitari solet tertio. An gratia actualis operans restringenda sit ad solam illam, quæ primam bonam voluntatem, & maxime circa finem, in homine operatur.

Dico negativè. Est enim gratia operans operetur in nobis primam bonam voluntatem; unde eam pro exemplo affert S. Thomas hoc a. 2. dicens: *Præsertim cum voluntas incipit bonum velle, quæ prius malum volebat: attamen motus boni, qui in hominibus iustis excitantur, etsi primam bonam voluntatem non faciant, à gratia tamen operante fiunt.* Unde Augustinus gratiam operantem, non solum in bono assequendo, sed & tenendo requirit: ait enim l. de Corrupt. & gratiâ c. 11. *Esse in nobis per hanc Dei gratiam (operantem scilicet) in bono recipiendo, & perseveranter tenendo, non solum posse, quod volumus: verum etiam velle, quod possumus.*

DUBIUM III.

Dux aliæ Divisiones Gratia Actualis.

§. I.

De Gratia Præveniente, & Subsequente.

I. Sanctus Thomas hæc q. 112. a. 3. dividit ulteriùs gratiam in prævenientem, & subsequenter, quam divisionem sumit ex ordine ad effectus. Unde ait: *Et sicut unus effectus est posterior uno effectui, & prior alio: ita gratia potest dici præveniens, & subsequens, secundum eundem effectuum respectum diversorum.* Hinc quinque præcipuos effectus gratiæ assignat. Primus est, ut anima nostra spiritaliter sanetur. Secundus, ut velit bonum ad salutem pertinens. Tertius, ut bonum, quod vult, exequatur. Quar-

tus, ut in bono perseveret. Quintus, ut ad plò iam perveniat. Tum addit: *Et ideo gratia, secundum quod causat in nobis primum effectum, vocatur præveniens respectu secundæ effectus. & prout causat in nobis secundum, vocatur subsequens respectu primæ effectus.* modo quoddam gratia possit dici præveniens. & subsequens etiam secundum eundem effectum respectu diversorum: licet idem effectus est posterior uno, & altero prior. Sic gratia, secundum quod operatur bonum velle, dici potest præveniens, & subsequens: præveniens respectu bonæ operationis, quæ causat; subsequens respectu sanationis, quam subsequitur. Hunc modum spectasse videtur S. Augustinus l. de Nat. & grat. c. 31. dum de justificatione nostra disserens: *Ubi (inquit) operamur & nos (consentiendo) sed illo operante cooperamur, quia misericordia eius prævenit nos. Prævenit autem, ut sanemur, quia & subsequitur, ut iam sanati vegetemur. Prævenit, ut piè vivamus; subsequitur, ut cum illo semper vivamus, quia suæ illo nihil possumus facere.*

II. Alio modo explicatur ab aliis: sic: ut gratia præveniens dicatur in ordine ad hominem; inquantum Deus suâ misericordiâ hominem prævenit, vel aversum ad se convertendo, vel nondum præparando ei beneficia, quibus suo tempore eum sit conversurus. Quo modo gratia præveniens describi solet: *Gratia, quæ operatur, ut homo bene velit.* Subsequens verò dicatur: *Quæ dat homini exequi bonum, quod volebat.* Hunc modum expressit Sanctus Thomas Qu. 27. de Veritate a. 5. ad 6. ubi enumerans varios modos, quibus gratia dici potest præveniens, & subsequens, dicit: *Secundò. ut præveniens dicatur, secundum quam aliquis velle vult; subsequens verò, secundum quod velle voluntatem in exteriori opere exequitur.* Addens, quoddam, secundum hunc modum, idem videtur esse gratia præveniens, & subsequens, quod operans, & cooperans.

III. Hunc modum explicandi gratiam prævenientem, & subsequenter indicavit etiam S. August. in *Enchirid.* c. 32. ubi postquam dixit, quod *boninis voluntatem bonam Deus & praparat adjuvandum, & aliuat praparatam*; subiungit: *Præcedit enim voluntas hominis multa Dei dona; sed non omnia: quæ autem non præcedit ipsa, in eis est & ipsa.* Nim utrumque legitur in *Eloquiis*: & misericordia eius præveniet me, & misericordia eius subsequetur me. *Nolentem prævenit, ut velit: volentem subsequitur, ne frustra velit.* His præmissis

IV. Dico. Gratia rectè dividitur in prævenientem, & subsequenter, quocumque explicetur modo. Id enim tradit Scriptura: de præveniente quidem Psalm. 10. v. 4. *Prævenisti eum in benedictionibus dulcedinis.* Et Psalm. 58. v. 11. *Misericordia eius præveniet me.* De subsequente verò Psalm. 22. v. 6. *Et misericordia tua subsequetur me omnibus diebus vite mea.* Id etiam ex orationibus Ecclesiæ conitat. Precatur enim, ut actiones nostras aspirando præveniat, & adjuvando prosequatur: & ut vox nostra, quæ præveniendo aspirat, etiam adjuvando prosequatur. Idem tradit, præter August. supra relatum, Gregorius Homil. 9. in *Ezechiel.* his verbis: *Ipse aspirando nos prævenit, ut velimus, qui adjuvando subsequitur, ne inaviter velimus, sed possumus (potentiâ conjuncta cum actu) implere, quod volumus.*

V. Sed dices primò. Oratio nostra Deum prævenit, Psalm. 87. v. 14. *Mane oratio mea præveniet te.* Et Psalm. 118. v. 147. *Præveni in maturitate, & clamavi.... Prævenient oculi mei ad te diluculo; ergo nulla datur gratia, quæ sit absolutè præveniens.*

VI. Respondeo primò, neg. ant. Verba autem ex Psalmis non significant, orationem nostram prævenire gratiam merito, vel causalitate; sed accelerationem orationis, quam indicant verba illa *mane, & præveni in maturitate*: idest, summo mane surgens præ-

veni tempus surgendi, ut orarem. — Secundò, dist. ant. Oratio, quæ fit ex gratia præveniente, Deum prævenit, con. ant. quæ fit ex nobis, nego ant. Oratio, quæ fit ex gratia præveniente, prævenit Deum dantem gratiam subsequenter, puta, ad victoriam tentationis: non autem oratio, quæ fit ex nobis. Unde August. in *Enchirid.* c. 32. ait: *Oramus ergo pro inimicis nostris, ut misericordia Dei præveniat eos, sicut prævenit & nos. Oramus autem pro nobis, ut misericordia ejus subsequatur nos.*

VII. Dices secundò. Dilectio Dei, & gratia ejus idem sunt: atqui dilectio Dei in nos semper est præveniens, & nunquam subsequens, juxta illud 1. Joann. 4. v. 10. *Non quasi nos dilexerimus Deum, sed quoniam ipse prior dilexit nos; ergo non datur gratia subsequens.*

VIII. Respondeo, negando maj. Gratia enim est effectus temporalis dilectionis æternæ Dei, non verò ipsa Dei dilectio. Responso est D. Thom. hoc a. 3. ad 1. dicentis: *Quòd dilectio Dei nominat aliquid æternum: & ideo nunquam potest dici, nisi præveniens. Sed gratia significat effectum temporalem, qui potest præcedere aliquid, & ad aliquid subsequi: & ideo gratia potest dici præveniens, & subsequens: subsequens quidem aliquem divinæ gratiæ effectum, non tamen omnes: ut diximus ex August. in *Enchirid.* c. 32. *Præcedit enim voluntas hominis multa Dei dona, non tamen omnia.**

§. I I.

De Gratia Excitante, & Adjuvante.

IX. Dico. Rectè dividi potest gratia actualis in excitantem, & adjuvantem. Utriusque enim meminit Scriptura: excitantis quidem in illis locis, quibus homines quasi dormientes excitat. Ut ad Ephes. 5. v. 14. *Surge qui dormis, & exurge à mortuis, & illuminabit te Christus.* Apoc. 3. v. 10.

20. Ecce sto ad ostium, & pulso: stare autem ad ostium, & pulsare, nil aliud est, quam interna inspiratione animam, quoad cœlestia dormientem excitare. Adjuvantis etiam meminit in Psal. 78. v. 9. *Adjuva nos Deus salutaris noster*. Psal. 26. v. 9. *Adjutor meus esto*. Psal. 118. v. 117. *Adjuva me, & salvus ero*. Rom. 8. v. 26. *Spiritus adjuvat infirmitatem nostram: nam quid oremus, sicut oportet, nescimus*. Utramque suis in precibus à Deo postulat Ecclesia: excitantem Dominicâ secundâ Adventus: *Excita Domine corda nostra ad preparandas Unigeniti vias*. Dominicâ vigesimaquartâ post Pentecostem: *Excita Domine tuorum Fidelium voluntates*. Postulat etiam adjuvante, dum in Officio, ad Primam, Christum sic alloquitur: *Exurge Domine, adjuva nos*. Et in die Paschæ: *Vota (inquit) nostra, qua præveniendo aspiras, etiam adjuvando prosequere*.

X. Utramque agnoscunt & Patres, Bernardus lib. de Gratia, & lib. arb. ait: *Conatus nostri ad bonum & casti sunt, si gratia non adjuvantur, & nulli, si non excitentur*: Et ante illum S. August. lib. 2. de Peccat. merit. c. 18. ait: *Quoddam ad Deum nos convertimus, nisi ipso excitante, atque adjuvante non possumus*. Item Conc. 1. in Psal. 58. Non ego (inquit) prior ad te exsurrexi voluntate, sed tu ad excitandum venisti. Et in Psal. 8. Ipse me attraxit; quia in occulto à morte cordis, non quilibet medicus, sed ipse excitavit. Adjuvante quoque agnovit. Ubi enim Pelagianis ostendit, Deum nostras bonas voluntates prævenire, operari, excitare; concedit eis, quoddam ad bonum exequendum, ut ipsi faciebantur, adjuventur. Sic l. 1. ad Bonifac. c. 19. ait: *Dixisti tu, Juliane, hominem in bono opere à Deo semper adjuvari, tanquam suâ voluntate, nullâ Dei gratiâ opus aggressus, in ipso jam opere divinitus adjuvetur*.

XI. Ad hæc omnia respicientes Tridentini Patres Sess. 6. cap. 5. docent,

eos, qui per peccata à Deo averſerant, per ejus excitantem, atque adjuvantem gratiam ad convertendum se, ad suam ipsorum justificationem, eidem gratia liberè assentiendo, & cooperando disponi. Et cap. 5. Disponuntur autem (inquiunt) ad ipsam justificationem, dum excitati divini gratiâ, & adjuti, fidem ex auditu concipientes, liberè moventur in Deum. Et Can. 3. divini adjutorii meminere; sicut, & Can. 4. divini excitationis, & Dei excitantis.

XII. Dices primò. Omnis gratia est adjuvans. Unde August. l. 2. ad Bonif. c. 8. (scu contra duas Epist. Pelagian.) contra Pelagianos docet, nihil nos posse sine Dei adjutorio; nec voluntatem præparare, nec os aperire, nec aliud quidquam. Unde doctrina fidei est: *Gratia Dei, & adjutorium ad singulos actus datur*. De qua August. Epist. 106. modò 136. ad Paulinum Secundò. S. Thomas hic quamvis expressè de divisione gratiæ agat, hujus tamen divisionis non meminit.

XIII. Respondeo ad primum, quoddam omnis gratia est excitans, & adjuvans, sed secundum diversa. Excitans est, quatenus primam voluntatem facit; adjuvans verò, quando bonam voluntatem ad opus manuducit. Unde S. Augustinus citato l. 2. ad Bonifac. Non ait (Christus) sine me nihil potestis perficere; sed facere. Nam si perficere dixisset, possent isti (Pelagiani) dicere: non ad incipiendum bonum, quoddam nobis est, sed ad perficiendum, esse Dei adjutorium necessarium. Verùm audians & Apostolum. Dominus enim cum ait: Sine me nihil potestis facere; hoc uno verbo initium, finemque comprehendit: Apostolus verò tanquam sententia Dominica expositus, apertius utrumque distinxit, dicens: Quoniam qui in vobis opus bonum capit, perficiet usque in diem Christi Jesu.

XIV. Ad secundum dico, S. Thomam gratiæ excitantis, & adjuvantis non nemuisse; quia eam sub gratia operante, & cooperante, vel sub præveniente, & subsequente tacitè com-

pre-

prehendit. Sicut nec meminit gratiæ inspirantis, seu incipientis, & prosequentis, ac perficientis, gratiæ ducentis, & comitantis: quia gratia inspirans, incipiens, ducens, quoad effectum, idem est, ac operans, & præveniens; sicut prosequens, perficiens, comitans, cum gratia cooperante, vel subsequente convertuntur. Videndum modo est, quid sit gratia excitans, & quid adjuvans.

XV. Dico. Gratia excitans, & adjuvans non consistit in solis externis suasionibus, illustrationibus, aut similibus; sed in actuali intrinseca Dei motione: quæ si ante omnem liberæ nostræ voluntatis nos movet, ut, vel ab infidelitate ad fidem, vel à peccatis ad poenitentiam, vel ut ab otio ad actum convertamur, erit gratia excitans: si verò hominem jam excitatum movet, ut perfectius velit, quod velle incipit, erit gratia adjuvans.

XVI. Prior pars suadetur. Quia vera Dei gratia, quam Ecclesia Catholica contra Pelagium fatetur, debet afficere non intellectum solum, ei proponendo bonum; sed etiam movere voluntatem, ut bonum, vel incipiat velle, si prius nolebat, vel ut in bono prosequatur, si jam volebat: sed suaves, illustrationes, & alia similia mentem quidem pulsant, sed voluntati nihil tribuunt, & consequenter non aliud sunt, quàm lex, vel legis, ac peccati cognitio, prædicatio; ergo nil aliud dicunt, quàm gratiam Pelagianam: contra quam S. Augustinus *Epist.* 107. modò 217. ad *Vitalem*, & alibi, ferè inculcat: *Gratiam Dei non esse in lege, atque doctrinâ, sicut Pelagiana perversitas desipit.* Cui subscribit S. Prosper *cap.* 14. & 20. de *Ingratis*.

XVII. Posterior quoque pars constat. Nam si suaves, & illustrationes conjunctum habent aliquem bonum motum voluntatis; tàm illæ inspirationes, quàm ille motus voluntatis pertinent ad gratiam excitantem: quia

effectus gratiæ excitantis sunt, excitare mentem ad objecti considerationem, & piâ affectione, ac sancto desiderio inclinare ad illud voluntatem. Utrumque expressit S. Augustinus *l. de Spiritu*, & *litt.* c. 34. dicens: *Visorum suasionibus agit Deus, ut velimus, & credamus; sive extrinsecus per evangelicas exhortationes.... sive intrinsecus, ubi nemo habet in potestate, quid ei veniat in mentem: sed consentire, vel dissentire propria voluntatis est.*

Hoc autem fieri per actualem motionem, quæ simul intellectum illuminet, & faciat eum apprehendere bonum ad salutem pertinentes, & voluntatem ad illud inclinet; adeoque utramque potentiam elevant, instruat, & roboret: constare potest ex iis, quæ superius diximus, *Dub.* 2. §. 2. nu. 11. de gratia operante, & ex inferius dicendis plenius apparebit. Juxta quæ intelligi potest Concilium Tridentinum *Sess.* 6. *cap.* 5. ait, Deum per Spiritus Sancti illuminationem tangere cor hominis: & dum *Can.* 4. ait, liberum arbitrium à Deo motum, & excitatum cooperari Deo excitanti, atque vocanti. Hic enim utriusque gratiæ effectum indicat; nempe, excitantis, dum ait motum, & excitatum: & adjuvantis, dum subdit, cooperari Deo excitanti ad executionem boni operis.

DUBIUM IV.

De Gratia Sufficiente, & Efficaci.

§. I.

Quo sensu Gratia dicatur Sufficiens.

I. **C**elebris est divisio gratiæ in sufficientem, & efficacem; si ve in gratiam, quæ tantum est sufficiens, & non efficax, & in eam, quæ est efficax, & non tantum sufficiens. In hoc tamen nomine gratiæ sufficientis magna committitur æquivocatio. Quidam enim per gratiam suffi-

sufficientem, eam intelligunt, præter quam nihil aliud est ex parte Dei necessarium, ad hoc, ut homo credat, diligat, bene operetur, aut in bono perducat: & in hoc sensu eam intelligunt Molinæ discipuli. Et hoc modo definitur, quod sit: *Auxilium*, præter quod, ex parte Dei, non alio opus est homini, ut actu operetur. Unde Lessius in *Disput. Apolog. cap. 9.* ait: *Sufficiens dicitur, quod continet omnia necessaria ad opus: itaut per illud in potestate hominis sit, sine alio auxilio, opus facere. Nihil enim potest dici sufficiens ad aliquam operationem, & finem; nisi cui nihil deest, quod sit necessarium ad illum, ut patet ex terminis.* Alii vero gratiam sufficientem vocant, quæ etiam se solâ non sufficiat proximè ad actu credendum, diligendum, sed egeat gratiâ efficaci dante actu credere, diligere &c. sufficit tamen, ut per eam homo reddatur in actu primo potens credere, diligere &c. Ita D. Thomæ discipuli. Secundum quod gratia sufficiens definitur potest: *Auxilium*, quod ita tribuit posse credere; ut tamen homini alio, ex parte Dei, opus sit ad actu credendum &c. Unde si hoc non addit, poterit quidem homo credere, sed nunquam actu credet. Quod ita explicat Zumel in 1. 2. disp. 4. sect. 2. concl. 1. *Auxilium gratiæ Dei, quod appellatur sufficiens, non vocatur sufficiens ex eo, quod quasi ipsum solum sit satis ad actu habendam illam operationem, ad quam ultimò ordinatur, quasi non sit aliquid aliud necessarium, nisi quod non opponatur impedimentum.* H's præmissis

II. Dico primò. Gratia non dicitur sufficiens, ita ut, ex parte Dei, nil aliud requiratur ad actu operandum. Probatur. Tum quia: alioquin sequeretur, eos, qui haberent talem gratiam sufficientem, non debere Deum orare pro gratia ulteriori; cum supponatur, nil aliud requiri, ex parte Dei, ad actu bene operandum, præter id, quod iam dedit. Tum quia, sequeretur, vel gratiam efficacem non

esse necessariam ad bene operandum, & perseverandum in bono; cum hæc gratia sufficiens se solâ ad illa omnia absque ulteriori gratiæ ex parte Dei sufficiat; vel certè hominem posse illam gratiam sufficientem reddere efficacem sine ullo Dei ulteriori auxilio; ac proinde bene operantem, non ex gratia discerni, sed à se ipso se discernere à non bene operante; quia ipse absque ulteriori, ex parte Dei, adiutorio gratiam sufficientem reddidisset efficacem, quod alter non fecisset, contra celebre Pauli dictum 1. Cor. 4. v. 7. *Quis enim te discernit?* Quod testimonium alibi fuscè expendimus, & præcipuè Tom. 3. in 1. p. Qu. 6. de Scientiis fut. cond. Dub. 4. §. 1. & num. 3. & Q. 4. de Divin. volunt. causal. & efficac. Dub. 1. §. 2. num. 8.

III. Quapropter Bellarminus lib. 1. de Gratia, & lib. arb. c. 12. ubi cum recensisset opinionem eorum, qui existimant, in potestate hominis esse, ut gratiam faciat efficacem esse, quæ alioquin ex se non esset nisi sufficiens; ita scribit: hæc opinio aliena est omnino à sententia B. Augustini; & quantum ego existimio, à sententia etiam divinarum Scripturarum. Nam S. August. lib. de Præf. Sanct. c. 8. dicit, gratiam (efficacem videlicet) à nullo duro corde respui, quia ipsa cor emollit. Ubi vides efficaciam tribui gratiæ, non voluntari humanæ. Bellarmino subscribit Tannerus disp. 6. q. 2. dub. 3. ubi dicit, eam opinionem, quæ dicit, in potestate hominis esse, gratiam reddere efficacem, quæ alioquin ex se non esset nisi sufficiens, sibi nunquam potuisse probari.

IV. Dico secundò. Gratia sufficiens, ut distinguitur ab efficaci, est auxilium, quod dat quidem posse operari; præter illud tamen requiritur aliud ex parte Dei ad actu operandum. Ita omnes ex schola S. Thomæ, inter quos etiam Bellarminus, Tannerus supra citati. Et quidem primò probatur. Nam hoc modo rectè salvatur divisio gratiæ in sufficientem, & ef-

& efficacem, in eam, nempe, quæ solum est sufficiens, & non efficax, & in eam. quæ est efficax, & non solum sufficiens. Dari enim gratiam, quæ non solum sit sufficiens, sed efficax; nimis aperte conitat ex Scripturis; in quibus actu agere pietatis opera Deo tribuitur: *Deus est enim.* (inquit Paulus Philip. 2. v. 13.) *qui operatur in vobis & velle, & perficere pro bona voluntate.* Ezechiel. 36. v. 26. *Dabo vobis cor carneum...* & *faciam, ut in præceptis meis ambuletis, & iudicia mea custodiat, & operemini;* ubi Deus dicitur emollire cor, & facere, ut in præceptis illius ambulemus. Et Roman. 7. v. 24. victoria tentationum non abalio, quam à Dei gratia dicitur expectanda: *Quis me liberabit de corpore mortis hujus? Gratia Dei per Jesum Christum.*

V. Dari quoque gratiam dantem posse, sed non agere; ita ut ad agendum alteri gratiæ opus sit: constat ex iis Scripturæ locis, quibus ostenditur dari aliquibus gratia, quæ potuerunt bene agere, & non egerunt. *Durâ cervicæ, & incurvatis cordibus* (ait Stephanus Act. 7. v. 51.) *& auribus, vos semper Spiritui Sancto resistitis; sicut Patres vestri, ita & vos.* Proverb. 8. v. 24. *Vocavi* (inquit Deus) *& renuistis: extendi manum meam, & non fuit, qui aspiceret.* Unde Paulus 1. Cor. 6. v. 1. *Exhortamur* (inquit) *vos, ne in vacuum gratiam Dei recipiatis;* datur ergo gratia, quæ potest recipi in vacuum, idest, quæ dat posse, sed non agere: cui propterea potest resisti, & quæ in vacuum recipi potest. Hanc, quia non admisit Jansenius, ideo hæc eius propositio: *Interiori gratia in statu natura lapsa nunquam resistitur*, ab Innocentio X. proscripta fuit.

VI. Probatur quoque ex Augustino, qui fatetur primò, aliquibus dari parvam, & imperfectam voluntatem ad bonum; qui tamen aliâ perfectione, & robustiore indigent. Quare l. de Grat. & lib. arb. c. 17. ait l. p. Tom. IX.

nam caritatem (magnam, & robustam) Apostolus Petrus nondum habuit, quando timore Dominum ter negavit. Timor enim non est in caritate, sicut ait Joannes in Epistola sua, sed perfecta caritas mittit foras timorem: & tamen quomodo parva, & imperfecta non de-erat, quando dicebat Domino: Animam meam pro te ponam.

Fatetur secundò: in Epist. ad Vitalem, ubi de fide, quæ per imperfectam, & inchoatam dilectionem operatur, & propterea non dat integram mundationem, & perfectam libertatem, concedit, quòd dei posse integrè mundare, & posse perfectè sanare: *Per quam* (inquit) *seis* (Diabolus) *vos posse mundari, posse sanari, posse perfectissimè liberari* (quod eis vehementer invidet) *in æternum regnare.*

Fatetur tertio in libro de Gratia Christi: ubi observat, tria à Pelagio fuisse distincta: *Possibilitatem, voluntatem, actionem: possibilitatem scilicet, quæ potest homo esse iustus, voluntatem, quæ vult esse iustus, actionem, quæ iustus est.* Hæc autem tria, quæ ibidem exp. 4. hisce tribus nominibus: *Posse, Velle, Esse, seu Agere*, brevius expressit, admittit Augustinus: si tamen fateatur Pelagius, *possibilitatem à gratia adjuvari, ac præterea ad Velle, & Agere uberiores aliam gratiam requiri.* Ergo Augustinus admisit gratiam, quæ licet non det ipsum *Velle*, ipsum *Agere* (cùm ad actu volendum, & agendum uberiores aliam gratiam requiratur) dat tamen *posse Velle, & posse Agere.*

Fatetur tandem lib. de Corr. & grat. cap. 11. & 12. ubi duplex adiutorium distinguit: unum sine quo, alterum quo. Primum dat posse, secundum dat agere. Primum datum fuit Adamo, & ideo poterat perseverare. Secundum ei datum non fuit, & ideo non perseveravit. Unde ait cap. 12. *Primo itaque homini, qui in eo bono, quo factus fueras rectus, acceperas posse non peccare, posse non mori, posse ipsum bonum non deserere, datum est adiutorium.*

R

rium

rium perseverantia; non quo fieret, ut perseveraret, sed sine quo per liberum arbitrium perseverare non posset. Sentit ergo Augustinus, dari auxilium sine quo, dans posse, seu sufficiens; quod ad actu agendum indigeat ulteriori auxilio quo, seu efficaci dante agere. Insuper ibidem comparat adiutorium sine quo alimentis. Quia sicut sine alimentis non possumus vivere; non tamen cum adfuerint alimenta, fit, ut homo vivat, ut patet in iis, qui se necant: sic adiutorium sufficiens, sine quo non possumus bene agere, non quo fit, ut bene agamus. Recolantur dicta Tom. 3. in 1. p. Q. 6. De Scient. futur. Condit. Dub. 8. §. 3. num. 16. 17. & 18.

VII. Sanctus Thomas non minus, quam S. Augustinus, agnovit hoc auxilium dans posse, sed non agere, *Leff. 2. in cap. 3. ad Ephes.* ubi exponens verba Pauli ibidem v. 7. *Cujus factus sum minister secundum donam gratia Dei, qua data est mihi secundum operationem virtutis ejus;* dicit, duplex adiutorium datum fuisse Paulo: unum quidem, quo ei datum fuit posse, seu facultas exequendi; aliud, quo ei datum fuit agere, seu exequi: *Hujusmodi autem* (inquit) *auxilium duplex fuit: unum quidem ipsa facultas exequendi; aliud ipsa operatio actualis. Facultatem autem dat Deus, infundendo virtutem, & gratiam, per quas efficitur homo potens, & aptus ad operandum: sed ipsam operationem confert, inquantum operatur in nobis, interius movendo, & instigando ad bonum. Et ideo hoc accipiens Apostolus à Deo, dicit quantum ad primum: Dico, quod factus sum minister, sed certè non meis meritis, sed secundum donum gratia, qua data est mihi; quod scilicet idoneus efficior ad executionem divinarum mysteriorum &c. Quantum autem ad secundum dicit, secundum operationem, quam Deus efficit; inquantum virtus ejus operatur in nobis velle, & perficere. Igitur ex S. Thoma facultas operandi, seu posse agere, quod est à gra-*

tia, & quo homo fit potens, & aptus ad operandum, distinguitur ab eo, quo fit actu agens, quod est per motum, & instigationem.

VIII. Rationem distinctionis principii dantis posse à principio dante agere, etiam in spiritualibus, & supernaturalibus, sumit ab eo, quod contingit in corporalibus. *Videmus autem* (inquit 1. 2. q. 109. a. 1.) *in corporalibus, quod ad motum non solum requiritur ipsa forma, quae est principium motus, vel actionis; sed etiam requiritur motio primi moventis. Unde infert: Sic igitur actio intellectus, & cuiuscumque entis creati dependet à Deo quantum ad duo. Uno modo, inquantum ab ipso habet perfectionem, sive formam, per quam agit. Alio modo, inquantum ab ipso movetur ad agendum.* Ergo similiter in agente modo supernaturali requiritur forma, quae sit principium agendi, & motio primi agentis. Illa autem forma erit gratia sufficiens; quia per eam fit potens agere in ordine supernaturali: & motio primi agentis erit gratia efficax, quia per eam fit actu agens.

§. I I.

Ea, quae obstant, Refelluntur.

IX. **O**bjicies primò, probando, omnem gratiam actualem esse efficacem, sic. Omnis Dei motio est efficax: sed omnis gratia actualis est Dei motio; ergo omnis gratia actualis est efficax. Maj. prob. Quod est à Dei voluntate, est semper efficax; quia ut docet D. Thom. 1. p. q. 19. a. 6. necesse est, voluntatem Dei semper impleri; ergo &c.

X. Respondeo primò, negari posse, omnem gratiam sufficientem esse motionem actualem: cum, ut ex D. Th. vidimus, possit etiam esse per modum habitus dantis posse permanentem. Sed hoc omisso. Respondeo secundò, dist. probationem maj. Est semper efficax, respectu effectus, ad quem proximè ordi-

ordinatur, & quem Deus absoluta voluntate intendit, con. maj. Respectu effectus ulterioris, ad quem, vel ex se, vel ex Dei voluntate antecedente ordinatur, nego mai. Explico hoc. Gratia sufficiens, quâ Deus movet hominem, puta, ad fidem amplectendam, duos respicit effectus. Unum, ad quem proxime ordinatur, & quem Deus absoluta voluntate intendit; & hic est dare homini posse ad fidem: & hunc in primis effectum semper habet gratia sufficiens, quod per eam reddatur homo potens in actu primo credere: cui potentie semper conjunguntur actus, ut illuminationes, & excitationes intellectus ad considerandum, & proponendum ea, quæ fidei sunt; & excitatio voluntatis ad concipiendum desiderium, saltem imperfectum, & piam affectionem erga fidem: & circa hæc gratia semper est efficax. Si enim Deus interiori motione movet intellectum, eumque illuminat, & voluntatem excitat; omnino consequens est, ut intellectus moveatur, & voluntas exci- tetur: sicque, ut in intellectu surgant cogitationes, & in voluntate desideria, saltem imperfecta, de fide. Alter postea est effectus, ad quem ejusmodi excitationes ordinantur, nimirum, actu amplecti fidem, & credere: & respectu hujus gratia est tantum sufficiens, & non efficax; quia voluntate dandi gratiam sufficientem hic effectus non intenditur à Deo voluntate absoluta, & efficaci, sed solum antecedente, inefficaci, & conditionatâ. Quæ doctrina in hac materiâ maximè attendenda est: tollit enim multas æquivocationes.

XI. Obijcies secundò. Gratia, quam dicimus sufficientem, si aliâ ulteriori gratiâ indiget ad actum ponendum, solo nomine erit sufficiens: illud enim ad aliquem finem comparandum non est verè sufficiens, præter quod, ad eum finem, aliquid aliud est necessarium. Sic oculus per se non est sufficiens ad actum videndum, quia eget adjutorio lucis: sicut nec frustulum

panis est sufficiens ad exsaturandum; quia, præter illud, alia ulterior quantitas panis requiritur.

XII. Respondeo, ut aliquid dicatur, & sit verè sufficiens, non requiri, ut per se, ac sine alio sit sufficiens in omni genere; sed solum in eo genere, in quo ponitur sufficiens. Sic bonus ædificator est sufficiens ad domum ædificandam in genere causæ efficientis; quamvis in genere causæ materialis ad actu ædificandum egeat lapidibus, calce &c. Sic farina cum aqua est sufficiens ad panem inde conficiendum, in genere causæ materialis; quamvis in genere causæ efficientis necessarius sit, qui panem conficiat. Et Pictor arte peritus sufficiens est ad pingendum; quamvis ad actu pingendum indigeat pennicillo. Ita gratia sufficiens ad fidem erit verè sufficiens; quamvis ad actu credendum indigeat ulteriori gratia: quia in suo genere, & ad effectum, ad quem proxime datur, nimirum, ut hominem faciat aptum, & dispositum ad credendum, seipsa sufficit: quod autem ulterior gratia requiratur ad actu credendum, extra genus gratiæ sufficientis est, & ad genus gratiæ efficacis pertinens. Aliàs sequeretur, quod nec homo justus esset verè sufficiens, & potens merito operari; quia ad actu meritorie operandum indiget ulteriori gratia speciali. Ad id, quod dicitur de luce, dico, quod vel lux non requiritur ad complendam potentiam visivam in ratione potentie, sed solum ad manifestandum obiectum, & ad actu videndum; & sic oculus sanus est verè potens, ac sufficiens, etsi in alio genere indigeat luce: & sic exemplum facit pro nobis. Vel lux requiritur ad complendam potentiam visivam: & sic exemplum non est ad rem. Frustulum autem panis non est sufficiens ad exsaturandum; quia, nisi adjungatur materia, non est verè potens. Unde exemplum debet poni hoc modo: sicut magnus panis, etsi, ut actu exsaturet, indigeat, ut à comedente

R a suma-

sumatur; adhuc tamen seipso sufficiens est ad exaltandum: ita gratia fidei, etsi ad actum credendum indigeat gratia efficaci, erit tamen sufficiens ad credendum.

XIII. Quodd si dicas. Quomodo gratia sufficiens dat posse proximum, & expeditum, si non potest exire in actum, nisi mediante alio, nempe, gratia efficaci, quam homo non habet in sua potestate?

XIV. Respondeo, optimè salvari, quodd gratia sufficiens det posse proximum, & expeditum in ratione potentiae: quia licet, ut exeat in actum, requirat gratiam efficacem; hanc tamen requirit, non ut det, vel compleat potentiam, sed ut potentiam conjungat cum actu. Neque hoc est novum: nam plus requiritur ad operari, quam ad posse operari. Sic Pictor per artem est potens absolute pingere; nunquam tamen pinget sine penicillo; & homo per suas potentias operativas est potens operari; nunquam tamen operabitur, nisi Deus eas ad actum moveat. Eadem ergo ratione, per gratiam sufficientem, quae habet rationem potentiae, homo fit potens converti, & bene operari; nunquam tamen convertetur, aut bene operabitur, nisi Deo, per gratiam efficacem, ipsum ad actum movente; quam esse in sui potestate non habeat, de ea tamen sibi adfuturâ in misericordia Dei confidere debet; nisi per negligentiam, aut aliam suam culpam ipse non obstat.

XV. Hunc loquendi modum Tridentina Synodus nos docet; cum ait, nemini Justo impossibilia esse divina mandata: *Nemo* (inquit Sess. 6. cap. 11.) *temerariâ illâ, & à Patribus sub anathemate prohibisâ voce uti (debet) Dei praecepta homini justificato ad observandum esse impossibilia*; ergo. nec preceptum perseverandi finaliter est homini justificato impossibile. Atqui eadem Synodus docet eandem *Sess. cap. 13. & Can. 16.* singulare donum perseverantiae, ad actum perseverandum requi-

situm, non omnibus Justis dari; & hoc non in hominis, sed in solius Dei potestate esse; ergo jam Concilium supponit, esse in omnibus Justis potentiam ad actum perseverandum, quamvis non omnibus addit auxilium efficace, quod ad actum perseverandum ex parte Dei requiritur.

Indò hoc ipsum fateri debent Medietæ. Nam & ipsi contendunt, omnes habere gratiam, quâ possint servare divina mandata, & perseverare: cum tamen dicant, gratiam congruam, seu gratiam in iis circumstantiis, in quibus per scientiam mediam prævisi sunt consensuri, & quæ ad actum observandum divina praecepta, & actum perseverandum requiritur, non omnibus dari.

XVI. Obijcies tertio. Gratia sufficiens dat ad summum parvam, & imperfectam voluntatem, & inchoatum desiderium superandi, puta, tentationes; sed hoc non efficit, ut quis possit eas superare; ergo &c. Min. probat. ex Augustino *lib. de Grat. & lib. arb. cap. 17.* dicente: *Qui ergo vult facere Dei mandatum, & non potest; jam quidem habet voluntatem bonam, sed adhuc parvam, & invalidam.* Et addit, cum tantum posse servare mandatum, qui magnam, & robustam voluntatem, quæ per solam gratiam efficacem datur, habuerit: *Poterit autem* (inquit) *cum magnam habuerit, & robustam.* Quod confirmat Petri exemplo, quem dicit errasse: cum per parvam illam, & invalidam voluntatem existimavit, se posse pro Christo mori: *Est tamen* (inquit) *quavis parva, & imperfecta, non deorat, quando dicebat Domino, animam meam pro te ponam: putabat enim se posse, quod se velle sentiebat.*

XVII. Qualis fuerit S. Augustini mens, circa gratiam sufficientem, ostensum est §. precedente. Nunc ergo respondeo, S. Augustinum citatum solum velle, parvam, & imperfectam voluntatem non dare posse, quod nullo alio indigeat, ut cum actu conjungatur;

tur; non tamen velle, quòd nullum omnino det posse. Uno verbo: negat, gratiam sufficientem per seipsam dare posse, potentiâ consequente; non verò negat dare posse, potentiâ antecedente. Quòd si in aliquibus locis solam gratiam efficacem, gratiam Christi vocare videatur; hoc non est, quia putet, gratiam sufficientem veram per Christum gratiam non esse; sed, vel quia inter gratias actuales gratia efficax, utpote dans actu agere, principem locum tenet; ideo eam Gratiam Christi, quasi per antonomasiam, nuncupat. Vel quia gratia efficax erat illa, de qua inter eundem Augustinum, & Pelagianos, ac Semipelagianos præcipua erat controversia. Quare l. de Gratia Christi c. 10. Sed nos (inquit) eam gratiam volumus, iste (Pelagius) aliquando fateatur, quòd futura gloria magnitudo, non solum promittitur, verum etiam creditur, & speratur; nec solum revelatur sapientia, verum etiam & amatur; nec suadet solum omne, quòd bonum est, verum & persuadetur.

XVIII. Obijcies quartò, gratiam sufficientem distinctam ab efficaci esse inutilem, imò noxiam, & perniciosam. Inutilem, quia nullum habet, nec unquam habuit effectum. Noxiam, quia hominem facit magis reum, quàm si non adesset.

XIX. Sed hos, ac similes Jansenistarum cavillos attulimus, & dissolvimus Tom. 3. in 1. p. Q. 4. de Divin. Volunt. & efficac. Dub. 2. §. 3. à num. 55. usque ad 69. quòd Studiosum remitto. Modò dico, gratiam sufficientem, etsi per seipsam non perducatur hominem ad actum, puta, conversionis; excitat tamen, ut diximus, illuminationes in intellectu, & pia desideria in voluntate, quæ sunt dispositiones ad actum conversionis. Quare sicut inutiles non sunt dispositiones, licet per seipsas non conjungantur cum forma, imò nec semper actu conjungantur: ita nec gratia sufficiens erit inutilis, quamvis per seipsam, nec semper cum forma, nempe, cum gra-

tia efficaci, ad quam tendit, actu conjungatur.

Multò minùs erit noxia; sed potiùs homo facit eam sibi noxiam, si adjutus gratiâ sufficiente, majori cupiditate peccet. At, cæteris paribus, minor est cupiditas in eo, qui adjutus gratiâ sufficiente peccat; quàm in eo, qui eadem destitutus peccat. Nam iste, nullo amore justitiæ tenetur: ille è contra eam imperfectè saltem desiderat. Addo: quòd si hæc instantia valeret, dici etiam posset, legem esse noxiam, & perniciosam; quia qui sub lege peccat, gravior, quia majori cognitione, peccat; quod tamen nemo, etsi rigidus Jansenista, dixerit. Meritò igitur S. Inquisit. Decreto 7. Decembris anni 1690. sub Alexandro VIII. confixa fuit hæc propositio, ordine 6. Gratia sufficiens statui nostro non tam utilis, quàm perniciosa est; sic ut meritò possumus petere: à Gratia sufficiente libera nos Domine.

XX. Concludo. Quòd si quærat: Cur voluntas adjuncta auxilio sufficiente non exequitur bonum opus, ad quod per illud auxilium moveatur, & per quod accepit potentiam illud exequendi? Respondendum est, id oriri ab ipsamet voluntate; quæ licet bonum opus exequi possit, ipsum tamen plenà, ac integrà voluntate non vult executioni mandare — Si autem rursus quærat: Quare non velit? Non est respondendum, id contingere, quia gratiâ efficaci careat. Sicut si quærat: cur infirmus non ambulet? Non est dicendum, quia à Medico curatus non sit. Sed planè respondendum est, voluntatem adjunctam solà gratiâ sufficiente, ideo nolle bonum opus exequi, quia iniqua est: ideo autem est iniqua, quia res temporales magis, quàm spirituales amat, & amare vult.

Supereffet hic tractanda quasiò hæc temporibus celebris: An scilicet gratia sufficiens detur omnibus, non solum iustis, sed peccatoribus, obstinatis, infidelibus, adultis, & etiam parvulis. Sed ab ea absteinea, cum pro digni-

dignitate agitata fuerit *Tom. 3. in 1. p. Q. 2. de Volunt. Dei: An Christus mortuus sit pro omnibus, integro Dub. 3. Quare illuc Studiosum mitto.*

DUBIUM V.

Unde Gratia suam habeat Efficaciam.

§. I.

Aligua Pramittuntur.

I. **Q**UÆSTIO hæc, quæ scholas implevit, à nobis tractata est tum *Tomo 3. in 1. p. Q. 6. de Scientia fut. cond. Dub. 3. ubi rejecta fuit scientia media. Tum Qu. 4. de Divin. Volunt. efficac. & causalit. Dub. 1. & 2. sub nomine divini decreti: ubi statumimus, decreta Dei non esse ex se indifferentia, sed efficacia, ab intrinseco, nec lædere arbitrii creati libertatem. Et hoc ex Scripturis, Patribus, præsertim S. Augustino, & Thoma, & tandem ex ratione. Tum etiam Tom. 1. in 1. 2. Qu. 2. de Voluntario libero Dub. 5. ubi §. 2. ostensum est, non esse contra naturam, imò conforme, & consentaneum naturæ voluntarii liberi creati, quodd, ut agat, physice præmoveatur à Deo. Quapropter ne inutiliter eadem repetantur, sobrie hic sub nomine Gratiae quæstio tractabitur.*

II. Controversia hæc inter Nostros, & Patres Societatis primò agitari in Belgio, & in Hispaniis cepit: deinde Romam traducta fuit. Ejus ortum, & progressum descripsimus citato *Tomo 3. in 1. p. Q. 6. de Scient. futur. Cond. Dub. 3. §. 1.*

Docebant ergo PP. Societatis, prævenire Molina, primò: gratiam efficacem nihil ex parte Dei, seu ex parte sui includere, quod alia gratia, quæ inefficax, & sufficiens dicitur, non includat. Unde gratiam in eodem homine eodem modo affecto, modò esse efficacem, modò inefficacem: efficacem, quodd voluntas humana ei con-

sentiatur; inefficacem, quodd eadem pro arbitrio dissentiat: itaut usus gratiæ à libero arbitrio sit, adjuto tamen concursu simultaneo, qui ordinis sit supernaturalis; qui tamen ab ipsa actione creatæ voluntatis sit indistinctus.

Docebant secundò: Deum per gratiam prævenientem non movere physice voluntatem creatam ad bonum operandum, sed moraliter tantum, hoc est, ad instar suadentis, & adhortantis: Deumque propterea non agere physice in voluntate, sed cum voluntate per gratiam cooperantem agere in effectum: ita ut substantia operis homini tribui debeat, etiam quoad speciem virtutis, cuius est actus, putata, fidei &c. modus verò, nempe, supernaturalitas Deo attribuat. Ea ferè ratione, quâ is, qui navem cum alio trahit, physice non agit in socium; sed tantum in effectum socii, scilicet, navis tractionem, & quidem partialiter.

Docebant tertio: Deum non magis determinare ad bonum usum gratiæ prævenientis, urgente tentatione, quàm ad malum usum. De quo videri potest Molina in *Concordia q. 14. disput. 36.*

III. Verum, ut ab invidiæ suspitione, quam in aliquorum animos ingesserat, hoc Siste'ma liberarent; illud temperare conati sunt, exco-gitando gratiam, quam vocant congruam. Ea autem gratiæ congruitas in eo posita est, quodd Deus cum in illis circumstantiis largiatur; in quibus per scientiam mediam prævidet, humanam voluntatem ei suum concursum præbituram. Deus ergo, secundum Congruistam, ut gratiam, quæ effectum habeat, largiatur, attendit ad dispositiones, seu ad affectus, in quibus futura est voluntas in his, aut illis occasionibus. Dicunt enim, in æconomia gratiæ suæ Deum eodem modo se gerere, quo quis, dum à Rege quidquam obtinere proponit, expectat tempus, & circumstantias, in quibus prævidet, Regem plerumque benevo-

nevelo, ac liberali esse animo. Et si-
cut sapiens, ac prudens Medicus, ut
applicet remedium, attendit circum-
stantias loci, temporis, status, & dis-
positionis, in quibus est æger: sic
etiam Deus in conferendâ suâ medi-
cinali gratiâ, attendit circumstantias
loci, temporis, ac naturalis disposi-
tionis; in quibus prævidet, suam cœle-
stem medicinam habituram esse effe-
ctum, ad quem spiritualiter ægroto
confertur.

IV. Hinc ajunt, hominem, qui be-
nè operatur, ab alio non benè ope-
rante, se non discernere. Qui enim,
puta, credit, ab ipso Deo discernitur,
qui dedit ei gratiam, posuitque eum
in illis circumstantiis, in quibus præ-
viderat, sic affectum fore ejus volunta-
tem, ut gratiæ consentiret; cùm è
contra bonum non operanti eam de-
derit in circumstantiis, in quibus præ-
viderat, eum non consensurum. Hinc
etiam ajunt, homines dum Deum o-
rant, non petere à Deo, ut illis det
gratiam; hanc enim, instante præce-
pto, cuique adesse volunt: sed, ut det
eam in illis circumstantis, in qui-
bus ab æterno prævidit, consecutu-
ram esse effectum, si eam dederit. Tan-
dem prædestinationis gratiæ ad glo-
riam executionem repeti volunt ex
iis circumstantiis, in quibus ab æter-
no prævidit, voluntatem gratiæ suæ
consensum finaliter præbituram. Ex
quibus omnibus patet, in sententia
Patrum Societatis, gratiam, ut à Deo
est, & ex sua natura, esse indifferen-
tem; & efficaciam habere solum ab
extrinseco, nimirum ab eventu, & à
circumstantiis.

V. Lutherus autem ita gratiam suâ
naturâ efficacem posuit, ut liberum
arbitrium hominis prorsus extinguat;
imò sub ea nihil agat, sed tanquam
inanime instrumentum, ab ea agatur.
Cui adhæsit ex parte Calvinus, qui
ait, gratiam suâ efficacî ita agere
in voluntatem, sicut fessor agit in-
equum, inducens necessitatem absque
ulla indifferentiâ. A' Calvino parum,

vel nihil in hoc recedunt Bajus, &
Janfenius, qui sub gratiæ efficacia fa-
tentur consistere solam libertatem à
coactione, non à necessitate, contra
hos egimus *Tom. 1. in 1. 2. Q. 2. de
Volunt. lib. Dub. 1. & 2.*

VI. At veri SS. Augustini, & Tho-
mæ discipuli ita statuunt gratiam ab
intrinseco efficacem ut suâ efficacî
non destruat, sed faciat potiùs, &
foveat humanam libertatem.

§. I I.

*Gratiam non esse Efficacem solum
ab Extrinseco.*

VII. **D**ico primò. Gratia non est
efficax præcisè ab eventu,
seu à consensu voluntatis creatæ. Pro-
bationes hujus Assertionis repetet Stu-
diosus ex iis, quæ docuimus *Tom. 3.
in 1. p. Qu. 6. de Scient. fut. cond.
Dubii 4. 5. 6. & 7.* ubi fundamenta
pro ea asserenda jecimus ex Scriptura,
Augustino, Thoma, rationibus, in-
convenientibus, quæ ex opposita sen-
tentia sequi videntur; & simul ejus-
dem fundamenta non subsistere, de-
monstravimus.

VIII. Nunc solum aliqua inconve-
nientia, quæ ex opposita opinione vi-
dentur sequi, oculis Lectoris iterum
subjiciemus. Et quidem primò. Vide-
tur sequi, inutiles esse orationes
Eclesiæ. Quid enim peteret? Gratiam
prævenientem? At quid peteret,
quod certò scit, sibi semper adesse,
etiam cum gravis urget tentatio? Pe-
teret concursum simultaneum? At hunc
etiam certò scit, sibi semper adesse;
eoque pro arbitrio uti posse, aut non
uti, sicut pro arbitrio utitur luce
ad videndum, vel non utitur? Pe-
teret consensum? At quid peteret, quod
sciret, in nostra positum potestate, si
volumus: *Nam quid stultius* (ait Au-
gust. l. de Nat. & grat. c. 18.) *quàm
orare, ut facias, quod in potestate ha-
beas?* Posset ergo petenti respondere
Deus. Quid à me petis? Gratiam.
præ-

prævenientem, & concurrunt meum simultaneum semper habes: consensum verò, non in mea, sed in tui solius positu habes potestate.

IX. Sequi videtur secundò: nec debere hominem pro obtenta victoriâ tentationis gratias agere Deo. Estò enim non finis gratiâ præveniente, & concomitante victoriâ reportaverit; vicit tamen, non quia habuit gratiam, hanc enim habuit ille etiam, qui succumbuit; sed quia suo arbitrio bene usus est gratiâ, quâ poterat male uti. Sicut victoriâ non ei tribuitur, qui dedit gladium, sed ei, qui bene usus est gladio, & hostem occidit: *Profus enim* (ait Aug. Epist. 107. num. 217. ad Vitalem c. 2.) *non gratias Deo agimus, sed nos agere fingimus: si unde illi gratias agimus, ipsum facere non putamus.*

X. Sequi videtur tertio: Deo tribui, quod minus est, homini vero, quod majus est. Id enim, quod in bono opere principem locum tenet, est velle bonum; quod verò minus præcipuum est, est posse illud velle: atqui sententia, contra quam agimus, dat Deo solum posse velle bonum, homini verò dat velle, & operari bonum. Nec dicas, velle bonum etiam tribui Deo, qui dedit nobis voluntatem, & vires, quibus possemus velle bonum. Nam contra. Vires, ut à Deo sunt, indifferentes sunt ad volendum bonum, & malum: quòd autem velint, & operentur potius bonum, quàm malum, habent à nobis; ergo habent à Deo, quod minus bonum est, à nobis autem, quod majus bonum est. Et insuper: si, quia dedit Deus posse velle bonum, satis est, ut bonum velle, Deo tribuatur; tribui quoque ei debet ipsum velle malum: quia dedit voluntatem, quæ etiam potest operari malum, illamque concursu simultaneo adjuvat, etiam diu operatur malum. At quia respondere possunt, Deum non solum dare voluntatem, & posse bonum velle; sed etiam eam ponere in circumstantiis, in quibus

operatura est bonum, extra quas bonum non operaretur; & ideo velle bonum specialiter illi attribui: ideo

XI. Dico secundò. Efficacia gratiæ non debet reperti ex attemperazione gratiæ cum humana voluntate, quæ subest scientiæ mediæ. Probata manet ex dictis *Tom. 3. in 1. p. Q. 6. de scient. condit. Dub. 4. §. 1. nu. 9. & 10.* Stando tamen in superius dictis, dico, hanc modificationem, seu attemperationem gratiæ non evadere inconvenientiam aliam. Nam si Deus, ut suam gratiam reddat efficacem, attendit ad mores, genium, affectus, & dispositiones naturales hominis, cui gratiam confert;

XII. Sequitur primò: homini, in quo gratia est efficax, gratiæ efficaciam tribuere, ac esse primam causam discretionis sui à non reddente eam efficacem, nec operante bonum. Prima enim causa, quâ gratiæ consentit, & ab alio discernitur, est, quia bonæ indolis est, bene educatus, bene naturaliter affectus. Se habet enim, sicut se habet ægrotus, cui à perito Medico pharmacum attemperatum suæ complexionis, & in debitis circumstantiis porrigitur: at ratio, cur illi in circumstantiis pharmacum sic attemperatum proficit, petitur ab ægroti complexionem, quâ se discernit ab alio ægrotò diversæ complexionis, cui si idem pharmacum daretur, maxime obesset; ergo pariter ratio, cur gratia congrua proficit, ultimò refunditur in indolem bonam, genium, & naturalem complexionem hominis, cui confertur, & per hæc se discernit ab eo, cui aliter affecto, si eadem gratia daretur, efficax non esset, quia ei non consentiret.

XIII. Sequitur secundò: orationes Fidelium fore inutiles. Quid enim peterent? Ut Deus daret illis gratiam efficacem? At hoc ex eorum bona indole, & genio gratia habet, non à Deo. Quid etiam pro ea obtenta Deo gratias agerent, si hoc non à Deo esset, sed ex eorum bonâ indole? —

At

At inquires, orarent Deum, ut daret gratiam attemperatam, & in illis circumstantiis, in quibus prævidit, eam fore efficacem; & pro ea sic obtentâ gratias agerent. — At estd. Nimirum, oraret Fidelis Deum, ut daret gratiam sibi congruam, & pro ea obtentâ gratias ageret; eo modo, quo quis rogaret amicum, ut sibi daret enssem congruum, & in circumstantia, quâ hostem certò vinceret: at si illo ense hostem vincat: cui tribuenda est victoria? Illi, qui enssem dedit, quem si dedisset alteri, succubisset; an sibi, ejusque arri in bene utendo gladio? Ita dicas de eo, qui gratiâ congruâ benè utitur.

XIV. Deinde ponamus hominem in extremovitæ periculo gravi tentatione vexatum: iste quid tunc à Deo peret? Gratiam in genere? At istam Deum omnibus dare, quoties instat præceptum, Adversarii concedunt. Gratiam congruam? Nequaquam. Aut enim naturalis dispositio, in qua versatur, est attemperata gratiæ; aut non est attemperata. Si primum: non oportet, ut oret, sibi dari gratiam congruam; quamcumque enim Deus concesserit, erit congrua. Si secundum: gratia, quæ à Deo dabitur, non erit congrua; ac proinde frustra in eo articulo positus gratiam congruam postulabit. Gratiam certè congruam non postulat Ecclesia; cum in suis precibus à Deo petit, ut det bonum consensum; & ut ad se rebelles compellat ire voluntates. Hinc

XV. Probo directè Assertionem. Supponit adversa opinio, Deum in sua gratiæ dispensatione attendere ad mores, genium, affectus dispositionem naturalem hominis, cui gratiam conferat: hoc autem esse falsum, evinco. Primò; quia Deus gratiam suam largitur sæpius in iis circumstantiis, in quibus illi, quibus eam confert, interioribus, & exterioribus maxime sunt à Deo averfi, ut contigit in Paulo; de quo Augustinus lib. de Prædest. Sanctorum cap. 1. hæc habet: *Aversus quippe à*
Tom. IX.

fide, quam vastabat, eique vehementer aversus, repente est ad illam gratiâ potentiorē conversus, convertente illo, cui hoc ipsum facturo per Prophetam dictum est: Tu convertens vivificabis nos; ut non solum ex nolente feret volens credere: verum etiam ex persecutore, persecutionem in ejus fidei, quam per sequebatur, defensione pateretur. Et sanè quid congruum suscipiendæ fidei invenit gratia Christi in Paulo tunc; cum spirans minatur, & cadit in discipulos Domini, acceptis à Principe Sacerdotum litteris, ibat Damascus, ut, si quos invenisset hujus via viros, ac mulieres, vinculos produceret in Jerusalem? (Actorum 9. vers. primo, & secundo.)

XVI. Secundò: congruitatem, & circumstantias ad suscipiendam gratiam Deum suâ gratiâ facere, non supponere, docet idem August. Homil. 23. inter quinquaginta, his verbis: *Adulter non fuisti in illa vitâ tuâ præteritâ, plenâ ignorantia, nondum illuminatur, nondum bonum, malumque discernens, nondum credens in eum, qui te nescientem regebat. Hoc tibi dicit Deus. Tunc regebam te mihi, servabam te mihi. Ut, aut adulterium committeres, suavor defuit: ut suavor deesset, ego feci. Locus, & tempus defuit: ut hac deessent, ego feci. Adfuit suavor, non defuit locus, non defuit tempus: ut non consentiret, ego feci. Agnosce ergo gratiam ejus, cui debes, & quod non admisisti. Mihi debet iste, quod factum est, & dimissum vidisti: mihi debes & tu, quod non admisisti. Nulum est enim peccatum, quod fecit homo, quod non possit facere alter homo, si desit Redor, à quo factus est homo. Quibus dispositiones, & circumstantias à peccato retrahentes Deum facere, non supponere, ac expectare, ut suum effectum producat, docet Augustinus.*

XVII. Tertio: Deum facere, non expectare bonas circumstantias, docet Sanctus Prosper Caesariensis de Ingratis cap. 16.

At verò omnipotens hominem cum gratia salvat,

Ipsa suum consummat opus : cui tempus agendi

Semper adest, quæ gesta velit : non moribus illi

Fuit mora, non causis anceps suspenditur ullis.

Cui concordat Concilium Arausicum II. quod *Can. 4.* ait : *Si quis, ut à peccato purgemur, voluntatem nostram Deum expectare contendit, resistit ipsi Spiritui Sancto.* Expectaret autem voluntatem nostram Deus, si, ut suam gratiam redderet efficacem, attenderet ad naturalem nostram dispositionem : ex quo etiam fieret, ut gratiæ efficacia, & effectus initium sumeret à nobis ; quod in Semipelagianis Ecclesia Catholica semper reprehendit. Fieret quoque, ut Deus non posset hominem suâ gratiâ ad se liberè convertere, quando, ubi, & quomodo sibi placuerit, contra illud celebre Augustini dictum in *Enchirid. c. 97. Quis porro tam impiè desipiat, ut dicat, Deum malas hominum voluntates, quas voluerit, quando voluerit, ubi voluerit, in bonum non posse convertere ?*

XVIII. In favorem gratiæ congruæ objici solent quædam S. Augustini loca, ex *l. 1. ad Simplicianum q. 2.* ubi inter multa dicit : *Nullius Deus frustra miseretur ; cujus autem miseretur, sic eum vocat, quomodo scit ei congruere, ut vocantem non respuat.*

XIX. Sed ad hoc respondimus citato *Tomo 3. in 1. p. Qu. 6. de Scient. fut. condit. Dub. 3. §. 3. num. 32.* S. Doctorem ibi loqui de congruitate, non præsuppositâ, sed factâ per gratiam. Videantur ibi dicta. Aliter etiam responderi potest, S. Augustinum non loqui de vocatione interna, quæ per internam inspirationem fit ; sed de vocatione externa, per signa, quæ sunt motiva credibilitatis. Unde ibidem ea enumerans, dicit : nonnullos aliquibus tantùm verbis auditis in Christum credidisse, ut Nathanaelem : aliquos visis miraculis, ut

Discipulos, qui viso miraculo in Naptiis Canæ in Christum crediderunt : alios è contra, nec visis miraculis, nec mortuis fuscitatis credidisse : visis cicatricibus in Christi Corpore unum credidisse ex discipulis : & tandem multos, qui à Christi miraculis nihil permoti fuerunt, miraculis per discipulos patratiss ad fidem adductos fuisse. Certum autem est, quodd nec verba, nec miracula, nec mortuorum fuscitatio, nec cicatrices, aliæque signa, quæ tanquam credibilitatis motiva, non aliud sunt, quàm vocatio tantùm externa, quâ per signa exteriora vocare exterius solet, secundùm quodd scit, unumquemque esse affectum : quæ licet sint veluti semen, cui in iis, quibus sibi placet, Deus postea incrementum confert per interioris gratiæ subministrationem ; ipsamet tamen gratia non sunt, per quam fit, ut sit homo bona voluntatis, cum prius fuerit voluntatis mala, ut ait Augustinus lib. de *Grat. & lib. arb. c. 15.* Reliqua, quæ pro gratia congrua asferri solent, videri possunt soluta citatis *Tomo 3. Q. 6. Dub. 4. §. 6. & 7.*

XX. Dico tertio. Gratia dicitur efficax per se, & ab intrinseco. Assertionem hanc ex Scripturis, Augustino, S. Thoma, & ratione abundè statuimus sæpiùs citato *Tomo 3. Qu. 4. de Divin. Volunt. causal. & effect. Dub. 1.* integro ; eamque optimè cum libertate creata coherere ostendimus, maxime ex D. Thoma *Quæst. citata Dub. 2.* Quibus (solum mutato nomine decreti efficacis in nomen gratiæ efficacis) omnia haberi possunt, quæ ad eam statuendam, & ab impugnationibus vindicandam sufficere possunt.

XXI. Hoc facile Candidatus meus assequetur, si præ oculis semper habuerit, liberum arbitrium hominis in hoc naturæ corruptæ statu esse attenuatum ad bonum, & curvatum ad sensibilia : & quamvis per gratiam iustificantem sanetur quantum ad mentem ; eget tamen gratiâ actuali, quâ efficaciter sanetur quantum ad carnem rebel-

rebellem; quā erigatur ad bonum rationis, & offendicula carnis tollantur. Sicut ergo, qui hominem juvaret ad motum, faciendo, ut se moveret, tollendo, vel detinendo omnia impedientia motum, non læderet ejus libertatem ad motum, sed juvaret, & faceret: ita gratia efficax, quæ hoc idem facit, non lædit, sed facit libertatem. Audiatur S. Augustinus lib. de Spirit. & litt. cap. 30. *Liberum, ergo arbitrium evacuumus per gratiam? Absit: sed magis liberum arbitrium statuimus. Sicut enim lex per fidem, sic liberum arbitrium per gratiam non evacuetur, sed statuitur. Neque enim lex impletur, nisi libero arbitrio: sed per legem cognitio peccati & per fidem, impletur gratia contra peccatum; per gratiam sanatio anima à vitio peccati; per animam sanitatem libertas arbitrii &c.*

XXII. Nec dicas, S. August. lib. 3. *Hypognosticon* cap. 11. dicere, quod gratia comparatur ad voluntatem, sive ad liberum arbitrium, sicut fessor ad equum. Quo exemplo abutitur Calvinus, ut ostendat voluntatem à gratia necessitari.

Nam primò dico, libros illos non esse Augustini, et si ejus nomen præferant; cum nec Augustini phrasim habeant, nec à Possidio, Beda, aut ullo ex Veteribus Augustino tribuantur. — Adhuc tamen dico, quod gratia ibi comparatur ad liberum arbitrium, sicut fessor ad equum; ut ostendatur, quod sicut fessor ad equum se habet ut movens, equus ut motus, equus sequitur ductum fessoris, non fessor ductum equi: ita gratia movet liberum arbitrium, & hoc sequitur motum, & ductum gratiæ: *Pedisequā, non præviā voluntate*, ut ait August. *Epist.* 104. modò 185. c. 3. Cæterum fessor movet equum necessariò, quia equus incapax est libertatis. Deus per gratiam movet hominem liberè, quia libertatis capax est: agit enim in unoquoque secundum ejus proprietatem, ut ex D. Thoma sapius repetitum est. Videri etiam possunt

ea, quæ dicta sunt *Tom. 1. in 1. 2. Qu. 2. de Volunt. libro.* Dub. 5. ubi statuimus, non esse contra naturam, imò conforme naturæ voluntarii liberi, ut physicè, & efficaciter moveatur à Deo. Quod superest explicandum, est

§. III.

Examinatur Nova quadam opinio de Equilibrio Virium ad Libertatem Indifferentiam necessario.

XXIII. **P**rodiit hæc doctrina ex libro quodam Gallico, quæ ad duas propositiones à suis Auctoribus reducitur. Prima est: *Ut liberè fiat supernaturalis actio, dum tentatio violenta opponitur: necesse est, habere potentiam completam resistendi, vimque aequalem, aut proportionatam violentia tentationis.* Altera est: *Ut quis sit liber à peccato, necesse est, habere potentiam completam gratiam rejiciendi, viresque aequales, aut proportionatas virtuti attractivæ gratiæ.* Quas propositiones clarids explicatas invenio in *Respons. ad notor. 12. Art. Parisienses*, editis Mechliniæ anno 1726. ad art. 4. ubi sic dicitur: *Distinguius Catholicæ inter propensionem, seu facilitatem, & inter vires. Vires significant potestatem simpliciter sufficientem ad bonum, & malum. Ha potestates debent esse aequales, idest, tam debet voluntas habere potestatem simpliciter sufficientem resistendi gratia, quàm habere potestatem simpliciter sufficientem resistendi tentationi. Hoc scilicet est, quod Apostolus docet 1. Cor. 10. Fidelis Deus est, qui non patietur vos tentari supra id, quod potestis. Si nunquam tentatio concupiscentiæ est supra id, quod possumus: ergo adest semper potestas par resistendi. Atque hoc est, quod Catholicæ appellant æquilibrium virium, idest, vires utrinque resistendo pares: vel aliis terminis, potestatem physicam ad utrumque simpliciter sufficientem. Itaque secundum hoc æquilibrium, ut sit potestas com-*

S 1

pleta,

pleta, & sufficiens resistendi tentationi gravi ut decem, debent esse vires gratiæ victricis ut decem : & ut sit potestas resistendi gratiæ victrici ut decem, debent vires concupiscentiæ augeri ut decem. Et, quod mirum est, de hac doctrinâ ejus Auctores adeo instantur; ut existiment, nullum verè Catholicum eam reprobare posse, sed omnem ad eam amplectendam teneri; nec aliter Apostoli dictum superius allatum, aut doctrinam Tridentini, *Sess. 6. Can. 4.* definiientis: *Liberum arbitrium à Deo motum, & excitatum.... posse dissentire, si velit*, aut Apostolicæ Sedis Definitiones, absque errore explicari posse.

XXIV. Dico. Hoc æquilibrium virium, quo quis possit resistere, sive tentationi ingruenti, sive gratiæ attrahenti, quod fingitur necessarium ad libertatem, non est admittendum.

Probo primò. Hujusmodi æquilibrium, quod asseritur necessarium ad libertatem, prorsus fuit incognitum; vel si cognitum, nunquam adhibitum à Conciliis, & Patribus, qui pro libertate statuenda dimicaverunt. Nec Augustinus ipse, cum à Missiliensibus (teste Prospero, & Hilario in suis litteris ad eundem datis) ejus doctrina, tanquam eversiva libertatis traduceretur; in libris de Prædest. SS. & de bono perseverantiæ, quos edidit in sui defensionem, nullam hujus æquilibrii mentionem fecit. Imo in gratiæ defensione persistens, l. de Prædest. SS. c. 6. *Alii* (inquit) *credunt, alii contradicunt: sed enim aliis præparetur voluntas à Domino, discernendum est utique, quid veniat de misericordia ejus, quid de judicio. Quasi diceret: Quòd aliqui credant, alii contradicant, non ex eorum voluntate, quæ in æquilibrio virium posita se determinat ad credendum, vel contradicendum, procedit: sed ex misericordia Dei, quâ aliquibus præparavit voluntatem ad credendum, aliis ex judicio non præparavit. Alioquin victoria tentationis, si æqua-*

les pro utraque parte starent vires; non ex vi gratiæ, sed ex nostrâ voluntate penderet; quia hæc, non gratia, lancem utrimque parem in unam potius partem inclinaret, quàm aliam. Quemadmodum si posita lancum æquali utrimque pondere, vel nunquam in unam potius partem inclinaret, si utrimque idem pondus semper maneret; vel si ad unam potius partem inclinaret, hoc ab eo esset, qui pondus ex ea parte addidisset. Vel ergo, stante in voluntate æquilibrio virium, nihil ei additur, quò magis in unam partem ponderet, quàm in aliam; & sic, quemadmodum lancum, manebit suspensa: aut aliquid additur, quò determinatè liberè propendat: hoc autem, vel additur à Deo per gratiam victricem; vel ab ipsamet voluntatè creatâ suâ determinatione. Si à Deo determinante, & inclinante lancem liberi arbitrii, & adhuc liberè: quid prodest libertati hoc æquilibrium? Si à determinatione voluntatis creatæ; ergo isti, non Deo tribuetur victoria: quia ista erit, quæ pugnavit, & vires concupiscentiæ rationi subegit. Sed hoc negat Augustinus l. 1. *Quæst. ad Simplicianum c. 1.* dicens: *Spiritus Dei est, qui pugnat in te adversus te, & adversus illud, quod est in te*, imò est contra Paulum 1. Cor. 15. v. 57. qui ait: *Deo autem gratias, qui dedit nobis victoriam per Dominum nostrum Jesum Christum*.

XXV. Noverat tamen hujusmodi æquilibrium S. Augustinus, sed illud noverat, tanquam à Pelagio assertum. Unde Ep. 186. aliàs 106. ad Paulinum c. 10. scribit: *Aliquando enim ita paribus momentis potestatem voluntatis aquâ lanceæ perpendit; ut quantum ad peccandum, tantum etiam ad non peccandum valere, definiat Pelagius. Quod si ita est: nullus locus adjutorie gratiæ reservatur, sine quâ nos dicimus, ad non peccandum nihil voluntatis arbitrium valere. Ecce æquilibrium à Recentioribus excitatum: sed ecce quoque*

que inconveniens, quod nos contra ipsum adducimus. Quod absurdum esse, Augustinus ipse judicavit l. 3. *Opera imperfecta contra Julian. c. 117.* his verbis: Cur enim tu adminicula gratia supponis bona voluntati; cum voluntas mala nullo innitatur adminiculo, ut mala sit, & mala esse persistat? An hic libra tua, quam conaris ex utraque parte, per aequalia momenta, suspendere, ut voluntas quantum esset ad malum, tantum etiam sit ad bonum libera, urgendo in unam partem, te indicat delirantem? Vel ergo isti æquilibrii Renovatores, ut homo graviter tentatus adu, & de facto tentationem vincat, aliquod novum gratiæ pondus requirunt; vel non? Si requirunt; tollitur æquilibrium; & cum juxta illos non stet libertas sine æquilibrio, tollitur etiam libertas. Si verò non requirunt; ergo tantum est voluntas ad bonum, quantum est ad malum, quod reprobat Augustinus.

XXVI. Probo secundò, & confirmò dicta, ostendendo, quòd sicut Pelagius volebat æquilibrium, quia peccatum originale negabat: ita isti illud volendo, videntur esse peccati originalis obliti. Si enim quantò magis crescit tentatio, tantò majores debet Deus dare vires voluntati, ut salvetur æquilibrium, & libertas; quas si non daret, voluntas creata non liberè, sed necessariò tentationi succumberet, & proinde non peccaret; ubi esset imbecillitas carnis sanctiæ per originale peccatum? Sit igitur tentatio ut decem: non succumbet, quia habebit vires, ut decem. Sit ut centum: resistet, quia aequalibus sanctis desiderii à Deo munietur; ita ut stare, vel non stare in ejus plena libertate, nullo superaddito ulteriori adiutorio ad standum, positum sit. Quid felicitus, quàm quòd in hoc conflictu divina misericordia, contra tentationem, omnibus æquale præsidium tribuat; quod si non daret, homo tentationi succumbens non peccaret; & quo dato, alio adiutorio non egeat, ut stet,

nisi ut velit stare? Quid ergo tentatòramus Deum, ut nos teneat, ne cadamus; si totum dat, imò dare debet, unde stare possimus; nec ad standum nil aliud à Deo expectandum est, sed unicè à nobis, nempe, nostrum velle? Quid amplius habereamus, si Adam non peccasset; quàm æquales vires ad standum, & stare, vel non stare in nostra positum voluntate?

XXVII. Hoc certè non probavit Augustinus, qui in *lib. de Corrupt. & gratia cap. 12.* ubi cum distinxisset duplex adiutorium; unum dans posse perseverare; quod vocat adiutorium *sine quo*: aliud dans actu perseverare, quod vocat adiutorium *quo*, dicit, Adamum ideo in innocentia non perseverasse, quia illi adfuit quidem adiutorium, *sine quo* perseverare non posset, sed illi defuit adiutorium, *quo* perseverans fieret. Felicior ergo esset homo in statu naturæ corruptæ, qui per æquilibrium virium, correspondens adiutorio *sine quo* (quia sine illo non posset) nedum perseverare posset in bono; sed absque ullo ulteriori adiutorio, *quo* etiam perseverare velleret, & actu perseveraret. Quod tamen Augustinus citato loco negat. Quidquid enim sit, an homo innocens hoc duplici adiutorio indigerit (de quo contentio est alibi à nobis tractata) eo tamen indigere homines in statu naturæ corruptæ, constans est Augustini doctrina. Postquam enim, de primo homine locutus fuit, subdit: Nunc verò Sanctis in Regnum Dei per gratiam Dei prædestinatis non tantum tale adiutorium perseverantia datur, sed tale, ut eis perseverantia ipsa donetur: non solum, ut sine illo dono perseverantes esse non possint; verum etiam, ut per hoc donum non nisi perseverantes sint. Non solum enim dixit: Sine me nihil potestis facere: verum etiam dixit: Non vos me elegistis; sed ego elegi vos, ut eatis, & fructum afferatis, & fructus vester maneat. Quibus verbis eis non solum iustitiam,

veram

verum etiam in illa perseverantiam se dedisse monstravit. Dissentiunt ergo ab Augustino æquilibrîi Assertores, dum ajunt: homini lapsò præter æquilibrîum virium, nullum aliud adiutorium à Deo esse necessarium, quo perseverare velit, & perseverans fiat; aliàs non esset amplius liber.

XXVIII. Tandem difficile captu est, quodd Deus æqualibus suæ gratiæ donis cumulet peccatores obsecratos, induratos, Barbaros, Atheos, Hebræos, Idololatræ, Turcas, aliosque sui nominis hostes, quibus cumulat amicos suos fideles, Justos, Sanctos: quodd Deus, de quo dicitur, quodd superbis resistit, humilibus autem dat gratiam, eadem spiritalia dona largiatur superbis, ac humilibus. Quod tamen necessarium esset, ut æquilibrîum salvaretur, & consequenter libertas: aliàs gravissimis peccatoribus peccata non imputarentur, nec eis essent peccata, si tantam non haberent gratiam, quantam habent malitiam.

XXIX. Nunc respondendum est testimonio Pauli 1. Cor. 10. v. 13. Cui tota doctrina æquilibrîi innititur, nempe: *Fidelis autem Deus est, qui non patietur, vos tentari supra id, quod potestis, sed faciet etiam cum tentatione proventum, ut possitis sustinere.*

XXX. Respondeo, hinc non probari, cum tentamur, teneri Deum, ut fidelis sit, in altera lancis parte ponere vires, quæ actu æquales sint violentiæ tentationis. Hoc enim ubi Deus promissit? Sed solum, cum tentamur, nobis ad Deum confugientibus, per gratiam à Deo paratam, & oblatam vires adfuturas, quâ, & possimus resistere, & actu resistamus: omnia enim possumus in eo, qui nos confortat per gratiam, si humiliter petamus. Ut enim docet Augustinus l. de Nat. & grat. c. 43. *Non igitur Deus impossibilia jubet: sed jubendo admonet, & facere quod possis, & petere quod non possis* (quibus Trident. Sess. 6. c. 11. addit) *& adjuvat ut possis*. Quare licet tentatio superet aliquando pote-

statem actualem; auxilium tamen Dei, & gratia semper adest: & ideo dicit Paulus: *Et faciet (Deus) cum tentatione proventum*. Hoc est: faciet, ut tentatio, quæ obesse debuerat, homini tentato, ac eam vincenti proficiat ad meritum; quod certè in opinione æquilibrîi non esset verum. Si enim, polito æquilibrîo, non requireretur ulterior gratia ad actu resistendum; non Deus faceret ex tentatione proventum, sed homo suâ liberâ voluntate.

XXXI. Quodd verò ad statuendam libertatem non requirantur in concupiscentia vires æquales, quibus in sensu composito resistere possit gratiæ moventi, & excitanti; quæ est altera æquilibrîi pars, quam eius Patroni deducere conantur ex Tridentino. Dico. Quodd si sermo sit de gratiâ, merè excitante, & vocante, quæ est gratia sufficiens; potest etiam in sensu composito ei resistere, ac dissentire, si velit. Sed quare velit dissentire, hoc est, quia voluntas eius non præparatur à Domino, ut actu velit: seu quia illa excitatio, & vocatio est adiutorium *sine quo*, non verò *quo*. Si verò sermo sit de gratiâ etiam adjuvante, & faciente, ut velit, quæ est gratia efficax; sic potest quidem dissentire, si velit, sed nunquam de facto vult, quia voluntas ejus erit præparata, ut velit. Et, quod idem est, poterit dissentire in sensu diviso, non in sensu composito; conjungendo dissensum actualem cum gratiâ sic movente, & vocante. Videri possunt ea, quæ pro explicatione hujus Canonis Tridentini diximus Tom. 3. in 1. p. Qu. 4. de Divin. Volunt. causal. & efficacia: Dub. 2. §. 2. à nu 10. usque ad 14. Duplicem hanc vocationis gratiam distinguit S. Augustinus lib. de Prædest. SS. cap. 16. his verbis: *Vocat enim Deus prædestinatos multos filios suos, ut eos faciat membra Prædestinati unci Filii sui, non ad vocationem, quâ vocati sunt & qui nunciant venire ad nuptias: illi quippe vocatione & Judæi vocati sunt, quibus Chris-*

Christus Crucifixus scandalum est; & Gentes, quibus Crucifixus, stultitia est. Sed eâ vocatione prædestinator vocat, quam distinguat Apostolus, dicens, ipsis vocatis Judæis, & Græcis.... sic enim ait: Ipsi autem vocatis, ut eos ostenderet non vocatos: sciens esse quamdam certam vocationem eorum, qui secundum propositum vocati sunt, quos ante præseivit, & prædestinavit conformes imaginis Filii sui. Quam vocationem significans, ait: Non ex operibus, sed ex vocante dictum est ei, quia major serviet minori. Nunquid dixit: Non ex operibus, sed ex credente? Propterea aliam hoc abstulit homini, ut totum daret Deo. Dixit ergo: Sed ex vocante; non quacumque vocatione, sed quâ vocatione sit credens. Et his finem huic Quæstioni imponimus.

QUÆSTIO III.

De Gratia Habituali.

DE gratia habituali, seu iustificante, sermo hic procedet: ad quam sive acquirendam, sive acquisitam conservandam, omnes gratiæ actuales ordinantur. Hæc est propriè gratia gratum faciens hominem Deo; quæ, nempe, eum facit filium Dei, fratrem Christi, membrum vivum corporis ejus, Templum totius Trinitatis: quæ demum peccati maculas delet. De hac quatuor explicabimus. Primò, essentiam. Secundò, perfectionem. Tertiò, causam. Quartò, effectus.



DUBIUM I.

An Gratia Habitualis sit Donum intrinsecum Animæ?

§. I.

Pauca Supponuntur.

I. *Secundum communem modum loquendi (inquit S. Thomas hæc 1. 2. q. 110. a. 1.) tripliciter gratia accipi consuevit. Uno modo, pro dilectione alicujus: sicut consuevimus dicere, quod iste miles habet gratiam Regis, idest Rex habet eum gratum. Secundò sumitur pro aliquo dono gratis dato: sicut consuevimus dicere: Hanc gratiam facio tibi. Tertiò modo sumitur pro recompensatione beneficii gratis dati, secundum quod dicimur agere gratias beneficiorum. Quorum trium, secundum dependet ex primo: ex amore enim, quo aliquis habet alium gratum, procedit, quod aliquid ei gratis impendat. Ex secundo autem procedit tertium: quia ex beneficiis gratis exhibitis gratiarum alio consurgit. Hæc Sanctus Thomas. Quærimus ergo: an gratia habitualis, seu iustificans, sit sumenda primo modo: ita ut nil aliud dicat, quam amorem Dei habentis hominem gratum. An verò etiam secundo modo: ita ut sit donum ex Dei amore in hominem descendens.*

II. Estò autem dilectio Dei, quâ suas creaturas diligit, in se una sit, nempe, actus immanens divinæ voluntatis; ex parte tamen effectus, distinguitur in generalem, & specialem. Prima est, quâ secundum illud Sap. 11. Diligit omnia, quæ sunt: ex qua procedunt in creaturis bona naturalia, & communia, ut esse, vivere, & alia, quæ ad naturam pertinent. Altera est, quâ peculiariter aliquem diligit: & ex hac procedunt dona ad salutem æternam conducentia. De hac ergo loquimur: an gratia habitualis, quâ homo dicitur gratus Deo, præter Dei

amorem.

amorem, dicat, & sit aliquid intrinsecum, ex Dei amore aeterno, temporaliter in homine productum.

III. Lutherus, Calvinus, ceterique ex eorum grege, existimant, gratiam Dei nil aliud importare, quàm extrinsecum eius favorem, & benevolentiam, quàm homo dicitur Deo gratus, & ab eo dilectus: & esse iustum nihil aliud esse, quàm iustitiam Dei, quàm in se iustus est, homini imputari, ut suo loco dicitur. Catholici tamen Doctores concorditer volunt, gratiam habitualement esse aliquid donum, ex Dei amore speciali in homine productum, quo intrinsecè Deo gratus, & iustus denominatur, & est.

§. I I.

Catholica Assertio.

IV. **D**ico. Gratia habitualis, seu iustificans, est donum intrinsecè nobis collatum, ex speciali Dei dilectione descendens, non verò purè favor Dei extrinsecus. Ita contra Lutherum, & Calvinum statuit Tridentinum *sess. 6. can. 11.* his verbis: *Si quis dixerit, homines iustificari, vel solà imputatione iustitiae Christi, vel solà remissione peccatorum exclusâ gratiâ, & caritate, qua in cordibus eorum per Spiritum Sanctum diffundatur, atque illis inhaereat: aut etiam gratiam, quâ iustificamur, esse tantum favorem Dei; anathema sit.*

Contra quos etiam clamat Scriptura. 1. Joan. 3. v. 9 *Omnis, qui natus est ex Deo, peccatum non facit: quoniam semen ipsius in eo manet. Et non potest peccare, quoniam ex Deo natus est.* Ex quibus habemus, in renatis ex Deo per gratiam dari aliquid manens, seu permanens, veluti semen Dei, quod impedit, ne mortaliter peccent; quia facit, quod situs nati ex Deo, & filii Dei: sed nullus ex altero nascitur, nisi quatenus intrinsecè participat naturam ejus, ex quo nascitur, & cujus efficitur filius; er-

go gratia, quâ dicimur nati ex Deo, & filii Dei, est aliquid intrinsecum in nobis manens.

V. Secundò. Id probat Apostolus ad *Ephef. 4. v. 23. & 24.* dicens: *Renovamini autem spiritu mentis vestrae, & induite novum hominem, qui secundum Deum creatus est in iustitia, & sanctitate veritatis.* Super quæ D. Aug. 4. 6. de *Gen. ad litt. c. 24.* ait: *Quomodo renovari dicimur, si non hoc accipimus, quod perdidit primus homo? Hoc planè recipimus secundum quemdam modum: non immortalitatem corporis recipimus, quam non habuit homo; sed accipimus iustitiam, ex qua, per peccatum, lapsus est homo: atqui secundum hæreticos, quos impugnamus, primus homo fuit iustus iustitia sibi intrinsecâ, & non sibi imputatâ; ergo si per gratiam renovati accipimus illam iustitiam, secundum quam fuit creatus, & à qua lapsus est homo, accipimus iustitiam nobis intrinsecam.*

VI. Idem Apostolus ad *Roman. 5.* instituens comparisonem inter iacturam, quam fecit homo, per peccatum Adami, & lucrum ex gratia Christi, dicit v. 19. *Quod sicut per inobedientiam unius hominis, peccatores constituti sunt multi: ita & per unius obediendum, iusti constituuntur multi.* Et v. 20. *Ubi autem abundavit delictum, superabundavit gratia.* Eodem ergo modo constituntur homines iusti per Christi obedientiam, quo per Adami inobedientiam constituti sunt peccatores: atqui secundum Lutherum, & Calvinum homines constituti sunt peccatores, non per externam Adæ in iustitiam, aut ejus imputationem; sed per peccatum ab eo originaliter in omnes derivatum, ac unicuique proprium, & intrinsecum; ergo homines constituntur iusti, non per solam extrinsecam Christi iustitiam, ejusque imputationem; sed per iustitiam intrinsecam à Deo, per ejus meritum, in eos derivatam. Alioquin si homines iusti manerent intrinsecè peccatores, & solum dicerentur iusti per iustitiam Christi eis extrin-

extrinsecè imputatam; quomodo diceret Paulus, quòd ubi abundavit delictum, superabundavit gratia?

VII. Idem S. Augustinus, *l. de Spiritu & litt. c. 9.* ad illa verba Pauli Rom. 3. v. 21. *Iustitia Dei manifestata est* (inquit) *Non dixit iustitia hominis, vel iustitia propria voluntatis; sed iustitia Dei; non quòd Deus iustus est, sed quòd induit hominem, cum iustificat impium.* Et post pauca, allatis ejusdem Pauli verbis v. 22. *Iustitia autem Dei per fidem Jesu Christi*, subjungit: *Sicut autem ista fides Christi dicta est, non quòd eredit Christus: sic & illa iustitia Dei, non quòd iustus est Deus.* Utrumque enim nostrum est; sed ideo Dei, & Christi dicitur, quòd ejus nobis largita: donatur. Et ibid. c. 32. ait: *Carissae quippe Dei dicta est diffundi in cordibus nostris, non quòd nos ipse diligis, sed quòd nos facit dilectores suos: sicut iustitia Dei, quòd iusti ejus vivere efficiuntur; & Domini salus, quòd nos salvos facit; & fides Jesu Christi, quòd nos fideles facit.* Hac est iustitia Dei, quam non solum docet per legis praeceptum, verum etiam dat per spiritus donum.

VIII. Hæc, & alia Augustini testimonia adeo aperte pugnant contra errorem oppositum; ut Calvinus ipse hoc videns, *l. 3. Instit. c. 21. §. 15.* ita effutiat: *Nec Augustini quidem sententia, vel saltem loquendi ratio per omnia recipienda est; tametsi enim hominem omni iustitia laud. spoliat, ac totum Dei gratia transcribat; gratiam tamen ad sancti fiantulum refert, quòd in vita novitatem per spiritum regeneramur.* Ita iste Nebulo suâ confessione se damnat. Si enim Augustinus, teste ipso, gratiam nobis intrinsecam asserit, Calvinus negat: quis rationis compes, ut sequatur Calvinum, relinquit Augustinum?

IX. Probatur autem ratione D. Th. hâc q. 110. a. 1. sic. Per gratiam iustificantem fit homo obiectum congruum: divinæ dilectionis supernaturalis, & in ordine ad finem supernatu-

ralem; ergo in homine debet poni aliquid intrinsecum, quo in tali ordine sit bonus, Deo gratus, & à Deo amabilis. Conf. prob. Hæc est enim differentia inter gratiam Dei, & gratiam hominis, amorem Dei, & amorem hominis; quòd gratia, & amor Dei facit bonum id, quòd amat, & diligendo facit bonum: gratia autem, & amor hominis supponit bonitatem in eo, quòd amat, vel in toto, vel in parte. Quemadmodum ergo Deus, amando hominem in esse naturæ, dat ei omnia dona naturalia, nimirum, esse, proprietates, cæterasque perfectiones, quibus in esse naturali intrinsecè constituitur: ita amando hominem, eique dando gratiam suam in ordine supernaturali, dat ei esse in tali ordine, cæterasque perfectiones, quibus in tali ordine aptè constituitur: Est (inquit S. Thom. hic) differentia attendenda circa gratiam Dei, & gratiam hominis. Quia enim bonum creatura provenit ex voluntate divina; ideo ex dilectione Dei, quòd vult creatura bonus, prestat aliquid bonum in creatura. Voluntas autem hominis movetur ex bono præexistente in rebus; & inde est, quòd dilectio hominis non causat totaliter rei bonitatem; sed præsupponit, vel in parte, vel in toto. Postquam autem distinxit in Deo duplicem dilectionem: unam generalem, quòd diligit omnia, quæ sunt, secundum quam esse naturale rebus creatis largitur: aliam verò specialem, secundum quam trahit creaturam rationalem supra conditionem naturæ ad participationem divini boni, concludit: Sic igitur per hoc, quòd dicitur homo gratiam Dei habere, significatur quiddam supernaturalis in homine à Deo proveniens.

X. Explicatur magis hæc ratio. Peccatorem, quem Deus noviter iustificat, noviter Deus diligit, quem antea oderat, juxta illud Sap. 14. v. 9. *Odio sunt Deo impius, & impietas ejus.* Et ita qui Deo erat odibilis, fit à Deo diligibilis; ergo aliquid in eo requiritur, quo de non diligibili fiat

T dilis.

Tom. VIII.

diligibilis à Deo ; seu de non dilecto transeat ad esse dilectum in ordine ad finem supernaturalem vitæ æternæ : sed hoc non potest fieri aliquâ mutatione se tenente ex parte Dei, quia Deus est immutabilis ; ergo sit per mutationem se tenentem ex parte peccatoris acquirentis aliquod bonum, quo fiat obiectum congruum dilectionis supernaturalis Dei.

§. III.

Objectionum solutio.

XI. **P**rimò obijci potest contra rationem S. Thomæ. Amor Dei erga hominem intelligitur prius, quàm in homine sit ullum bonum intrinsecum creatum : cùm enim tale bonum proficiat ex amore divino, ut à causa ; consequens est, quòd prius sit, Deum diligere hominem, quàm bonum illud creatum infundi.

XII. Respondeo primò, dist. ant. Prius prioritate à quo, & originis, co. ant. Prioritate in quo, & intelligentiæ, nego ant. Amor ergo Divinus est prior omni dono creato gratiæ, non prioritate in quo, seu intelligentiæ ; quasi quòd detur aliquod signum, in quo sit, vel intelligatur amor Dei, erga hominem, & non sit, aut non intelligatur in homine donum gratiæ : sed solà prioritate à quo, & originis : quatenus licet in eodem signo, in quo est, ac intelligitur amor Dei, sit, & intelligatur etiam donum gratiæ in homine : amor tamen Dei intelligitur, ut originans, & donum gratiæ, ut ab eo originatum. Sicut in eodem signo, in quo intelligitur Sol illuminans, intelligitur aer illuminatus ; sed Sol, ut causans, illuminatio, ut causata.

XIII. Respondeo secundò, quòd, sicut docetur in tertio de Anima, intellectio potest considerari dupliciter. Et ut dictio ; & sic est prior verbo, quod dicit ; & ut contemplatio ; & sic est posterior verbo à se dicto.

Ita amor divinus considerari potest ; ut effectivus ; & sic est prior gratiæ, quam producit : & ut affectivus ; & sic est posterior gratiæ à se produci. Quo modo Deus in homine gratiæ à se ornato sibi complacet, eum diligendo. Unde D. Tho. 1. p. 9. 23. a. 4. docet, Deum prius diligere, idest, vel le, & causare bonum, quàm eligere ; ad differentiam nostri, qui, cùm non causemus bonum diligendo, sed ex bono præexistente invitetur ad diligendum, prius eligimus, quàm diligamus : Deus verò prius diligendo facit bonos, deinde eos eligit. Quæ in hac materia notanda sunt.

XIV. Obijci potest secundò contra idem. Amor Dei erga homines stare potest absque communicatione alicuius intrinseci ; ergo &c. Ant. prob. Prædestinatio est maxima dilectio Dei erga homines : & tamen nihil intrinsecum ponit in Prædestinatiis, ut docet D. Tho. 1. p. 9. 23. a. 2. ergo &c. Conf. prob. Ideo primum, quia, ut docet D. Tho. ibi ad 1. prædestinatio, utpote actio immanens, non infert passionem extra agens : sed etiam amor Dei est actio immanens ; ergo &c.

XV. Respondeo, neg. ant. Ad ejus probationem, dist. maj. Est maxima dilectio præordinativa, conc. maj. Executiva, nego maj. & dist. min. Nihil ponit pro tunc æternitatis, conc. min. Pro nunc temporis, nego min. & conf. Igitur prædestinatio potest sumi, & ut est dilectio ab æterno præordinativa : & sic, ut docet D. Thom. ibi, est pars providentiæ, quæ non in rebus provisus, sed in provisorie manet. Et potest sumi, ut est dilectio executiva talis præordinationis in tempore ; & sic ponit in Prædestinato vocationem ad fidem, ad gratiam, auxilia sufficientia, efficacia, & gratiam ipsam iustificantem. Quare ex hoc potius sit argumentum pro nobis. Ex quo enim prædestinatio includat amorem divinum efficacem, est pro tunc æternitatis nihil ponat in Prædestinato ; ponit tamen plura dona intrinseca pro

tem-

tempore, quo ordinavit; ergo amor Dei erga hominem, ex quo efficax est, debet, amando executivè illum, aliquid intrinsecum in eo ponere. Ex his respondetur ad probationem consequentem, quòd prædestinatio sumpta præordinativè est actio merè immanens: at sumpta pro amore divino, quo in executione iustificat peccatorem, est actio virtualiter transiens. Debet igitur, sic diligendo, aliquid in eo producere.

XVI. Sed replicabis primò. D. Paulus, antequam converteretur, erat dilectus à Deo, utpote prædestinatus: & tamen talis dilectio nullum ponebat in eo gratiæ donum.

Secundò. Non minus est efficax odium Dei, quàm amor Dei: sed odium Dei nihil ponit in eo, quem odit; ergo nec amor Dei aliquid ponit in eo, quem amat.

XVII. Respondeo ad primam replicationem, dist. maj. Dilectione, quæ esset efficax pro tempore antecedente ejus conversionem, nego maj. pro tempore ejus conversionis, conc. maj. Sicut ergo dilectio prædestinativa, eòdè sit ab æterno, ab æterno tamen nihil posuit in Prædestinato, sed solum in tempore: ita nec pro omni tempore explicare debet efficaciam suam, sed solum pro eo, quod præordinavit. Cum autem non præordinaverit, dare Paulo gratiam, seu effectum suæ dilectionis pro omni tempore; sed pro eo, quo ex persecutore decreverat, eum facere vas electionis: ideo ab illo solum tempore effectum dilectionis Dei Paulus accepit.

XVIII. Ad secundam in primis, nego min. Odium enim Dei per justitiam punitivam infert poenas æternas in iis, quos odit — Deinde nego maj. Duplex enim disparitas est. Prima: quia quòd homo sit objectum odii Dei, habet ex propriis, nempe, peccato: non tamen habet, unde sit objectum dilectionis Dei supernaturalis; nisi Deus ponat in ipso bonitatem supernaturalem, quâ in eo ordine diligibilis fiat. Altera est, quòd amor, utpote

prosecutivus, debet ponere in objecto bonum, quod diligat, si bonum in eo non supponat: at odium, cum se habeat potius per modum fugæ, & recessus, non habet, ut aliquid in objecto ponat, sed potius ut ab eo tol-lat.

XIX. Tertio obijciunt hæretici contra Conclusionem aliqua Sacra Scripturæ testimonia, quæ ad tria capita reducuntur. Primum est eorum, in quibus Scriptura dicit, nos non habere justitiam, sed esse justos per justitiam Christi. Unde Paulus ad Philipp. 3. v. 9. ait: *Et inveniar in illo non habens meam justitiam, qua ex lege est, sed illam, qua ex fide est Christi Jesu: qua ex Deo est justitia in fide.*

Secundum est eorum, in quibus Scriptura dicit, quòd in Christo effici-mur ipsa justitia Dei; ut 1. Cor. 5. v. 21. *Eum, qui non noverat peccatum, pro nobis peccatum fecit, ut nos efficeremur justitia Dei in ipso*; ergo Justitia effici-mur justitiâ Dei nos exteriori in Christo accipientes.

Tertium est eorum, quibus dicitur, hominem non justificari coram Deo; ut Job 9. v. 1. *Verè scio, quòd ita sit, & quòd non justificetur homo compositione Deo.* Et Psal. 142. v. 1. *Non justificabitur in conspectu tuo omnis vivens.* Si autem homo haberet in se justitiam, justus aliquomodo dici posset etiam coram Deo.

XX. Respondeo tamen, testimonia primi generis non esse intelligenda in sensu formali; quasi sensus sit, justitiam Dei, & Christi esse formam, qua denominamur Justi: sed in sensu causali, seu meritorio; quatenus Deus causat in nobis justitiam, quam Christus suâ passione nobis promeruit. Sic 1. Cor. 1. v. 30. eodem modo dicitur: *Factus nobis sapientia à Deo, & justitia, & sanctificatio, & redemptio.* Quis autem dicit, Christum esse formaliter sapientiam, quâ sapientes sumus, & redemptionem, quâ redempti sumus; & non potius causam efficientem nostræ sapientiæ, & redemptionis?

Hinc Paulus non dicit, se non habere iustitiam, sed non habere suam ex lege: id est, acquisitam propriis operibus legis, sed habitam à Deo per fidem Christi. Ita S. Augustinus lib. 3. ad Bonifacium contra duas Epist. Pelagian, cap. 7. *Cum enim (inquit) dixisset: Non habens meam iustitiam, quæ ex lege est, sed eam, quæ est per fidem Christi; addidit: Quæ est ex Deo. Ipsa est ergo iustitia Dei, quam superbi ignorantes suam volunt constitueri. Non enim propterea iustitia Dei dicitur, quoniam Deus eam iustus est, sed quia homini ex Deo est. Secundam hanc autem iustitiam Dei, hoc est, quæ ex Deo nobis est, nunc fides operatur per dilectionem.*

XXI. Ad testimonia secundi generis, præter datam expositionem, dico, nos effici iustitiam Dei in Christo; quia per ipsum Deus iustitiam nobis largitur: ideoque iustitia, quæ in nobis fit, ab eo est participata, & exemplata. Hinc Sanctus Augustinus lib. de Spiritu, & littera cap. 18. exponens Pauli verba: *Ut scimus iustitia Dei in ipso, ait: Hæc est illa iustitia Dei, non quæ ipse iustus est, sed quæ nos ab eo facti.*

XXII. Ad testimonia tertii generis dico, hominem coram Deo non esse iustum; non quia in homine nulla iustitia esse possit: sed quia, vel sibi relictus homo, iustitiam non habet, sed unicè à Deo, eam gratiosè participat: vel quia iustitia, ut in homine, pro hoc statu posita, non est ita pura, ut coram Deo aliquà maculâ aspersa non sit. Unde Augustinus lib. de Perfectione iust. cap. 17. dicit: *Et quod ait: Non iustificabitur; ad illam perfectionem iustitia retulit, quæ in hac vita non est.* Vel, quòd sicut esse cuiusvis creaturæ coram Deo est quasi non esse, juxta illud Isaia 40. v. 17. *Omnes gentes, quasi non sint, sic sunt coram eo:* ita homo, quantumvis iustus, coram Deo est quasi non iustus, negativè scilicet, non privativè. In quo sensu dixit Christus, Matth. 29. v. 17. *Unus est bonus, Deus.*

XXIII. Quartè obijciunt hæretici, nos facere injuriam Christo, dum præter ipsius gratiam, & iustitiam, volumus alteram nobis intrinsecam. Insuper dare hominibus occasionem superbix, dum eis propriam, & intrinsecam gratiam attribuitus.

XXIV. Respondeo, tantum abesse, ut ex hoc fiat injuria Christo, quin potius sit major gloria illi. Sicut enim ille perfectior est, qui nedum in se habet perfectionem, sed tantæ virtutis est, ut possit illam alijs communicare: ita major gloria Christi est, si nedum in se iustitiam habeat, sed etiam nobis possit eam per sua merita communicare. Cum enim Christus sit Sol iustitiæ, debet exempli Solis, non solum in se iustitiæ lucem habere, sed & in alios eam diffundere. Imò si hoc non admittetur, injurii Christo esset; quia, poneremus Christum minus potentem in benefaciendo, quàm Adamum in malefaciendo: cum Adamus infecerit nos intrinsecè peccato, ubi Christus solum extrinsecè nos denominaret.

Neque per hoc datur occasio superbendi, sed nos potius humiliandi: cum iustitia, quæ nobis datur, non ex meritis nostris, ut volebant Pelagiani, conferatur; sed unicè à Christo fuerit nobis promerita, & intuitu illius nobis detur. Quare peto ab Adversariis: datur ne occasio superbix, quando, præter sapientiam, quæ est in Christo, datur in nobis interior fides, per quam Christum cognoscimus; interior caritas, quæ Deum diligimus? Nequaquam dicent ipsi: idem ergo dicant in casu præsentis.



DUBIUM II.

An Gratia Habitualis sit Accidens,
an Qualitas, & an in specie
Habitus?

§. I.

Gratia non est Substantia, sed Accidens.

I. Lutherus, & Calvinus, qui, ut vidimus, non aliam gratiam, seu iustitiam agnoscunt, nisi iustitiam increatam Dei, ut extrinsecè hominem denominat iustum; consequenter admittere tenentur, gratiam iustificantem esse substantiam. Quare Osiander in sua Harmoniâ Evangelicâ asserit, gratiam sanctificantem esse potiùs substantiam, quàm qualitatem, quia, inquit, gratia nil aliud est, quàm iustitia, & sanctitas ipsius Dei constitutus hominem iustum, & sanctum; sicut lux solaris nihil est aliud, quàm præsentia Solis super totum Emispherium.

Gratiam aliquid substantiale esse, dicere tenentur Moderni quidam; quicquid, juxta suæ Philosophiæ principia, omnia accidentia contradistincta à substantia à Mundo tollant; consequenter negare debent, gratiam inter accidentia connumerari. Affirmativa autem sententia adeo communis est; ut oppositum sentire, censuram mereatur.

II. Dico ergo. Gratia habitualis, seu iustificans, est accidens. Probat primò ex doctrina Tridentini, *Sess. 6. cap. 7.* ubi exponens modum, quo homines iustificantur, dicit, hoc fieri, dum Christi sanctissima Passionis merito per Spiritum Sanctum caritas Dei diffunditur in cordibus eorum, qui iustificantur, atque ipsis inhaeret. Et *Can. xi.* anathema dicit ei, qui dixerit, homines iustificari, vel solâ imputatione iustitiae Christi, vel solâ peccatorum remissione, exclusâ gratiâ, & caritate, qua per Spiritum Sanctum in cor-

dibus eorum diffundatur, atque illis inhaereat. Gratia ergo, quâ iustificatur, est aliquid inhaerens cordibus nostris; sed quod est inhaerens alteri, est accidens; nam essentia, & definitio accidentis est, alteri inhaerere, seu inesse; ergo &c.

III. Sed dices: Verbum inhaeret, ut à Concilio prolaturum, id tantum significat, quod erat à Concilio intentum; sed intentum Concilii non erat definire, quòd gratia sit accidens, sed solùm quòd sit donum intrinsecum nobis, non verò favor extrinsecus Dei; ergo &c.

Confirmari etiam potest. Nam idem Concilium, *Sess. 5.* de peccato originali dicit, quòd peccatum illud *Propagatione, non imitatione, transfusum omnibus inest unicuique proprium*: at ex illo verbo *inest* non colligitur, peccatum originale esse accidens, seu qualitatem quamdam, ut suo loco ostendimus, sed solùm esse unicuique intrinsecum; ergo à pari &c.

IV. Respondeo, dist. maj. Et etiam id, quod illius verbi significatio aperte indicat, conc. maj. Aliter, nego maj. Fateor præcipuum intentum Concilii fuisse definire, gratiam iustificantem non esse merum favorem Dei extrinsecum, sed donum intrinsecum: dum tamen ad id statuendum usurpavit verbum *inhaeret*, satis indicavit, se voluisse utrumque statuere: & quòd gratia sit donum intrinsecum, & quòd sit inhaerens, quod verbum est expressivum essentiae accidentis; ne in ambiguo relinqueretur, an istud donum intrinsecum sit substantia, an verò accidens. Sed datq. etiam, Concilium noluisse statuere, quòd gratia sit accidens; dicere tamen, quòd sit accidens, modo loquendi, & menti Concilii conformius est.

V. Ad Confirm. dico, significationem illius verbi *inest* exponendam esse accommodatè ad naturam, de qua sit sermo. Cum autem ibi esset sermo de peccato originali, quod in materia privatione iustitiae originalis consistit;

sistit: ideo non potest significare naturam accidentis, quod est quid positivum. At gratia sanctificans est quid positivum: & ideo admittit verbum *inheret* cum proprietate, idest, ut significat essentiam accidentis.

VI. Probat uterius præfens Assertio hoc discursu. Gratia iustificans vel est substantia, vel accidens: sed non est substantia; ergo est accidens. Min. prob. Si esset substantia, vel esset substantia Dei nobis intrinsecè unita, vel aliqua substantia creata à Deo infusa animæ, sicut anima infunditur corpori: sed neutrum esse potest; ergo &c. Min. pro prima parte prob. Tùm quia: substantia Dei in sententia Theologorum nequit uniri intrinsecè per modum causæ formalis constituentis, & dantis esse; quâ ratione nequit uniri per modum formæ dantis vitam corpori: atqui gratia, ut ait Tridentinum, *Seff. 6. cap. 7.* est causa formalis justificationis; ergo &c. Tùm quia: substantia Dei de facto non unitur alicui creaturæ, nisi mentibus Beatorum per modum speciei, & per modum hypostasis, quemadmodum est unita humanitati Christi. Tùm quia: si substantia Dei uniretur intrinsecè animæ iusti, faceret eum iustum non participativè, & accidentaliter, sed substantialiter, sicut facit Christum — Pro secunda etiam parte probatur. Hæc substantia à Deo nobis infusa esset spiritualis, & sicut anima rationalis, & proinde per se subsistens; ergo non esset inherens, sicut dicit Concilium. Insuper esset supernaturalis, & vita animæ in ordine ad operationes supernaturales; & proinde radix videndi Deum, ut in se est: atqui, juxta communem sensum Theologorum, nec de facto datur, nec dari potest substantia aliqua creata per se subsistens, quæ supernaturalis sit, & radix videndi, & amandi Deum, ut est in se; ergo &c.

§. I I.

Gratia est Qualitas habens esse permanent, & per modum Habitūs.

VII. **D**ico. Gratia iustificans est accidens de specie qualitatis, habens esse permanent, & modum habitus.

Tres habet partes hoc Assertum. Prior, nempe, quoddam gratia sit in specie qualitatis, colligitur ex Catechismo Romano, S. Pii V. jussu edito, & approbato, *parte 2. c. 2. de Baptismo num. 30.* ubi ait: *Est autem gratia, quemadmodum Tridentina Synodus ab omnibus credendum penâ anathematis propositâ decrevit, non solum per quam peccatorum sit remissio; sed divina qualitas in animâ inherens, ac veluti splendor quidam, & lux, quæ animarum nostrarum maculas omnes delet, ipsasque animas pulchriores, ac splendidiore reddit.* Et quidem gratia non est relatio. Tùm quia: gratia per se producit; relatio autem ad alterius productionem resultat. Tùm quia: effectus gratiæ non est relativus, sed absolutus: facit enim hominem iustum in se, non ad alterum. Neque est actio: quia actio transiens est; gratia verò habet esse permanent.

VIII. Secunda vero pars (quæ ab aliquibus censetur de fide, scilicet tamen, ut fidei proxima tenenda est) quoddam, nempe, gratia habeat esse permanent, probo primò. Quia Parvuli, & amentes, dum baptizantur, accipiunt gratiam, & virtutes: at non recipiunt eam per modum motionis ad operationem, cujus sunt incapaces. Tùm: quia motio ad actionem cum actione transit, gratia autem permanet, donec per peccatum expellatur; igitur eam recipiunt per modum formæ permanentis. Et colligitur, tùm ex illo 1. Jo. 3. v. 9. *Omnis, qui natus est ex Deo, peccatum non facit: quoniam semen ipsius in eo manet.* Et Joan. 14. v. 23. *Ad eum venimus (per gratiam)*

& man-

Et manifestationem apud eum faciemus. Quapropter in Conc. Viennensi Clementin. sit. de summa Trinit. relatis duabus opinionibus, quarum una dicebat, renatis, per Baptismum, parvulis conferri quidem remissionem peccati originalis, sed non gratiam; alia conferri etiam gratiam, & virtutes quoad habitum, etiam nondum pro illo tempore quoad actum: Concilium hanc secundam probans, ait: Opinionem secundam, qua dicit, tam parvulis, quam adultis conferri in Baptismo informantem gratiam, & virtutes, tanquam probabiliorem, & dictis Sanctorum, ac Doctorum modernorum Theologia magis consonam, & concordem, sacro approbante Concilio duximus eligendam.

IX. Hanc eandem opinionem adoptavit Concilium Tridentinum. Tum quia: verbum *inhabere*, quo, ut vidimus, utitur, significat permanentiam. Unde sicut dum dicit, peccatum originale *inesse* unicuique proprium, fit sensus, quoddam insit permanentiter: ita dum dicit, quoddam gratia sanctificans *inhabere*, fiet sensus, quoddam permanentiter insit. Tum etiam: quia *cap. 7. ejusdem Sess. 6.* dicit, justificationem esse renovationem interioris hominis, per voluntariam susceptionem gratiae & donorum: *cap. 11.* docet, gratiam non deperdi per peccata venialia: & *cap. 16.* docet, aliquos iustificatos acceptam gratiam perpetuo conservare; sentit ergo, gratiam iustificantem esse aliquid permanens.

X. His omnibus accedit ratio S. Tho. *hac q. 110. a. 2. & 3. contr. Gent. c. 115.* Non est conveniens, quoddam Deus minus provideat his, quos diligit in ordine ad finem supernaturalem, quam iis, quos diligit tantum in ordine ad finem naturalem; quia providentia Dei eo maior est, quod maior est perfectio ordinis, cui provideat: sed iis, quos diligit in ordine ad finem naturalem, sic provideat, ut non solum moveat eas ad actus naturales; sed etiam largiatur eis formas, & virtutes quasdam, quae sunt principia actuum, ut

secundum se ipsas inclinentur ad huiusmodi motus. Et sic motus, quibus a Deo moventur, sunt creaturae connaturaliter, & faciles, secundum illud Sap. 8. *Et disponit omnia suaviter.* Quapropter lapidi dedit naturam cum qualitatibus fixis, & permanentibus, ut connaturaliter tenderet in centrum; plantis dedit naturam cum potentiis fixis, ut possent vegetare; & sic de singulis; ergo multo magis illis, quos movet ad consequendum bonum supernaturale aeternum, infundit aliquas formas, seu qualitates supernaturales; secundum quas suaviter, & promte ab ipso moveantur ad bonum aeternum consequendum. Ita S. Tho. hoc a. 2.

XI. Quae ratio, sic exposita, praevincit responsionem Frassen dicentis, Deum sufficienter provisorum hominibus iustis ad actus supernaturales, per solum actuale auxilium, quod eis in certis occasionibus praerberet. Sicut etiam posset, hominem ex inimico facere amicum, absque collatione doni intrinseci.

XII. Nam S. Thomas hic non loquitur de eo, quod Deus suam providentiam extraordinariam posset facere: sed de eo, quod facit suam providentiam ordinariam, quam non solum provideat ut actus fiat, sed ut connaturaliter, & promte fiat. Est autem suam providentiam extraordinariam, per solum auxilium actuale, movere posset ad actus supernaturales: & dato (quod tamen non do, ut infra constabit) quod sola condonatione extrinsecâ possit, hominem facere de inimico amicum: dum tamen providentia ordinariam moveat ad actus, non solum ut fiant, sed ut connaturaliter, & promte fiant; sicut rebus naturalibus, ut connaturaliter, & promte moveantur, dat formas permanentes, quibus possint agere: ita proportionaliter eas largitur homini, ut connaturaliter, & promte eum moveant ad actus supernaturales. Et eadem ratione, dum hominem de inimico facit amicum, non solum ei condonat peccatum; sed donum intrinsecum ei confert, quo possit

sit ipsum, ut amicus, diligere. Et propterea Tridentinum, *Sess. 6. Can. 11.* anathema dicit ei, qui dixerit, homines iustificari *Sola peccatorum remissione, exclusâ gratiâ, & caritate, quæ in cordibus eorum per Spiritum Sanctum diffundatur, atque illis inhereat.*

XIII. Explicatur magis hoc. Et si Deus possit solo auxilio actuali elevare intellectum ad cognoscendum auctorem supernaturalem: ordinariè tamen hoc facit (ut fatentur etiam hæretici) infundendo in intellectu fidem ipsi inhærentem, & in eo permanentem; ergo eadem ratione, ut hominem reddat objectum congruum divinæ dilectionis supernaturalis, & potentem in tali ordine operari, infundit illi gratiam intrinsecam, & virtutem. Unde Tridentinum, laudatâ *Sess. 6. cap. 7.* docet, quod *In ipsa iustificatione cum remissione peccatorum hæc omnia simul infusa accipit homo per Jesum Christum, cui inseritur, fidem, spem, & caritatem.*

XIV. Tertia verò pars, quod nimirum, gratia sanctificans sit permanens per modum habitus, probatur. Quia gratia est qualitas permanentiter inhærens, & difficulter mobilis (non enim perditur, nisi per aliquid grave, quod est peccatum mortale) per quam anima redditur habilis ad bona pietatis opera exercenda: unde Catechismus Conc. Trident. in Tractatu de Baptismo dicit, quod ex Christi Domini plenitudine in omnes, qui iustificantur, divina virtus, & gratia diffunditur, quæ nos ad omnia Christianæ pietatis officia habiles reddit.

XV. Neque obstat, quod D. Thom. *Q. 27. de Veritate a. 1. ad 17.* dicat, gratiam non esse proprium habitum. — Nam ibi solum intendit, gratiam non esse propriè habitum in eo sensu, quo habitum cognoverunt Philosophi; nimirum, accidens immediatè ordinatum ad actum humanæ naturæ proportionatum. Quia gratia non immediatè ordinatur ad actum, sed ad quoddam esse spirituale, quod in anima facit:

& est sicut dispositio, quæ est respectu gloriæ, quæ est gratia consummata.

XVI. Sed dices contra primam partem, gratiam debere potius esse substantiam, quàm accidens de genere qualitatis. Nam gratia debet esse perfectior animâ, quæ est substantia: sed accidens non est perfectior substantiâ; ergo &c.

Rursus: Sicut anima est vita corporis, ita Deus est vita animæ: sed anima per seipsam dat vitam corpori, nullo mediante; ergo Deus per seipsum, & per suam substantiam dat vitam animæ.

XVII. Respondeo, neg. ant. Ad probat. neg. min. absolutè. Ut enim docet S. Thom. 2. 2. q. 23. a. 3. ad 3. loquens de caritate: *Omne accidens secundum suum esse est inferior substantiâ; quia substantia est ens per se, accidens autem in alio: sed secundum rationem suâ speciei accidens quidem, quod causatur ex principiis subiecti, est inferior subiecto, sicut effectus causâ: accidens verò, quod causatur ex participatione alicujus superioris naturæ, est dignius subiecto: inquantum est similitudo superioris naturæ, sicut lux diaphano.* Et hoc modo caritas est dignior animâ, inquantum est participatio quoddam Spiritus Sancti. Idem dico de gratia, quæ, ut dicitur, est participatio quoddam divinæ naturæ: quæ nequit participari per modum substantiæ, ut est in Deo, sed solum per modum accidentis; quo solum modo natura superior potest in inferiori participari: sicut natura ignis à subiectis ab igne extraneis solum accidentaliter participari potest, nimirum, per calorem.

XVIII. Ad id. quod additur, respondeo cum S. Thoma citatâ *Q. 27. de Verit. a. 1. ad 1.* quod anima est causa formalis vitæ corporalis: unde nullâ formâ mediante corpus vivificat. Deus autem vivificat animam, non sicut causa formalis, sed sicut causa efficiens: unde aliqua forma cadit media. Sicut pictor album facit parietem effectivè, albedine mediante, albedo

verò

Verò nullā formā mediante, quia facit album formaliter. Eodem modo respondet hęc q. 110. a. 1. ad 2.

XIX. Dices contra tertiam partem. Gratia est potius relatio; cū sit similitudo, participatio, & amicitia Dei.

Insuper: potius debet esse potentia, quā habitus; quia magis permanens, & naturæ proximior.

Rursus: quomodo gratia est habitus, si habitus est difficile mobilis; gratia verò uno actu peccati mortalis amittatur?

XX. Respondeo ad primum, gratiam non esse ipsam relationem similitudinis, participationis, & amicitia Dei, sed donum absolutum fundans hujusmodi relationes: sicut calor est participatio ignis, & tamen est aliquid absolutum.

Ad secundum, nego ant. Tū quia: potentia debet esse connaturalis, & consequens principia subiecti: gratia autem nulli naturæ creatæ connaturalis esse potest. Tū quia: potentia est inclinatio tam ad bonum, quā ad malum: gratia autem est dispositio solum ad bonum.

Ad tertium dico, Gratiam secundum se esse immobilem: sed solum fieri mobilem ex conditione subiecti, quod est vertibile de bono in malum: nec tamen esse facile mobilem. Quia, ut docet S. Thom. Q. 27. de Verit. a. 1. ad 9. Quamvis per unum actum peccati mortalis gratia amittatur; non tamen facile gratia amittitur: quia habenti gratiam non est facile, illum actum exercere, propter inclinationem in contrarium. Sicut Philosophus dicit in 3. Ethic. quoddam iustum difficile est, operari iniustum. Et Qu. unicā de Carit. a. 1. ad 9. dicit, quoddam caritas habitus est, & difficile mobilis: quia non de facili, qui habet caritatem, inclinatur ad peccandum; licet ex peccato caritas amittatur. Quoddam si aliquando homo iustus de facili in peccatum ruat: hoc erit ex inclinatione appetitus, quæ interdum in hac naturā corruptā prævalet.

Tom. IX.

DUBIUM III.

An Gratia sit Supernaturalis, & Participatio Formalis Divinae Naturæ.

§. I.

Resolutio prima Partis.

I. Deum esse ens omnino supernaturale, omnes conveniunt & in quo autem hæc supernaturalitas verè consistat, non una est omnium sententia. Variis tamen modis eam explicandi omisiss, suppono: Deum esse ens supernaturale, nil aliud importare, quā Deum esse elevatum supra totam naturam creatam, & creabilem quoad omnia, quæ in natura creatā, & creabili reperiuntur, & reperiri possunt. Sicut enim Angeli dici possunt secundum quid supernaturales, quia supra totam naturam corpoream elevati sunt: ita Deus ex eo dici debet simpliciter, & omnibus modis supernaturalis, quia supra totam naturam à se creatam, & creabilem elevatus est.

Hinc fit, quoddam omnia prædicata divina habent aliquem peculiarem modum, quo elevantur supra totam naturam creatam, & creabilem: aliter tamen, & aliter. Quædam enim sunt, quæ non possunt præcindi à modo, quo sunt in Deo, ut elevato supra totam naturam creatam, & creabilem: & huiusmodi nec substantialiter, nec accidentaliter participabilia sunt, & communicabilia; aliàs participaretur, & communicaretur ipsa divinitas per essentiam; cuiusmodi sunt esse in linea entis à se, actum in omni genere purum, & infinitum, esse in linea durationis essentialiter æternum, in linea operativā omnipotentem, in linea locativā immensum, in linea boni summum bonum, & in linea veri summum verum, in linea intellectiva suum intellectum, suum intelligerē, & similia.

V

Alia

Alia verò sunt, quæ licet secundum prædictos modos, quibus in Deo sunt, imparticipabilia sint; non ita tamen illos includunt, quin, si inadæquatè sumantur, possint ab illis præscindi, & sine illis intelligi. Sic se habent esse principium videndi, & amandi Deum, ut in se est, & actu illud, ut in se, videre, & amare: quæ licet secundum modum infinitum, quo sunt in Deo, à nulla creatura participari queant; possunt tamen sine tali modo à Deo, à auctore supernaturali, creaturæ communicari: & entia creata, quæ talia prædicata participant, dicuntur entia supernaturalia. Hoc modo

II. Dico. Gratia justificans est ens supernaturale participativè. Et probò. Ens, quod est participatio alicujus prædicati, in quo Deus excedit omnem naturam creatam, & creabilem, est ens participativè supernaturale: atqui hujusmodi est gratia; ergo &c. Min. prob. Deus elevatur supra totam naturam creatam, & creabilem in hoc, quòd sit principium videndi, & amandi seipsum, ut in se est: sed hoc participatur à gratia; ergo &c. Quia verò participare est partem capere; ideo ubi Deus est principium videndi, & amandi se, ut in se, & hoc habet à se, & actu, ac modo infinito: gratia hoc habet ab alio, & actu, ac modo finito: participans quidem rem, in qua Deus elevatur, sed modum, quo elevatur supra omnem naturam creatam, & creabilem, relinquens.

III. Secundò probatur. Qualis sit intrinsicè entitas rei, dignoscitur ex causis ejus: sed omnes causæ gratiæ habitualis indicant, ejus entitatem esse supernaturalem; ergo &c. Min. prob. Causa efficiens gratiæ est Deus, ut auctor supernaturalis: causa formalis ejus, ut dicitur, est participatio formalis divinæ naturæ, ut in se est: causa finalis est Deus, ut videndus in se, & ut objectum beatificans: causa verò materialis est potentia animæ rationalis obedientialis, quæ nata est obedire

Deo agenti in ipsa supra ipsam; ergo omnes causæ &c.

IV. Nec dicas, entitatem gratiæ tendere in Deum auctorem supernaturalem, non ab intrinseco; sed quia à Deo acceptatur, & ordinatur ad illum finem.

Nam contra est. Si non aliud habet gratia, quàm extrinsecè à Deo ordinari ad finem supernaturalem, quid plus habebit, quàm anima rationalis: cum & ista extrinsecè ordinetur, & acceptetur ad finem supernaturalem? Quid animæ rationali confert gratia plus, quàm ex se habeat; si entitas gratiæ solum est supernaturalis, quia à Deo ordinatur, & acceptatur extrinsecè ad finem supernaturalem: cum hoc modo acceptare, & ordinare possit entitatem ipsam animæ rationalis? Dicendum ergo est, entitatem gratiæ esse intrinsicè ordinatam ad finem supernaturalem; ac respicere Deum in illo ordine, non solum ut causam efficientem, sed ut causam formalem, & specificativam: cum gratia sit id, quo Deus elevat animam, redditque eam potentem operari in illo ordine.

§. I I.

Resolutio secunda Partis.

V. Duplex est alienius participatio: alia virtualis, alia formalis. Virtualis dicitur, vel quia est non participet formam, quæ est in alio, participat tamen virtutem ad producendum simile in forma: sic semen est participatio virtualis generantis; quia est non habeat formam generantis, est tamen virtus ab eo participata ad producendum simile in forma ipsi generanti. Vel dicitur participatio virtualis, quia participat id, quod solum virtualiter continetur in alio: sicut intra terram participatur virtualiter calor Solis; qui tamen calor solum

Idem virtualiter est in Sole. Participatio verò formalis est illa, quæ formaliter in se trahit, quod formaliter in alio est: sicut aer participat lumen à Sole, quæ lux formaliter in Sole est; & lux in aere est formalis participatio lucis solaris. Creaturæ ergo, secundum esse naturale suum, sunt participationes solum virtuales Dei; quia cum non sint perfectiones simpliciter simplices, solum eminenter, & virtualiter in Deo esse possunt, non formaliter: unde Deus non est formaliter, nec Angelus, nec homo, nec lapis &c. ut ostendimus Tom. 2. in 1. p. Quæ. 3. de Essentia Dei. Dub. 4. §. 2. Participaciones ergo formales Dei sunt, quæ formaliter in creatura ponunt id, quod formaliter in Deo est.

VI. Sed dupliciter potest aliquid creatum esse formalis participatio Dei: uno modo physice, alio modo solum moraliter. Participatio formalis physica est, quæ physice formaliter continet id, quod participat: moralis verò, quæ continet solum moraliter. Hoc solum modo censent aliqui, gratiam sanctificantem esse formalem participationem Dei; nimirum, quia sicut Deus semper est ad se conversus, & nunquam à se aversus, semper Justus, semper Sanctus: Ita gratia, quæ hoc homini confert, dicatur formalis participatio iustitiæ, sanctitatis, rectitudinis Dei.

VII. Dico primò. Gratia sanctificans est formalis participatio divinæ naturæ, non solum moralis, sed in aliquo vero sensu physica. Hanc esse mentem S. Thomæ, patet ex hæc q. 110. a. 3. ubi dicit, quod lumen gratia est participatio quadam divina natura. Et ostendit ex illo 2. Petri 1. v. 4. Maxima, & pretiosa vobis promissa donavit, ut per hæc efficiamini divinæ confortes natura. Item 3. p. q. 2. a. 10. ad 1. Gratia (inquit) quæ est accidens, est quadam similitudo divinitatis participata in homine; ad differentiam humanæ naturæ Christi, quæ non dicitur participasse similitudinem aliquam.

divina natura: sed dicitur esse conjuncta ipsi divina natura in Persona Filii. Quod repetit ibi q. 3. a. 4. ad 3. & q. 62. a. 1. & 2. Quibus invicem collatis apparet, S. Doctoris mentem esse, gratiam esse participationem divinæ naturæ, non solum moralem, per conformitatem in voluntate, & imitationem bonitatis Dei, sed etiam physicam.

VIII. Accedit etiam, quodd Joann. 2. v. 12. per gratiam dicimur, filii Dei fieri: Dedit eis potestatem, filios Dei fieri. v. 13. nati ex Deo: Ex Deo nati sunt. Quod repetit idem Joann. Epist. 1. c. 3. v. 9. Omnis, qui natus est ex Deo, peccatum non facit, quoniam semen ipsius in eo manet, & non potest peccare, quoniam ex Deo natus est. Atqui per gratiam fieri filium Dei, natum ex Deo, semen Dei in ipso manere, indicant, non solum participationem moralem, per conformitatem, & consortium cum Deo, sed physicam; & quodd gratia sit quasi semen, quo anima fecundata naturam divinam participet, & ex Deo renascatur; ergo &c. Min. prob. Nativitas enim ex semine, & filiatio petunt, ut filius participet naturam patris: substantialiter quidem, si filiatio fuerit substantialis; accidentaliter autem, si filiatio fuerit accidentalis, & adoptiva.

IX. Unde probatur sic. Si gratia, sanctificans non esset formalis, & physica participatio divinæ naturæ, per modum naturæ, sed pura extrinseca acceptatio Dei; diceretur quidem filii Dei, at non essemus filii Dei: sicut quia in humanis filius adoptatur ex mera extrinseca acceptatione adoptantis; ille, qui adoptatur, dicitur quidem filius, at non est filius adoptantis, quia ab adoptante non accipit naturam: sed per gratiam non solum vocamur filii Dei, sed verè sumus, juxta illud 1. Joann. 3. v. 1. Videte, qualem caritatem dedit nobis Pater, ut filii Dei nominemur, & simus &c. ergo &c.

V 2

X. Rur.

X. Rursus : non potest filius connaturaliter facere operationes patris, nisi habeat, vel participet naturam Patris; quia operationes naturæ superioris nequeunt fieri connaturales alteri, nisi aliquomodo participet de natura superiori; sed operationes propriæ Dei, ut videre, & amare se ipsum, ut in se est, per gratiam sunt connaturales filiis Dei; eas enim gratia radicat, & facit, ut ad eas faciendas inclinentur; ergo gratia in filios Dei trahit naturam divinam. Inclination enim ad videndum Deum, ut est in se, non potest esse connaturalis, nisi fundetur in natura divinâ: cum nulla natura creata fundare possit inclinationem ad videndum Deum, ut in se est.

XI. Dico secundò. Gratia est formalis participatio naturæ divinæ; non subiectivè, quasi in se habens eundem infinitatis modum, quem habet natura divina: sed obiectivè, quatenus est fulgor, & similitudo naturæ divinæ in creaturam rationalem descendens, eamque elevans, ut connaturaliter possit facere operationes, quas facit Deus; nempe, videre Deum, ut in se est actus purus, infinitus, & ens per essentiam. Est contra plures ex nostris. Eam tamen docet Joan. à S. Thoma hic *Diff. 21. q. 1.* & explicat exemplo Angelus inferioris, qui dum elevatur per illuminationem, ad cognoscenda ea quæ cognoscit Angelus superior per suam naturam; nunquam tamen lumen, receptum in Angelo inferiori, subiectivè habebit eundem modum, quem habet in superiori, sed solum obiectivè. Ita gratia est lumen participatum à divina natura in creaturâ rationali, simile quidem divino lumen obiectivè; quia demonstrat naturam, & omnia divina; non tamen subiectivè, quasi continens eundem modum, quo est in natura divinâ. Conclusio sic explicata se expedit à pluribus difficultatibus, quibus implicatur contraria sententia. Vix enim perceptibile est, quòd gratia sit

quid creatum, & finitum; & quòd participet aſſeſſitatem, rationem adus puri, infinitatem, & hoc subiectivè: imò, quòd hæc predicata, & alia similia, sint in aliqua re creatâ participabilia.

XII. Itaque natura divina, & divina prædicata duplicem habent infinitatem: unam entitativam ex parte subiecti, & principii; alteram ex parte obiecti, & finis. Natura Dei, & omnia divina prædicata entitativè, & in se sunt omnibus modis infinita, & reddunt suum principium infinitum: & hoc modo nec à gratia, nec ab ullo extra Deum participabilia sunt. Infinitas autem obiectiva, & terminativa potest à gratia participari: quia cum gratia sit radix videndi, & amandi Deum, ut in se est, & Deus sit in se infinitus, æternus, omnipotens &c. ideo gratia ex parte termini, & obiecti omnia ista participat. Et ecce quomodo gratia entitativè finita sit; ex parte autem termini, & obiecti infinita, & divina.

§. III.

Aligua contra Præfata.

XIII. Argues primò, gratiam habitalem non esse formalem participationem naturæ divinæ. Nam 1. Joann. 3. v. 9. vocatur *Semen Dei*. At semen solum virtualiter participat naturam generantis; nam semen arboris est arbor, non formaliter, sed virtualiter solum; ergo gratia non est formalis participatio naturæ Dei, sed virtualis.

XIV. Respondeo, gratiam dici semen Dei, non relatè ad naturam Dei, cuius est participatio; sed relatè ad visionem beatam, quæ radicitur, & continetur in gratia, sicut arbor in semine. Quod docuit Sanctus Thomas 1. 2. q. 62. a. 3. dicens: *Gratia gratum faciens hoc modo comparatur ad beatitudinem, sicut ratio seminalis in natura ad effectum naturalis.*

lem. Unde 1. Joann. 3. *Gratia semen Dei nominatur.*

XV. Argues secundò, gratiam esse participationem divinæ naturæ solum moralem. Primò: quia *Matth. 12.* Christus vocat fratres eos; qui sece- rint voluntatem Patris sui; ergo dicitur frater Christi per conformitatem cum Dei voluntate; ergo eadem conformitate dicitur filius Dei: quia, qui est frater alicujus, ut natus à tali patre, est filius. Quod indicavit Paulus *Roman. 8. v. 19. 30.* dum ait: *Quos praecevit, & praeordinavit, conformes fieri imaginis Filii sui, ut sit ipse primogenitus in multis fratribus. Quos autem praeordinavit, hos & vocavit, & quos vocavit, hos & justificavit.* Quibus justificationem, quæ est effectus praeordinationis, in conformitate collocat Apostolus.

XVI. Respondeo, me non negare, filios Dei, & fratres Christi esse, qui faciunt voluntatem Dei Patris, & in hoc conformari Christo; qui, ut faceret voluntatem Patris sui, factus est obediens usque ad mortem. Dico tamen, quòd sicut conformitas fratris cum fratre, & utriusque cum patre fundatur in communicatione in eadem naturâ acceptâ à patre: ita fraternitas iusti cum Christo Filio Dei naturali fundatur in gratia, quâ uterque communicat in natura Patris; Christus quidem substantialiter, quia est Filius naturalis homo autem iustus; solum accidentaliter, quia filius adoptivus. Nec aliud intendit Paulus.

XVII. Argues tertio. Paulus ad *Galat. 3. v. 26.* ait: *Omnes enim filii Dei estis per fidem:* & tamen fides non est participatio formalis divinæ naturæ.

XVIII. Respondeo, Apostolum loqui de fide viva, quæ per dilectionem operatur, & est conjuncta cum gratia. Loquitur enim de fide, quâ baptizati in Christo, Christum induimus, & quâ cum Christo semen Abraham sumus, secundum promissionem heredes. Unde August. *Epist. 196.* alijs

200. ad *Afelicum cap. 3.* statuit differentiam inter nos, & Judæos; quòd nos sumus Israel secundum spirituales regenerationem, illi secundum carnalem generationem. Et post multa: *Sumus Israel adoptione divina, non humana cognitione gloriantes.*

XIX. Argues quartò. Res etiam inanimæ ex Deo nasci, & ex Deo generari dicuntur: *Job 38. v. 18. Quis est pluvia pater? Vel quis genuit stilas rosis?* Et tamen nec pluvia, nec ros participant formaliter naturam Dei.

XX. Respondeo, res inanimæ dici à Deo generari, & ex Deo nasci generatione, & nativitate improprie sumptâ, sicut omnis effectus oritur à sua causâ: quâ etiam ratione homo secundum naturam dici potest, nasci ex Deo, & à Deo generari. Verùm dum justificatur per gratiam, ita dicitur regenerari, & nasci ex Deo; ut fiat adoptio filius cum jure ad hereditatem Dei, juxta illud *Rom. 8. v. 17. Si autem filii, & heredes, heredes quidem Dei, cohæredes autem Christi.* Quo fit, ut participes sint divinæ naturæ.

XXI. Argues quintò. Ideo gratia est formalis participatio naturæ divinæ, quia constituit filium Dei adoptivum: sed hoc, vel est falsum, vel non evincit intentum; ergo &c. Min. pro prima parte probatur. Tùm quia: in Christo fuit gratia habitualis; & tamen illum non reddidit filium Dei adoptivum. Tùm quia: filiatio est de genere relativi, gratia verò de genere absoluti. — Pro secunda etiam parte prob. Nam non est de ratione adoptionis, quòd adoptans communicet naturam suam adoptato: ut patet in adoptione, quæ fit inter homines, in qua adoptatus non accipit naturam ab adoptante.

XXII. Respondeo, neg. min. pro utraque parte. Ad 1. probat. pro prima parte, dico, gratiam in Christo non fecisse cum filium adoptivum: quia cum ad adoptionem requiratur, quòd persona sit extranea naturæ adoptantis,

tis, Christus autem, utpote persona divina, sit intraneus naturæ Dei, & Filius ejus naturalis; ideo incapax erat filiationis adoptivæ.

Ad secundam dico, gratiam esse quidem fundamentum filiationis adoptivæ, sumptæ pro relatione filiationis, non verò ipsam filiationem: quemadmodum natura in filio est fundamentum filiationis naturalis, non ipsa filiatio.

XXIII. Ad probat. secundæ partis respondeo, quod licet de ratione adoptionis, quæ sit inter homines, non sit communicatio naturæ adoptantis; bene tamen de ratione adoptionis, quæ homo adoptatur in filium Dei. Et ratio est: quia in humanis adoptio supponit, quod adoptandus sit ejusdem naturæ cum adoptante, & habeat in se sufficiens principium ad percipiendam ejus hereditatem. Adoptio autem divina, cum non supponat in homine similitudinem in natura divinâ, nec sufficientem aptitudinem ad percipiendam hereditatem, debet illam efficere: & subinde ad divinæ naturæ participationem elevare adoptandum. Sed pro majori horum explicatione sit

DUBIUM IV.

An Gratia constituat Hominem Filium Dei Adoptivum?

§. I.

Quædam præmittuntur.

Premitto pro intelligentia Dubii definitionem adoptionis, quæ talis est: *Assumptio gratuita persona extranea in filium, cum jure ad hereditatem.* Quæ definitio aptari etiam potest adoptioni supernaturali, quæ homo adoptatur in filium Dei. Hæc enim est assumptio gratuita, idest, indebita; ideoque etiam voluntaria, & libera, tam ex parte adoptantis, quam adoptati. Unde Tridentinum, *Sess. 6.*

cap. 7. describens adoptionem hominis adulti, dicit, eam fieri per voluntariam susceptionem gratiæ, & donorum, unde homo ex injusto fit justus, & ex inimico amicus, ut sit hæres secundum spem vitæ æternæ. Quoad infantes verò, & alios propriæ voluntatis, & libertatis usu carentes; sicut in adoptione humana supplet voluntas tutoris: ita in adoptione divina supplet voluntas Ecclesiæ. Est etiam personæ extraneæ Deo adoptanti: quia nulla creatura intellectualis habet ex se jus ad filiationem adoptivam Dei, ad bonam eam consequentia, & ad hereditatem vitæ æternæ.

II. Suppono, ut fide certum, hujusmodi adoptionis donum per meritum Christi non solum concedi iis, qui in lege nova justificantur; sed iis quoque concessum fuisse, qui in lege veteri per fidem mediatoris justificabantur. De lege nova testis est Paulus, *Rom. 8. v. 15. dicens: Accepistis spiritum adoptionis filiorum, in quo clamamus: Abba (pater) & ad Ephes. 1. v. 1. Qui prædestinavit nos in adoptionem filiorum per Jesum Christum.* Quod constituitur etiam Tridentinum, *Sess. 6. cap. 4. De lege quoque veteri testis est idem Paulus, Rom. 9. v. 4. ubi ait: Qui sunt Israelita, quorum adoptio est filiorum, & gloria. Et Christus ipse, Matth. 11. v. 26. Non est bonum (inquit) sumere panem filiorum, & mittere canibus: ubi filios vocat Judæos, canes verò Gentiles. Et sanè: qui enim justificabantur in lege veteri, acquirebant jus ad hereditatem gloriæ; & licet ingressus in eam esset pro eo tempore suspensus; jus tamen retinebant, qui in justitia decedebant, ad eam suo tempore obtinendam, sicut de facto per Christi mortem consecuti sunt. Quamvis enim etiam modò, cum gratia confertur, adsint plura impedimenta, nempe, debitum multiplicis poenæ luendæ ante ingressum, etiam post mortem; adhuc tamen per gratiam verè filii adoptivi sumus, neque*

que jus ad hæreditatem amittimus: ita neque veteris Testamenti Patres, quamvis in gloriam eis retardaretur ingressus. Hoc igitur suppositio, quæstio est: an forma, quâ filii adoptivi constituimur, sit gratia.

III. Leissus vult, formam facientem nos filios Dei adoptivos esse Spiritum Sanctum; gratiam verò esse conditionem illum nobis applicantem. Scotus vult, formam adoptionis esse gratiam, non ratione suæ entitatis; sed ex lege, & pacto Dei eam ad hoc destinantis: sicut moneta Regio sigillo signata habet valorem, quem ex se non haberet. Quid autem cum Nostris dicendum iudicemus, sequentiibus exponetur.

§. I I.

Resolutio Dubii.

IV. **D**ico. Gratia habitualis est forma ex natura sua, omnique pacto secluso, verè faciens hominem filium Dei adoptivum, eique dans jus ad hæreditatem Dei. Probatur ex dictis. Nam per gratiam, tanquam per formalem divinæ naturæ participationem, efficiamur divinæ consortes naturæ; ergo per illam efficiamur filii Dei adoptivi. Conseq. prob. Ille est filius alicujus, qui accipit naturam illius: si accipit substantialiter, est filius naturalis: si verò eam participat solum accidentaliter, est filius adoptivus. Quia igitur solum divinum Verbum accipit substantialiter naturam divini Patris, ipsum solum est filius naturalis Dei: nos autem, qui recipimus quamdam solum participationem accidentalem divinæ naturæ, erimus filii Dei solum adoptivi.

V. Consideratur. Adoptio, quæ non supponit in adoptato naturam adoptantis, non potest in alio melius fundari, quàm in gratuita communicatione naturæ adoptantis: sed adoptio hominis in filium Dei non supponit in homine naturam divinam, & hæc

illi formaliter communicatur per gratiam sanctificantem; ergo &c. Major prob. Tum quia: adoptio debet supponere communionem in eadem natura; aliàs homo posset adoptare equum in filium, & Angelus hominem. Tum etiam: quia in eo debet fundari filiatione adoptiva, ex quo adoptatus acquirat jus ad hæreditatem patris: atqui jus ad hæreditatem nascitur ex communicatione naturæ; quia hæreditas Dei adoptantis est gloria æterna, & visio clara Dei: jus autem ad ista, oritur ex gratia, quæ cum sit divinæ naturæ formalis participatio, est radix Deum clarè videndi, & amandi, ut est in se; ergo &c. — Quare magis urgetur. Ex eo enim habet homo, quòd sit filius adoptivus Dei, ex quo primò habet, quòd communicet in bonis Dei: sed hoc primò habet ex gratia, cum qua primò veniunt omnia bona supernaturalia, & propria Dei; ergo &c.

VI. Quòd verò hoc præstet gratia se solà, & ex vi suæ perfectionis, & non ex pacto, aut conditione extrinseca, ut vult Scotus: probo primò ex Tridentino *Sess. 6. cap. 7.* ubi assignans causam formalem nostræ justificationis, ait: *Demum unica formalis causa est justitia Dei, non quâ ipse justus est, sed quâ justos nos facit: quâ videlicet renovamur spiritu mentis nostræ &c.* Ex quibus discuro sic: ex Concilio unica causa formalis nostræ justificationis est gratia, seu justitia, quâ Deus justos nos facit; ergo unica causa formalis nostræ adoptionis in filios Dei est gratia; quia Concilium pro eodem reputat justificari, & renovari, seu regenerari in filios Dei: sed si gratia non se solà, sed ex pacto Dei nos justificaret, ac regeneraret, non benè dixisset Concilium, quòd sit unica causa formalis nostræ justificationis, & regenerationis; ergo &c.

Secundò probo. Illa forma seipsâ, nullo extrinseco expectato, sufficiens est ad fundandam filiationem adoptivam,

vam, quæ sufficiens est ad communicandam naturam: sed gratia habitualis, cum sit ex dictis formalis participatio accidentalis divinæ naturæ, sufficiens est ad naturam divinam communicandam; ergo &c.

Si dicas: quoddammodo ad communicationem substantialem naturæ sequatur filiatio naturalis, & jus ad hæreditatem: non tamen ad communicationem solum accidentalem divinæ naturæ sequitur filiatio adoptiva, & jus ad hæreditatem gloriæ, nisi accedat favor Dei acceptantis.

VII. Sed contra. Licet favor sit Dei, quoddammodo communicet homini suæ naturæ participationem: hæc tamen communicatæ nullus alius favor requiritur, ut homo sit filius cum jure ad Dei hæreditatem. Quia dando participationem suæ naturæ dat donum, quod est radix videndi, & amandi Deum, ut est in seipso; & cui debita est tanquam actus proportionatus talis visio, & amor, in quo consistit hæreditas Dei. Si enim lumen gloriæ per modum principii proximi dat jus connaturaliter ad visionem: cum gratia sit radix hujus luminis, cur saltem jus radicale, & remotum non præstabit?

§. III.

Rationes Contrariæ.

VIII. Objicies primò pro Lessio. Spiritus Sanctus est, qui nos facit filios adoptivos Dei. Rom. 8. v. 14. *Quicumque enim Spiritu Dei aguntur, ii sunt filii Dei.* Et v. 15. *Acceptistis Spiritum adoptionis.* Item Joann. 6. v. 64. *Spiritus est, qui vivificat.* Et Galat. 5. v. 25. *Si Spiritu vivimus, Spiritu & ambulemus.*

IX. Respondemus, hæc, & similia testimonia solum indicare, vivificationem, & adoptionem tribui Spiritui Dei effectivè, non formaliter; quasi Spiritus Sanctus sit causa formalis vitæ, & adoptionis: quod evinci-

tur ex verbis illis: *quicumque Spiritu Dei aguntur*, agimur enim à causa agente, seu efficiente. Spiritus ergo vivificat, Spiritu vivimus, quia Spiritus Sanctus infundit nobis formam, quæ spiritualiter vivimus. Unde, Rom. 5. v. 5. dicitur: *Caritas Dei diffusa est in cordibus nostris per Spiritum Sanctum, qui datus est nobis.*

X. Objicies secundò. Satisfactio Christi, quæ pro nobis satisfecit, communicatur nobis, ita ut per illum, & in illo satisficiamus; ergo & justitia Christi communicatur nobis, ut per illum simus formaliter justus, & filii adoptivi. Conf. prob. Quia satisfactio inhæret Christo non minus, ac justitia ejus, cum utraque sit actus immanens.

XI. Respondeo in primis, satisfactionem Christi esse quidem causam meritoriam, non tamen formalem nostræ justificationis. Ita Trident. Sess. 6. cap. 7. ubi assignans causas nostræ justificationis, ait: *Meritoria autem dilectissimus Unigenitus suus Dominus noster Jesus Christus, qui... suâ sanctissimâ passione in ligno Crucis nobis justificationem meruit, & pro nobis Deo Patri satisfecit.* Imò sicut, est Christus satisfecerit, exiguntur tamen etiam satisfactiones nostræ; quamvis in ipso, & per ipsum mereamus, & satisficiamus, ut docet idem Trident. Sess. 14. cap. 8. ita quamvis justus simus in Christo, & per Christum; adhuc tamen ut justus simus, indigemus justitiâ nobis per Christum collatâ. Conferantur hæc cum iis, quæ dicta sunt Dub. 1.

Dato tamen antecedente, nego conf. Ad probat. diff. Satisfactio est purè immanens, nego ant. Transiens in exteriorem materiam, co. ant. Differunt ergo justitia, & satisfactio; quia justitia est purè immanens, & unice respicit subiectum, in quo est, illud renovans, & sanctificans; sicut & actus contritionis ita respicit subiectum, quod conteritur, ut nequeat alteri communicari, aut unus pro altero con-

conteri, neque unus pro alio scire, aut actum prudentiæ facere. Quare iustitia unius nequit alium iustificare. At satisfactio respicit medium exterius, seu proportionem rei ad rem: unde sicut aliquis posset pro alio satisfacere, solvendo pro illo debitum ex amicitia, vel caritate; ita Christus sua satisfactione potuit pro nobis satisfacere: maxime cum se habeat ut Caput constituens unam Personam mysticam cum nobis, qui sumus membra.

Ut tamen hæc solutio melius intelligatur, sciendum ex D. Thoma 1. 2. q. 64. a. 2. in corp. & 2. 2. q. 58. a. 10. in corp. aliquas virtutes respicere solum medium rationis, alias medium rei. Illæ respiciunt medium rationis tantum, quæ ordinantur præcisè ad rectificandam rationem ipsius operantis; quales sunt virtutes ordinatæ ad rectificandam iram, & concupiscentiam: & huiusmodi actiones taliter ordinantur ad perficiendum subiectum, in quo sunt, ut nequeant ad aliud comparari. Sic nemo potest esse castus, & temperans temperantiæ alterius, nemo potest mereri formaliter merito alieno, conteri contritione aliena. Aliæ verò respiciunt etiam medium rei; quarum operationes respiciunt materiam exteriorem, proportionem habentem ad externam personam. Et tale est medium, quod respicit iustitia, cuius actus est satisfactio: ideoque potest iustitia unius pro altero satisfacere, ponendo æquale. Et sic Christus suâ satisfactione potuit pro nobis satisfacere; non autem iustitiâ, quâ in se iustus est, seu gratiâ suâ nos iustificare.

XII. Obijciunt tertio pro Scoto. Ideo gratia se solâ constitueret filium adoptivum, quia dat jus ad hæreditatem Dei: sed hoc vel est falsum, vel non convincit; ergo &c. Min. pro prima parte prob. primò. Ratiò, ob quam daret tale jus, esset, quia per eam homo sit particeps naturæ divinæ: sed hoc non vincit; nam magis con-

Tom. IX.

veniunt in participanda naturâ humana duo homines, qui in ea conveniunt univocè, quàm homo iustus cum Deo in natura divina, in qua solum analogicè convenit: sed convenientia in natura humanâ non sufficit, ut unus homo habeat jus ad hæreditatem alterius; ergo neque &c. — Secundò. Non minor in operibus Justorum gratiâ, & caritatè informatis est proportio cum gloria, ut mercede, quàm in gratia sanctificante cum visione beata, ut hæreditate: sed in operibus Justorum non datur jus ad gloriam, ut mercedem, nisi intuitu promissionis, & ordinationis divinæ, ut dicemus; ergo neque in gratia sanctificante erit jus ad visionem Dei, ut hæreditatem, nisi accedente pacto, & ordinatione divina.

Pro secunda etiam parte probatur. Spiritus Sanctus habet jus ad hæreditatem Dei; & tamen non est filius naturalis ejus. Rursus: omnes sanguinei habent jus ad hæreditatem; & tamen non sunt filii: & nepos est hæres avi, cujus tamen non est filius. Licet ergo omnis filius sit hæres, secundum Apostolum; non tamen omnis hæres est filius.

XIII. Respondeo, neg. min. pro utraque parte. Ad primam prob. primæ partis, nego min. Ad probationem ibi subjunctam dico, quòd, ut aliquis habeat jus ad hæreditatem alterius, non sufficit, ut conveniat in natura cum illo; sed requiritur, ut conveniat in natura participatâ ab illo: cum ergo duo homines conveniant quidem in natura, sed natura unius per hoc præcisè non sit accepta ab alio: ideo ex hac purâ convenientiâ nec tenetur ipsum alere, nec ad hæreditatem vocare. At homo iustus, & convenit in natura, saltem analogicè, cum Deo, & habet illam à Deo participatam: & ideo eadem actione illi dat jus ad hæreditatem, sicut pater filio adoptivo.

Ad secundam probationem primæ partis, nego cons. & ratio discriminis est. Quia jus meritatorium, quod

X

habent

habent opera Iustorum ad gloriam, ut mercedem, vel est fidelitatis, vel iustitiæ, vel gratitudinis. Si est fidelitatis, fundari debet in promissione. Si iustitiæ, vel gratitudinis, tale jus in pura creaturâ absque pacto Dei dignitati operum superaddito nequit subsistere: quia cum opera Iustorum sint multis titulis Deo debita; quod Deus velit ea remunerare, vel ex iustitia, vel gratitudine, oritur ex pacto, & conventionem à Deo ex sua benignitate statuit, ea accipiendi ad talem mercedem. At jus fundatum in gratia ad gloriam, ut hæreditatem, est jus connaturalitatis, quod habet gratia, ex quo est participatio formalis divinæ naturæ: unde eo ipso, quod Deus infundit gratiam, cum ea infundere debet jus ad hæreditatem. Sicut supposito, quod Deus creet Angelum, debet cum natura, debito connaturalitatis, ei infundere species ad intelligendum.

XIV. Ad prob. secundæ partis, dico, Spiritum Sanctum habere jus ad hæreditatem Dei, quia ex parte rei acceptæ accipit naturam à Patre: non tamen dici filium naturalem, quia illam non accipit ex vi suæ processionis, ut suo loco diximus; quod ad filiationem naturalem requiritur, non tamen ad filiationem adoptivam. Ad hanc enim satis est, eam ex parte rei acceptæ accipere cum jure ad hæreditatem: & ideo gratia, quæ dat jus gratuitum ad hæreditatem gloriæ, facit nos filios adoptivos Dei. — Confratruque autem succedunt in hæreditate, non naturali jure: hoc enim in sola communicatione naturæ fundatur, quæ inter confratruos non datur. — Nepos autem est non accipiat immediatè naturam ab avo, eam tamen accipit mediatè: & ideo jus naturale habet ad hæreditatem avi.

Ad id autem, quod postremò additur, concedo, quod non omnis hæres sit filius: dico tamen, quod omnis accipiens naturam ab aliquo est hæres illius; quia ad eum, qui naturam

dedit, spectat naturam conservare: & hoc solum inferimus ex gratia. Quod autem jus ad hæreditatem ratione gratiæ inferat filiationem adoptivam; deducimus ex eo, quod homo per gratiam accipit participationem divinæ naturæ à Deo, per se primò intendente talem communicationem, ex qua sequitur filiatio adoptiva. Sicut in humanis unus homo dicitur adoptare, alium, tanquam filium; quia intendit illum sic unire sibi, quasi ab illo accepisset naturam. Et quia Deus sic gratiose naturam suam communicat homini per gratiam, ut illum sibi uniat, dando ei jus ad se videndum, fruendum &c. dicitur apertissime, eum in filium adoptare.

XV. Obijcies quartò. Potest Deus suâ potentiâ absolutâ homini existenti in gratia, & in illa perseveranti negare in perpetuum gloriam: sed homo sic exclusus filius Dei adoptivus non esset: tùm quia: non stat filiatio adoptiva sine acceptance ad hæreditatem adoptantis. Tùm quia: utpote ab ea exclusus per voluntatem Dei, censeretur etiam privatus jure ad hæreditatem; ergo gratia absque pacto Dei non facit filium adoptivum.

XVI. Respondeo, omnia majori (quam tamen aliqui etiam ex Nostriis negant) negando min. Ad primam probat. dico, non subsistere quidem filiationem adoptivam sine acceptance ad hæreditatem tàm in re, quàm in jure; subsistere tamen cum acceptance in jure, est acceptatio in re denegatur, ut etiam in humanis patet. Si enim Petrus adoptaret Joannem in filium, & postea nullâ causâ legitimâ, ipsum excluderet ab hæreditate, non desineret esse filius adoptivus illius: quia jus ad illam ex vi præcedentis adoptionis haberet. Cum ergo, quousque perseverat gratia in homine iusto, ex vi illius maneat jus ad hæreditatem Dei; etiam si ipsum excluderet ab hæreditate, adhuc maneret filius Dei adoptivus.

Neque obest secunda probatio. Volun-

Iustus enim Dei denegantis gloriam iusto, privaret quidem ipsum actuali consecutione gloriæ; non tamen iure, & dignitate connaturali ad eam obtinendam, quousque in illo conservaret gratiam: ut li Deus à natura producta suspenderet resultantiam proprietatum, tunc talis natura careret quidem proprietatibus, non tamen debito connaturali habendi illas.

XVII. Obijciunt quintò. Potest Deus alicui velle efficaciter gloriam absque voluntate efficaci dandi illi gratiam: sed iste esset verè filius adoptivus, esset enim assumptus ad hæreditatem; ergo &c.

XVIII. Respondeo, datà maj. neg. min. Non enim quæcumque assumptio ad hæreditatem facit filium adoptivum, sed sola assumptio communicans affectivè naturam. Et in humanis constat: non enim quicumque vocatur ad hæreditatem, censetur filius adoptivus; sed ille solùm, qui cum affectu communicandi ei naturam vocatur: alias omnes hæredes instituti essent filii adoptivi. Cum ergo in casu Deus vellet quidem, homini illi dare suam hæreditatem, sed non vellet, saltem efficaciter, illi communicare naturam; non censetur, velle eum adoptare in filium: ad filiationem enim communicatio naturæ requiritur; ad naturalem, communicatio effectiva, ad adoptivam, affectiva. Imò ad adoptionem divinam non sufficit voluntas conditionata, & inefficax communicandi naturam, estò sufficiat in adoptione humana: quia homo non nisi unà viâ potest efficaciter communicare naturam; Deus autem duplici, nempe, univocè filio naturali, & secundum analogam participationem filio adoptivo. Unde adoptio humana supponit in adoptando naturam; adoptio divina eam dat. Ita S. Thomas 3. p. q. 23. a. 1. in corp. dicens: Hoc autem plus habet adoptio divina, quàm humana: quia Deus hominem, quem adoptat, idoneum facit per gratia munus ad hæreditatem cælestem percipiendam;

homo autem non facit idoneum eum; quem adoptat, sed potius cum jam idoneum eligit adoptando. Quòd si Deus hominem non habentem gratiam raperet ad visionem beatam; cum raperet ut hæredem, sed non ut filium etiam adoptivum.

XIX. Si tandem objicias. Gratia, se solà sine acceptatione extrinseca Dei non sufficit ad remittendum peccatum; ergo neque ad constituendum filium Dei adoptivum.

Respondeo, neg. ant. de quo dicemus infra. Cum enim per voluntariam susceptionem gratiæ excludatur voluntas perseverandi in privatione gratiæ, ex qua erat in statu peccati, excluditur absque ullo extrinseco peccato: sicut posita luce excluduntur tenebræ. Sed de hoc infra

§. I V.

Aliqua Quæstia resolvuntur.

XX. Q Uæres primò: An adoptare creaturam rationalem in filium sit proprium alicujus divinæ Personæ?

Respondeo, adoptare creaturam rationalem, cum sit opus ad extra, non esse proprium alicujus Personæ divinæ, ut distinctè ab aliis, sed commune toti Trinitati. Ita S. Thomas 3. p. q. 23. a. 2. his verbis: *Hæc est differentia inter filium Dei adoptivum, & naturalem; quòd Filius Dei naturalis est genitus, non factus: filius autem adoptivus est factus, secundum illud Joan. 1. Dedit eis potestatem, filios Dei fieri. Dicitur tamen quandoque filius adoptivus esse genitus, propter spiritualem regenerationem, qua est gratuita, non naturalis. Unde dicitur Jacobi 1. Voluntariè genuit nos verbo veritatis. Quamvis autem generare in divinis sit proprium Personæ Patris; tamen facere quæcumque effectum in creaturis est commune toti Trinitati, propter unitatem naturæ: quia ubi est una natura, operetur, quòd sit una virtus, & una opera.*

tio. Unde Dominus dicit Joan. 5. Quæcumque Pater facit, hæc Filius similiter facit. Et ideo adoptare homines in filios Dei, convenit toti Trinitati. Ita S. Thomas, qui tamen ibid. ad 3. addit, quod Adoptio licet sit communis toti Trinitati, appropriatur tamen Patri, ut auctori; Filio, ut exemplari; Spiritui Sancto, ut imprimenti in nobis hujus similitudinem exemplaris.

XXI. Nec dicas primò. Eius solum est adoptare, cujus est generare filios: sed solius Patris est generare filium; ergo solius Patris est adoptare — Secundò. Per adoptionem efficiuntur fratres Christi, secundum illud Roman. 8. v. 29. Ut sit ipse Primogenitus in multis fratribus. Fratres autem dicuntur, qui sunt Filii unius Patris: unde & Dominus dicit, Joan. 10. v. 17. Ascendo ad Patrem meum, & Patrem vestrum; ergo. solus Pater Christi habet filios adoptivos.

XXII. Nam respondet S. Thom. 2. a. citato ad 1. Quod omnes persona humana non sunt unius, natura secundum numerum; ut oporteat, unam esse operationem tantum, & unum effectum, sicut accidit in divinis. Et ideo non sequitur: solus Pater potest generare; ergo solus Pater potest adoptare. Quia adoptio, cum sit effectus ad extra, debet esse communis omnibus Personis, quarum est una operatio, & unus effectus ad extra — Ad secundum (respondet idem S. Doct. ibi.) Dicendum, quod nos per adoptionem efficiamur fratres Christi, quasi eumdem Patrem habentes, cum ipso: qui tamen alio modo est Pater Christi, & alio modo est Pater noster. Unde signanter Dominus, Joan. 10. seorsum dixit, Patrem meum, & seorsum dixit, Patrem vestrum. Est enim Pater Christi naturaliter generando, quod est proprium sibi: est autem Pater noster, voluntariè aliquid faciendo, quod est commune sibi, & Filio, & Spiritui Sancto: & ideo Christus non est Filius totius Trinitatis, sicut nos.

XXIII. Quæres secundò: Cum adoptio sit instituta in defectum filiationis

naturalis, cur Deo, qui habet Filium naturalem, assignamus filios adoptivos? Rursus: Cum aliquis adoptetur in filium, ut in hæreditate patri succedat; cur Deus, qui nunquam decedit, adoptat Filios?

Utrique quæstio respondet S. Thomas citatè 3. p. q. 23. a. 1. ad 2. & 3. Ad primum enim dicit, quod adoptio in humanis est ad supplendam indigentiam; in Deo autem est ad communicandam sua perfectionis abundantiam. Et ideo sicut per actum creationis communicatur bonitas divina omnibus creaturis, secundum quamdam similitudinem: ita per actum adoptionis communicatur similitudo naturalis filiationis hominibus, secundum illud Rom. 8. v. 29. Quos præcivit, conformes fieri imaginis Filii sui.

Ad secundum quæsitum respondet: Quod bona spiritualia possunt simul à pluribus possideri, non autem bona corporalia. Et ideo hæreditatem corporalem nullus potest percipere, nisi succedens decedenti: hæreditatem autem spirituales simul omnes ex integro accipiunt suò detrimento, patris semper viventis. Quamvis posset dici, quod Deus decedit, secundum quod est in nobis per fidem, ut incipiat in nobis esse per speciem: sicut Glossa (ordin.) dicit, Rom. 8. super illud: Si filii, & hæredes.

XXIV. Quæres tertio: Utrum adoptari sit proprium creaturæ rationalis?

Respondet S. Thom. 3. p. qu. 23. laudatè 2. 3. Quod adoptari convenit soli creaturæ rationali, non tamen omni: sed solum habenti caritatem, quæ est diffusa in cordibus nostris, ut dicitur, Rom. 5. & ideo Rom. 8. Spiritus Sanctus dicitur, Spiritus adoptionis filiorum. Probat hoc S. Doctor hæc pulcherrimè doctrinà: Filiatio adoptionis est quadam similitudo filiationis naturalis: Filius autem Dei naturaliter procedit à Patre, ut Verbum intellectuale, unum cum ipso Patre existens. Huic ergo Verbo tripliciter potest aliquid assimilari. Uno quidem modo secundum rationem

nam

nem formæ, non autem secundum intellectualitatem ipsius: sicut forma domus exterioris constituta assimilatur verbo mentali artificis, secundum speciem formæ, non autem secundum intellectualitatem, quia forma domus in materia non est intelligibilis, sicut erat in mente artificis. Et hoc modo Verbo aeterno assimilatur qualibet creatura, cum sit facta per Verbum. Secundo modo assimilatur creatura Verbo, non solum quantum ad rationem formæ, sed etiam quantum ad intellectualitatem ipsius: sicut scientia, qua fit in mente discipuli, assimilatur verbo, quod est in mente magistri. Et hoc modo creatura rationalis, etiam secundum suam naturam, assimilatur Verbo Dei. Tertiò modo assimilatur creatura Verbo Dei aeterno secundum unitatem, quam habet ad Patrem; quod quidem fit per gratiam, & caritatem: unde Dominus erat, Joan. 17. Sint unum in nobis, sicut & nos unum sumus. Et talis assimilatio perficit rationem adoptionis, quia sic assimilatus debetur hereditas aeterna. Hæc D. Thom. qui ibi ad 3. addit: quoddammodo adoptio propria sit solius creatura rationalis: quia tamen non est proprium consequens naturam, sed consequens gratiam, cuius natura rationalis est capax: ideo non oportet, quoddammodo rationali creatura conveniat, sed quoddammodo rationalis creatura sit capax adoptionis.

Hinc fit, quoddam Angeli, utpote creaturæ rationales perfectæ, capaces sunt filiationis adoptivæ Dei. Unde Job. 1. v. 6. dicitur: *Quadam autem die cum venissent filii Dei, ut assiderent eorum Domino: ubi filii Dei intelliguntur Angeli.* Non quia filiatio adoptionis ipsis primò conveniat: sed quia ipsi primò adoptionem filiorum receperunt: ut docet S. Thom. citato a. 3. ad 2.



DUBIUM V.

Utrum Gratia Habitualis sit realiter idem cum Caritate.

§. I.

Resolutio.

Procedit præsens quæsitum de gratia, & habitu caritatis, non verò de habitu fidei, & spei: quia cum de fide sit tenendum, hos duos habitus remanere in peccatore, in quo non est gratia, ut statuit Trident. Sess. 6. cap. 15. & Can. 28. certum est, à gratia realiter distingui, cum realiter à gratia separati existant. Procedit etiam de gratia habituali, quæ est interior renovatio, & sanctificatio animæ; non verò de actuali, & transeunte, quæ anima non iustificatur, sed solum ad justificationem disponitur.

II. Quidam, ut refert S. Thom. hæc 1. 2. q. 110. a. 3. & Q. 17. de Verit. a. 2. posuerunt, idem esse gratiam, & virtutem, seu caritatem secundum essentiam; sed differre solum secundum rationem: ut gratia dicatur, secundum quoddam facit hominem Deo gratum, vel secundum quoddam gratis datur; virtus autem, seu caritas, secundum quoddam perficit ad bene operandum: & hoc sensisse videtur Magister in 2. dist. 26. Quam opinionem amplexus fuit Scotus, & sequuntur ejus discipuli, Durandus, multique ex Societate. Sed gratiam distingui realiter à caritate, tanquam probabilius, docet S. Thom. citatis locis, & cum eo omnes ejus doctrinæ Sectatores. Quare

III. Dico. Gratia habitualis, & habitus caritatis realiter distinguuntur. Videtur magis consonum modo loquendi Scripturæ, & Conciliorum: cum enim loquuntur de gratia, & caritate, de illis, tanquam de duobus donis distinctis, loquuntur; ut Roman.

5. v. 5.

3. v. 5. *Caritas Dei diffusa est in cordibus nostris per Spiritum Sanctum, qui datus est nobis.* Super quæ S. Thom. Qu. 27. citatâ de Verit. art. 2. in arg. Sed contra: Ergo (inquit) datio Spiritus Sancti præcedit caritatem, sicut causa effectum: sed Spiritus Sanctus datur secundum aliquod donum suum; ergo aliquod donum est in nobis, quod præcedit caritatem, & hoc non videtur esse aliud, quàm gratia; ergo gratia est aliud, quàm caritas. Hoc idem confirmat S. Thomas, tùm ibi, tùm hæc q. 110. a. 3. in arg. Sed contra. Quia S. Augst. 1. de Dono persever. c. 16. dicit, quoddam Gratia prævenit caritatem. Loqui autem Augustinum de gratia, quæ est donum habituale, constat; quia loquitur de gratia, quæ est etiam in parvulis: sed nihil præcedit seipsum; ergo gratia non est idem, ac caritas.

IV. Confirmatur, ostendendo Scripturam loqui de gratia, & caritate, tanquam de duobus donis distinctis. 2. Cor. 13. v. 13. dicitur: *Gratia Domini nostri Jesu Christi, & caritas Dei &c.* & 1. ad Timoth. 1. v. 14. *Superabundavit autem gratiâ Domini nostri cum fide, & dilectione;* ubi gratiam à caritate distingvi insinuat, sicut à fide; cùm ergo realiter distinguatur à fide; ergo consequens est, ut realiter etiam distinguatur à dilectione. Consequens quoque Tridentinum, Sess. 6. cap. 7. ubi docet, hominem justificari per voluntariam susceptionem gratiæ, & donorum: quoddam in justificatione hæc omnia simul infusa accipit homo per Jesum Christum, cui inferitur, fides, spes, & caritas. Can. 11. ubi damnat, qui dixerit, hominem justificari exclusâ gratiâ, & caritate, secundum proprietatem locutionis dogmaticæ intelligendum est, accipere gratiam, & caritatem, tanquam duo diversa dona.

V. Urgetur hoc magis. Prius est, animam diligere à Deo, quàm animam diligere Deum, ut docet S. Joann. Ep. 1. c. 4. v. 10. *Is hoc est caritas:*

non quasi nos dilexerimus Deum, sed quoniam ipse prior dilexit nos; ergo prius est, Deum diligendo infundere donum in animam, quo fiat obiectum dilectionis divinæ (quia Deus amando non supponit, sed facit obiectum amabile, & bonum, ut supra Dub. 1. ostendimus) quàm animam per caritatem diligere Deum: sed donum, quo anima fit obiectum divinæ dilectionis supernaturalis, est gratia; ergo gratia est prior, & distincta à caritate.

VI. Probo nunc ratione S. Thomæ eitatis locis sub hac formâ. Caritas est virtus in ordine supernaturali; ergo debet supponere subiectum, in quo est, in esse naturæ in tali ordine jam constitutum; ergo debet in eo supponere gratiam, quæ in ordine supernaturali obtinet locum naturæ, ut diximus. Prior consequ. prob. Virtus est (inquit Philosophus 7. Phys. text. 17.) *quoddam dispositio perfecti: dico autem perfectum, quod est dispositum secundum naturam;* ergo (subjungit D. Tho.) *virtus uniuscujusque rei dicitur in ordine ad aliquam naturam præexistentem; quando scilicet unumquodque sic est dispositum, secundum quoddam congruit sua natura.*

Explicat autem hoc S. D. hoc discursu à pari. Virtutes acquisite per actus humanos sunt dispositiones, quibus homo convenienter disponitur in ordine ad naturam, quâ homo est, & in qua genitus, & natus; ergo virtutes infusæ, quæ disponunt hominem ad altiorem finem, disponunt ipsum convenienter ad altiorem naturam, ad quam elevatus, in qua regeneratus, & renatus est: hæc autem est lumen gratiæ, secundum quoddam dicitur 2. Petri 1. v. 4. *Maxima, & pretiosa vobis promissa donavit, ut per hæc efficiamini divina consortes naturæ;* ergo caritas, quæ est virtus infusa, supponit hominem jam constitutum in esse naturæ in ordine supernaturali per gratiam, & proinde ab hac distinguitur. — Et confirmat S. D.

Lumen

Lumen naturale rationis est aliquid, præter virtutes aquifitas, quia disponunt hominem, ut ambulet secundum lumen naturalis rationis: sed etiam virtutes infusæ disponunt hominem, ut ambulet secundum lumen gratiæ, quæ renatus est in filium lucis: unde ait Paulus ad Ephes. 5. v. 8. 9. *Eratis aliquando tenebræ; nunc autem lux in Domino. Ut filii lucis ambulate: Fructus enim lucis est in omni bonitate, & iustitia, & veritate.* Ex quibus concludit S. Tho. *Sicut enim virtutes acquisitæ perficiunt hominem ad ambulandum, secundum quod congruit lumini naturali rationis (& sunt fructus illius.) ita virtutes infusæ perficiunt hominem ad ambulandum, secundum quod congruit lumini gratia (& sunt fructus illius.)*

VII. Alia ratio, præcedenti conformis, sumitur ex eodem S. Doctore Q. 27. de Verit. a. 2. Rationi consonum est, ut Deus eodem proportionali modo perficiat naturam in ordine supernaturali, quo in ordine naturali: sed in ordine naturæ ita rem constituit, ut primò det illi naturam, deinde potentias, & virtutes agendi, tanquam connexas cum forma, & in ea radicatas: sicut terræ dedit naturam, per quam sibi competit esse in medio, & hanc naturam sequitur inclinatio in locum medium, deinde motus ad tale medium, nisi detineatur; ergo naturam sublevans ad divinum ordinem, primò dat formam, quæ constituitur in esse divino cum iure ad divinas operationes, & finem supernaturalem; & hæc est gratia gratum faciens: deinde virtutes operativas, ipsi gratiæ tanquam essentiali, & radici conjunctas. Et ideo (concludit S. Tho. laudato loco) *sicut in rebus naturalibus est aliud natura ipsa, quam inclinatio nature, & ejus motus, vel operatio: ita & in gratuitis est aliud gratia à caritate, & cæteris virtutibus. Et quod hæc comparatio sit rectè accepta, patet per Dionys. in 2. cap. Gulph. Hierarch. ubi dicit, quod non*

potest aliquis habere spiritualis operationem, nisi prius esse spirituale accipiat: sicut nec operationem alicujus nature, nisi prius habeat esse in natura illâ.

VIII. Respondebis, comparisonem hæcenus factam non tenere: quia forma, quæ dat esse naturale, est substantialis: & ideo ex hoc illi repugnat se ipsam esse principium immediatum operandi in illo ordine. At gratia, quæ dat esse supernaturale, est accidens: & ideo sicut calor, quia est accidens, dat esse calidum, & simul est principium calefactionis immediatum; ita gratia dabit simul esse supernaturale, & erit principium operationum in tali ordine.

IX. Sed contra primò. Nam licet gratiæ, ex quo est accidens, non repugnet esse immediatum operationis principium; ex quo tamen est participatio divinæ naturæ per se primò data, ut constituat per modum naturæ hominem in ordine supernaturali, hoc illi repugnat. Sanctus enim Tho. non solum probat, naturam in ordine naturali distingui à suis virtutibus, quia illa est in genere substantiæ, & istæ accidentis; sed etiam, quia natura per se primò respicit esse, tanquam suum actum, virtutes autem per se primò respiciunt operationem: oportet autem, potentias secundum actus diversificari, ut docet Q. de Spir. creat. a. 11. Unde sicut propter diversitatem operationum, ad quas per se ordinantur, distinguuntur potentia invicem: ita multò magis debent distingui à natura, quæ per se respicit actum alterius generis, nempe, esse: cum ergo gratia, tanquam natura in ordine supernaturali, respiciat primò esse in tali ordine, non potest per se respicere operationem in tali ordine. Nec est simile de calore: nam calor est accidens supponens naturam, non verò est accidens constituens naturam, & dans primum esse, sicut est gratia in ordine supernaturali.

X. Con-

X. Contra secundò. Et si gratia sit accidens, non tamen est principium immediatum intelligendi in ordine supernaturali, sed id præstat mediâ fide, vel lumine gloriæ; ergo multò minus erit principium proximum diligendi Deum in eodem ordine; cum vis intelligendi proximior sit naturæ, quàm vis appetendi: vis enim appetitiva oritur à natura, mediâ vi intellectivâ. Quare D. Thomas 1. p. 2. q. 19. a. 1. probat, in Deo esse vim volitivam, quia in eo est vis intellectiva.

§. I. I.

Argumenta Contraria.

XI. Primò obijciunt Scotistæ, & alii. Scripturæ, & Patres, & Concilia, omnia, quæ attribuunt gratiæ, nempe, iustificare, expellere peccatum, facere amicum Dei, attribuunt etiam caritati; ergo eam considerant tanquam unum, & idem. Ant. probant. Nam 1. Petri 4. v. 8. dicitur: *Caritas operis multitudinem peccatorum*. 1. Joan. 4. v. 16. *Qui manet in caritate, in Deo manet, & Deus in eo*. Joan. 14. v. 23. *Si quis diligit me... Pater meus diligit eum, & ad eum veniemus, & mansionem apud eum faciemus*. Et Lucæ 7. v. 47. *Remittuntur ei peccata multa, quoniam dilexit multum*. Concilium etiam Trident. Sess. 6. c. 7. dum numerat causas justificationis, meminit caritatis, nullam gratiæ mentionem faciens.

XII. Respondeo, omnia, quæ tribuuntur gratiæ, tribui etiam caritati; non quia idem realiter sint, sed quia sunt invicem connexæ. Nam, vel loquimur de actu caritatis; & hic est ultima dispositio ad gratiam: & in hoc sensu exponendi sunt textus Joann. 14. & Lucæ 7. Vel sermo est de habitu caritatis; & hic, utpote proprietates inseparabiles gratiæ, gratiam semper comitantur: & sic exponi debent textus ex 1. Petri & 1. Joan. Quemadmodum cum Paulus 1. Cor.

13. v. 4. *Gr. dicit: Caritas patient est, benigna est Gr.* non facit sensum, quod caritas, patientia, benignitas, & aliæ virtutes sint unus, & idem habitus: sed quoddam caritatem, ut radicem, sequantur, & comitentur. Ceterum quoddam Scriptura distinguat caritatem à gratia, offendimus §. precedente. Quoddam verò dicitur de Tridentino, factis ex dictis ibi apparere poterit; quoddam si citatis verbis gratiæ non meminit, meminerat superioribus, dicens: *Verè iusti nominamur, & sumus, iustitiam in nobis recipientes Gr.* Et dum ait, quoddam in justificatione cum remissione peccatorum hæc omnia simul infusa accipit homo per Jesum Christum, cui inseritur, fidem, spem, caritatem, indicat quidem, hæc omnia comitari iustitiam, seu gratiam: sed formalem justificationem à peccato, per gratiam præstitam, supponere.

XIII. Obijciunt secundò. Ideo caritas deberet à gratia realiter distinguui; quia cum sit virtus supernaturalis, debet supponere hominem elevatum ad illum ordinem per gratiam, tanquam per naturam: sed hæc ratio non urget: nam fides, & spes sunt virtutes supernaturales, & tamen non supponunt hominem elevatum per gratiam, cum maneat in peccatore; ergo licet &c.

XIV. Respondeo primò, quoddam hic discursus valet, convincet, quoddam in homine non elevato per gratiam, possit etiam esse virtus caritatis, sicut possunt esse fides, & spes. Respondeo ergo, dicit. min. cum maneat in peccatore, in ratione habitus, con. min. In ratione virtutis, nego min. Fides ergo, & spes manent in peccatore, non in ratione virtutis supernaturalis (sic enim debent supponere hominem elevatum per gratiam) sed in ratione habitus supernaturalis remotè disponentis ad gratiam. At caritas ex suo essentiali conceptu est virtus supernaturalis: & ideo debet semper supponere subiectum in eo ordine jam perfectum.

Ratio

Ratio autem, quare habitus supernaturales, dum non habent statum virtutis, non debeant supponere naturam jam constitutam, in qua radicentur, in illo ordine, hæc est. Quia habitus supernaturales, dum non sunt in statu virtutis, se habent solum ut dispositiones remotæ ad gratiam, seu naturam supernaturalem; dispositiones autem remotæ, & præviæ non debent in subiecto supponere naturam, ad quam illud præparant, & disponunt: at virtutes supernaturales, ut tales, cum sint dispositiones subiecti jam secundum naturam perfecti, debent, & supponere naturam, & convenienter ad illam ipsum disponere ad operandum: unde se habent ut proprietates, & quasi inclinationes sequentes ad naturam. Et hoc est, quod supra dicebamus cum D. Thom. Q. 27. de Verit.

a. 2. quodd Sicut in rebus naturalibus est aliud natura ipsa, quam inclinatio natura, & ejus motus, vel operatio: ita & in gratuitis est aliud gratia à caritate, & à cæteris virtutibus.

XV. Obijciunt tertio. Illud donum est gratia, per quod digni reddimur ad vitam æternam habendam: sed hoc habemus per caritatem, dicente Christo, Joann. 14. v. 21. Qui autem diligit me, diligetur à Patre meo, & ego diligam eum, & manifestabo ei me ipsum; ergo caritas est ipsa gratia.

Confirm. primò. Augustinus dicit, quodd sola caritas est, quæ dividit inter filios Regni, & filios perditionis; cætera enim dona sunt bonis, malisque communia: sed gratia est, quæ distinguit inter filios Regni, & filios perditionis; ergo caritas est gratia. Unde lib. de Gratia Christi cap. 27. vocat eam radicem omnium bonorum.

Confirmatur secundò. Caritas dicitur forma omnium virtutum: sed forma omnium virtutum est gratia; ergo caritas est gratia.

XVI. Respondeo ex D. Tho. Q. 27. de Verit. a. 2. ad 4. quodd Caritas non sufficeret ad merendum bonum æternum, nisi præsupposita idoneitate merentis, qua

Tom. IX.

est per gratiam: aliter enim dilectio nostra non esset tanto premio condigna. Unde, ut homo diligendo Deum mereatur per opera caritatis Regnum æternum; prærequiritur, quodd sit à Deo dilectus, factusque Dei amicus, eique gratus per gratiam: quia, ut superius diximus, prius est, quodd Deus diligat nos per gratiam, faciendo nos sibi gratos, quàm quodd nos diligamus Deum per caritatem: Sicut prius est causa sanitatis, quàm ipsa sanitas in sanitatis subiecto; & tamen sanum prius significat habentem sanitatem, quàm sanitatis causam, ut docet D. Tho. citatus ad 3.

XVII. Ad primam Confirmationem respondet D. Tho. citato loco ad 6. Dicendum, quodd hoc, quodd caritas sola distinguat inter filios perditionis, & Regni, convenit ei, inquantum non potest esse informis, sicut alia virtutes. Unde per hoc non excluditur gratia, quæ ipsa caritas formatur. Pro quorum explicatione

XVIII. Ad secundam Confirm. respondeo cum eodem S. Thoma in 2. dist. 26. q. 1. a. 4. ad 3. Quodd caritas alio modo dicitur forma virtutum, quàm gratia. Caritas enim est forma virtutum ex parte actus; inquantum scilicet omnes actus virtutum in suum finem convocat, eò quodd ejus objectum est finis ultimus. Sic enim est in omnibus potentiis, & actibus ordinatis, quodd illa, qua altiore finem respicit, largitur formam arti, qua sub ipsa est, eujus actus in suum finem ordinatur; sicut pater, quia Gubernator ostendit factori navis, qualis debeat esse formæ timonis: unde caritas informat alias virtutes, sicut virtus virtutem. Sed gratia informat per modum originis; quia scilicet ex ipsa gratia quodammodo formaliter oriuntur habitus virtutum, per diversas potentias diffusi; illud autem, quodd ab alio oritur, formam, & speciem ab eo trahit, & in suo vigore consistit, quamvis origini continuatur: & ideo non oportet, quodd gratia sit idem, quodd caritas, quamvis caritas nunquam possit esse sine gratia.

Y

XIX.

XIX. Obijciunt quartò. Si gratia, & caritas invicem realiter distinguerentur, possent realiter invicem separari, saltem per Dei absolutam potentiam: sed hoc dici nequit; ergo &c. Min. probatur primò. Si alicui infunderetur gratia sine caritate, esset Deo gratus, acceptus; filius eius adoptivus; & tamen non esset Deo amicus, quod videtur absurdum. Secundò. Si alicui infunderetur caritas sine gratiâ, ille nec damnaretur, cum nullum haberet peccatum; hoc enim cum caritate est impossibile; nec salvaretur; quia cum non esset filius adoptivus, non esset capax hæreditatis Dei.

XX. Respondeo, data majori, de qua multi dubitant, neg. minor. Ad primam ejus probat. dico, quòd ille, cui infunderetur gratia sine caritate, esset Dei amicus radicaliter, & exigitivè: quia haberet gratiam, cui, ut principio radicali, debetur principium diligendi Deum. Vel esset Dei amicus à Deo amatus, & dilectus per gratiam; sed non esset Dei amicus amans, & dilector Dei formaliter: quia non haberet proximum principium inclinans voluntatem ad Deum diligendum. Quamvis dici posset, quòd aliquando etiam posset Deum diligere; non per habitum caritatis, quem non haberet, sed per speciem Spiritus Sancti motionem, quæ homini Deo grato non deesset: quâ dilectione, licet non connaturali modo, & adeo perfectè, posset mereri vitam æternam, & salvari.

Ad secundam probat. vel dico, casum illum esse impossibilem: quia estò Deus posset facere, ut existat essentia sine proprietatibus; non potest tamen facere, ut existat proprietas sine essentia, maxime si proprietas sit vitalis. Quare, sicut non potest fieri, ut existat voluntas sine animâ: ita nec quòd existat habitus caritatis sine gratiâ. — Vel admissa hypothesi tanquam possibili, dico, quòd estò ille homo, carens habituali gratia, non foret satis

idoneus idoneitate personæ (quia deesset illi dignitas personæ, quæ est conditio necessaria ad meritum de condigno ex parte operantis) ad merendum vitam æternam; quia non esset intrinsecè, & propriè filius Dei, nec haberet naturam Dei participatam, unde non deberetur ei vita æterna tanquam hæreditas: ei tamen deberetur ut merces operario promissa, debito tamen inferiori ad meritum, de condigno. Quia, ut supra cum D. Tho. Qu. 17. de Verit. art. 2. ad 4. dicebamus: *Caritas non sufficeret ad merendum (de condigno) bñnum æternum, nisi præsuppositâ idoneitate merentis, quæ est per gratiam: aliter enim dilectio nostra, non esset tanto præmio condigna.* Et hujusmodi homo esset quidem formaliter dilector, sed non formaliter intrinsecè dilectus, Deo gratus, & naturam Dei participans.

§. III.

Quomodo Virtutes effluunt à Gratia.

XXI. EX hæcenus dictis sequitur, caritatem, aliasque virtutes infusas comparari ad gratiam, sicut proprietates ad naturam. Quia verò proprietates effluunt à natura, videndum modò est, quo genere effluxus virtutes emanent à gratia habituali: an effluxu solùm morali, an verò physico.

XXII. Dico. Doctrinæ, & menti S. Thomæ conformius videtur, gratiam habitualement ita esse radicem, seu principium radicale virtutum supernaturalium; ut juxta exigentiam status, & capacitatem subiecti simul cum ea infundantur, & ab ea deriventur: non moraliter solùm, sed vel physice, vel modo quodam ad effluxum physicum accedente. Hoc enim significat S. Doctor hæc q. 110. a. 4. ad 2. & 2. & Q. 17. de Verit. a. 3. ad 17. & alibi: partim dum gratiam ad virtutes comparat, sicut animam ad potentias, sicut lumen naturalis rationis

tionis ad virtutes acquisite; partim dum dicit, quod à gratia virtutes *derivantur, fluunt, effluunt, oriuntur*: quæ verba plusquam effluxum moralem significant. Accedit: quod talem effluxum gratiæ irribuere, non est contra naturam gratiæ vel virtutum; & deservit ad melius percipiendam naturam gratiæ, & ad reducendos omnes habitus supernaturales ad unum principium.

XXIII. Sed dices primò cum Suarez, & aliis. Sunt aliqui habitus supernaturales, qui sine gratiâ interdum infunduntur, & sine eâ conservantur, ut habitus fidei, spei; ergo non possunt dici emanare physice à gratia: cum effectus, qui physice ab aliqua causâ emanat, nequeat fieri, aut conservari sine illâ.

XXIV. Dices secundò. Potentiæ, quæ physice derivantur ab aliqua natura, insunt omnibus habentibus illam naturam: non omnes autem virtutes insunt omnibus habentibus gratiam; cum Beati habeant gratiam, & non fidem, neque spem; ergo &c.

XXV. Dices tertio. Lumen gloriæ, quamvis supponat gratiam, non tamen à gratia profluit; ergo idem dicendum de virtutibus.

XXVI. Dices quarto. Postiâ gratiâ ut radice physica virtutum, jam dici debet, gratiam esse qualitatem de genere activo, quod supra rejecimus. Insuper sequeretur, virtutes sic proportionari gratiæ, ut non auferrentur, nec minuerentur, nisi eâ auctâ, vel diminutâ: sed hoc falsum est; cum fides, & spes augeri possint per suos actus ferventiores, etsi gratia, & caritas sint remissæ; ergo &c.

XXVII. Hæc tamen non obstant: nam si bene considerentur, æquè militent contra effluxum moralem. Unde ad primum dico, quod fides, & spes sumi possunt, & secundum substantiam habitus, & secundum rationem virtutis. Secundum primum non sunt proprietates gratiæ, nec ab illa effluunt, sive physice, sive morali-

ter: quoad secundum autem, & ut conjunctam habent caritatem, proprietates gratiæ sunt, & ab ea physice effluunt.

XXVIII. Ad secundum dico, verum esse assumum, quando natura illa habet unicum statum; & emanatio proprietatis, sive physica, sive moralis non impeditur. Secus si habeat diversos status, & in uno statu addit impedimentum. Cum ergo gratia alium statum habeat hic in viâ, ac in Patria; & subiectum, quod hic in viâ non est impedimentum, nec incapax fidei, & spei, sit impedimentum in Patria à claritate visionis: ideo fides, & spes, quæ à gratia in statu viæ effluunt, in statu Patriæ effluere nequeunt, nec physice, nec moraliter. Qua ratione eadem gratia in nobis radicat filiationem adoptivam, quam in Christo, qui ratione suppositi incapax est, non radicat.

XXIX. Ad tertium, nego ant. Nam lumen gloriæ esse non effluat à gratia in statu viæ, ubi habet statum, adhuc imperfectum, ratione subiecti; ab illa tamen effluit in statu Patriæ, ubi habet statum perfectum, & consummatum. Vel, si velis, admissio ant. neg. conf. & paritatem. Nam virtutes, & mediantibus illis gratia sunt principia bene vivendi, & ad terminum tendendi. At lumen gloriæ est præmium: præmium autem non emanat ab aliquo, quod in operante sit, sed datur à præmiante.

XXX. Ad quartum respondeo, gratiam esse qualitatem de genere activo radicali, & mediato, sicut naturam; non verò de genere activo proximo, & immediato. Ita S. Thom. *Qu. 27. de Verit. art. 5. ad 17. & hæc qu. 110. art. 4. ad 2. his verbis: Eff enim gratia principium meritorii operis, mediantibus virtutibus: sicut essentia anima est principium operum vite, mediantibus potentis. Quod repetit in 2. dist. 26. a. 5. ad 1. Quamvis non immediatè gratia ad opus referatur; tamen est per se causa operis meritorii,*
Y 2 licet

licet mediante virtute. — Ad id verò, quod additur, dico, quod dum fides augetur, vel diminuitur non aucta, vel diminuta gratia; hoc non habet, prout à gratia effluit, sed ab alia causâ. Imò proportio, quæ debet esse inter naturam, & proprietates, non est; ut dum augentur intensivè, vel minuuntur proprietates, augetur, vel minuitur natura; sed quod à natura talis, vel talis speciei, oriuntur tales, vel tales specie proprietates.

DUBIUM VI.

In quo, ut in Subiecto Immediato, sit Gratia Habitualis.

S. I.

Resolutio Dubii.

I. *Ita quæstio (inquit S. Tho. hâc qu. 110. 2. 4.) ex præcedente dependet. Si enim gratia sit idem, quod virtus, necesse est, quod sit in potentia anima: nam potentia anima est proprium subiectum virtutis.... Si autem gratia differt à virtute, non potest dici, quod potentia anima sit gratia subiectum: quia omnis perfectio potentia anima habet rationem virtutis. Idem dicit Q. 27. de Verit. a. 6. Procedit autem Quæstio de Gratia habituali: nam de gratiis actualibus, quæ re ulariter dantur ad operandum, certissimum est, esse, tanquam in subiecto, in illis potentiis, quas elevant ad supernaturalem operandum.*

II. Scotus ergo, qui caritatem à gratia habituali non distinguit, nisi secundum munera, ut Dubio præcedente vidimus, ponit gratiam, sicut & caritatem in voluntate, ut subiecto immediato. At S. Thomas, ejusque Discipuli, qui realiter distinguunt gratiam à caritate, dicunt, subiectum immediatum, in quo gratia recipitur, esse animam, seu essentiam animæ. Unde

III. Dico. Immediatum subiectum gratiæ sanctificantis est ipsa animæ rationalis essentia. Ita S. Thomas citatis locis, cuius ratione probatur sic. Sicut secundum potentiam intellectivam homo participat cognitionem divinam, per virtutem fidei, & secundum potentiam voluntatis amorem divinum, per virtutem caritatis; ita etiam secundum animam participat secundum quamdam similitudinem naturam divinam, per quamdam regenerationem, & recreationem; sed fides, & caritas, quæ sunt participationes intellectus, & voluntatis divinæ, resistent, una in intellectu, altera in voluntate, ut in subiecto immediato; ergo gratia, quæ est participatio naturæ divinæ, ut natura est, debet in ipsa natura, nempe, anima rationali, ut in subiecto immediato, recipi.

IV. Confirmatur primò. Per gratiam regeneramur, ac renascimur in filios Dei, & novum esse in ordine supernaturali accipimus; sed generatio per prius terminatur ad essentiam, quàm ad potentias; ergo gratia per prius est in essentia animæ, quàm in potentiis.

V. Confirm. secundò. Ex mente SS. PP. gratia est vita animæ, sicut anima est vita corporis: sicut enim in ordine naturali corpus primò vivit per animam; ita in ordine supernaturali anima primò vivit vitâ gratiæ: sed anima immediatè subieclatur in corpore, cui primò vitam communicat, & quod per illam primò vivit; ergo & gratia immediatè subieclatur in anima, cui primò vitam supernaturalem communicat, & quæ per illam in illo ordine primò vivit.

VI. Confirmatur tertio. Gratia per se datur ad esse, ut supra vidimus: caritas verò datur per se ad operari; ergo gratia immediatè subieclatur in anima, quæ datur ad esse, & caritas in voluntate, quæ per se datur ad operari. Nam forma, & subiectum debent invicem proportionari, ergo gratia, quæ datur ad esse, debet immediate

mediatè recipi in eo, quod per se respicit esse, ut per illam eleve-
tur ad nobilius esse: caritas verò, quæ datur
ad operari, debet recipi in eo, quod
datur ad operari, ut per illam eleve-
tur ad nobiliorem operationem.

VII. Explicatur magis. Ibi, ut in
subiecto proprio, residet forma, ubi est
ejus effectus formalis; quia effectus
formalis formæ nil aliud est, quàm
ipsa forma ut communicata: sed effe-
ctus formalis gratiæ est in anima: est
enim dare esse, & vitam supernatu-
ralem, seu esse principium radicale
operationum supernaturalium; esse au-
tem primò, & per se convenit animæ;
esse gratum primò, & per se respicit
subiectum, seu personam, non opera-
tiones; esse principium radicale pro-
prium est naturæ, non potentiarum;
ergo &c.

VIII. Secundò probatur hoc discursu.
Anima, seu animæ essentia non mi-
nus est capax perfectionis supernatu-
ralis, quàm ejus potentiæ: & omni-
no decet, quòd sicut voluntas homi-
nis est iusta, sancta, Deo grata; ita
animæ ipsius essentia sit formaliter
spiritaliter pulchra, sancta, iusta,
& Deo grata: sed propter hoc in-
potentiis animæ aliquæ virtutes im-
mediatè recipiuntur; ergo, ob eam-
dem rationem, aliquis habitus infusus
supernaturalis debet recipi immediatè
in anima, qui nil aliud esse potest,
quàm gratia habitualis; quæ primò dat
esse, & vivere vitæ supernaturali, si-
cut anima primò dat esse, & vivere
vitæ naturali. Oportet ergo dicere, quòd
gratia sit in essentia anima perscrutans
ipsam, inquantum dat ei quoddam esse
spirituale, & facit eam, per quamdam
assimilationem, consortem divinæ naturæ,
ut habetur 1. Petri 1. sicut virtutes per-
ficiunt potentias ad rectè operandum.
Ita concludit S. Thom. Q. 17. de Ve-
rit. a. 6.

§. I I.

Rationes Contraria.

IX. **P**rimò objicies. In eodem subje-
cto debent esse gratia, & glo-
ria, cùm gloria nihil aliud sit, quàm
gratia consummata: sed gloria non
est immediatè in essentia animæ, sed,
vel in intellectu, juxta opinionem po-
nentem beatitudinem formalem in actu
visionis Dei; vel in voluntate, in sen-
tentia collocante beatitudinem in actu
amoris Dei; ergo &c.

X. Respondeo, neg. maj. Ad hoc,
quod additur, nempe, quòd gloria
est gratia consummata, distinguo. Ita
ut gloria sit finis, & terminus, ad
quem gratia, & operationes ab ipsa
radicata ultimò tendunt, & in quo
consummantur, concedo. Secus, nego.
Beatitudo ergo est gratia consummata,
quatenus gratia in ea suum finem,
suamque potissimam operationem, ad
quam elevabat, & disponebat in hoc
seculo naturam, consecuta est. Non
oportet tamen, quòd illa finis consecutio,
seu potissima operatio in eodem
subiecto immediato sit, in quo est gra-
tia. Imò sicut unaquæque res perficitur,
& consummatur illà suà opera-
tione immanente, quæ est consecutio
finis; nec tamen illa operatio est im-
mediatè in substantia rei, sed in ejus
potentia operativà: ita gratia in sub-
stantia animæ existens, cùm ordina-
tur ad beatificam visionem, tanquam ad
sui ultimam perfectionem, hoc ipso
perficitur, quòd beatifica illa visio adve-
nit; non oportet tamen, eam esse in
eodem subiecto immediato, in quo est
gratia.

Ex his solvitur, quod aliis verbis
objicitur, nempe; gratia respondet
gloriæ; ergo debet habere idem subje-
ctum — negari enim debet conf. Nam
non est necesse, ut sibi invicem res-
pondeant ex parte subiecti proximi,
seu immediati: sed gratia respondet
gloriæ, inquantum gratia dat jus ad
glo-

gloriam: gloria est finis, ad quem ultimò datur gratia, & quò maior est gratia, eò maior erit gloria. Gloria quoque respondet gratiæ, sicut fructus respondet virtuti seminis; & per consequens tanta est, quantam gratia per bonas operationes, quas mediis potentiis, & virtutibus in hac viâ exercuit, promerita est.

XI. Secundò obijcies. Si gratia esset in anima, ut in subiecto immediato, priùs faceret gratam, & meritoriam actionem intellectus, quàm voluntatis: quia sicut priùs oritur ab anima intellectus, quàm voluntas; ita actio intellectus prior est actione voluntatis: & propierea, quòd actus fidei esset gratus, & meritorius, antequam accederet ei actus, seu motio voluntatis: sed hoc est falsum, cum fides solùm meritoria sit, quando per dilectionem operatur; ergo &c.

XII. Respondeo, neg. maj. Quamvis enim actus intellectus, & consequenter fidei, sit prior caritate, sicut intellectus est prior voluntate ordine originis; in ratione tamen grati, & meritorii subsequuntur actum caritatis: cum actus fidei nequeat esse gratus, & meritorius, nisi ex pia affectione, erga Deum moveatur per caritatem. Quare actus intellectus est prior actu voluntatis, & posterior illo: prior in ostendendo, & manifestando voluntati obiectum: posterior verò in ratione liberi, voluntarii, & meritorii: hoc enim actui intellectus convenire non potest, nisi quoad exercitium moveatur à voluntate. Uno verbo: actus fidei, ut radicatus in gratia, est actio grata, & dilecta in sua radice; non intelligitur tamen actu moraliter actio bona, & meritoria, nisi accedat ei caritatis imperium. Unde ultra perfectionem sibi propriam, quam habet à gratia, accipit perfectionem accidentalem boni, & meritorii à caritate.

XIII. Tertiò obijcies. Gratia est habitus; ergo operativus; ergo est in potentia operativâ, & non in anima.

XIV. Respondeo, neg. conf. Non

enim omnis habitus datur ad immediatè operandum; sed aliquis etiam ad benè disponendum subiectum in se, ut scilicet benè se habeat in aliquo ordine: & talis habitus sufficit, ut sit operativus solùm radicaliter. Huiusmodi est gratia, quæ cum ex jam dictis data sit, ut animam elevet per modum naturæ, eamque constituat in esse supernaturali: inde fit, ut sicut anima, quæ est natura, non est nisi principium radicale in ordine naturali; ita gratia non sit nisi principium radicale in ordine supernaturali.

XV. Sed dices. Virtutes emanant à gratia: sed virtutes sunt in potentiis animæ, ut in subiecto; ergo & gratia. Consequ. prob. Quia à subiecto in subiectum realiter distinctum emanatio esse non potest. Licet enim vera actio, qualis est actio transiens, possit producere terminum extra proprium subiectum, ut patet in calefactione, quæ producit calorem in ligno: actio tamen solùm improprie talis, qualis est emanatio, producit terminum intra subiectum suæ emanationis.

XVI. Respondeo tamen. neg. conf. Adejus probat. distinguo ant. A' subiecto in subiectum extraneum, & quod, con. ant. In subiectum intraneum, & quo, nego ant. Verum ergo est, quòd per simplicem emanationem nequit resultare terminus in diverso subiecto extraneo, seu quod, nimirum, suppositaliter distincto à subiecto radice. Attamen quando subiectum radice, & termini radicari, esset realiter different, ad idem tamen suppositum pertinent, benè potest ex uno ad aliud dari emanatio. Cum igitur, licet anima, & voluntas sint duo subiecta quo, pertineant tamen ad integritatem unius, & ejusdem subiecti quod, nempe, suppositi; ideo quamvis gratia sit in anima, potest radicare caritatem, quæ sit in voluntate.

XVII. Quartò obijcies. Gratia, & peccatum, cum sint contrariè opposita, debent esse in eodem subiecto: sed peccatum est in voluntate; ergo & gratia.

XVIII.

XVIII. Respondeo primò, neg. min. Eisd enim omne peccatum sit in voluntate, sicut in causa; non tamen omne peccatum est in voluntate, sicut in subiecto immediato: nam peccatum infidelitatis est in intellectu. Quemadmodum ergo peccatum infidelitatis, quod est in intellectu, expellit gratiam, & caritatem, quæ non sunt in intellectu, & viceversa gratia illud expellit: quare quodvis peccatum mortale non potest expellere gratiam, & hoc ipsum à gratia expelli; quamvis gratia sit in anima, & peccata quædam in voluntate sint, quædam in aliis potentiis.

XIX. Respondeo secundò, dist. min. Peccatum quoad actum, seu actuale, con. min. Summum quoad maculam, seu habitualem, nego min. Quamvis ergo peccatum actuale non sit primò, & per se in anima, quia proprio actu committitur, non autem infunditur, sicut gratia, nec contrahitur, sicut originale; ideoque debeat esse in illa potentia, à qua proximè proficiscitur: secundum maculam tamen, ex peccato actuali relictam, in essentia animæ est. eamque sedam, maculatam, & Deo ingratum reddit: & secundum hanc maculam peccatum directè, & immediatè opponitur gratiæ. Hæc responsio consonat doctrinæ S. Th. in 2. dist. 25. qu. 1. art. 3. ad 4. ubi ait: *Culpa actualis non est per infusionem, vel immisionem, sed per aliquem determinatum actum nobis advenit: & quia omnis operatio respicit determinatam potentiam, quæ est ejus principium; inde est, quod culpa per prius est in potentia, quam in essentia animæ. Gratia autem non acquiritur per actus nostros, sed à superiori infunditur: unde illud, quod superius anima est, scilicet, essentiam, quæ est origo omnium potentialium, per prius respicit. Videri etiam potest Qu. 27. de Veritate art. 6. ad 2.*

§. III.

An Creatura Irrationalis sit Subiectum capax Gratiæ?

XX. Respondeo negativè. Et constat ex supradictis. Dub. 4. §. 4. num. 24. ubi ex S. Tho. ostensum est, adoptari in filium Dei esse proprium creaturæ rationalis. Nunc autem probo primò. Gratia, ex dictis, nil aliud est, quàm participatio formalis divinæ intellectualitatis per modum radices; ergo quod est incapax intellectualitatis, erit incapax gratiæ: sed creatura irrationalis est incapax intellectualitatis; ergo erit incapax gratiæ.

Secundò. Gratia ad nil aliud dat, nisi ut elevet subiectum, illudque reddat aptum videre Deum, & illum amare, ut in se est: sed creatura irrationalis est incapax videre &c. ergo est incapax, ut elevetur per gratiam: quod enim est incapax effectus formalis formæ, est incapax formæ.

XXI. Sed dices primò. Corpus est incapax intelligendi: & tamen est subiectum animæ rationalis, quæ est intelligendi principium; ergo à pari &c.

XXII. Respondeo, discrimen esse, quodd anima rationalis dat non solum esse intellectivum, sed etiam esse corporeum, vegetativum, & sensitivum, quorum corpus est capax; cum sit principium operationum corporearum, vel à corpore pendentium. At gratia nullum effectum præstat, qui creaturæ irrationali possit convenire; & operationes, quæ à gratia radicanter, sunt supra omnem naturam corporalem, ejusque capacitatem essentialiter elevatæ: & ideo non potest in natura corporali recipi, qualis est natura irrationalis.

XXIII. Dices secundò. Verbum divinum infinitè dignius est, quàm gratia: & tamen potest uniri cuilibet naturæ corporali, & illam reddere sub-

subſiſtentem; ergo etiam gratia poteſt uniri naturæ irrationali, eamque facere gratam.

XXIV. Reſpondeo, cō. ant. neg. conf. ob duplicem diſparitatem. Prima eſt: quia Verbum divinum unitur naturæ præciſè, ut reddat illam ſubſiſtentem: omnis autem natura, ſive ſit rationalis, & ſpirituſalis, ſive irrationalis, & corporea, ex quo ſubſtantialis eſt, capax eſt ſubſiſtendi. At gratia unitur naturæ, ut illam conſtituat aptam, & idoneam ad operationes ſupernaturales videndi, & amandi Deum, ut in ſe eſt; quarum operationum natura irrationalis eſſentialiter incapax eſt: & ideo &c.

Secunda eſt: quòd Verbum divinum dum unitur alicui naturæ, illi unitur, non per dependentiam ab illa, aut aliquid ab illa accipiendo: ſed potiùs per dependentiam illius à ſe, & illam aſſumendo ad eſſe divinum. At gratia, utpote accidens, deberet uniri naturæ irrationali, & corporeæ cum dependentia ab illa in eſſe, & operari. Cùmque forma dependens in eſſe, & operari à corpore, non poſſit eſſe ſpirituſalis, & principium operationum ſpirituſalium; ideo gratia in natura irrationali poni non poteſt: alioquin non eſſet ſpirituſalis, neque principium operationum ſpirituſalium, quod eſt contra eſſentiam gratiæ.

XXV. Sed replicabis contra hoc primò. Virtutes morales infuſæ ſpirituales, & ſupernaturales ſunt: & tamen recipiuntur in appetitu ſenſitivo, qui corporalis eſt.

Secundò. In ſententia aſſerente, Sacramenta cauſare phyſicè gratiam, virtus illa ſpirituſalis eſt: & tamen recipitur in Sacramento, quod in rebus corporeis conſiſtit.

XXVI. Reſpondeo ad primam replicam, diſputari apud Theologos: an virtutes morales infuſæ ſint ſpirituales, an corporeæ. Nos Tom. 7. Traſſ. de Virt. Q. 2. Dub. 2. ſ. 3. num. 20. eas eſſe ſpirituales, admiſimus, cò quòd

ſint in corporeâ potentia, non ut corporea eſt; ſed ut illam ſubſiciant ſpiritui, & rationi, ac prudentiæ ſupernaturali ad finem altiorẽ, & ſupernaturalem. Alii virtutes illas materiales ponunt, ſicut potentia, in qua ſunt, materialis eſt. An autem illæ virtutes morales, quæ cum gratia infunduntur, à gratia radicentur, quæſtio eſt. Quidquid tamen de hoc ſit, dico, quòd illæ virtutes morales infuſæ, ſive ſint radicatæ in gratia, ſive non, ſimul tamen cum gratia infunduntur. Sive ſint ſpirituales, ſive corporeæ, dantur ad ſubſiciendum appetitum rationi; cui poſitus in natura rationali natus eſt obedire in ordine ad operationes, ſive naturales, ſive ſupernaturales, ſive ſpirituales, ſive corporeas: quod non eſt ſimile de natura irrationali, quæ incapax eſt obediendi Deo ad actiones intellectuales, ad quas gratia ordinatur.

Ad ſecundam dico, quòd virtus illa Sacramenti collata probabilius ſpirituſalis aſſeritur; quia tamen inſtrumentalis eſt, poteſt ſubſectari in corpore: quia cùm deſcendat tanquam virtus cauſæ principalis ſpirituſalis, magis ſuam ſpeciem ſumit ab ea, quàm à ſubſectò corporeo, quod per eam movetur. Gratia verò cùm ſit forma habens eſſe completum, habens eſſe fixum, & ratum in ſubſectò, in quo ſe habet per modum naturæ, quodque per ipſam debet conſtitui potens operari principaliter; non poteſt poni in ſubſectò materiali: alioquin deberet ſequi conditionem illius, nec eſſet amplius ſpirituſalis.

Doctrinam hanc inſinuavit S. Thomas 3. p. q. 63. a. 5. ad 1. ubi quærens: quomodo character ſacramentalis ſit indelebilis, cùm gratia, quæ character perfectior eſt, ſit ab anima delebilis, & pro hoc ſtatu amiſſibilis, reſpondet: Dicendum, quòd aliter eſt in anima gratia, & aliter character. Nam gratia eſt in anima, ſicut quadam forma habens eſſe completum in ea. Character autem eſt in anima, ſicut quædam

Eam virtus instrumentalis.... Forma autem completa est in subiecto secundum conditionem subiecti. Et quia anima est mutabilis secundum liberum arbitrium, quamdiu est in statu via; consequens est, quod gratia infusa anima mutabiliter. Sed virtus instrumentalis magis attenditur secundum conditionem principalis agentis: & ideo character indelebiter inest anima, non propter sui perfectionem, sed propter perfectionem Sacerdotii Christi; à quo derivatur character, sicut quadam instrumentalis virtus. Sicut ergo character, quamvis in subiecto mutabili, indeibilis est; quia agens principale, cuius est virtus, est immutabile: sic virtus Sacramentalis, quamvis in subiecto corporeo (& idem dic de virtute infusa) spiritualis erit; quia agens principale, cuius est virtus, spirituale est.

DUBIUM VII.

Utrum solus Deus sit Causa
Principalis Gratiae.

§. I.

Certa praeiunguntur.

I. DE causa efficiente, & quidem principali, quaestio procedit. Suppono enim primò: causam finalem ultimam totius gratiae esse Deum; non ultimam verò esse gloriam Christi, & vitam aeternam ejus, cui datur gratia. Ita Trident. Sess. 6. cap. 7. *Justificationis causa sunt, finalis quidem gloria Dei, & Christi, ac vita aeterna. Utramque partem comprobat Scriptura. Priorem quidem, Proverb. 16. v. 4. ubi legitur: Universa propter semetipsum operatus est Dominus. Apoc. 1. v. 8. Ego sum Alpha, & Omega, principium, & finis, dicit Dominus Deus. Ephes. 1. v. 3. Qui praedestinavit nos in adoptionem filiorum per Jesum Christum in ipsum, secundum propositum voluntatis suae, in laudem gloriae suae.* — Postertio-

Tom. IX.

rem autem, 1. Cor. 3. v. 12. *Omnia enim vestra sunt; vos autem Christi, Christus autem Dei.* Ad Ephes. 1. v. 12. *Ipsium (Christum) dedis caput supra omnem Ecclesiam, quae est corpus ipsum.* Et ad Coloss. 1. v. 18. *Et ipse est caput corporis Ecclesia, qui est principium, Primogenitus ex mortuis: ut sit in omnibus ipse primatum tenens.* Tertiam etiam partem eadem Sacrae Litterae manifeste tradunt; quae significant, gratiam huius vitae referri ad gloriam, & beatitudinem, quam in altera expectamus: ut ad Roman. 6. v. 12. *Nunc vero liberati à peccato, servi autem sumus Deo, habetis fructum vestrum in sanctificationem, finem vero vitam aeternam.* Et ad Titum 3. v. 7. dicitur, effusum fuisse in nos lavacrum regenerationis: *Ut iustificati gratia ipsius, haeredes simus secundum spem vitae aeternae.*

II. Suppono secundò: causam materiale, in qua recipitur gratia, seu subiectum, esse animam rationalem, ex dictis Dub. praecedente. Quòd si loquamur de causa materiali ex qua, certum est, nullam esse causam materiale ex qua, vel componatur, cum gratia sit forma simplex; vel naturaliter educatur, cum sit supernaturalis. An verò in aliquo sensu dici possit, quòd educatur de potentia obedientiae animae, inquantum ab anima pendet in fieri, esse, & conservari, videbitur Dubio sequente. Ad causam quoque materiale pertinent dispositiones illae, quae in adultis requiruntur ante justificationem: de quibus Concil. Trident. Sess. 6. cap. 6. & à nobis inferius sermo erit.

III. Suppono tertio: causam extempore primariam gratiae nostrae esse Deum, secundariam verò Christum.

Prior pars patet: quia gratia, & iustitia nostra est participata similitudo iustitiae, & sanctitatis, quae essentialiter in Deo est. Quare Ambrosius in Hexameron, Eucherius lib. 1. in Genes. & Damascenus lib. 2. de Fide, cap. 12. distinguunt in homine ima-

Z -

gineum

ginem, & similitudinem Dei; ut per naturam humanam, idest, per animam, intellectum, & voluntatem sit in eo Dei imago; & per gratiam iustificantem, Dei similitudo. — Posterior etiam pars prob. Tum ex cap. 8. ad Rom. v. 19. *Nam quos præservit, & prædestinavit conformes fieri imaginis Filii sui, ut sit ipse Primogenitus in multis fratribus.* Tum ratione; quia primum in unoquoque genere est exemplar cæterorum; Christus autem primus est eorum, qui habent gratiam; cum ex meritis ejus omnes illam accipiant ut Joan. 1. v. 16. *Et de plenitudine ejus nos omnes accepimus, & gratiam pro gratia.*

IV. Suppono quartò: causam meritariam totius nostræ gratiæ tam habitualis, quàm actualis esse Christum Dominum. Unde Con. Trident. Sess. 6. cap. 7. Causa (inquit) meritorea autem dilectissimus Unigenitus suus Dominus noster Jesus Christus, qui... sua sanctissimâ Passione in ligno Crucis nobis justificationem meruit. Quod docet etiam D. Thom. infra q. 114. a. 6. & 3. p. q. 19. a. 4. conformiter Apostolo, qui ad Ephef. 1. v. 3. scribit, benedixisse nos Deum omni benedictione spirituali in Christo. Quamvis autem solus Christus sit prima causa meritorea nostræ gratiæ: hoc tamen non obstat, quin Justus eam mereri possit alteri de congruo, & sibi ipsi augmentum gratiæ etiam de condigno, ostendamus in Tractatu de Merito.

V. Suppono quintò: causam efficientem instrumentalem gratiæ esse humanitatem Christi, modo infra explicando, & Ecclesiæ Sacramenta. Quare de Baptismo Paulus ad Ephef. 5. v. 25. dicit, quòd Christus dilexit Ecclesiam, & seipsum tradidit pro ea, ut illam sanctificaret, mundans lavacro aquæ in Verbo vitæ. Et ad Titum 3. v. 5. *Salvos nos fecit per lavacrum regenerationis.* Unde Trident. Sess. 6. cap. 7. ait: *Instrumentalis item Sacramentum Baptismi.*

Causa quoque ministerialis, & quo-

dammo instrumentalis nostræ gratiæ sunt etiam Angeli, & homines. Angeli quidem subministrando illuminationes, & illustrationes, quibus ad gratiam pervenimus, vel in ea perseveremus; hoc enim facere possunt, estò non per modum interioris purificationis, bene tamen per modum cujusdam instructionis. Homines autem non solum instruendo sunt nobis causa gratiæ, verùm etiam applicando signa efficaciam, hoc est, Sacramenta.

VI. Quæstio igitur tota reducitur ad causam efficientem, & quidem principalem productivam gratiæ in nobis. Quam quidem esse Deum, docet Tridentinum citatâ Sess. 6. c. 7. dicens: *causa efficiens verò misericors Deus, qui gratuito abluit, & sanctificat, signans, & ungens spiritu promissionis Sancto, qui est pignus hereditatis nostræ.* Sed quod controversitur, est: an Deus ita sit causa principalis dans gratiam; ut solus ipse, & nemo alius eam principaliter det, aut dare possit.

§. I I.

Resolutio Dubii.

VII. **D**ico. Deus solus est causa efficiens principaliter dans, & producens gratiam; & nullus alius ab eo dat, aut dare, & principaliter producere potest. Hoc aperte indicat Scriptura, Job. 14. v. 4. *Quis potest facere mundum de immundo conceptum semine? Nonne tu, qui solus es?* Rom. 3. v. 30. *Unus est Deus, qui justificat circumcissionem ex fide, & præputium per fidem.* Item gratia, etsi non sit sola remissio peccatorum, ut vult Lutherus, eam tamen involvit: sed dimittere peccata solius Dei esse, vel ipsi Scribæ, & Pharisei agnoverunt, dum Luca 9. v. 11. dixerunt: *Quis potest dimittere peccata, nisi solus Deus?* Hinc S. August. l. 1. de Peccat. merit. c. 14. *Potuit (inquit) Apostolus rectè dicere: imitatores mei estote, sicut & ego Christi. Nunquam tam*

men diceret, *Justificamini à me, sicut & ego sum justificatus à Christo. Quoniam possumus esse, & sunt, & fuerunt multi iusti homines, & imitandi: iustus autem, & justificans, nemo, nisi Christus. Unde dicitur: Credenti in eum, qui justificat impium, deputatur fides ejus ad justitiam. Quisquis ergo ausus fuerit dicere, justifico te: consequens est, ut dicat etiam, crede in me. Quod nemo Sanctorum rectè dicere potuit, nisi Sanctus Sanctorum: Credite in Deum, & in me credite: ut quis ipse justificet impium, credenti in eum, qui justificat impium, deputetur fides ad justitiam.*

VIII. Probatur ratione S. Thomæ hæc 1. 2. q. 112. a. 1. sic. Cum gratia sit quædam similitudo participata divinæ naturæ; ab illa sola causa potest principaliter produci, quæ habet in se divinam naturam, seu deitatem habet per naturam; sicut nequit ignire, seu participationem ignis in alio producere, nisi qui habet naturam ignis, seu est ignis per naturam: atqui solus Deus habet naturam divinam, seu deitatem habet per naturam; ergo creatura quæcumque, etsi per gratiam habeat participationem divinæ naturæ, non poterit in alio hanc divinæ naturæ participationem principaliter producere: sicut neque ferrum, quamvis ignitum, potest principaliter ignire, seu in alio naturam ignis participare, sed solus ignis est, qui principaliter ignit.

IX. Urgetur probando, nullam creaturam posse principaliter gratiam producere. Gratia efficienter principaliter à creatura producta, esset formalis participatio naturæ divinæ, & non esset: sed hoc repugnat; ergo &c. Maj. pro secunda parte prob. Gratia à creatura principaliter producta, esset formalis participatio, & similitudo principii formalis, quo creaturam produceret; quia causa principalis intendit assimilare effectum in forma, seu principio formali, quo agit, ad differentiam causæ instrumen-

talıs, quæ intendit assimilare effectum in forma principalis agentis: sed principium formale, quo creatura gratiam produceret principaliter, non esset natura divina, sed gratia, quæ est formalis participatio naturæ divinæ; ergo produceret, non participationem formalem, & immediatam naturæ divinæ, sed participationem formalem gratiæ, nempe, participationem formalem participationis naturæ divinæ. En igitur repugnantia in terminis: cum enim gratia sit formalis participatio divinæ naturæ, nonnisi à Deo, qui habet naturam divinam, principaliter effici potest.

X. Probatur secundò ex D. Thom. 4. contra Gentes cap. 17. Gratia sanctificans constituit hominem filium Dei adoptivum, ut dictum est supra: sed nulla creatura potest principaliter adoptare in filium Dei; ergo &c. Min. prob. Adoptare principaliter in filium Dei, est tantum illius, qui est filius Dei per naturam: unde S. Thom. ibi concludit, Christum esse verum Deum, & Spiritum Sanctum, quia ex Apostolo ad Galat. 4. & Roman. 8. tam Christo, quam Spiritui Sancto convenit adoptare in filios Dei. Et meritò: quia adoptare in filios Dei, est deificare, iuxta illud Psalm. 81. v. 6. *Ego dixi Dei esis, & filii excelsi omnes*, quod repetit Christus, Joann. 10. v. 39. Solus autem ille deificare potest, qui deitatem habet per naturam.

XI. Quia verò specialis difficultas est de Christo, ut homine: an scilicet humanitas Christi ratione unionis cum Verbo causet, vel causare possit principaliter gratiam in nobis. Probo, quòd non. Si enim humanitas Christi esset potens principaliter causare gratiam in nobis, hoc esset, vel quia fieret potens ex unionem ad Verbum; vel quia supposita tali unionem, ex quadam decentia communicaretur ei vis principaliter causativa gratiæ: sed ex neutro ei convenire potest; ergo &c. Minor pro prima parte prob. Tum quia; unio hypostatica datur præ-

cisè ad faciendum subsistere naturam humanam, non verò ad constituendam illam potentem operari. Quare communiter Theologi in Christo, præter gratiam unionis, ponunt gratiam habitualement; ut per istam anima Christi reddatur potens elicere operationes supernaturales. Tum etiam; quia si Verbum faceret naturam humanam, Christi potentem operari; deberet ei uniri, non per modum puri termini, sed per modum formæ eam intrinsicè informantis: quod subsistentiæ divinæ completissimæ repugnat.

Pro secunda etiam probatur primò. Ex dictis gratia est formalis, & immediata participatio naturæ divinæ, ut in se est; ergo non potest principaliter causari, nisi ab habente naturam divinam, cui soli assimilari potest tanquam effectus causæ: sed humanitati Christi nequit communicari natura divina tanquam principium agendi; ergo nequit communicari virtus principaliter causativa gratiæ. — Secundò. Si humanitati Christi communicaretur virtus ad principaliter causandam gratiam; vel esset ad eam creandam; & hoc nulli creaturæ communicari posse, ostendimus *Tom. 5. in 2. par. Qu. 1. de Deo Creatore Dub. 3. §. 2.* Vel esset ad eam educendam de potentia obedientiali animæ; & neque hoc creaturæ principaliter concedi potest: quia potentia obedientialis subditur soli Deo, ut habenti dominium supra totam naturam creatam, ad obediendum Deo in omnibus, quæ non involvunt contradictionem: hoc autem absolutum dominium nec humanitas Christi, nec ulla creatura habere potest; ergo &c.

XII. Ex dictis colligi potest, hominem non esse causam principalem habituum fidei, spei, & caritatis: tales enim habitus, utpote supernaturales, & infusos, Deus operatur in nobis sine nobis efficientibus. Imò nec per actus nostros augeri effectivè, sed solum dispositivè, & meritoriè. Unde D. Tho. 2. 2. quæst. 24. art. 6.

Quilibet (inquit) actus caritatis disponit ad caritatis augmentum; inquantum ex uno actu caritatis homo redditur promptior ad agendum secundum caritatem; & habilitate crescente homo prorumpit in actum ferventioris dilectionis, quo conetur ad caritatis profectum.

6. III.

Contraria Rationes.

XIII. **O**bjicitur primò. Ideo probamus, Deum esse causam principalem gratiæ; quia de ipso Scriptura dicit, quod justificat nos, & sanctificat animas nostras: sed hoc ipsum dicitur de quolibet Justo; ergo &c. Min. probatur primò. *Joanna. 3. v. 3.* dicitur: *Et omnis, qui habet hanc spem in eo, sanctificat se, sicut ille sanctus est.* Ecclesiastici 2. v. 20. *Qui timent Dominum, preparabunt corda sua, & in conspectu illius sanctificabunt animas suas.* Et Ezechiel. 18. v. 27. *Et cum avertierit se Justus ab impietate sua, quam operatus est, & fecerit judicium, & justitiam, ipse animam suam vivificabit.*

XIV. Respondeo, omnia, & similia testimonia solum evincere, quod homo vivificet se, & sanctificet animam suam: vel quatenus, iam in gratia constitutus, facit per caritatem opera vitæ disponentia ad augmentum gratiæ; vel quatenus auxilio gratiæ Dei moventis disponit se, ut à Deo accipiat gratiam vivificantem, & justificantem.

XV. Sed instabis contra. Qui se movet effectivè ad dispositionem ex natura rei connexam cum forma, effectivè quoque se movet ad formam ipsam; ergo si homo, virtute gratiæ moventis, effectivè se movet ad contritionem, quæ est ultima dispositio ex natura rei connexa cum gratia sanctificante, se movet etiam ad gratiam: sicut qui effectivè ultimè disponit lignum ad formam ignis, effectivè etiam producit formam ignis in ligno.

XVI.

XVI. Respondeo primò, dist. maj. Qui se movet &c. per formam æqualis perfectionis cum forma, ad quam disponit &c. conc. major. Qui se movet per formam inæqualis perfectionis &c. nego maj. & conc. min. nego con'eq. Quia homo non disponit se ad gratiam per formam æqualis perfectionis cum gratia sanctificante; disponit enim se per auxilium gratiæ, quod minùs nobile est ipsà gratià: & ideo non sequitur, quòd si effectivè se disponit ad gratiam, effectivè quoque producat gratiam. Qui autem ponit ultimam dispositionem ad formam ignis, illam ponit per formam, vel æquè nobilem, vel nobiliorem. formà ignis: & ideo potest etiam formam ignis producere.

XVII. Respondeo secundò, dist. maiorem. Ad ultimam dispositionem, qua sit totaliter physica, concedo major. Quæ sit partim physica, partim moralis, nego maj. In ordine naturali ultima dispositio ad formam ex natura sua, & physice infert in subiecto formam, ut calor ut octo formam ignis: & ideo agens, quod ponit ultimam dispositionem, ponit etiam formam. At in ordine supernaturali contritio, quæ est ultima dispositio ad gratiam justificantem, non est totaliter physica, & ex natura rei inferens gratiam; sed inter illam, & gratiam intercedit novus favor Dei. De facto enim contrito datur gratia, supposità promissione Dei: dicitur enim Zachar. 1. v. 3. *Convertimini ad me (per contritionem) & ego convertar ad vos (per gratiam)*. Et ideo homo eliciens contritionem, non efficit principaliter gratiam, sed hæc à Deo infunditur: *Gratiam dabit Dominus* (Psalm. 83. v. 12.)

XVIII. Obijciunt secundò. Homo habitum habens caritatis est causa efficiens principalis actus caritatis: & habens habitum luminis gloriæ est etiam causa principalis visionis Dei; ergo homo habens gratiam potest esse causa gratiæ. Conf. prob. Nam sicut

hæc est participatio formalis divinæ naturæ: ita illi actus, divini actus, quo Deus videt se, & se amat, formales participationes sunt, & per eos similes Deo efficimur. Unde 1. Joann. 3. v. 2. *Similes ei erimus: quoniam videbimus eum, sicuti est*.

XIX. Respondeo, co. ant. neg. conf. Ad probat. dico, disparitatem esse: quòd gratia est immediata participatio formalis divinæ naturæ, sicut habet caritatis, & luminis gloriæ sunt immediatæ participationes divinæ voluntatis, & intellectus: unde à solo Deo ea habent per naturam infundi, & produci possunt. At actus caritatis, & visionis Dei, etiam sunt similes analogicè amoris, & visionis creaturæ Dei; non tamen sunt formales, & immediatæ participationes eorum: quia ab iis immediatè non procedunt, sed ab intellectu creato in vi luminis, & caritatis à Deo procedentium, juxta illud Psalm. 35. v. 10. *In lumine tuo videbimus lumen*. Unde bene stat, quòd actus visionis, & caritatis possint ab agente creato principaliter produci, secus gratia.

Ex hoc nascitur alia disparitas: nempe, quòd actus visionis, & caritatis, etiam sint supernaturales, supponunt tamen in intellectu habitum luminis gloriæ, & in voluntate habitum caritatis, qui sunt ejusdem speciei, & perfectionis cum illis. At gratia sanctificans non potest supponere in suo subiecto aliquod principium supernaturale, quod sit æqualis perfectionis; cum illa, utpote natura in tali ordine, sit principium primum, & perfectissimum. — Quibus addi potest: quòd si homo gratiam principaliter produceret in alia, ageret immediate in potentiam obedientialem animæ, quæ soli Deo subditur, eam elevando: producendo autem actum supernaturalem agit in potentiam jam elevatam per habitum, cui actus ille factus est connaturalis.

XX. Obijciunt tertio. Gratia Petri est ejusdem rationis cum gratia Pauli; ergo

ergo Petrus poterit gratiam in Paulo producere. Conf. prob. Principium enim constitutum per formam æqualis perfectionis potest formam similem in altero producere: quemadmodum quia omnes homines in natura sunt æquales, potest unus homo alium producere sibi similem in natura.

XXI. Respondeo, dist. ant. Est ejusdem rationis in esse entis, co. ant. In ratione causæ, & effectus, nego ant. Ad probat. eodem modo distinguo. Et in isto in Archangelo, qui est perfectior sit Angelo in esse entis, nequit tamen Angelum producere, quia Angelus in ratione effectus excedit Archangelum: cum, utpote producibilis solum per creationem, petat agens infinitæ virtutis.

XXII. Sed dices. Bonum est diffusivum sui, ut patet in omnibus causis; ergo quod plus habet de ratione boni, plus habet de ratione diffusionis: sed gratia, utpote forma spiritualis, plus habet de ratione boni, quam forme corporales: cum ergo forme corporales sint principium suæ communicationis in similitudinem speciei, multo magis gratiam habens poterit eam in alio causare.

XXIII. Respondeo, dist. maj. Bonum positum in subiecto, à quo perfectè possideatur, est diffusivum sui, co. maj. Positum in subiecto, à quo solum imperfectè, & diminutè possideatur, nego maj. Ait ergo S. Tho. Q. 27. de Verit. a. 3. ad 3. *Quod non est ex defectu bonitatis gratia, quin habens eam possit in alium diffundere; sed est ex ejus eminentia pariter, & defectu habentis: quia ipsa transcendit statum naturæ creatæ, & habens eam, non ipsam participat in tantæ perfectione, ut eam communicare possit.* Videatur etiam ibi ad 24.

Conferenda est hæc doctrina cum alia ejusdem S. Doctoris 1. 2. q. 5. a. 6. ad 2. ubi quærens: an Angelus, qui est beatus in actu, possit beatitudinem in homine, qui est beatus solum in potentia, producere; cum id,

quod est in potentia, possit reduci in actum per id, quod est actu tale; sicut quod est potentia calidum, sit actu calidum per id, quod est actu calidum: respondei negativè, his verbis: *Ad secundum dicendum, quod quando aliqua forma actu existit in aliquo secundum esse perfectum, & naturale, potest esse principium actionis in alterum; sicut calidum per calorem calefacit: sed si forma existit in aliquo imperfectè, & non secundum esse naturale, non potest esse principium communicationis sui ad alterum, sicut intentio coloris, qui est in pupilla, non potest facere album: neque omnia, quæ sunt illuminata, aut calefacta possunt alia calefacere, & illuminare: sic enim illuminatio, & calefactio essent usque ad infinitum. Lumen autem gloria, per quod Deus videtur, in Deo quidem est perfectè secundum esse naturale; in quolibet autem creaturæ est imperfectè, & secundum esse similitudinarium, vel participatum: unde nulla creatura beata, potest communicare suam beatitudinem alteri.* Hæc D. Thom. Ex quibus sic discuro. Certè gratia, quæ est in Petro comparata gratiæ, quæ est in Deo, magis imperfecta est, quam sit minima lux, & minimus calor: sed minima lux, & minimus calor nequeunt lucem, & calorem in alium diffundere; ergo nec gratia &c.

XXIV. Sed contra hanc doctrinam replicabis. Sicut gratia est participata similitudo Dei, qui est per essentiam Deus, Sanctus &c. ita ignis, & quælibet creatura est participatio essentialis divini esse; & tamen ignis potest alium ignem producere; ergo gratia poterit aliam gratiam producere.

XXV. Respondeo, disparitatem esse. Primò: quia esse ignem, est sit à Deo virtualiter participatum, est tamen in igne secundum esse naturale, & perfectum: & ideo potest esse principium communicationis in alterum. Gratia verò in natura creata est solum imperfectè, & non secundum esse natu-

natu-

naturale. Secundò: ignis est participatio Dei, ut causæ universalis, & purè efficientis, & solum virtualis: & ideo non tollit, quin ab alia causâ particulari possit produci. At gratia est participatio formalis divinæ naturæ respiciens Deum, non solum ut causam efficientem specialem, sed & specificativam; unde non potest ab alio, quàm ab ipso participari: sicut participatio formalis ignis non potest ab alio participari principaliter, quod non sit ignis.

XXVI. Obijcitur quartò, probando, quòd aliam Christum, ut homo, sit causâ principalis nostræ gratiæ. Primò. Tum ex illo *Matt. 9. v. 6.* ubi Christus de se ait: *Filius hominis habet potestatem in terra dimittendi peccata.* Tum Joann. 1. v. 17. *Gratia, & veritas per Jesum Christum facta est.* Tum Joann. 10. v. 9. *Ego sum ostium; per me si quis introierit, salvabitur.* Ait D. Thom. 3. p. q. 8. a. 6. ad 3. *In ostio importatur principalis auctoritas.* Et in 4. dist. 5. q. 2. a. 2. quæst. 1. *Agens (inquit) principale in baptizando est ipse Deus per auctoritatem, & ipse Christus secundum quòd homo.*

Secundò ratione. Quia Christus, ut homo, habet gratiam perfectiorem nostrâ, nempe, gratiam capitis: sed de ratione capitis est principaliter influere in membra; ergo &c.

XXVII. Respondeo, materiam hanc pertinere ad Tractatum de Gratia Christi. Ad præsens tamen intentum, observo cum S. Thoma 3. p. q. 64. a. 3. & 4. Christum respectu gratiæ, & remissionis peccatorum duplicem habuisse potestatem. Unam auctoritatis, & principalis agentis, quæ ei convenit quatenus est Deus, & (subdit a. 4.) talis potestas nulli creaturæ potuit communicari, sicut nec divina essentia. Aliam excellentiæ, seu ministerii principalis, quæ ei convenit, ut homo est: inquantum ejus humanitas est instrumentum conjunctum divinitati in Persona, ex quo principalitatem, & causalitatem quandam habet

respectu instrumentorum extrinsecorum: ob quam principalitatem (ait *art. 4. citato ad 2.*) potestas excellentiæ potest auctoritatis nominari per comparisonem ad alios ministros.

Si ergo laudata Scripturæ loca velimus intelligere de potestate auctoritatis, seu principalis agentis; exponenda erunt de Christo, seu Filio hominis, non ratione humanæ naturæ, sed ratione personæ: cui, utpote divinæ, & Deo, convenit esse causam physicam principalem gratiæ, quemadmodum & alijs divinis Personis. Si verò loqui velimus de Christo, ut homine, & de Filio hominis ratione naturæ; exponenda erunt de potestate excellentiæ, quæ etiam auctoritatis dici potest: non quidem agentis principalis, sed instrumenti conjuncti, quod principalitatem quandam habet respectu instrumentorum separatorum. Quando autem D. Tho. in 4. sent. alato dicit, quòd Christus, secundum quòd homo, est agens principale; non sentit, esse agens principale per auctoritatem absolutè, sicut Deus, sed per meritum; unde subdit: *Cujus meritum operatur in Baptismo.* Esse autem agens principale hoc modo, solum est habere potestatem ministerii principalis, sive potestatem excellentiæ; ad differendam aliorum ministrorum, qui, ut dicit S. Doctor ibi, sunt agentia, solum instrumentalia. Videri potest in 4. dist. 19. q. 1. a. 1. quæst. 2.

XXVIII. Alij propterea (nec male) distinguunt inter agens physicum, & morale; asseruntque, Christum, ut homo est, licet non sit agens principale physicum nostræ gratiæ, esse tamen agens principale morale illius. Nam Christus meruit nobis gratiam, non quidem ut instrumentum Dei, alijs Deus esset, qui mereretur; sed ut causâ principalis meritoria. Unde Tridentinum *Sessio 6. cap. 7.* Christum appellat causam meritoriam nostræ justificationis; Sacramenta verò causam instrumentalem. Et hoc modo cum S. Tho. appellat Christum,

ut

ut hominem, causam principalem nostræ gratiæ; loquitur de causa principali, non physicâ, sed morali.

XXIX. Ad rationem allatam, dico, gratiam Christi esse ejusdem speciei cum nostra; ac proinde sicut gratia nostra non est productiva principaliter alterius gratiæ, ob rationes superius allatas; ita neque gratia Christi. Dicitur tamen esse gratia capitalis, & influxiva in membra, vel instrumentaliter physicè, potestate tamen excellentiæ: vel principaliter moraliter, modo explicato. Unde D. Thom. Q. 27. de Verit. a. 3. ad 6. ait: *Quod ideo Christus secundum humanam naturam, præ alijs ministris, Caput Ecclesiæ dicitur; quia præ ceteris alijs ministris habuit: inquantum per fidem ipsius sanctificamur, & per invocationem nominis ejus Sacramentis imbuimur, & virtute Passionis ejus tota humana natura à peccato primi Parentis purgatur; & multa alia hujusmodi, quæ Christo singulariter conveniunt.*

DUBIUM VIII.

An Deus sit Causa Gratiae per Creationem?

§. I.

Resolutio Dubii.

I. Dico. Deus est causa gratiæ, non eam creando, sed de potentia obdientiali animæ eam educendo. Est contra Scotum, & alios: eam tamen docent S. Thom. & omnes ejus discipuli. Et prob. primò ex duobus principijs apud Sanctum Thomam certissimis. Primum est: quòd creatura non potest concurrere instrumentaliter physicè ad creationem, ut Tom. 5. in 1. p. Q. 1. de Deo Creatore. Dub. 3. §. 2. num. 14. ostendimus. Secundum, quòd humanitas Christi, & Sacramenta novæ legis instrumentaliter physicè producant gratiam in anima; de quo in

Tractatu de Sacramentis in genere sermo erit. Ex quibus sic formo argumentum. Nulla creatura assumi potest ut instrumentum physicum ad creationem: sed humanitas Christi, & Sacramenta assumuntur à Deo ut instrumenta physica ad causandam gratiam; ergo eam non causat per creationem.

II. Secundò probatur ex D. Thom. hâc 1. 2. q. 113. a. 9. ubi quærens: an sit majus opus Dei creatio Mundi, quàm justificatio impij; respondet sub distinctione: quòd ex parte modi agendi maximum opus est opus creationis, in qua ex nihilo fit aliquid; ex parte verò magnitudinis ejus. quod fit, majus opus est justificatio impij, qua terminatur ad bonum æternum divinæ participationis; quàm creatio Cæli, & terra, qua terminatur ad bonum naturæ mutabilis: sed si in justificatione impij gratia crearetur, justificatio esset maximum opus, non solum ex magnitudine ejus, quod fit; sed etiam ex modo agendi; ergo &c.

III. Tertiò probat. Gratia, quando definit esse, non annihilatur; ergo neque, quando producit, creatur. Conseq. videtur sequi. Nam ex communi Philosophorum consensu inceptio, & desinitio alicujus rei sibi correspondent, ut eodem modo desinat, quo incipit. Antec. probatur. Tùm quia: ut docet D. Tho. 1. p. q. 104. a. 4. In operibus sive naturæ, sive gratiæ nihil redigitur omnino in nihilum. Tùm quia; id redigitur omnino in nihilum, cuius nec pars remanet in se, nec in potentia subiecti. Unde S. Doct. ibid. ad 3. ostendit, formas accidentales non omnino redigi in nihilum, cum desinunt; non quia aliqua pars eorum remanet, sed quia remanet in potentia materia, vel subiecti.

IV. Respondet Scotistæ. Si Deus destrueret animam rationalem, illam annihilaret: & tamen corpus, quod est ejus subiectum, remaneret; ergo, est in destructione gratiæ remaneat ejus subiectum, nempe, anima, adhuc tamen annihilabitur.

V. Sed

▼. Sed contra. Nam quamvis for-
ma, quæ unitur quidem subiecto,
quia tamen est per se subsistens, non
dependet in suo fieri, esse, & conser-
vari à subiecto, possit vere annihila-
ri, manente ejus subiecto; quemadmo-
dum ejus subiecto præexistente potest
creari, qualis est anima rationalis:
forma tamen, cujus esse est in subie-
cto esse, & à subiecto inesse, & conser-
vari dependet, si remanet subie-
ctum, non redigitur totaliter in nihi-
lum; ut patet in formis materialibus,
sive substantialibus, sive accidentalibus:
sed gratia, utpote accedens, ha-
bet esse dependens à subiecto in conser-
vari; ergo nequit redigi in nihi-
lum manente subiecto. Et sicut non
potest esse terminus creationis, ita
neque annihilationis.

VI. Ex his sequitur, quòd gratia
educatur de potentia animæ, non
quidem naturali, seu violentâ; quia
gratia neque est connaturalis animæ,
nec violenta: sed obediens, secun-
dum quòd nata est Deo obedire, ut
in ea faciat, & eam moveat, quomo-
documque voluerit. Quare D. Thom.
Qu. unicâ de Virtutibus art. 10. ad 13.
ait: Sicut ex aqua, vel terrâ potest
aliquid fieri virtute corporis calestis,
quod non potest fieri virtute ignis: ita
ex eis potest aliquid fieri virtute super-
naturalis agentis, quod non potest fieri
virtute alienius naturalis agentis. Et
secundum hoc dicimus, quòd in tota crea-
turâ est quædam obediens potentia,
prout tota creatura obedit Deo, ad susci-
piendum in se quicquid Deus voluerit.
Sic igitur in anima est aliquid in po-
tentia, quod natum est reduci in actum
ab agente naturali: & hoc modo sunt
in potentia in ipsa virtutes acquisitæ.
Alio modo aliquid est in potentia in
anima, quod non est natum educi in
actum, nisi per virtutem divinam: &
sic sunt in potentia in anima virtutes
infusæ. Hæc D. Thom. Idem dicit de
gratia, à qua, tanquam à radice, ema-
nant virtutes infusæ.

Tom. IX.

§. I I.

Rationes Scotistarum.

VII. **O**bjiciunt primò varia Scri-
pturæ testimonia, quibus
videtur dici, gratiam creari. Psalm.
50. v. 12. *Cor mundum crea in me,*
Deus. Ad Ephes. 2. v. 10. *Creati in*
Christo Jesu in operibus bonis. Et cap.
4. v. 14. *Induite* (inquit Paulus) *no-*
vum hominem, qui secundum Deum
creatus est in justitia, & sanctitate ve-
ritatis; unde ad Galat. 4. v. 15 ho-
minem justum appellat *novam creatu-*
ram. Cum autem verba Scripturæ
debeant sumi in sensu litterali; de-
bet intelligi, gratiam propriè creari:
maximè cum ex hoc nullum sequatur
absurdum.

VIII. Respondeo primò, instando
contra Scotistas. Nam in Scriptura
homo per gratiam dicitur regenerari,
renasci: unde ad Titum 3. v. 5. Ba-
ptismus vocat Paulus *lavacrum rege-*
nerationis. 1. Petri 1. v. 3. *Benedi-*
ctus Deus..... qui regeneravit nos
in spem vivam, & c. 2. v. 2. *Sicut mo-*
dò geniti infantes. Et 1. Cor. 4. v.
15. *Nam in Christo Jesu per Evangeli-*
um ego vos genui. Quod autem gene-
ratur, non creatur — Deinde ver-
bum *creavit* non semper in riguroso
sensu usurpatur à Scriptura. Nam Ge-
nesis 1. v. 21. dicitur: *Creavitque De-*
us cate grandia, quæ tamen fecit ex
aquis. v. 27. dicitur: *Et creavit De-*
us hominem, masculum, & femi-
nam creavit eos; cum tamen hominem
fecerit ex limo teræ, & feminam
ex colla viri.

IX. Respondeo secundò cum D. Tho.
1. 2. q. 110. a. 2. ad 3. Quòd pro-
priè loquendo nullum accidens neque fit,
neque corrumpitur, sed dicitur fieri, vel
corrumpi, secundum quòd subiectum in-
cipit, vel desinit esse in actu secundum
illud accidens. Et secundum hoc etiam
gratia dicitur creari; ex eo quòd ho-
mines secundum ipsam creantur, id est

A a in

in novo esse constituentur ex nihilo: idest, non ex materiis, secundum illud ad Eph. 1. Creati in Christo Jesu in operibus bonis.

X. Obijciunt secundò. Gratia est omnium rerum creatarum præstantissima, cum sit formalis participatio divinæ naturæ; ergo debet produci actione omnium præstantissima, qualis est creatio, non verò educio.

XI. Respondeo, neg. conf. Actio igitur productiva gratiæ debet esse præstantissima quidem, sed accommodata conditioni, & naturæ gratiæ; quæ cum sit accidens, atque adeo per se non subsistens, sed dependens in esse, & conservari à suo subiecto debet fieri dependenter ab illo, & consequenter à potentia obedientiali ejus educi, si connaturaliter producat. Aliunde autem præstantia gratiæ deducitur: quia, nempe, nulla creatura est, quæ ad ejus productionem principaliter concurrere queat.

XII. Sed dices. Non est contra naturam accidens creari; ergo gratia, etsi accidens, creari potest. Ant. prob. Accidens sine subiecto conservari potest; ergo etiam sine subiecto fieri. Rursus: Anima rationalis in ratione subiecti nihil tribuit gratiæ, cum potius gratia tribuat ipsi, eamque perficiat; ergo non est, cur ex potentia animæ educatur. Maxime quia, si nulla est in natura causa moralis gratiæ, multò minus debet esse causa physica, qualis est causa materialis, & educitiva.

XIII. Respondeo ad primum, neg. ant. Ad prob. dist. conf. Sine subiecto fieri, si producat extra subiectum, transeat. Si in subiecto producat, nego confeg. Imò sicut gratia connaturaliter conservari sine subiecto nequit; ita nequit connaturaliter sine subiecti transmutatione fieri. — Ad secundum, dist. ant. Nihil tribuit gratiæ in genere causæ formalis, cone. antec. In genere causæ materialis, nego antec. Gratia igitur est in genere causæ formalis tribuat animæ

sanctitatem; anima tamen in genere causæ materialis ad fieri, sustentari, & conservari gratiæ concurrat; non quidem secundum potentiam naturalem, sed obedientialem: patiendo, se à Deo auctore supernaturali transmutari, eo proportionali modo, quo accipitur, se transmutari a Sole per lucem. Ex quo fit, ut respectu gratiæ possit dari in natura causa materialis physica, quia hæc solum dicit capacitatem, & obedientiam; non verò causa moralis, quæ dicit debitum, & exigentiam saltem moralem.

XIV. Obijciunt terriò. Gratia Angelis, & primis Parentibus data in primo creationis momento non potuit educi; ergo fuit creata. Antec. prob. Ut forma aliqua educatur, debet fieri actione transmutativa subiecti: sed gratia data Angelis, & primis Parentibus, actione transmutativa subiecti fieri nequivit: ad hanc enim requiritur, ut subiectum pro aliquo priori instanti fuerit sub privatione formæ, à qua deinde transmutetur ad formam; quod non potuit contingere in Angelis, qui in eodem instanti quo creati fuerunt, gratiam acceperunt, dicente Augustino: erat Deus in Angelis *condens naturam, & largiens gratiam* (lib. 11. de Civit. Dei cap. 9.)

XV. Respondeo, neg. ant. ad prob. ant. dico, quidd licet per se, & regulariter loquendo, ad actualem transmutationem requiratur, ut subiectum pro aliquo instanti reali præcedat sub privatione, & deinde transeat ad formam: ut tamen actio sit de se transmutativa subiecti, & consequenter educitiva, sufficit, ut, est subiectum tempore non præcedat formam, actio tamen, quæ producit formam, sit distincta, & naturæ posterior, neque habens inviolabilem nexum cum actio-
ne productiva subiecti. Cum autem actio, quæ collata fuit Angelis gratia, fuerit distincta, & saltem naturæ posterior, neque inviolabiliter connexa cum actione creativa illorum, quod indicant verba illa Augustini: *Con-*
dens

dens naturam, & largiens gratiam, nimirum largitionem gratiæ fuisse actionem gratuitam, & donum distinctum à conditione naturæ: cumque insuper Angeli, etsi gratiam acceperint in eodem instanti suæ creationis, ad eam tamen, seipsum referendo in Deum, se disposuerint, ut ostendimus Tom. 5. in 1. par. Quæst. 7. de Perfect. Angel. in esse gratia, & gloria Dub. 2. §. 3. num. 15. &c. fit, quoddam actio productiva gratiæ fuit actio transmutativa subjecti. Quoddam si actu non transmutaverit, fuit per accidens: quia produxit gratiam in eodem momento, quo Deus substantiam Angelorum creaverat.

XVI. Responderi etiam, puto, posset, dato, quoddam gratia primò Angelis collata, non fueriteducta, sed cum natura ipsorum concreata, sicut concreatæ fuerunt eorum proprietates: negando tamen, quoddam in nobis, in quibus anima præcedit tempore gratiæ collationem, gratia creetur, seu verius concreetur. Sicut quamvis forma rerum materialium in prima rerum productione non fuerinteductæ ex materia, sed cum materia concreatæ: non tamen sequitur, quoddam postea in subsequenteribus generationibus non educantur, sed concreantur. Concludo ergo cum S. Thoma Q. 17. de Ver. a. 3. ad 9. *Quoddam creari propriè est rei subsistentis, cuius est propriè esse, & fieri. Forma autem non subsistentes, siue substantiales, siue accidentales, non propriè creantur, sed concreantur: sicut nec esse habent per se, sed in alio. Et quamvis non habeant materiam ex qua, qua sit pars eorum: habent tamen materiam in qua, à qua dependent, & per cuius mutationem in esse educuntur: ut sit eorum fieri sit propriè subjecti eorum transmutari. Secus autem est de anima rationali, qua est forma subsistens: unde propriè ei creari convenit.*

DUBIUM IX.

An Homo Viator possit certò scire, se esse in Gratia, tali certitudine, ut nequeat ei subesse falsum?

§. I.

Varia præmittuntur.

I. Ripliciter, ut observat S. Th. hac q. 112. a. 5. potest aliquis cognoscere, se esse in gratia. Uno modo per revelationem: Et hoc modo potest aliquis certò scire, se esse in gratia: *Revelat enim Deus hoc aliquando aliquibus ex speciali privilegio: ut securitatis gaudium, etiam in hac vitâ in eis incipiat, & confidentiâ, & fortis magnifica opera prosequantur, & mala præsentis vite sustineant: sicut Paulo dictum est 2. ad Cor. 12. sufficit tibi gratia mea. Quod Beatæ Virgini factum credendum est, Luca 1. Angelo eam gratiâ plenam salutante. Itemque Paralytico, & Mulieri peccatrici, quando, Matth. 9. & Luca 7. ipsemet Christus eis dixit: quoddam peccata eorum remittebantur. Unde quando Concilium Trident. Sess. 6. cap. 9. dicit, neminem posse certò certitudine fidei, cui falsum subesse non possit, scire se esse in gratia; loquitur secluso specialis revelationis privilegio, & solum viâ ordinariâ, contra hæreticos infra recensendos, & impugnandos.*

Alio modo potest aliquis cognoscere, se esse in gratia, per seipsum; & hoc certitudinaliter. Et hoc, vel cognitione certâ, & evidente, sicut est certitudo, quæ habetur per scientiam: vel certitudine morali, sicut est certitudo de existentia Romæ in eo, qui audivit à multis, Romam esse, tamen Romam nunquam vidit: vel certitudine ortâ ex signis supernaturalibus, quæ homo in se experitur: vel tandem certitudine prudentiali si-

mili illi, quâ certò credimus, hominem, quem videmus celebrare, esse Sacerdotem, vel nos esse baptizatos, vel nos esse talium hominum Filios; quæ certitudo nittitur iudicio prudentiali, excluditque formidinem actua-lem, est non potentiam formidandi, saltem ut in plurimis.

Tertio modo etiam, asserit S. Doctor, aliquis cognoscere potest, se habere gratiam, conjecturaliter per aliqua signa; inquantum percipit, se delectari in Deo, & contemnere res mundanas; vel inquantum sibi non est conscius peccati mortalis.

II. Lutherus, cui subscribit Calvinus, cum omnibus Sæctariis, tria docuit. Primum est: hominem certa fide cognoscere, sibi remissa esse peccata, & se esse in gratia. Secundum: hoc de seipsis omnes prorsus debere certò tenere, & statuere; alioquin nec Iustos esse, nec Fideles. Tertium: hac speciali fide homines iustificari, & quidem solâ. Primum, & secundum docuit primò Lutherus in *Thesibus publicis* anno 1518. quarum 13. erat: *Usque ad infidelitatem errant, qui remissionem culpa incertam asserunt, propter incertitudinem contritionis*. Item 14. *Quantumlibet incertus sit tam Sacerdos, quam peccator de contritione, rata est absolutio, si credit se absolutum*. Et 15. *Certum est ergo, remissa esse peccata, si credit remissa; quia certa est Christi Salvatoris promissio*. Tertium verò primò asseruit in collatione, quam habuit cum Cardinali Cajetano; ubi inter cætera affirmat: *Neminem iustificari posse, nisi per fidem, se scilicet, ut necesse sit, eum certa fide credere, sese iustificari, & nullo modo dubitare, quòd iustitiam consequatur*. Si enim dubitat, & incertus est, jam non iustificatur, sed evomit gratiam. Primum, & secundum Lutheri assertum hic examinabimus: tertium ad Tractatum de Iustificatione remittimus.

III. Ex Catholicis Ambrosius Catharinus noster, licet non asserat, ho-

minem viatorem posse esse certum, se esse in gratia certitudine, quæ sit fidei immediatè, & innixa divinæ revelationi, dicit, posse esse certitudine innixâ discursui ex una de fide, & alterâ lumine naturali notâ. Potest enim homo facere hunc discursum: certum de fide est, Deum remittere peccata, & dare gratiam poenitentibus, & diligentibus: sed lumine naturali cognosco, me veram poenitentiam habere, & Deum diligere; ergo certus sum, saltem mediatè, divinâ fide, me esse dispositum ad gratiam. Soro autem, in Apolog. contra Catharinum, dicit, hominem posse esse certum, se esse in gratia tantâ certitudine morali, quantâ certus est, esse Romam, qui Romam nunquam vidit. Patres verò Salmanticenses asserunt, hominem iustum de sua iustitia habere posse certitudinem moralem, similem illi, quâ credimus, hominem, quem videmus celebrare, esse Sacerdotem, vel nos esse baptizatos, aut filios talium parentum. Communis tamen catholicorum sententia est cum S. Thoma, neminem, sine speciali revelatione, habere posse de sua iustitia cognitionem plusquam conjecturalem. Prius ergo contra Sæctarios agemus: deinde Catholicorum singulares opiniones ad trutinam revocabimus.

§. I. I.

Assertio Catholica contra Sæctarios.

IV. **D**ico. Nemo in hac vitâ positus, absque speciali revelatione sibi factâ, tenetur, aut potest, certitudine fidei divinæ certò credere, aut scire, se habere gratiam coram Deo. Utrumque docet Tridentinum Sess. 6. cap. 9. his verbis: *Sed neque illud asserendum est, oportere eos, qui verbis iustificati sunt, absque ulla omnino dubitatione apud senectipos statuere, se esse iustificatos; neminemque à peccatis absolvi, ac iustificari, nisi eum, qui certò credat, se absolutum, & iustifi-*
catum.

oatum esse; atque hac solâ fide absolutionem, & justificationem perfici: quasi qui hoc non credit, de Dei promissis, deque Mortis, & Resurrectionis Christi efficacia dubitet. Nam sicut nemo pius de Dei misericordia, de Christi merito, deque Sacramentorum virtute, & efficacia dubitare debet: sic quilibet, dum seipsum, suamque propriam infirmitatem, & indispositionem respicit, de sua gratia formidare, ac timere potest; cùm nullus seire valeat certitudine fidei, cui non potest subesse falsum, se gratiam Dei esse consecutum. Hæc Tridentinum. Quæ firmat Can. 13. dum ait: Si quis dixerit, omni homini ad remissionem peccatorum assequendum necessarium esse, ut credat certè, & absque ulla hesitatione propria infirmitatis, & dispositionis, peccata sibi esse remissa: anathema sit. Et Can. 14. Si quis dixerit, hominem à peccatis absolvi, ac justificari ex eo, quod se absolvi, ac justificari certè credat: aut neminem verò esse justificatum, nisi qui credat, se esse justificatum: & hac solâ fide absolutionem, ac justificationem perfici: anathema sit.

V. Multis Scripturarum locis hæc veritas Catholica firmari solet: nos præcipua subjiciemus. Primum, ex Job. 9. v. 10. & 21. Si iustificare me volueris, tu meum condemnabit me. Si innocentem ostendero, prævum me comprobabit. Etiam si simplex fuero, hoc ipsum ignorabit anima mea. Secundum, ex Psalm. 18. v. 13. Delicta quis intelligit? Ab oculis meis munda me. Tertium, Proverb. 10. v. 9. Quis potest dicere, mundum est cor meum, purus sum à peccato? Quartum, Ecclesiastæ 9. v. 1. Sunt iusti, atque sapientes, & opera eorum in manu Dei: & tamen nescit homo, utrum amore, an odio dignus sit. — Si dicas, impium certò scire, se odio dignum esse. — Respondeo, sensum esse, quod nemo etiam illorum, qui iusti sunt, ac sapientes, certò scit, an amore potius, quam odio dignus sit. Vide Hieronymum Comment. in ista verba. Quia-

tum, ex 1. ad Cor. 4. v. 4. ubi Apostolus de se ait: Nihil enim mihi conscius sum: sed non in hoc justificatus sum: qui autem iudicat me, Dominus est. — Nec dicas, Apostolo fuisse revelatam suam tùm iustitiam, tùm prædestinationem. Iustitiam quidem. 2. Cor. 12. v. 9. ubi ei dicitur: Sufficit tibi gratia mea, ut superius cum D. Thom. observavimus. Prædestinationem verò Ador. 9. v. 15. ubi Ananias de Saulo dicitur: Vade, quoniam vas electionis est mihi iste.

Respondeo enim, communis negari, Paulo fuisse à Deo revelatam suam iustitiam, ac prædestinationem. Tam enim præcitata verba, quàm hæc alia c. 9. v. 17. Sed castigo corpus meum, & in servitutem redigo, ne fortè cùm aliis predicaverim, ipse reprobus efficiar, apertè ostendunt, eum nec de sua iustitiâ, nec de sua perseverantiâ certum fuisse. Undecitato c. 4. ex 1. ad Cor. præmiserat: Sed neque me ipsum iudico: & postea subdit: Qui autem iudicat me, Dominus est. Potuisset autem de se ferre iudicium, si divinâ revelatione fuisset certificatus. An hunc sensum veniunt S. Hieron. l. 2. adver. Pelagian. Chrysost. Homil. 13 in 1. ad Cor. dicens: Si Paulus hoc timuit, cùm talis esset præceptor, & post prædicationem, & orbis terrarum susceptum patrociniū formidavit: quidnam nos dicemus? Et Aug. Serm. 19. de Verb. Apost. Suo (inquit) timore nos terruit: Quid enim faciet agnus, ubi aries tremat? Eadem est sententia Gregorii l. 9. Epist. 21. Bernardi Serm. de Convers. ad Clericos c. 16. Et aliorum. Unde sequitur, quod etsi detur, Apostolos fuisse in gratia confirmatos, id tamen eos latuisse.

VI. Hinc non obstat, dictum Paulo fuisse: Sufficit tibi gratia mea. Illis enim verbis exprimitur quidem, ipsum auxilio gratiæ divinæ adjuvari, & adjuvandum; ne, ut oraverat, stimulo carnis superetur: non tamen ei revelatur, quod sit in gratia iustificante, vel quod ab ea non sit casurus. Nec

Nec refert, quod S. Thom. afferat hanc sententiam pro exemplo ejus, quod dixerat, Deum quibusdam revelare, quod habeant gratiam. Nam non exprobat, Paulo fuisse revelatum, quod haberet gratiam justificantem: sed generaliter de gratia actualis protectionis hoc ipse interpretatur *leſt.* 3. in illud *exp.* dicens: *Non duceris ad impatientiam, cum gratia mea confortet te, quia gratia mea protegit te.* His addo: quod, dato etiam, fuisse revelatum Paulo, quod tunc esset in gratia justificante; non fuit tamen revelatum, quamdiu esset in gratia perseveraturus, vel nunquam in aliam tentationem ipsum casurum: & propterea locum adhuc timori fuisse in Paulo.

Quod verò Ananias dicitur: *Vas electionis eſt mihi iſte*, non continet revelationem de electione Pauli ad gloriam, sed ad ministerium praedicationis Evangelii; subditur enim: *Ut poſſet nomen meum eorum Gentibus &c.*

VII. Certitudini, quam Acatolici fingunt necessariam ad justificationem, resistunt ea Scripturae testimonia, quae docent, hominem semper debere esse in timore. Ut illud Proverb. 28. v. 14. *Beatus homo, qui semper est pavidus.* Illud 1. Petri 1. v. 17. *In timore inelatus vestri tempore convertamini:* Et hoc, quia Deus sine acceptione personarum iudicat secundum uniuscuiusque opus. Illud ad Philipp. 2. v. 12. *Cum metu, & tremore vestram salutem operamini.* Et illud 2. ad Cor. 10. v. 18. *Non enim qui seipsum commendat, ille probatus est: sed quem Deus commendat.*

VIII. Accedunt Patres. Augustinus 1. de *Perſecl.* *juſtit.* c. 15. ait: *Quantalibet enim juſtitia ſit praeſtitus homo, cogitare debet, ne aliquid in illo, quod ipſe non videt, inveniatur eſſe culpandum, cum Rex juſtus ſederit in throno; cujus cognitionem fugere delicta non poſſunt, nec illa de quibus dictum eſt: Delicta quis intelligit? Idem, Gregorius 1. 6. *Epist.* 22. Bernardus *Serm.* 3. de *Adventu*, & *Serm.* 23. in *Can-**

tie. Idem alii. Quorum aliqui obſervant, quod Scriptura, agens de remiſſione peccatorum reſpectu perſonarum particularium, ſemper adhibet particulam iſtam *forſe*, *forſitan*, ut à nobis juſtitiae propriae pernicioſam hanc confidentiam ſubmoveat. Ut Daniel. 4. v. 24. *Peccata tua elemoſynis redime, . . . forſitan ignoſceſt (Deus) delictis tuis.* Act. 8. v. 22. *Penitentiam age ab hac nequitia tua, & roga Deum, ſi forſe remittatur tibi hac cogitatio cordis tui.* Et Jonæ 3. v. 9. *Qui ſciit, ſi convertatur, & ignoſceat Deus?* Unde S. Greg. 1. 6. *Epist.* 22. Ad Gregoriam Auguſtinae cubiculariam, quae ipſum rogaverat, cupiens ſcire, an ſibi remiſſa eſſent peccata; inter alia, hæc reſcribit: *Rem mihi difficilem, & tibi inutilem poſtulaſti: difficilem, quia indignus ſum, cui revelatio immittatur à Deo: tibi inutilem, quia ſecuritas negligentiam parit.*

IX. Ratio tandem hanc comprobat veritatem. Nihil eſt, unde quiſque Fidelis poſſit habere certitudinem fidei de ſua gratia; ergo citra ſpecialem divinam revelationem, & conſequenter abſolute eam habere non poſteſt. Ant. prob. Nihil poſteſt eſſe certum certitudine fidei, niſi, vel immediate contineatur in verbo Dei; vel ſaltem per neceſſariam illationem ex eo deducatur: ſed quod ego, vel quilibet alius, ſit in ſtatu gratiae, neque eſt in Sacra Scriptura, ſeu verbo Dei immediate revelatum; neque ex eo per neceſſariam illationem deduci poſteſt: eſt enim in verbo Dei contineatur, quod qui ad Deum ex toto corde convertitur, & ex animo poenitet, & ex ſincero amore Dei operatur, Deus convertetur ad ipſum per gratiam; non tamen in verbo Dei contineatur, neque ex eo neceſſario deduci poſteſt, quod ego, vel alius, ex toto corde convertar, ex animo poenitentia ex motivo ſupernaturali tangar, vel quod impleam diſpoſitiones neceſſarias ad conſequendam à Deo gratiam; ergo &c. Hæc eſt ratio, quæ, ut ſupra vidi-

vidimus, utitur Concilium Tridentinum.

X Confirmatur. Quid ego iustificer, pendet à voluntate Dei, & à mea ultimâ dispositione: sed meam ultimam dispositionem esse debitam, non possum certò cognoscere per fidem insulam: ut enim ait D. Greg. 1. parte sui Pastoralis c. 20. *Me humana sepe sibi mentitur de seipso. Et fingit, se amare, quod non amat* Et S. August. lib. 50. *Homiliarum homil. 35. Quamdiu (inquit) vivimus hic, de nobis ipsis nos ipsi iudicare non possumus: non dico, quid eras erimus, sed quid hodie sumus.*

§. III.

Sectariorum Fundamenta.

XI. **O**bjiciunt primò Scripturam, Primò. Nam se esse in gratia, scivit Abraham, iuxta illud Genes. 22. v. 12. *Nunc cognovi, quod times Deum, idest, cognoscere te feci: timor autem ille, utpote filialis, non erat sine gratiâ.*

Secundò. Dominus, Joann. 13. v. 35. *In hoc cognoscent omnes, quia discipuli mei essis, si dilectionem habueritis ad invicem: multò ergo magis poterit homo de seipso cognoscere, se esse discipulum Christi, si dilectionem habeat ad proximum.*

Tertio. Idem Dominus, Joann. 14. v. 17. postquam promisit discipulis Spiritum veritatis, quem Mundus non potest accipere, quia non videt eum, nec scit eum: subiungit: *Vos autem cognosceitis eum, quia apud vos manebit, & in vobis erit.* Et v. 20. *In illo die vos cognosceitis, quia ego sum in Patre meo, & vos in me, & ego in vobis; ergo fidelis certò cognoscere potest, Spiritum Sanctum, & Christum esse in ipso per gratiam.*

Quartò. Paulus, Rom. 8. v. 16. ait: *Ipse enim Spiritus testimonium reddit spiritui nostro, quòd sumus filii Dei: cum ergo testimonium Spiritus Sancti sit infallibile, eique divinâ fide*

assentiri teneamur, ipsi attestanti, nos esse filios Dei, tenemur fide credere. Unde S. Joann. Chrysost. in hæc verba, ait: *Cum Spiritus Sanctus testatur, quæ tandem restat ambiguitas?* Et S. Bernardus Serm. 1. de Annuntiatio. Si credis (inquit) peccata tua non posse deleri, nisi ab eo, cui soli precasti, & in quem peccatum non exas, benè facis: sed adde adhuc, ut & hoc credas, quia per ipsum tibi peccata donantur. Hoc est testimonium, quod perbibet in corde nostro Spiritus Sanctus dicens: dimissa sunt tibi peccata tua. Quid clarius?

Quintò. Idem Paulus 1. Cor. 2. v. 12. ait: *Nos autem non spiritum hujus Mundi accepimus, sed spiritum, qui ex Deo est, ut sciamus, quæ à Deo donata sunt nobis.*

Sextò. Idem 2. Corin. 13. v. 12. Nam (inquit) gloria nostra hæc est, testimonium conscientia nostra, quòd in simplicitate cordis, & sinceritate Dei, & non in sapientia carnali, sed in gratia Dei conversati sumus. Inanis autem esset hujusmodi gloriatio, nisi haberet absolutam certitudinem de sua gratia.

Septimò. Eadem Epist. e. 13. v. 5. ait: *Vosmetipsos tentate, si estis in fide, ipsi vos probate. An non cognosceitis vosmetipsos, quia Christus Jesus in vobis est? Nisi fortè reprobi esset? Ergo qui non sunt reprobi, sciunt, Christum in ipsis esse, & esse in gratia.*

Octavò. 1. Petri 2. v. 10. sic monemur: *Satagite, ut per bona opera certam vestram vocationem, & electionem faciatis: ergo possumus esse certi, nos habere gratiam, & esse Electos.*

Nondò. Tandem, 1. Joan. 3. v. 14. *Scimus, quoniam translati sumus de morte ad vitam, quoniam diligimus. v. 19. In hoc cognoscimus, quoniam ex veritate sumus. Et v. 24. Et qui servat mandata ejus, in illa manet, & ipse in eo: & in hoc scimus, quoniam manet in nobis de spiritu, quem dedit nobis.*

XII. Hæc præcipua sunt, quæ pro suo errore instabiliendo jactant Acatholici: sed infelicitate. Nam ad primum respondit jam S. Thom. hæc q. 112. a. 5. ad 5. *Quodd illud verbum Abrahæ dictum potest referri ad notitiam experimentalem, quæ est per exhibitionem operis. In opere enim illo, quod fecerat Abraham, cognoscere potuit experimentaliter, se Dei timorem habere. Vel potest hoc etiam ad revelationem referri: quatenus scilicet illis verbis Deus illi revelavit, & propterea Abraham hoc de seipso scivit.*

XIII. Ad secundum dico, Christum verbis illis voluisse indicare, externam mutuum dilectionem fore signum, quo ab omnibus, tanquam Christi discipuli, professione nimirum, dignoscerentur: quod tamen solum parere potest conjecturalem cognitionem, non certitudinem absolutam. An enim ejusmodi dilectio sit ex corde sincero, & ex affectu in Deum, & proinde effectus gratiæ; an vero ex affectu naturæ, & motivo temporali interius; nec alii, imò nec ipse, qui diligit, certò cognoscere potest.

XIV. Ad tertium dico, priora Christi verba sensum facere, quodd Fideles, in quibus S. Spiritus inhabitat, eum cognoscant; non quidem cognitione sterili, qualis est ex fide infirmi, sed fructuosâ, qualis oritur ex fide viva: verum hæc cognitio est solum conjecturalis. Quis enim certò novit, opera, quæ facit, esse ex fide viva, & non potius infirmi? — Posteriora verò Christi verba juxta expositionem Cyrilli l. 9. in Joann. c. 47. & Augusti. *Traçt. 75. in Joann.* intelligenda sunt de die futuri seculi, in quo vivemus vitâ beatâ, & evidenter, ac certissime cognoscemus. Deum esse in nobis; non de die præsentis vitæ.

XV. Ad quartum dico, verba Apostoli, vel esse intelligenda de totâ Ecclesia, cui Spiritus Sanctus testatur, quodd habeat Spiritum adoptionis; comparat enim ibi Ecclesiam cum Sinagoga, quæ habuit tantum spiritum

servitutis in timore: non autem de singulis Christianis. Nam in sequentibus significat, aliquos ex iis, ad quos scribit, esse contentiosos, & infirmos in fide, ut constat ex cap. 14. — Vel si intelligere velimus de Fidelibus in singulari, exponenda sunt: Spiritum Sanctum testificari nobis, quodd filii ejus sumus, infundendo amorem filialem: seclusâ tamen revelatione nobis certò constare non potest, hoc testimonium esse à Spiritu Sancto, sed solum per experientiam cuiusdam suavitatis, & tranquillitatis conscientiæ, pioque affectu, quibus confidenter dicimus: *Abba Pater.* Quæ cum inveniri possint etiam in non iustis, nec possumus certò scire, ea esse à Spiritu Sancto, nosque verè esse filios Dei; ideo solum cognitionem conjecturalem parere possunt. Et propterea monet Joannes in sua primâ Epist. c. 4. v. 1. *Nolite omni spiritui credere: sed probate spiritus, si ex Deo sunt.*

Ad testim. ex Chrysost. dico, quodd si constet testimonium illud esse Spiritus Sancti, nulla est ambiguitas, quia fallax esse non potest: hoc tamen fallax esse potest, quodd putetur, esse Spiritus Sancti, & non sit. — D. Bernardus autem duo vult, ut credamus: unum, quodd media ab ipso instituta efficaciam habeant: alterum, Deum habere potestatem delendi peccata. Sed, quodd hæc media nobis applicemus iis dispositionibus, quibus oportet, certò credere nec possumus, nec nos debere, intendit Bernardus.

XVI. Ad quintum dico cum S. Th. hæc qn. 112. a. 5. ad 4. *Quodd Apostolus ibi loquitur de donis gloria, quæ sunt nobis data in spe, quæ certissime cognoscimus per fidem: licet non cognoscamus per certitudinem, nos habere gratiam, per quam nos possumus, ea promereri. Vel potest dici, quodd loquitur de notitia privilegiatâ, quæ est per revelationem: Unde subdit: Nobis autem revelavit Deus per spiritum suum.*

XVII. Ad sextum dico, Apostolum ibi in Domino gloriari, se conversa-

tum

tum fuisse in gratia non habituali, & sanctificanti, sed in gratia ministerii; quod scilicet cum sinceritate, & simplicitate conversationis se gesserit in munere Apostolico: neque humano studio, sed gratuita, ac potenti Dei operatione illud peregerit.

XXIII. Ad septimum observo, Apostolum hortari Corinthios, ut se ipsos tentent, ac probent: si autem certi essent de sua gratia, quid se tentarent, ac probarent? Quod enim certum est, probatione non eget. Neque sequitur, post probationem velle, eos esse certos, nisi quadam probabili, & morali conjectura. Revera tamen ibi non loquitur Paulus de presentia, Christi in Corinthiis, per gratiam sanctificantem; cum multis, qui peccaverant, penam committitur: sed de presentia secundum potestatem imperandi, puniendi, miracula facienda; hoc est: discutite, an habeatis veram fidem de Ecclesiastica potestate, quam Christus Apostolis, & Ecclesie Præfatis dedit.

XIX. Ad octavum nego, S. Petrum ibi velle, Fideles per bona opera certos fieri de sua gratia, & prædestinatione; sed solum eos hortari, ut fatagant, bona opera facere, & in eis perseverare: certi, quod si in eis usque ad finem perseveraverint, vitam æternam consequentur.

XX. Ad nonum dico, S. Joannem dirigere verba illa ad totam Ecclesiam, quam certissimum est, esse sanctam, & quosdam in ea esse sanctos, & justos. At quinam sint in particulari, nisi per signa probabilia, & conjecturas cognosci non potest.

XXI. Obijciunt secundò. In Symbolo Apostolorum proponitur nobis credendus iste articulus: *Credo remissionem peccatorum*; ergo debet quisque credere fide divinâ, sibi remissa esse peccata.

XXII. Respondeo, neg. conf. Articulus enim de remissione peccatorum, non est, quod quisque credat certitudine absolutâ, sibi remissa esse

Tom. VIII.

peccata, ut volunt hæretici: sed quòd credat, certò ea sibi remitti, si pœniteat, ut oportet. Porro quia nemo scit, an sic pœniteat, nemo certus est certitudine, cui non possit subesse falsum, peccata sibi de facto fuisse remissa: quod spectat illud Ecclesiastici 5. v. 5. *De propitiato peccato noli esse sine metu.*

XXIII. Obijciunt tertio. De fide est, Sacramenta conferre gratiam ea recipienti cum debita dispositione: sed adultus, cum baptizatur, potest certò cognoscere, quâ fide, & intentione Sacramentum recipiat; ergo &c.

XXIV. Respondeo, neg. min. Nam ad recipiendam gratiam in Baptismo debet adultus moveri per aliquam dispositionem supernaturalem: & hanc nequit homo certò cognoscere certitudine, nedum divinâ, sed nec absolute humanâ. Debet insuper esse certus certitudine, cui non possit subesse falsum, de intentione baptizantis; ad quam certò cognoscendam nullum habet medium.

XXV. Sed replicabis. Si ita est, nemo poterit dignè Sacramentum Eucharistiæ recipere: cum ad hoc dignè recipiendum debeat se judicare mundum à peccato, juxta illud 1. Cor. 11. vers. 28. *Probet autem seipsum homo &c.*

XXVI. Respondeo, neg. sequelam. Quia, ut homo dignè accedat ad Eucharistiâ, aut quodlibet aliud Sacramentum, non requiritur, quòd habeat iudicium speculativè certum de sua iustitia: sed sufficit, ut factis omnibus diligentis prudenter, seu probabiliter judicet, se esse in gratia. Nam hoc ipso format iudicium practicum de licita Sacramenti susceptione: quia ad hanc sufficit ea moralis certitudo, quæ intervenit in rebus humanis. Legatur S. Tho. 3. p. 9. 80. a. 4. ad 5.

XXVII. Obijciunt quartò. Non, majorem certitudinem habet Ecclesia de dispositione ejus, qui patitur martyrium, quàm habeat ipse Martyr:

Bb

fed

sed Ecclesia indubitata fide illum colit ut sanctum; ergo & ipse Martyr, dum patitur, indubitata fide cognoscit, se esse in gratia.

XXVIII. Respondeo primò, neg. maj. Nam Ecclesia in declaratione Sanctorum specialem habet assistentiam Spiritus Sancti, ne proponat ut Sanctum, aut Martyrem, qui verè non sit; at Martyr talem assistentiam non habet, ne in suo iudicio erret. Hinc est, quòd plures hæretici existimant, se mori pro Christo. & revera esse Martyres: cùm tamen pro errore pertinaciter vitam fundant, nec tamen martyrii coronâ donentur.

Respondeo secundò, objectionem hanc nos non premere. Vel enim loquitur de Martyre, dum adhuc torquetur, & nondum martyrium consummavit: vel de Martyre, qui morte jam consummavit martyrium. Si primum; certum est, eum ab Ecclesia non haberi pro Martyre. Si secundum, tunc Martyr certò novit, se habere gratiam, quippe qui à Deo gloriâ coronatur: & tunc solum ab Ecclesia certò colitur ut Martyr.

XXIX. Obijciunt quintò. Potest aliquis esse certus certitudine scientiæ, imò & fidei, alium esse in statu gratiæ: Sacerdos enim, qui baptizavit infantem, certus est, illum esse in gratia. Certus enim est de fide, Baptismum conferre gratiam ex opere operato: certus est, se adhibuisse veram aquam, protulisse verba, habuisse intentionem, & infantem non posuisse obicem; ergo pari ratione poterit esse certus, se esse in gratia.

XXX. Respondeo tamen, neg. conf. & disparitas est. Quia ad conferendum Baptismum, ex parte conferentis nullus actus supernaturalis requiritur: sed sufficit intentio actualis, vel virtualis faciendi, quod facit Ecclesia; quòd aquâ abluat, quòd legitimam formam proferat, & omnia necessaria impleat exterius, quæ omnia certò scire potest, qui baptizat. At in adulto, ut dignè Sacramentum suscipiat,

& gratiam accipiat, requiritur dispositio ex motivo supernaturali elicita, vera peccatorum contritio: quæ cùm certò scire nequeat, se habuisse; ideo certus esse non potest, se gratiam recepisse.

XXXI. At inquires. Ergo ne homo iustus erit de sua conscientia semper fluctuans, semper trepidans; & nunquam illâ pace gaudebit, quam spondit Paulus, Rom. 5. v. 1. *Iustificati ergo ex fide pacem habeamus ad Deum?*

Respondeo, neg. assumptum. Nam ad hoc, ut perpetuò conscientiæ tumultu non vexetur iustus, quo in desperationem impellatur; sufficit, quòd habeat certitudinem conjecturalem, quæ, licet non auferat omnem formidinem, tollit tamen anxietatem. Neque expedit iusto ut de sua iustitiâ sit prorsus securus: nam Prov. 28. v. 14. *Beatus homo, qui semper est pavidus.* Et appositè monet Paulus ad Philipp. 2. v. 12. *Cum metu, & tremore vestram salutem operamini.*

§. I V.

Examinantur Doctores Catholicorum Sententia.

XXXII. **D**ico primò. Homo iustus non potest esse certus de sua iustitiâ, certitudine comparatâ per discursum ex una præmissâ supernaturali, & aliâ naturali. Est contra Catharinum. Et Probo. Nam ut ex una præmissâ supernaturali, & aliâ naturali deducatur conclusio certa, debet utraque præmissâ esse certa, una certitudine fidei, altera certitudine naturali; si enim præmissâ naturalis non sit certa, conclusio, quæ semper sequitur debiliorem partem, erit incerta: sed in discursu, quem facit Catharinus, minor præmissâ est incerta; ergo &c. Non prob. Discursus Catharini est hic; *Certum, de fide est, Deum remittere peccata, & dare gratiam penitentibus, & diligentibus.*

tibus se : atqui lumine naturali cognosco . me verum poenitentiam habere , & Deum diligere ; ergo certus sum , me esse dispositum ad gratiam . Sed minor huius syllogismi est incerta : solum enim coniecturaliter , & ex signis , quæ fallacia esse possunt , cognoscit homo , se esse verè dispositum ad gratiam ; ergo &c.

XXXIII. Probo ulterius . Cognitio certa , & infallibilis de aliqua re habetur , vel per causam , vel per effectum : at neutro modo potest quis cognoscere infallibiliter , se habere gratiam ; ergo &c. Min. pro prima parte probatur . Triplex causa nostræ justificationis potest assignari . Una principalis , nempe , Deus , seu voluntas Dei ; & hanc nullus homo sine speciali revelatione potest certò cognoscere ; quia quæ sunt Dei nemo cognovit , nisi spiritus Dei . Altera instrumentalis , nempe , Sacramentum ; & nec de hoc potest haberi certa cognitio ; quoniam hoc pendet ex intentione , ordinatione ministris &c. & non est evidens sufficiens , ministrum habuisse sinceram intentionem , & fuisse ritè ordinatum . Tertia causa est dispositio ex parte nostri , & hæc nec certò potest cognosci . Tum quia : non est certum apud Theologos , quamnam dispositio sit sufficiens . Tum quia : debet ad minus esse supernaturalis , & ob motivum supernaturale : nequit autem quis certò , ac infallibiliter cognoscere , se habere poenitentiam verè supernaturalem . — Deinde , quòd nec ab effectu possit aliquis colligere cum certitudine , se esse in gratia , patet : quia quicumque effectus assignetur , arguit ad summum cognitionem coniecturalem , cum possint esse peccata occulta impediencia gratiam .

XXXIV. Probatur quoque ex D.Th. hæc q. 112 a. 3. ubi ait : *Alio modo homo cognoscit aliquid per seipsum , & hoc certitudinaliter . Et sic nullus potest scire , se habere gratiam : certitudo enim non potest haberi de aliquo , nisi possit judicari per proprium principium . Sic*

eius certitudo habetur de conclusionibus demonstrativis , per indemonstrabilia universalia principia : nullus autem potest scire , se habere scientiam alicujus conclusionis , si principium ignoraret . Principium autem gratia , & obiectum ejus est ipse Deus ; qui propter sui excellentiam est nobis ignotus , secundum illud Job 36 . Ecce Deus magnus vincens scientiam nostram . Et ideo ejus presentia in nobis , & absentia per certitudinem cognosci non potest , secundum illud Job . 9 . Si venerit ad me , non videbo eum , si autem abierit , non intelligam . Et ideo homo non potest per certitudinem judicare , utrum ipse habeat gratiam , secundum illud 1. ad Cor. 4 . Sed neque me ipsum judico : qui autem judicat me , Dominus est .

XXXV. Contra hanc Catharini opinionem stat quoque Tridentinum supra laudatum , dicens : *Cum nullus scire valeat certitudine fidei , cui non potest subesse falsum , se gratiam Dei esse consecutum .* Quamvis autem præcipuum intentum Concilii fuerit , damnare errorē , ut assereretur ab hæreticis ; attamen consequenter damnat omnem sententiam asserentem , posse aliquem certitudine , cui non possit subesse falsum , scire , se esse in gratia . Contra eandem stat quoque Innoc. III. qui Cap. *Accepimus* l. 5. Decretal. Tit. 34. de Purgatione Canonica , damnat Archiepiscopum Bisuntinum , quòd jurare vellet , se esse immunem à criminibus , de quibus fuerat diffamatus , tanquam sibi per poenitentiam dimissis ; respondeatque , quòd *hoc jurare non parva temeritatis existeret , cum B. Job. dicat : Etiam si simplex fuero , hoc ipsum ignorat animus meus .*

XXXVI. Dico secundò . Nemo in hac virà potest scire , se esse in gratia , tantà certitudine , quantà cognoscit , Romam esse ille , qui nunquam Romam vidit . Est contra Sotum . Probatur autem . Talis enim certitudo de existentia Romæ in eo , qui nunquam Romam vidit , audivit tamen ab omnibus , Romam esse . excludit omnem for-

midinem de opposito; ita ut, etsi vellet, dubitare non posset: atqui de existentia gratiæ in nobis, præcisa speciali revelatione, dubitare possumus: quilibet (ait Concilium) dum scripsit, suamque propriam infirmitatem, & indispositionem respicit, de sua gratia formidare, ac timere potest; quod confirmant Scripturæ loca supra laudata; ergo &c. Addo: in tantum mihi moraliter certum, ac indubitatum est, Romam esse; quia veritas hæc nititur testimonio communi hominum invicem nec loco, nec tempore communicantium: sed me habere gratiam, non potest inniti alicui fundamento huic simili; ergo &c.

Quapropter estd fatear, aliquos Sanctos viros ed devenisse, ut essent omnino certi de sua iustitia: hoc tamen ex speciali internâ revelatione illis factâ habuisse, tenendum est, ut testatur D. Thom. hoc *q. 5.* Sicut enim Beata Virgini per Gabrielem revelatum credimus, dum illi ait: *Ave gratiâ plena.* Sic D. Paulo, sic Abraham, sic aliis, sive pro semper, sive ad tempus determinatum.

XXXVII. Dico tertio. Neque ex signis supernaturalibus, quæ in se ipsis experiuntur, possunt viri, ceteroquin Sanctissimi, habere moralem certitudinem excludentem omnem formidinem de sua iustitiâ. Probo primo. Quia aliter asserere, esset recedere à sensu Scripturæ, & Concilii Tridentini: seclusâ enim revelatione, nemini de sua gratia certitudinem sine formidine ex quacumque causâ concedunt. Secundo. Signa, quæ supernaturalia existimantur, possunt esse merè naturalia: pax item, & conscientie tranquillitas, solum cognitionem conjecturalem parere potest; cum etiam peccatores hanc aliquando habeant, ex ignorantia eorum culpæ. Unde 1. Joann. 3. v. 21. dicitur: *Si cor nostrum non reprehenderit nos, fiduciam habemus ad Deum.* Ubi fiduciam (inquit) non certitudinem.

XXXVIII. Dico quarto. Nullus homo viator secundum commune,

providentiam potest, de sua gratia habere moralem certitudinem similem illi, quâ credimus, hominem, quem videmus celebrare, esse Sacerdotem, vel nos esse baptizatos, vel talium parentum filios. Est contra Salmanicenses, conformior tamen Scripturæ, & Tridentino. Nam de tribus enumeratis ita sumus moraliter certi, ut prudenter dubitare non possumus: qui enim videt aliquem in Ecclesia impunè publicè celebrantem, videt hominem exercentem impunè munus, quod solis Sacerdotibus concessum est: & cum ex alia parte nullum habeat argumentum, quoddam Sacerdos non sit, temerè de opposito dubitaret. Similiter de eo, quoddam baptizati sumus, extat fides authentica libri baptismalis; extat publica contestatio omnium, apud quos nati, & educati sumus, omni contrario submoto. Quoddam etiam talium parentum filii sumus, fidem authenticam faciunt libri baptismi, & testimonium irrefragabile eorum, qui noverunt nos, & parentes nostros. At certitudo de eo, quoddam sumus in gratia, non est tanta, quin de opposito sine imprudentiâ metuere possumus; dicente Concilio, quemlibet de sua gratiâ formidare posse. Desunt enim omnia argumenta positiva, tam intrinseca, quàm extrinseca, in quibus fundetur certitudo, quæ in tribus præallatis casibus adiunt; & solum adesse potest argumentum negativum, quale est illud expositum à D. Paulo 1. Cor. 4. v. 4. *Nihil mihi conscius sum:* ex quo tamen inferro non licet; ergo *iustificatus sum:* sicut nec jurare sine temeritate licet, ut ex Innoc. III. retulimus.

XXXIX. Dico quinto. Homo viator, seclusâ revelatione speciali, solum habere potest cognitionem conjecturalem de eo, quoddam sit in gratia. Ita apertè docet S. Thomas hæc *q. 112. a. 5.* Nam, ut dicebamus, revelatione seclusâ, nullum adest medium infallibile ad hoc dignoscendum, nec à priori, nec à posteriori. Non à priori; quia hoc, vel debet esse voluntas Dei de gratia

gratia dandâ, vel datâ; vel nostra dispositio; de nullo autem horum habere possumus notitiam certam. Neque à posteriori, nempe, ab actu aliquo à gratia procedente, qui eam nobis certò demonstret: nam experientia dulcedinis, & promissitudinis ad pietatis opera est medium valde fallibile. Tum ob similitudinem, quæ datur inter actus, qui sunt à gratia, & qui sunt à natura; & unum ab alio discernere, difficile sit. Tum quia, Daemon, transfigurans se in Angelum lucis, sæpe nos decipit, ut videamur agi à Deo; cum tamen à Deo non agamur, ut probat eventus. Unde S. Thom. citato loco concludit: *Huc modo (ideest conjecturaliter) aliquis cognoscere potest, se habere gratiam; inquantum scilicet percipit, se delectari in Deo, & inquantum homo non est confusus sibi alienius peccati mortalit. Secundum quem modum potest intelligi, quod habetur Apoc. 2. Vincentii dthoinanna absconditum, quod nemo novit, nisi qui accipit. Quia scilicet ille, qui accipit, per quamdam experientiam dulcedinis novit, quomodo non experitur ille, qui non accipit. Ista tamen cognitio imperfecta est: unde Apostolus dicit 1. Cor. 4. Nihil mihi conscius sum, sed non in hoc iustificatus sum. Quia, ut dicitur in Psalmo 18. Delicta quis intelligit?*

XL. Quæres primò: An possit aliquis in hac vitâ esse certus, se habere fidem theologicam, & infusam?

Respondeo affirmativè. Et probo primò. Quia Ecclesia quibusdam in casibus præcipit, ut Fideles jurent, se credere Mysterium Trinitatis, Incarnationis, & reliqua fidei Dogmata: aliqui Ecclesia hoc non eis præciperet, nisi crederet, quòd vel essent, vel possent esse certi de ista sua fide: sicut quia scit, eos non esse, nec posse esse certos de sua gratiâ, aut caritate, nunquam præcipit eis, ut jurent, se esse in gratia, aut caritate: imò neque hoc permittit: Ut enim supra retulimus, Innocentius III. reprobavit formam juramenti, quâ Prælati Bisun-

tinus volebat jurare, se immunem ab obiectis criminibus, tanquam sibi dimissis per poenitentiam; ergo &c.

Quia verò tam in Symbolo, quam in forma juramenti non est sermo de fide humana, sed de divina; ideo ulterius videtur, quòd Fideles possint esse certi, se credere fide divinâ: quidquid sit, num certi sint, an fides illa sit per habitum infusum, an per auxilium transiens, aut alio quovis modo.

XLi. Ratio autem est. Quia cum certitudo sit de ratione intellectus; dum intellectus certificatur de objecto suo, certificatur etiam de actu suo: & sic si sit actus scientiæ, certificatur de sua scientiâ, & scit, se scire: si sit actus fidei divinæ, certificatur de sua fide, & certus est, se Deo credere. Ad differentiam voluntatis: cum enim certitudo ad eam non pertineat, non potest certificari de actu suo: & quavis amando objectum suum reflexè amet, se amare; non tamen per seipsam certificatur de actu suo, maxime, an sit naturalis, vel supernaturalis; sed certitudinem accipere deberet à iudicio intellectus. Cum autem intellectui nullum occurrere possit medium in hac viâ, quo possit certò judicare, actum illum amoris esse ex vera caritate, ut vidimus; ideo nec potest hominem reddere certum, quòd talis amor sit ex vera caritate. Ad se autem certificandum, quòd actus, quo credit, sit fidei divinæ, habet medium certum, & infallibile, nempe, testimonium Ecclesiæ proponentis illud objectum, ut fide divinâ credendum: & dum ei assentitur, certus est, se illud credere fide divinâ. Propterea D. Tho. hæc quæst. 112. a. 15. ad 2. ait: *De ratione scientiæ est, quòd homo certitudinem habeat de his, quorum habet scientiam. Et similiter de ratione fidei est, quòd homo sit certus de his, quorum habet fidem: & hoc ideo, quia certitudo pertinet ad perfectionem intellectus, in quo prædicta dona existunt. Et ideo quicumque habet scientiam, vel*

vel fidem, certus est, se habere. Non est autem similis ratio de gratia, & caritate, & alijs huiusmodi, quæ perficiunt vim appetitivam.

XLII. Secundò probò. Qui de aliqua re non est, nec potest esse certus, potest sine peccato formidare, ne illa forte aliter se habeat: sicut quia iustus non est, nec potest esse certus de sua iustitiâ, potest formidare absque culpa, ne forte eam non habeat; ergo si Fidelis non potest esse certus de fide, quâ credit, quòd sit divina, poterit citrà culpam formidare, ne forte sit humana. Atqui nemo concedit, Fideles posse citrà culpam formidare, ne fides, quâ proficiuntur se credere, non sit divina, sed humana, & proinde non omnino certa; ergo sunt, vel saltem possunt esse certi de sua fide, quòd non sit humana, sed divina, & proinde certa, & infallibilis.

XLIII. Quæres secundò: An de sua spe possit aliquis esse certus?

Respondent aliqui negativè. Non enim potest esse aliquis ita certus de actu voluntatis, sicut de actu intellectus, ut dictum est. — Alii tamen probabiliter affirmant: & dant discrimen inter actum spei, & caritatis. Quia spes non tollitur per quodlibet peccatum lethale, sed per solum peccatum desperationis; & quia potest aliquis esse certus, se non commisisse peccatum desperationis, potest esse certus de sua spe. Attaritas tollitur per quodcumque peccatum mortale; & homo certus esse non potest, se omni peccato mortali carere: ideo nemo certus esse potest, se habere caritatem, sicut nec se habere habitus infusos, qui cum gratia, & caritate necessariam habent connexionem.



§. V.

An seculû Revelatione possit Homo Viator esse certus de sua Prædestinatione?

XLIV. **H**ic est aliter Sectariorum error: volumus enim. Fidelem posse, ac teneri, certum esse fide divina, se esse de numero Electorum, ac Prædestinatorum. Contra quem etiam aliqua dixerim Tom. 4. in 1. p. Qu. 4. de Reprobatione. Dub. 3. §. 3. num. 15. aliqua tamen hic addere, operæ pretium existimo.

XLV. Dico. Nemo. seculû revelatione speciali, potest esse certus certitudine absolutâ de sua prædestinatione ad gloriam. Dixi certitudine absolutâ: quia certitudine conditionatâ, hoc est, si perseveraverit usque in finem, posse quemlibet esse certum de sua prædestinatione, ostendi citato loco num. 27. juxta illud Matth. 10. v. 22. *Qui autem perseveraverit usque in finem, hic salvus erit.*

XLVI. Probant hanc catholicam veritatem primò omnes Sacræ Scripturæ textus, superius §. 2. recensiti, quibus iubemur, semper esse pavidum, cum timore salutem nostram operari, non esse certos de gratia &c. Quos sequentes addere possumus. Proverb. 27. v. 1. *Ne gloriaris in crastinum, ignorans, quid superventura pariat dies.* Ecclesiast. 9. v. 1. *Omnia in futurum servantur incerta.* 1. Cor. 10. v. 12. *Qui se existimat stare, videat, ne cadat.* Et Rom. 11. v. 20. *Tu autem fidesias: noli altum sapere, sed time.* Et in fine capituli 8. 33. referens prædestinationem ad inferabilia Dei mysteria, exclamat: *O altitudo divinarum sapientia, & scientia Dei; quàm incomprehensibilia sunt iudicia ejus! &c.*

XLVII. Eandem veritatem confirmant SS. Patres. Hieronymus in c. 30. Jerem. Nullus (inquit) quævis sanctus sit, securus pergat ad iudicium. S. Augustinus l. de Corrept. & gratia c. 13.

c. 13. *Quis enim ex multitudine Fidelium, quamdiu in hac mortalitate vivitur, in numero Prædestinatorum se esse presumat? Quia id occultari opus est in hoc loco, ubi sic cavenda est elatio; ut etiam per Satana Angelum, ne extolleretur, tantus colaphizaretur Apostolus. Hinc Apostolus dicebatur: Si manseritis in me, dicente illo, qui eos utique sciebat esse mansuros. Et per Prophetam: Si volueritis, & audieritis me; cum sciret ipse, in quibus operaretur & velle. Et lib. de dono Persev. c. 13. *At quam* (inquit) *vocationem pertinere, nullus est homo ab hominibus certâ asseveratione dicendus, nisi eum ex hoc seculo exierit. In hac autem vitâ humanâ, qua tentatio est super terram, qui videtur stare, videat, ne cadat. Ideo quippe (sicut jam supra diximus) perseveraturi non perseveraturi providentissima Dei voluntate misti n'ur; ut esse distamus non alia sapientes, sed humilibus consentientes, & cum timore, & tremore nostram ipsorum salutem operemur: Deus est enim, qui operatur in nobis, & velle, & operari pro bona voluntate. Hoc idem Auctor lib. 2. de Vocat. Geni. cap. 35 & 37. docet, & Gregorius lib. 9. Moral. cap. 27.**

XLVIII. Quamobrem meritò Conc. Trident. Sess. 6. cap. 12. *Nemo quaque* (inquit) *quamdiu in hac mortalitate vivitur, de arcana divina prædestinationis mysterio usque adeo presumere debet, ut certò statuât, se omnino esse in numero Prædestinatorum... Nam nisi ex speciali revelatione scire non potest, quod Deus elegerit. Unde Can. 16. sic statuit: Si quis magnum illud usque in finem perseverantia donum secertò habiturum, absolutâ, & infallibili certitudine dixerit: nisi hoc speciali revelatione didicerit: anathema sit.*

XLIX. Duplicem pro hac veritate rationem præbet S. Thomas. Prima est. Non convenit, omnes promiscuè homines certos esse de sua prædestinatione: quia sic, qui non sunt Prædestinati, desperarent, & securitas in

Prædestinatis negligentiam parceret. Hanc tradit 1. p. q. 23. a. 1. ad 4.

Altera est. Quæ ex sola Dei voluntate pendent, non possunt certò cognosci, nisi ipse revelet: at prædestinatione ex sola Dei voluntate pendet; ergo nemo potest eam certò cognoscere, nisi ipse revelet. Hanc docet 1. p. q. 23. a. 3. ad 3. & Q. 5. de Verit. a. 2. Quibus in locis totus est in ostendendo: quare hos ad gloriam elegerit, illos non, unicam rationem esse divinam voluntatem. Sed de hoc jam egimus Tom. 4. in 1. p. qu. 3. de Causa Prædest. Dub. 3.

L. Argumenta, quibus Sectarîi suum errorem tueri conantur ex Scriptura, eadem sunt, quæ proposuimus, & solvimus supra §. 3. Quibus nunc addi possunt sequentia. Primum, ex prima ad Thessalon. 1. v. 4. *Scientes fratres dilecti à Deo electionem vestram* Secundum, ex 1. Joann. 3. v. 13. *Hæc scribo vobis, ut sciatis, quoniam vitam habetis æternam, qui creditis in nomine Filii Dei.* Tertium, ex 1. Joann. 2. v. 27. *Et non necesse habetis, ut aliquis doceat vos: sed sicut unctio ejus docet vos de omnibus, & verum est, & non est mendacium.* Certò igitur edocentur Fideles à Deo de omnibus ad salutem spectantibus; ergo & de eorum prædestinatione, quæ maxime ad salutem pertinet.


LI. Sed ad hæc facili negotio respondetur. Ad primum: verbum illud *Scientes* referri non ad Thessalonicenses, sed ad ipsum Paulum, Silvanum, & Timotheum, quorum etiam nomine scribebat Paulus: ly autem, *electionem vestram*, significat electionem, non ad gloriam, sed ad Evangelium suscipiendum, quod Thessalonicenses à Deo prædicti eum magno fructu susceperant; hoc autem bene poterat dignoscere Paulus ex bonis effectibus, quos Thessalonicensium conversio apud alios populos pepererat, ut Epistolam illam legenti constabit.

Ad secundum dico, S. Joannem loqui de vita æternâ in se, quoniam omnes,

nes, qui crediderant, habere poterant; quum certò quidem scire poterat, aliquos de corpore illius Ecclesiæ, ad quam scribebat, consecuturos: sed quoniam in particulari futuri essent, scire non poterat.

Ad tertium S. Tho. *Qu. 6. de Veris. a. 5. ad 1.* ait: *Cum dicitur, quòd Unctio &c. intelligendum est de illis, quorum cognitio ad salutem pertinet; non de omnibus, qua secundùm se ad salutem pertinent. Cognitio autem prædestinationis non est necessaria ad salutem,*

*et si prædestinatio sit necessaria. Et 2. a. q. 8. a. 4. ad 1. ex illis verbis: Unctio docet vos de omnibus, infert, Deum omni habenti gratiam dare donum intellectus; ut circa ea, quæ sunt de necessitate salutis, sufficienter instruat à Spiritu Sancto. Sed circa suam prædestinationem non est necesse, ut quilibet instruat: imò conveniens est, ut non doceatur, propter ea, quæ dicta sunt ex Scriptura, Patribus, & maxime ex D. T. *Qu. 6. de Veris. a. 5.* ubi hanc rem ex professo pertractat. Sed hæc satis.*



TRACTATUS

DE JUSTIFICATIONE

PECCATORIS.



Recipiens gratiæ habitua-
lis effectus est, hominem
peccatorem à peccato ju-
stificare, ut ex injusto
sit justus. Unde Conc.
Trident. *Sess. 6. c. 7.* causas
Justificationis enumerans, ait: *Demum*
unica formalis causa est justitia Dei,
non quâ ipse justus est, sed quâ justos
nos facit: quâ videlicet ab eo donati,
renovamur spiritu mentis nostræ, & non
modo reputamur, sed verè justî nomina-
mur, & sumus, justitiam in nobis re-
cipientes unusquisque suam, secundum
mensuram, quam Spiritus Sanctus par-
titur singulis, prout vult, & secundum
propriam cujusque dispositionem, & co-
operationem. Quæ verba compendio
exprimunt totam doctrinam Catholi-
cam, quam in hoc Tractatu stabilire,
contra nostrî seculi Novatores, inten-
dimus.

QUÆSTIO I.

De Essentia Justificationis.

DE Justificatione agit S. Doctor
1. 2. q. 113. per totam, & Q.
28. de Verit. integra. Quâ ve-
rò moderni hæretici in asserenda ju-
stificationis essentia varios miscent er-
rores; ideo quæ sit de eadem, doctri-
na Catholica, & vera, in præsentî
Quæstione examinabimus.

DUBIUM I.

*Utrum Justificatio Impii sit Remis-
sio Peccatorum.*

S. I.

Explicatur Justificationis Notio.

I. **J**ustificare idem est, ac facere ju-
stum; sed istud *facere* ambiguum
est. Interdum enim sumitur
improprie, pro eo, quod est
assumere, declarare, aut pronuntiare
aliquem justum, sive interim ipse
justus sit, sive non. Atque in hac
solâ significatione verbum *justificare*,
accipiunt nostrî temporis Sectarii ple-
rique, nimirum statuientes: Deum ho-
minem declarare, aut pronuntiare ju-
stum, quamvis reverà in se justus non
sit, sed peccator; non imputando illi
peccatum suum, sed illi imputando
justitiam Christi, quâ quasi indutus
extrinsecè coram Deo justus appareat.
Volunt enim, vocabulum justificandi
esse forense; ita ut nihil aliud sit ju-
stificare, quàm justum pronuntiare,
aut declarare, aut et peccata condo-
nare, vel non imputare, ut dicemus.

II Alio modo verbum *facere*, quod
importatur in verbo *justificare*, accipi-
tur proprie; ita ut justificare idem
sit, ac reverà facere justum; & ita
sumitur à Catholicis ex Scripturæ lo-
cis inferiùs referendis. Nam quamvis,
vulgari apud homines sermone, justifi-
care idem esset, ac declarare, vel pronun-
tiare, aliquem esse justum; quia homi-

C c

nes

nes declarando, vel pronuntiando non faciunt iustum, sed iustum supponunt: quando tamen in Sacra Scriptura dicitur, Deus iustificare impium, debet intelligi, quoddam eum faciat iustum: partim quia cum sit sapienissimus, & rectissimus, non potest pronuntiare, aliquem esse iustum, qui revera iustus non sit: partim quia nullus est verè iustus, nisi iustitiam à Deo habeat. Unde omnis ille, quem Deus iustum declarat, seu pronuntiat, revera est iustus, & non ab alio est iustus, quàm à Deo: ac proinde Deus verè facit iustum, quem iustum esse declarat.

III. Neque refert, istud verbum *iustificare* in hac acceptione non reperiri apud prophanos Auctores latinæ linguæ peritissimos. Nam nec reperitur apud eos in ea significatione, in qua Sectarii usurpant, nempe, declarando iustum aliquem, sive in se iustus sit, sive non: immò nec in ulla alia, cum prorsus apud eos verbum *iustificare* non reperitur. Cæterum etsi reperiretur, non esset mirum, quoddam ipsi non usurpant, sicut Catholici; quia illam Dei gratiam, quâ facit aliquos verè, ac propriè iustos, præsertim in anima, penitus ignoraverunt. Qui verò, maxime SS. Patres, illam agnoverunt, pro eodem intellexerunt, Deum iustificare, quoddam iustum facere. Unde August. *l. de Spiritu, & lit. c. 26.* ait: *Quid est enim aliud iustificati, quàm iusti facti, ab illo scilicet, qui iustificat impium, ut ex impio fiat iustus? ... Cum vero dictum est: Factores legis iustificabuntur, quid aliud dictum est, quàm iusti iustificabuntur? Factores enim legis utique iusti sunt. Ac per hoc tantumdem est, ac si diceretur, factores legis creabuntur, non qui erant, sed ut sint. ... Aut certe ita dictum est, iustificabuntur, ac si diceretur, iusti habebuntur, iusti deputabuntur, sicut dictum est de quodam (Lucæ 10. v. 29.) Ille autem volens se iustificare: idest, ut iustus haberetur, aut deputaretur. Unde aliter dicimus, Deus sanctificat Sanctos suos; aliter au-*

tem: Sanctificetur nomen tuum. Nam illud ideo, quia illos facit esse sanctos, qui non erant sancti; hoc autem ideo, ut, quod semper apud se sanctum est, sanctum etiam ab hominibus habeatur, idest, sanctè timeatur. Ecce quale est iustificare, ut à Deo, diversum à iustificare, ut ab homine.

IV. Quoniam verò iustus à iustitia dicitur, observo cum D. Thoma hæc *q. 113. a. 1. & Q. 28. de Verit. a. 1.* quoddam iustitia tripliciter dicitur. Uno modo, secundum quoddam est specialis virtus contra alias Cardinales divisa; quæ rectificat actum hominis in ordine ad alium particularem hominem, reddendo illi, quod suum est; quâ homo dirigitur in contrariis empirionis, venditionis &c. quæ virtus non est omni peccato contraria, sed solum illis, quæ contra huiusmodi rectam communicationem inter homines sunt, ut rapina, furtum &c. Alio modo, iustitia dicitur legalis, quâ homo rectè se habet in ordine ad bonum commune multitudinis: hanc servare intendit Legislator in condendis legibus, & vir fortis, cum in acie fortiter conflagit pro salute Reipublicæ. Et neq. omne peccatum iustitiæ legali opponitur, sed illud solum, quod bonum commune multitudinis laedit. Tertio tandem modo, iustitia generaliter dicitur, prout nominat statum quemdam, secundum quem homo est debite ordinatus ad Deum, ad proximum, & ad seipsum, quatenus in eo vires inferiores superiori subduntur: quæ iustitia generalis dicitur, & minus propriè. Et huic iustitiæ omne peccatum opponitur; cum per quodlibet peccatum aliquid de prædicto ordine corumpatur. Ab hac ergo iustitia, quâ homo ordinatè se habet ad Deum, ad proximum, & ad se ipsum, homo dicitur simpliciter iustus. Et ab hac iustitiâ iustificatio nominatur, sive sicut motus à suo termino, sive sicut effectus formalis à forma. Ita dicunt S. Thom. *Q. 28. de Verit. a. 1.* Unde iustificatio hoc modo omnium virtu-

tum, etiam supernaturalium, collectionem complectitur; ut iustitia dicatur etiam à Deo, & coram Deo, & potest describi: quodd sit *Reus dispositio totius hominis erga Deum, seipsum, & proximum*.

V. Ex his conformiter iustificatio sumi potest activè, vel passivè. Activè est illa actio, quâ Deus aliquem efficit iustum, rectum, ac benè dispositum erga Deum, seipsum, & proximum. Passivè, nempe, pro effectu talis actionis, qui nimirum importat, vel motum, vel mutationem ad iustitiam, sicut calefactio importat motum ad calorem. Hic iustificatio accipitur passivè.

VI. Pro quo observandum est cum D. Tho. citatis locis, iustificationem passivè acceptam fieri posse dupliciter. Vel per modum simplicis mutationis, seu generationis, quæ est de naturali privatione, vel negatione iustitiæ ad iustitiam, ut ad formam. Et hoc modo iustificati fuerunt Angeli, & primi homines, qui simul cum natura acceperunt gratiam; & iustificaretur homo in puris naturalibus conditus, si non exilens in peccato, carens tamen gratiâ, seu iustitiâ supernaturali, ad istam transferretur. Vel per modum motus, qui est de contrario in contrarium, qualis est iustificatio hominis, qui prius erat in statu peccati: motus enim propriè talis est, dum subiectum transit de uno contrario positivo ad aliud contrarium: sicut dum aqua de frigida transit in calidam. Et de iustificatione, hoc modo sermo erit. Nec refert, quodd, ut in Tract. de Peccatis diximus, peccatum non sit positivum, sed quod privativum; & proinde non sit propriè contrarium gratiæ, seu iustitiæ. Nam etsi peccatum formaliter in privativo consistat; aliquid tamen positivum includit, scilicet, vel debitum habendi iustitiam, vel statum iniustitiæ: hic autem status, etsi privationem contineat; sonat tamen aliquid positivum, & connotat relationem ad

actum positivum, quo macula peccati fuit induda.

VII. Ex his jam intelligi potest, quid sit iustificatio. Generaliter enim describi potest, quodd sit motio, quâ homo fit iustus. Sic enim comprehenditur etiam iustificatio, quâ Angeli, & primi homines fuerunt iustificati ab initio: imò etiam sanctificatio ipsius Christi, secundum humanitatem. Ut enim docet D. Tho. 3. p. q. 34. a. 2. ad 2. *Sanctificari est, aliquid fieri sanctum. Fit autem aliquid non solum ex contrario, sed etiam ex negativè, vel privativè opposito: sicut album fit ex nigro, & etiam ex non albo. Nos autem ex peccatoribus sancti effinemur: & ita sanctificatio nostra est ex peccato. Sed Christus quidem secundum hominem factus est Sanctus, quia hanc gratia sanctitatem non semper habuit; non tamen factus est Sanctus ex peccatore, quia peccatum nunquam habuit: sed factus est Sanctus ex non Sancto secundum hominem, non quidem privativè, ut scilicet aliquando fuerit homo, & non fuerit Sanctus: sed negativè; quia scilicet quando non fuit homo, non habuit sanctitatem humanam: & ideo simul fuit factus homo, & sanctus homo.* Ita S. Tho. quod confirmat ex Greg. I. 18. Moral. c. 27.

VIII. Iustificatio verd nostra, quæ semper est ex contrario, nempe, ex peccato; vel est iustificatio omnium prima, quâ à peccato originali iustificamur: & sic describitur à Trident. Sess. 6. c. 4. quodd sit: *Translatio ab eo statu, in quo homo nascitur filius primæ Adæ, in statum gratiæ, & adoptionis filiorum Dei, per secundum Adam Jesum Christum Salvatorem nostrum.* Vel est iustificatio, quasi secunda, hoc est, à peccatis post Baptismate ablutum originale commissis: & hæc describi potest, quodd sit: *Translatio à statu peccati in statum gratiæ, & adoptionis filiorum Dei, per Jesum Christum.* Quæ colligitur ex cap. 1. ad Coloss. v. 13. ubi Paulus scribit, quodd Deus Pater eripuit nos de potestate tenebrarum, &

transiit in Regnum filii dilectionis suae. Ita igitur Justificationis explicata notione sit

§. I I.

Resolutio Dubii.

IX. **D**ico primò. Justificatio generaliter sumta neque est remissio peccatorum, neque eam includit. Probatur ex dictis. Nam justificatio generaliter sumta praescindit ab hoc, quòd sit motus à contrario, vel à negativo; idest, quòd faciat iustum ex positivè injusto, vel à non iusto solum negativè: quare potest esse justificatio absque remissione peccati. Et de facto fuit tùm in Angelis, tùm in primis hominibus, dum in ipsa creatione suâ fuerunt justificati: & in B. Virgine, quæ dum fuit sine labe originali concepta, fuit sine remissione peccati justificata. Cui in corporalibus simile est, quòd Sol, quando creabatur, factus est lucidus, quin prius foret tenebrosus.

X. Dico secundò. Justificatio impii est remissio peccatorum concomitantè, eo modo, quo generatio unius est corruptio alterius. Quia enim opposita non possunt simul esse in eodem; necessarium est, ut cui infunditur gratia justificationis, ab eodem deleatur macula peccati mortalis, quod illi gratiæ opponitur. Ita docet S. Thomas Q. 28. de Verit. a. 1. his verbis: *Si ergo justificatio accipitur, ut quidam motus, cum oporteat, eundem motum intelligi, quo peccatum auferitur, & iustitia inducitur: idem erit justificatio, quòd peccatorum remissio, solum ratione differens, prout ambo eundem motum nominant: sed unum secundum respectum ad terminum à quo, alium verò secundum respectum ad terminum ad quem. Si autem accipitur justificatio per viam mutationis: sic aliam mutationem significat justificatio, scilicet, iustitia generationem; & aliam peccatorum remissio, scilicet, corruptionem culpa.*

Sic autem justificatio, & remissio peccatorum non erunt idem, nisi per concomitantiam. Utrolibet autem modo justificatio accipitur, oportet, quòd à tali iustitiâ dicatur, quæ peccato cuilibet opposita sit. Nam & motus est de contrario in contrarium; & generatio, & corruptio sese concomitantes, contrariorum sunt.

XI. Ex his infero: in justificatione impii includi remissionem peccatorum, non quatenus generaliter justificatio est; sed quatenus est justificatio impii, seu quatenus in subiecto invenit peccatum sibi oppositum. Ubi remissio peccati non se habet, ut terminus ad quem, hic enim est potius iustitia, ad quam tendit justificatio, tam quatenus motus est, quam prout est mutatio; sed velut terminus à quo. Cum enim justificatio impii sit transmutatio à statu peccati ad statum gratiæ, seu iustitiæ; in ea includitur remissio peccati, tanquam abolitio termini à quo oppositi: & includitur quoque iustitia, seu iustitiæ acquisitio, tanquam terminus ad quem illa transmutatio terminatur. *Quia verò (ait D. Tho. hanc q. 113. 2. 1. in c.) motus denominatur magis à termino ad quem, quàm à termino à quo; ideo huiusmodi transmutatio, quæ aliquis transmutatur à statu iniustitiæ ad statum iustitiæ, per remissionem peccati, sortitur nomen à termino ad quem, & vocatur justificatio impii.*

DUBIUM II.

An in Justificatione Impii Peccata sic remittantur, ut verè auferantur, & deleantur?

§. I.

Catholica Veritas contra Sectariorum.

I. **C**alvinus l. 3. Instit. c. 11. §. 22. docet, in justificatione peccata non verè tolli, sed tegi, non eradicari, sed radi, non deleri,

deleri, sed operiri, propter iustitiam Christi nobis imputatam: ita ut peccata dicantur esse tecta, quasi à Deo non videantur, cum ipsa non puniatur, & rasa, quasi non appareant. Hinc l. 4. *Instit.* c. 15. aperte negat, per Baptismum solvi nos à peccato originali. Idem docuerat Lutherus, ut constat ex *art. 2.* ex damnatis à Leone X. Hinc doctrinam Catholici omnes execrantur, cum quibus

II. Dico. In iustificatione impii peccata mortalia sic remittuntur, ut penitus auferantur, ac deleantur; nec quidquam remaneat, quod culpæ, vel peccati mortalis rationem habeat. Veritas hæc tanquam de fide definita, est in Tridentino *Sess. 5. Can. 5.* his verbis: *Si quis per Jesu Christi Domini nostri gratiam, qua in Baptismo confertur, reatum originalis peccati remitti negat; aut etiam asserit, non tolli totum id, quod veram, & propriam peccati rationem habet: sed illud dicit tantum radi, aut non imputari: anathema sit.* In renatis enim nihil odit Deus: quia nihil est damnationis eis, qui verè conscripti sunt cum Christo per Baptisma in mortem &c. In renatis autem aliquid odiret Deus (& consequenter in quolibet alio iustificato) & in eis aliquid damnationis dignum esset, si peccata adhuc in eis manerent, & tantum tegerentur, raderentur, aut non imputarentur; ergo &c.

III. Hinc veritatem docent omnes Scripturæ textus, quibus Deus dicitur, peccata delere, auferre, ablucere. Ut *Psal. 50. v. 3. &c. Dele iniquitatem meam. Amplius lava me ab iniquitate mea, & à peccato meo munda me. v. 9. Asperges me byssopo, & mundabor, lavabis me, & super nivem dealbabor. v. 11. Omnes iniquitates meas dele. Quod repetit Isaias c. 43. v. 15. Ego sum, ego sum ipse, qui deleo iniquitates tuas propter me. Osee 14. v. 3. Omnem aufer iniquitatem. Michæ 7. v. 18. Quis Deus similis tui, qui auferat iniquitatem? La-*

vare etiam, & mundare dicitur, *Isaiæ 1. v. 16. Lavamini, & mundi estote. Ezech. 36. v. 25. Effundam super vos aquam mundam, & mundabimini ab omnibus iniquitamentis vestris.* Paulus item 1. *Cor. 6. v. 11.* post gravia delicta recensita, ait: *Et hæc quidam fuistis: sed abluti estis, sed sanctificati estis, sed iustificati estis &c.* Et 1. *Joann. 1. v. 7. Sanguis Jesu Christi filii ejus emundat nos ab omni peccato.*

IV. Nec valet cum Sectariis dicere, Scripturam ita loqui, quia iustificationis non imputantur ad poenam. — Nam præfata verba non solum occultationem, aut non imputationem, sed veram peccatorum ablationem, & maculæ totalem purgationem exprimunt. Ineptè enim ille diceretur ablutus, & mundatus, qui sordibus adhuc esset coinquinatus; licet pallio, aut veste alterius ipsi applicatâ tegerentur. Incongruè etiam Æthiopem dealbari ut nivem, diceremus; si solum nigredinem ejus sub veste candida aliquis occultaret. Et tandem insulsè peccata tolli, aut deleri dicerentur; si dumtaxat raderentur, ut capilli capitis, & rursus repullularent, ac redirent.

V. Hanc eandem verò sententiam firmant SS. Patres. Chrysostomus l. 3. de Sacerdotio c. 5. *Corporis* (inquit) *lepram purgare, vel, ut verius dicam, purgatam ostendere, Judæorum Sacerdotibus licebat: at verò nostris Sacerdotibus, non corporis lepram, sed anime sordes, non dico, purgatas probare, sed purgare prorsus concessum est.* Et l. 2. de Compunct. cordis: *Cordis compunctio, sicut ignis, omne animæ vitium perurit, & adimit: & quantumque in ea reperit mala, abstergit universa, & penitus delet.* Hinc *Homil. 4. in 1. ad Cor.* comparat reum absolutum à Rege à suo crimine cum reo, qui absolvitur à suis peccatis per Baptismum; & dicit, illum adhuc fervare, & retinere animum infectum, hunc verò, quem abluit Baptisma, non item, sed habere mentem Solis radiis puriorum. —
San-

Sandus etiam Hieronymus in *cap. 2. Sophonia* scribit, animam prius peccatorum sordibus inquinatam dicere (Cant. 1.) *Nigra sum*; sed de eadem post aſſam poenitentiam dici (Cant. 8.) *Qua eſt iſta, qua aſcendit dealbata?* Nimirum, juxta leſionem lxx. Quibus conformia habet, ſciens etiam in *cap. 3. & lib. 3. adv. Pelag.* Clarius autem omnibus errorem contrarium deſtruit S. Auguſtinus, ut in ſolutionibus argumentorum videbimus.

VI. Probatur inſuper ratione theologia ex Trident. laudato, ſub hac forma. Quid homines juſtificati partim ſint filii Dei, partim filii Diaboli, contradictionem involvit; atqui hoc ſequitur, ſi dicatur, peccata non omnino deleri, ſed aut regi, aut radi, aut non imputari; ergo &c. Min. prob. Homines juſti verè diliguntur à Deo, & ſunt filii Dei (1. Joann. 3.) homines autem, in quibus eſt peccatum, odio habentur à Deo, Sap. 14. *Odio ſunt Deo impij, & impietas ejuſ;* & ſunt filii Diaboli: ſed in ſententia hæreticorum homines juſtificantur, & adhuc in eis remanet peccatum; ergo ſimul amantur, quatenus juſtificati, & odio habentur, quatenus in eis eſt peccatum. Rectè ergo concludit Tridentinum: *In renatis nihil odit Deus.* Ex quibus ſic ſubſumo; atqui ſolùm peccatum Deus odit; ergo in renatis nil peccati remanet. Et meritò: nam ſi Scriptura juſtificatos vocat regeneratos, vivificatos, translatos de morte ad vitam (1. Joann. 3. v. 14.) quomodo in eis manere poteſt peccatum, quod eſt mors animæ? Quomodo ſimul cohabitans mors, & vita ſpiritalis; ſi nequeunt ſimul cohabitare mors, & vita naturalis?

VII. Dicendum erit inſuper, homines non fuiſſe per Chriſtum à ſervitute peccati liberatos; nec Chriſtum eſſe Agnum, qui tollit peccata mundi, ſi ſolùm ea regit, non auferet. Plus valuiſſe peccatum Adæ ad nos inſuſciendos, quàm Chriſti ſanguinem ad

nos emundandos; ſi, dum Adæ peccatum omnes verè maculavit, Chriſti Sanguis hanc maculam tegere quidem valet, ſed non deiegere, & auferre.

Rurſus: vel neminem Juſtum ingreſſurum in Regnum Cœlorum, in quod nihil coinquinatum ingreditur, ſi adhuc eſt peccato verè maculatus; vel aliquid coinquinatum in illud ingreſſurum, contra illud Apoc. 21. v. 27. *Non intrabit in eam aliquis coinquinatus.* Nam ſi fides, quæ, ſecundum hæreticos, homo juſtificatur, non eſt ſufficiens, ab eo tollere maculam peccati in vita, ſed ſolùm regit; quomodo eam tollit in morte?

§. I I.

Hæreticorum Fundamenta.

VIII. **P**rimò obijciunt. Apoſtolus Paulus verè erat juſtificatus: & tamen, *Roman. 7. v. 17.* dicebat: *Jam non ego operor illud, ſed quod habitat in me peccatum.* — Si reſpondeas, nomine peccati intelligere Paulum concupiſcentiam, quæ in juſtificatione quidem manet: ſed dicitur peccatum, non quia formaliter ipſa peccatum ſit; ſed quia ex peccato eſt, & ad peccatum inclinatur, ut expoſuimus *Tom. 6. in 1. par. Qu. 8. de Pec. Origin. quoad eſſentiam.* Dub. 2. §. 3. num. 14.

IX. Contra inſurgunt. Ergo in juſtificatione remanet radix peccati, nempe, concupiſcentia; ergo hominem juſtificari, eſt, ſolùm radi peccata, non penitus tolli; ſicut capilli dicuntur radi, non penitus tolli, quia remanet radix, ex qua iterum pullulant.

X Hanc inſtantiam ex Pelagiano fonte expiſcantur noſtri Sectarij. Ut enim reſert S. Auguſt. *lib. 1. contra duas Epſt. Pelagian. ad Bonifacium, cap. 13.* Pelagiani idem opponebant Catholicis, ac ſi hi dicerent: *Baptiſma non daret omnem indulgentiam peccatorum, nec auferre crimina, ſed radere; ut omnium peccatorum radices in mala*

mala carne teneantur? Num hoc est, quod Sædarii dicunt? Audiant ergo Augustinum sic hanc calumniam repellentem: Quis hoc adverte? Pelagios, nisi infidelis, affirmet? Dicimus ergo, Baptisma dare omnium indulgentiam peccatorum, auferre crimina, non radere: nec, ut omnium peccatorum radices in mala carne teneantur, quasi rasorum in capite capillorum, inde crescant iterum referenda peccata. Nam & illam similitudinem comperi, sua illos adhibere calumnia, tanquam hoc nos sentiamus, & dicamus. Ecce doctrinam Calvinitarum, & Lutheranorum dicentium, Baptismate non auferri, sed radi peccata, reputant tanquam execrabilem, & à Pelagianis, & à Catholicis. Pergimus audire Augustinum: Sed de ista concupiscentiâ carnis falli eos credo, vel fallere; cum quâ necesse est, ut etiam baptizatus, & hoc si diligentissimè proficiat, & spiritu Dei agitur, pia mente configat. Sed hæc etiam vocatur peccatum, non utique quia peccatum est, sed quia peccato facta est, sic vocatur: sicut Scriptura, manus cuiusque dicitur, quid manus eam feceris. Hæc S. Augustinus.

Hinc ad formam instantiæ respondeo, dicta secundum consequens. Remanet radix formalis, & univoca, negotio conf. Virtualis, & æquivoca, per modum inclinationis, & originis, consequentiam. Remanet ergo concupiscentia in iustificato, quæ dici potest radix peccati; non quia ipsa formaliter peccatum sit, quemadmodum radix capilli capillus, est: sed radix peccati, & quodammodo peccatum, sicut Scriptura dicitur manus scribentis; quia à manu scribentis facta est, non quod Scriptura sit manus: & quia, si accedat voluntatis consensus, peccatum facit. Videantur dicta loco citato.

XI. Secundò obijciunt Scripturam dicentem, peccata tegi, & non imputari. Primò. Psal. 31. v. 2. *Beati, quorum remissa sunt iniquitates, & quorum testis sunt peccata.* Et v. 3. *Beatus vir, cui non imputavit Dominus*

peccatum. Ubi, inquit, tria illa, *remitti, tegi, & non imputari* posita sunt ad idem significandum; unum tamen explicatur per aliud: idest, remitti à Deo peccata, nil aliud est, quàm peccata tegi; ita ut non videantur apparere coram Deo: tegi autem, nihil aliud est, quàm non imputari ad poenam, & damnationem, juxta illud Ezech. 33. v. 15. ubi dicitur de impio, si egerit pœnitentiam: *Omnia peccata ejus, quæ peccavit, non imputabuntur ei.* Et 2. Cor. 5. v. 19. *Deus erat in Christo mundum reconcilians sibi, non reputans illis delicta ipsorum.*

XII. Respondeo primò, peccata tegi, & non imputari, dupliciter contingere posse. Vel ita ut verè subsistant, & solum occultentur: vel ut prorsus deleantur. Quemadmodum ulcera corporis, à quibus hæc metaphora sumta est, dici possunt tegi duobus modis. Vel illa tantum occultando, ne appareant, quo pacto teguntur ab ipso vulnerato: vel ea curando, & tollendo, qualiter teguntur à Medico. Hoc secundo modo teguntur peccata à Deo. Unde S. August. Enar. 2. in Psalm. 31. *Deus ergo (inquit) tegat vulnera, non tu: nam si tu tegere volueris erubescens, Medicus non curabit. Medici tegat, & cures, emplastro enim tegit: sub tegmine Medici sanat vulnus, sub tegmine vulnerati, celatur vulnus.* Item duplex est non imputatio. Una quidem, quâ non imputatur id, quod est; alia, quâ non imputatur id, quod revera non est. Prior testio, & non imputatio est hæreticorum figmentum: posterior verò est Catholica assertio, & Psalmistæ; statim enim post illa verba non imputavit Dominus peccatum subdit: *& non est in spiritu ejus dolus.* Unde August. citato loco, nempe, præfat in Ps. 31. postquam dixit: *Si texit peccata Deus, noluit punire, noluit agnoscere, maluit ignoscere,* subjungit: *Nescit intelligatis, quod dixi, peccata cooptata sunt, quæ ibi sunt, & vivant &c.* Et quidam eum

cùm iustitia Dei, & lex æterna nulum possit peccatum non imputatum, & non punitum relinquere; peccata, quæ à Deo non imputata dicuntur, verè deleta, & ablata censenda sunt. Hinc

XIII. Respondeo secundò, quòd respectu Dei, qui omnia videt, & cui omnia nuda sunt, & aperta oculis ejus (Hebr. 4. v. 13.) idem est peccatum tegi, aut non imputari, ac penitus deleri, ac prorsus non esse. Sicut enim (ex Auguſt. *Enarrat. 2. in Psalm. 31.*) quod opertum est, non videtur oculis nostris: ita ad explicandum, more nostro, Deum non videre peccata eorum, qui iustificantur, dicit, ea tegi, quatenus penitus destruuntur: hoc enim requiritur, ut sint testæ oculis Dei. Qualicèt homo possit non videre peccata, quæ adhuc existunt, undè dicebat David, Psalm. 18. v. 13. *Delicta quis intelligit? Ab occultis meis munda me: Deus tamen non potest ea non videre. Igitur id dicitur tectum, sive opertum oculis Dei, quod pœnitus non est.*

XIV. Responderi potest tertium cum D. Tho. hâc q. 113. a. 2. ad 2. *Quòd sicut dilectio Dei non solum consistit in actu voluntatis divini, sed etiam importat quendam gratia effectum.... ita etiam, & hoc, quod est, Deum non imputare peccatum homini, importat quendam effectum in ipso, cui peccatum non imputatur. Quòd enim alicui peccatum non imputetur à Deo, ex divina dilectione procedit.*

XV. Tertio obijciunt illud 1. Petri 4. v. 8. *Caritas operis multitudinem peccatorum.* Et illud Psalm. 84. v. 3. *Reversisti iniquitatem plebis tuæ, & operusisti omnia peccata eorum.*

XVI. Respondeo ad Textum Petri, genuinum sensum esse, non quòd caritas operiat multitudinem peccatorum ejus, in quo est caritas; sed quòd operiat peccata proximi. Qui enim ex caritate proximum diligit, peccatis ejus non insultat; sed ea, quantum potest, tegit, ac patienter portat. Ibi enim

caritatem erga proximum commendat Petrus. — Ad locum verò ex Psalmis dico, quòd peccata operiri, est metaphorè sumia ab eo, quod terrâ obruitur, vel in aqua mergitur, ut increat. Sic de Ægyptiis, Exod. 15. v. 10, dicitur: *Operuit eos mare, submersi sunt &c.* Unde Micheæ 7. v. 19. *Et projiciet in profundum maris omnia peccata nostra: ut nempe deleantur, & pereant.*

XVII. Quarto obijciunt. Nemo quantumvis iustus eximitur à peccato, nisi perfectè impleat præceptum caritatis; etenim: *Qui non diligit, manet in morte* (1. Joan. 3. v. 14.) sed nemo in hac vita potest perfectè implere præceptum caritatis, ut docet S. Auguſt. *l. de Pers. d. iustit. c. 8.* ergo eisdè homo iustificetur, manet tamen in peccato.

XVIII. Respondeo, dist. maj. Impleat quoad substantiam præcepti, con. maj. Quoad omnem modum, & intensionem, nego maj. & similiter ad min. Præceptum ergo caritatis cā intensionis perfectione, quā implebitur in Patria, ut scilicet toto conatu, nullo carnis motu animam retrahente, nullā corporis sarcinā eam ad sensibilia deprimente, nullo adhuc veniali peccato caritatis ardorem minvente, in Deum feratur (quod unicè intendit Auguſtinus) impleri certè in hac vita non potest. Impleri tamen potest quoad substantiam, appretiative Deum super omnia diligendo; & hoc modo à viris iustis impletur. Nec obest, quòd in viro iusto possit esse peccatum veniale: nam hoc minui quidem fervorem caritatis, sed caritatem, & gratiam non tollit.



DUBIUM III.

An Justificatio fiat per solam Justitiam Christi nobis imputatam, an per Justitiam intrinsicam?

§. I.

Sellhariorum Error.

Lutherus, Calvinus, alijque ex eorum grege, ut explicent modum, quo in justificatione peccata solum reguntur, sed reverà non delentur, dicunt: peccatorem, ut iustificetur, debere certa fide sibi indubiè persuadere, justitiam Christi ad se pertinere, & propter ipsum peccata sibi non imputari. Et hunc fide, quasi manu, apprehensà justitià Christi, eàque veluti indutum, coram Deo justificationem apparere. Ita præcæteris docet Calvinus l. 3. *Instit. c. 11. §. 2.* dicens: *Justificabitur ille fide, quia operum justitià exutus, Christi justitiam per fidem apprehendit; quà vestitus in conspectu Dei, non ut peccator, sed tanquam justus apparet.* Quam doctrinam adoptarunt Calvinistæ Galliæ a. 20. suæ Confessionis fidei, sicut & Germaniæ, ut constat ex Catechismo Palatinatus approbato in Pseudosynodo Dordrechtana; eamque sic explicare solent. Quemadmodum enim Jacob apprehensà veste Esau, eàque indutus, sese parenti Isaac præsentavit; ut ab eo benedictionem reportaret, sicut de facilo obtinuit: ita peccator apprehensà justitià Christi, eàque velut veste indutus sese Deo præsentat, ab eoque obtinet benedictionem, non quia verè justus sit, sicut nec Jacob verè erat Esau primogenitus: sed quia Christi justitià indutus, justus à Deo reputatur, quamvis in se sit, & maneat peccator. Hinc in justificatione nullam formam intrinsicè justificantem admittunt. Quare Calvinus in Antidoto Conc. Trident. ad Sessionis 6. caput 8. audacter ait: *Falsum esse con-*

Tom. IX.

tendo, ullam justitia partem in qualitate sitam esse, vel habitum, qui in nobis residet.

II. Catholici verò omnes hunc modum statuendi justificationem deestantur, volentes hominem justificari, non justitià Christi extrinsecè ipsi imputatà; sed justitià à Deo per Christum in ipsum derivatà, quà non solum appareat, sed verè, ac intrinsicè justus sit; nec solà fide justificari, de quo agemus infra. Pro veritate igitur

§. I I.

Affertio Catholica.

III. Dico. Homo non justificatur formaliter per justitiam Christi fide apprehensam, ac sibi imputatam; sed per justitiam ex justitia, & meritis Christi in se derivatam, ac sibi intrinsicè inhaerentem. Hæc assertio constat ex *Tract. præced. Q. 3. de Gratia habituali. Dub. 1.* ubi ostendimus, gratiam habitualement, quà justificamur, non esse purum favorem Dei extrinsecum, sed donum intrinsicum à Dei dilectione per merita Christi nobis collatum: quam veritatem Scripturà, Patribus, Conciliis, & ratione firmavimus. Unde ibi dicta hæc revocanda sunt, non inutiliter repetenda. Ut tamen ca omnia velut compendio mei Candidati oculis iterum subjiciam —

IV. Ita discurre. Ideo justificatio formaliter esset justitia Christi nobis extrinsecè imputata, quia Scriptura justitiam Christi comparat vesti, quà induimur, & quà induiti coram Deo tanquam justi apparemus; eisd in nobis nullam justitiam intrinsicè habeamus, sed potius peccata. & injustitias: sed hæc similitudo non evincit intentum; ergo &c. M'n. prob. primò. Calvinus l. 2. *Instit. c. 5. §. 19.* dicit, similitudines, & allegorias ultra procedere non debere, *quàm præcurrentes habent scripturæ regulam, tantum abest, ut fundandis certis dogmatibus per se sufficiant;*

Da

ficiant; ergo dato, quòd justificatio exprimitur sub similitudine vestis, nempe, justitiæ Christi. quâ indutus homo, Justus appareat coram Deo, eo modo quo Jacob indutus vestibus Esau apparuit coram Isaac primogenitus, & benedictionem reportavit; hoc tamen non debet extendi ultra fidei regulam, & multò minus sufficere ad firmandum certum dogma. Sed Scriptura, quæ est fidei regulâ, docet nos, hominem justificari, non esse extrinsecus vestiri justitiâ Christi, sed potius renovari, regenerari, transferri de morte ad vitam, caritatem in corde ejus diffundi, & alia, quæ loco citato ostendimus; ergo ex hoc, quòd alicubi dicatur justitiâ Christi vestiri, eamque illi imputari, hoc non sufficit ad fundandum certum dogma.

V. Secundò probat. min. Quamvis Paulus ad *Philipp.* 2. v. 7. dicat, quòd Christus fuit in similitudinem hominum factus, & habitu inventus ut homo: nemo tamen, nisi sit Manichæus, dicit, Christum factum fuisse hominem secundum apparentiam; & nisi sit Nestorianus, assumpsisse humanitatem, sicut homo assumpsit vestem; ergo similiter &c.

VI. Tertiò prob. eadem min. Dicit etiam Paulus 1. Cor. 15. v. 53. *Oportet, corruptibile hoc induere incorruptionem, & mortale hoc induere immortalitatem*; ergone corpus hoc post resurrectionem habebit incorruptionem, & immortalitatem solum extrinsecus adjacentem, sicut indumentum, nec evadet reverâ incorruptibile in se, & immortale?

Rursus: idem Paulus 1. ad *Thes.* 5. v. 8. hortatur nos, ut simus *induti loriceam fidei, & caritatis, & galeam spem salutis*. Ergone caritas, fides, & spes nobis extrinsecus adjacent, sicut indumentum, & sicut galea? Præterea Christus suâ morte nobis restituit stolam justitiæ, quam Adam inobedientiâ suâ perdiderat; fecitque, ut ubi abundavit delictum, superabundaret gratia. Quemadmo-

dum ergo Adam reverâ stolam innocentiae perdidit, ita Christus eam nobis reverâ restituit. Et quemadmodum Adam non imputatione, sed reipsâ contituit nos peccatores; ut non Adæ delicto nobis imputato, simus peccatores, sed ex eo contrahat unusquisque proprium peccatum; ita Christus reverâ nos justos facit justitiâ ex ipso derivatâ, & non tantum justitiâ suâ nobis extrinsecus imputatâ.

Demum: à Christo habemus non solum justitiam, sed & caritatem; quemadmodum ergo non amamus caritate, Christi nobis imputatâ, dicente Joanne Epist. 1. c. 3. v. 1. *Videte, qualem caritatem dedit nobis Pater, ut filii Dei nominemur, & simus*; ita iusti, & filii Dei sumus, non justitiâ, & filiarione Christi nobis imputatâ. Cætera videnda relinquo superius citato *Dubio* 1. ubi, maxime num. 7. auctoritate S. Augustini hucusque dicta firmavimus.

VII. Probari etiam potest hæc veritas. Nam justitia, quâ formaliter dicimur, & sumus iusti, capax est intentionis, & remissionis. Unde Apoc. 11 v. 17. *Qui iustus, est iustificetur adhuc, & sanctus sanctificetur adhuc*. Et 2. Petri 3. v. 18. *Cræscite in gratia, & in cognitione Domini nostri, & Salvatoris Jesu Christi*: sed neque justitiâ Dei, seu justitiâ Christi crescere, & augeri possunt; ergo crescere, & augeri posse dicendum est in iustitiâ, quæ in nobis sit. Et quidem si, ut ait S. Petrus, crescere debemus in gratia, & in cognitione Christi; quemadmodum ex hoc arguitur, cognitionem Christi esse in nobis per fidem, ab ipso derivatam: eadem ratione argui debet, gratiam, in qua crescere debemus, esse in nobis ex plenitudine ejus acceptam.

§. III.

Sectariorum Fundamenta.

VIII. **P**rimò Obijciunt. Impium justificari, nihil aliud est, quàm ei peccata remitti, & condonari: sed hoc haberi potest per imputationem iustitiæ Christi, & per apprehensionem meritum ejus, qui pro omnibus Deo satisfecit; ergo &c.

IX. Respondeo, neg. maj. Iste enim est aliter Sectariorum error proscriptus à Tridentino Sess. 6. Can. 11. his verbis: *Si quis dixerit, homines justificari, vel solâ imputatione iustitiæ Christi, vel solâ peccatorum remissione, exclusâ gratiâ, & caritate &c. anathema sit.* Docuerat enim eadem Sess. cap. 7. quod iustificatio non est solâ peccatorum remissio, sed & sanctificatio, & renovatio interioris hominis per voluntariam susceptionem gratiæ, & donorum; unde homo ex injusto fit iustus, & ex inimico amicus, ut sit heres secundum spem vitæ æternæ. Iustificatio enim dicit transitum animæ de morte ad vitam per caritatem 1. Joan. 3. v. 14. *Translati sumus de morte ad vitam, quoniam diligimus, fratres: qui non diligit, manet in morte.* Qui autem transfertur de morte ad vitam, non solum dicit recessum à morte, sed vitæ acquisitionem. Quapropter Paulus, Rom. 6. v. 9. &c. resurrectionem nostram à morte peccati ad vitam gratiæ assimilat resurrectioni Christi à morte ad vitam corporis tanquam exemplari. Quemadmodum ergo resurrectio Christi non fuit sola liberatio à morte, sed vitæ resumio: ita resurrectio nostra spiritalis non est sola liberatio à peccato, sed novæ vitæ acquisitio, interior renovatio, regeneratio.

X. Dices. Hoc verum esse de sanctificatione, non de justificatione. Distingui enim Calvinistæ sanctificationem à justificatione: dicuntque, illam fieri per sanctitatem intrinsecam,

istam verò per iustitiam extrinsecè imputatam, quâ remittuntur nobis peccata.

XI. Sed hæc distinctio ex eorum cerebro nata est: nullum enim fundamentum habet in Scriptura, Conciliis, Patribus, imò & in ratione. Cur enim hominem justificari volunt iustitiâ Christi ei imputatâ, non autem sanctitate Christi ei imputatâ sanctificari? Cur volunt justificari nil aliud esse, quàm pronunciari iustum; & sanctificari volunt esse quid aliud, quàm pronunciari sanctum? Si homo sanctitate sibi intrinsecâ subsistere potest coram Deo, cur non etiam coram ipso subsistere poterit propriâ iustitiâ acceptâ à Deo per Christum, sicut per ipsum accipit sanctitatem? Cur demum iustitia Christi est nostra iustitia, sanctitas verò Christi non est nostra sanctitas? Si iustitia nostra coram Deo (ut ajunt ipsi) est sicut pannus menstruatus, cur non erit talis nostra sanctitas? Sed hæc dimittamus. Plura enim diximus in *Vera Ecclesia. Tom. 2. p. 1. a. 8.* per totum, quæ totam justificationis materiam continent, & ad quæ Ledorem remitto.

XII. Secundò obijciunt Paulum, Rom. 4. v. 5. dicentem: *Credenti autem in eum, qui justificat impium, reputatur fides ejus ad justitiam secundum propositum gratiæ Dei*, id est, acceptatur fides ejus, quâ credit, justitiam Christi ad se pertinere; & hac viâ justitiâ Christi gratis sibi imputatâ justificatur. Quæ interpretatio nientem Apostoli assequi videtur, qui in hoc capite justitiam undecies nuncupat imputationem.

XIII. Respondeo, negando, præfatam interpretationem esse conformem menti Pauli. Non enim dicit, quod credenti in eum, qui justificat impium, imputatur iustitia, sed quod fides reputatur ad justitiam: non quod fide quasi manu apprehendat justitiam Christi, ut volunt Sectarii, sed quod fides sit dispositio, & medium ad acquirendam justitiam. Quod explicat exemplo Abraham, qui fide, quâ con-

tra spem in spem credidit, seipsum ad justificationem præparavit : fides autem credenti extrinseca non est. Sed de hoc infra.

XIV. Tertiò obijciunt illud Rom. 5. v. 19. *Sicut enim per inobedientiam unius hominis peccatores constituti sunt multi : ita & per unius obedi-entiam iusti constituentur multi* : ergo iusti constituentur per justitiam Christi sibi imputatam.

XV. Respondeo, neg. conf. Sequitur enim potius oppositum. Nam sicut peccatores constituuntur originaliter, non per inobedientiam Adæ ipsis extrinsecè imputatam, sed per intrinsecam injustitiam cuique propriam : ita iusti constituentur, non per obedientiam Christi ipsis extrinsecè imputatam, sed per justitiam intrinsecam ex obedientia Christi in eos derivatam. Videantur dicta superiori Tract. Dub. 1. §. 2. num. 6.

XVI. Quartò obijciunt illud 1. Cor. 1. v. 30. *Christus factus est nobis sapientia à Deo, & justitia, & sanctificatio, & redemptio* : ergo alia non est nobis justificatio, quàm Christi justitia.

XVII. Retorqueo argumentum. Christus factus est nobis justitia, sicut & sapientia, & sanctificatio : sed non sumus formaliter sapientes sapientiâ Christi, nec formaliter sanctificati sanctitate Christi, ut Calvinistæ concedunt, sed sapientiâ, & sanctitate in nos à Christo intrinsecè derivatâ ; ergo nec sumus formaliter iusti justitiâ Christi, sed justitiâ à Christo in nos participatâ. Dico ergo, Scripturam solere, nomine effectus appellare causam, ut Psalm. 26. v. 1. *Domine-illuminatio mea, & salus mea*, idest, causa illuminationis, & salutis meæ. Et eadem ratione Christus dicitur factus nobis sapientia, justitia, sanctificatio, & redemptio : quia est causa sapientiæ, justitiæ, sanctificationis, & redemptionis in nobis.

XVIII. Sed dices. 1. Cor. 5. v. 21. *Christus dicitur pro nobis fuisse sa-*

ctum peccatum, ut nos efficeremur justitia Dei in ipso : sed Christus factus fuit peccatum per imputationem peccati nostri ; ergo nos efficitur justitia Dei per imputationem tantum justitiæ Christi.

XIX. Respondeo, neg. conf. & disparitatem exhibet textus ipse. Nam Christus factus fuisse peccatum, nempe, hostiam pro peccato, non verò tanquam habens in se peccatum, dicitur ibi his verbis : *Qui non novit peccatum*. Et ex alia parte hostiam pro peccato consuevit nominari *peccatum*, indicat illud Osee 4. v. 8. ubi de Sacerdotibus legitur : *Peccata populi mei comedent*, idest, oblata pro peccatis. At, nos iustos fieri unicè justitiâ Dei nobis imputatâ, nec Scriptura dicit, nec Patres consentiunt, ut sæpe citatò Dub. 1. vidimus. Adde : quòd si nos efficitur justitia Dei, sicut Christus factus est pro nobis peccatum ; quemadmodum Christus ex hoc nullam peccati malitiam in se contraxit : ita nec nos ullam intrinsecam, nedum justificationem, sed sanctificationem in nobis haberemus. Hoc autem secundum Adversarij negant.

XX. Quinò obijciunt ea Scripturæ loca, quibus homines iustificati, dicuntur induere Christum, ut ad Ephel. 4. v. 24. *Induite novum hominem, qui secundum Deum creatus est in justitia, & sanctitate veritatis*.

XXI. Sed ad hæc, & similia §. præcedente iam respondi, non concludere pro Adversariis. Quibus addo, quòd homo, dum induit novum hominem, creatur in justitia, & sanctitate : at sicut per Adversarios creatur in sanctitate, non imputatâ, sed intrinsecâ. cur non eodem modo creabitur in justitia ?

Scio, à Calvino afferri pro se Sanctum Ambrosium l. 2. de Jacob, & *vita beatâ* assimilantem peccatorem indutum justitiâ Christi, Jacob indutum vestibus Esau. — Sed in primis, ut iam ostendi ex ipsomet Calvino, allegoriæ, & similitudines non valent ad

ad firmandum certum dogma, nec ultra Scripturæ regulam debent extendi. Deinde falsum asserit. Nec enim Ambrosius comparat Jacob indutum vestibus Esau peccatori: sed in Esau Sinagogam, in Jacob vero Ecclesiam, & populum Christianum agnoscit; qui sciens bene uis itollā veteris Testamenti, benedictionem reportavit.

Scio, pariter asserri Bernardum *Serm. 61. in Cantic.* dicentem: *Numquid iustitias meas cantabo? Domine memorabor iustitia tua solius; ipsa enim est cor meum; nempe, factus es tu mihi iustitia à Deo. Numquid mihi verendum, ne non una ambobus sufficiat? Non est pallium breve, quod secundum Prophetam non possit operire duos.*

Sed quid, ut dicebam, ex allegoria trahitur pro dogmate argumentum? Dicimus etiam Psalm. 120. v. 3. *Dominus protectio tua. Quemadmodum ergo Dominus est protectio nostra, quia effectum suæ protectionis in nos effundit: ita S. Bernardus asserit, iustitiam Christi esse suam; non quia ipse formaliter sit iustitia Christi, sed esse suam ratione effectus: quatenus iustitia sua à iustitia Christi tanquam à fonte promanat, & iustitia Christi merito suo in ipsum iustitiam operata fuit.*

DUBIUM IV.

An sola Gratia Habitualis sit Causa Formalis Iustificans?

§. I.

Aliqua Prænotantur.

I. **Q**Uæstio præsens est: an sola gratia habitualis sit, quæ formaliter hominem iustificat coram Deo: an verò interdum etiam formaliter præsent, vel præstare possint actus, sive contritionis, sive caritatis. Et procedit de adulto, non de parvulo. Nam in parvulo, qui baptizatur ante usum

rationis, certum est, formam ipsum à peccato originali mundantem, & iustificantem esse solam gratiam habituales, non verò actum ullum, sive contritionis, sive caritatis: quia infans usu rationis carens tales actus elicere capax non est.

Certum etiam est, quoddam adultus, qui Sacramentum Baptismi, vel Pœnitentiæ suscipit in re, cum sola attritione supernaturali, de facto per solam gratiam habituales iustificatur. Nam in huiusmodi adulto, cum sola attritione accedente ad Sacramentum nihil est, quod sit impossibile cum peccato, illudque expellere possit, præter gratiam habituales: nam actus meræ attritionis, etsi supernaturalis, seipso non est impossibile cum peccato. Quæstio igitur est de adulto, qui, vel extra Sacramentum, cum voto tamen Sacramenti, actum contritionis, vel caritatis elicit; vel cum contritione, & caritate accedit ad Sacramentum: an formaliter per istos actus iustificetur, an verò solum dispositivè.

II. Vazquez affirmat, actum contritionis, & caritatis habere in seipso vim iustificandi formaliter, & licet de facto nunc, quotquot iustificantur, recipiant gratiam habituales: tamen, quia solum definitum est ab Ecclesia, justificationem fieri in nobis per iustitiam inhxerentem; & quæ dicuntur de gratia inhxerente, possunt etiam intelligi de actu contritionis, & caritatis: satisfieri definitioni Ecclesiæ, si in his, qui sunt capaces contritionis, ipsa contritio dicatur esse causa formalis justificationis. Imò 3. p. Tom. 1. Disp. 2. cap. 6. nu. 66. hæc scribit: *Memini autem contritionis; quia in adulto, qui iustificatur extra sacramentum, magis certum est, cum iustificari contritione, quam gratia habituali, ut ostendimus 1. 2. Disp. 203. cap. 3.*

III. Communiter tamen hæc Vazquezii opinio displicet: adeo ut Suarez Tom. 1. in 3. p. Disp. 4. S. 2. 8. censcat,

ceat, illam esse temerariam, & doctrinæ Tridentini parum consentaneam. Potest autem quæstio hæc agitari, tum secundum legem ordinariam; tum etiam secundum legem extraordinariam, & potentiam Dei absolutam.

§. I I.

Ponitur Resolutio.

IV. **D**ico. De facto sola gratia habitualis est causa formalis justificans, etiam extra Sacramentum, non verò actus contritionis, vel caritatis. Probo primò ex Tridentino Sess. 6. cap. 7. ubi assignans omnes causas justificationis, deveniens ad formalem: *Demum (inquit) unica formalis causa est justitia Dei, non quâ ipse justus est, sed quâ nos justos facit... justitiam in nobis recipientes &c.*

V. Sed quia fortè dices pro Vazquez, Concilium solum dicere unicam causam formalem justificationis esse justitiam inhærentem: nomine autem justitiæ venire posse actus contritionis, & caritatis — Contra instari posset: Namine justitiæ inhærentis intelligit aliquid permanens in anima, faciens justum: actus autem contritionis, & caritatis sunt transeuntes. Iis ergo transactis, per quid formaliter homo esset justus?

VI. Sed probandum est, præfatos actus, secundum Concilii mentem, non esse formalem justitiam sic. Actus, qui à Concilio ponuntur tanquam dispositiones ad justitiam, non sunt, secundum ipsum, formalis justitia: sed juxta Concilium ejusmodi actus ponuntur tanquam dispositiones ad justitiam; ergo non sunt &c. Min. probatur ex Sess. 14. cap. 4. ubi docet, quòd contritionis motus fuit quovis tempore ad impetrandam veniam necessarius: & in homine post Baptismum lapsò ita demum præparat ad remissionem peccatorum, si cum fiducia divina misericordia, & voto præstandi reliqua conjunctus sit. Cum

ergo id, quod est necessarium ad impetrandam veniam, & remissionem peccatorum, non sit causa formaliter justificans, sed dispositio ad justificationem; ideo actus contritionis non est &c.

VII. Dices pro Vazquez, Concilium ibi loqui de contritione imperfecta, quæ dicitur attritio. Nam inferius loquens de contritione perfecta, eam dicit justificare, si Sacramenti votum includat, his verbis: *Si contritionem hanc aliquando caritate perfectam esse contingat, hominem quæ Deo reconciliare, priusquam hoc Sacramentum actu suscipiatur; ipsam nihilominus reconciliationem ipsi contritioni sine sacramenti voto, quod in illa includitur, non esse adscribendam; ergo sentit, contritionem caritate perfectam per se reconciliare, si votum Sacramenti includat; ergo dum ait, contritionem præparare ad veniam, loquitur de contritione imperfecta.*

VIII. Sed contra primò. De illa contritione docet Concilium, esse impetratoriam, & dispositivam ad justificationem, quæ semper, & pro omni tempore necessaria fuit, & impetratoria veniæ: sed contritio imperfecta non est semper necessaria, quia homo, præsertim timoratus, moveri potest ad justitiam contritione perfecta, quin in eo præcesserit contritio imperfecta: nec pro omni tempore fuit necessaria, & sufficiens ad impetrandam per seipsam, peccatorum veniam. Nam estò modò conjuncta cum Sacramento, vel Baptismi, vel Pœnitentiæ sit impetratoria veniæ: pro tempore tamen præcedente adventu Christi, quo Sacramenta per se non causabant gratiam, homines non impetrabant gratiam contritione imperfecta: & sic ad eam impetrandam necessaria non erat contritio imperfecta, sed perfecta.

IX. Contra secundò. Illam contritionem dicit Concilium, esse impetratoriam, quam paulo ante definiat, quòd sit: *Animi dolor, & detestatio de peccato*

peccato commissio, cum proposito non peccandi de cetero; & quam postea dividit in perfectam, & imperfectam: sed contritio ibi definita, & quam dividit, non est contritio imperfecta, sed contritio ex genere suo: & contritio, quam dividit, est contritio abstracta à perfecta, & imperfecta, ut patet; ergo dum dicit, eam fuisse quovis tempore necessariam ad impetrandam veniam, loquitur de contritione ex genere, & naturā suā, ut includit etiam contritionem perfectam. Eo vel maxime, quod ponit exemplum in contritione Davidis: *Tibi soli peccavi, & malum coram te feci*; quæ certè fuit contritio perfecta. Quapropter cum dicit, contritionem caritate perfectam cum voto Sacramenti sufficere ad reconciliationem; intendit solum esse, dispositionem immediatam ad reconciliationem, hoc est, absque medio Sacramento in re suscepto; non verò quod per seipsam sit forma immediate reconciliativa; hanc enim dicit unicam esse iustitiam, seu gratiam, quā Deus iustos nos facit: sicut illa est sola, quā regeneramur in filios Dei adoptivos, quā participes sumus, & consortes divinæ naturæ, & heredes in spe vitæ æternæ.

X. Addo: quod, ut infra dicitur contra Scotum, & Vazquez consentit, forma iustificans se ipsā, & ex natura suā, non ex favore extrinseco, aut promissione Dei excludit peccatum: porro actus contritionis, & caritatis, ut de facto excludant peccatum, & reconcilient, eagent novo Dei favore; neque ex natura sua, sed ex promissione Dei id consequuntur, juxta illud: *Convertimini ad me... & convertar ad vos* (Zachariæ 1. v. 3.)

Tandem: effectus formalis ejusdem rationis provenire nequit à formis diversæ rationis: sed esse justum est effectus formalis ejusdem rationis in omnibus; ergo ab unica formā præstari debet, non à duabus specie diversis. Cum ergo esse justum formaliter præstetur à gratia habituali, ut

patet in parvulis baptizatis; ab ipsa solā hoc idem præstari debet in omnibus: sicut vita naturalis omnibus hominibus ab eadem specie formā præstatur.

XI. Ut tamen omnis tollatur equivocatio, moneo, me hæcenus locutum fuisse de causa formali justificationis, quoad essentiam sumtā; prout nimirum eā quis solū constituit formaliter justus, sanctus, Deo gratus, Deique filius. Quod si sumatur justificatio, quoad omnia, quæ includit, & ex quibus veluti integratur, sive essentialia sint, sive non; sic concedo, non unicam esse causam formalem justificationis, sed complexum ex pluribus. Ita enim dicit non solum hominis iustificati essentiam, sed statum: & propterea non solum gratiam habituales, quā homo bene in se disponitur, sed etiam omnia dona, & virtutes, earumque actus, quibus rectè disponitur ad justè operandum. Quemadmodum hominis, quoad essentiam, sola anima rationalis est causa formalis: hominis autem in esse completo, tam quoad esse, quā quoad operari, causa formalis non est sola anima, sed complexum ex anima, potentia, aliisque ad statum completum hominis requisitis.

§. III.

Rationes Vazquez.

XII. **C**onatur Vazquez, opinionem suam cum Tridentino conciliare. Et quidem primò. Concilium Sess. 14. c. 4. citato dicit, contritioni caritate perfectæ reconciliationem sine Sacramenti voto, quod in illa includitur, non esse adscribendam; ergo (insert) ipsi, ut Sacramenti votum includenti, reconciliatio est adscribenda.

Secundo. Ibidem de contritione abstracta à perfecta, & imperfecta duo dicit. Unum, esse necessariam ad justificationem; alterum, esse præparatam.

rationem ad illam: sed primum non convenit omni contritioni, etiam perfectæ; quia in Sacramento, etiam sine contritione perfectâ, cum sola attritione homo justificatur; ergo, etsi de illa dicatur, quod sit dispositio, non debet hoc verificari de contritione perfectâ.

XIII. Respondeo tamen ad primum, dist. conf. Tanquam dispositioni, & impetrationi inferenti gratiam, quâ homo justificetur, co. conf. Tanquam formæ se ipsâ, & immediatè justificanti, nego conf. Alias Concilium sibi ipsi contradiceret.

Ad secundum, nego conf. Quando enim Concilium dicit, contritionem abstrahentem à perfectâ, & imperfectâ esse necessariam &c. facit sensum, quod aliqua contritio vagæ, vel perfectæ, vel imperfectæ sit necessaria. Ita ut, si justificatio fiet intra Sacramentum, sit necessaria contritio imperfecta, seu attritio: si verò fiat extra Sacramentum, sit necessaria contritio perfecta. Sicque semper contritio, ut abstrahens est, est necessaria, ut disponat ad justificationem; intra Sacramentum quidem, contritio imperfecta: ut verò disponat extra illud, necessaria est contritio perfecta. Sicut cum dicitur, esse necessarium oculum ad videndum; non dicitur esse determinatè dextrum, vel sinistrum, oculum hominis, vel equi, sed vagæ: ita ut quoties datur visio, detur aliquis oculus, vel aliquod animal videns; & non possit dari visio, quin detur aliquis oculus, vel aliquod animal videns.

XIV. Objicit secundò varios Scripturæ textus, quibus remissionem peccatorum, & renasci ex Deo, tribuere videtur dilectioni, & caritati. Sed omnes exponi debent, concludere solum, caritati, & dilectioni tribui justificationem, tanquam dispositioni ultimæ, ex qua infallibiliter sequitur justificatio: non verò tanquam causæ formali immediatè, & per se ipsam justificanti.

Quod si S. August. l. de Nat. & Grat. c. 42. ait, caritatem esse nostram iustitiam: & c. 69. *Caritas inchoata, inchoata iustitia est, caritas perfecta, perfecta iustitia est, caritas magna, magna iustitia est* — Dicendum, actum caritatis vocari perfectam iustitiam, non quia sit formalis iustitia; sed quia cum sit actus perfectissimus, qui à gratia, seu iustitia prodire potest: quæ formaliter conveniunt gratiæ, de caritate dicuntur, ac si nomen causæ effectui principaliori tribuatur.

XV. Obijcit tertio. Amor Patriæ idem specie est cum amore vix: sed amor Patriæ absque alio habitu potest hominem justificare. Si enim aliquis in peccato mortali existens raperetur ad visionem beatam; ille absque infusione gratiæ statim amaret Deum, esset beatus, & consequenter iustus: tunc autem non haberet, nisi actualem amorem Dei; ergo &c.

XVI. Confirmat primò. In opinione asserente, gratiam, & caritatem esse realiter idem, certum est, nos justificari per habitum caritatis; ergo multò magis per actum caritatis, cum actus sit perfectior habitus.

XVII. Confirmat secundò. Actus caritatis formaliter excludit peccatum; ergo formaliter justificat. Ant. prob. Si aliquis actu diligens Deum, adhuc maneret in peccato, esset simul ad Deum conversus, & à Deo averfus: conversus per actum caritatis, averfus verò per peccatum, quæ repugnant.

XVIII. Respondeo, neg. min. Ad prob. ibi adjunctam, nego ant. Quia cum amor beatificus radicaretur in gratia consummata, impossibile iudico, dari amorem beatificum in eo, in quo non esset gratia. Si ergo Deus aliquem in peccato mortali existentem raperet ad gloriam; ex tali suppositione deberet ei dare gratiam, quâ formaliter iustus fieret, & ab eo tolleretur peccatum.

XIX. Ad primam Confirmat. nego. ant.

ant. Sententia enim tenens, habitum caritatis esse idem cum gratia, distinguit in habitu caritatis duas formalitates, seu duo munera. Unum, principii elicivi actus caritatis; alterum, doni gratuiti seipso reddentis nos Deo gratos; & in hoc secundo sensu dicunt, habitum caritatis esse formam justificantem. Ex quo non licet inferre; ergo actus caritatis est forma justificans: quia non procedit ab habitu caritatis, quatenus justificante, sed quatenus principio eliciendi actum amoris Dei.

XX. Ad secundam Confir. neg. ant. Ad prob. omissis variis respons. dist. ant. Conversus ad Deum inchoatè, & affectivè, conc. ant. Perfectè, & effectivè, nego ant. Qui ergo diligit Deum, per hoc præcisè est unius, & conversus ad Deum, solum inchoatè, & affectivè; nondum tamen est formaliter iustus. Ut enim quis formaliter fiat iustus, non sufficit, ut convertatur ad Deum: sed requiritur, ut Deus convertatur ad peccatorem, diligendo ipsum dilectione ipsi largiente gratiam suam, juxta illud Zachariæ 1. v. 3. *Convertimini ad me, ait Dominus exercituum, & convertar ad vos.* In casu autem, quo homo diligeret Deum super omnia; si tamen Deus non converteretur ad hominem, dando illi gratiam, non daretur justificatio, & remissio peccatorum, nisi inchoata.

XXI. Dices. Actus, qui purè affectivè nos avertit à Deo, est formalis injustitia, & peccatum; ergo actus, qui purè affectivè nos convertit ad Deum, erit nostra formalis justitia. Ant. pat. Nam peccator peccando non avertit à Deo rationem ultimi finis effectivè, sed solum affectivè.

XXII. Respondeo, negand. absolute ant. Ad prob. conc. ant. neg. consequ. Etsi enim peccatum mortale nihil effectivè à Deo auferat, sed solum affectivè; effectivè tamen privat hominem Deo, cum de facto destruat gratiam, per quam Deus erat in illo: unde patet discrimen. Nam actus ca-

ritatis nihil producit in nobis, ratione cuius Deus formaliter animam nostram inhabitet; & sic solum affectivè unit nos Deo. At peccatum, cum, quasi effectivè gratiam Dei à nobis tollat, ponit privationem Dei non solum affectivè, sed effectivè: & ideo istud nos verè maculat, & iniustus facit: ille verò nos formaliter non iustificat, sed solum ad iustitiam recipiendam disponit.

XXIII. Replicabis. Sicut actus caritatis effectivè non producit gratiam, sed solus Deus: ita peccatum actuale non causat effectivè privationem gratiæ, sed solus Deus, suspendendo concursus, quo illam conservabat; ergo sicut actus dilectionis nos purè affectivè conjungit Deo; ita peccatum purè affectivè nos avertit à Deo; ergo si actus peccati adhuc est formalis injustitia, actus caritatis erit formalis justitia.

XXIV. Respondeo, dist. ant. Pro secunda parte. Privationem gratiæ sub ratione pœnæ, conc. ant. Sub ratione culpæ, nego ant. Privatio enim gratiæ in peccatore duas rationes induit. Unam pœnæ; nam Deus privatione gratiæ suæ punit peccatorem; alteram culpæ. Primam efficit Deus per suspensionem concursus, & peccator per suum peccatum, solum moraliter, & demeritoriè: secundam efficit solus peccator, dum voluntariè à se removel gratiam. At caritatis actus nullà ratione causat efficienter gratiam habitualement in anima diligentis, sed solum dispositivè. Et licet Tridentinum dicat, nos justificari per voluntariam susceptionem gratiæ; non tamen intendit, gratiam esse nobis voluntariam effectivè, sed solum moraliter, & dispositivè.

XXV. Obicit quartò. In illo formaliter consistit justificatio, cui peccatum, quod est formalis iniustitia, magis directè opponitur; & quod ab eo directè excluditur; sed peccatum essentialiter magis directè opponitur amorì Dei super omnia, cum-

E c que

que excludit, quàm opponatur, & excludat gratiam. Quia si homo in pura naturâ peccaret, peccatum illud excluderet quidem amorem Dei, non tamen gratiam. nec ejus privationem inferret; ergo &c.

XXVI. Respondeo, dist. min. Quàm opponatur, & excludat gratiam in homine elevato ad finem supernaturalem, nego min. In homine non elevato, conc. min. & nego conf. Nam, quaestio præfens debet supponere, quòd homo sit elevatus ad finem supernaturalem. Quo supposito, quaerit, cui peccatum magis opponatur: an amoris Dei, an gratiæ Dei. Et dicimus, directè opponi gratiæ, non amoris. Quia in hoc statu peccatum consistit in privatione gratiæ, non amoris; quia privatio amoris non est privatio vitæ spiritualis, saltem directè. Si autem homo esset conditus in pura naturâ; tunc non mirum, si peccatum ab illo commissum non opponeretur gratiæ, quia in illo statu non esset: non tamen opponeretur directè amoris naturali Dei; sed peccatum, si tunc contingeret, directè opponeretur, & consisteret in privatione vitæ spiritualis, qualiscumque ea esset in illo statu.

XXVII. Ex his omnibus infero, actum caritatis non esse adhuc partialem formam nostræ justificationis. Cum enim Concilium *Sess. 6. c. 7.* dicat, unicam causam formalem nostræ justificationis esse justitiam Dei, quâ nos justos facit, & ad quam per actum caritatis disponimur: sequitur, quòd caritas nec inadæquate nos justificet. Rursus: Concilium ibidem dicit, causam adæquatam efficientem nostræ justificationis esse Deum: at si actus caritatis esset causa inadæquata justificationis, non esset Deus causa adæquata nos justificans; sed nos, producendo actus caritatis, inadæquate justificaremus nos ipsos: maxime in sententia Vazquez volentis, actum caritatis partialiter esse à nobis, & à Deo; ergo &c.

6. I V.

Quid dicendum sit de Potentia Dei absolutâ?

XXVIII. **L**icet aliqui in præfenti enodando quaestio multas paginas impleant; quia tamen quaestiones de possibili in hac materiâ patum utiles videntur: ideo compendio illud absolvens

Dico. Probabilius videtur, nec de potentia Dei absolutâ fieri posse, ut actus contritionis, & caritatis hominem formaliter justifcent. Prob. hoc discursu. Actus contritionis, & caritatis ex natura suâ sunt impotentes justificare per modum causæ formalis, ut ostensum est, aliàs de facto justificarent; ergo nec de potentia Dei absolutâ possunt hominem formaliter justificare. Conf. probatur. Quoties aliqua forma ex natura suâ impotens est, præbere aliquem effectum formalem; Neque per miraculum potest illum præbere: sicut, quia forma embrionis est quidem dispositio ad vitam bruti, vel hominis ex natura suâ, non verò forma constituens vivum brutum, vel hominem; hoc neque de potentia Dei absolutâ præstare potest. Et ratio à priori est: quia causa formalis causat non aliter, quàm per suæ entitatis, ac sui ipsius exhibitionem.

XXIX. Explico magis hoc. Cum actus contritionis, & caritatis ex natura suâ non possint esse forma justificans, deberet eis aliquid à Deo superaddi, quo possent: id autem, quod eis adderetur, vel esset ejusdem lineæ cum illis, vel diversæ. Si primum; ergo cum illi actus sint tantum ex sua lineâ dispositiones ad justitiam, & non formæ justificantes, illud superadditum faceret quidem, ut perfectius disponderent ad justitiam, non verò ut essent forma justificans. Sicut quantacumque perfectio de linea caloris superadderetur calori, faceret quidem, ut calor perfectius disponderet lignum

Signum ad formam ignis: non tamen ut calor esset forma substantialiter ignem constituens. Si autem secundum; ergo contritio, & caritas solum per accedens iustificarent: sicut, si albedini superaddatur aliquid diversæ lineæ, puta calor, albedo calefaciet quidem, sed per accedens, nempe, ratione caloris.

XXX. At dices. Estd Personalitas divini Verbi ex natura suâ non sit formalis sanctitas: attamen ratione sui potest humanitatem Christi formaliter sanctificare; ergo, licet actus contritionis, & caritatis ex natura suâ non sint forma iustificans, poterunt ratione sui hominem formaliter iustificare.

XXXI. Respondeo disparitatem esse. Quodd enim Personalitas Verbi ad intra formaliter non sanctificet, non est, quia in se non sit formalis sanctitas; sed quia non est id, quo mediante, tanquam primâ radice, conveniunt Deo perfectiones supernaturales, sed hoc est divina natura: eum autem ad extra sit prima perfectio, ratione cuius humanitati conveniunt dona supernaturalia: ideo ad extra formaliter eam sanctificare potest. At actus contritionis, & caritatis nullo modo esse possunt id, ratione cuius homini primò conveniunt dona supernaturalia; hoc enim solum esse potest formalis participatio naturæ divinæ: ideoque nunquam possunt esse forma iustificans. Hoc dixi iuxta opinionem, quodd Personalitas Verbi formaliter sanctificet humanitatem Christi. Quodd si loquamur in opinione non minùs probabili in nostra Scholâ id negante, exemplum hoc nostram Assertionem potius confirmabit.



DUBIUM V.

An possit Homo à Peccato mundari solâ Extrinsecâ Dei Condonatione, absque ulla sui Intrinsicâ Mutatione?

§. I.

Resolutio Dubii.

I. **H**ominem de facto non iustificari, seu non mundari à peccato solâ extrinsecâ Dei condonatione, seu non imputatione, contra Sectarios ostensum est. Nunc inter Scholasticos controversitur: an saltem in alia providentia hoc posset contingere. Scotus affirmat. Alii, inter quos Nostros, communius negant. Nos, qui in quæstionibus de possibili plusquam par est immorari, temporis iacturam judicamus, communiorem Nostratum sententiam exponemus; ne Candidatum nostrum hac in re prorsus jejunum dimittamus.

II. Dico. Probabilius est, homini ad finem supernaturalem elevato non posse remitti peccatum mortale per solam extrinsecam condonationem, absque dono aliquo intrinsecò. Probo primò sic. Deum homini existentem in peccato mortali peccatum remittere, est, Deum diligere hominem, quem priùs non diligebat, sed oderat: sed Deus non potest de novo diligere, quem priùs non diligebat, sed oderat, absque mutatione, vel ipsius Dei, vel ipsius hominis: cumque mutatio ex parte Dei contingere nequeat, necesse est, ut mutatio contingat ex parte hominis. Sicut, quodd mihi incipiat placere cibus, qui antea displicebat; non aliunde contingere potest, nisi vel quia cibus ille in se mutatus est: vel quia meus gustus, vel mea cognitio mutata est, quâ incipio cognoscere, ut mihi bonum cibum, quem priùs bonum non cognoscebam. Vide S. Thom. 1. 2. q. 19. a. 7.

Ee 2

III.

III. Probo secundò. Transacto actu peccati, remanet in homine macula, quæ ex privatione nitoris gratiæ confurgit, & averfio habitualis, & non solum obligatio, seu reatus ad pœnam æternam; ut statuit S. Pius V. contra Bajum, cuius hanc nùm 56. propositionem damnavit: *In peccato duo sunt, actus, & reatus: transiente autem actu, nihil remanet, nisi reatus, sive obligatio ad pœnam.* Sed licet obligatio ad pœnam, utpote orta à Deo, possit per ejus solam condonationem tolli, quia hæc peccatori extrinseca est: intrinseca tamen deordinatio, & averfio tolli non potest, sine intrinsecâ ipsius peccatoris mutatione; ergo &c. Quare si Deus, nullâ factâ mutatione ex parte peccatoris, illi condonaret pœnam, seu ipsum absolveret ab obligatione luendi pœnam; dici posset, Deum non imputare illi peccatum ad pœnam: non tamen Deum illi peccatum verè tollere, ac delere, in quo sensu procedimus.

IV. Ex his falsum esse conjicitur, quod aliqui dicunt: nimirum, peccatum habituale nil aliud esse, quàm actum peccati præteritum, & carentiam condonationis divini; & hominem nullo alio dici peccatorem, nisi quia peccavit, & Deus illi non condonavit peccatum. Unde inferunt, quoddam positâ extrinsecâ condonatione Dei, statim definit denominatio peccatoris, averfio à Deo &c.

V. Falsum inquam esse, sic ostendo primò. Nam si peccatum nil aliud est, quàm actus præteritus peccati extrinsecè à Deo non condonatus; gratia habitualis intrinseca, nec defacto, aut de lege ordinariâ necessaria erit ad justificandum hominem à peccato, contra doctrinam Tridentinam. Etenim Gratia habitualis ad quiddabitur? Ad hoc, ut actus præteritus non sit præteritus? At hoc nec à Deo fieri potest. Ad hoc, ut de non condonato transeat in condonatum? At hoc per gratiam non fit, sed per extrinsecam Dei condonationem fieri debet.

Unaquæque enim carentia non est auferibilis, nisi per formam, cujus est essentialis carentia: sed carentia condonationis est carentia, non gratiæ, sed condonationis; ergo quoddam peccatum de non condonato fiat condonatum, per condonationem formaliter fieri debet, non per gratiam; ergo gratia de facto ad ablationem peccati necessaria non est.

VI. Secundò sic ostendo. Quæro ab Adversariis: quid sit objectum hujus condonationis, quâ Deus vult, non amplius fore peccatum habituale? Vel enim vult, peccatum actuale, quod peccatum habituale induxit, non amplius esse: & hoc non; quia peccatum actuale jam transivit, & amplius non erat. Vel vult, illud non fuisse: & nec hoc dici potest; quia ex suppositione, quoddam fuerit, impossibile est, peccatum actuale non fuisse. Aut denique vult ponere condonationem, seu tollere carentiam condonationis: & hoc non: hoc enim est ipsa condonatio, de qua quærimus. quid habeat pro objecto; ergo nisi dicatur, peccatum habituale aliquid aliud dicere in peccatore, quod destruat, dum condonatur, & hoc sit aliquid malum, & macula culpæ præter malum pœnæ, non habebimus objectum condonationis: quæ macula, ut à peccatore tollatur, & desinat esse peccator, non sufficit extrinseca condonatio, seu non imputatio; sed essentialiter requiritur interna animæ ablutio, & mundatio, alioquin peccatum erit, & non erit: Non erit; quia supponetur condonatum. a erit autem; quia adhuc manebit macula culpæ, in qua essentia peccati consistit. Sed hoc ex solutione objectionum clarius fiet.

6. I I.

Argumenta contraria.

VII. **O**bjicitur primò. Homo potest esse alteri pacatus, eique offensam remittere, per solam extrinsecam

secam condonationem, quin in illo aliquid producat; ergo etiam Deus: nam quidquid homo potest rectè velle, potest & Deus.

VIII. Respondeo, neg. conf. Si enim aliquid valeret, sequeretur etiam, posse Deum remittere offensam homini actualiter ipsi offendenti, & perseveranti in odio contra ipsum, cum id possit homo rectè. Ex quo immo evidens argumentum contra Adversarios. Stat bene, quòd homo offensus remittat offensam offendenti se: quin offendens desinat, odio habere offensum, adhuc dum remittit illi offensam: non autem stare possunt hæc duo, nempe, quòd Deus remittat offensam; & quòd in sensu composito homo odio habeat Deum sibi remittentem offensam; ergo dum Deus remittit offensam, aliquid debet ponere in offendente, ratione cuius impediatur, ne offendens perseveret in odio Dei: Si enim Deus eam remittens nil pōnit in offendente, hæc duo poterunt coherere; videlicet, quòd Deus simul remittat offensam homini, & quòd homo perseveret in offensam, & odio Dei: sicut coheret, quòd homo offensus parcat offendenti; & quòd homo offendens actualiter odio habeat offensum sibi actu remittentem offensam.

IX. Disparitas ergo duplex est. Una sumpta ex qualitate dilectionis, quā unus homo pacatur alteri, & quā Deus pacatur homini. Nam, ut docuimus supra ex D. Thom. 1. 2. q. 110. a. 1. & 1. p. q. 10. a. 2. amor noster non est causa bonitatis in rebus; unde amor offēsi non oportet, ut causet amorem sui in offendente, sed potest amare offendentem, etiam dum ipsum offendit, & odio habet. Sed amor Dei non amat, nisi iniundendo, & creando amorem, & bonitatem in eo, quem efficaciter amat.

Alterā sumitur ex qualitate offensæ. Nam offensam hominis contra hominem nihil aufert ab offendente, cuius privatione manente, offensam remitti non possit: adeoque, ut remittatur, non est

neceffe, aliquid in offendente ponere: sed sat est, eam extrinsecus condonare. At offensam contra Deum aufert ab offendente gratiam, conversionem ad Deum, & conformitatem ad rationem, & legem; quarum privatio, dum manet, reddit hominem incapacem, ut sibi remittatur offensam: sicque aliquid intrinsecum in eo poni debet, quo talis auferatur privatio.

X. Obijciatur secundò. Peccatum actuale nil aliud relinquit in peccatore, nisi reatum, & obligationem ad pœnam æternam: sed hæc, sicut est liberè à Deo taxata, ita potest ab ipso liberè condonari; ergo &c.

XI. Respondeo, neg. maj. Ut enim superius diximus, contra Bajum, peccatum actuale, præter reatum, & obligationem ad pœnam, relinquit in peccatore maculam consistentem in voluntaria privatione gratiæ, & connotatam actum peccati præteritum; quæ non potest tolli, nisi per formam ei oppositam, nempe, gratiam: sicut cæcitas non potest tolli, nisi per visum, & tenebræ, nisi per lucem.

XII. Obijciatur terriò. Peccatum, & gratia non opponuntur immediatè: cum sit status medius inter statum peccati, & statum gratiæ, nempe, status naturæ puræ; ergo potest auferri peccatum, quin ponatur gratia. Quæ ratione, ut subiectum desinat esse album, non requiritur, ut fiat nigrum, sed sufficit, ut fiat non album.

XIII. Urgetur magis. Ut deleatur peccatum, sufficit, ut homo transeat de peccatore in non peccatorem: sed hoc potest fieri sine infusione gratiæ; ergo &c. Min. prob. Potest aliquis de frigido transire in non frigidum, absque infusione caloris, per solam destructionem frigiditatis. Rursus: potest homo de Sancto transire in non Sanctum, sine peccato; ut si Deus suâ absolute potentia homini dormienti auferret gratiam; ergo & à pari &c.

XIV. Respondeo, dist. ant. Non. opponuntur immediatè, respectu hominis secundum se sumti, transeat ant. Respe-

Respectu hominis ad finem supernaturalem elevati, nego antec. & eodem modo dist. conf. Ut enim docet S. Th. *Qu. 18. de Verit. art. 2. ad 4. Nihil prohibet, aliqua contraria esse mediata respectu alicujus subjecti simpliciter accepti, quæ sunt immediata, quantum ad tempus determinatum: sicut cæcus, & videns sunt mediata in cane, non tamen post nonum diem. Similiter (admissa opinione, quod Adam aliquo tempore neque gratiam, neque culpam habuerit) & homini respectu status naturæ condita gratia, & culpa comparantur, ut contraria mediata: sed post illud tempus, quo Adam gratiam accepit, vel accipere potuit, ita quod in omnes ejus posteros transfret; nullus caret gratiâ, nisi per culpam actualem, vel originalem. Aliam doctrinam dat S. Thomas 1. 2. qu. 113. a. 2. ad 2. dicens: Plus requiritur ad hoc, ut offendenti remittatur offensio, quam ad hoc, quod simpliciter aliquis non offendens non habeatur odio. Potest enim apud homines contingere, quod unus homo aliquem alium nec diligat, nec odiat. Sed si eum offendant, quod ei dimittat offensam, hoc non potest contingere absque speciali benevolentia. Benevolentia autem Dei ad hominem reparari dicitur per donum gratia. Et ideo licet homo, antequam peccet, potuerit esse sine gratiâ, & sine culpâ; tamen post peccatum non potest esse sine culpâ, nisi gratiam habeat. Hæc S. Tho. quæ clara sunt.*

XV. Ad id, quod urgetur, nego min. Ad prob. conc. antec. nego conf. & disparitas est. Quia cum frigiditas sit à Deo dependens in conservari, potest deficere, non solum per introductionem formæ contrariæ, sed per suspensionem coneursum divini: & idem dico de gratia sanctificante, quæ eadem ratione auferri potest à Deo, absque peccato. At peccatum, cum à Deo non conservetur, sed unice à peccatoris prava voluntate; non potest deficere, nisi per introductionem formæ impossibilis; eo modo, quo

tenebræ non possunt deficere, nisi per introductionem lucis.

XVI. Obijciunt aliqui quartò. Potest Deus peccatorem annihilare; & ipsum, absque ullâ retractione peccati præteriti, & consequenter sine gratiâ, reproducere: sed homo reproduceretur sine peccato. Tum quia: destructo subjecto, destruitur quidquid in eo est. Tum quia: cum homo ille reproduceretur à solo Deo, repugnaret, quod reproduceretur cum peccato.

XVII. Respondenti PP. Salamanicensis, hominem peccatorem annihilatum, & reproductum à Deo, adhuc sub peccato fore. Quia esset destructo subjecto, censetur ejus peccatum destructum, quasi physicè; quia tamen non retractatum, moraliter perseverat: ita ut si subiectum reproducatur, cum eo redeat, & faciat subiectum reproductum Deo abominabile, ut prius.

XVIII. Attamen faciliori viâ nos extricari censeo, si dicamus, quod annihilato peccatore, ejus peccatum tam physicè, quam moraliter destrueretur. Sicut enim si peccator annihilatus non reproduceretur amplius, peccatum ejus nec physicè maneret, nec moraliter: ita quamvis reproduceretur homo ille, sine peccato produceretur. Et sic si reproduceretur sine gratiâ; carentia gratiæ in illo non esset privatio, sed pura negatio. Quando autem dicimus, non posse peccatum destrui sine retractione illius, loquimur manente subjecto peccati: hoc enim sublato tollitur status questionis.

Addo: quod quemadmodum horrendum esset dicere, quod si offensens hominem à Deo annihilaretur. homo offensus contra eum non deponeret odium; sic cum Deus propter peccatum, & in pœnam, æ satisfactionem peccati (includentem omnem pœnam possibilem, imò & imaginariam) peccatorem annihilasset; indignum videtur, Deum adhuc contra illum esse offensum, & peccatum illius adhuc moraliter non censi retractatum, sed in abominatione divina manere.

Quia

Quia posita satisfactione pro culpa, cessat culpa: & ira Dei tantum durare potest, quantum, & quousque durat subiectum punibile.

6. I I I.

Quomodo remittatur Peccatum Veniale.

XIX. **O**biiciunt quintò. Deus absque aliqua formà incompossibili cum peccato veniali, illud de facto remittit per solam extrinsecam condonationem; ergo etiam mortale saltem potest hoc modo remittere. Conf. prob. Quia peccatum veniale est offensà Dei, quamvis levis; est quid intrinsecum in peccatore, non dependens ab influxu Dei; & macula, eisd non auferens, gratiam, illius tamen nitorem minuens. Antequoque prob. Dum enim in Sacramento Baptismi omnia, vel poenitentiae aliqua venialia remittuntur, nulla infunditur forma intrinseca incompossibilis cum peccato veniali: gratia enim sanctificans cum eo componitur.

XX. Respondeo. neg. ant. Ad prob. nego iterum ant. Quando enim alicui intra, vel extra Sacramentum venialia remittuntur; assignari debet aliqua forma intrinseca deletiva peccati venialis, & cum eo incompossibilis. In hac autem assignanda duplici via incedunt Theologi. Aliqui enim volunt, hanc esse gratiam habitualement, non quidem secundum suam substantiam; sed ratione alicuius modi, & perfectionis sibi superadditæ, quæ expellit, non solum mortalia, sed & venialia. Nec novum est, formam, quæ secundum substantiam est composibilis cum alia, fieri cum illa incompossibilem, si ulteriori modo perficiatur. Sic calor secundum substantiam composibilis est cum frigore: si tamen ulterius intensiori modo perficiatur, frigiditatem prorsus excludit. Sic habitus scientiæ genitus per primam demonstrationem, componitur cum habitu erroneo circa decimam; quem

tamen errorem idem habitus excludet, si ad decimam extendatur: quæ extensio fit per modum aliquem dicto habui accrescentem. Sic gratia habitualis viæ compatitur cum fide; quam tamen eadem, cum fuerit consummata, excludit. Sic gratia, quæ modò componitur cum fomite, illum in statu innocentiae excludebat, ratione cuiusdam perfectionis, & modi, quo tunc pollebat, & modò caret.

Ratio autem hujus est. Quia sicut dilectio Dei super omnia tantum potest crescere, ut diligitur Deus super omnia non solum graviter cum offendit, sed etiam super omnia eum vel leviter offendit: sic gratia, cujus dilectio Dei super omnia est ultima dispositio, & quæ est animæ mundities, tantum potest intra propriam speciem perfici; ut excludat immunditiam non solum mortalem, & gravem, sed etiam venialem, & levem.

Alii volunt, formam deletivam peccati venialis non esse gratiam sanctificantem, sed aliquem actum supernaturalem: sive sit dilectionis Dei, sive contritionis, sive etiam attritionis. Quod deducunt ex D. Tho. 3. p. q. 87. a. 2. ad 1. ubi ait: *Quid etiam remissio venialium est effectus gratiæ, per actum scilicet, quem de novo elicit, non autem per aliquod habituale de novo animæ infusum.* Et art. 4. ad 2. his verbis: *Licet ad remissionem peccati venialis non requiratur nova infusio habitualis gratiæ; requiritur tamen aliquis gratiæ actus, qui non potest esse in eo, qui subiacet peccato mortali.* An verò prædictus actus sit dispositio ad remissionem venialium, an verò forma remissiva illorum; hic examinare non vacat: Cohærenter tamen ad dicta crederem, formam remissivam venialium esse gratiam justificantem, mediante tamen tali actu, non secundum se sumtam.

DUBIUM VI.

An possit Remitti unum Peccatum Mortale, non remissis omnibus?

§. I.

Resolutio Dubii.

IN opinione eorum, qui tenent, peccata mortalia per extrinsecam condonationem remitti posse, responderi possent affirmativè. Quia tùm in hac sententiâ sola voluntas Dei sit forma extrinsecè condonans peccatum; possit Deus velle, hoc peccatum in particulari non existere, nihil volendo de aliis, sed merè negativè se habendo: sicque remitti illud, & non cætera. Idem dicendum videretur in sententiâ, quâ dicitur, gratiam non expellere peccatum ex natura rei, seu ex impossibilitate cum illo; sed tantùm ex lege, & pacto Dei: possit enim Deus talem legem ferre pro uno, & non pro aliis peccatis. Quare quaestio procedit in sententiâ, quam inferius statuemus, volente, Deum remittere peccatum per formam intrinsecè, & ex natura rei impossibilem cum peccato. Et quaestio procedit, non de facto; quia sic certum est, non remitti unum mortale, quin cætera, saltem indirectè remittantur, ut dicemus: sed de possibili, attentâ absolutâ potentiâ Dei.

II. Dico. Neque attentâ absolutâ potentiâ Dei potest unum peccatum mortale remitti, non remissis omnibus, quæ in subiecto sunt. Assertio hæc primò deducitur ex D. Thoma 3. p. q. 68. a. 4. ubi hæc habet: *Nullus autem habens voluntatem peccandi simul potest à peccato mundari . . . quia hoc esset ponere, contradictoria esse simul*: sed ille, cui Deus remitteret unum peccatum mortale, non remissis cæteris, adhuc retineret voluntatem peccandi; ergo poneret contradictoria simul.

Secundò. Idem expressè resolvit eâ-

dem 3. p. q. 86. a. 3. cuius rationes sunt. Prima. Remissio peccati intelligi nequit sinè infusione gratiæ habitualis, ut vidimus: sed, ut videbimus, gratia est impossibilis cum omni peccato mortali, adhuc divinitus; ergo uno peccato per gratiam remisso debent remitti cætera: aliàs gratia esset composibilis cum peccatis non remissis. Verba S. Tho. sunt: *Peccatum remittitur, inquantum tollitur Dei offensâ per gratiam: unde . . . nullum peccatum potest remitti sinè gratiâ. Omne autem peccatum mortale contrariatur gratiâ, & excludit eam: unde impossibile est, quod unum peccatum sinè alio remittatur.*

Altera ratio est: *Peccatum mortale non potest sinè verâ penitentiâ remitti, ad quam pertinet deferre peccatum, inquantum est contra Deum; quod quidem est commune omnibus peccatis. Ubi autem est eadem ratio, & idem effectus: unde non potest esse verè penitens, qui de uno peccato penitet, & non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem verâ penitentiam) sequeretur, quod de omnibus peccatis peniteret. Ergo sequitur, quod impossibile sit, unum peccatum per penitentiam remitti sinè alio.*

III. Probat uteriùs hoc discursu. Dicere, quod unum peccatum mortale possit remitti, aliis manentibus, est dicere contradictoria; nimirum, quod eadem anima sit viva, & mortua: viva per gratiam remissionem unius peccati; & mortua per cætera peccata manentia, quæ sunt mors animæ, eamque privant vitâ spirituali: sicut ergo idem non potest esse vivum, & mortuum vitâ naturali: ita neque potest eadem anima esse grata, per peccatum remissum, & esse simul in peccato. Unde quemadmodum unio hypostatica, quia ex essentia suâ habet impossibilitatem cum omnibus peccatis, nequit unum expellere, quin expellat alia: & quemadmo-

modum lumen gloriæ, si facit videre unum prædicatum divinum, facit videre omnia, quia eadem ratio visibilis est in omnibus. Ita gratia, semel expellens unum peccatum, debet omnia expellere, quia eadem est ratio de omnibus, aliàs expelleret, & non expelleret.

§. I I.

Rationes Contrariae.

IV. **A**rgues primò. Eorum, quæ invicem connexa non sunt, unum potest auferri sine alio: sed peccata invicem non sunt connexa, unde unum potest esse sine alio; ergo unum eorum potest auferri sine alio. Quia ratione potest, unum peccatum veniale remitti, sine alio.

V. Respondeo cum D. Tho. citat. 3. p. 4. q. 86. a. 3. ad 3. dist. min. Non sunt connexa ex parte conversionis ad bonum commutabile, co. min. Ex parte aversionis à Deo, nego min. Peccata (inquit S. D.) *quævis non sint connexa, quantum ad conversionem ad bonum commutabile; sunt tamen connexa, quantum ad aversionem à bono incommutabili, in qua conveniunt omnia peccata mortalia: & hac ratione non potest unum remitti alio non remisso; quia quocumque remanente, semper remaneret aversio.*

Potest quidem unum peccatum veniale remitti, alio non remisso; quia est aliquem defectum dicant in conversione ad ea, quæ sunt ad finem, nullam tamen aversionem dicunt à fine. Unde D. Tho. in 4. dist. 16. q. 2. a. 1. quæst. 2. ait: *Peccata autem mortalia, quævis non habeant connexionem ex parte conversionis, habent tamen connexionem ex parte aversionis quia ab uno incommutabili bono aversione; & ideo unum sine alio remitti non potest, cum remisso culpa magis respiciat per oppositum aversionem, quam conversionem: quia culpa remittitur per*

Tom. IX.

restitutionem ad illud, à quo culpa separavit. Venialia autem non habent connexionem, neque quantum ad conversionem, neque quantum ad aversionem; quia in eis nulla est aversio à fine, etsi sit aliquis defectus in actu eorum, quæ expediunt ad finem: & ideo potest, unum veniale sine alio dimitti.

VI. Sed dices. Ei, qui displicet Deo, peccatum non remittitur: sed tamen displicet Deo venialiter peccans, quam peccans mortaliter; ergo sicut, quamdiu manet unum mortale, aliud non remittitur; ita nec, quandiu manet unum veniale, aliud remitti poterit. Vel si remitti potest veniale, alio manente, cur non etiam mortale?

VII. Respondet D. Thom. in quarto loco mox citato ad 3. discrimen esse: quod peccatum mortale ita Deo displicet, quod etiam faciat ipsum peccantem Deo displicentem; inquantum pulchritudinem gratia, quam Deus in ipso amat, auferi. Sed peccatum veniale, quamvis Deo displiceat, quia inordinatum est; non tamen facit peccantem Deo displicentem, quia non auferitur claritas gratia, sed quodammodo obnubilatur, inquantum ejus processus ad exteriora impeditur. Et ideo Gregorius dicit, quod peccatum veniale obscurat, sed mortale obtenebrat: & propter hoc unum peccatum veniale non impedit, quin aliud remittatur, quamvis mortale unum impediatur remissionem alterius.

VIII. Argues secundò. Peccata sunt ad modum debiti, unde Deo dicimus: *Dimitte nobis debita nostra*: sed homo quandoque dimittit unum debitum sine alio; ergo & Deus potest dimittere unum peccatum sine alio.

IX. Respondeo ex D. Tho. 3. p. 4. q. 86. a. 3. ad 4. Quod: debitum exteriori rei, puta pecunia, non contrariatur amicitia, ex qua debitum remittitur: & ideo potest unum dimitti sine alio. Sed debitum culpa contrariatur amicitia: & ideo una culpa, vel offensæ non remittitur sine alterâ; ridiculum enim videtur, quod etiam ab homine aliquis veniam peteret de una offensâ, & non de alia.

FF

X. Ar.

X. Argues tertio, & replicabis. Nihil prohibet, quòd Deus diligat hominem, quantum ad unum, & sit ei offensus, quantum ad aliud: diligit enim peccatorem, quantum ad naturam, odit autem eum, quantum ad culpam; ergo potest eum diligere, dimittendo illi unum peccatum, & non aliud.

XI. Respondeo eum D. Tho. loco mox citato ad 5. cone. anteq. negan. conseq. & disparitas est. Quia dilectio, quâ Deus diligit hominis naturam, non ordinatur ad bonum gloria, à quo impeditur homo per quodlibet peccatum mortale; sed purè sitit in voluntate, quâ vult homini bona naturalia: quæ benè componitur eum voluntate excludendi illum, propter peccatum, à Regno gloriæ: & sic benè stat, Deum amare naturam, & odio habere peccatum. At dilectio, quâ remitteret unum peccatum, ordinaret hominem illum ad bonum gloriæ: quia dilectio gratia, per quam fit remissio peccati mortalis, ordinat hominem ad vitam æternam, secundum illud Rom. 6. Gratia Dei vita æterna. Odium autem, quo illum prosequeretur propter alia peccata, excluderet illum à bono gloriæ. Cumque non possit componi, quòd unus homo simul sit ordinatus ad gloriam per remissionem unius mortalis, & simul exclusus ab illa propter alia mortalia non remissa: repugnat, quòd Deus remittat ei unum peccatum, & sic diligat illum, & sit ei offensus, & non diligat quantum ad aliud.

XII. Neque est similis ratio de homine prædestinato existente in mortali; qui ratione prædestinationis efficaciter ordinatur ad gloriam, & per peccatum, in quo est, excluditur à gloria — Nam prædestinatio æterna, cum nihil ponat in Prædestinato, ante tempus præfixum executioni ejus; relinquit pro omni tempore antecedente subiectum indifferens ad gratiam, quâ intrinsicè ordinetur ad gloriam; & ad peccatum, quo intrinsicè ordi-

netur ad gehennam. Et ideo pro diverso tempore, & diverso modo Prædestinatus ordinatur ad gloriam, nempe, extrinsecè, & pro tempore futuro; & ordinatur ad gehennam ratione peccati intrinsicè, & pro tempore præsentis: quæ non repugnant, cum executivè non sint simul. At gratia, quâ removetur peccatum, si non omnia, remitteret, pro eodem tempore ordinaret intrinsicè hominem ad gloriam; & simul, per alia non remissa, intrinsicè ordinaretur ad gehennam: quæ duo, cum sint ejusdem de eodem, repugnant.

XIII. Quæres: An ex pluribus peccatis mortalibus aliqua remitti possint directè, aliis solum indirectè remissis?

Respondeo affirmativè cum omnibus Theologis moralibus. Si enim quis ex pluribus peccatis, quæ habet, confiteatur omnia, quæ factâ debitâ diligentia sibi memoriæ occurrunt, & retineat unum, aut plura: tunc ex vi Sacramenti omnia remittuntur, eum hoc discrimine, quòd peccata confessæ remittuntur directè, oblita autem naturali oblivione solum indirectè. Et ratio est: quia gratia collata per Sacramentum est incompositibilis non solum cum directè confessis; sed etiam eum omnibus aliis peccatis, quæ sunt in subiecto, sive confessis, sive non. Quæ tamen peccata dicuntur indirectè solum remitti; non quia immediatè non remittantur per gratiam, sicut confessæ: sed quia, eum penitens est doli doleat, & intendat, omnia peccata sua exponere; quia tamen solum intendit absolvi à confessis, quæ ponit tanquam materiam Sacramenti, non autem ab aliis, quæ ignorans de facto non exposuit, nec per se materiam Sacramenti fecit: ideo ex una parte remissionem obtinet etiam ab omnis, sed solum indirectè.

Eadem quoque ratione, si quis habens peccata reservata, & non reservata, & non habens eopiam alterius Sacerdotis, confiteatur omnia Sacerdoti non habenti potestatem absolvendi à reservatis; absolvetur indirectè etiam à re-

à reservatis, cum obligatione tamen confitendi coram Sacerdote, legitimam potestatem habenti, eum à præfatis absolvendi. Sed hæc præfatis Tractatus materia non sunt.

DUBIUM VII.

An Gratia ex Natura rei opponatur cum Peccato Mortali.

§. I.

Resolvitur Dubium.

I. **S** COTUS cum suis putat, gratiam non expellere peccatum ex natura sua, sed ex lege, & institutione, quâ decrevit Deus ad præsentiam gratiæ condonare peccatum: ita ut nulla vis fieret gratiæ, si Deus, illâ positâ, peccatum non condonaret. Scito accedunt aliqui Recentiores, volentes, gratiam, & peccatum non opponi quidem tanquam duas formas contrarias, & neque solum ex lege Dei; sed ex morali quadam repugnantia, quâ dedecet, gratiam ob sui excellentiam habitare in eodem subiecto simul cum peccato; eâ ratione, quâ dedecet, collocare dignitatem Regiam in subiecto plebejo.

II. Communius tamen censent Theologi, ex natura rei gratiam opponi cum peccato; sed disconveniunt: aliqui enim volunt, opponi solum moraliter, quia peccatum quiddam morale est: alii verò etiam physicè: Quidam demum volunt, opponi sic, ut licet coniungi non possint peccatum, & gratia de potentia ordinariâ; coniungi tamen possint de potentia absolutâ: alii verò negant, de potentia absolutâ Dei coniungi posse. Rem hanc nos præfenti, & sequenti dubio resolvemus.

III. Dico. Gratia habitualis ex natura rei physicè opponitur cum peccato. Probo primò. Nam, ut supra vidimus ex Tridentino *Sess. 6. c. 7.* Gratia est unica causa formalis nostræ justificationis, quâ remittuntur nobis

peccata, renovamur, & sanctificamur: sed quoniam per modum causæ formalis expellit peccatum, renovat, & sanctificat, opponitur ex natura rei cum peccato, quod est, vel involvit privationem renovationis, & sanctitatis: quemadmodum lux ex natura rei opponitur tenebris, & una forma alteri sibi contrariæ; ergo &c.

IV. Confirm. primò. Ex eodem Conc. *Sess. 5. de Pecc. origin. Can. 5.* damnatur, qui non asserit, per gratiam tolli totum id, quod veram, & propriam rationem peccati habet: at si gratia vi suâ non tollit peccatum, sed potius Deus ad præsentiam gratiæ, iam gratia non est, quæ peccatum tollit, sed Deus; ergo &c. — Si dicas, Deum tollere per modum causæ efficientis; non formalis — Contra. Ergo cum ad tollendum peccatum, solum concurrant Deus, & gratia; Deus efficienter, & gratia per modum causæ formalis: iam gratia erit unica causa formalis ex natura sua peccatum expellens.

V. Confirm. secundò. Ut constet ex locis ex Trident. prolatis, gratia nobis intrinsicè inhærens est vera iustitia, quâ iusti sumus, atque de iniustis constituimur iusti; est insuper vera, & intrinseca sanctitas, quâ sancti sumus: sed vera iustitia, & vera sanctitas dicere debet ex natura rei oppositionem cum peccato mortali, quod est formalis iniustitia, & malitia; ergo &c.

VI. Prob. secundò Assertio. Moralitè illa indecentia, qua dicunt quidam, gratiam expellere peccatum, non sufficit, ut verificetur, gratiam esse unicam causam formalem nostræ justificationis, ut docet Tridentinum. Licet enim sufficiat, ut Deus possit ex illa indecentiâ moveri ad delendum peccatum; deletio tamen illius est novus favor, qui absque aliquâ violentiâ factâ gratiæ posset à Deo, etiam de lege ordinariâ, denegari, & peccatum nolle delere; ergo gratia non erit, causa formaliter justificans, sed

FF 2 potius

potius novus ille favor; non autem pura conditio, ut Adversarii dicunt. Nam ab eo esset vis expulsiiva peccati, non à gratia, quæ potius esset conditio: & sic sequeretur, de facto per solum favorem Dei extrinsecum formaliter peccata remitti, quod adversus hereticos supra negavimus.

VII. Urgeo hoc magis. Forma adæquata communicata subiecto capaci communicat ei, de lege ordinariâ, effectum suum tam primarium, quam secundarium; ergo vel gratia non est causa adæquata, & unica justificationis, quod est contra Concilium; vel semel subiecto communicata illud adæquatè justificat, ab eo removendo peccatum. Quis enim diceret, quod anima est unica, & adæquata causa formalis dans vitam corpori; si eâ corpori communicatâ, aliquid aliud expectandum esset, ut daret vitam, & formam contrariam expelleret?

VIII. Præterea: cum ad favorem extrinsecum dimittendi peccatum moveatur Deus immediatè à satisfactione, & meritis Christi, magis quàm ab excellentia gratiæ: cur si gratia, quæ movet Deum, juxta Adversarios dicitur causa formalis, hoc itidem non erunt merita Christi, quæ fortius movent Deum ad dimittenda peccata? Imò cum etiam excellentia fidei possit movere Deum ad remittendum peccatum; ne cum fæditate peccati habiter donum illud supernaturale: cur non poterit etiam dici, fidem excellentem esse causam formalem justificationis?

S. I I.

Contraria Fundamenta.

IX. **P**rimò conantur Scotistæ adducere pro se Tridentinum, *Sess. 6. c. 7.* dicens, justificationem non esse solam remissionem peccatorum, sed sanctificationem, & renovationem interioris hominis; ergo, inquit, remissio peccatorum est distinctus favor à renovatione interiori per gratiam.

Rursus: idem Concilium dicit, gratiam non esse solum favorem extrinsecum ibi *Can. 21.* ergo favorem Dei non, excludit, sed requirit, licet non solum.

X. Respondeo, hæc levissima esse. Nam ad 1. dico, Tridentinum docere, justificationem non esse solam remissionem peccatorum, sed interiorem renovationem, intendens, ad justificationem utrumque requiri contra hæreticos: quorum quidam negabant, peccata per eam dimitti; alii, hominem interiùs per eam renovari: non verò quodd unum sit favor distinctus ab altero. Imò utrumque per gratiam præstari, subjungit, dum ait: *Per voluntariam susceptionem gratiæ, & donorum.* Quasi diceret, voluntariâ susceptione gratiæ, & donorum homo à peccato solvitur, & interiùs renovatur.

Ad secundum dico, favorem Dei ad justificationem requisitum, esse indistinctum à voluntate Dei infundendi gratiam.

XI. Secundò objiciunt. Peccatum habituale est aliquid morale: quia ex peccato actuali nil physicum relinquitur in anima, nisi habitus vitiosus; qui tamen peccatum habituale non est, vel privatio gratiæ, quæ absque peccato dari potest; ergo gratia ei physicè non opponitur: quia enim morali non potest opponi ens physicum, cum sint diversi ordinis. Tum quia: oppositio est juxta naturam oppositorum.

XII. Confirmatur. Peccatum actuale solum moraliter, id est, demeritorie expellit gratiam; ergo & habituale, ex ipso relicto; ergo quodd expellat gratiam, est ex voluntate Dei punientis: quodd enim demerito de facto poena respondeat, sicut merito præmium, ex voluntate punientis, vel præmiantis est.

XIII. Respondeo primò, neg. ant. ad prob. dico, quodd etsi privatio, seu earentia gratiæ sine peccato esse possit; voluntaria tamen privatio gratiæ,

cx

ex peccato actuali relicta peccatum habituale est. — Deinde dato ant. nego conf. Nam formæ, etsi diversi ordinis, si præstent effectus impossibiles, ex natura rei opponuntur. Oppositio autem est juxta naturam oppositorum, non absolute sumtam; sed ut una repugnat alteri: cumque natura gratiæ ex natura suâ naturæ peccati repugnet; ideo dici possunt opponi physice, si non philosophice, saltem theologicè, ut oppositio physica condistinguitur à pure morali.

XIV. Ad Confirm. respondeo primò, peccatum actuale mortale expellere demeritoriè gratiam, quantum ad sufficientiam; quia habet condignitatem sufficientem, ut Deus in pœnam illius auferat gratiam; si aliunde connexio essentialis peccati cum carentia gratiæ non obstaret: quia tamen hæc obstat, ideo quoad efficaciam demeritoriè non expellit, sed ex natura sua.

Secundò, omisso antec. nego conf. Ad probationem, dist. antec. Pœna, quæ est purè pœna, conc. antec. Pœna, quæ simul est effectus, nego ant. Admissio ergo, quòd peccatum actuale demereatur gratiæ conservationem; adhuc tamen ablatio gratiæ est inseparabilis à peccato actuali: quia talis ablatio, licèt, pro ut est à Deo, habeat rationem pœnæ; ut tamen inducitur à peccatore, per appositionem formæ oppositæ, est effectus peccati: & sic cum non sit tantum pœna, sed etiam effectus, est ex natura rei inseparabilis. Sicut quia in eo, qui voluntariè sibi eruit oculos, cæcum manere, & est pœna, & simul effectus eruitionis oculorum; non videre, est pœna inseparabilis ab illa. Cum ergo peccator peccando ponat obstaculum conservationi gratiæ per aliquid non purè moraliter, sed ex natura rei illam impediens; ex tali positione necessitatur Deus ad suspendendum concursum ad gratiam: sicut per interpositionem corporis opaci, necessitatur Sol ad cessandum ab illuminatione.

XV. Tertiò obijciunt. Gratiæ ha-

bituali non potest esse debita ex natura rei remissio peccati; Quod probò. Nam gratiæ habituali non potest esse ex natura rei debitus effectus, superans in æstimatione morali præstantiam illius; aliàs effectus ille in ea non contineretur: cum effectus nobilior non possit contineri in causa minus nobili. Unde quia unio hypostatica est donum superans in excellentia morali omnem qualitatem creatam supernaturalem, non est possibilis qualitas creata, cui talis unio ex natura rei debeat; sed remissio peccati superat in æstimatione morali præstantiam gratiæ; ergo nequit remissio peccati ex natura rei &c.

XVI. Respondeo, dist. min. Remissio peccati, ut est faciendâ ratione, puræ oppositionis, & impossibilitatis cum illo, superat &c. nego min. Ut faciendâ per exhibitionem obsequii adæquantis ejus gravitatem, conc. min. & dist. conf. eisdem modo. Itaque de remissione peccati possumus dupliciter loqui. Primò de illa, ut faciendâ de rigore justitiæ, intuitu satisfactionis adæquantis gravitatem peccati: & hoc modo fatemur, quòd superat vires gratiæ, & cujuscumque puræ creaturæ, quamvis Scotus id neget. Alio modo de remissione faciendâ per puram positionem formæ cum illo impossibilis; formæ inquam positæ, non à creatura, sed à Deo: & hoc modo dicimus, remissionem peccati sequi ex natura rei ex positione gratiæ, tanquam effectum ejus, saltem secundarium. Et insto in exemplo adducto. Nam unio hypostatica certè est majoris dignitatis quàm sit gravitatis peccatum: & tamen per unum peccatum etiam veniale destruitur.



DU.

DUBIUM VIII.

An de Potentia Dei Absolutâ fieri possit, ut sibi coexistent in eodem Subiecto Peccatum, & Gratia?

§. I.

Resolutio Dubii.

UT magis explicetur oppositio gratiæ cum peccato, ponimus hoc dubium: eò vel magis, quia aliqui eò nobiscum sentiant, peccatum, & gratiam ex natura rei opponi; tenent tamen, de potentia absolutâ posse simul coexistere.

I. Dico ergo. Nullâ Dei potentiâ fieri potest, ut gratia, & peccatum mortale simul coexistent. Hæc conclusio in sententia constituyente peccatum habituale in privatione gratiæ, negari non potest: gratia enim est essentialiter impossibilis cum sua privatione, sicut lux cum tenebris. Idem dicendum est, licet privatio gratiæ non sit adæquatum constitutivum peccati: dummodo sit, vel constitutivum inadæquatum, vel prædicatum essentialiter prærequisitum ad existentiam peccati. Et ratio est: nam peccatum nequit etiam de potentia Dei absolutâ existere sine prædicato illi essentiali, vel essentialiter prærequisito ad existentiam illius; ergo si privatio gratiæ est constitutivum, saltem inadæquatum, peccati habitualis, vel prærequisitum essentiali ad existentiam illius, sine tali privatione nequit peccatum existere. Cæterum quia de constitutivo peccati habitualis non una est omnium sententia: ideo

II. Probatur primò sic. Esse sanctum, & simul esse peccatorem sunt duo impossibilia, etiam de potentia Dei absolutâ: quia esse sanctum, est esse objectum amoris; esse peccatorem, est esse objectum odii Dei; ergo gratia, quæ est perfecta sanctitas,

& peccatum, quod est summa malitia, nequeunt &c. Ex impossibilitate enim effectuum deducitur impossibilitas formarum: quia enim odio habere, & amare idem formale objectum, effectus impossibiles sunt; impossibilia etiam sunt in eodem subiecto amor, & odium ejusdem formalis objecti.

III. Explicatur magis, & prævenitur responsio. Licet forma possit communicari subiecto incapaci, & illi non communicare effectum suum, præsertim si non sit primarius, & positivus; quâ ratione gratia habitualis communicata Christo, ipsum non facit filium adoptivum; & Persona divina communicata naturæ irrationali, illam non sanctificaret. Si tamen forma communicetur subiecto capaci, non potest ei non communicare effectum suum formalem, maxime si sit primarius, & positivus: quia effectus formalis est ipsa forma ut communicata. Quare si naturæ rationali, quæ capax sanctitatis est, uniretur Persona divina substantialiter, non posset illam non sanctificare, quamvis in illa præcessisset peccatum. Et quia homo capax est amoris, & odii, etiam per impossibile Deus in eodem subiecto conservaret amorem, & odium ejusdem objecti, non posset impedire, ne utrumque suum effectum illi subiecto præstaret: sed homo est capax effectus positivi, tum gratiæ, tum peccati; ergo &c.

Unde sic discurro. Amor, & odium ejusdem formalis objecti impossibilia sunt de potentia absolutâ Dei; quia eorum effectus formales impossibiles sunt, & subiectum utriusque effectus capax est: sed effectus positivi gratiæ, & peccati, de potentia absolutâ in compossibiles sunt, & homo utriusque capax est; ergo &c.

IV. Probatur secundò ratione speciali. Gratia, & peccatum naturaliter se expellunt; ergo repugnat etiam de potentia Dei absolutâ, quod posita gratia non destruat peccatum in subje-

subjecto. Antec. modò supponitur: conf. verò probatur. Quod naturaliter ab aliquo expellitur, & aliàs in. conservari non dependet ab influxu positivo Dei; non potest in præsentia oppositi illud expellentis à Deo, etiam de potentia absolutà, conservari: si enim frigiditas non dependeret in conservari à Deo; implicaret, etiam de potentia Dei absoluta, quòd posito calore cum illa naturaliter in. compossibili, frigiditas in subjecto conservaretur: sed peccatum, & gratia ex natura rei naturaliter invicem se expellunt, & peccatum in conservari non dependet à Deo; ergo implicat, quòd posita gratià &c. Alioquin si Deus, posita gratià naturaliter destruat peccati, vellet, peccatum adhuc perseverare, impediendo destructionem illius; indicaret, se habere specialem complacentiam in existentia peccati: sicut si ad præsentiam caloris vellet conservare frigiditatem in subjecto; id non faceret, nisi ex speciali amore erga existentiam frigiditatis. Cum autem in Deo non possit concipi specialis amor erga existentiam peccati; nequit concipi, quòd posita gratià vellet illud conservari, impediendo, ne à gratia destruat.

V. Neque dicas, quòd tunc peccatum in esse permaneret, Deo non positivo influente, sed solum permittente, seu non condonante illud. — Nam contra est. Quoties Deus tantum permittit concurrat, dari debet alia causa positiva concurrentis: sed in præsentia casu non daretur alia causa positive concurrentis; quia creata voluntas, quæ sola positive posset influere in existentiam peccati, potius ex parte sua, per gratiam, conaretur ad ejus destructionem; ergo solus Deus esset, qui vellet conservari peccatum, & quidem positive. Quæro enim, dum Deus dicit: permitto, quòd conservetur peccatum. Vel hic est sensus: permitto, quòd conservetur, nullo conservante; & hoc est impossibile extra Deum. Vel est sensus: permitto, quòd

conservetur à peccatore; & tunc peccator deberet influere in peccati conservationem. Vel est sensus: permitto, quòd à me conservetur; & tunc ipse Deus est, qui peccatum vult, & conservat; ergo quando peccator non influit in conservationem peccati, quomodo non influit, quando est in gratia; implicat, quòd Deus permittit, concurret ad ejus conservationem, quin concurret etiam positive.

§. I I.

Solvuntur Rationes Contraria.

VI. Primò obijciunt. Potest Deus duo contraria in gradu intenso simul conservare in eodem subjecto; ergo etiam gratiam, & peccatum.

VII. Respondeo, dato antecedente, cujus oppositum probabilius iudico, neg. conf. Cujus evidens datur disparitas. Quia cum duo accidentia contraria Dei voluntate fiant; potest velle, utrumque conservare, & facere, ne unum destruat aliud, ex speciali affectu erga existentiam illius. At cum peccatum Dei voluntate positivè non fiat; ideo non potest illud in præsentia gratiæ conservare: si enim hoc faceret, indicaret specialem affectum erga existentiam peccati, ut dictum est.

VIII. Dices. Potest Deus habere, hoc decretum efficax: volo, ut in instanti B. habeas gratiam, sive habeas peccatum, sive non; ergo si homo in eo instanti peccet, habebit gratiam, & simul peccatum, proprià voluntate, non Dei.

Respondeo, neg. ant. Tale enim decretum est impossibile, sicut istud: volo, ut simul sis sanctus, & peccator: Filius Dei, & damnationis: dignus vitæ æternæ, & morte æternæ.

IX. Secundò obijciunt. Potest Deus, hominem existentem in peccato acceptare ad gloriam. — Si respondeatur, dist. ant. Ad gloriam dividendam à peccato, con. ant. Ad gloriam conjugendam cum peccato, nego ant.

X. In-

X. Instabis. Acceptatio ad gloriam fit per gratiam; ergo si potest homo conjugere cum peccato acceptationem ad gloriam, poterit conjugere gratiam cum peccato.

XI. Respondeo, dist. ant. Acceptatio intrinseca ad gloriam faciens hominem filium Dei adoptivum, & dans illi jus intrinsecum ad hereditatem gloriæ, fit per gratiam, conc. ant. Sed huiusmodi acceptatio nequit conjugi cum peccato. Acceptatio extrinseca, nempe, Dei voluntas ordinans extrinsecè hominem ad gloriam, tempore statuto habendam, fit per gratiam, nego ant. Talis autem acceptatio ad gloriam hominis existentis in peccato, sicut non dicit gloriam de præsentis, sed de futuro; ita nec dicit gratiam pro instanti, quo acceptatur, seu extrinsecè ordinatur ad gloriam, sed pro futuro, quo gloriam acquirit.

XII. Tertiò obijciunt. Primarius effectus gratiæ non est, excludere peccatum; ergo illud essentialiter non excludit. Ant. probatur. Primarius effectus gratiæ solum est, quòd sit radix donorum supernaturalium; & quòd ex quadam decentiâ habeat sibi annexam remissionem peccatorum.

Secundò. Ad non esse peccati, ultra effectum primarium gratiæ, requiritur actio Dei remissiva peccati: sed hanc, positâ gratiâ, potest Deus liberè suspendere: quod enim est finitæ bonitatis, non potest obligare Deum, ut destruat id, quod est gravitatis, & offensæ infinitæ.

XIII. Respondeo ad primum, neg. ant. Ad ejus prob. nego iterum ant. Effectus enim primarius gratiæ est, quòd faciat nos participes divinæ naturæ, Deo gratos, dignos vitæ æternæ, & obiectum congruum divinæ dilectionis: cum quo stare nequit effectus formalis peccati, ut vidimus.

Ex quo sequitur, quòd non præcisè ex quadam decentiâ, sed ex essentiali impossibilitate inferat non esse peccati. — Quòd si dicas. Sicut gratia infert in hominem non esse peccati;

ita in eodem infert esse donorum supernaturalium: sed non implicat, esse gratiam, & non esse adhuc dona supernaturalia; ergo etiam non implicat, quòd sit gratia, & actu sit peccatum. — Responderetur enim, neg. maj. Nam dona supernaturalia inferuntur à gratia in genere causæ efficientis, cui potest à Deo suspendi effectus; non esse autem peccati est à gratia in genere causæ formalis, cui communicatæ subiecto capaci non potest suspendi effectus.

Præterea: ex quo, stante gratiâ, impedirentur dona supernaturalia, non sequeretur aliqui Deo repugnans: ex quo autem, positâ gratiâ, adhuc conservaretur peccatum, sequeretur, peccatum specialiter conservari à Deo, quod repugnare ostendimus.

XIV. Ad secundum, nego maj. Ipsa enim actio, quâ Deus communicat gratiam peccatori, est formalis deletio peccati, & destructio offensæ. Est autem bonitas finita nequeat obligare Deum ad remittendam offensam infinitam, per modum moralis satisfactionis; Deus tamen sibi ipsi obligatur, dum ponit formam cum peccato essentialiter impossibilem, ut offensum est. Et hæc instantia nullum habet robur in sententia Societatis. Nam nostra libertas non minus est bonitas finita, imò magis, quàm gratia: & tamen, suppositâ nostrâ libertate, Deus sine decreto suo decernente unum præ alio necessitat ad concurrendum ad hunc actum præ alio, etiamsi sit peccatum, quin amittat dominium; ergo etsi sit Dominus, supposito tamen, quòd gratiam exigentem remissionem peccati dare voluerit, absque læsione sui domini tenebitur peccatum dimittere.

XV. Quartò obijciunt. Omne principium, concurrens ad aliquam actionem liberam, debet esse compossibile, cum quolibet extremo, vel contradictionis, vel contrarietatis; principium enim liberum debet esse indifferens ad unum, & oppositum ejus: sed gratia est principium nostrorum actuum libe-

rorum

rorum in ordine supernaturali; ergo debet esse compatibilis cum observantia præcepti, vel omissione illius: hæc autem est peccatum; ergo &c.

XVI. Respondeo, hanc instantiam probare nimis, scilicet, quoddam etiam de lege ordinaria gratia stare possit cum peccato. Dico ergo, majorem esse veram de principio concurrente concursu potentia: non autem de principio concurrente per modum determinativi potentia. Primum verum est: quia intra objectum potentia comprehenduntur tam agere, quam non agere, tam agere bonum, quam malum. Secundum verò falsum est: quia principium determinativum potentia, etsi liberæ, ad bonum, non debet esse compatibile cum utroque extremo; quia potest esse, quoddam unum extremum sit destructivum illius. Sic autem se habet gratia; quæ cum non sit verè potentia, sed potius habitus, & determinatio potentia ad bonum supernaturale, est incompossibilis cum malo moraliter. Et pono exemplum in diaphano, & luce: est enim diaphanum, quod est potentia, sit conjugibile cum illuminatione, & non illuminatione; lux tamen, quæ est determinatio diaphani ad illuminandum, talem indifferentiam habere non potest.

Salvatur tamen adhuc libertas: quia habens gratiam potest absolute non implere præceptum, & peccare; est non possit conjugere peccatum cum gratia. Quia, ut scribit S. Joann. Ep. 1. c. 3. v. 9. *Omnis, qui natur est ex Deo, peccatum non facit, quoniam semen ipsius in eo manet, & non potest peccare, quoniam ex Deo natur est.*

XVII. Quintò obijciunt. In instanti, quo homo iustus peccat, habet potentiam ad merendum de condigno, per observantiam præcepti supernaturalis: sed potentia ad merendum non datur sine gratia; ergo &c.

Respondeo, neg. maj. Ex illo enim instanti, quo homo iustus peccat, & peccatum primò existit; incipit primum non esse gratia, & primum non

esse potentia proximæ ad merendum. Nec tamen immunis est à peccato: quia est talem potentiam proximam non habeat; eam tamen haberet, nisi suâ culpâ se privasset peccando.

XVIII. Sed dices. Peccatum in instanti, in quo primò existit, expellit gratiam: non gratiam, quæ non est, hæc enim non expellitur; ergo gratiam, quæ in eodem instanti est; ergo gratia cum peccato existit.

XIX. Respondet simili instanti S. T. Q. 23. de Verit. a. 2. ad 9. Cum enim opponeretur: *Si gratia removel culpam, aut gratia, quæ est, aut gratia, quæ non est: non autem gratia, quæ non est, quia quod non est, non facit aliquid.* Respondet: *Dicendum, quoddam gratia, quæ est, & inest, culpam expellit, non eam, quæ est, sed quæ non est, prius autem erat. Non enim expellit culpam per modum causæ efficientis: sic enim, oporteret, quoddam ageret in culpam existentem ad ipsius expulsionem; sicut ignis agit in aerem existentem ad ejus corruptionem: sed expellit culpam formaliter. Ex hoc enim ipso, quod informat subiectum, sequitur, quoddam culpa in subiecto non sit: sicut patet de sanitate, & infirmitate. Hæc D. Tho. de expulsionem peccati per gratiam. Idem dicendum de expulsionem gratia per peccatum. Cum enim hoc expellat gratiam in genere causæ quasi formalis, vel sicut privatio expellit formam; expellit gratiam, non quæ est, sed quæ prius erat, & ex vi peccati primò non est. Sicut infirmitas expellit sanitatem, non sanitatem, quæ est, sed quæ prius erat, & per infirmitatem primò non est. Sed hoc argumentum probaret, peccatum naturaliter existere cum gratia.*



QUÆSTIO II.

De Dispositionibus ad Justificationem.

Explicatis omnibus, quæ ad perfectam intelligentiam justificationis, & gratiæ justificantis necessaria sunt; in examen vocamus dispositiones, quæ homo præparare se debeat ad justificationem: nimirum, an sint, & quænam sint: quod præfenti quæstione peragemus.

DUBIUM I.

An Homo Adultus per Motum Liberi Arbitrii se disponere debeat ad Gratiæ Justificantem?

§. I.

Explicatur Dubium.

Procedit primò dubium de homine adulto, & insuper rationis, & libertatis compotes. Nam infantes, dum baptizantur, accipiunt gratiam justificantem absque ullo motu liberi arbitrii eorum; & idem dico de amentibus, qui nunquam rationis compotes suere. Ita S. Th. hæc 1. 2. q. 113. a. 3. ad 1. dicens: *Pueri non sunt capaces motus liberi arbitrii: & ideo moventur à Deo ad justitiam, per solam informationem animæ ipsorum. Hoc autem non fit sine Sacramento: quia sicut peccatum originale, à quo justificantur, non propria voluntate ad eos pervenit, sed per carnalem originem: ita etiam per spirituales regenerationem à Christo in eos gratia derivatur. Et eadem ratio est de furiosis, & amentibus, qui nunquam usum liberi arbitrii habuerunt. Sed si quis aliquando habuit usum liberi arbitrii, & postmodum eo careat, vel per infirmitatem, vel per somnum; non consequitur gratiam justificantem per Baptismum exterius adhibitum, aut per aliquod aliud Sacramentum, nisi prius*

habuerit Sacramentum in proposito: quod sine usu liberi arbitrii non contingit. Et hoc modo ille, de quo loquitur Augustinus (l. 4. Confess. c. 4.) renatus fuit: quia & prius, & postea Baptismum acceptavit. Ait enim S. August. cum quidam suus amicus laboraret febribus: Jacuit diu sine sensu in sudore lethali: & cum desperaretur, baptizatus est nesciens, & renatus est: quia scilicet Baptismum prius optaverat, & postea acceptavit.

II. Proceat secundò de motibus liberi arbitrii moti à gratia. Certum enim est, ex sæpè dictis contra Pelagium, hominem per solas naturæ vires non posse præparare se, aut disponere ad gratiam, sive actualem, sive habituales, & justificantem; id enim pluribus Scripturæ textibus alibi probavimus: & maxime ex illo Christi Jo. 6. v. 44. *Nemo potest venire ad me, nisi Pater, qui misit me, traxerit eum. Quod v. 65. clariùs exprimens: Nemo (inquit) potest venire ad me, nisi fuerit ei datum à Patre meo. Quod autem venire ad Christum, sit credere in Christum, probat S. August. l. 1. contra duas Ep. Pelag. c. 3. Propterea in Synodo Diospolitana coactus fuit Pelagius fateri, gratiam non secundum merita nostra dari, id est, secundum opera solis naturæ viribus facta. Unde Tridentinum Sess. 6. Can. 3. Si quis (inquit) dixerit, sine præveniente Spiritus Sancti inspiratione, atque ejus adjutorio, hominem credere sperare, diligere, aut punitis posse, sicut oportet, ut ei justificationis gratia conferatur; anathema sit. Quod anathema in Pelagianos prius intulerat August. citato l. 1. contra duas Epist. Pelag. c. 24. his verbis: Sed & Pelagianis non immerito anathema dicimus, qui tam sunt inimici gratiæ Dei... tantumque constituent in libero arbitrio, quo in profundum demersi est homo; ut, eo bene utendo, dicant, hominem mereri gratiam: cum nemo bene illo uti possit, nisi per gratiam, quæ non secundum debitum redditur, sed Deo.*

Deo gratis miserante donatur. De motibus ergo liberi arbitrii gratiâ Dei præveniente excitatis, quærimus: an requirantur tanquam dispositiones præparantes hominem ad justificationis gratiam consequendam.

Lutherus, Calvinus, aliique ex eorum grege volunt, opera justificationem præcedentia, quia facta ab homine adhuc servo peccati, avertere potius, quàm disponere ad justificationem: & propterea hominem, dum justificatur, nihil agere, sed merè passivè velut inanime quoddam instrumentum se habere.

§. I I.

Veritas Catholica.

III. **D**ico. Homo adultus per motus liberi arbitrii divino auxilio moti, & excitati debet se disponere ad gratiam justificationis acquirendam. Est dogma fidei statutum à Trident. Sess. 6. Can. 4. his verbis: *Si quis dixerit, liberum hominis arbitrium a Deo motum, & excitatum nihil cooperari, assentiendo Deo excitanti, atque vocanti, quo ad obtinendam justificationis gratiam se disponat, ac præparet, nec posse dissentire, si velit: sed velut inanime quoddam nihil omnino agere, merèque passivè se habere: anathema sit.* Item Can. 7. *Si quis dixerit, opera omnia, qua, ante justificationem sunt, quâcumque ratione facta sint, verè esse peccata, vel odium Dei mereri; aut quantò vehementius quis mittitur, se disponere ad gratiam, tantò eum gravius peccare: anathema sit.* Et tandem Can. 9. *Si quis dixerit, solâ fide impium justificari; ita ut intelligat, nihil aliud requiri, quod ad justificationis gratiam consequendam cooperetur; & nullâ ex parte necesse esse, cum sua voluntatis motu præparari, atque disponi: anathema sit.* Quibus totum hæreticorum errorem concludit, & damnat.

IV. Probatur autem primò ex Scri-

ptura. Joel. 2. v. 12. *Convertimini ad me in toto corde vestro.* Zachariæ 1. v. 3. *Convertimini ad me.... & convertar ad vos, dicit Dominus.* Conversio autem ista absque motu liberi arbitrii fieri nequit: ut autem sciatur, hunc motum esse à Dei præveniente gratiâ, dicitur Threnorum 3. v. 23. *Converte nos Domine ad te, & convertemur.* Quæ simul conjungens Tridentinum, Sess. 6. cap. 3. ubi de necessitate præparationis ad gratiam justificationis agit: *Unde (inquit) in sacris Literis eum dicitur: Convertimini ad me, & ego convertar ad vos, libertatis nostra admonemur. Cùm respondemus: Converte nos Domine ad te, & convertemur, Dei nos gratiâ præveniri, confitemur.*

V. Hoc docuerat Augustinus passim, maxime Serm. 13. de Verb. Apost. modò Serm. 156. c. 11. ubi exponens illa verba: *Quotquot spiritu Dei aguntur, ii sunt filii Dei*, sic ait: *Dicit mihi aliquis; ergo agimur, & non agimus. Imò & agis, & ageris: & tunc benè agis, si à bono ageris: spiritus enim Dei, qui te agit, agenti adjutor est tibi. Ipsum nomen adjutoris præscribit tibi, quia & tu ipse aliquid agis. Agnosce, quid possas, agnosce, quid consteas, quando dicis: Adjutor meus esto, ne derelinquas me. Adjutorem utique invocas Deum: nemo adjutatur, si ab illo nihil agatur.* Et rursus exponens illud Apostoli: *Scimus, quia diligentibus Deum omnia cooperantur in bonum*, ait: *Si non esses operator, ille non esset cooperator.* Hinc celebris ejus sententia. Serm. 15. de Verb. Apost. nunc Serm. 169. c. 11. *Qui fecit te sine te, non te justificat sine te; ergo fecit nescientem, justificat volentem.* Quibus insaniam Lutheri præoccupat volentis, liberum arbitrium ad justificationem nihil omnino agere.

VI. Adest quoque ratio Theologica, quam nobis exhibet S. Tho. hæc q. 113. a. 3. sic. *Justificatio impii fit Deo movente hominem ad iustitiam, ipse enim est, qui justificat impium,*
Gg 2 ut di-

ut dicitur *Roman. 3.* sed Deus movet omnia secundum modum uniuscujusque : sicut in naturalibus videmus , quoddam aliter moventur ab ipso gravia , & aliter levia , propter diversam naturam utriusque : & homo secundum propriam naturam habet , quoddam sit liberi arbitrii ; ergo (concludit S. Doct.) *In eo , qui habet usum liberi arbitrii , non fit motio à Deo ad justitiam , absque motu liberi arbitrii : sed ita infundit donum gratia justificantis , quoddam etiam simul cum hoc movet liberum arbitrium ad donum gratia acceptandum in his , qui sunt hujus motionis capaces .* Quod expressit etiam Tridentinum . *Sess. 6. c. 7.* dum ait , hominem justificari per voluntariam susceptionem gratia , & donorum &c. Quibus insinuat , motum liberi arbitrii ad justificationem requisitum , generaliter esse partim actuale desiderium salutis , ac mediolorum ad eam conducentium ; partim consensum in fidem , & gratiam ; seu actum , quo vult à peccato recedere , & accedere ad justitiam . Quinam verò actus in particulari requirantur , dicetur infra .

S. III.

Contraria Fundamenta .

VII. **O**pponunt primò Sectarii . Homines dicuntur justificari gratis ; ergo non per opera : si enim gratis , non ex operibus . Ant. est Pauli , *Roman. 3. v. 24. Justificati gratis per gratiam ipsius .*

VIII. Respondeo , dist. ant. Gratis , idest , non per opera legis sine fide , & quæ gratiam promereantur , conc. ant. Per motus à fide procedentes , & qui purè disponent , nego ant. Responsio est Tridentini , *Sess. 6. cap. 8. Gratis autem ideo justificari dicimur : quia nihil eorum , quæ justificationem præcedunt , sive fides , sive opera , ipsam justificationis gratiam promeretur .*

IX. Dicunt . Non potest homo ad gratiam justificantem se disponere per id , quod peccaminosum est : sed omnes

actus peccatoris præcedentes justificationem sunt peccaminosi : non enim potest arbor mala bonos fructus facere ; ergo per proprios actus non potest homo ad gratiam se disponere .

X. Respondeo , neg. min. Jam enim in superioribus ostensum est , non omnes actus hominis existentis in statu peccati , esse peccata ; sed solum eos , qui ex affectu ad peccatum procedunt : Cæterum peccatorem non semper agere ex affectu ad peccatum ; sed aliquando ex amore virtutis , & opera moraliter bona facere posse . Quoddam si à Spiritu Sancto nondum quidem inhabitante , sed movente cor ejus , incipiat de sua salute cogitare , & quærere media ad justificationem consequendam : est nondum à statu peccati ereptus , tamen per tales actus viam sibi ad justificationem à Deo obinendam parat . Et hæc est doctrina Tridentini , *Sess. 14. c. 4.*

XI. Opponunt secundò . Actus nostri præcedentes justificationem , etsi ex motione Spiritus Sancti fiant , nullam ex natura sua cum gratia justificationis connexionem habent : quia adhuc iis positus justificamur gratis ; ergo non disponunt , quia dispositiones connexi debent cum forma : neque connexionem habent ex lege Dei ; quia nulla lex est , quoddam facienti , quod in se est , Deus det gratiam ; ergo &c.

XII. Confirmatur . Si nostris actibus ponimus dispositiones ad nostram justificationem ; dici poterit , hominem propriis actibus justificare seipsum : sicut quia ponit dispositionem ultimam ad esse alterius hominis , etsi animam non producat , dicitur generare illum : sed hoc videtur maximum absurdum ; ergo &c.

XIII. Respondeo , quoddam actus nostri præcedentes justificationem , & ex motione Spiritus Sancti procedentes , non habent quidem connexionem cum gratia justificationis per modum meriti , maxime de condigno , seu per modum dispositionis physice ; habent tamen connexionem moralem fundatam in

Dei

Dei promisso : *Convertimini ad me, & convertar ad vos* . Et sic estd facienti, quod in se est solis naturæ viribus, non sit promissa iustitia; promissa tamen est se præparanti ad eam viribus, & adiutorio gratiæ.

XIV. Ad Confirm. Aliqui concedunt, in aliquo sensu dici posse, hominem per actus, quibus Spiritu Sancto movente ponit ultimam dispositionem ad gratiam, iustificare seipsum; non quidem formaliter, sed dispositivè: fundati in illo 1. Joan. 3. v. 3. *Omnis, qui habes hanc spem in eo, sanctificat se, sicut & ille sanctus est* .

Tutius tamen negandum esse censeo: quia fieret sensus, quoddam iustificatio impij esset aliquomodo opus hominis, qui iustificatur, contra illud Rom. 4. v. 5. *Credenti in eum, qui iustificat impium* . Neque ex eo solum unus homo dicitur generare alium, quia præcisè ponit ultimam dispositionem ad formam, quâ formaliter fit homo: sed quia propriâ virtute, & formâ æqualis perfectionis ponit ultimam dispositionem, eamque naturaliter, & physicè connexam cum anima rationali. At homo ultimam dispositionem ponit ad gratiam, non propriâ formâ, & virtute, sed virtute gratiæ Dei moventis: neque formâ æquali cum gratia habituali, quia gratia movens comparatur ad habitualement, sicut motus ad terminum. Neque dispositio, quam prae-ducit, habet connexionem physicam cum gratia iustificationis, sed solum moralem: cum collatio gratiæ sit novum beneficium distinctum à beneficio præparationis ad gratiam.

XV. Quæres: An de potentia suâ absolutâ possit Deus, hominem adultum, & rationis capacem, absque motu liberi arbitrii, & propriâ dispositione iustificare?

Probabiliorem censeo partem affirmativam. Concursus enim liberi arbitrii ad iustificationem necessarius est solum ex divini lege, & institutione, attentâ suavi Providentiâ Dei volentis operari juxta naturam rerum; ergo

si vellet suam absolutam potentiam attendere; sicut in naturalibus potest quaecumque formam introducere in materia, absque ullis prævisis dispositionibus: ita posset gratiam infundere in anima adulti, nullis ex parte hominis suppositis dispositionibus, vel motibus liberi arbitrii: eo modo, quo eam infundit pueris rationis usu carentibus: eo modo, quo Salomoni dormienti infudit Sapientiam, & aliis quidquam aliud cogitantibus dona sua infudit: ejus enim Spiritus partiri patet gratiam suam singulis, pro ut vult.

DUBIUM II.

An ad Justificationem requiratur Motus Fidei; & quænam debeat esse hæc Fides?

§. I.

Resolutio Prioris Partis: Fidem requiri.

I. **C**onvenit inter Catholicos, & hæreticos nostri temporis, motum fidei requiri ad justificationem. Id enim aperte testatur Scriptura passim. Joann. 1. v. 12. *Dedit eis potestatem, filios Dei fieri, his, qui credunt in nomine ejus* : Roman. 4. v. 3. *Credidit Abraham Deo, & reputatus est illi ad iustitiam*. Hebr. 11. v. 6. *Sine fide autem impossibile est, placere Deo*. Credere enim oportet accedentem ad Deum, quia est, & inquirentibus se remunerator sit. Hinc Concilium Tridentinum, Sess. 6. cap. 6. ait: *Disponuntur autem ad ipsam iustitiam, dum excitati divini gratiâ, & adjuti, fidem ex auditu concipientes, libere moventur in Deum, credentes, vera esse, quæ divinitus revelata, & promissa sunt, atque illud imprimis, à Deo iustificari impium per gratiam ejus &c.*

II. Probatur verò ratione D. Tho. hâc q. 113. a. 4. Ad justificationem adulti requiritur motus aliquis liberi arbitrii, quo mens hominis avertatur à pec-

à peccato, & convertatur ad Deum: sed primus accessus ad Deum fit per fidem, juxta illud ad Hebræos 11. *Accedentem ad Deum oportet credere, quia est fides*. ergo ad justificationem adulti requiritur actus fidei.

III. Et Confirmatur. Cùm enim voluntas indigeat luce, & directione intellectus ostendentis ei, & propo- nentis obiectum; impossibile est, eam converti in Deum auctorem superna- turalium, quin præcedat actus intelle- ctus ei illum proponens: sed hic actus in præsentì viâ est actus fidei, ut patet; ergo actus fidei ad justificationem adulti requiritur.

IV. His confutatus manet error Manichæorum, qui teste Augustino *lib. de Utilitate credendi* omnem fidei necessitatem abstulerunt: existimantes, nihil omnino esse credendum, sed dumtaxat assentiendum his, quæ ratione naturali evidenter persuaderi possunt. Unde idem August. l. 1. *Retract. c. 14. Scripsi (inquit) librum de utilitate credendi ad amicum meum, quem deceptum à Manichæis, adhuc eo errore novæ detineri, & irridere in Catholica fidei disciplinâ, quoddam juberentur homines credere: non autem quid esset verum, certissimâ ratione docerentur.*

§. I I.

Errores Hæreticorum circa Fidem ad Jus- tificationem necessariam.

V. **A**ltera hæresis extremè opposi- ta est, solum motum fidei suf- ficere ad justificationem adulti. Hæresis hæc exorta fuit temporibus Apo- stolorum, Simone Mago auctore, quem secuti alii fuerunt, ut refert S. Au- gustinus l. *de Fide, & operibus*, contra quos suas Epistolas canonicas Petrus, & Jacobus scripserunt. Hanc Lutherus, Calvinus, eorumque se- quaces excitantur. Dixerunt enim, ad remissionem peccatorum solam fidem sufficere, quâ quis certò credat. uni- cuique remitti peccata per Christum:

hac fide peccatorem, quasi manu, ap- prehendere iustitiam Christi, & facere suam per imputationem: ita ut eo ipso, quo aliquis credat, sibi remitti, aut remissa esse peccata, ei remittuntur, & hac solâ fide iustificatur. Contra hunc errorem militabimus sequenti Dubio.

VI. In assignando autem, quænam sit ista fides, quæ iustificat, dissident Lutherus, & Calvinus. Lutherus enim vult, fidem illam, quâ iustifica- mur, non esse aliud, quàm firmam fiduciam, quâ peccator confidit, ob merita Christi, sibi peccata non impu- tati: unde eam ponit in voluntate, & per illam ita solam iustificari, ut opera bona penitus excludat. Calvi- nus verò fidem iustificantiem vult esse fidem, quâ quis certò credit, non quodcumque à Deo revelatum in generalì; sed hoc, nimirum, sibi à Deo per Christum remitti, seu remissa esse peccata: hæc enim quasi manu apprehendit iustitiam Christi, eam facit suam, & hac vestitus, apparet iustus coram Deo.

Distinguit enim *lib. 3. Instit. c. 2.* triplicem fidem: unam historicam, quâ credimus vera esse ea, quæ in Sacris Scripturis continentur; quia tradita, & proposita à Deo, qui verax est. Secunda, quam vocat fidem miraculorum, quam dicit, esse eden- dorum miraculorum facultatem: sed veriùs est ipsa fides historica, quâ credit, nihil esse, quod à Deo fieri non possit. Et de hac loquuntur Christus *Marci 11. v. 22. & 13.* dum ait: *Habe- bete fidem Dei, Amen dico vobis, quia quicumque dixerit huic monti: tollere, & mittere in mare; & non habu- erit in corde suo, sed crediderit, quia quodcumque dixerit, fiat, fiet ei.* Et Paulus illis verbis 1. Cor. 13. v. 2. *Si habuerit omnem fidem, ita ut montes trans- feram &c.* Tertia, quam vocat fidem promissionis, est, quâ credimus, veras esse Dei promissiones de gratuita remissione peccatorum, per Christi me- rita; cujus sit mentio Marci ultimo

v. 16. *Qui crediderit, & baptizatus fuerit, salvus erit.* Addit autem: ad justificationem necessariam non esse, solum fidem historicam, aut fidem miraculorum, sed dumtaxat fidem promissionum; & hanc non solum generalem, quā credimus, promissam esse peccatorum remissionem omnibus, qui in Christum credunt: sed particularem, & specialem, quā unusquisque sibi divina promissionem applicans credit, seu verius confidit, sibi omnia sua peccata dimissa esse per Christum.

Hinc Calvinus citato loco §. 7. fidem justificantem ita definit: *Divina erga nos benevolentia firmam, certamque cognitionem, qua gratuita in Christo promissionis veritate fundata per spiritum Sanctum, & revelatur mentibus nostris, & cordibus obsequatur.* Quibus verbis, etiamsi velit, fidem esse firmam, certamque cognitionem; quia tamen vult, objectum hujus cognitionis esse divinam benevolentiam, videtur, per fidem justificantem non aliud intelligere, quā fiduciam in divinis promissionibus; quæ utrique fiducia non est actus intellectus, sed voluntatis: & sic aliis terminis cum Lutherō convenire.

VII. Quia verò in præsentī difficultate duos possumus distinguere actus in intellectu: nempe, notitiam veritatis certam, & exploratam; & insuper assensum datum veritati propositæ: qui duo actus valde inter se distinguuntur. Nam primus dicit in intellectu cognitionem, penetrationem, & intelligentiam veritatis enunciatæ; secundus verò dicit assensum datum propositioni, ob auctoritatem dicentis, quo plerumque, absque ullā disquisitione, assensum præstamus rei aliā ignoratæ. Calvinus citato loco invehit in doctores Catholicos, quasi ipsi solum assensum fidei, seu submissionem revelatis exigant; quamvis palpabili ignorantia credendorum Fideles laborent. Fallitur, vel fallere vult malignus impostor. Nemo enim Catho-

licorum est, qui non sentiat, teneri quemlibet adultum, explicitam notitiam habere principalium Mysteriorum fidei; ad quem finem Catechismi etiam pro idiotis sunt instituti. Dicimus tamen, non teneri omnes tantam, & exploratam singulorum habere cognitionem, quantum habet Theologus: & tandem, quod non in apprehensione, & cognitione consistat fides justificans, sed in assensu revelatis, ob auctoritatem dicentis.

VIII. Tandem: cum fides tribus modis ad justificationem comparari possit. Primò, tanquam dispositio prævia, quā homo divinā gratiā illustratus ad justificationem se præparat. Secundò, tanquam aliquid consequens justificationem, augendo, vel conservando justitiam. Tertio, tanquam causa formalis, ac si per fidem apprehendentem justitiam homo formaliter justificetur: hoc tertio modo fidem accipiunt hæretici. Dicunt enim, fidem ad nostram justificationem requiri tanquam instrumentum justitiæ percipiendæ; non quod annexas non habet alias virtutes, sed quod illa sola sit, quæ justificet: *Sicut* (inquit Calvinus in Antidoto) *calor Solis solus est, qui terram calefacit, nec tamen solus ipse inest Soli, sed cum splendore: ita fidem oportet non esse solam, sed habere comites: licet illa non justificet, sed ipsa sola.* Hæc est Acatholicorum de justificatione doctrina. Contra quam

§. III.

Fides non est Fiducia.

IX. **D**ico primò. Fides ad justificationem conduens non est fiducia. Probo. Quia fides, quæ ad justificationem conducit, est actus intellectus: sed fiducia non est actus intellectus, sed voluntatis: ut enim docet D. Tho. 2. 2. q. 129. a. 6. fiducia pertinet ad spem, quæ est in voluntate, & nascitur ex fide: *Et ideo nomen fiducia hoc principaliter significat*

re vi-

240 Quæst. II. De dispositionibus Justificationem :

re videtur, quòd aliquis spem concipiat ex hoc, quòd credit verbis alieujus auxilium promittentis.

Maj. probatur. Tùm ex Scriptura, quæ fidem ad justitiam, & salutem conducentem, explicat verbis pertinentibus ad intellectum: Joann. 6. v. 70. *Et nos credimus, & cognovimus, quia tu es Christus filius Dei.* Nemo autem melius fidem justificantem explicavit, quàm Paulus ad Hebræos. Cùm enim cap. 10. dixisset: *Iustus autem meus ex fide vivit*; exorditur caput 11. quid sit ista fides, dicens: *Est autem fides sperandarum substantiarum rerum argumentum non apparentium*: substantia, idest, fundamentum sperandarum rerum; fiducia autem non est fundamentum spei, sed ipsa spes fundata in fide, ut dicebamus cum D. Tho. Rursus: dicit, esse argumentum non apparentium, idest, actum, quo cognoscimus non apparentia: unde subdit, v. 3. *Fide intelligimus, aptata esse secula verbo Dei.* Tandem ibi v. 6. dicit: *Sinè fide impossibile est, placere Deo.* Quænam verò sit fides ista, explicat: *Credere enim oportet accedentem ad Deum, quia est, & inquirentibus se remunerator sit.* Quibus eum loqui de fide, quæ est actus intellectus, nemo non videt.

Item Rom. 4. v. 3. *Credidit Abraham Deo, & reputatum est illi ad justitiam*: ubi loquitur de fide, quæ justificatur est Abraham. Sed fides illa fuit actus intellectus: priusquam enim Abraham haberet fiduciam, aut spem, quòd Deus adimpleretur esset promissiones, præbuit intellectu assensum, quo credebatur Deo promittenti: nec enim aliter poterat actu voluntatis confidere, nisi prius actu intellectus Deo promittenti assentiretur.

X. Probatur etiam hoc discursu. Fides, quæ justificat, est illa eadem, quam Christus iussit prædicandam, & quam Apostoli prædicaverunt; & quam Christus, & Apostoli exigebant ad Baptismum, & ad salutem: sed hæc erat fides intellectus: Christus enim suâ prædicatione intendebat persuade-

re homines, ut assensum præberent his, quæ ipse dicebat; & ad hoc Scripturas eis exhibeat, & miracula patrabat: persuadere autem intellectum respicit, non voluntatem, assensum exigit, non fiduciam. Hinc Jo. 8. v. 40. dicebat Phariseis: *Si veritatem dico vobis, quare non creditis mihi?* Veritas autem dicitur intellectui, cuius est obiectum, non voluntati. Insuper Joann. 10. v. 25. *Opera, quæ ego facio in nomine Patris mei, hæc testimonium perhibent de me*: testimonium autem adhibetur ad persuadendum intellectum. Rursus: Apostolis. Matth. 26. v. 13. *Euntes (inquit) in Mundum universum prædicate Evangelium omni creatura; qui crediderit, & baptizatus fuerit, salvus erit*: prædicatio autem ad intellectum dirigitur.

XI. Meritò igitur Tridentinum, Sess. 6. Can. 12. ait: *Si quis dixerit, fidem justificantem nihil aliud esse, quàm fiduciam divina misericordia peccata remittentis, propter Christum; vel eam fiduciam solam esse, quâ justificamur; anathema sit.* Quibus Concilium à dispositionibus requisitis ad justificationem non rejicit fiduciam, eam enim inter dispositiones recenset, eadem Sess. cap. 6. & Sess. 14. cap. 4. sed vult, eam fiduciam solam non esse, fidem justificantem, sed aliquid ex fide secutum.

XII. Afferunt hæretici varios Scripturæ textus, quibus justificatio, & remissio peccatorum videtur tribui fluduciz in Christum; & hanc esse fidem, quâ justificamur: ut illud ad Hebr. 10. v. 19. *Habentes itaque fiduciam... in sanguine Christi.* .. *Accedamus enim vero corde in plenitudine fidei.* Illud ad Ephes. 3. v. 12. *In quo (Christo) habemus fiduciam, & accessum in confidentia per fidem ejus.* Item illud Matth. 9. v. 2. ubi Christus dixit paralitico: *Confide fili, remittuntur tibi peccata tua*: & Hemoroiisæ v. 22. *Confide, filia, fides tua te salvam fecit.*

XIII. Verùm hæc, & similia non evin-

evincunt, fidem iustificantem esse formaliter induciam, sed solum, quod ex fide, quâ certo credimus, genereatur in nobis fiducia à Deo obrinendi quod petimus. Ut enim supra ex D. Thom. dicebamus, aliquis spem, & fiduciam concipit, ex hoc, quod credit verbis alicuius auxilium promittentis.

Hic addo: quodd, ut *Tractatu præcedente Qu. 3. Dub. 9.* ostensum est, fides illa specialis, seu fiducia divinarum promissionum, ut asseritur à Sectariis, conficta est: nullibi enim, revelavit Deus particularibus hominibus, quodd eorum peccata sint remissa. Proferent quidem testimonia Scripturæ, quibus continentur promissiones generales, factæ omnibus ad Deum rectè conversis; aut speciales, quæ factæ fuerunt Magdalenæ poenitenti, *Lucæ 7. v. 48.* & ut supra, Paralytico, & Hemorroissæ, *Matth. 9.* Verùm parem gratiam cuilibet peccatori, nimirum, quodd sit ritè conversus, & quodd ei sint remissa peccata, ubi revelatum est? Numquid consequens est, quodd si speciali privilegio hoc Magdalenæ, & Paralytico &c. revelavit; parem gratiam cuique Lutherano, & Calvinistæ concessam revelaverit? Fides ergo illa, seu fiducia à Lutheranis, & Calvinistis conficta est: quia sine ullo fundamento in Scriptura, in qua solâ, secundùm ipsos, contineri debet, quodd revelatum est.

§. I V.

*An Fides Iustificans sit Notitia,
an Assensus?*

XIV. **D**ico. Actus fidei prærequisitus ad iustificationem non est notitia, sive perfectâ, sive imperfectâ rerum propositarum per fidem: sed est assensus, quem præbet intellectus rebus propositis, & revelatis. Probo primò ex illo *Roman. 4. v. 18.* ubi de Abraham dicitur: *Qui contra spem in spem credidit*: quibus indicatur, eum obscurè tantùm novis-

Tom. IX.

se, quod credebat: quodd, nempe, futurus esset pater multarum gentium, & ideo caruisse perfectâ notitiâ eorum, quæ credebat.

Secundò. *Paulus Epist. 2. ad Cor. 10. v. 5.* hortatur Corinthios, ut sint in captivitatem redigentes omnem intellectum in obsequium Christi: si autem fides impetraret perfectam notitiam credendorum, non opus esset, redigere intellectum in captivitatem, ut quis credat rebus propositis. Vult ergo Paulus, ut credam Corinthii ea, quæ fides dicat, etsi ea non perfectè intelligant. Et ideo *Hebr. 11.* fidem vocat *argumentum non apparentium*. Quis enim unquam perfectam notitiam mysteriorum Trinitatis, Incarnationis &c. in hac via assecutus est?

XV. Quodd verò fides, nec requirat cognitionem imperfectam: probatur ex dicto Christi, *Joann. 10. v. 29. Beati, qui non viderunt, & crediderunt*: illi scilicet, qui non propter aliquas rationes, & argumenta, quibus aliqua veritas manifestatur, sed ex obedientia promissæ voluntatis firmum, & indubitatum præbent assensum rebus à Deo revelatis. Unde *S. August. Tract. 4. in Joan. Quid est* (inquit fides) *nisceredere, quod non videt?* Et *Epist. 101. modò 169. ad Evodium c. 1. Si propter eos solos Christus mortuus est, qui certâ intelligentiâ possunt ista discernere, pend frustra in Ecclesia laboramus*. Pergitque ostendens, quodd infirmi populi credentium, veniunt ad Christum, & ubi multi in sapientia magni irrident stultitiam prædicationis, quâ salvi sunt credentes; multi in Cruce Christi gloriantes, etiamsi ista, qua subtilissimè differuntur, ignorent, ad æternitatem perveniunt.

XVI. Probatur ergo hoc discursu. Si fides esset mysteriorum intelligentia, jam quodd major esset fides, eò major deberet esse intelligentia; hoc autem est falsum: cùm Christus plurimorum fidem celebret, qui nullam Evangelii cognitionem adepti fuerant:

H h

qualis

qualis fuit mulier Chanaanæ, cui Christus dixit, Matth. 15. v. 28. *O mulier, magna est fides tua: qualis etiam Centurio, de quo ait, Matth. 8. v. 10. Non inveniri tantam fidem in Israel. Ubi è contra Phariseorum, & legis Doctorum, qui intelligentiâ præditi erant, passim exprobrat incredulitatem.*

XVII. Sequitur actum proprium fidei esse rebus propositis assensum. Ita enim docet August. *l. de Prædest. Sanctorum c. 2.* ubi postquam dixit, necesse esse, ut omnia, quæ creduntur, præveniente cogitatione credantur, subiungit: *Quamquam & ipsum credere nihil aliud est, quàm cum assensum cogitare. Non enim omnis, qui cogitat, credit, cum ideo cogitent plerique, ne credant: sed cogitat omnis, qui credit, & credendo cogitat, & cogitando credit.*

XVIII. Obijciunt primò Sectarii, Fideles parati esse debent ad reddendam rationem eorum, quæ credunt, juxta illud 1. Petri 3. v. 15. *Parati semper ad satisfationem omni poscenti nos rationem de ea, quæ in vobis est, spe, & fide.*

XIX. Respondeo primò, verbum illud & fide, addi ab Adversariis, cum nec in Vulgata Verbone, nec in textu græco invenitur. — Secundò, velle ibi Petrum, Fideles paratos esse reddere rationem poscenti, non de dogmatum doctrina, quam credunt; sed patientiâ, quâ tot mala tolerant propter Christum: nimirum, quia sperant, & (si velis) credunt, se cum Christo æternæ gloriæ hæredes efficiendos. — Vel tertio, Petrum ibi non ad omnes Fideles loqui; sed ad Pastores, & Doctores, quibus incumbit, ut ait Paulus de Episcopis. ad Titum 1. v. 9. *Exhortari in doctrina sana. & eos, qui contradicunt, arguere.*

XX. Obijciunt secundò. Quilibet Christianus, ut salvetur, teneatur corde, & ore confiteri, Dominum Jesum Christum surrexisse à mortuis, ut ait Paulus, Rom. 10. v. 9. & Christus Joann. 17. v. 3. dicens: *Hæc est autem*

vita æterna, ut cognoscant te solum Deum verum, & quem misisti Jesum Christum.

XXI. Respondeo, hæc, & similia, solum evincere, Christianos omnes debere cognoscere corde, & ore exterius confiteri, cum oportet, Christianam fidem esse veram; & habere notitiâ præcipuorum mysteriorum, maximè veritatis, & Trinitatis Dei, Incarnationis &c. non tamen quòd omnes, ut credant, penetrare debeant talia mysteria, quod solis doctioribus reservatur. Nec enim intelligere, aut cognoscere supponit semper pro penetratione rei, maximè, quæ non videtur; sed pro assensu veritati propositæ: sive hunc obtineat vis rationis, sive proponentis auctoritas, quæ præcipuum locum tenet in fide.

§. V.

Quodnam sit Fidei Justificantis Obiectum.

XXII. **D**ico. Obiectum Fidei justificantis, seu ad justificationem requisitum, non est sola divina benevolentia, seu misericordia, sive hoc, quòd sibi remissa sint peccata; sed quicquid à Deo revelatum est. Hæc assertio est contra Calvinum. Probat autem primò. Nam fides, quam Christus exigebat, & in cujus confirmationem miracula parabat, erat certè fides viam parans ad justificationem: venerat enim peccatores salvos facere, Luca 19. v. 10. 1. ad Tim. 1. v. 15. Jo. 3. v. 16. & Jo. 10. v. 10. ubi Christus dicit: *Ego veni, ut vitam habeant. & abundantius habeant:* sed fides, quam Christus exigebat, quam laudabat, ad quam hortabatur, quamque signis comprobabat, erat fides non solius misericordiæ: sed modò omnipotentis Dei; unde Matth. 9. v. 28. duobus cæcis petentibus, ut lumen reciperent, ait: *Credidistis, quia hoc possum facere vobis?* Et respondentibus illis: *Utique Domine,* ait: *Secundum fidem vestram fiat vobis:* modò erat fides

des Incarnationis, & Trinitatis; qualis fuit fides Petri adeo laudata à Christo, Matth. 16. v. 16. *Tu es Christus Filius Dei vivi*; qualis fuit fides discipulorum, Jo. 6. v. 70. per Petrum dicentium: *Et nos credimus, & cognovimus, quia tu es Christus filius Dei*; qualis fuit fides Marthæ, Jo. 11. v. 27. quæ Christo dicenti: *Omnis, qui vivit, & credit in me, non morietur in æternum. Credis hoc?* Respondit: *Utique Domine ego credidi, quia tu es Christus Filius Dei vivi, qui in hunc mundum venisti.*

XXIII. Rursus: fides potest esse justificans, quamvis non respiciat misericordiam specialem sibi certò faciendam. Nam *Marei* 1. v. 40. Leprosus, etsi de misericordia Dei speciali sibi faciendi ambigeret: quia tamen habebat fidem divinæ omnipotentiae, qualem Christus exigebat, mundatus est. Quodd autem dubitaret de misericordia sibi speciali, constat, quia dicebat: *Domine si vis.* Quodd verò certus esset de potentia, constat ex his: *Potes me mundare.* Unde Christus ei respondit statim: *Volo mundare.* — Ab opposito datur fides misericordiam Dei respiciens, quæ tamen non est justificans. Num, *Luca*, Phariseus confidebat, se esse justum, & habebat fidem specialis benevolentiae Dei, cui gratias agebat; & tamen iustificatus non est: *Publicanus* autem, etsi tali fiducia caret, & cum timore ad Deum accederet, iustificatus recessit.

XXIV. Rationes autem in promptu sunt. Prima. Non potest esse fides certa, & infallibilis, nisi verbo Dei nitatur: at in verbo Dei nunquam legitur annuntiata remissio peccatorum mihi, aut illi in particulari, exceptis quibusdam paucis; ergo non possunt reliqui homines, nisi temerè credere, sibi remissa peccata, aliàs etiam essent certi de sua justificatione: quod supra loco citato reprobavimus.

XXV. Scio, hæreticos respondere, specialem promissionem contineri in illa generali sententiâ, *Joan.* 3. v. 15.

15. 36. ubi dicitur: *Qui credit in Filium, non perit, sed habet vitam æternam* — Sed contra primò. Scriptura dicit: *Qui credit in Filium*, idest, in Jesum Christum, non perit: sed non dicit, qui credit, sibi remissa esse peccata. Quodd si dicant, idem esse credere in Christum, ac credere, sibi remissa esse peccata. Contra. Nam hoc ipsi dicunt, sed hoc non dicit Christus; qui potius dicit credere in Filium esse credere Incarnationem, seu credere, quodd Pater miserit illum. Unde *S. Joan. Ep.* 1. c. 5. v. 1. explicans, quid sit credere in Filium, dicit: *Omnis qui credit, quoniam Jesus est Christus* (non dicit, quoniam per Jesum sibi remissa sunt peccata) *ex Deo natus est*, idest, iustificatus est. — Addo: quodd hæc propositio: *Qui credit in Filium, habet vitam æternam*, facit sensum conditionatum, idest, *si credis*. habet justificationem, & vitam æternam; ergo conclusio absoluta, quam ipsi inferunt: *Ego credo in Filium, non est ex Verbo Dei*, sed ab ipsis malè illata. Quia, ex antecedente conditionato: *Si credit, iustificatur*, malè inferitur; ergo credit.

XXVI. Altera ratio est. Fides justificans debet præcedere justificationem; est enim, juxta ipsos, quasi manus apprehendens justitiam Christi, & sciens nostram: at fides de eo, quodd sibi remissa sint peccata, supponit justificationem; quomodo enim vera fides est, quâ credo, mihi esse remissa peccata, si nondum mihi sunt remissa? Ergo hæc non est fides apprehendens justitiam, sicut manus non apprehendit pecuniam ab altero, quam jam habeo in crumena.

XXVII. Tertia ratio est. Fides specialis de eo, quodd mihi remissa sint peccata, tollit medio orationes, opera bona, & alia media, quæ Deus instituit ad salutem nostram. Quomodo enim possum cum Publicano dicere: *Deus propitius esto mihi peccatori*; aut cum Ecclesia: *Dimitte nobis debita nostra*, si credo, & credere teneor

H h 2

mihi

244 Quæst. II. De dispositionibus ad Justificationem :

mihi Deum remississe peccata ? Certè hoc esset hæsitare in fide, & Deum quasi mendacii, & infidelitatis arguere.

DUBIUM III.

An Fides sola sufficiat ad Justificationem ?

§. I.

Resolutio Dubii.

I. **S** Tatuto qualis debeat esse fides requisita ad Justificationem, nunc videndum est : an sola ipsa sit causa, seu instrumentum, quo justificamur. Hæretici omnes, de quibus supra, communiter dicunt, solâ fide justificationem acquiri : sicut enim pauper manu apprehendit elemosynam ; ita peccator fide apprehendit justitiam Christi, quâ indutus coram Deo justus apparet : cæteros autem actus, quos facit, solum concomitantur se habere ad justificationem, non formaliter, & per se. Catholici verò omnes, præter fidem, alios actus enumerant, quibus peccator ad justificationem perducitur : nempe, timorem, spem, dilectionem, pœnitentiam, propositum suscipiendi Sacramentum, novæ vitæ inchoandæ, & observantiæ mandatorum Dei. Cum his

II. Dico. Fides est quidem initium, radix, & fundamentum justificationis ; non tamen sola homines ad justitiam perducit : sed alii actus non purè concomitantur, sed formaliter, & per se requiruntur. Ita docet Conc. Trident. *Sess. 6. c. 6.* ubi docens modum, quo præparari debemus ad justificationem, ponit quidem fidem, tanquam initium, sed plures alios actus enumerat, de quibus infra. Et Canon. 9. ait : *Si quis dixerit, solâ fide impium justificari ; itaut intelligat, nihil aliud requiri, quod ad justificationis gratiam consequendam cooperetur ; & nullâ ex parte necesse esse, cum sua voluntatis mo-*

su præparari, atque disponi ; anathema sit.

III. Probo primò. Nam Scripturæ non soli fidei tribuit justificationem à peccatis, sed aliis actibus ; ergo &c. Ant. prob. Afferendo eosdem textus, quos ad hunc finem adducit Tridentinum, citatâ *Sess. 6. c. 6.* dicens : *De hac dispositione scriptum est Hebr. 11, Accedentem ad Deum oportet credere, quia est, & quoddam inquirerentibus se remuneratori sit (ecce fidem) Et Matth. 9. Confide fili, remittuntur tibi peccata tua (ecce spem, & fiduciam) & Ecclesiastici 1. Timor Domini expellit peccatum (ecce timorem) Et Ador. 2. Pœnitentiam agite, & baptizetur unusquisque vestrum in nomine Jesu Christi in remissionem peccatorum vestrorum, & accipietis donum Spiritus Sancti (ecce pœnitentiam) Et Matth. ultimo : Euntes ergo docete omnes gentes, baptizantes eos in nomine Patris, & Filii, & Spiritus Sancti, docentes eos servare omnia, quaecumque mandavi vobis (ecce Baptismi, & observantiæ mandatorum propositum) denique præparate corda vestra Domino.*

IV. Secundò. S. Jacobus suâ *Epist. c. 2.* expressè negat, solam fidem ad justificandum sufficere : *Quid proderit (inquit v. 14.) fratres mei, si fidem quis dicat se habere, opera autem non habeat ? Numquid poterit fides salvare eum ? & subdit v. 24. Videtis, quoniam ex operibus justificatur homo, & non ex fide tantum ?* Posuerat autem exemplum in Abraham, cujus fides reputata fuit ad justitiam : quia fidei conjungebat voluntatem operis, nempe, sacrificandi Isaac filium suum super Altare : unde ait, v. 12. *Videte, quoniam fides cooperabatur operibus illius, & ex operibus fides consummata est ? Tandem concludit v. 26. Sicut enim corpus sine spiritu mortuum est : ita & fides sine operibus mortua est.* Adeo premit diversarios hoc testimonium, ut maxime Lutherus coactus sit dicere, Epistolam illam non esse Canonicam. Sed judicium de libris Canonicis ad ipsos

ipſos non pertinet, ſed ad Eccleſiam, quæ in Concilio Trident. *Seſſ.* 4. illam inter libros Canonicos recenſuit. Hoc recolant Adverſarii, illam Epiſtolam fuiſſe ſcriptam contra Simonem Magum, alioſque hæreticos, qui temporibus Apoſtolorum dicebant, fidem ſolam ſine operibus juſtificare.

V. Nihilominus, ne inopes videamur, præſtat audire S. Joannem, qui *Epist.* 1. cap. 3. v. 14. Nos (inquit) ſcimus, quoniam tranſlati ſumus de morte ad vitam, quoniam diligimus fratres. Qui non diligit, manet in morte. Quibus conſonat Paulus ad *Galat.* 5. v. 6. dicens: In Chriſto Jeſu neque circumciſio aliquid valet, neque præputium, ſed fides, qua per dilectionem operatur. Fides autem, quæ per dilectionem operatur, non eſt ſola, ſed fides caritati conjuncta; ergo fides, quæ valet ad juſtificantium coram Deo, non eſt fides ſola, ſed fides conjuncta cum actibus voluntatis.

VI. Probat congruè ratione Divus Thomas hæc q. 113. a. 5. ubi quærens: an ad juſtificationem impii requiratur motus liberi arbitrii in peccatum; affirmativè reſpondet hac ratione. Juſtificatio fit ad modum cujuſdam motus, in quo homo recedit à peccato, & accedit ad juſtitiam; ergo, ſicut peccando, voluntariè à juſtitia ad peccatum acceſſit: ita ut à peccato ad juſtitiam iterum ſe convertat, oportet, ut in eo ſit voluntarius reſceſſus à peccato, & acceſſus ad juſtitiam; ſed reſceſſus, & acceſſus in motu liberi arbitrii accipitur ſecundùm deſolationem, & deſiderium oportet igitur, quòd in juſtificatione impii ſit motus liberi arbitrii duplex: unus, quo per deſiderium tendat in Dei juſtitiam; & alius, quo deſectetur peccatum. Hæc S. Tho.



§. I I.

A Catholicorum Fundamenta.

VII. Objiciunt primò varios Sacrae Scripturae textus, quibus juſtificatio videtur tribui fidei. Actuum 13. v. 39. *In hoc omnis, qui credit juſtificatur.* Rom. 3. v. 28. *Arbitramur enim, juſtificari hominem per fidem ſine operibus legit.* Cap. 4. v. 3. *Credidit Abraham Deo, & reputatus eſt illi ad juſtitiam.* Cap. 5. v. 1. *Juſtificati ergo ex fide.* Galat. 3. v. 8. *Ex fide juſtificate gentes Deus.* Et alia ſimilia, quibus inflatus Lutherus, teſte Roſſenſi art. 36. ait: *Figmenta ſunt omnia, qua de preparatione liberi arbitrii ad gratiam tot libris tractata ſunt.*

VIII. Reſpondetur tamen ad hæc cum Tridentino *Seſſ.* 6. c. 8. Quòd cum Apoſtolus dicit, *juſtificari hominem per fidem* ea verba in eo ſenſu intelligenda ſunt, quem perpetuus Eccleſia Catholica conſenſus tenuit, & expreſſit: ut ſcilicet, per fidem ideò juſtificari dicamur, quia fides eſt humana ſalutis initium, fundamentum, & radix omnis juſtificationis; ſine quò quòd impoſſibile eſt, placere Deo, & ad filiorum ejus conſortium pervenire. Quam expoſitionem olim tradiderat S. Auguſt. *l. de Prædeſt.* 55. c. 7. dicens: *Ex fide autem ideò dicit [Paulus] juſtificari hominem, quia ipſa prima datur, ex qua impetrentur cætera, qua propriè opera nuncupantur, in quibus juſti vivitur.* Unde inferiùs fidem vocat adificiũ ſpiritualis fundamentum.

IX. Reſponderi ſecundò poteſt, S. Paulum non loqui de ſola fide, ſed de fide operante per caritatem; quæ certè cum includat etiam gratiam, ſupponit hominem juſtificatum: non verò de fide à caritate ſejuncta, cum idem Apoſtolus 1. Cor. 13. v. 2. dicat: *Si habuerim omnem fidem, ita ut montes transferam, caritatem autem non habuerim, nihil ſum.*

X. Di.

X. Dices. Scriptura dicit, nos justificari gratis, & sine operibus, Roman. 3. v. 24. *Justificati gratis per gratiam ipsius.* Ad Ephes. 2. v. 8. *Gratia enim estis salvati per fidem... Non ex operibus &c.* atqui si nostris actibus poneremus dispositiones ad justificationem, jam non justificaremur gratis, sed ex operibus; ergo &c.

XI. Respondit jam Concilium Trident. Sess. 6. c. 8. his verbis: *Gratis autem justificari ideo dicimur, quia nihil eorum, quæ justificationem præcedunt, sive fides, sive opera, ipsam justificationis gratiam promeretur: si enim gratia est, jam non ex operibus, alioquin, ut idem Apostolus inquit, gratia jam non est gratia.* Quodd enim positus actibus disponentibus ad gratiam, Deus det gratiam, non est ex debito justitiæ; sed est novum beneficium fundatum in promissione divina, quæ dixit, Zachariæ 1. v. 3. *Convertimini ad me... & convertar ad vos.* Et Ezech. 18. v. 22. *Si autem impius egerit penitentiam ab omnibus peccatis suis, quæ operatus est, & custodierit omnia præcepta mea, & fecerit judicium, & justitiam... omnium iniquitatum ejus, quas operatus est, non recordabor &c.*

XII. Responderi potest secundò, Paulum excludere ibi opera facta ex lege, qualia erant cæremonialia veteris legis; unde dicit ibi *sine operibus legis*: non autem actus, quos homo Spiritu Sancto movente cor per fidem, spem, timorem, detestatur peccata sua: his enim est non mereatur gratiam, ad eam se præparat, & disponit. Sicut enim justificatio. etsi sit ex fide, est gratuita; quia & ipsa fides gratis datur, sicut justitiæ quædam inchoatio; unde Apostolus, ad Ephes. 2. vers. 8. *Gratia enim (inquit) estis salvati per fidem: & hoc non ex vobis, Dei enim donum est, non ex operibus, ut ne quis gloriatur: ita, etsi fiat ex aliis actibus fidem subsequenteribus, adhuc erit gratuita. quia Dei dona sunt, sicut & ipsa gratia.*

XIII. Obijciunt secundò. Opera facta ab homine ante justificationem sunt facta ab homine adhuc peccatore, adhuc servo peccati, fructus arboris malæ, & consequenter sunt opera mala, & peccata: *Arbor enim mala non potest fructus bonos facere; ut dicitur Matth. 7. v. 18.*

XIV. Respondeo, neg. antec. Est enim homo ante justificationem sit adhuc in statu peccati; dum tamen, ex motione Spiritus Sancti concipit actus fidei, spei, & timoris, jam non agit ut peccator, aut ex affectu ad peccatum: sed potius ex affectu, saltem inchoato, & imperfecto ad justitiam. Unde Tridentinum Sess. 6. Can. 7. *Si quis (inquit) dixerit, opera omnia, quæ ante justificationem sunt, quæcumque ratione facta sint, verè esse peccata, vel odium Dei mereri; aut quantò vehementius quis nititur se disponere ad gratiam, tantò cum gravius peccare: anathema sit.* Licet enim in eo fides non sit adhuc perfectè viva, quia nondum caritate formata: non tamen est prorsus informis, mortua, & otiosa, sed operosa; utpote movens ad opera timoris salutaris, & excitans spei, penitentia, & dilectionis actus, quibus viam ad justitiam parat. Unde fides illa videtur, dici posse viva, vitâ tamen quâdam inchoatâ, & imperfectâ; secundum quam spiritaliter vivere dici potest, qui ex motione Spiritus Sancti ad penitentiam, & novæ vitæ propositum excitatur, ac evigilat. Quapropter articulus 64. Baii, qui dicebat: *Illâ distinctio duplicis vivificationis; alterius, quâ vivificatur peccator, dum ei penitentia, & vitâ novâ propositum, & inchoatio per Dei gratiam inspiratur; alterius, quâ vivificatur, qui verè justificatur, & palmes vitæ in vite Christi efficitur, commentitia judicatur, & Scripturis minimè congruens;* à S. Pio V. & Gregorio XIII. condemnatus fuit. Hinc peccator est arbor mala: sed dum per fidem excitatur in eo motus spei, timoris, dilectionis

nis Dei fontis iustitiæ, non operatur ex radice malâ; sed ex semine bono, quod jacit in cor ejus morio Sancti Spiritus, per quam potest actus aliquomodo vivos, & salutare, esse non meritorios, elicere.

DUBIUM IV.

De Cæteris Dispositionibus ad Justificationem.

§. I.

De Timore.

I. **C**oncilium Tridentinum Sess. 6. c. 6. ubi docet modum præparationis ad justificationem, post fidem ponit timorem, dicens: *Et tum peccatores se esse intelligentes, à divinæ iustitiæ timore, quo utiliter concutiantur &c.* Quibus Concilium duo de timore divinæ iustitiæ statuit: unum, quod intelligamus, nos esse peccatores: alterum, quo divinæ iustitiæ timore utiliter concutiamur. Primum nullam difficultatem habet: soli namque peccatores, dum se tales esse cognoscunt, debent Dei iustitiam vindicem pertimescere. Alterum Lutherus, ut constat ex Bulla Leonis X. negavit, asserens timorem, quo quis Deum vindicem timet, esse peccatum, & peccatores peiores facere. Contra quem Trident. Sess. 6. Canon 8. statuit dicens: *Si quis dixerit, gehenna metum, per quem ad misericordiam Dei de peccatis dolendo confugimus, vel à peccato abstinemus, peccatum esse, aut peccatores peiores facere: anathema sit.* De hoc fuse agemus in Tract. de Pœnitentia. Nunc breviter

II. Dico. Timor Dei vindicis, quo peccator, omni voluntate peccandi depositâ, ad divinam misericordiam confugit, salutaris est. Eum enim Viri Sancti peccatoribus, ut à peccatis abstinere, proposuerunt. Ut Moyses, Deuterom. 30. v. 17. qui filios Israel ad pœnitentiam provocat, aperiendo

eis varias plagas, quibus Deus criminum vindex eorum peccata ulcisci debebat, ni respicerent. Sic Nathan, 2. Reg. 12. comminatione ingentium calamitatum Davidem hortatur ad pœnitentiam. Sic S. Joann. Baptista Sadducæos, & Phariseos venientes ad Baptismum suum compellebat, Lucæ 3. v. 7. &c. *Genimina viperarum, quis ostendit vobis, fugere à ventura ira? Facite ergo fructus dignos pœnitentia.... Jam enim securis ad radicem arborum posita est. Omnis ergo arbor non faciens fructum bonum, excidetur, & in ignem mittetur.* Sic tandem Christus ipse, Lucæ 12. v. 5. *Ostendam (inquit) vobis, quem timeatis: timeate eum, qui, postquam occiderit, habet potestatem. mittere in gehennam.* Ita dico vobis, hunc timeate. Et cap. 13. v. 3. & 7. *Si pœnitentiam non egeritis, omnes similiter peribitis.*

III. Eandem veritatem docuerunt quovis tempore Patres referendi in Tract. de Pœnit. Advertendum tamen est: timorem pœnæ esse posse merè servilem, & serviliter operantem; quatenus facit cavere peccatum, ob metum pœnæ, quæ si non esset, peccatum non caveretur. Possè insuper esse servilem, sed non serviliter operantem: quia etsi metu pœnæ excitetur, depositâ tamen omni voluntate peccandi, facit peccatorem confugere ad misericordiam Dei, ut ipsum ad iustitiam perducatur, quâ reconcilietur cum ipso. Primus timor, qualis est timor latronis, qui cessat à furto timore suspendii, paratus tamen furari, si non esset pœna suspendii, laudabilis non est; & rejicitur ab Augustino lib. de Spiritu, & litt. c. 32. *Cùm aliud habeat in voluntate, quàm mallet, si fieri posset, licere quod non licet.* Secundus verò utilis est, ac laudabilis; utpote deponere faciens omnem voluntatem peccandi, & sensum ad iustitiam manuducens. Eumque Augustinus non rejicit citato loco, cap. 29. dicens: *Sub quo timore animas laborans, quando concupiscentiam malam non videt*

verit, nec timor ille quasi custos severus abstergerit, per fidem confugiat ad misericordiam Dei, ut det quod jubet: atque inspiratâ gratia suavitate per Spiritum Sanctum, faciat plus delectare, quod præcipit, quàm delectat, quod imponit. Hunc ergo timorem inter dispositiones ad justificationem recenset, Sess. 6. c. 6. Tridentinum, dum ait: *A' divina iustitia timore, ad considerandam Dei misericordiam se convertendo, in spem eriguntur.* Et Sess. 14. cap. 4. eum pronunciat bonum, ac laudabilem: *Si voluntatem peccandi excludat eum spe venia: declaratque, esse donum Dei, & Spiritus Sancti impulsus, non adhuc quidem inhabitantis, sed tantum moventis, quo puniens adiutus, viam sibi ad iustitiam parat.*

6. I I.

De Spe Venia, & inebatâ Dei Dilectione.

IV. **P**OENitens ergo timore concusus ad divinam misericordiam considerandam se convertens, in spem erigitur, ait Trident. Sess. 6. cap. 6. sæpe citato. Quibus excitatur quaestum: an inter dispositiones ad justificationem sit recensenda *spes venia*.

V. Dico. Spes veniæ inter dispositiones ad justificationem recensenda est. Hanc indicat Tridentinum citatum, his verbis, fidentes, *Deum sibi propter Christum propitium fore.* Et meritis: nam Peccator non aliunde sperare, & confidere debet suam cum Deo reconciliationem, nisi per Christum. Etenim *Advocatum habemus apud Patrem, Jesum Christum.* Et ipse est *propitiatio pro peccatis nostris* (1. Joan. 2. v. 1. & 2.) Hoc idem probant omnia testimonia, quæ pro sua fiducia adstruendâ adducunt Sectarîi: quamvis illi eisdem abutantur, ponentes, fiduciam esse causam immediatè apprehendentem iustitiam; nos autem ponamus eam, tanquam dispositionem

adhuc remotam. Idem confirmat illud Psalmi 35. v. 40. *Ernet eos à peccatoribus, & saltabit eos, quia speraverunt in eo.* Illud Pauli Rom. 8. v. 24. *Spe enim salvi facti sumus.* Unde Christus sæpè ad spem, & fiduciam peccatores hortabatur. Quamvis autem obiectum spei alia multa comprehendat: tamen in negotio justificationis solum respicit spes veniam peccatorum, & gratiam reconciliationis per merita Christi obtinendam.

VI. Si quæras: An spes veniæ sit simpliciter necessaria ad justificationem?

Respondeo affirmativè. Quamvis enim fortè possit aliquis, ad iustitiam se disponere sine timore poenæ, cum solo timore filiali, & perfectio; ut in Magdalena contigit, & aliis, qui fervore caritatis iustitiam adepti sunt: sine spe tamen veniæ obtinendæ per Christum, & fiduciâ in ipsum, nemini iustitia conceditur: quia ipse est *propitiatio pro peccatis nostris*, ut dictum est. Et (ut ait Petrus Act. 4. v. 12.) *non est in alio aliquo salus.* Nec enim aliud nomen est sub Cælo datum hominibus, in quo oporteat, nos salvos fieri. Quare sicut nemo habere potest iustitiam sine fide in Christum: ita nec sine spe eandem à Deo obtinendi per Christum. Ad quod respiciens Tridentinum, eodem modo necessariam ad justificationem statuit spem, ac fidem, & caritatem, Sess. 6. Can. 3. & Sess. 14. c. 4. contritionem, quam quovis tempore dicit, fuisse necessariam ad impetrandam veniam peccatorum, docet, includere fiduciam divinæ misericordiæ, quæ fiducia, ex dictis, est actus spei.

6. I I I.

De Dilectione Dei.

VII. **P**ost spem Conc. Trident. Sess. 6. c. 6. ponit dilectionem Dei, dicens: *Illumque tanquam omnium iustitia fontem diligere incipiunt.* Cumque

que dilectio Dei sit duplex: alia amicitiae, seu benevolentiae, quā diligitur Deus, quia in se bonus: alia concupiscentiae, quā diligitur, quia bonus nobis; quæritur, quænam dilectio sit dispositio necessaria ad justificationem.

VIII. Dico. Si loquamur de justificatione obtinendā extra Sacramentum, requiritur dilectio Dei amicitiae, seu benevolentiae: si verò loquamur de justificatione obtinendā per Sacramentum sive Baptismi, sive Pœnitentiae, probabilius est, sufficere dilectionem Dei, quæ sit concupiscentiae. Prima pars probatur. Nam contritionem, quæ hominem Deo reconciliat extra Sacramentum, Trident. Sess. 14. c. 4. vocat *contritionem caritate perfectam*: hæc autem amorem amicitiae erga Deum, quia in se bonum, includit. Tūc etiam: quia contritio, & amor Dei requiritur ad reconciliationem extra Sacramentum, quæ ad eam quovis tempore fuit necessaria, etiam quando Sacramenta gratiam non conferebant: sed contritio, quæ omni tempore fuit necessaria, est contritio caritate perfecta includens amorem amicitiae: hac enim, & non aliā viā in lege veteri, quando Sacramenta conferendæ gratiæ nullam vim habebant, poterant homines justificari; ergo hac solā justificari possunt etiam nunc, qui extra Sacramentum actu susceptum justificantur.

IX. Secunda verò pars probanda relinquitur in Tractatu de Pœnitentia: ubi ostendetur, probabilius esse, ad obtinendam justificationem per Sacramentum Baptismi, aut Pœnitentiae, sufficere contritionem imperfectam, seu attritionem; quæ non includit amorem caritatis, & amicitiae, sed solum amorem concupiscentiae. Unde quia Concilium laudat Sess. 6. c. 6. loquitur de dispositionibus ad obtinendam gratiam justificationis per Baptismum, consulto dicit, Deum, *tāquam omnis iustitiae fontem, diligere incipiunt*, id est, Deum ut fontem, ex quo omnis ju-

Tom. IX.

stitia in nos emanat: quod est diligere Deum, ut bonum nobis, nondum verò ut bonum in se. Sed de hoc plura, si Deus dederit, loco citato.

§. I V.

De Odio, ac Detestatione Peccati.

X. Postquam peccatores ad iustitiam se disponentes ceperunt diligere Deum omnis iustitiae fontem; pergit Concilium, citatā Sess. 6. c. 6. dicens: *Ac propterea moventur adversus peccata per odium aliquod, ac detestationem, hoc est, per eam penitentiam, quam ante Baptismum agi oportet.* Et hoc asserit contra Lutherum asserentem, pœnitentiam nihil aliud esse, quā novam vitam. Contra quem etiam, Sess. 14. c. 4. ait: *Declarat igitur Sancta Synodus, hanc contritionem non solum cessationem à peccato, & vita novæ propositum, & inchoationem, sed veteris etiam odium continere, juxta illud (Ezech. 18.) Proiicite à vobis omnes iniquitates vestras, in quibus pravavistis estis, & facite vobis cor novum, & spiritum novum. Et certè qui illos Sanctorum clamores consideraverit (Psal. 50.) Tibi soli peccavi, & malum coram te feci (Psal. 6.) Laboravi in gemitu meo, lavabo per singulas noctes lectum meum, recogitabo tibi omnes annos meos in amaritudine animæ: Et alios huiusmodi generis, facili intelliget, eos ex vehemēti quodam antea à vita odio, & ingenti peccatorum detestatione mansisse.* Hæc Tridentinum.

XI. Loquitur autem de pœnitentia, quæ necessariò præcedere debeat justificationem. ordinariè loquendo; non verò de illa, quæ in casu extraordinario contingeret: ut si quis rapiatur ad martyrium, & memoriam ipsi non occurrunt peccata; tunc solā expressā dilectione Dei cum solā virtuali contritione, & pœnitentiā justificabitur: cū Deus diligentes se diligit, imò nullus verā caritate diligere Deum, possit, nisi prius diligatur à Deo.

Ii

§. V.

§. V.

De Proposito suscipiendi Baptismum, vel Penitentia Sacramentum, Vita Emendanda, & Observantia Præceptorum.

XII. Concludit Tridentinum, dictâ Sess. 6. c. 6. sic: Denique dum proponunt suscipere Baptismum, inchoare novam vitam, & servare divina mandata. Hoc certum esse dico. Requirit enim, ut Infidelis disponatur ad justificationem, propositum suscipiendi Baptismum, constat ex dicto Petri, Act. 2. v. 48. ubi prædicatione ejus multi compuncti corde cum dicerent Apostolis: *Quid faciemus, viri fratres?* Respondit Petrus: *Penitentiam agite, & baptizetur unusquisque vestrum in nomine Jesu Christi, in remissionem peccatorum vestrorum. Et accipietis donum Spiritus Sancti.*

XIII. Requirit etiam in baptizato propositum suscipiendi Sacramentum Pœnitentiæ, docet Trident. Sess. 14. c. 4. dicens, quoddam contritio caritate, perfecta hominem Deo reconciliet, priusquam Sacramentum Pœnitentiæ actu suscipiatur: *Ipsam nihilominus reconciliationem ipsi contritioni, sine Sacramenti voto, quod in illa includitur, non esse adscribendam.* Et merito: id enim est respectu peccatoris baptizati Sacramentum Pœnitentiæ, quod est respectu baptizati Sacramentum Baptismi: sed in Infidelibus necessarium est propositum Baptismi, ut iustificentur; ergo &c.

XIV. Requirit quoque propositum vitæ emendandæ, & præcepta Dei observandi, colligitur ex illo Ezechiel. 18. v. 21. *Si autem impius egerit penitentiam ab omnibus peccatis suis, quæ operatur est, & custodierit omnia præcepta mea, & fecerit iudicium, & iustitiam: vitâ vivet, & non morietur.* Quæ verba significant propositum efficax emendandæ vitæ, & servandi præcepta, ad iustitiam tunc acquirendam,

tunc servandam. Hoc autem propositum non debet semper esse expressum; sed aliquando sufficit, ut sit virtuale, & implicitum: ut dum quis actu amoris Dei super omnia formaliter, & proximè ad justificationem disponitur: in eo enim actu virtualiter continetur propositum suscipiendi Sacramentum, emendandæ vitæ, & præcepta Dei servandi, ut suo loco diximus.

§. V I.

De Ultima Dispositione ad Justificationem; à quo Principio sit.

XV. **M**agno studio, & contentione volunt hic aliqui, etiam ex nostris, ultimam dispositionem ad gratiam, quæ in eodem instanti est simul cum gratia, præcedere quidem gratiam in genere causæ materialis; sed procedere à gratia habituali, eamque sequi in genere causæ efficientis. Verùm quia hæc opinio non paucis scaturit difficultatibus, quibus implicari, censeo non expedire: ideo cum aliis

XVI. Dico. Probabilius videri, ultimam dispositionem ad gratiam iustificantem non esse efficienter ab ipsa gratiâ, sed ab auxilio supernaturali. Huic favere videtur Concilium Trident. Sess. 6. ubi cùm c. 5. & 6. omnes dispositiones ad justificationis gratiam requisitas recensuisset; sic inchoat caput 7. *Hanc dispositionem, seu præparationem, justificatio ipsa consequitur.* Igitur significat, infusionem habitualis gratiæ quæ posteriore reali existentia omnium dispositionum. Favere videtur etiam S. Thomas: tùm 1. p. q. 62. a. 2. ad 3. ubi quærens, an Angelus indigeret gratiâ, ut converteretur in Deum; triplicem distinguit conversionem in Deum. Una est per dilectionem perfectam, quæ est creatura jam Deo fruente; & ad hanc conversionem requiritur gratia consummata. Aliæ conversio est, quæ est meritum beatitudinis; & ad hanc requiritur habitus

4^a gratia, quæ est merendi principium. Tertia conversio est, per quam aliquis preparat se ad gratiam habendam: & ad hanc non exigitur aliqua habitualis gratia, sed operatio Dei ad se animam convertentis, juxta illud Thren. ultimo: Convertite nos Domine ad te, & convertetur. Loqui autem de præparatione ultima, patet: quia loquebatur de Angelis, in quibus, utpote justificatis in instanti creationis, nulla præparatio tempore præcessit gratiam. Sentit ergo, ultimam dispositionem ad gratiam habitualement esse à Deo movente, non ab ipsa gratiâ. Quod expressit etiam 1. 2. q. 109. a. 6. & q. 112. a. 2. ubi docet, ad gratiam habitualement requiri præparationem, non similiter ad gratiam actualem: si autem quod procedit efficienter à gratia, posset esse dispositio ad illam; potuisset æquè dicere, actum contritionis, etsi efficienter à gratia actuâli procedentem, adhuc esse dispositionem ad illam.

XVII. Sed clariùs id offendit Q. 28. de Verit. a. 8. ubi cum tale proposuisset argumentum: Contritio est actus meritorius: sed actus meritorius non est nisi à gratia; ergo gratia est causa contritionis: sed causa naturaliter præcedit effectum; ergo gratia infuso naturaliter præcedit contritionem. Cui non respondet, gratiam esse causam efficientem contritionis, seu hanc efficienter procedere à gratia habituali, sed: At primum, quod in contrarium obijcitur, dicendum, quod contritio est à gratiâ, sicut ab informante; & ita sequitur, quod in ratione causa formalis gratiæ sit prior: nimirum, quod contritio, ut meritoria, sit contritio formata gratiâ.

XVIII. Ex hoc conficitur prima ratio. Si enim contritio, quæ est ultima dispositio ad gratiam habitualement, procederet ab ea, ut principio efficiente; sequeretur, quod esset meritoria de condigno remissionis peccatorum: procederet enim ab habitu gratiæ, & caritatis in homine viatore, & esset naturâ prior, quàm peccatorum remissio; ergo nihil ei decisset ad meritum de condigno.

XIX. Et confirmo. Quia habitus gratiæ vel existit in anima hominis pro illo priori, quo actus contritionis, vel dilectionis Dei super omnia elicitur; vel non existit, sed postea infunditur: si primum; ergo homo est, vel saltem concipitur formaliter justus, ac justificatus, priusquàm eliciat tales actus contritionis, & caritatis; quia habet, vel concipitur habere in se causam formalem suæ justificationis: & sic tales actus non sunt dispositiones, sed effectus justificationis. Si verò secundum; ergo præfati actus non sunt efficienter à gratia justificante: cum causa efficiens non possit causare, aut concipi causas, pro eo priori, quo vel non existit, vel non concipitur existens: existentia enim est conditio indispensabilis ad efficienter causandum.

XX. Nec dicas, hinc sequi, hominem adultum priùs diligere Deum perfectâ dilectione, quàm Deus ipsum diligat, contra illud 1. Joann. 4. v. 10. *In hoc est caritas, non quasi nos dilexerimus Deum; sed quoniam ipse prior dilexit nos.*

XXI. Nam respondetur, neg. sequentem. Nam actus ille dilectionis Dei ultimè dispositivus ad gratiam justificantem, estò procedens à gratia actuâli, & supernaturali, non est tamen perfectus in genere supernaturali: quia elicitur à persona, quæ in illo signo nondum censetur grata, nec habens habitum caritatis, qui est terminus completus dilectionis divinæ, & ponens hominem in statu supernaturali simpliciter.

XXII. Collige ex dictis, ultimam dispositionem ad gratiam non causare efficienter gratiam: hanc enim solus Deus, sicut & virtutem infusam, in nobis, operatur sine nobis efficientibus, estò non sine nobis consentientibus; sicut nec ultima dispositio in naturalibus est causa efficiens formæ, ad quam disponit, ut docet D. Th. Q. 28. de Verit. a. 8. ad 5. Et multò magis in supernaturalibus, ubi posita

li 2 ultra

ultimâ dispositione, adhuc pendet à voluntate Dei gratiam justificantem infundere; & est novum beneficium prorsus distinctum à beneficio dispositionis, quam etiam gratuitò dedit.

§. VII.

*An Justificatio sit maximum Opus Dei;
& an Miraculosum?*

XXIII. Respondeo ad primum quaesitum cum D. Tho. *q. 113. a. 9.* quòd aliquod opus dicitur maximum, vel ex parte modi, quo fit; vel ex parte magnitudinis ejus, quod fit. Primo modo *maximum opus est opus creationis, in quo ex nihilo fit aliquid.* Secundo modo *magis opus est justificatio impii, qua terminatur ad bonum aeternum divina participationis, quam creatio Culi, & terra, qua terminatur ad bonum natura mutabilis.* Et ideo Augustinus (tract. 71. in Joan.) cum dixisset, quòd majus est, quòd ex impio fiat iustus, quam creare Caelum, & terram, subjungit: Caelum enim, & terra transibit; Praedestinatorum autem salus, & justificatio permanebit.

XXIV. Notandum insuper est: quòd magnitudo operis considerari potest, vel ex absoluta quantitate rei, quae fit; & hoc modo glorificatio iustorum majus opus est, quam justificatio impii: vel spectatâ proportionem ad eum, cui, vel in quo illud opus fit; & sic justificatio impii majus Dei opus est, quam glorificatio iustorum: *Quia plus excedit dignitatem impii, qui erat dignus poenâ, quam dñum gloria dignitatem iusti, qui ex hoc ipso, quòd justificatus est, est dignus gloria.* Quemadmodum absolutè major est mons parvus, quam millium magnum; spectatâ tamen proportionem ad naturam millii, & montis, majus esset millium magnum, quam mons parvus.

Et ideo Augustinus dicit ibidem: *Judicet, qui potest, utrum majus sit, ju-
stor Angelos creare, quam impios justi-
ficare. Certè si aequalis est utrumque po-
tentia, hoc majoris est misericordia.*
Ita ex D. Tho.

XXV. Ad secundum quaesitum, respondeo cum eodem S. Doctore *qu. 113. citatâ a. 10.* Quòd si opus miraculosum dicatur, quòd à sola divina virtute fieri potest: sic justificatio dici potest in aliquo sensu miraculosum opus, seu potius mirum. Si verò opus miraculosum sumatur pro eo, quòd praeter solitum, & communem ordinem causarum evenit; sicut sanitas restituta infirmo, praeter solitum cursum sanationis, quae fit à natura, vel arie: sic justificatio quandoque est miraculosa, quandoque non. Si enim secundum communem cursum, Deo movente interiùs animam, homo convertatur ad Deum; primò quidem conversione imperfectâ, ut postmodum ad perfectam deveniat, justificatio miraculosa non est. Si verò tam vehementer Deus animam moveat, ut statim quandam perfectionem justitiæ assequatur; sicut fuit in conversione Pauli, adhibitâ etiam interiùs miraculosa prostratione: sic justificatio erit miraculosa: & ideo conversio Pauli tanquam miraculosa ab Ecclesia celebratur. Ita ex D. Tho. Unde absolute, & secundum quòd ordinariè fit, justificatio non est opus miraculosum. Nec refert, quòd quaedam opera minora sint miraculosa. Nam, ut ait Divus Thomas relatus ad 1. *Quadam miraculosa opera, etsi sint minora, quam justificatio impii, quantum ad bonum, quòd fit; sunt tamen praeter consuetum ordinem talium effectuum: & ideo plus habent de ratione miraculi.* Quomodo etiam miraculosum est, quòd scientiam, quam homo proprio ingenio, & studio natus est acquirere, à Deo infusam accipiat, ut ait idem S. Doct. ad 3.

TRACTATUS

DE MERITO JUSTI.

Inter præcipuos gratiæ iustificantis effectus sunt bona Iustorum opera; ad quæ elicienda per gratiam potentes sunt: & per quæ digni evadunt, ut à Deo aeternæ gloriæ præmium reportent. Æquum igitur est, ut post explicatam gratiæ habitualis naturam, ac ejusdem prærogativas expolitas; ejus quoque secunditatem in merito, seu opere merito:io explanemus. Quod præsentî Tractatu præstabimus; quærentes primò; quid, & quotuplex sit meritum: an dari possit, & an detur in homine erga Deum: quid requiratur ad meritum: & tandem quid sub merito hominis cadere possit.

QUÆSTIO I.

De Essentia, Divisione, & Existentiâ Meriti.

Quid, & quotuplex sit meritum breviter explicato; ejus existentiam in homine iusto, etiam pro præsentî statu, contra hæreticos nostrî temporis statuemus.

DUBIUM I.

Quid, & Quotuplex sit Meritum.

§. I.

Essentia Meriti.

I. Meritum, secundùm D. Thomam 1. 2. q. 21. a. 3. est proprietas actus humani, pro ut est moraliter bonus: ex eo enim,

quodd est moraliter bonus, habet rationem meriti; sicut ab opposito, ex eo, quodd sit malus, habet rationem demeriti. Non quodd eadem sit ratio boni, quæ est meriti, aut ratio mali, quæ est demeriti: sed quia ad actum humanum bonum sequitur ratio meriti, & ad malum ratio demeriti. Quia omnis actus humanus, vel dirigitur in utilitatem Communitatis, vel singularis personæ; & sic debetur ei, qui illum facit, aliqua retributio præmii: vel dirigitur in damnum Communitatis; & sic debetur ei retributio poenæ. Neque ad meritum, vel demeritum requiritur, quodd actus sit bonus, vel malus alteri, sive Communitati, sive particulari personæ; sed sufficit, ut sit bonus, vel malus ipsi agenti: hoc enim ipso est bonus, vel malus Communitati, cujus ipse agens est pars. Sicut eo ipso, quodd benè, vel malè sit digito hominis; vel eum sanando, vel lædendo, benè, vel malè sit toti corpori. Et per consequens bono, vel malo facto in utilitatem, vel damnum Communitatis, vel particularis personæ, vel etiam ipsiusmet agentis, debetur à Restore Communitatis præmium, vel poena.

II. Hinc actus meritorius dici potest in genere: *Opus retributione dignum, quatenus aliquis dat de suo, ut accipiat de alieno.* Sicut qui laborat in vinea alterius, ut accipiat statutam mercedem; dat aliquid de suo, nempe, operam, & laborem, quem habet in sua potestate, ut accipiat aliquid de alieno, nempe, pecuniam, quæ est in potestate alterius. Ad præsens tamen institutum describi potest meritum, quodd sit: *Actus liber bonus in*

obsequium pramiantis elicitus. Est enim differentia inter commutationem, & meritum, quoddam in commutatione, utpote ad iustitiam commutativam spectante, servari debet omnimoda æqualitas: ut si quis centum dedit, centum etiam recipiat, sive in eadem, sive in æquivalenti specie. Hoc autem non exigitur ad meritum: quia iustitia distributiva, ad quam propriè spectat merito reddere præmium, non servat arithmeticam æqualitatem, sed proportionem; ut iuxta æstimationem prudentum merito correspondeat præmium, quod sit aliquid excellentius merito: quia qui meretur, tendit ad aliquid supra se, suis tamen operibus correspondens.

6. I I

Quotuplex sit Meritum.

III. Duplex communiter distingui solet meritum: unum de condigno, alterum de congruo. Meritum de condigno illud est, quod habet condignitatem ad præmium: ita ut, pensatis omnibus, jure debeat talis operi tale præmium; quamvis illa dignitas operis proveniat ex gratia personæ merenti collatâ. Et hoc est meritum, quod communiter intelligi solet, dum agitur de merito hominis iusti; cui, ut videbimus, debetur quidem præmium, sed non de toto rigore iustitiæ: quo meritum hominis distinguitur à merito Christi, quod ex se, & ex dignitate Personæ tale opus est, ut ei secundum perfectum iustitiæ rigorem debeat præmium.

IV. Meritum autem de congruo est illud, quod licet non habeat condignitatem, nec inferat jus, aut debitum ad præmium; nihilominus quædam decencia, & congruitas est, ut ille, qui potest reddere præmium, illud pro tali opere conferat. Exemplum utriusque afferri potest in milite, qui optime se gessit in prælio. Hic enim duplex habet meritum;

unum de condigno, nempe, ad stipendiū strenuè militantibus statutum: alterum verò de congruo, ut scilicet à Rege, vel Principe, præter ordinarium stipendium, ipsi conferatur aliquod donum, vel dignitatis, aut nobilitatis prærogativa. Licet enim hoc titulo iustitiæ non debeat; congruum tamen est, ut Rex, vel Princeps: erga strenuos milites ita se gerat.

V. Hinc apparet differentia inter utrumque meritum. Quoddam meritum de condigno verè, & simpliciter est meritum, & innititur iustitiæ; adeo ut sic merenti, debitum sit ex iustitia præmium. Meritum autem de congruo solum est improprie meritum, utpote non habens æqualitatem ad præmium; nec innititur iustitiæ, sed potius liberalitati, & decentiæ: adeo ut cui hoc tantum meritum inest, non reneatur Deus quidquam rependere, quasi futurus in eum iniustus, si non rependeret: sed solum, quoddam sic congruat divinæ bonitati, ei aliquid conferre, non tanquam præmium, aut coronam, sed ex quadam decencia gratitudinis, liberalitatis, vel etiam fidelitatis. Hinc etiam sequitur, quoddam meritum de congruo non requirat eam, tum personæ, tum operis dignitatem, quam requirit meritum de condigno: debet tamen esse opus bonum ejusdem ordinis cum ea re, ad quam ordinatur, idest supernaturali, si ordinatur ad consecutionem boni supernaturalis. Unde opus bonum ordinis naturalis, nec de congruo mereri potest donum vel minimum ordinis supernaturalis. Et insuper debet fieri in officium, aut obsequium gratum, vel utile illi, apud quem est meritum.

VI. Præter meritum de congruo duplex esse potest. Aliud se tenens ex parte merentis: quatenus in merente est quædam decencia movens largitorem, ut suam exerceat liberalitatem. Sic oratio iusti meretur bonâ supernaturalia proximo: quia concedens est, ut, sicut iustus facit voluntatem Dei; ita & Deus exaudiat volun-

Iustitiam Iusti in utilitatem proximi. Aliud est meritum de congruo, tenens se tantum ex parte operis servantis quamdam proportionem, per modum dispositionis: decens enim est, quod Deus, ubi invenit dispositionem, adjiciat perfectionem. Sic peccator eliciens actum fidei dicitur mereri de congruo augmentum fidei; decentiâ tamen se tenente ex parte Dei, non ex parte hominis. Quod indicavit S. August. *Epist.* 106. modò 186. c. 3. dum ait: *Si quis autem dixerit, quod gratiam bene operandi fides mereatur, negare non possumus; imò verò gratissimè confitemur. Hanc enim fidem volumus habere, qui impetrant caritatem.*

Eiusmodi meritum, aliis verbis, vocatur meritum impetrationis. In quo sensu S. Thomas 2. 2. q. 83. a. 16. docet, orationem peccatoris esse aliquando impetratoriam. Verum est enim (ait ibi a. 15. ad 1.) *Oratio sine gratiâ gratum faciente meritoria non est, sicut nec aliquis actus virtuosus. Et tamen etiam oratio, qua impetrat gratiam gratum facientem, procedit ex aliqua gratiâ, quasi ex gratuito dono; quia ipsum orare est aliquod Dei, ut August. dicit in lib. de Perseverantia c. 23. maxime, quando petit necessaria ad salutem. Ut enim docet ibi ad 3. Oratio innitur principaliter fidei, non quantum ad efficaciam merendi, quia sic innitur principaliter caritati; sed quantum ad efficaciam impetrandi: quia per fidem habet homo notitiam omnipotentia divina, & misericordia, ex quibus oratio impetrat, quod petit. Impetrat enim oratio peccatoris, non ex merito peccatoris (sic enim oratio non implens legem dicitur execrabilis, *Prov.* 28. & *Joann.* 9. peccatores Deus non exaudit) sed inter dum impetrat ex misericordia Dei. Vel propter salutem ejus, qui orat, sicut auditus est Publicanus, *Luc.* 18. Vel etiam propter salutem aliorum, & gloriam Dei. Ita S. Tho. eadem 2. 2. q. 178. a. 2. ad 1.*

DUBIUM II.

An Homo Iustus possit aliquid à Deo Mereri de Condigno?

§. I.

Catholica Veritas contra Sectarios.

I. Hominem coram Deo mereri non posse de condigno, sentiunt omnes nostri temporis Sectarii: inter quos eminet Calvinus, qui lib. 3. *Instit.* cap. 15. Bonorum (inquit) *meriti laudem, non ut Sceptista faciunt, inter Deum, & hominem partimur: sed totam integram, & illibatam Domino salvamus. Tantùm hoc homini assignamus, quod ea ipsa, quae bona erant, suâ impuritate polluit, & contaminat: nihil enim ab homine erit, quantumvis perfectò, quod non sit aliqua maculâ inquinatum. Vocet igitur Dominus in iudicio, qua in humanis operibus optima sunt; suam in illis quidem iustitiam agnoscat, hominis verò dedecus, & probum. Placent itaque Deo bona opera, nec suis auctoribus sunt infructuosa. Quid magis? Amplissima Dei beneficia remunerationis loco statuit, non quia ita merentur; sed quia divina benignitas hoc illis ex se ipsa premium statuit. Hæc Calvinus. Qui Sectariorum error radices habet in alio, superius, in Tractatu de Gratia habituali, & de Iustificatione, à nobis impugnato: quod, scilicet, opera hominis, etiam iusti, sint in se ipsis peccata; & solum ei non imputentur ad culpam, quia iustitiâ Dei, & Christi teguntur. Plurâ de hoc diximus in Vera Ecclesia, Tom. 2. p. 1. toto art. 9. Verùm pro mei Candidati instructione*

II. Dico. Opera Iustorum sunt verè de condigno meritoria, etiam vitæ æternæ. Hanc veritatem docet, & variis Scripturæ testimoniis confirmat Conc. Trident. *Seff.* 6. cap. 16. cujus verba bene notanda refero: *Hac igitur*

itur

tar ratione (inquit) iustificatis hominibus , five acceptam gratiam perpetuè conſervaverint , five amiſſam recuperaverint , proponenda ſunt Apoſtoli verba (1. Cor. 15. v. 58.) *Abundate in omni opere bono , ſcientes , quòd labor veſter non eſt inanis in Domino* (Hebr. 6. v. 10.) *Non enim iniuſtus eſt Deus , ut oblivifcatur operis veſtri , & dilectionis , quam oſtendiſtis in nomine ipſius . Et* (Hebr. 10. v. 35.) *nolite amittere confidentiam veſtram , qua magnam habet remunerationem . Atque ideo benè operantibus uſque in finem , & in Deo ſperantibus proponenda eſt vita æterna ; & tanquam gratia filii Dei , per Chriſtum Jeſum , miſericorditer promiſſa : & tanquam merces , ex ipſius Dei promiſſione , bonis ipſorum operibus , & meritis fideliter reddenda . Hæc eſt enim illa corona iuſtitia , quam poſt ſuum certamen , & curſum repoſitam ſibi eſſe , aſſebat Apoſtolus (2. ad Timoth. 4. v. 7. & 8.) *A juſto iudice ſibi reddendam , non ſolum autem ſibi , ſed & omnibus , qui diligunt adventum ejus . Cum enim ille ipſe Chriſtus Jeſus* (Joann. 15. & 1. Cor. 11.) *tanquam caput in membra , & tanquam vitis in palmites , in ipſos iuſtificatos jugiter virtutem inſuât ; qua virtus bona eorum opera ſemper antecedit , & comitatur , & ſubſequitur ; & ſine quâ nullo paſſo Deo grata , & meritoria eſſe poſſunt : nihil ipſi iuſtificationis ampliùs deſſe , credendum eſt , quòd minùs plene illis quidem operibus , qua in Deo ſunt facta , divina legi pro huius vita ſtatu ſatisfeciſſe , & vitam æternam ſuo etiam tempore , ſi tamen in gratia deceſſerint , conſequendam , verè promeruiſſe conſentantur : eòdem Chriſtus Salvator noſter dicat* (Joann. 4. v. 13.) *Si quis biberit ex aqua , quam ego dabo tibi , non ſitiet in æternum , ſed ſiet in eo fons aqua ſalientis in vitam æternam .* Haſtenus Tridentinum . Cuius verba per extenſum ponere placuit : continent enim totam catholicam de merito Juſti fidem , Sacræ Scripturæ testimoniis comprobata .*

III. Nec deſunt alia testimonia , quibus hæc veritas conſirmatur . Primò . Ea ſunt , quibus aſſeritur , Deum bonis Juſtorum operibus mercedem retribuire ; nam merces , & meritum correlativa ſunt . Matth. 5. v. 12. *Merces veſtra copioſa eſt in Cælis .* 1. Cor. 3. v. 8. *Unuſquiſque autem propriam mercedem accipiet ſecundum ſuum laborem .* Ubi ly ſecundum indicat , reddi mercedem propter laborem , tanquam juſtam retributionem laboris : non verò , quòd præciſe deſur poſt laborem , ut volunt hæretici ; cum *Pſal. 61. v. 13. dicatur Deo : Quia tu reddes unicuique juxta opera ſua .* Et Matth. 16. v. 27. dicat Chriſtus , quòd filius hominis venturus eſt in gloria Patris ſui cum Angelis ſuis : & tunc reddet unicuique ſecundum opera ejus .

Secundò . Ea ſunt , quibus aſſeritur , Juſtos facere aliquid dignum apud Deum , mercede ſcilicet , ac præmio . Ut Sap. 3. v. 5. ubi de Juſtis dicitur : *Deus tentavit eos , & invenit illos dignos ſe .* Ad Coloſ. 1. v. 10. *Ut ambuletis dignè Deo per omnia placentes , in omni opere bono fruſtrificantes .* 2. ad Theſſal. 1. v. 5. *Ut digni habeamini in Regno Dei , pro quo & patimini .*

IV. Hoc idem teſtatur Concilium Arauſicanum II. Can. 18. dicens : *Debetur merces bonis operibus , ſi ſiant : ſed gratia , qua non debetur , præcedit , ut ſiant .* S. Cyprianus lib. de Unit. Eccleſiæ : *Accipiunt* (inquit) *merita noſtra mercedem .* Auguſt. Ep. 105. modò 194. ad Sixtum cap. 2. *Nullane igitur ſunt merita Juſtorum ? Sunt plane , quia juſti ſunt .* Sed , ut juſti fierent , merita non fuerunt .

V. Quòd verò opera Juſtorum ſint meritoria de condigno etiam vitæ æternæ : (quod Acatolici quidam admittentem in Juſto meritum quoad alia , quoad vitam tamen æternam negant) probatur . Tùm ex illo 2. ad Timoth. 4. ſupra à Trident. allato , ubi de ſe Paulus dicit v. 8. *In reliquo repoſita eſt mihi corona iuſtitia , quam reddet mihi Domi-*

Dominus in illa die iustus iudex: non solum autem mihi, sed & his, qui diligunt adventum ejus. Quid est autem id, quod reddet Deus in illo die, nisi vita æterna? Ergo si hæc redditur, ut corona iustitiæ, jam redditur ex merito stricte tali. Ad hoc faciunt verba Christi, Matth. 25. v. 34. Venite benedicti Patris mei: possidete paratum vobis Regnum.... esurivi enim, & dedistis mihi manducare &c. Et hæc alia ibidem v. 21. Euge serve bone & fidelis, quia super pauca fuisti fidelis, super multa te constituam, intra in gaudium Domini tui. Ubi ly enim, & ly quia faciunt sensum causalem; denotantque, Regnum Cœlorum, & gaudium beatitudinis dari intuitu bonorum operum, & meritum.

VI. Neque valet responsio Calvinii dicentis, ly enim, & ly quia notam esse ordinis, & consequentiæ, non autem causæ — Quia ibidem Christus eodem modo loquitur de Regno dando bonis, ac de gehenna reddenda impiis; *Ite maledicti in ignem æternum: esurivi enim, & non dedistis mihi manducare &c.* At loquendo de gehenna, puto, Calvinus non dicet, ibi non reddi causam, quare impii in gehennam detrudantur, sed solum ordinem consequentiæ; ergo nec dicat, ibidem non reddi causam, quare bonis non detur Regni possessio, cum dicatur, dari intuitu bonorum operum.

VII. Respondebit, discrimen inter gehennam, & Regnum tradi ab Apostolo, Roman. 16. v. 23. qui loquens de morte æternâ dicit, eam esse stipendia peccati: *stipendia enim peccati mors.* Loquens autem de vita æternâ dicit, eam esse gratiam: *Gratia autem Dei vita æterna in Christo Jesu Domino nostro.*

VIII. Sed contra. Nam idem Apostolus locis supra citatis vocat gloriam, coronam iustitiæ reddendam sibi, & aliis post certamen, cursum, & fidem servatam (2. ad Tim. 4. v. 8.) Ut autem ibidem c. 2. v. 5. dixerat: Tom. IX.

Qui certat in agone, non coronatur, nisi legitime certaverit. Insuper 1. Cor. 9. v. 24. Vitam æternam assimilat bravio, vocat eam coronam incorruptam; & homines iis, qui in stadio currunt, qui in agone contendunt, ut corruptibilem coronam accipiant.

Cur autem citato loco vitam æternam gratiam dixerit, non coronam, aut stipendium; id fuit, inquit Augustinus citatâ Epist. 194. aliâs 105. ad Sixtum c. 5. non quia non potuisset ita loqui: nam quis non enim congruentissimè, & consequenter addere iudicaret, si diceret, stipendium autem iustitiæ vita æterna? & verum est: quia sicut merito peccati, tanquam stipendium, redditur mors: ita merito iustitiæ, tanquam stipendium, vita æterna.... Unde etiam merces appellatur plurimis sanctarum Scripturarum locis. Sed ideo noluit dicere stipendium iustitiæ vita æterna, ne se extolleret humana superbia; putans (ut Pelagiani putabant) se habere iustitiam suo merito, sicut suo merito habet peccatum: sed sciret, quod & ipsa vita æterna, quæ utique in fine sine fine habebitur, & ideo meritis præcedentibus redditur; tamen quia eadem merita, quibus redditur, non à nobis parata sunt per nostram sufficientiam, sed in nobis facta per gratiam; etiam ipsa gratia nuncupatur, non ob aliud, nisi quia gratis datur: nec ideo quia non meritis datur, sed quia data sunt & ipsa merita, quibus datur. Ita S. Augustinus.

IX. Vitam æternam pro meritis reddi docuit Concilium Lateranense quartum sub Innoc. III. & refertur Cap. Firmiter his verbis: *Per rectam fidem, & operationem bonam placenter Deo ad æternam mereantur beatitudinem pervenire.* Florentinum in decreto Unionis docens: *Animas purgatas in Calum mox recipi, & intueri clarè ipsum Deum Trinum, & unum, sicuti est;* addit: *Pro meritorum tamen diversitate, unum alio perfectius.* Cœlestinus I. Epist. ad Episcopos Galliæ c. 12. *Tanta (inquit) est erga homines bonitas* Kk. Dei...

Dei, ut nostra velit esse merita, quæ sunt sua dona: & pro his, quæ largitus est, æterna præmia sit donaturus.

X. In hanc veritatem conspirant Patres. *Chrisost. Homil. 4. de Lazaro; & Homil. 38. ad Popul. Antioch. August. l. de perfect. Just. c. 8. Post hanc autem vitam merces perfectus redditur, sed eis tantum, à quibus in hac vita ejusdem mercedis meritum comparatur. Recolantur superius ex eodem, laudatâ Epist. 105. vel 194. ad Sixtum. Ex his omnibus patet, quàm iuste Tridentinum, Sess. 6. Can. 32. statuerit, quoddam, Si quis dixerit, hominis iustificati opera ita esse dona Dei, ut non sint etiam bona ipsius iustificati merita; aut ipsius iustificatum bonis operibus, quæ ab eo per Dei gratiam, & Jesu Christi meritum, cujus vivum membrum est, sunt, non verè mereri augmentum gratiæ, vitam æternam, & ipsius vitæ æternæ, sitamen in gratia decesserit, consecutionem, atque etiam gloriæ augmentum: anathema sit.*

XI. Advertenda tamen ex hæcenus dictis duo sunt. Unum cum D. Tho. hæc q. 214. a. 1. quoddam meritum, & merces faciunt iustum, iustum autem, seu iustitia requirit æqualitatem. Sicut enim iustum pretium est, quod ponit æqualitatem cum re accepta; ita iusta retributio est, quæ ponit æqualitatem cum labore, seu merito: Ita ut ubi perfecta æqualitas est, ibi sit perfectum iustum, seu perfecta iustitia; & è contra ubi æqualitas perfecta non est, ibi nec sit perfectum iustum, nec perfecta iustitia. Inter Deum autem, & hominem non potest esse iustitia, secundum absolutam æqualitatem, sed secundum proportionem quandam: quia nimirum homo agit quantum potest, secundum modum suum; & posse accipit ex divina ordinatione: ita ut homo id consequatur à Deo, quasi mercedem per suam operationem, ad quod Deus illi virtutem deputavit, sicut à aliis rebus. Et quia homo ad illud se movet per liberum arbitrium & ideo sua actio habet rationem meriti.

Alium advertendum cum eodem S. Tho. ibidem art. 3. est: quoddam actio hominis considerari potest, & secundum substantiam, quatenus est à libero arbitrio; & secundum quoddam procedit ex gratia Spiritus Sancti. Primo modo nullam habet æqualitatem, nec rationem meriti; bene tamen secundo modo: Sic enim (ait S. Tho.) valor meriti attenditur secundum virtutem Spiritus Sancti moventis nos in vitam æternam, secundum illud Joan. 4. Fiet in eo fons aquæ salientis in vitam æternam. Attenditur etiam pretium operis secundum dignitatem gratiæ, per quam homo, confusus factus divina natura, adoptatur in filium Dei, cui debetur hæreditas ex ipso iure adoptionis, secundum illud Rom. 8. Si filii, & hæredes.

Ex quibus inferitur, quoddam opera meritoria, etsi formaliter merita hominis sint, quia ab eo liberè facta; quia tamen ab illo facta per gratiam, ex Dei miseratione illi concessam per Christum, ideo radicaliter dona Dei sunt: & hac ratione vitæ æternæ, quæ est merces, dicitur etiam gratia. Unde August. lib. de Corrupt. & grat. c. 23. ait: Sine ullâ dubitatione confitendum est, ideo gratiam vitam æternam vocari, quia his meritis redditur, quæ gratia contulit homini. Et lib. de Grat. & lib. arb. cap. 8. ita concludit: Si vitæ bonæ nostræ nihil aliud est, quàm Dei gratia; sine dubio, & vitæ æternæ, quæ bonæ vitæ redditur, Dei gratia est: & ipsa enim gratis datur, quia gratis data est illa, cui datur. Sed illa, cui datur, tantummodo gratia est; hæc autem, quæ illi datur, quoniam præmium illius est, gratia est pro gratia, tanquam merces pro iustitia; ut verum sit, quoniam verum est, quia reddet unicuique Deus secundum opera ejus.

XII. Ex hoc fit etiam, quoddam exercet iustitiam erga hominem, non sit debitor homini, sed potius sibi ipsis: quia homo nihil potest dare Deo, quod Deus prius non dederit homini, iuxta illud, Rom. 11. v. 35. Quis prior de-

dit illi, & retribuetur illi? Quoniam ex ipso, & per ipsum, & in ipso sunt omnia. Et Augustini in Psalm. 109. *Deus fecit se nobis debitorem, non aliquid à nobis accipiendo, sed tanta nobis promittendo.* Unde S. Thomas hâc q. 114. a. 1. ad 3. *Quia* (inquit) *actio nostra non habet rationem meriti, nisi ex præsuppositione divina ordinationis; non sequitur, quod Deus efficiatur simpliciter debitor nobis, sed sibi ipsi: inquantum debitum est, ut sua ordinatio impleatur.* Quibus similia habet in a. dist. 27. q. 1. a. 3. ad 4. Ita explicatum meritum hominis erga Deum, evadit ferè omnes Adversariorum ratiunculas. Attamen

§. I I.

Seſſariorum Argumenta.

XIII. **O**bjiciunt primò varios Sacra Scripturæ textus, quibus videtur indicari, in homine erga Deum non dari meritum. Est enim gloria dicatur corona, non excluditur, quin detur ex misericordia, & ex gratia. Nam Psalm. 103. v. 4. dicitur: *Qui coronat te in misericordia, & miserationibus.* Et ad Rom. 6. v. 23. *Gratia autem Dei vita æterna.*

XIV. Respondeo ex dictis, vitam æternam dici coronam, & mercedem, & etiam dici gratiam, & misericordiam. Coronam, quia redditur propter merita: gratiam, & misericordiam, quia merita ista radicem habent in gratia Dei, quæ dat homini, unde possit mereri coram Deo. Videantur superius dicta, maxime ex SS. Augustino. & Thomâ.

XV. Objiciunt secundò. Quidquid iusti fecerint, sunt servi inutiles, Luca 17. v. 9. & 10. Ubi Christus de servo, qui tota die pro Domino laboravit, dicit: *Namquid* (Dominus) *gratiam habet servo illi, quia fecit, quæ ei imperaverat? Non puto.* Deinde conversus ad discipulos: *Sic* (inquit) *& vos, cum feceritis omnia, quæ præcepta*

sunt vobis, dicite: servi inutiles sumus: quod debuimus facere, fecimus. Sicut ergo servus, quantumcumque laboraverit, non habet meritum coram Domino implendo ejus præcepta, quia fecit, quod debuit; ita nec homines implentes mandata Dei: imò debent dicere: *Servi inutiles sumus, quod debuimus facere, fecimus.* Qui enim facit, quod debet, non meretur, præcipud summum, & maximum præmium.

XVI. Respondeo, variè explicari præfatum textum. Primò: servos inutiles nos esse, si spectetur natura, ut inde extollatur gratia, quæ inutiles servos transfert in liberos, & filios facit. Unde Ambrosius l. 8. in Lucam: *Ergo* (inquit) *agnosce te servum plurimis obsequiis defanoratum, non te præferas, quia filius Dei diceris. Agnosce da gratia, sed non ignoranda natura.* Voluit ergo Christus, ut discipuli, præ humilitate, servos se inutiles dicerent; non quia per Dei adjutorium nihil sibi utilitatis, & meriti acquirere possent: sed quoniam ex seipsis reverè sunt inutiles; ut nisi divinâ gratiâ liberarentur, & ad filiationem Dei extollerentur, nihil possent facere, quod eis ad salutem utile esset.

Secundò: dici potest, nos servos dici inutiles, quia nostris, quantumcumque bonis, operibus nil utilitatis Deo adferimus, qui bonorum nostrorum non indiget: sed quidquid boni facimus, nobis solum utile esse potest. Ita Beda. Tertiò: servi inutiles dicimur, quia etsi omnia mandata servemus, nihil tamen facimus ultra id, quod debemus: & nihil iustæ mercedis petere possumus, nisi Deus liberali pacto nobiscum convenire voluisset. Ita August. *Serm. 3. de Verb. Domini.*

Neque absolutè verum est, quòd qui facit, quod debet, non meretur. Nam, ut ait D. Thom. hâc q. 114. a. 1. ad 1. *Homo inquantum propriâ voluntate facit illud, quod debet, meretur; alioquin angelus iustitia, quo quis reddit debitum, non esset meritorius.* Et rationem dat in 2. dist. 27. q. 1. a. 3. ad 3. *Quamvis*

260 *Quæst. I. De Essentia, divis. & exist. meriti :*

vir enim illud, quod reddit, quod debitum est alteri, suum non sit; nihilominus tamen modus operationis, in quo fundatur, & ius merendi, & laus ipsius merentis est, quia voluntariè, & propter bonum iustitia reddit. Quod eo maxime locum habet, quando id, quod aliàs Dominus exigere à servo potest ut debitum; ex gratuita conventionione acceptat, ut spontè, ac voluntariè oblatum. Tunc enim servus, vi pacti, & promissionis, potest suo obsequio coram Domino promereri. Deus autem cum hominibus, quavis de omnibus suis operibus ei debitoribus, pactus est, ea se acceptare ad meritum, & illis vitam æternam retribuere.

XVII. Obijciunt tertio: fieri injuriam meritis Christi, si ponantur alia merita, præter ipsius merita.

XVIII. Respondeo, hoc verum fore, si poneremus alia merita, quæ à Christi meritis valorem, & efficaciam non haberent. Sed cum ponamus, merita nostra suam efficaciam, & valorem habere à meritis Christi, & à gratia per ipsum, majorem gloriam ejus meritis accrescimus: quia facimus, ut non solum ipse justus sit, ac merens, sed etiam alios justos, ac merentes faciat. Sicut maxima gloria Dei est, quod non solum sit maximè perfectus in se, sed etiam perfectiones suas creaturis communicet.

XIX. Obijciunt quartò. Omnia opera hominum, etiam justorum, sunt coram Deo immunditiæ, & peccata; ergo non possunt esse coram ipso meritoria.

XX. Respondeo, neg. ant. Ostendimus enim supra, nos non justificari solà extrinsecà imputatione justitiæ Dei, & Christi; sed verà, ac intrinsecà justitià per Christum à Deo nobis infusà, faciente nos verè justos, & Deo gratos: ac peccata nostra per justificationem non solum tegi, & occultari, sed verè deleri.

XXI. Obijciunt quintò. Meritum de condigno dicit æqualitatem inter opus, & mercedem, seu præmium:

sed inter opera nostra, & vitam æternam non datur æqualitas; ergo &c. Min. prob. Tùm quia, teste Paulo, Roman. 8. v. 18. *Non sunt condigna passiones hujus temporis ad futuram gloriam, qua revelabitur in nobis*; ergo neque opera. — Tùm quia: Deus remunerat justos supra condignum. — Tùm quia: condignum importat æqualitatem dignitatis: sed actus humanus æquari non potest in dignitate cum præmio vitæ æternæ, quod est infinitum, utpote ipse Deus; ergo &c.

XXII. Respondeo, dist. min. Non datur æqualitas absoluta, & velut arithmetica, con. min. Æqualitas proportionis, habitudinis, & geometrica, nego min. Ad rationem meriti de condigno non requiritur æqualitas absoluta; ita ut opus tantum sit, quantum est præmium: sed sufficit, ut opus habeat proportionem cum præmio, & quod acceptetur ad præmium. Hoc autem habent opera facta in gratia, quæ est semen vitæ æternæ: adest etiam promissio Dei, talia opera ad finem æternæ gloriæ ordinantis.

Neque inter meritum, & præmium requiritur omnimoda æqualitas: mereri enim proprium est inferioris, qui dat aliquid de suo, quod est minùs perfectum, ut accipiat de alieno, idest, à præmiante aliquid magis perfectum. Quare redditio præmii, ut dicemus, non tribuitur per se justitiæ commutativæ, sed distributivæ; quæ dat secundum proportionem fundatam in pacto, consuetudine &c.

XXIII. Ad primam min. probat. dico, Paulum velle, passiones, & opera Sanctorum hujus vitæ non esse condigna ad futuram gloriam, quia sunt temporanea, & brevita; gloria autem, æterna. Ita mentem suam interpretatur 1. Cor. 4. v. 17. *Id enim, quod in presenti est momentaneum, & leve tribulationis nostræ, supra modum in sublimitate æternum gloria pondus operatur in nobis.* Hinc

Ad secundam dico, Deum remunerare justos supra condignum, non quia

quia opera Iustorum condignitate careant; sed quia cum temporalia sint, & levia, ipse reddit æterna: imò ultra præmium, quod ex condigno merentur, ex sua liberalitate alia adjicit, puta, maiorem intensiorem beatitudinis, etiam supra merita.

Ad tertiam prob. min. dico, quòd sicut beatitudo objectiva, quæ est Deus, est infinita; ita objectum meriti, quod est Deus, est infinitum. Quòd autem quod meritum formale sit finitum, solum arguit, beatitudinem formalem, seu actum visionis fore finitum, quamvis de objecto infinito.

XXIV. Obijciunt sextò. Meritum de condigno insert debitorum in præmiante: Deus autem, ut dicebamus, nulli est debitor. — Secundò. Nullus meretur præmium ab eo, qui ejus opere nec juvatur, nec juvari potest: cum ergo Deus sit talis, apud eum nil possumus mereri. Homo non habet per meritum, quod titulo hæreditatis ei debetur: sed Iusto, eò quòd est filius Dei, debetur gloria, tanquam hæreditas; ergo &c.

XXV. Respondeo ad primum, Deum nulli absolute esse debitorem: posita tamen liberali sua promissione, bene dicitur debitor sibi de danda gloria, quam bonis operibus promissit, ut ex D. Tho. ostendimus. Et maxime in 2. dist. 27. qu. 1. a. 3. ad 4. ubi ait: *Deus non efficitur debitor nobis, nisi forte ex promissa: quia ipse bonæ operantibus præmium repromissit: & ideo non est inconveniens, si ab ipso quis mereri possit: ex quo, aliquo modo, debitor est.* Quamvis, ut ibidem subdit, dici possit, quòd in iustitia quidem commutativa ille, apud quem quis meretur, efficitur debitor ei, quod meretur; in iustitia tamen distributiva non requiritur ratio debiti ex parte ejus, qui distribuit: potest enim ex liberalitate aliqua distribuere, maxime si sit supremus dominus, eisdem in distributione aliquem iustitiæ ordinem servare velit.

Ad secundum respondet D. Thom.

in 2. dist. 27. qu. 1. a. 3. ad 5. quòd ant. illud locum tenet in iustitia commutativa: sed in distributiva non est necessarium. Ut igitur docet hæc qu. 24. a. 1. ad 2. *Deus ex bonis nostris non quarit utilitatem, sed gloriam, idest, manifestationem suæ bonitatis: quod etiam ex suis operibus quarit. Ex hoc autem, quod eum colimus, nihil ei accrescit, sed nobis: & ideo meremur aliquid à Deo, non quasi ex nostris operibus aliquid ei accrescat: sed inquantum propter ejus gloriam operamur.*

Ad tertium negò min. Vita enim æterna rationem habet utriusque, nimirum, & hæreditatis, & mercedis: hæreditatis, inquantum filiis datur, & non aliis; mercedis autem, quatenus bonorum operum meritis acquiritur. Est enim magis honorificum, aliquid habere ex meritis, quam solo titulo donationis. Unde Christus, quamvis ei, ex quo filius Dei naturalis, deberetur gloria corporis; voluit tamen, sua passione eam sibi acquirere, ut dicitur 3. p. qu. 29. art. 3. & habetur Lucæ 24. v. 6. *Nonne hæc oportuit pati Christum, & ita intrare in gloriam suam?* Adde: alium, & alium gloriæ gradum consequi eos, qui gloriam habent ex meritis, quam eos, qui solo filiationis nomine illam obtinent. Ut tamen hucusque dicta clariora fiant, sit

DUBIUM III.

An Retributio Vitæ Æternæ pro Meritis sit Actus Iustitiæ, & cujus.

§. I.

Resolutiones Dubii.

I. Riplex veræ Iustitiæ species communiter assignari solet. Legalis, quæ respicit bonum commune, & ponit æqualitatem in ordine ad illud. Distributiva, quæ secundum æqualitatem proportionis ad conditionem, & merita distribuit personis.

sonis particularibus bona communia. Et commutativa, quæ ponit æqualitatem rei ad rem inter privatas personas, & regulat emptiones, venditiones, conductiones, alioque contrahus: de quibus in Tract. de *Justitia*, & *Jure* sermo erit. Dubium igitur præfens inquit: an retributio vitæ æternæ, quam ex meritis dari, ostendimus, ad aliquam ex dictis justitiæ speciebus pertineat, & ad quam.

II. Medina censet, ex nulla justitiæ specie Deum gloriam retribuere, sed solum ex fidelitate, aut gratitudine: ita ut si eam positus meritis denegaret, foret quidem ingratus, & infidelis, sed non injustus. Ita sentit etiam Vazquez. Suarez verò putat gloriam, dum ex meritis redditur, ex justitiæ commutativa tribui. Discipuli autem S. Thomæ communius censent, gloriæ retributionem ex meritis esse, quidem actum veræ justitiæ, sed distributivæ; quamvis habeat aliquem justitiæ commutativæ modum.

III. Dico ergo primò. Retributio gloriæ ex meritis est actus veræ justitiæ; non puræ fidelitatis, aut gratitudinis. Hoc nimis apertè prædicant testimonia Sacræ Scripturæ, *Dub. præced.* laudata, præsertim ex Paulo, 1. ad *Timoth.* 4. v. 8. ubi vocat gloriam coronam justitiæ, quam sibi, & iis, qui diligunt adventum ejus, reddit in illa die Dominus justus Judex. Unde Conc. Trident. *Seß. 6. cap. 16.* ait: *Hæc est enim illa corona justitiæ, quam post suum certamen, & cursum repositam sibi aiebat Apostolus à justo Judice sibi reddendam, non solum autem sibi, sed & omnibus, qui diligunt adventum ejus.* Et ex eodem, *Hebr.* 6. v. 10. *Non est enim injustus Deus, ut obliviscatur operis vestri &c.* Quæ autem redditur, ut corona justitiæ, quæ redditur à Domino justo Judice, quam, si non redderet, injustus esset, cur ex justitiâ verè tali non redditur?

IV. Probo insuper hoc discursu. Retributio gloriæ pro meritis non est actus gratitudinis, nec fidelitatis; er-

go est actus veræ justitiæ. Antec. pro prima parte probatur. Tum quia: gratitudo in Deo erga homines dari non potest: actus enim gratitudinis est compensatio accepti beneficii respiciens alterum, ut benefactorem, quo modo Deus respicere nequit creaturam: *Quis enim prior dedit illi, & retribuetur ei?* (Rom. 11. v. 35.) Nec creatura meritis suis præstat beneficium Deo, sed obsequium. Tum quia: quod redditur ex pura gratitudine, non redditur ut corona, & ut merces, quo pacto reddi gloriam, dicit Scriptura; & qui non redderet, esset quidem ingratus, sed non injustus. Imò si quod datur ex gratitudine, daretur ut corona, & ut merces; dici posset, dum muneræ Deo offerimus in gratiarum actionem, ea nos dare Deo in coronam, mercedem, & præmium.

Eadem ratione prob. secunda antec. pars. Quod enim ex pura fidelitate redditur, non datur ut corona, ut merces, ac præmium, & propter merita. Aliàs sequeretur, quodd Incarnatio, quæ ex fidelitate divinarum promissionum data fuit, & remissio peccatorum, quæ peccatori contrito ex fidelitate divini promissi, Zachariæ 1. *Convertimini ad me, & convertar ad vos*, unâ cum gratia justificationis conceditur, dici possent, illam fuisse datam ut coronam, mercedem, & propter merita SS. Patrum; hanc verò dari propter meritum peccatoris contriti, ut mercedem, & coronam, contra illud Pauli, *Roman.* 5. v. 14. *Justificati gratis per gratiam ipsius.*

V. Probo secundò ostendendo, justitiâ, propriè dictam, in Deo erga creaturam nullam dicere imperfectiorem. Quid enim est justitia? Nil aliud, quàm *constans, & perpetua voluntas jus suum unicuique tribuens.* Constans autem, & perpetua voluntas maximam dicit perfectionem. Tribuere alteri bonum, perfectionem dicit in tribuente. Solum ergo videri potest imperfectio, quodd creatura habeat jus aliquod erga Deum. Sed & hoc fal-

sum

sum esse, sic ostendo. Quotiescumque enim jus creaturæ ex propriis creaturæ non est, sed ex acceptis gratis, & liberaliter à Deo; tale jus nullam ponit imperfectionem in Deo: sed tale est jus, quod ponimus in creatura, erga Deum, in ordine ad vitam æternam; ergo &c. Min. supponitur certa. Quia jus, quod habet creatura ad gloriam, est fundatum in gratia iustificante, quæ gratis, & liberaliter à Deo conceditur. Mihi. verò prob. Tum quia: ita salvatur illæsum altum dominium Dei. Sicut, ex quo jus, quod habet Feudatarius in fundo, sit ex acceptis à Rege, non derogatur alto dominio Regis; quamvis Feudatarius habeat jus erga Regem, ut ipsum manuteneat in fundo. Tum etiam: (& ratio est) quia ex quo jus creaturæ sit ex acceptis à Deo, illud jus, est formaliter in creatura sit, radicatur tamen totum in iure supremo Dei, cuius donum est totum jus, quod in creatura invenitur.

VI. Deo secundò. Redditio gloriæ ut coronæ, & mercedis pro meritis iustorum propriè est actus iustitiæ distributiæ; est aliquem modum habet iustitiæ commutativæ. Probatur. Deus in retributione meritorum, ut vidimus ex D. Paulo 1. ad Timoth. 4. se habet ut iustus iudex distribuens coronam, & præmium, secundum æqualitatem proportionis; ita ut plus merenti plus det, minus merenti minus det: sed iudicium iusti iudicis in materia distributionis, pertinet ad iustitiam distributivam. Nam Iudex in distribuendo servat æqualitatem proportionis, attendendo dignitatem, & qualitatem personarum; non verò puram æqualitatem inter rem, & rem, ut facit iustitia commutativa.

VII. Confirm. Compensatio, quæ non servat æqualitatem quantitativam, & arithmeticam inter præmium, & meritum, sed potiùs æqualitatem proportionis, est actus iustitiæ, non commutativæ, sed distribu-

tivæ, ut docet S. Tho. in 2. dist. 27. q. 1. a. 3. in corp. sed Deus in compensatione meritorum sic se habet; ergo &c. Min. pro prima parte prob. In primis enim in redditione gloriæ pro meritis non est æqualitas arithmetica inter dantem, & recipientem; cum Deus superior sit creaturæ. Non est præfata æqualitas inter id, quod distribuitur, & id, propter quod distribuitur: non enim tantum bonum est in quantitate actus virtutis, quantum præmium gloriæ, quod est finis ejus, ut docet D. Th. in 1. sent. loco citato. Neque est æqualitas inter præmium, quod datur uni, & illud, quod datur alteri; quia non omnibus æqualiter datur, sed cuique secundum suam dignitatem.

Secunda quoque pars prob. Æqualitas enim proportionis attenditur ex hoc, quod æqualiter se habet hoc ad illud, sicut alius ad alterum: hæc autem æqualitas est inter Deum præmiantem, & creaturam. Non enim majus est Deo, vitam æternam tribuere, quam nobis actum virtutis exhibere; sed sicut hoc congruit huic, ita illud illi; & ideo quedam proportionis æqualitas invenitur inter Deum præmiantem, & hominem merentem: dum tamen præmium referatur ad idem genus, in quo est meritum: ut si præmium est, quod omnem facultatem humana natura excedit, sicut vita æterna; meritum etiam sit per talem actum, in quo refulgeat bonum illius habitus, qui divinitus infunditur, Deo nos consignans. Hæc D. Tho. citato loco. Qui tandem concludit: In redditione autem præmii ad merita magis servatur forma distributionis, cum ipse uniusque secundum opera sua reddat; quam commutationis, cum Deus à nobis nihil accipiat: quamvis à Sanctis inveniantur quandoque metaphorice dictum, quod bonis operibus Regnum Cælorum emitur, inquantum Deus accipit opera nostra, ut acceptans ea.

VIII. Probari ab aliquibus solet, Deum remunerare merita ex iustitia distri-

distributiva; quia iustitia commutativa strictè talis non datur in Deo erga creaturam. Sed hoc, an verum sit, non est huius loci examinare; cum ad Tractatum de iustitia spectet.

IX. Quòd tandem Deus in reddendo præmio pro meritis servet aliquem modum iustitiæ commutativæ, probari potest. Quia inter Deum dantem, & creaturam recipientem quædam æqualitas dati, & accepti, & commutationis datur: ut nimirum tantum Deus det, quantum dare debet, & tantum creatura recipiat, quantum debet recipere. Et rursus, Deus accipit à creaturis merita, & illis dat gloriam; ergo aliquis commutationis modus reperitur in retributione gloriæ promeritis. Et hac viâ conciliantur plura S. Thomæ loca, in quibus aliquando videtur, solam iustitiam distributivam in Deo præmia reddente statuere; aliquando verò etiam commutativam.

§. I I.

Solutio Objectionum.

X. **O**bjicitur primò contra primam Assertionem. Tota ratio meriti fundatur, ex dictis, in gratia gratis à Deo accepta; & jus, quod habet creatura ad gloriam, est à Deo dependens; ergo non salvatur vera ratio iustitiæ, quæ requirit diversitatem juris, & quòd ille, qui ratione laboris sit creditor, aliquid de proprio det.

XI. Respondeo, neg. conf. Totum enim optinè salvatur. Quia actiones humanæ, estò habeant meritum ex gratia acceptà à Deo, sunt tamen sub dominio, & libertate hominis; & jus hominis, estò dependeat à Deo, est tamen proprium hominis, & distinctum à jure Dei, sicut libertas hominis est distincta à libertate Dei. Sicut ergo operationes Christi, estò dependentes à gratia unionis, & auxiliis humanitati ejus concessis, fuerunt tamen nedum inmeritorie, sed & sa-

tisfactoriæ de toto rigore iustitiæ commutativæ ratione diversitatis juris, & libertatis: ita multò facilius intelligi potest, quòd actiones hominis iusti, estò procedentes ex gratia acceptà à Deo, sint meritoria; eisque, ex iustitia distributivâ, debeatur vita æterna: quia ad hanc non requiritur tantus rigor. Et quemadmodum si Princeps daret alicui arma, aliaque necessaria ad prælium; adhuc ex iustitia teneretur dare illi præmium, si à certamine victor evasisset, quia proprio valore, & virtute pugnavit: sic si homo propriâ libertate, licet gratiâ Dei adjutus, & armatus pugnet contra concupiscentias, easque vincat, illi ex iustitia corona debebitur.

XII. Objicitur secundò. Si gloria daretur ex iustitia, gloria iustis esset debita stricto jure: non ab alio, nisi à Deo; ergo Deus fieret debitor iustis. Hoc autem negant August. l. 1. Confess. c. 4. dicens de Deo: *Reddit debita nulli debens*. Et S. Tho. 1. 2. q. 21. a. 1.

XIII. Respondeo, ex jam dictis præcedente Dubio, cum D. Tho. in 2. dist. 27. q. 1. a. 3. Deum posse dici aliquomodo debitorem erga iustos; non debito orto ex jure iustorum, sed debito orto radicaliter ex sua promissione. Ex quo enim ipse bona operantibus præmium remissit; scilicet se in aliquo sensu debitorem, non simpliciter nobis, sed sibi ipsi: *inquantum debitum est, ut sua ordinatio impleatur*. Verba sunt S. Tho. hæc q. 114. a. 1. ad 3. Audiendus etiam 1. 2. q. 21. a. 1. ubi ponit iustitiam in Deo distributivam, & rejicit ab eo commutativam. Et formato contra se hoc tertio argumento: *Alius iustitia est, reddere debitum: sed Deus nulli est debitor; ergo Deo non competit iustitia*; inter alia, sic respondet: *Debitum attendi potest dupliciter in operatione divinâ: aut secundum quòd aliquid debetur Deo, aut secundum quòd debetur rei create: & utroque modo Deus debitum reddit. Debitum enim*

enim est Deo, ut impleatur in rebus id, quod eiur sapientia, & voluntas habet, & quod suam bonitatem manifestat: & secundum hoc iustitia Dei respicit decentiam ipsius, secundum quam reddit sibi, quod sibi debetur. Debitum etiam est alicui rei creata, quod habeat id, quod ad ipsam ordinatur: sicut homini, quod habeat manus, & quod ei alia animalia serviant. Et sic etiam Deus operatur iustitiam, quando dat unicuique, quod ei debetur, secundum rationem suam naturam, & conditionis. Sed hoc debitum dependet ex primo: quia hoc unicuique debetur, quod est ordinatum ad ipsum, secundum ordinem suam sapientiam. Et licet Deus hoc modo debitum alicui det, non tamen ipse est debitor; quia ipse ad alia non ordinatur, sed potius alia in ipsum. Et ideo iustitia quandoque dicitur in Deo condecencia suae bonitatis: quandoque verò retributio pro meritis. Et utrumque modum tangit Anselmus dicens (Prologii cap. 10.) Cum punis malos, iustum est, quia illorum meritis convenit: cum verò parcis malis, iustum est, quia bonitati tuae condecens est.

XIV. Dices. In redditione praemii ex iustitia strictè tali oritur obligatio reddendi praemium, ex iure alterius; ergo si Deus obligatur ex iustitia dare gloriam iustis, non sibi obligatur, sed iustis, ex iure ipsorum.

XV. Respondeo, dist. ant. Ex iure alterius gratiosè illi concesso, omitto ant. Aliter, nego ant. Dato ergo, quod ex iure creaturae Deus dicatur aliquomodo obligatus dare gloriam; hoc tamen ius gloriae exigendi non ab alio accepit, quàm à Deo, qui ex liberalitate vult, ipsi dare gratiam tantam ius in actu primo: & insuper suam divinam promissione, & pacto voluit, ut etiam in actu secundo tale ius inferret. Ex quo fit, quod debitum Dei à seipso radicaliter sit; & quod gloria sit quidem debita, ipse tamen debitor creaturae non sit.

XVI. Obijciunt tertio. Debitum.

Tom. IX.

reddendi gloriam ex iustitia, ex quocumque capite oriatur, laedit dominium Dei, quod est facultas utendi re suà sine iniurià alterius; ergo &c.

XVII. Respondeo, dist. ant. Re suà absolute, conc. ant. Ex suppositione liberae promissionis, & pacti, nego ant. Ex eo igitur, quod Deus suae gloriae sit Dominus, sequitur quidem, quod absolute possit ea uti, & eam dare, cui placet, absque iniuria alterius; possetque hominem, etsi iustum, damnare, dicente August. in Psalm. 10. Si Deus damnaret iustum, quis ei diceret, quid fecisti? Attamen supposità suà liberali promissione, & pacto dandi eam, ut praemium meritum; sicut etiam stante suo dominio teneret, secundum Adversarios, eam dare ex fidelitate: ita, secundum nos, teneret eam ex iustitia distributivà dare: debito tamen orto ex seipso, non ex nobis, ratione scilicet suae reclusionis, & aequitatis. Rem exemplo declaro. Ponamus, quod Dux exercitus spolia inimicorum sibi de iure attinentia velit distribuere inter milites, qui strenuè pugnaverunt, servatà proportionem ad merita ipsorum: supposità hac voluntate, spolia, quorum absolute erat Dominus, ex iustitiae aequitate sibi contraxit debitum, ea secundum meritum proportionem distribuere: ita proportionem servatà Deus. Et hoc est, quod dicit Paulus, Hebr. 6. v. 10. & ex eo Trident. Sess. 6. c. 16. Non enim iniustus est Deus, ut obliviscat operis vestri &c. Et August. l. de Nat. & grat. cap. 2. Non enim iniustus Deus, ut iustus fraudet mercede iustitia.

XVIII. Obijciunt quartò. Pensare affectum dantis pertinet ad gratitudinem potius, quàm ad iustitiam. Ut enim docet D. Thom. 2. 2. q. 106. a. 5. ad 3. Sicut in iustitia . . . attenditur aequalitas rerum: ita in gratitudine attenditur aequalitas voluntatum: Sed Deus remunerans merita attendit potius ad affectum, quàm ad effectum; unde vidua illa, quae in gazophylacium misit, plus meruit, non quia.

II

plus

266 *Quæst. I. De Essentia, divis. & exist. meriti.*

plus misit, sed quia majori affectu misit, ut habetur *Luce 21. v. 3.*

XIX. Respondeo, dist. maj. Quàm ad justitiam humanam, transeat maj. divinam, nego maj. Dato igitur, justitiam humanam non respicere affectum, quia homines vident solum ea, quæ foris sunt; & in justitia solum attendunt commodum, & utilitatem extrinsecam, quam unus reportat de opere alterius, quidquid sit de affectu: Deus tamen, qui intuetur cor, neque attendit ad commodum (quod nullum reportat) ex operibus nostris; sed unicè ad bonitatem, & honestatem operis, quod quis facit in obsequium Dei; suâ justitiâ principaliter affectum respicit, & hunc remunerat. Ideoque Vidua illa plus meruit majori affectu parum mittens, quàm cæteri plus mittentes, sed affectu minori.

XX. Obijciunt quintò. Justitia inducit debitum legale, non solum morale: sed meritum inducit debitum solum morale, ex libera, & gratiosâ executione, quæ non est pretio æstimabilis; ergo &c.

XXI. Respondeo, neg. min. Nam debitum legale, vel potest dici illud, quod confurgit ex valore civili rei, aut actionis externæ; & hoc non inducit meritum: vel potest sumi pro eo, ad quod reddendum aliquis lege adstringitur; & hoc inducit meritum. Debitum enim est, ut Deus meritis reddat præmium ex lege, non aliquâ civili, sed lege suæ ordinationis, & pacti, quæ lex quædam est, cui Deus debitor sit.

XXII. Ut solvantur ea, quæ obijci possent contra secundam Assertionem, sciendum, proprium esse justitiæ commutativæ servare æqualitatem rei ad rem arithmetica, & cum obligatione ortâ ex jure proprietatis. Cumque talis obligatio non possit dari in Deo: ideo non potest remunerare merita Justorum ex justitia commutativâ, sed distributivâ; quæ solum respicit debitum ortum ex dignitate unius operis meriti, comparativè ad dignitatem al-

terius: quod debitum non respicit personam præmiantem, sed ipsum præmium, ad quod illud opus habet proportionem. Unde verius dicitur, quòd gloria sit debita Justo, quàm, quòd Deus sit debitor gloriæ. Quia tamen unumquemque tantum remunerat, quantum meretur, & quantum ejus operibus debetur; ideo quendam modum justitiæ commutativæ servare dicimus.

S. I I I.

Aliqua ex Distis Colliguntur.

XXIII. **C**olligitur primò contra Calvinum: fiduciam Sanctorum non ex fide solâ, sed ex bonis meritis per Christum comparatis nasci; ideoque summo studio apud Deum merita comparanda esse, ut apud eum fiduciam habere possimus. Cum enim Deus promiserit gloriam diligentibus se, & benè operantibus; & adeptio gloriæ ex duobus pendeat, nimirum, ex Dei fidelitate, & ex nostris bonis operibus; ita ut si nos benè operemur, & Deus fidelis non permaneret; & è contra si Deus fidelis esset, sed nos non benè operaremur, non esset certa nostra spes. Et ideo spes, & fiducia nostra nasci debet, non solum ex Deo promittente, sed etiam ex nostris bonis operibus.

XXIV. Neque dicas, opera nostra esse quidem necessaria ad vitam æternam consequendam; non tamen tanquam merita, sed tanquam conditionem, & viam, per quam currentibus promittit Deus, intuitu meritorum Filii sui, hereditatem: sicut si quis promitteret alicui vineam, cum hac conditione, quòd ad capiendam ejus possessionem, per talem viam incederet, unde *Psal. 118. v. 32.* dicit David: *Viam mandatorum cucurri.*

XXV. Nam contra est. Si opera bona essent pura conditio, & via, per quam quis deberet incedere, ut caperet possessionem gloriæ; jam gloria non dare-

daretur ut merces, ut corona, ut præmium: nec Deus in ea conferendâ se gereret, ut iustus Iudex. Cùm ergo, ut vidimus, contrarium dicat Scriptura: ideo &c. Promisit ergo Deus gloriam, per viam mandatorum currentibus; sed promisit eam tanquam bravium, ut ait Paulus 1. Cor. 9. v. 24. Sicut ergo bravium est merces, & præmium, & cursus non est pura conditio, sed meritum, cui correspondet bravium, ut præmium: ita gloria &c.

XXVI. Colligitur secundò: nos non dare homini occasionem de suis bonis meritis superbiendi: sed potiùs se coram Deo humiliandi, & quantum confidit de Dei gratia, tantum diffidendi de seipso. Utenim ait Tridentinum, Sess. 6. c. 16. *Abst, ut Christianus homo in seipso vel confidat, vel gloriatur, & non in Domino, cujus tanta est erga omnes homines bonitas; ut eorum velit esse merita, qua sunt ipsius dona. Et quia in multis offendimus omnes, unusquisque, sicut misericordiam, & bonitatem, ita severitatem, & iudicium ante oculos habere, debet: neque seipsum aliquis, etiamsi nihil sibi conscius fuerit, iudicare: quoniam omnis hominum vita, non humano iudicio examinanda, & iudicanda est, sed Dei; qui illuminabit abscondita tenebrarum, & manifestabit consilia cordium: & tunc laus erit unicuique à Deo, qui, ut scriptum est, reddet unicuique secundum opera sua.*

XXVII. Colligitur tertio: contra Calvinum, licitum esse, operari bona opera intuitu mercedis æternæ: ita, tamen, ut primùm quæratur gloria Dei, & deinde merces felicitatis æternæ. Ita Tridentinum, Sess. 6. cap. 11. afferens illud Psalm. 118. v. 112. *Inclinavi cor meum ad faciendas iustificationes tuas in æternum, propter retributionem.* Et Pauli, Hebr. 11. v. 2. ubi de Moyse dicit, quodd omnia contempsit: *Aspiciebat enim in remunerationem.* Hoc motivo Joan. Baptistâ, Matth. 3. v. 2. & Christus ipse, Matth. 4. v. 17. prædicationem suam exorsus sunt:

Pœnitentiam agite: appropinquavit enim Regnum Cælorum. Ita hortatur Galatas Paulus cap. 6. v. 9. & Colossenses cap. 3. v. 24. *Scientes, quodd à Domino accipietis retributionem hereditatis.* Et passim in Scripturis. Et meritò. Si enim vita æterna est finis fidei, & operum Iustorum: quis inficiabitur, licere, vitam æternam intueri, & ad eam opera nostra dirigere? Si non viatiur Sacramentorum perceptio, & pœnitentia, cum ista sit causâ obtinendæ gratiæ Dei: cur vitiabuntur opera bona, si fiant causâ obtinendæ beatitudinis, quæ est gratia consummata, atque perfecta? Si licet propter merum gehennæ deponere affectum ad malum: cur non magis licebit hoc facere, propter spem felicitatis æternæ? Denique licebit, in operibus temporalibus respicere temporalem finem, sumere pharmacum propter sanitatem, arare, & ferere spem frugum: & non licebit in opere spirituali, in cursu huius vitæ ad bravium supernæ vocationis attendere?

XXVIII. Scio, Christum reprehendere mercenarios; & D. Thomam 2. 2. q. 19. a. 4. ad 3. addere, quodd amor mercenarius contrarijatur caritati.

Sed nil contra nos. Mercenarii enim propriè illi sunt, qui mercedem solam, aut præcipuè, intuentur, qui ita affecti sunt, ut si merces non esset, Deo non fervirent. Hi sunt qui viso lupo dimittunt oves, & fugiunt, qui non gloriam Dei, aut salutem, proximi, sed tantum propriam utilitatem quærunt. Hos Christus reprehendit: non autem eos, qui in bonis operibus præcipuè Deum, ejusque gloriam, ut ultimum finem spectant; mercedem autem solùm ut finem proximum respiciunt: qui, nempe, Deum videre cupiunt, ut tantò ardentius, & securius eum diligant. De his nos loquimur. S. Thomas autem, damnat amorem mercenarium illum, qui Deum diligit propter bona temporalia, servile enim, ac sordidum est, mercedem laturæ opere ipso viliorè,

268 *Quæst. II. De conditionibus requis. ad meritum.*

& vitium est, Deum diligere, propter bona temporalia contra caritatem, quæ omnia propter Deum imperat diligenda: attamen in bonis operibus spectare mercedem eminentissimam, qualis est visio Dei, Deum ut possesum includentem; & hanc spectare, ut possit Deum in æternum glorificare: sordidum non est, sed nobile desiderium. Et in hoc sensu locuti sumus.

QUÆSTIO II.

De Conditionibus Requisitis ad Meritum.

Post explicatum meritum Iusti quoad essentiam, & comparationem ad gloriam; examinandæ sunt conditiones, quas habere debet meritum: quod in præsentī Quæstione præstabitur.

DUBIUM I.

An Actus Meritorius debeat esse Liber, & quā Libertate?

6. I.

Resolutio Prior.

I Ex conditiones requiruntur, ut actus sit meritorius coram Deo vitæ æternæ. Tres ex parte actus meritorii, duæ ex parte hominis merentis, & ultima ex parte Dei præmiantis. Ex parte actus meritorii requiritur, ut sit liber, ut sit bonus, & ut fiat in obsequium, & gloriam Dei. Ex parte hominis merentis requiritur, ut sit viator, & in statu gratiæ. Ex parte Dei, ut acceptet tale opus ad præmium. In præsentī Dubio agemus de prima.

II. Dico ergo primò. Ut actus sit meritorius, debet esse libere libertate indifferentiæ. Probatnr primò ex Sacris Litteris. Ecclesiasticus, cap. 32. v. 10. ubi dixit: *Qui potuit transgredi, & non est transgressus, facere ma-*

la, & non fecit; continuo subiungit v. 11. *Ideo stabilita sunt bona illius in Domino, & elemosynæ illius enarrabit omnis Ecclesiæ Sanctorum.* Quibus significatur, eum talia meruisse, quia libere, id est, cum potuisset transgredi, non est transgressus. Item Paulus, 1. Corint. 9. v. 17. *Si enim (inquit) volens hoc ago, mercedem habeo: si autem invitus, dispensatio mihi credita est.*

III. Adest etiam ratio. Primò: quia res multæ, ut Sol, Luna, campi, vineæ &c. nobis multa commodæ præstant; & tamen non dicuntur de nobis propriè bene mereri: quia non libere agunt, nec possunt aliud facere, quam faciunt. — Secundò: merito debetur merces: debitum autem non oritur, nisi ex eo, quòd danus alteri, quod nostrum est, & cuius liberi, ac domini sumus: si enim alienum, vel id. cuius domini non sumus, dāemus, nil nobis deberetur: sed nihil propriè nostrum est, & sub dominio habemus, nisi quod nostro subest arbitrio, ut possimus dare, & non dare; ergo in iis tantum meremur, quæ nostro subsumt arbitrio. — Tertio: merito debetur laus, sicut demerito vituperium: sed laus debetur soli auctori libero: in eo enim, quod ex necessitate facimus, nec laudandi, nec vituperandi sumus; ergo &c.

IV. Ex hoc inferitur, quòd non, quæcumque libertas sufficit ad meritum; sed debet esse libertas indifferentiæ, seu à necessitate. Quare Innocentius X. hanc Jansenii propositionem, ordine tertiam, damnavit: *Ad merendum, & demerendum in statu naturæ lapsæ, non requiritur in homine libertas à necessitate, sed sufficit libertas à coactione*. Quam hæreticam pronuntiaverat S. Tho. qu. 6. de Malo art. unico his verbis: *Quidam posuerunt, quod voluntas hominis ex necessitate movetur ad aliquid eligendum; nec tamen ponant, quòd voluntas cogereetur...* Hæc autem opinio est hæretica: tollit omnem rationem meriti, & demeriti in-

humæ.

humanis affectibus. Non enim videtur esse meritum, vel demeritum quod aliquis sit ex necessitate agit, quod vitare non possit. Et prosequitur ostendens, eam opinionem tollere Iulianum, & vituperium, & totam Philosophiam moralem evertere. Sed hanc questionem pro dignitate tractavimus Tom. 1. in 1. 2. agentes de Voluntario libero. Dub. 1. quæ huc revocanda sunt.

V. Sed dices primò. Meritum dependet ex acceptatione præmiantis, ut dicimus: sed præmians acceptare potest tam actus liberales, quam necessarios; sicut ad Martyrii palmam Deus acceptavit mortem SS. Innocentium, quoniam non liberam; ergo &c.

VI. Respondeo. posse quidem præmiantem, acceptare actionem non liberam, non tamen ad meritum; cum non sit capax, & idonea pro merito. Sic privilegio singulari acceptavit Innocentium mortem ad vitam æternam, & ad gloriam Martyrum; non tamen ad meritum, cuius, quia incapaces libertatis, incapaces erant.

VII. Si infes. Actus liber, & necessarius gaudent eadem bonitate: cur ergo si liber est capax meriti, actus necessarius capax non erit? — Respondeo, actum libetum, & necessarium, gaudere quidem eadem bonitate physicâ, & objectivâ, non autem morali: quia dignitas, & laudabilitas mo alis in libertate indifferentiæ fundantur, ut dictum est.

VIII. Dices secundò. Christi merita fuerunt maxima: & tamen Christus non liberè, sed necessariò Deum diligebat, quia erat beatus.

Confirmatur. Christus stante impeccabilitate, & præcepto Patris de morte subeundâ, non poterat non mori; & consequenter necessariò, & non liberè libertate indifferentiæ mortuus est: & tamen suâ morte nobis meruit saluare; ergo &c.

IX. Respondeo ex D. Thom. 3. p. 2. q. 19. a. 3. ad 1. quòd Christus simul viator fuit, & Comprehensor; & ideo duplex in eo erat dilectionis

actus. Unus regulatus à scientia beata; & hic necessariò erat: alius regulatus à scientia infusa; & hic liber erat, & ex huius imperio meritum Christi procedebat. Unde concludit D. Tho. *Et ideo, quia nunc non est viator, non est in statu merendi.*

X. Ad Confirmationem dico, Christum non necessariò mortuum esse, sed liberè. Quomodo autem hæc libertas stare potuerit cum ejus impeccabilitate, & præcepto Patris de morte, difficultas est; quæ semper torset Theologorum ingenia, & in Tractatu de Impeccabilitate Christi discutitur. Nunc dicimus, Christum liberè mortuum fuisse, quia licet non potuerit non mori in sensu composito, coniungendo nimirum non mori cum existentia præcepti de morte; quia carentia mortis coniungenda cum præcepto de morte esset peccatum: poterat tamen non mori in sensu diviso, id est, carentiâ mortis absolute, & divisivè à præcepto ponendâ; quia non mori, præcivè à præcepto de morte, nullum peccatum est.

XI. Dices tertio. Satisfactio non requirit libertatem: Animæ enim in Purgatorio satisfaciunt pro peccatis præteritis, & tamen non liberè; ergo neque meritum requirit libertatem.

XII. Respondeo, neg. ant. Ut enim docet D. Tho. in 4. dist. 17. q. 2. a. 4. quæst. 3. ad 3. *Pena illa, quam anima in Purgatorio sustinet, non potest propriè dici satisfactio, quia satisfactio opus meritum requirit: sed largo modo dicitur satisfactio pena debita solutio.*

§. II.

Posteriores Resolutiones.

XIII. Dico secundò. Actus, ut sit meritorius, debet esse actus formalis, & positivus; adeo ut ad meritum non sufficiat pura omisso mali. Prob. Tum quia: meritum debet esse

270 Quæst. II. De conditionibus requis. ad meritum.

esse in obsequium præmiantis, ut dicemus: at obsequium requirit actum positivum; ergo & meritum. Tùm quia: meritum debet esse voluntarium: sed pura omisso mali non est voluntaria; ergo &c.

XIV. Sed obstabis primò. Pura omisso in sententia multorum potest esse culpabilis, & demeritoria; ergo etiam potest esse meritoria.

XV. Respondeo, omisso ant. neg. conf. Plus enim requiritur ad meritum, quàm ad demeritum: quia bonum est ex integra causa, malum autem ex quocumque defectu. Ita D.Th. 2. 2. q. 79. a. 3. ad 4. Et ratio est: quia positus his tribus conditionibus, posse, teneri, & non facere, impeditur non facere, ratione actus interpretativi: huiusmodi autem non concurrunt ad puram omissionem mali.

XVI. Obstabis secundò. Declinare à malo est meritorium: sed declinare à malo est omisso mali; ergo &c.

XVII. Respondeo, declinare à malo esse meritorium, non quatenus dicit puram negationem actus; sed quatenus dicit actum voluntatis positivè repudiantis malum. Si enim quis, urgente tentatione, suspenderet omnem actum etiam internum; talis suspensio non esset laudabilis, sed periculosa. Unde debet actu positivo malum reprobare.

XVIII. Obstabis tertio. Si Deus præcipere alicui, abstinere ab omni actu, omisso omnis actus erit materia obedientiæ; ergo erit meritoria.

XIX. Respondeo, tunc omissionem quidem omnis actus externi fore meritoriam; non verò omissionem omnis actus etiam interni: & hæc nec esse potest effectus obedientiæ laudabilis, cum non sit voluntaria.

XX. Obstabis quarto. Christus, etiam dum dormiebat, merebatur: & tamen tunc nihil operebatur.

XXI. Respondeo, neg. min. In Christo enim, dum dormiebat, aderat actus scientiæ infusus, & actualis usus liberi arbitrii; unde de se dicere poterat:

Ego dormio, & cor meum vigilat (Cant. 5. v. 2.) quod non accidit in nobis. Verum itaque semper est, quod *mereri propriè, est facere aliquam actionem, unde aliquis iustè sibi acquirit mercedem*; ut dicit S. Thom. *Qu. de Virtutibus in communi a. 1. ad 2.*

XXII. Dico tertio. Libertas requisita ad meritum non debet esse contrarietatis, scilicet ad bonum, & malum: sed sufficit libertas contradictionis, scilicet ad facere, & non facere, ad facere hoc, & facere illud. Pater in Christo, & in Angelis in primo instanti: in quibus certè fuit meritum rigorosum; & tamen non fuit libertas contrarietatis, quia non poterant peccare. Et ratio est: quia libertas ad malum non est de essentia libertatis, sed defectus ejus.

DUBIUM II.

An Actus Meritorius debeat esse Bonus, & in Obsequium Dei?

§. I.

Resolvitur Prior Pars.

I. **D**ico primò. Actus, ut sit meritorius, debet esse bonus, & laudabilis. Probatur. Ut actus sit meritorius, debet esse dignus præmio: sed actus moraliter malus non est dignus præmio, sed pœnâ: actus verò indifferens in individuo, vel non datur, ut supra ostendimus: vel si admittatur, non est, cur potius præmio, quàm pœnâ dignus sit; ergo &c.

Confirmatur. Meritum præmii supernaturalis, de quo hic loquimur, debet actu respicere Deum, ut ultimum finem: sed actus, qui non est moraliter bonus, cum sit peccatum, actu non respicit Deum, ut ultimum finem. Nam, vel est peccatum mortale; & sic positivè deordinat à Deo ultimo fine. Vel est veniale; & sic, eadè non deordinet à Deo ultimo fine, ad illum tamen actu non refer-

refertur : unde non potest esse capax meriti, & præmii, sed pœnæ.

II. Dices primò. Peccans venialiter, si in gratia sit, adhuc ordinatur ad vitam æternam; ergo actus venialiter peccaminosus, & non bonus, est meritorius vitæ æternæ.

III. Respondeo, peccantem venialiter ordinari habitu ad vitam æternam, ratione aliorum actuum bonorum, quæ fecit : non autem ratione actus peccaminosi etiam venialiter. Nam hic eis non excludat ab homine existente in gratia meritum personale vitæ æternæ, ratione aliorum actuum bonorum, quæ fecit; suâ tamen malitiâ impedit, ne per ipsum homo actualiter ad vitam æternam ordinecur, & per illum actu mereatur.

IV. Dices secundò. Recitatio divini Officii cum evagatione mentis est mala : sed hæc potest esse meritoria : si enim quis ex amore Dei incipiens recitare officium, in progressu evagetur mente; talis evagatio, ex vi illius primæ intentionis, est meritoria præmii supernaturalis.

V. Respondeo, dist. maj. Cum evagatione mentis est mala, si sit voluntaria, con. maiorem, si sit involuntaria, nego maj. Voluntaria ergo evagatio mentis in recitatione divini Officii mala est, neque subditur primæ illi intentioni recitandi illud ex amore Dei; sed potius interruptit influxum actus caritatis præcedentis : ideoque non est meritoria præmii supernaturalis. Ita S. Thom. 2. 2. q. 83. a. 13. ad 3. dicens : *Si quis ex proposito in oratione mente evagetur, hoc peccatum est, & impedit orationis fructum..... Evagatio verò mentis, qua fit præter propositum, orationis fructum non tollit.*

§. I I.

Resolvitur Pars Posterior.

VI. **D**ico secundò. Actus meritorius præmii supernaturalis debet fieri in obsequium Dei. Proba-

tur. Meritum enim cum respiciat retributionem ab eo, qui præmium redditurus est, debet ad illum dirigi, & ordinari, & in ejus gratiam fieri : opus enim, quod ad præmiantem non dirigitur, quomodo potest, ab illo exigere retributionem? Sed opera nostra meritoria respiciunt retributionem reddendam a Deo; ergo debent dirigi, & fieri in obsequium Dei : aliàs lamentaretur iustè, ut olim per Prophetam Isa. 29. v. 13. *Populus iste ore suo, & labiis suis glorificat me, cor autem ejus longè est à me.*

VII. Nec dicas primò. In humanis potest quis decessari corde præmiantem, sicque opus suum non facere, in obsequium ejus : & tamen apud præmiantem mereri; ergo similiter &c.

VIII. Respondeo enim, neg. conf. homo enim non penetrat cor, nec respicit ad intentionem operantis, sed ad ipsum opus : unde si opus ex se, vel exterius tendat ad utilitatem præmiantis, etsi intentio aliâ ipsum dirigat, homo fit debitor retributionis. Non sic autem apud Deum, qui cum penetret cor, & ad eum respiciat, non sufficit, ut ei opus exhibeatur; nisi etiam exhibeatur intentio, ut scilicet opus sincero corde propter Deum summe dilectum fiat.

IX. Nec dicas secundò. Homo existens in gratia, & faciens actum spei supernaturalis, mereatur præmium supernaturale : sed in exercitio talis actus attendit, non ad Deum, sed ad propriam utilitatem, quia spes respicit bonum divinum, ut bonum nostrum; ergo &c.

X. Nam respondeo, dist. min. Ut bonum nostrum in ratione objecti, seu finis proximi, con. min. In ratione finis ultimi, nego min. Homo enim existens in gratia respicit Deum, ut ultimum finem suarum actionum : sicque dum exercet actum spei tendentem in propriam utilitatem, hunc actum, & propriam utilitatem in obsequium Dei refundit.

XI. Sed dices tertio. Ut actus fiat in obse-

272 Quæst. II. De condit' onibus requis. ad meritum.

in obsequium Dei, requiritur influxus caritatis: sed ad meritum, in probabili sententia, non requiritur influxus caritatis; ergo &c.

XII. Respondeo, quodd, ut infra dicemus, ad meritum esse non requiritur influxus actualis caritatis, virtualis tamen requiritur. — Admissâ tamen, pro casu præsentis, opinione non requirente ad meritum influxum nec virtutem caritatis, dico, requirere saltem habitalem: quatenus persona habitualiter Deo grata omne opus bonum, quod facit, censetur facere in obsequium Dei, & esse opus Deo gratum, & coram ipso meritum.

DUBIUM III.

An ad Meritum requiratur Status Viæ, & Status Gratiæ?

S. I.

Resolvitur Prima Pars.

I. **D**ico primò. Ad meritum requiritur, ex parte personæ merentis, status viatoris. Apertè colligitur ex Scripturis: dicitur enim Ecclesiastæ 9. v. 5. *Mortui verò nihil noverunt amplius, nec habent ultra mercedem.* Ubi Hieronymus ait: *Mortui nihil valent ad id adjicere, quod semel secum tulerunt de vita, neque expectant aliquam retributionem, atque mercedem: ultra eam scilicet, quam dum viverent, meruerunt.* Et ibid. cap. 11. v. 3. *Si ceciderit lignum ad Austrum, aut ad Aquilonem, in quorumque loco ceciderit, ibi erit.* Quibus, per casum ligni, mors hominis designatur. Et per ly *ibi erit* indicatur, meritum, vel demeritum hominis in alia vitâ nec augeri posse, nec minui. Unde Paulus, ad Galat. 6. v. 10. sic inferebat: *Ergo, dum tempus habemus, operemur bonum ad omnes.* Et Christus, Joan. 9. v. 4. de seipso dicebat: *Me oportet operari opera ejus, qui misit me, donec nix sit. Venit nox,*

quando nemo potest operari. Ubi per diem tempus præsentis vitæ; per noctem verò statum post mortem Christum indicare voluisse, omnes intelligunt. Quare S. Tho. 2. 2. q. 13. a. 4. ad 2. *Mereri (inquit) & demereri pertinent ad statum viæ. Unde bona in viatoribus sunt meritoria, mala verò demeritoria. In Beatis autem bona non sunt meritoria, sed pertinentia ad eorum beatitudinis præmium: & similiter mala in Damnatis non sunt demeritoria, sed pertinentia ad damnationis penam.*

II. Ratio quonque consonat. Tùm quia meritum dicit viam, & tendentiam ad præmium, tanquam ad terminum; ergo meritum proprium est eorum, qui sunt in statu viæ. Tùm quia ad divinam providentiam pertinet, stabilire tempora pro merito, & pro præmio. Cùm igitur non possit esse tempus magis conveniens ad præmium conferendum, quàm tempus alterius vitæ; sequitur, quodd solum tempus huius vitæ destinari debuit ad merendum præmium: maxime quia meritum ex natura rei antecedit præmium, & hæc vita antecedit, altera subsequitur.

III. Sed ob stare videtur, quodd animæ iustorum in Purgatorio, imò & in Patria, aliquid merentur, saltem de congruo, sive nobis, dum pro nobis orando multa impetrant; sive sibi merendo augmentum suæ beatitudinis, saltem de congruo.

IV. In hac materia sunt qui concedant animabus purgantibus, imò & Beatis aliquod meritum saltem de congruo, respectu aliorum; illudque solum negant, ad merendam sibi beatitudinem essentialem. Sunt etiam, qui dicant, Beatos, non quidem actu beatifico, sed a.iis actibus liberis, & bonis posse sibi mereri augmentum beatitudinis, saltem accidentalis. — Probabilius tamen cenfeo, negandum esse extra statum viæ positis omne meritum etiam de congruo.

Quare distinguendum cenfeo meritum

tum etiam de congruo à simplici impetratione (quod indicat S. Tho. hâc q. 114. a. 6. ad 3.) quodd simplex impetratio unice fundatur in pietate, & misericordia concedentis: hac enim ratione etiam oratio peccatoris potest esse impetratoria: unde multò magis impetratoriæ esse poterunt orationes animarum, vel Purgantium, vel Beatorum, absque eo, quodd meritoriæ adhuc de congruo sint in se ipsis. Ut enim superius dicebamus ex D. Tho. 2. 2. q. 13. a. 4. ad 3. bona, quæ Deus concedit Beatis sive ipsis, sive pro aliis, pro quibus orant, sunt præmium beatitudinis ipsorum respondens meritis, quæ habuerunt in via; non meritis, quæ addant, dum sunt in Patria. Nam ut docet S. Tho. in 3. dist. 18. q. 1. a. 2. ad 2. Beati non sunt in statu acquirendi secundum aliquid sui: & ideo nec sibi, nec aliis merentur: quia quodd impetrant modò nobis, contingit ex hoc, quodd prius, dum viverent, meruerunt, ut hoc impetrarent: quodd confirmat de Angelis beatis 1. p. q. 62. a. 9. ad 3. Ubi postquam dixit, gaudium eorum de conversione peccatoris pertinere ad præmium accidentale, quodd augeri potest usque ad diem iudicii, subiungit: Unde quidam dicunt, quodd quantum ad præmium accidentale mereri possunt. Sed melius est, ut dicatur, quodd nullo modo aliquis Beatus mereri potest, nisi sit simul viator, & Comprehenfor; ut Christus, qui solus fuit viator, & Comprehenfor. Prædictum enim gaudium magis acquiritur ex virtute beatitudinis, quàm illud mereantur.

§. I I.

Resolvitur Secunda Parr.

V. Ico secundò. Ad meritum coram Deo requiritur, quodd persona merens sit in gratia justificante. Hoc supponit Tridentinum. Sess. 6. cap. 16 & Can. 31. ubi agit de merito hominis iustificati per gratiam: & col-
Tom. IX.

ligit ex illo Joan. 15. v. 4. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Quæ verba, cap. 16. citato, sic exponit: Cùm enim illo ipse Christus Jesus tanquam caput in membra, & tanquam vitis in palmiter, in ipsos iustificatos sugiter virtutem infuset, qua virtus bona eorum opera semper antecedit, & comitatur, & subsequitur: & sine qua nullo passò Deo grata, & meritoria esse possent Græ. Ex quibus dico sic: opera hominis non possunt esse Deo grata, & meritoria, nisi ex influxu Christi, ex quo unice nostra opera habent valorem meriti vitæ æternæ; ergo sicut palmes non potest ferre fructum vitis, nisi cum vite continuetur, & ab ea recipiat influxum: ita homo non facere fructum, nimirum, opus pertinens ad vitam æternam, nisi coniungatur cum Christo, & ab eo virtutem, & influxum participet per gratiam, quæ est semen vitæ æternæ. Et sicut terra sine semine non facit fructum, sic nec homo sine gratiâ, quæ est semen Dei ad vitam æternam, non potest facere fructum ad vitam æternam pertinens.

VI. Hanc veritatem docet S. Tho. hâc qu. 114. a. 2. & ostendit, hominem sine gratiâ non posse mereri vitam æternam, nec possum in statu naturæ integræ: Quia vita æterna est quoddam bonum excedens proportionem naturæ creatæ: quia etiam excedit cognitionem, & desiderium, secundum illud 1. ad Cor. 2. Nec oculus vidit, nec auris audivit, nec in cor hominis ascendit. Et inde est, quodd nulla natura creatæ est sufficiens principium actus meritorii vitæ æternæ, nisi supradaddatur aliquod supernaturale donum, quodd gratia dicitur.

Nec si ponatur homo, ut modò est, in statu naturæ corruptæ. Nam, præter allatam, adeest secunda ratio propter impedimentum peccati. Cùm enim homo sine gratiâ in statu naturæ corruptæ sit homo in statu peccati, & offensus Deo: & nullus in statu pec-

M m

cati

cati existens, & offensus Deo possit apud Deum mereri vitam æternam, nisi prius reconcilietur Deo, dimisso peccato, quod fit per gratiam; peccatori enim non debetur vita. sed mors, secundum illud Rom. 6. *Stipendia peccati mors*: ideo &c.

VII. Nec enim, ut opus sit meritorium vitæ æternæ, satis est, ut fiat ex vera obedientia legis, estd non fiat à persona elevatâ ad statum gratiæ, & adoptionis Dei; ut falsè existimavit Michael Baius, cujus propositio XIII. erat: *Opera bona, à filiis adoptionis facta, non accipiunt rationem meriti ex eo, quodd sunt per spiritum adoptionis inhabitantem corda filiorum Dei: sed tantum ex eo, quodd sunt conformia legi, quoddque per ea prastatur obedientia legi*. Et XV. *Rationem meriti non consistere in eo, quodd qui bene operatur, habeat gratiam, & inhabitantem Spiritum Sanctum: sed in eo solum, quodd obedit divina legi*. Quas propositiones, inter alias multas, iussè damnarunt S. Pius V. & Gregorius XIII.

VIII. Harum, inquam, damnationem propositionum iustam fuisse, colligitur: Primò ex Scriptura, quæ passim vocat gloriam hæreditatem filiorum, Rom. 8. v. 15. *Acceptis spiritum adoptionis filiorum, in quo clamamus Abba, pater*. Et v. 17. *Si autem filii, & hæredes*. Spiritum autem adoptionis non accipimus, nec filii Dei sumus, nisi per gratiam. Titm quia, eadem Scriptura testatur, meritum ita fundari in gratia, & amicitia Dei; ut si quis peccando mortaliter amittat gratiam, & amicitiam Dei, statim amittat omnia bona merita, quæ fecerat, Ezechiel. 18. v. 24. *Si autem averteris te iustus à iustitia sua, & fecerit iniquitatem... omnes iustitia ejus, quas feceras, non recordabuntur: atqui si merita non penderent à statu, & qualitate personæ, sed à sola obedientia legi, non deberet is, qui Deum offendit, amittere bona merita, per obedientiam legi antea facta. Sicut qui laboravit in vinea alicujus certâ mer-*

cede conductus, non perdit mercedem suam, si fortè inimicus fiat Domino vineæ: quia meritum illius, non in gratia. & amicitia Domini, sed in solo labore. & opere fundatur; ergo &c. hoc autem esse falsum, evincitur, quia Scriptura semper promittit vitam æternam diligentibus Deum.

IX. Colligitur secundò. Nam si merita non penderent à statu, & dignitate personæ, sed solum ab ipso opere, seu obedientia legi; certè merita Christi non essent infiniti pretii, imò nec majoris valoris, quàm merita cæterorum hominum: ubi enim solum spectatur opus, nil interest, an ille, qui operatur, sit Rex, aut miles, sit nobilis, vel plebejus, probus, vel improbus. At certum est, merita Christi ratione dignitatis personæ fuisse dignitatis infinitæ, aut saltem majoris, quàm merita cujusvis puri hominis; ergo &c.

X. Colligitur tertid. Si ratio meriti vitæ æternæ unice pensaretur ex opere facto in obedientiam legi, non ex spiritu adoptionis; posset quis non dum regeneratus per gratiam, obediens tamen legi, & ex tali obedientia facere aliquod opus meritorium vitæ æternæ; ergo etiam posset facere opus meritorium de condigno gratiæ justificantis: quia qui potest mereri gloriam, quæ est gratia consummata, multò magis potest mereri gratiam, quæ est gloria solum inchoata. Hoc autem esse falsum, colligitur ex Tridentino, *Sess. 6. cap. 8.* & nos infra ostendemus, gratiam justificationis non cadere sub merito; ergo &c.

§. III.

*Rejiciuntur quæ Militant contra
Secundam Assertionem.*

XI. **O**bjicies primò. Opus malum ex sua natura meretur poenam; ergo opus bonum ex sua natura meretur præmium, etsi non procedat ab homine existente in gratia.

XII.

XII. Respondeo, neg. conf. Facilius est enim homini peccare, quam bene agere. Ad peccandum enim sufficit libertas arbitrii: ad bonum autem opus præsertim conduens ad vitam æternam, quæ excedit omnem proportionem naturæ, requiritur supernaturale donum; & in homine corrupto per peccatum, requiritur ulterius, ut reconcilietur Deo per gratiam, ut ex D. Tho. dicebamus. Rursus: ut peccato debeat poena, nulla conventio, aut promissio necessaria est: qui enim alterum lædit, iustitiam violat, & teneretur iustitia satisfacere, nullo præsupposito pacto. At ut bono operi debeat merces ex iustitia, præsertim vitæ æternæ, promissio, vel conventio necessaria est. Non enim tenetur Deus, hominis obsequium acceptare, ut dicemus, nisi accedente ejus benignâ promissione illud acceptandi: Deus autem vitæ æternæ mercedem non promittit, nisi regeneratis per Christi gratiam, ut passim Scriptura testatur.

XIII. Sed replicabis. Scriptura promittit etiam vitam æternam obedientiæ legi, Matth. 19. v. 17. *Si autem vis ad vitam ingredi, serva mandata*. Non dixit: si vis ad vitam ingredi, cura, ut accipias gratiam. Rursus: Petrus, Act. 10. v. 34. & Paulus, Roman. 2. v. 13. docent, Deum non esse acceptiorem personarum, sed gloriam, & honorem tribuere omni operanti bonum: esset autem acceptor personarum, si attenderet potius ad qualitatem personæ, quam operis.

XIV. Respondeo ad primum, verum esse, quoddam vitam æternam promittitur servanti totam legem, sed amore iustitiæ, non timore poenæ. Non enim (inquit August. 1. de Spirit. & litt. c. 14.) *fructus est bonus, qui de caritatis radice non surgit*. Porro autem si adsit fides, quæ per dilectionem operatur, incipit condelectari legi Dei secundum interiorem hominem: quæ delectatio non littera, sed spiritus donum est. Non ergo quis potest servare man-

data, nisi Deum diligat, & proximum; in his enim pendet tota lex: hoc autem sine gratiâ regenerante fieri non posse, supra ostendimus. Alioquin si ad servanda mandata, ut oportet ad vitam, non requiritur gratia; nec requireretur fides, cum Christus ibi hoc non dixerit.

Ad secundum, neg. min. Accëptor enim personarum ille est, qui attendit ad qualitatem personæ nihil conferentem ad meritum. Cum verò quoddam persona habeat spiritum adoptionis, & habeat fidem, quæ per dilectionem operetur, sit qualitas conduens ad meritum: imò tota ratio meriti vitæ æternæ, ad quam Deus attendit, in conferendo præmium, non erit proinde acceptor personarum. Si enim lex sit, ut soli filii nobilium currant ad bravium à Rege propositum; non erit personarum acceptor iudex, si præter celeritatem cursus, nobilitatem currentis ita consideret, ut quæ eâ carent, excludat à præmio tanquam incapaces. Sic cum vita æterna sit bravium promissum solis Justis, & filiis adoptionis per gratiam; non accipit Deus personas, cum in eis qualitatem iustitiæ, & adoptionis attendit: acciperet quidem, si consideraret alias, quæ ad meritum nihil conferunt; puta, an qui bene operantur sint Græci, vel Judæi, liberi, vel servi, masculi, vel femine. Et in hoc sensu loquebantur Apostoli.

XV. Obijcies secundò. Non plus requiritur ad hoc, ut opera sint meritoria ipsi operanti, quam ut sint meritoria aliis: sed ut suffragia facta promortuis, sint pro illis meritoria, non requiritur, quoddam homo eafaciens sit in gratia; ergo &c.

XVI. Respondeo cum D. Tho. in 4. dist. 45. q. 2. a. 1. q. 3. & referatur in Suplem. 3. p. q. 71. a. 3. dist. min. Ut sint meritoria, prout sunt eius, non requiritur &c. nego min. Prout sunt alterius, co. min. *Insuffragiis* (inquit S. D.) *quæ per malos sunt, duo possunt considerari. Primà*

ipsum opus operatum; sicut sacrificium altaris. Et quia nostra sacramenta ex seipsis efficaciam habent, absque opere operantis, quam aequaliter explent, per quoscunque fiant; quantum ad hoc suffragia per malos facta defunctis profunt. Alio modo quantum ad opus operantis. Et sic distinguendum est. Quia operatio peccatoris suffragia facientis, potest uno modo considerari, prout est ejus: & sic nullo modo potest esse meritoria, nec sibi, nec ali. Alio modo, inquantum est alterius: Quod dupliciter contingit. Uno modo, inquantum peccator suffragia faciens gerit personam totius Ecclesiae, sicut sacerdos, dum dicit in Ecclesia exequias mortuorum. Et quia ille intelligitur facere, cujus nomine, vel vice sit, ut patet per Dionysium lib. de Coelest. Hierarch. c. 13. inde est, quod suffragia talis sacerdotis, quamvis sit peccator, defunctis profunt. Alio modo, quando agit ut instrumentum alterius: opus enim instrumenti est magis principalis agentis. Unde quamvis ille, qui agit ut instrumentum alterius, non sit in statu merendi; actio tamen ejus potest esse meritoria ratione principalis agentis: sicut si servus in peccato existens quodcumque opus misericordia facit ex precepto domini sui caritatem habentis. Unde si quis in caritate decedens praecipiat, sibi suffragia fieri, vel alius praecipias caritatem habens, illa suffragia valent defuncto, quamvis illi, per quos fiunt, in peccato existant: magis tamen valent, si essent in caritate: quia tunc ex duabus partibus opera illa meritoria essent. Hæc Sanctus Thomas.



DUBIUM IV.

An Meritum spectet ad Caritatem,
& quomodo ad illud debeat
Caritas influere?

S. I.

Resolvitur Prima Pars.

I. **D**ubium istud hic ponitur tanquam appendix Dubii præcedentis. Cum enim ad meritum requiratur gratia, cujus indivisa comes est caritas, per quam proximè operatur; ideo rectè quæritur: an caritas concurrat ad meritum, an elicitivè, an imperativè.

II. Dico ergo primò. Meritum non est determinatè actus alicujus virtutis: sed principaliter pertinet ad caritatem, secundariò verò ad alias virtutes, ut imperantur à caritate. Tres habet partes hoc Assertum. Prima prob. Meritum non est determinatè actus fidei, vel spei, vel poenitentiae: nam in Christo fuit verum meritum, in quo tamen non fuit fides, nec spes, nec poenitentia. Non est actus iustitiæ, religionis, pietatis, aut alterius à caritate. Tum quia: actus istarum possunt esse sine merito, imò compati cum demerito. Tum quia: per actus harum virtutum, etiam sine gratiâ, & caritate, posset esse meritum vitæ æternæ, contra Apostolum, 1. Cor. c. 13. v. 3. Si distribuero in cibos pauperum omnes facultates meas, & si tradidero corpus meum, ita ut ardeam, caritatem autem non habuero, nihil mihi prodest.

III. Sed dices. Satisfactio est quoddam meritum veniæ, & reconciliationis, quia tendit ad ipsam obtinendam: at satisfactio, quæ fit Deo pro offensa, est actus specialis virtutis, nempe iustitiæ; ergo &c.

Rursus: meritum æqualitatem dicit, & est ad alterum: cum nemo mereatur ad se, sicut nemo satisfacit sibi; ergo

ergo est actus iustitiæ, sicut est satisfactio.

IV. Rpondeo, neg. maj. Est enim differentia inter meritum, & satisfactionem, quod satisfactio tendit ad faciendam æqualitatem, & ad inducendam amicitiam; unde non est meritoria veniæ, sed potius activa veniæ, vel formaliter, vel dispositive. Meritum autem supponere debet æqualitatem, reconciliatorem, & amicitiam cum Deo, per satisfactionem jam inductam.

Ad secundum dico pariter, meritum non tendere ad faciendam æqualitatem cum Deo; sed eâ per satisfactionem suppositâ, seu & gratiâ, & caritate, tendere per actus, & obiecta omnium virtutum ad operandum in obsequium Dei præmiantis. Quamvis autem inter meritum, & præmium requiratur æqualitas proportionis; hæc non respicitur à merente, sed potius ab eo, qui præmium reddit: qui reddendo præmium: actum iustitiæ exercet, ut dictum est.

V. Secunda pars Asserti expressè traditur à S. Thoma hæc q. 114. a. 4. cujus ratio est sub hac forma. Ad eam virtutem principaliter spectat meritum, cujus actus est, ordinate hominem ad Deum, quo fruimur, propter seipsum, & cujus est, omnia in obsequium Dei, & propter Deum facere; cum meritum sit motus humani arbitrii in divinum bonum, quo fruemur in vita æternâ, propter seipsum: sed huiusmodi motus, seu tendentia in Deum, propter seipsum, seu ut summum bonum, est actus proprius caritatis: licet enim etiam fides, & spes ferantur in Deum, & faciant, nos inhærere Deo; attamen, ut docet S. Th. 2. 2. q. 17. a. 6. *Sola Caritas facit Deo inhærere, propter seipsum, mentem hominis uniens Deo per affectum amoris. Spes autem, & fides faciunt hominem inhærere Deo, sicut euidam principio, ex quo aliqua nobis proveniunt. De Deo autem provenit nobis & cognitio veritatis* (& hoc modo fides facit, nos inhærere Deo, ut primo principio

cognoscendi veritatem) & adeptio perfectæ bonitatis (& hoc modo spes facit, nos inhærere Deo, quatenus per spem divino auxilio innititur ad beatitudinem obtinendam).

VI. Tertia verò pars traditur etiam à D. Thom. hæc q. 114. a. 4. citatis his verbis: *Motus autem humane mentis ad fruitionem divini boni est proprius actus caritatis; per quem omnes actus aliarum virtutum ordinantur in hunc finem, secundum quod alia virtutes imperantur à caritate. Et ideo meritum vite æternæ primò pertinet ad caritatem; ad alias autem virtutes secundariò, secundum quod earum actus à caritate imperantur: id est, secundum quod caritas efficit, ut cæteræ virtutes eliciant actus suos ex amore Dei, propter Deum, & in obsequium Dei, ut summi boni. Sic fortitudo ex specie sua eligit tolerare mortem, propter bonum fortitudinis. Si autem adveniat imperium caritatis, jam eligit, tolerare mortem propter Deum, ut summum bonum; sicque elicit actum martyrii* — Addo: quod Scriptura meritum gloriæ tribuit specialiter actibus earum virtutum, quæ caritatem involvunt. Ut Matth. 25. v. 34. *Venite benedicti Patris mei, possidete paratum vobis Regnum...* Esurivi enim, & dedistis mihi manducare &c. Ubi ly mibi indicat actum misericordiæ erga pauperes, factum ex amore erga Deum, esse meritum ad Regnum. Et Paulus meritum tribuit actibus beneficentiæ, & pacis, Hebr. 13. 16. dicens: *Beneficentia, & communionis nolite oblivisci: talibus enim hostiis promeretur Deus.*

VII. Rationem autem meriti secundariò esse in actibus aliarum virtutum, ut imperatis tamen à caritate, ostenditur. Nam si soli caritati tribueretur meritum, non verò cæteris virtutibus, ut ejus imperium includentibus; jam non existente formaliter actu caritatis, non existeret formaliter actus meritorius: hoc autem falsum esse, infra ostendemus. Ut enim actus formaliter sit meritorius, sufficit, ut actus

actus caritatis virtualiter existat, estd non formaliter : ex hoc enim ipso, quodd cæteræ virtutes caritati conjunguntur, & ab ea moventur, eleuantur ad meritum : quia inferiora ex conjunctione ad superiora eleuantur ad perfectionem, quam ex seipsis habere non possent. Sicut cogitativa conjuncta rationi, aliquomodo conferre, & discurrere potest, quod ex seipsa non possent.

VIII. Addo : quodd si meritum in sola caritate consisteret, jam non esset majoris meriti cum æquali caritate dare omnes facultates in elemosynam pauperibus, etsi maximas ; quàm dare unum tantum obolum ; & pati martyrium, quàm pati levissimam persecutionem : quod tamen non est dicendum.

IX. Neque dicas, præmium essentiale vitæ æternæ respondere soli caritati, Joann. 14. v. 21. *Qui autem diligit me & ego diligam eum ; & manifestabo ei me ipsum ;* ergo soli caritati respondet meritum — Nam solum evincit, caritati respondere præmium, & meritum principaliter, & ut imperanti ; non verò ut unicæ elicienti meritorium actum. Unde Christus citato loco expoens, quid sit ipsum diligere, prius dicit : *Qui habet mandata mea, & servat ea, ille est, qui diligit me.*

6. I I.

Ex Distis Aliqua Inferuntur.

X. Inferitur primò. Opera moralia virtutum acquisitarum, etsi facta ab homine iusto, & existente in gratia, si tamen non fiant ex imperio caritatis, sed ex motivo, & auxilio merè naturali, non esse meritoria de condigno vitæ æternæ. Ratio est. Quia opera moralia procedentia à virtute acquisitâ, & auxilio naturali sunt purè naturalia, & improporcionata prorsus cum præmio supernaturali, qualis est vita æterna,

XI. Neque dici potest, ejusmodi opera accipere dignitatem ordinis supernaturalis ex persona gratiæ sanctificante ornata ; adeo ut dignitas personæ sanctæ, absque ullo caritatis imperio, refundat in ea opera valorem, & æqualitatem proportionis cum vita æternâ, sicut dignitas Personæ divinæ refundebat dignitatem in opera Christi.

XII. Nam sola coexistentia habitus in subjecto non dignificat operationem, nisi interveniat influxus voluntatis illud applicantis ad usum, juxta illum : *Habitibus utimur, cum volumus ;* ergo nisi accedat influxus voluntatis uentis habitu caritatis ad tale opus, & facientis, ut gratia sanctificans infundat in illud, non dignificabitur, ut proportionem habeat cum vita æternâ.

Neque valet exemplum Personæ divinæ. Nam hæc utpote substantialiter infinitè digna communicabat suam dignitatem operibus Christi supernaturalibus, per modum formæ, & necessariò ; quia scilicet erant operationes Personæ substantialiter infinitè dignæ. At persona creata dignitatem supernaturalem non habet, nisi ratione gratiæ, quæ est habitus accidentaliter ipsi inhaerens : & quia habitus non influunt necessariò, sed solum ex voluntatis imperio : ideo dignitas personæ in gratia constitutæ non refunditur in operationes, nisi accedat imperium, vel ordinatio caritatis.

XIII. Inferitur secundò. Neque actus virtutum theologicarum, etsi intrinsecè supernaturales, esse meritorios de condigno vitæ æternæ, per solam coexistentiam gratiæ habitualis ; nisi accedat influxus, & imperium caritatis, quo fiant in obsequium Dei summi boni supernaturalis.

Hoc indicavit Paulus, dum ad *Coloss. 3. v. 23.* postquam ad omnia pietatis opera ens fuerat adhortatus, concludit : *Omne, quodcumque facitis in verbo, aut in opere, omnia in nomine Domini Jesu Christi.* Et ad *Gal. 5. v. 6.* dicit, quodd nihil valet, nisi *fides, qua*
per

per dilectionem operatur. Ratio autem theologica est. Quia fides, & spes ex propria specie, ut superius dicebamus, estō respiciant immediatē Deum in ratione obiecti, sive nobis dicentis, sive auxiliantis; nisi tamen accedat imperium caritatis, earum actus referentis, non respiciunt Deum, ut summum bonum in se, & ut ultimum finem in ordine supernaturali; quod requiritur, ut actus sit meritorius vitæ æternæ.

§. III.

Quale sit Imperium Caritatis ad Meritum Requisitum.

XIV. **T**riplex potest distingui imperium, seu ordinatio actuum aliarum virtutum in finem, & obiectum caritatis. Prima habitualis, quæ revera in se actu non est; sed solum habitu in subiecto operante, & actum solummodo materialiter comitatur. Secunda actualis, quæ scilicet actum expressē ordinat in Deum; de quo homo actu cogitat, & facit actum virtutis propter illum. Tertia virtualis, quia scilicet estō homo de Deo actu non cogitet, & proinde expressē non ordinet actum ad ipsum; attamen actus virtutis, quem facit, ordinatur in Deum virtute præcedentis actus, quo decrevit, omnia sua referre in Deum; qui actus virtualiter manet, & participatur in actibus subsequen-
tibus. His stantibus

XV. Dico secundò. Ad meritum non sufficit ordinatio, seu imperium habituale caritatis. Constat ex dictis §. antecedente. Ordinatio enim purè habitualis caritatis in Deum dicit puram coexistentiam, & concomitantiam habitus caritatis in subiecto operante, absque ullo influxu, sive actuali, sive virtuali in actum; sed, ut vidimus, sola concomitantia habitus caritatis non sufficit ad faciendum opus meritorium; ereo &c. Hinc puto à S. Pio V. & Gregorio XIII. damnatam fuisse pro-

positionem 15. Bani, *Dub. præcedente, relat. §. 2. num. 7.* quæ dicebat: *Rationem meriti non consistere in eo, quod qui bene operatur, habeat gratiam, & inhabitantem Spiritum Sanctum, sed in eo solum, quod obedit divinæ legi.* Putabat enim Baius, rationem meriti non requirere influxum, sed solam concomitantiam gratiæ, & habitus caritatis in operante.

XVI. Confirmo hanc veritatem à pari. Nam infidelitas, vel status peccati mortalis concomitans bona opera, non vitiat illa, neque facit esse demeritoria; nisi aliquomodo ea referat ad finem malum; unde non omnia opera Infidelium, & peccatorum esse peccata, superius ostendimus contra Janse-
nium, & Bajum; ergo neque status gratiæ, & caritatis habitualis merè concomitans omnia opera bona dignificabit & faciet meritoria vitæ æternæ.

XVII. Dico Tertiò. Ad meritum non requiritur actualis ordinatio caritatis. Et ratio est. — Primò; quia ut actus, vel medium ordinetur in finem ex influxu finis, non requiritur actualis intentio finis, sed sufficit virtualis. Causa enim non solum quando actualiter existit in se, sed etiam quando manet in aliquo à se relicto censetur influere. — Secundò; quia cū impossibile sit moraliter, hominem, quando bene operatur, semper cogitare de Deo, & actu intendere finem caritatis, homo vix unquam meritorie operaretur. — Tertiò denique; quia, ut quis apud humanum Regem mereatur, non est necesse, ut semper actu intendat obsequium illius; ergo neque, ut quis mereatur apud Deum. Quod constat etiam in consecutione Sacramentorum, & recitatione divini Officii.

XVIII. Ex his sequitur, requiri, & sufficere ad actu merendum, ordinationem virtutalem caritatis. Verum quia ordinatio virtualis caritatis duplex esse potest; una proxima, & est, quando virtute alicuius intentionis proximè, & immediatè præceden-

dentis actus ordinatur in Deum : alia solum remota , quando scilicet intentio remouet præcessi , vel in principio vitæ , vel justificationis : ideo Dubium est : an ad actum merendum requiratur imperium , & ordinatio caritatis immediatè , vel saltem proximè præcedens : an verò sufficiat remota , & generalis , etsi longo tempore præcesserit ; dummodo tamen per peccatum mortale non fuerit interrupta .

XIX. Dico quartò . Quamvis non sit improbableè , ad meritum de condigno vitæ æternæ sufficere ordinationem caritatis ex aliquo antiquo actu caritatis relicto , quoties per peccatum mortale non fuerit retractata : unde si quis in actu suæ justificationis proponat , se velle omnia sua in Deum , ut ultimum finem , referre ; omnia opera bona , quæ fecit , quamdiu manet in gratia , censentur meritoria vitæ æternæ , quia in omnibus illis ordinatio illa perseverat : tutius tamen , & fortè probabilius censeo , quòd , ut actus sequentes censeantur virtualiter à caritate procedere , & consequenter esse meritoria , non sufficere , ut ordinationem caritatis quomodocumque , etiam remouet , consequantur ; sed requiri , ut aliquam connexionem mediatam , vel immediatam , cum primo illo actu caritatis habeant : ita ut primus actus sequens immediatè cum actu caritatis connectatur , ac ceteri inter se .

XX. Hoc declaro exemplo . Si quis statuat ire Romam , censetur hunc finem intendere ; & in ipsum omnes actus suos referre , eos nempe , qui ad illum finem conducunt . Unde quando conducit currum , parat sarcinas , & alia itineri inferuentia &c. in istis actibus virtualiter manet illa prima intentio . Si verò aliquid aliud agat cum ea non connexum , puta comedere , bibere &c. non censetur , hos actus ex intentione eundi Romam facere . Quia ergo non omnes actus etiam virtuosi hominis iusti , hanc connectio-

nem habent cum illo primo actu ; quo in principio vitæ , aut justificationis se , & omnia sua retulit in Deum : ideo ille primus actus non sufficit ad imprimendam virtutalem ordinationem in Deum in omnibus actibus subsequen- tibus . Ad id : quòd si in omnibus istis perseveraret primus actus caritatis virtualiter ; jam homo iustus toto tempore , quo existit in gratia , in omni suo opere bono censeretur , Deum diligere , nec teneretur , expressum actum dilectionis facere . Quod tamen damnatum est ab Innocentio XI. 2. Martii 1679. Propos. 5. quæ talis erat : *An peccet mortaliter , qui actum dilectionis Dei semel tantùm in vita eliceret , condemnare non audemus .* Propos. 6. *Probabile est , ne singulis quidem rigorè quinquenniis , per se obligare præceptum caritatis erga Deum .* Et Propos. 7. *Tunc solum obligat , quando tenemur justificari , & non habemus aliam viam , qua justificari possumus .*

XXI. Præterea à pari . Quamvis enim Idololatram habuerit actum , quo se , & omnia sua statuit in suum Idolum referre ; non sequitur , quòd omnes actus sequentes , etiam post longum tempus , sint ab illo actu imperati , & consequenter demeritorii , & peccata : aliàs omnia opera Infidelium essent peccata ; ergo ne-ue in homine iusto intentio formalis habita referendi omnia in Deum , imperabit omnes actus sequentes . Dicendum ergo tutius videtur ; quòd sicut intentio formalis recitandi Officium , & conficiendi Sacramentum facta , puta in principio mensis , non sufficit ad recitandum Officium , & Sacramentum conficiendum in fine mensis ; sed requiritur intentio non multùm distans à recitatione &c. ita , ut quis censetur , omnia opera sua in Deum virtualiter referre , non sufficit intentio longè distans . Quare tutissimum consilium est , hanc intentionem initio , vel cuiusque diei , vel negotii repetere .

XXII. Scio , adversæ opinionis Patrones pro se asserere S. Thomam , qui in 2.

in 2. sent. dist. 18. q. 1. a. 1. ad 4. ad hoc, ut actio aliqua virtualiter referatur in Deum ex caritate, dicitur: *Oportet, quod prius fuerit cogitatio de fine, qui est caritas, vel Deus, & quod ratio actiones sequentes in hunc finem ordinaverit: ita quod relictio illius ordinationis in actionibus sequentibus salvetur, ut patet in exemplo, quod Avicenna ponit de artifice: quod si dum opus suum exerceret, semper de regula artis cogitaret, multum in opere impediretur: sed sicut prius excoxitavit per regulas artis, ita postmodum operatur, & sic in opere ejus relictio artis salvatur.*

XXIII. Sed S. Doctor præfatis verbis non aliud intendit, quàm quoddam, ut alicujus actionis finis sit Deus, vel caritas, non oportet, quod agendo illam actionem, aliquis de Deo, vel caritate cogitet: nec iterum sufficit, quod aliquis in habitu tantum Deum, vel caritatem habeat: quia sic etiam actum venialis peccati aliquis in Deum ordinaret, quod falsum est. Post quæ verba subiungit ea, quæ à Contrariis allata sunt. Solum igitur S. Tho. intendit ad hoc, ut opus caritate ordinetur in Deum, non requiri ordinationem actualem, habitusalem non sufficere, sed satis esse virtuales, quâ prior ordinatio censetur manere adhuc in opere sequenti: sed non determinat, quoddam maneat semper, & in quolibet bono opere, quousque homo manet in gratia, etiamsi longo tempore præcesserit, nec fuerit iterata. Imo locum timori relinquit, ne quotidianis, & venialibus peccatis, quibus subest homo in hac vita, illa prior ordinatio sensim adeo languescat: ut nisi iteretur, de virtuali transeat in habitusalem tantum, quæ certè non sufficit.



DUBIUM V.

An ad Meritum Hominis coram Deo requiratur Divina Ordinatio, Promissio, & Pactum?

§. I.

Resolutio Dubii.

I. **D**ico. Communior, & omnino probabilior sententia est, requiri pactum, & promissionem mercedis, ad hoc, ut Justorum opera veram, ac propriè dictam habeant rationem meriti de condigno: non sic tamen, quasi illa opera valorem, & dignitatem suam habeant ex hujusmodi pacto; sed quoniam ultra dignitatem, quam totam ex gratia habent, necessarium sit pactum seu promissio de reddenda mercede, ut illi, qui ex gratia sunt bene operati, jus habeant ad vitam æternam, tanquam ad mercedem, eorumque opera sint strictè talis vitæ meritoria. Assertio ita explicata duas habet partes.

II. Prima, quod divinum pactum, seu promissio prærequiratur, ut operibus Justorum respondeat vita æterna, tanquam merces merito, videtur certa. Quia meritum obligat præmiæntem ad reddendum præmium: Deus autem, ut sæpè diximus cum S. Tho. hac q. 114. a. 1. ad 3. non efficitur simpliciter debitor nobis, sed sibi ipsi, in quantum debitum est, ut sua ordinatio impleatur: quod dixerat in corpore ejusdem art.

III. Prob. etiam primò ex Parabola, Matth. 20. ubi Pater familias, qui Deum significat, conventionem fecisse legitur cum operariis. Et ex Jacobi c. v. 12. *Beatus vir, qui suserit temptationem, quoniam cum probatus fuerit, accipiet coronam vitæ, quam repromittit Deus diligentibus se.* Quibus conformiter Paulus, Hebr. 5. v. 12. eos hortatur, ut sint imitatores eorum, qui fide, & patientiâ hereditabunt promissio-

nes. Et cap. 6. v. 36. *Ut voluntatem Dei facientes, repositis promissionem.* Idem expriment alia Scripturæ loca, quibus vita æterna promittitur mandata servantibus; modò corona justitiæ à Deo iusto Iudice reddenda, ut 2. *Timoth. 4.* non enim debetur corona justitiæ, nisi fuerit promissa. Quapropter Tridentinum, *Sess. 6. cap. 16.* ait: *Bonè operantibus, usque in finem, & in Deo sperantibus proponenda est vita æterna; & tanquam gratia filijs Dei per Christum Jesum misericorditer promissa; & tanquam merces ex ipsius Dei promissione bonis ipsorum operibus, & meritis fideliter reddenda.* Ubi duplicem promissionem cognoscit: unam de danda gloriâ, ut gratiâ per Jesum Christum; alteram de ea reddendâ, ut mercede pro meritis. Hæc tamen secunda includitur in prima.

IV. Probatur secundò. Si bona Justorum opera ex natura suâ, & non ex vi alicujus promissionis, essent apud Deum meritoria de condigno vitæ æternæ; Christus non meruisset nobis vitam æternam directè, sed solum indirectè, quatenus gratiam, & in ea perseverantiam solum promeruit: certum est autem, quòd Christus non minus directè meruit nobis gloriam, quàm gratiam; ut per se patet, & ex Trident. *Sess. 6. Can. 16.* Assumptum prob. Quia si verum foret, quòd opera ex natura, & condignitate ipsorum, absque pacto, vel promissione, quæ propter Christi merita facta sit, gloriam mereantur; jam gloria, secluso Christi merito quoad respectum illius, nihilominus reddenda esset propter naturam, & qualitatem operum, supposito gratiâ ea faciendi per ipsum obrentâ.

V. Probatur tertio. Cùm opera sint pluribus titulis Deo debita, nempe, creationis, conservationis, redemptionis &c. sequitur, quòd per nihil possumus ipsum obligare, nisi velit: quòd velit, non aliter scimus, quàm quia mercedem pro illis promissit. Hinc fit, quòd opera sancta animarum degen-

tium in Purgatorio, & actus liberâ Beatorum in caritate perfecti, nihil apud Deum mereantur; quia licet interno valore non careant, ea tamen ad præmium Deus non ordinavit: & merita Christi non merentur de facto Incarnationem æterni Patris, vel salutem Dæmonum, quia ad hæc ordinata non fuerunt.

VI. Confirmantur dicta. Si quis alienum agrum colat, vel alteri obsequium præstet, nullo prorsus interveniente pacto, vel promissione mercedis, alter non teneatur ex justitiâ mercedem ei dare; ac per consequens ipsam non est ex condigno meritis: præsertim si poneretur, quòd iste operarius totum, quod fecit, aliquo alio titulo facere debuerit, quòdque tùm instrumenta, tùm vires essent in proprietate, & dominio alterius; ergo similiter quamvis Justii opera bona faciant, & quidem talia, quòd secundum quòd sunt per gratiam, habent condignitatem ad vitam æternam; si tamen nullum præceperit pactum, aut promissio mercedis. Deus non tenebitur eis dare præmium vitæ æternæ; quia alijs titulis ei debita, & vires, quibus facta sunt, in ejus proprietate, ejusque dona existunt.

VII. Secunda verò pars Asserti, nempe, quòd ejusmodi opera, supposito divino pacto, & promissione, habeant intrinsecam condignitatem cum gloria, videtur certa. Nam promissio, & ordinatio Dei, estò sit quid necessariò præsuppositum, non est tamen ratio formalis constituens opera illa, in ratione meritorij, & dans illis condignitatem ad gloriam; sed hanc supponuntur habere à gratia sanctificante, quæ est ejusdem ordinis, & perfectionis cum gloria, eamque per modum seminis, seu radicis continet, juxta illud Pauli, *Rom. 6. v. 13. Gratia Dei vita æterna.* Præterea: si extrinseca Dei ordinatio esset ratio constitutiva meriti de condigno, jam actus virtutum acquisitarum ordinis naturalis, imò & actus indifferentes

in

in individuo (quos Scotus in hoc contrarius admittit) possent esse merita, verè, & propriè de condigno beatitudinis supernaturalis eodem modo quo actus supernaturales: posset enim Deus tales actus, pro sua libertate, ordinare ad beatitudinem supernaturalem, eamque promittere tales actus elicientibus: quo posito, illi actus evaderent verè meritorii vitæ æternæ, cum posita ratione formali constitutivâ meriti, habeatur meritum. Hoc autem magis videtur absurdum, quàm si diceretur, quòd si Rex promitteret filiam suam Regni hæredem ei, qui primò colligeret paleam; rusticus eam primò colligens, filiam Regis, & Regnum ipsum de condigno mereretur: major enim est improporatio inter opus naturale, & vitam æternam, quàm inter actum quemcumque vilissimum, & filiam Regis, Regni que ipsius possessionem.

VIII. Hinc infero, ordinationem Dei extrinsecam in pacto, vel promissione sitam, neque ingredi rationem meriti, ut complementum illius; sed ad illud sufficere ordinationem Dei intrinsecam, inclusam in voluntate dandi gratiam, ut principium merendi: eo enim ipso, quòd Deus vult dare gratiam, ut principium merendi vitam æternam, ordinat opera procedentia ab illa, ut merita, ad vitam æternam, ut mercedem, & constituit se debitorem gloriæ, ut mercedis. Sicut enim Deus dicitur ordinare res naturales ad suos fines naturales, conferendo illis virtutes activas, quibus possint tales fines consequi: ita naturam rationalem ordinat ad merendum de condigno finem supernaturalem vitæ æternæ, conferendo illi virtutem, & principia operandi ad talem finem. Ita S. Tho. hæc q. 114. a. 1. videndus.



§. I I.

Solutio Objectionum.

IX. **O**bjiciunt primò contra præmam partem Asserti. Valor, seu condignitas operis sufficit ad merendum præmium: sed præcisâ promissione Dei, opera Justorum habent valorem, & condignitatem ad vitam æternam, ex quo sunt ex gratia; ergo &c.

X. Respondeo, majorem esse veram si illa condignitas operum non sit debita præmianti aliis titulis; secus verò, si sit debita, ut in casu. Cum enim ea posset exigere, ut sibi debita pluribus aliis titulis, ut ostensum est; ideo, ut determinatè sint meritoria præmii, requiritur Dei ordinatio conferentis gratiam, ut principium merendi.

XI. Obijciunt secundò contra eandem. Peccata mortalia non egent ordinatione divinâ, ut sint meritoria poenæ æternæ, quia ex seipsis asserunt indignitatem; ergo à pari nec opera Justorum à gratia procedentia, quia ex se ipsis bona, & condignitatem habent, egeant ordinatione divinâ, ut sint meritoria vitæ æternæ.

XII. Respondeo, neg. cons. Qui enim peccat, ex iure constituit se debitorem luendi poenam; quia peccata ex natura suâ sine ullo iudicis auxilio, vel ordinatione digna sunt poenâ. Justus autem faciens bona opera ex gratia, non facit se creditorem vitæ æternæ; quia licet ex natura suâ proportionem habeant cum re, quæ est vita æterna; quia tamen aliis titulis Deo debita, non proportionantur cum illa, ut meritum cum præmio, nisi ex Dei voluntate ordinantis illa, tanquam meritum, ad gloriam, ut præmium. Ubi noto, hanc propositionem: *Sicut opus malum ex natura suâ est mortis æternæ meritorium: sic bonum opus ex natura suâ est vita æternæ meritorium*, esse secundam ex damnatis in Bajo à S. Pio V. & Gregorio XIII.

N n 4

XIII.

XIII. Dices. Opus esse meritum est, illud esse condignum ad mercedem: sed, ut diximus, pactum, & promissio non facit, opus esse condignum ad vitam æternam; ergo ad meritum non requiritur pactum &c.

XIV. Respondeo, neg. maj. Nam mereri propriè, ut docet S. Thomas *Qu. de Virtutibus in communis a. 1. ad 2.* est facere aliquam actionem, unde aliquis sibi iuste acquirat mercedem: potest autem actio habere proportionem, imò & condignitatem ad id, quod vocatur merces, etiamsi is, qui actionem illam facit, non acquirat sibi iuste illam mercedem: veluti si illa actio fuerit aliis titulis debita, vel non fuerit conductus, neque ulla mercedis promissio præcesserit.

XV. Obijciunt tertio contra eandem. Eo ipso, quod Dominus præcipiat servo laborare in vinea, imò etsi non præcipiat, approbet tamen eius laborem, censetur, servus mereri iuste mercedem; ergo eo ipso, quod præceperit Deus homini iusto facere opera condigna vitæ æternæ, & iste faciat, censetur &c.

XVI. Respondeo, distinguendo ant. Vel enim Dominus vineæ dirigit præceptum ad eos, qui non sunt servi, tenentur in vinea ejus laborare; & sic nec Dominus vocans eos ad laborem, implicite paciscitur de mercede, & ex iustitia tenetur eam reddere. Vel dirigit præceptum ad servum; & sic non tenetur ei reddere stipendium pro labore, etiamsi illum approbet (fecit enim, quod debuit) quoniam & servus, & servi opera sunt Domini. Cum ergo omnes simus servi Dei, & ei tanquam Domino omnia opera debeamus; si solum præciperet, ut in vinea ejus laboraremus, & neque pactum, promissionem, & legem faceret de reddenda mercede; nec ipsa teneretur eam reddere, nec opera iustorum eam de condigno mererentur.

XVII. Objectiones contra secundam partem omitto. Ea enim vel probant, ad actu merendum vitam æternam, re-

quiri pactum, ordinationem, &, si velis, etiam promissionem Dei, quod libenter concedimus: dummodo non dicantur requiri, ut rationem, sive adæquatam, sive inadæquatam constitutivam operis in ratione meritorii; sed solum, ut determinationem illorum operum, quæ ex quo sunt à gratia, condignitatem habent ad merendum, ut de facto mereantur, & acceptentur ad tale præmium, & non ob alium titulum: & hanc ordinationem nil aliud esse, quàm voluntatem Dei conferendi gratiam, ut principium merendi vitam æternam, ut dictum est.

QUÆSTIO III.

De his, quæ cadunt sub Merito.

PRÆTER vitam æternam, quam hæcenus vidimus, cadere sub merito de condigno, alia sunt, de quibus dubitari potest. Nempe: an homo possit mereri primam gratiam auxiliantem, vel primam gratiam iustificantem, & hoc tam sibi, quàm aliis: augmentum gratiæ, reparationem post lapsum, perseverantiam finalem &c. de quibus omnibus in præsentis quæstione sermo erit.

DUBIUM I.

An Homo possit mereri Primam Gratiam sive Auxiliantem, sive Iustificantem Sibi, vel Aliis.

§. I.

Resolvitur de Gratia Auxili.

I. **D**ico primò. Nullus homo potest sive de condigno, sive de congruo sibi mereri primam gratiam auxiliantem. Procedit hæc Assertio de prima gratiâ actuali, quæ aliam non supponit. Hoc suum tractavimus in 1. par. contra Pelagianum, & in hæc 2. 1. Tract. de necessitate

fitate gratia contra eundem. Alioquin sequeretur, gratiam secundum merita nostra dari; & merita quidem solis naturæ, & arbitrii viribus facta: quod in horrore habuerunt Concilia Milevitanum, Palæstinum, & Arauscanum II. Imò in Palæstino Pelagius ipse ejuravit. ne à Judicibus damneretur, ut testatur S. Augustinus *pafum*

II. Ratio autem est. Quia omnia opera, quæ primam gratiam actualem præcedunt, sunt opera merè naturalia, & sunt ab homine in statu peccati mortalis: sed opera merè naturalia nullam habent adæquationem, vel æqualitatem, etiam proportionis, cum prima gratia actuali, quæ est ordinis supernaturalis: ergo eam mereri non possunt de condigno. Rursus: homo in statu peccati mortalis non est in statu apio ad meritum, ut vidimus; ergo &c.

III. Quòd verò nec de congruo possit homo primam gratiam actualem mereri, certum est etiam de fide, contra Semipelagianos; qui, ut alibi diximus, Pelagianam hæresim aliquantisper temperare volentes, asseriebant, nos quidem non posse sine gratiâ præveniente aliqua opera bona facere; dicebant tamen, ex parte nostrâ initia quædam fidei, & bonæ voluntatis præcedere, quorum intuitu movebatur Deus ad dandam primam gratiam actualem, puta vocationis ad fidem: ac subinde aliquod meritum, saltem de congruo, respectu primæ gratiæ admittebant. Hic autem error in variis Conciliis, & tandem à Tridentino excussus fuit, *Sess. 6. cap. 5.* docente: *Exordium in adultis à Dei per Jesum. Christum præveniente gratiâ sumendum esse; hoc est, ab ejus vocatione, quâ nullis eorum existentibus meritis vocantur.* Ubi ly nullis omne meritum, etiam de congruo, excludit; quod convenit cum dicto Apostoli Ephes. 1. v. 11. *In quo etiam & nos sorte vocati sumus, prædestinati secundum propostum ejus, qui operatur omnia secundum*

dum consiliis voluntatis ejus. Quæ omnia merita, & etiam congruitates excludunt: qui enim sorte vocatur, & eligitur, & secundum propositum, omnem præventionem excludit, ut acurè observat D. Tho. ibi *Leff. 4.* sed de his, & de Pelagianorum, ac Semipelagianorum ratiunculis fusè actum est citatis locis.

§. I I.

Resolvitur de Prima Gratia Justificante.

IV. Dico secundò. Gratiam primò justificantem sibi nullus mereri potest de condigno. Colligitur ex illo Roman. 3. v. 24. *Justificati gratis per gratiam ipsius: & ad Titum 3. v. 5. Non ex operibus justitia, quas fecimus nos, sed secundum suam misericordiam salvos nos fecit per lavacrum, regenerationis, & renovationis Spiritus Sancti.* Ex quibus patet, quod justificatio sit omnino gratuita. Et licet per actus fidei, spei, pœnitentiæ homo se se disponat ad justificationis gratiam; eam tamen illis actibus de condigno non meretur: quia opera quidem illa proficiuntur à Spiritu Sancto movente, at non à Spiritu Sancto inhabitante, ut docet Tridentinum, *Sess. 14. c. 4.* ac proinde non sunt opera filii, & amici Dei, sed tantum aspirantis ad filiationem, & amicitiam. Dei: atque ita illis deest dignitas operantis.

V. Ratio autem Theologica est. Quia, quod est principium meriti, non potest cadere sub merito, & esse effectus meriti; aliàs supponeret se ipsum, antequam esset: sed gratia justificans est principium totius meriti de condigno; ergo &c. — Rursus: non potest homo de condigno mereri, nisi sit Deo gratus, ipsique amicus: sed actus præcedentes justificationem non sunt actus hominis Deo grati, & amici; quia homo fit Deo gratus, & amicus per gratiam habituales, ut fusè ostendimus.

VI. Sed dices primò. Si dicamus, hominem per dispositiones supernaturales mereri de condigno gratiam justificantem, non convenimus cum Pelagio, qui asserbat, eam nos promereri solis naturæ viribus: nec contradicimus Paulo, qui negat quidem, justificationem fieri ex operibus naturalibus legis, sed non operibus fidei, qualia sunt opera ad justificationem disponentia.

VII. Respondeo, nos ita loquendo non incidere quidem in errorem Pelagii, sed in alium ab Ecclesia damnatum, præcipue in Tridentino, *Sess. 6. c. 8.* dicente: *Gratis autem justificari, ideo dicamur, quia nihil eorum, quæ justificationem præcedunt, sive fides, sive opera ipsam justificationis gratiam promeretur.* Ex quo fit, ut etiam resistamus Apostolo; qui dum dicit, nos justificari gratis, excludit omne meritum de condigno præcedens justificationem: fides autem, quæ eam præcedit, est fides non adhuc formata, seu quæ per dilectionem operatur.

VIII. Dices secundò. Saltem contritioni nihil deficit, ut sit meritoria de condigno gratiæ justificantis: ei enim est annexa gratia justificans, adest quoque pactum, & promissio de ea homini contrito conferendâ, Zachariæ 1. v. 3. *Convertimini ad me ... & convertar ad vos.*

IX. Respondeo, neg. ant. Contritio enim est connexa cum gratia justificante, sicut ultima dispositio cum forma, non sicut meritum cum præmio. Ei enim deficit conditio ad rationem meriti de condigno, quodd, nempe, si at ab homine grato, & habeat condignitatem personæ: quia procedit, vel à puro auxilio supernaturali, ut diximus: vel si à gratia habituali, ut aliqui volunt, ab ea tamen procedit sub munere auxiliantis, sed non adhuc justificantis.

Deus ergo promissit veniam verè contritis corde, non ut mercedem, & coronam, quomodo promissit gloriam: sed solùm, ut donum liberale,

promissione, quâ se obligavit ex sua liberalitate, non ex vera, & strictâ iustitiâ.

X. Dices tertio. Licet prima gratia justificans sit principium meriti, potest cadere sub merito: sicut Verbi Incarnatio est principium totius meriti tam de condigno, quàm de congruo: & tamen eam saltem de congruo SS. Patres meruerunt; ergo &c.

XI. Respondeo, neg. ant. Ad id, quod additur, *dist. maj.* Verbi Incarnatio, ut in intentione, est &c. co. ant. Ut in executione, nego majorem. Et *dist. min.* Meruerunt eam, ut in executione ponendam, co. min. Ut in intentione, nego min. Incarnatio igitur Verbi sumi potest, ut in intentione; & sic est primum principium meriti in genere causæ finalis, cuius proprium est, in intentione causare: & hoc modo, non potest cadere sub merito alicujus. Et sumi potest, ut in executione: & sic non est principium, sed potius effectus meriti Sanctorum Patrum, qui illam de congruo meruerunt. Non repugnat autem, quodd Incarnatio, ut in intentione apprehensa per fidem à Patribus, fuerit causa sui ipsius, ut in executione ponendæ: sicut sanitas in intentione causat se ipsam in executione. At gratia justificans in re, & in executione est principium meriti: si autem caderet sub merito, esset in eodem ordine executionis causa, & effectus meriti, quod repugnat.

XII. Dico tertio. Estd in aliquo sensu dici posset, hominem per adus supernaturales, quibus se disponit ad gratiam, mereri de congruo gratiam justificantem: in propria tamen locutione eam neque de congruo meretur. Hanc viam teneo, ut concilium etiam Nostriates inter se in hoc divisos. Prior ergo pars probatur. Tum quia: hoc videtur sentire S. Tho. in 2. *dist. 27. q. 1. a. 4. ad 4.* ubi docet, quodd *indignum* sumi potest *negativè tantum*: *Et sic Deus dat gratiam indignis, quia his, qui non sunt sufficientes*

eleuter ad hoc digni: sed tamen habent aliquam dispositionem ad recipiendum, ex qua dicuntur quodammodo ex congruo gratiam mereri: nec ex hoc sequitur, quod sit injustus, sed liberatus.

XIII. Suaderi etiam potest. Quia actus fidei spei, poenitentiae, & dilectionis, qui sunt à Fidei, dum incipit à peccato converti ad Deum, sunt legitimae dispositiones ad gratiam justificationis, & remissionis peccatorum: eos facit Fidelis in obsequium Dei, & gloriam ejus; ergo congruum videtur, quod Deus tales actus acceptet ad finem, ob quem ab eo fiunt. Congruitate, inquam, non ratione operantis, sed ratione operum; quia ex gratiae auxilio fiunt, & tendunt cum aliquali proportionem velut preparationes ad gratiam justificationem: ideoque dicunt quendam congruitatem ex parte operis. Quia videtur congruum, quod Deus inveniens in homine dispositiones ad gratiam, gratiam ipsam adiciat.

XIV. Altera verò pars certior videtur. Nam ad meritum de congruo propriè tale debet congruitas se tenere etiam ex parte personae operantis; quatenus congruum est, ut personae digna exaudiat, & erga eam Deus exerceat suam liberalitatem: hanc autem congruitatem dispositiones, praecedentes gratiam justificationis, in operante nondum grato Deo, supponere nequeunt; ideoque dicendae sunt, gratiam impetrare potius, quam etiam de congruo promereri. Et hoc magis cohaeret Tridentino citato dicenti, quod nullus gratiam justificationis promeretur per tales dispositiones: & etiam indicavit S. Thomas citatus in a. sent. dum. etiam dicat tales actus de congruo mereri gratiam, addit tamen particulam diminuentem quodammodo. Et S. Augustinus lib. de Prædest. SS. cap. 7. dum ait, quod fides ipsa prima datur, ex qua impetrentur cetera. Et Epist. 106. modò 186. cap. 3. ait: Qui ergo habent fidem, qua impetrent

justificationem, per Dei gratiam pervenerunt ad legem justitiae. Et Epist. 105. modò 194. ad Sixtum cap. 2. Nec ipsa (inquit) remissio peccatorum sine merito est, si fides hanc impetrat. Quid autem distet inter meritum, & simplicem impetrationem, diximus supra. Nam impetratio innititur purae misericordiae, quam Deus etiam erga hominem sibi non gratum exercet: meritum autem etiam de congruo est quodammodo amicabile supponens personam gratam. Unde D. Tho. 2. 2. q. 83. a. 16. ad 2. Peccator (inquit) non potest per orare, quasi ejus oratio ex habitu virtutis informetur: potest tamen, ejus oratio esse pia, quantum ad hoc, quod petit aliquid ad pietatem pertinemens: sicut ille, qui non habet habitum justitiae, potest aliquid justum velle... Et quomodo ejus oratio non sit meritoria, potest tamen esse impetrativa: quia meritum innititur justitiae; sed impetratio innititur gratiae.

§. III.

Resolvitur de Merito Prima Gratia alteri.

XV. Dico quartò. Homo iustus mereri non potest alteri primam gratiam, sive actuale, sive justificantem merito de condigno, bene tamen merito de congruo. Ita D. Tho. hanc qu. 114. art. 6.

Prima pars ejusdem ratione probatur. Id homo potest de condigno mereri, ad quod divina motio illum movet per gratiam sanctificantem: sed homo per hoc donum gratiae tantum movetur, ut perveniat ipse mediante augmento ad vitam aeternam: nam per hoc, quod ipse per augmentum gratiae perveniat ad vitam aeternam, gratia illi data habet suum progressum, & terminum adequatum, & merita ab ipso comparata adequatae sunt remunerata; ergo &c.

Confirmatur. Solus Christus hoc habuit, ut tanquam Caput Ecclesiae aliis gratiam de condigno mereatur: idest

287

non solum ut ipse perveniret ad gloriam vitæ æternæ : sed etiam, ut alios in eam adduceret, inquantum est Caput Ecclesiæ, & Auctor salutis humanæ, secundum illud ad Hebr. 2. Qui multos filios in gloriam adduxerat, auctorem salutis &c. Unde Joan. 1. v. 16. De plenitudine ejus nos omnes accepimus. Et Act. 4. v. 12. Non est aliud nomen sub Cælo datum hominibus, in quo oporteat, nos salvos fieri.

XVI. Imò : quamvis unus purus homo constitueretur à Deo caput aliorum, eique gratiam excellentissimam ad merendum pro omnibus conferret ad hunc finem ; adhuc tamen non posset aliis mereri primam gratiam de condigno, sed solum de congruo : quia gratia illius hominis intrinsecè non contineret gratiam aliorum hominum, sed solum extrinsecè ex ordinatione divinâ. Quod enim gratia Christi gratiam omnibus de condigno promerita sit ; hoc habuit, quia infiniti valoris ex infinita dignitate Personæ divinæ merentis, quod non haberet purus homo iustus, quantâcumque gratiâ exornatus ; ideoque in *Tract. de Incarnat.* dicemus, quod nec posset de condigno pro offensa aliorum satisfacere. Et quamvis gratia unius hominis æqualitatem, & condignitatem habeat cum gratia alterius in esse entis, & physico ; non tamen in esse morali meriti, & præmii : quia nec ex vi propriâ, neque ex dignitate personæ gratiam alterius moraliter contineret.

XVII. Secunda verò pars, quod unus homo iustus possit, alteri primam gratiam mereri de congruo, traditur etiam à S. Thoma hoc art. 6. *Quia cum homo in gratia constitutus implet Dei voluntatem, congruum est, ut Deus impleat hominis voluntatem in salvatione alterius ; licet quandoque possit habere impedimentum ex parte illius, cuius aliquis Sanctus justificationem desiderat.* Et ratio est : quia meritum, maxime de congruo, est quidem sufficiens, non tamen efficax ; cum possit

impediri ex parte ejus, cui applicatur. In quo sensu loquebatur Jeremias c. 13. v. 1. *Si fletis Moyses, & Samuel coram me, non est anima mea ad populum istum.*

XVIII. Confirmatur testimoniis S. Scripturæ. Nam Matth. 9. v. 2. *Videns Jesus fidem illorum (qui offerebant paralyticum) dixit paralytico : confide fili : remittuntur tibi peccata tua.* Jacobi 5. v. 16. *monemur orare invicem, ut salvemur : Orate pro invicem, ut salvemini.* Et ut intelligeremus, orationem istam esse aliquomodo meritoriam, subiungitur : *Multum enim valet deprecationis iusti assidua.* Hue etiam spectat illud 1. Joann. 5. v. 16. *Qui scit, fratrem suum peccare peccatum non ad mortem, petat, & dabitur ei vita peccanti non ad mortem.* Id quoque exempla confirmant. Sauli conversionem impetravit Stephanus, dicente Augustino Serm. 4. de Sanctis, nunc Serm. 382. *Si Martyr Stephanus non sic orasset, Ecclesia Paulum hodie non haberet : suamque conversionem, Monicam matrem suam precibus impetrasse, testatur ipse l. 3. Confess. c. 11.*

DUBIUM II.

An possit Homo sibi Mereri, ut Reparatur post Lapsum ?

§. I.

Resolvitur quoad Meritum de Condigno.

Sensus Dubii est : An eotempore, quo homo est iustus, possit à Deo mereri, ut si coningat, ipsum labi in peccatum mortale, donec ei poenitentia, & venia ; sicque restituatur in statum gratiæ, in quo erat prius.

I. Dico primò. Homo iustus non potest de condigno mereri, ut si in peccatum labatur, detur ei venia, & restituatur in statum gratiæ. Ita S. Th. h. c. q. 114. a. 7. Et probat 1. ex illo Ezech.

Ezech. 18. v. 14. *Si autem averterit se Justus à justitia sua, & fecerit iniquitatem... omnes justitiae ejus, quas fecerat, non recordabuntur.* Falsa autem foret hæc sententia, si quo tempore justus est homo, de condigno sibi mereretur reparationem post lapsum: quia sic Deus teneretur dare illi ex justitia gratiam reparatricem, & favorabilem, ac magnam habere operum prius factorum recordationem.

II. Probat autem S. Doct. hac ratione. Ratio meriti de condigno pendet ex motione divinæ gratiæ: sed ista motio interruptitur, & amittitur per peccatum mortale sequens; ergo non potest se extendere ad merendam de condigno sui restitutionem post lapsum. Peccatum enim interpositum inter meritum, & præmium destruit in subiecto ordinationem ad præmium; facit enim subiectum transire de grato in ingratum, de digno in indignum: repugnat autem, subiectum indignum esse subiectum capax, & per se ordinari ad præmium. Etenim præmium bonorum operum non debetur homini, nisi quatenus est in statu gratiæ, per quam sit justus, & Dei amicus: atque dum statum illum perdat per peccatum mortale, nihil præmii restat ei debitum.

III. Confirmatur. Nam alioquin sequeretur, omnes, qui semel justi fuerunt, & benè per longum tempus operati fuissent, etiam si postea in peccata, etiam enormia, lapsi fuissent; jus habere ad gratiam habitualement sibi restituendam, saltem in fine vitæ: nec ullum eorum moriturum impoenitentem, & fore damnum. Cum ergo Concilium Tridentinum ex Scriptura dicat, justificationem impij esse gratuitam; ita ut nihil eorum, quæ ipsam præcedunt, de condigno illam mereatur (*Sess. 6. c. 8.*) dici debet, nullum mereri de condigno, ut si peccaverit, postea iterum justificetur.

IV. Dices. Justus prædestinatus, etsi post meritum sit lapsus, de condigno meretur gloriam, & adhuc est

ordinatus ad illam suo tempore sibi dandam; ergo & Justus in peccatum lapsus, mereri poterit reparationem post lapsum.

V. Respondeo, neg. conf. Et disparitas duplex est. Prima: quia gloria nunquam datur indigno, sed semper datur digno, per reviviscentiam gratiæ, & meritum: sicque potest intelligi meritum gloriæ, etsi motio gratiæ interruptatur. Cæterum repositio post lapsum danda est indigno: ideoque motio gratiæ ad illam nequit se extendere. — Secunda disparitas est: quod peccatum subsequens ponit quidem impedimentum actuali consecutioni gloriæ; non tamen destruit ordinem præcedentium meritum ad gloriam, cum jus meritum gloriæ maneat in acceptatione divinâ. At peccatum subsequens tollit etiam jus aptitudinale ad gratiam, cum tollat gratiam: atque adeo tollit omnem rationem meriti ad præmium.

§. I I.

Resolvitur de Merito Congruo.

VI. Dico secundò. Nec merito congrui potest homo mereri, ut repararetur post lapsum. Ita. S. Thom. citatus, etsi aliqui sentiant oppositum. Id tamen etiam evincit textus Ezechielis laudatus. Si enim post Justum lapsum omnes justitiæ ejus, quas fecerat, apud Deum non recordabuntur; quomodo manere poterunt in ratione meriti, ut congruum sit, hominem, qui ea fecerat, propter ea à lapsu reparari?

VII. Ratio D. Thomæ est. Meritum congrui, quo quis meretur alteri primam gratiam, impeditur, ne sortiatum suum effectum, si ille, cui meretur, obicem ponat; ergo multò magis impeditur, si impedimentum sit, & in eo, cui meretur, & in eo, qui meretur. Si autem quis de congruo mereretur sibi, ut dum lapsus esset in peccatum, repararetur, tam

O o impe-

impedimentum esset in eo, qui meretur, esset enim in peccato; & in eo, cui meretur, cum, ut supponitur, mereretur sibi.

VIII. Confim. Nemo meretur, ut tunc retributionem accipiat, quando erit indignus retributione; quod etiam de merito congrui verum est, quia fundatur in quadam dignitate personæ: sed cum iustus in peccatum mortale est lapsus, est indignus retributione; ergo nullo modo meretur, ut sibi in peccatum mortale lapso detur, tanquam retributio quadam, gratia, quæ reparatur.

IX. Adverto tamen; quodd cum, ex sæpè dictis, meritum congrui sumi possit stricte, & propriè; vel lato modo, ac impropriè, prout dicit puram, & simplicem impetrationem fundatam in sola munificentia, & liberalitate donantis: si hoc, & nihil aliud intendunt Adversarii, libenter eis concedi posset, iustum mereri posse, ut reparetur post lapsum merito congrui, seu veriùs, hoc impetrare à misericordia Dei. Sed si sumant meritum congrui stricte modo, constanter negandum est. Nam hoc fundari debet in aliqua bonâ qualitate operis, habente proportionem congruitatis cum retributione; & insuper debet esse tale opus, ut sit quoddam obsequium ita utile, & gratum ei, apud quem valet; ut si quid intuitu huius operis datur, detur per modum alicujus recompensæ, vel retributionis, saltem gratiæ, & liberalis: sic, ut iusto in peccatum lapso, per modum aliqualis retributionis, daretur gratia ad poenitentiam, & tandem iustificatio. At opera iustorum, etsi sint bona, & in obsequium Dei facta, non habent tamen proportionem ad aliquam recompensationem tunc recipiendam, quando ipsi fuerint omni retributione prorsus indigni; quales sunt, dum in statu peccati, & damnationis existunt. — Nec valet, quod eorum bona opera maneant in divina acceptatione: quia enim sunt mortificata,

non consequentur mercedem, nisi ipsi ad iustitiam reparentur, & sic eorum opera vivificentur. Ut autem reparantur, cadere non potest sub merito.

DUBIUM III.

An Homo iustus possit sibi Mereri Augmentum Gratia, & Caritatis; & hoc de Condigno.

§. I.

Resolutio Catholica.

I. **D**ico. Homo iustus per bona opera, & observantiam mandatorum Dei, de condigno meretur augmentum gratiæ, & caritatis. Hoc docuit Tridentinum, *Sess. 6. c. 10.* Et *Can. 32.* ubi anathemate feritur, qui dixerit: *Iustificatum bonis operibus, quæ ab eo per Dei gratiam, & Jesu Christi meritum, cuius vivum membrum est, sunt, non verè mereri augmentum gratiæ, vitam æternam, & ipsius vitæ æternæ, si tamen in gratia, decesserit, consecutionem, atque etiam gloria augmentum.* Quem Canonem statuit contra Lutherum, qui cum diceret, omnia opera hominis, etiam iusti, esse in se peccata, & solum iusta apparere, quia iustitiâ Christi extrinsecus illis imputatâ vestiuntur; Christi autem iustitiâ incapax augmenti non sit, consequens erat, ut negaret, nedum omne meritum, sed omne gratiæ augmentum. Eisdem autem Concilium non expressè ibi affirmet, hominem iustum mereri augmentum gratiæ de condigno: id tamen se intendere satis indicat. Tum apponendo *ly verè.* Tum eodem modo loquendo de merito augmenti gratiæ, ac de merito vitæ æternæ; quod certum est, esse de condigno, juxta mentem Concilii. Tum quia: meritum de condigno illud erat, quod hæretici negabant.

II. Variis Scripturæ textibus hanc veritatem ostendit Tridentinum, *Sess.*

6. cap.

6. cap. 10. Ut illud Apoc. ultimo v. 11. Qui iustus est, iustificetur adhuc. Et Jacobi 2. v. 21. &c. Abraham Pater noster nonne ex operibus iustificatus est, offerens Isaac filium suum? Ubi de augmento iustificationis sermo est: Abraham enim antea erat iustus per fidem, quâ dicitur, Genes. 15. Credidit Abraham Deo, & reputatum est illi ad iustitiam. Et Roman. 4. v. 9. Reputata est Abraha fides ad iustitiam. Unde v. 12. Jacobus prosequitur: Vides, quoniam fides cooperabatur operibus illius, & ex operibus fides consummata est?.... Videtis, quoniam ex operibus iustificatur homo, & non ex fide tantum? Et Augustin. Epist. 106. modò 186. ad Paulinum cap. 3. Ipsa (inquit) gratia meretur augeri, ut aucta mereatur perfici.

III. Ratio autem S. Thomæ hæc qu. 114. art. 8. hæc est: Illud cadit sub merito condigni, ad quod motio gratiæ se extendit: sed motio gratiæ se extendit ad augmentum gratiæ; ergo &c. Min. prob. Motio alicujus motus non solum se extendit ad ultimum terminum motus, sed etiam ad totum progressum in motu. Terminus autem motus gratia est vita æterna. Progressus autem in hoc motu est secundum augmentum caritatis, vel gratiæ, secundum illud Proverb. 4. Iustorum semita quasi lux splendens procedit, & crescit usque ad perfectum diem, qui est dies gloria. Sic igitur augmentum gratiæ cadit sub merito condigni. Hæc S. Thom.

§. I I.

Objectionum solutio.

IV. **O**bjicies primò. Uni merito non respondet duplex præmium: sed merito gratiæ respondet gloria ut præmium; ergo non potest ei respondere augmentum gratiæ.

V. Respondeo, dist. maj. Quorum utrumque sit terminus meriti, conc. maj. Quorum unum sit medium ad al-

terum, ut ad terminum, neg. maj. & dist. min. nego conf. Præmium (inquit S. Tho. hoc a. 8. ad 1.) est terminus meriti. Est autem duplex terminus motus, scilicet, ultimus, & medius, qui est & principium, & terminus. Et talis terminus est merces augmenti. Quæ autem meretur augmentum gratiæ, illud ordinat ad augmentum gloriæ, ut ad terminum, & finem.

VI. Secundò respondeo cum eodem S. Tho. in 2. dist. 27. q. 1. a. 5. in c. & ad 3. quodd duplex est præmium. Unum, quod consequitur, & concomitatur naturam actus meritorii, quæ est, ut sui exercitio augeat, & perficiat habitum. Alterum est, quod exterius redditur, secundum proportionem actus. Hoc secundum excludit aliud præmium, non autem primum. Nam sicut per hoc, quod aliquis delectionem ex actu virtutis sentis, non amittit vitam æternam præmium, cum non sit eadem ratio præmii utroque: ita etiam per hoc, quod actum meritorium sequitur augmentum gratiæ, non impeditur remuneratio, qua consistit in adeptione gloriæ. Ita D. Tho. citato loco ad 5.

VII. Objicies secundò. Gratiæ prima, & ejus augmentum sunt ejusdem rationis: sed gratiam primam nullus potest mereri de condigno, ut vidimus; ergo nec ejus augmentum.

Confirm. ex iisdem principiis, ex quibus aliquid innascitur, & augmentatur: cum igitur principium gratiæ sub merito non cadat, videtur, quod nec augmentum ejus.

VIII. Respondeo, neg. conf. Quamvis enim gratia, & ejus augmentum sint ejusdem rationis, ejusdem tamen rationis, nec est eadem conditio subiecti. Nam is, qui meretur augmentum gratiæ, est iustus, & amicus Dei; ac proinde in statu, in quo mereri possit de condigno. Qui autem ad primam gratiam se disponit, in quantum talis, nondum est iustus, nec Dei amicus; sicque deest illi status, qui ad merendum de condigno est necessarius.

IX. Ad Confirm. eodem modo respondeo ex D. Tho. in 2. dist. 27. q. 1. a. 3. ad 3. *Quod tam augmentum gratia, quam etiam ipsius infusio est à Deo. Sed tamen aliter se habent actus nostri ad infusionem gratia, & augmentum ipsius. Quia ante infusionem gratia homo mundum est particeps divini esse: unde actus sui sunt omnino improporionati ad merendum aliquod divinum, quod facultatem natura excedat. Sed per gratiam infusam constituitur in esse divino: unde jam actus sui proportionati efficiuntur ad promerendum augmentum, vel perfectionem gratia.* — Non quidem quasi ipse gratiam sibi augmentet, cum augmentum gratia à Deo sit. Sed quia homo potest per gratiam acceptam augmentum gratia mereri, disponendo se, ut majoris gratia capax fiat. Ita S. Tho. ibi ad 4.

X. Objicies tertio. Radix meriti est gratia, vel caritas: sed efficacia merendi non potest excedere suam radicem; ergo nullus potest maiorem gratiam, vel caritatem mereri, quam habeat.

XI. Respondeo primò, dist. min. Excedere in virtute suam radicem, comin. in quantitate, nego min. Ut enim docet D. Tho. hâc q. 114. a. 8. ad 2. *Augmentum gratia non est supra virtutem præexistentis gratia, licet sit supra quantitatem ipsius: sicut arbor, etsi sit supra quantitatem seminis, non est tamen supra virtutem ipsius.*

XII. Respondeo secundò cum eodem S. Tho. in 2. dist. 27. q. 1. a. 3. ad 1. *Quamvis enim primum, quod quis meretur, sit majus, quam gratia, quâ meretur; non tamen sequitur, quod sit major efficacia merendi in actu, quàm exigit gratia informans actum. Constat enim, quod per actum meritum caritate informatum meretur quis caritatem perfectam, qualis est caritas Patris, quæ longe major est caritate viæ, eliciente actum meritum. Cum enim dicitur, quod efficacia merendi in actu meritum, respondet quantitati gratia, non intelligitur commensuratio quanti-*

tatis pramii ad principium merendi secundum aequalitatem; sed proportionalitatem quadam actus meritorii ad principium merendi: quia quanto caritas, & gratia major est, tanto contingit per actum meritum majus pramium mereri.

XIII. Nec tamen hinc inferas, cuilibet actu meritorio statim respondere augmentum gratia. Nam (ut ait S. Tho. hâc q. 114. a. 8. ad 3.) *Quilibet actu meritorio meretur homo augmentum gratia, sicut & gratia consummationem, quæ est vita æterna. Sed sicut vita æterna non statim redditur, sed suo tempore: ita nec gratia statim augetur, sed suo tempore, cum scilicet aliquis fuerit dispositus ad gratia augmentum.*

XIV. Neque etiam inferas, quemlibet actum esse de facto meritum augmenti gratia. Nam, ut docet S. Tho. in 2. dist. 27. qu. 1. a. 3. ad 2. *Quando actus meritorius se habet ad primum, solum in ratione meriti, tunc verum est: sicut quis per unum actum ejusdem rationis meretur primum, ita & per alium. Secus autem est, quando actus meritorius se habet ad primum, non solum ut meritum, sed quodammodo ut causa: & sic se habet actus meritorius ad augmentum gratia. Unde non oportet, quod quilibet actus meritorius augmentum gratia mereatur: quia non in quolibet actu meritorio invenitur illa conditio, per quam ex actu consequitur augmentum habitus: sed solum in illo actu, quo quis utitur accepti gratia secundum proportionem suarum virtutum, ut in nullo gratia Dei desit per negligentiam.*

§. III.

Duo Quæstia resolvuntur.

XV. **Q**Uæritur primò: An quod persona est magis Deo grata, eò, cæteris paribus, majus pramium de condigno mereatur: ita ut, si duo faciant idem opus per

per omnia æquale, unus tamen sit altero dignior, seu sanctior; ille magis mereatur, quia maiorem habet dignitatem, seu sanctitatem.

XVI. Respond. sententiam affirmativam videri probabiliorē. Dummodo tamen in opere personæ dignioris concurrant cætera ad meritum requisita, & præcipuè imperium caritatis, non purè habituale, sed vel actuale, vel virtuale: ita ut ex duobus æquali caritatis influxu operantibus, ille, qui habitualiter Deo est magis gratus, & amicus, majus præmium à Deo mereatur, non solum de congruo, sed etiam de condigno.

XVII. Et quidem personam magis Deo gratam æquali caritatis influxu operante facilius impetrare, & magis, saltem de congruo, mereri, patet ex Gen. 20. de Abraham. Exod. 17. de Moyse, & alibi. Josue 10. de ipsomet. 1. R. g. 7. de Samuele. Dan. 3. de Abraham, Isaac, & Jacob. Et ratio est: quia opera, & obsequia amicorum sunt graviora, quam aliorum, & magis desertur petitionibus eorum, qui sunt magis intimi.

XVIII. Quòd autem major dignitas personæ conducat etiam ad majus merendum de condigno, æquali opere, probatur. Tum quia: ex dictis status gratiæ est una ex conditionibus ad meritum de condigno requisitis; cum dignitas filiorum Dei evehat opera, quæ per gratiam Dei operantur, ad condignitatem vitæ æternæ. Tum quia: cum actiones sint suppositorum, idest, non considerantur quasi nudæ, & per se, sed ut profectæ à suppositis, seu personis; eo ipso, quòd personæ, aliquam actionem facit in obsequium alterius, non tantum offert suam actionem, sed & quodammodo seipsam, & sua obsequia dedicat. Qua ratione cum dignitas Personæ in Christo esset infinita; & hanc in operibus Humanitatis Christus exhiberet Patri, operationes Christi erant dignitatis infinitæ. Si ergo dignitas personæ confert ad dignitatem operis, non video,

cur major personæ dignitas non conducat, cæteris paribus, ad majus meritum, etiam de condigno.

XIX. Nec valet opponere, quòd dignitas Personæ in Christo erat substantialis, in nobis est accidentalis. Nam hæc differentia non videtur obstare, servatà tamen proportionē. Quia si dignitas substantialis Personæ influebat in actiones Humanitatis Christi finitas meritum infinitum; ergo dignitas personæ influit ad meritum; ergo quòd major erit personæ dignitas, eò majus, cæteris paribus, erit meritum, etsi dignitas sit accidentalis. Regia enim dignitas est quid accidentarium: & tamen nemo dubitat, quin Regis actiones pluris æstimentur, quam unius de infima plebe.

XX. Neque dicas: si peccatum, quòd committitur à persona viliori non meretur ex hoc majus supplicium; ergo nec bonum opus, quòd fit à persona digniori, meretur majus præmium. — Nam vilitas personæ non auget peccatum, nam ex hac nullam trahit circumstantiam, quæ illud aggravat: illud tamen auget dignitas personæ peccantis, hæcenim, cæteris paribus; aliquid addit peccatum gravificans. Eadem ergo ratione dignitas personæ dignificabit bonum opus, ut mereatur majus præmium: quia omnibus pensatis est melius, & gratius.

XXI. Nec obest, Deum reddere unicuique secundum opera sua — Nam hoc intelligitur de operibus secundum omnes suas circumstantias, inter quas una est personæ dignitas coram Deo. Hoc enim ipso, quòd Deus promittit præmium iis, qui fuerint in statu gratiæ, & ita condignitatem habeant ad illud; rectè colligitur, promissum majus præmium habentibus per gratiam excellentiorem majorem condignitatem.

XXII. Queritur secundò: An opus, quòd homo iustus facit ex gratia Christi, magis sit meritum, quàm esset, si æquale opus fieret ex gratia equalis gradus, sed non datæ ex Christi meritis?

XXIII.

XXIII. Respondeo, probabiliorem esse partem affirmativam. Tum quia: credibile est, Patrem æternum particulariter respicere ad merita Christi; ut ejus intuitu majorem nobis largiatur vim merendi, quàm sine eo dedisset. Tum quia: Justi modò operantur tanquam viva membra corporis hujus, cujus caput est Christus; ideoque, ut Christo conjuncti, censentur majorem aliquam dignitatem participare, quàm alioquin non haberent. Unde ait Paulus, *Rom. 5. v. 10. & 1. ad Tim. 1. v. 14.* quòd per Jesum Christum. *Superabundavit gratia.*

XXIV. An verò dici possit, quòd cum meremur, benè operando, ipse Christus in nobis mereatur, sicut Spiritus Sanctus dicitur loqui in nobis, *Matth. 10. v. 10. & alibi.* — Responsio ex modo explicandi pendet. Si enim fiat sensus, Justos non mereri, sed solum Christum, sensus hæreticus est; quia, ut ostendimus, fidei dogma est, Justos propriè mereri.

Si sensus sit: quòd Christus sit causa principalis nostrorum meritorum, quodque omne nostrum meritum ex ipso sit, neque ullum meritum sine ejus gratiâ in nobis sit, verissimè dicitur.

Similiter si dicatur, Christus mereri in nobis: quia cum sumus ejus viva membra, actiones membrorum, ut talium, tribuantur ipsi, ut capiti; ab aliquibus admittitur; rectius tamen diceretur, nos mereri in Christo.

Si tandem sensus fiat, Christum mereri in nobis, quia ipse, vel sibi, vel nobis per nostras actiones acquirit mercedem (quod est propriè mereri) sic non meretur nobis, cum sit extra statum merendi.



DUBIUM IV. & Ultimum.

Utrum Homo possit Perseverantiam Mereri.

§. I.

Resolutio Dubii.

Sermo est de perseverantia actuali, seu de magno illo perseverantiæ dono, quo homo realiter, & cum effectu in gratia usque ad finem vitæ persistit, seu statum gratiæ cum morte conjungit; de quo in *Tract. de Necessitate Gratiæ*, superius actum est. Et sermo est de perseverantia vitæ: nam de perseverantia Patriæ docet S. Thom. hæc q. 114. a. 9. posse hominem eam mereri, etiam de condigno. Nam ultimus terminus diviniæ motionis potest cadere sub merito de condigno: sed perseverantia Patriæ ad illum pertinet; cum de ratione beatitudinis, ac vitæ æternæ, quæ est ultimus terminus motionis diviniæ, sit perpetuitas, ut ostendimus *Tom. 1. in 1. 2. Tract. de Ultimo Fine. Q. 2. Dub. 7.* ergo &c. Quare sicut homo potest mereri de condigno vitam æternam, ita mereri potest perseverantiam in illa. De perseverantia ergo vitæ

II. Dico. Perseverantiam vitæ nullus homo de condigno mereri potest. Ita S. Thom. a. 9. citato, & omnes Catholici. Probatur hoc discursu S. Th. Illud non potest cadere sub merito de condigno, quod comparatur ad motum liberi arbitrii, ut à Deo movente direcdi, tanquam principium; quia principium meriti non cadit sub merito: atqui perseverantia vitæ comparata ad motum liberi arbitrii nostri, tenet se ex parte principii: quia perseverare includit continuum Dei auxilium, Justum in justitia conservans, movens, ac dirigens ad continua pietatis opera, & maxime in ultimo vi-

1æ;

42; ergo eam mereri non potest de condigno.

III. Confirmatur. Id, quod cadit sub merito, est effectus meriti: sed principium motus liberi arbitrii à Deo directi est causa meriti; nec potest unum, & idem simul esse causam, & effectum eiusdem meriti.

IV. Probatur secundò, ex eodem. S. Thom. ibi in *Arg. sed contra*. Sic. Omne, quod quispiam apud Deum meretur de condigno, infallibiliter consequitur, nisi ponat impedimentum peccati: sed multi habent opera meritoria, qui non consequuntur perseverantiam; ergo &c. *Nec potest dici, quod hoc sit propter impedimentum peccati: quia hoc ipsum, quod est peccare, opponitur perseverantia; ita quod si aliquis perseverantiam mereretur, Deus non permitteret, illum cadere in peccatum.* Cum ergo viri totà ferè vità multa, atque excellentia virtutis opera patrarent, multaque pro Christo sustinuerint; in fine tamen donum perseverantiae non acceperint, ut constat in Origene, & aliis: dici debet, donum perseverantiae non cadere sub merito de condigno.

V. Probatur tertio. Nullus à Deo mercedem meretur de condigno, quam ipse non promissit: non invenitur autem, promississe usquam, quòd benè operantibus dabit in hoc seculo perseverantiam: quin potius monentur omnes: *Servate Domino in timore.* (Psalm. 2. v. 11.) Et (1. Cor. 10. v. 12.) *Qui se existimat stare, videat, ne cadat.* Ad Ph. lipp. 2. v. 12. *Cum metu, & tremore vestram salutem operamini.* Et Christus voluit, ut omnes. nemine excepto, orent, ac petant: *Et ne vos inducat in tentationem;* igitur &c.

VI. An verò possit quis donum perseverantiae mereri saltem de congruo: dico, quòd si meritum de congruo sumatur strictè, non potest illud mereri: cum nemo, nec de congruo, possit mereri principium meriti, quia sunt principia ad actum perseverandum. Si verò meritum de congruo sumatur la-

to modo, pro simplici impetratione; sic orando potest iustus à Dei misericordia perseverantiae donum impetrare: sicut supra diximus, posse hoc modo etiam gratiam iustificationem à Deo impetrare, quia impetratio in sola misericordia fundatur.

VII. Adversò tamen: quòd si nomine perseverantiae sumatur tota series, & collectio auxiliorum ab initio primae justificationis usque ad mortem, sic perseverantia nequit cadere sub merito, nec sub impetratione: quia totum meritum, & impetratio est effectus alicujus auxilii in illa collectione contenti, quod est principium meriti, vel impetrationis: principium autem meriti, vel impetrationis nequit cadere sub merito, vel impetratione proveniente à tali principio. Unde in præfati locuti sumus de perseverantia, quatenus præcisè includit conjunctionem gratiae cum morte; quam si non mereri neque de congruo possumus, possumus tamen, nostris orationibus impetrare.

§. I I.

Objectiones Solvantur.

VIII. Obiicies primò. Iustus potest de condigno mereri vitam æternam; ergo etiam illa, quæ ad eam consequendam sunt necessaria: inter quæ præcipuum est donum perseverantiae.

IX. Resp. dist. conf. Etiam illa, quæ se tenent ex parte remini motus, con. conf. Quæ se tenent ex parte principii motus, nego conf. Perseverantia ergo se tenet ex parte principii merendi ut dictum est: principium autem merendi nequit esse effectus meriti.

Sed præterea observo: quòd perseverantia non est necessaria ad vitam æternam merendam, sed tantum ad vitam æternam consequendam. Iusti autem, etiam absolute mereantur vitam æternam, vitæ tamen æternæ consecutio-

cutionem non merentur absolutè, sed *si in gratia desceſſerint*, ut ex Trident. *Seſſ. 6. c. 16. & Can. 31.*

X. Obijcies ſecundò. Poſteſt Juſtus aliter mereri perſeverantiam; ergo & ſibi.

Reſpond. diſt. antec. Merito de condigno, & de congruo propriè tali, nego ant. Lato modo, nempe ꝑ impetrandò, conc. antec. & conf. Reſponſio eſt D. Thom. hoc art. 9. ad 1. his verbis: *Etiã ea, quæ non meremur, orando impetramus. Nam ꝑ peccatores Deus audit peccatorum veniam petentes, quam non merentur. . . . alioquin fruſtra dixiſſet Publicanus: Deus propitiuſ eſt mihi peccatori, ut dicitur Luca 18. Et ſimiliter perſeverantia donum aliquis petendo à Deo impetrat, vel ſibi, vel alii, quamvis ſub merito non cadat.*

XI. Obijcies tertid. Juſtus poteſt ſibi mereri de condigno augmentum gratiæ, ut credimus; ergo etiã perſeverantiam in gratia.

Reſpondeo, conc. ant. neg. conſeq. Nam augmentum gratiæ, ſicut & perpetuitas, quæ eſt de ratione beatitudinis, habent ſe ad meritum, ut terminus; iſta quidem, ut ultimus, ſeu ut pertinens ad ultimum, illud autem, ut proximus: & ideo poſſunt cadere ſub merito. Donum autem, quo Deus faciat, Juſtum continuè in bono perſeverare, pertinet ad cauſam, & principium meriti, & non eſt eius terminus: cùm continuatio motus, & motio moventis, facientiſ ut motus continetur, non ſit terminus motus, ſed ad eius principium perſineat.

XII. Obijcies quartò. Juſtus per unum, vel plura bona opera, poteſt mereri unum aliud opus bonum ſubſequens, ſeu auxilium efficax ad illud faciendum. Rurſus: per iſtud opus ſubſequens poteſt mereri auxilium efficax ad aliud; per iſtud aliud: & ſic uſque ad mortem; ergo poteſt mereri perſeverantiam.

XIII. Reſpondeo, neg. antec. Non enim poteſt juſtus per actum præ-

ritum, ſive in præſenti factum, de condigno mereri aliquid auxilium efficax, ſequenti tempore dandum pro alio actu faciendò. Gratia enim, quam Deus ſolet in hoc ſeculo impertiri non habet vires ad merendum id, quod ſe tenet ex parte principii merendi: nec inter actus priores, ac poſteriores, vel inter auxilium priùs datum, & poſteriùs dandum, nec per ſe, nec ex divina promiſſione datur ordo meriti ad mercedem.

XIV. Obijcies quintò. Peccator poteſt mereri obſtinationem in malo; ergo & Juſtus perſeverantiam in bono.

Reſpondeo, neg. conſ. Quamvis enim homo gratiam poſſit demereri, obſtaculum ei ponendo; eam tamen non poteſt accerſere, & mereri: ſicut homo poteſt quidem, à ſe avertere lumen Solis, illud tamen ad ſe advocare non poteſt. Deinde ad ant. dico, nullum in hac vitâ ſecundùm ordinariam providentiam eſſe omnino obſtinatum, ſic ut non poſſit à peccato recedere; quamvis mereatur, ut Deus illum in peccato relinquat: quia peccatum mortale ex natura ſua dignum eſt poenâ æternâ.

XV. Obijcies tandem. Juſtus poteſt mereri ſpiritum orandi, ſicut oportet, pro perſeverantia: ſed qui petierit, ſicut oportet, infallibiliter conſequetur, juxta illud: *Petite, & dabitur vobis*, Matt. 7. v. 7. ergo &c.

XVI. Reſpond. neg. maj. Non enim apparet, Juſtum mereri poſſe de condigno ſpiritum orandi, ſicut oportet, pro perſeverantia; cùm ad orandum, ſicut oportet, pro perſeverantia, neceſſaria ſit oratio perſeverans: orationis autem perſeverantia non eſt propoſita, ut merces propriè dictæ præcedentium orationum, vel operum. Si tamen non ſit ſermo de merito condigni, ſed congrui latè ſumpti, ſeu de ſimplici impetratione; ſic, ut dictum eſt, Juſtus impetrare poteſt bonis operibus ſpiritum orandi pro perſeverantia, & orando perſeverantiam ipſam: & in hoc ſenſu dicit S. Aug. l. de

L. de dono Persever. c. 6. *Hoc Dei donum suppliciter emereri potest*: Imò ad illud obtinendū, totam ferè orationem Dominicam tendere ostenderit capitibus præcedendibus: sed impetrare non est propriè mereri, etiam de congruo, est dictum sæpè. Quapropter incessanter Deus à nobis orandus est, ut & spiritum orandi, si-

eut oportet, pro perseverantia nobis concedat, & perseverantiam ipsam misericorditer largiri dignetur: ut enim docet Augustinus citatus, cap. 1. *Utrum quisque hoc munus acciperit, quamdiu hanc vitam ducit, incertum est*. His ergo præsentī Tractatui, ac universæ Primæ Secundæ Angelicæ nostri Doctoris terminum figimus.

Finis Tomi Tertii, & Ultimi in Primam Secundam, Ordine Noni.



I N D E X

Eorum, quæ in hoc Tertio Tomo in Primam
Secundæ, ordine Nono, visa sunt
notatu digna.

Actio productiva gratiæ est præstantissima, licet non sit creatio. pag. 186.
Actus fidei, spei, timoris, & attritionis, quibus peccator incipit se disponere ad justificationem, sunt boni, & laudabiles. 31. — *Actus* humanus, ut sit moraliter bonus, non requiritur, ut expressè referatur in Deum, ut ultimum finem. 35. — *Actus* merè naturalis non est impetratorius gratiæ. 94. — *Actus* contritionis, & caritatis non habent in se vim justificandi formaliter, ut vult Vasquez. 113. Fundamenta ejusdem soluta. 115. 116. Nec etiam est forma partialis nostræ justificationis. 118. *Actus* contritionis, & caritatis nec de potentia Dei absolutè possunt hominem justificare formaliter. 118. 119. Sunt, secundum aliquos, forma deletiva peccati venialis. 123. — *Actus* nostri præcedentes justificationem, & procedentes ex motione Spiritus Sancti, quomodo connectantur cum gratia justificante. 136. — *Actus*, ut sit meritorius vitæ æternæ coram Deo, debet esse liber libertate indifferentiæ. 158. 159. Debet esse actus formalis, & positivus. 169. 170. Debet esse bonus, & laudabilis. 170. Debet fieri in obsequium Dei. 171.
Adoptare creaturam rationalem in filium Dei non est proprium alicujus Personæ divinæ, ut distinctæ ab aliis. 163. 164. Adoptari est proprium creaturæ rationalis. 165.

Adoptio quid sit. 158. In filium Dei concessa per merita Christi etiam iis, qui justificabantur in lege veteri. 158. Fit, tamquam per formam, à gratia justificante. 159.
Equilibrium virium ad libertatem indifferentiæ requisitum à quibusdam Recentioribus, rejicitur. 139. & seq. Cognitum fuit à S. Augustino, ut à Pelagio adinventum. 140.
Ambrosii Catharini opinio de certitudine, quam homo viator habere potest de propria justificatione. 188.
Amor Dei duplex, naturalis, & supernaturalis: efficax, & inefficax. 43. 44. Item amicitie, & concupiscentiæ. 44. — *Amor Dei* super omnia appetitativus, & efficax est actus omnium præstantissimus. 46. — *Amor* naturalis Dei in Dæmonibus, & Pueris in Limbo, qualis sit. 48. *Amor* Dei auctoris naturalis efficax, & super omnia quale auxilium speciale Dei requirat. 50. & seq. In homine lapso, est incompatibilis cum peccato mortali indirectè. 51. — *Amor* divinus quomodo sit prior dono gratiæ. 146.
Angeli sunt quodammodo, causa instrumentalis nostræ gratiæ. 178.
Anima rationalis, secundum essentiam, est subiectum immediatum gratiæ habitualis. 171. 173.
Anima Purgatorii, probabilis est, quodd nec de congruo, mercantur aliis. 171.
S. Augustinus, nomine gratiæ appellat quodcumque beneficium gratis, & liberaliter à Deo homini concessum. x. Fatetur, se aliquando errasse, cum.

tum censeret, ad credendum sufficere externam prædicationem veritatis. 6. Sustinet, etiam ad initium Fidei interius auxilium gratiæ per Christum simpliciter, & absolute requiri. 8. 10. Afferit, gratiam justificationis esse gratiam per Christum. 14. Omnia bona hominem habere à Deo. 15. Gratiam actualem specialem per Christum requiri ad omne opus bonum salutare. 15. Deum quandoque peccatores exaudire. 30. Homines infideles aliqua opera bona moralia facere. 33. 34. Continentiam Polemonis fuisse opus Dei. 34. Quo sensu dicat, fidem ad omne opus bonum desiderari. 36. 37. Docet, non posse hominem lapsum Deum auctorem naturæ efficaciter super omnia diligere, sine auxilio specialis gratiæ. 49. Concupiscentiam occasionaliter augeri per legem. 55. Deum homini non præcipere impossibilia. 59. Dilectionem Dei præcedere observantiam mandatorum. 61. Hominem iustificatum adhuc indigere gratiâ Dei auxiliante speciali ad rectè vivendum. 62. Nullum esse præceptum, quod in hac vitâ non possit per gratiam Dei observari. 67. Tentationem non posse vinci, ex amore Dei, sine Christi gratiâ. 69. Hominem posse vincere gravem tentationem ex motivo humano, pravo; imò & multa mala pati; secus ex motivo honesto sine gratiâ. 73. Tradit, hominem in natura lapsâ, sine Dei speciali privilegio, posse esse sine omni peccato etiam veniali. 81. 82. 85. 86. Huiusmodi privilegium non peccandi venialiter soli B. Virgini concedit. 84. 85. Gratiam non dari secundum merita nostra. 91. 95. Gratiam actualem ad singula opera bona dari. 96. 99. Hancque esse efficacem. 97. Excitantem, prævenientem, & adjuvantem. ibi. & 98. Opus bonum totum tribui gratiæ, & totum libero arbitrio. ibi. Docet, perseverantiam finalem esse

donum Dei. 101. Et quidem speciale, & distinctum à gratia habituali, & communibus auxiliis. 103. 104. 105. 106. Voluntatem non velle perseverare, nisi à Domino fuerit præparata. 106. Et quidem auxilio speciali efficaciter faciente illam velle, & perseverare. ibi. & 107. Non esse querendum, cur Deus uni det finaliter perseverare, alteri non. 108. Mortem volitam, ad obtinendam gloriam cœlestem, esse effectum specialem prædestinationis. 111. Sentit, Hominem in statu innocentie indignum speciali auxilio Dei, quo perseveraret usque in finem status viæ. 111. 112. 113. Tradit divisionem gratiæ actualis in operantem, & cooperantem. 120. 121. Agnoscit divisionem gratiæ in prævenientem, & subsequentem. 124. In excitantem, & adjuvantem. 126. 127. Admittit gratiam sufficientem in sensu Thomistarum. 129. Negat, efficaciam gratiæ desumi à consensu voluntatis creatæ. 135. 136. — Afferit, Deum non supponere, sed facere in nobis congruitatem, ad gratiam suscipiendam. 137. Gratiam ab intrinseco efficacem non lædere, sed facere nostram libertatem. 139. Recenset, & rejicit æquilibrium virium ad peccandum, & non peccandum, assertum à Pelagio. 140. 141. Docet, gratiam iustificantem esse donum à Deo nobis proveniens intrinsecum. 145. 148. Neminem in hac vitâ posse esse omnino certum, se esse in gratia. 150. Nec se esse prædestinatum ad gloriam. 198. 199. Explicat, quid sit hominem iustificari. 201. Docet, omne peccatum verè tolli per Baptismum. 207. Quomodo dicatur Deus negare peccata. ibi. Adulterum se disponere ad gratiam justificationis, per motus liberi arbitrii à Deo moti, & excitati. 235. Fidem requiri ad justificationem. 238. Illamque esse assensum intellectus rebus revelatis præstitum. 241. Timorem

divinæ iustitiæ requiri ad iustificacionem impij. 147. Fidem mereri de congruo gratiam bene operandi. 155. Opera iustorum mereri de condigno coram Deo. 156. 157. Quâ ratione vita æterna sit merces, & gratia. 158. Qualiter Deus dicatur debitor nobis. 159. Iustum orando impetrare posse donum perseverantiæ. 159.

Auxilium Dei ad operandum duplex, idest, generale, & speciale. 11. Generale necessarium est homini, ut cognoscat quâlibet veritatem etiam naturalem. 12. Potest peti à Deo, & obtento, quis potest gratias Deo agere. 16. Auxilium Dei generale ad aliquod opus bonum morale est debitum naturæ humanæ lapsæ, & quomodo. 40. 41. 42. Auxilium speciale requisitum ad diligendum efficaciter super omnia Deum autorem naturæ in statu lapsus, per se potest esse ordinis naturalis, per accidens debet esse supernaturale. 50. & seq. Auxilium supernaturale requiritur ad implenda præcepta supernaturalia. 55. 66. Item ad naturalia, si ordinentur ad salutem. ibi.

B

Baptismus censuit, ad omne opus bonum morale requiri gratiam habitualement, & imperium caritatis. 24. Eiusdem tres propositiones damnatæ à S. Pio V. 29. Rejicit distinctionem amoris naturalis, & supernaturalis Dei. 43. Sensit, Pelagium, non verò Augustinum, dixisse, Deum nil impossibile homini præcipere. 67. Eiusdem quædam propositiones aliæ damnatæ. 70. 120. 146. 174. 183.

Beata Virgo Maria privilegium habuit, nunquam peccandi venialiter. 85. 89.

C

Cæcilius sensit, omnia opera hominis, etiam iustificati, esse peccata. 24. Eius argumenta, ex Scripturis,

& PP. deprompta, solvuntur. 27. 28. Sentit, gratiam Dei iustificantiæ, nil aliud esse, quàm Dei viorem extrinsecum. 144. Docet, in iustificatione peccata non verè tolli, sed tegi. 154. Quomodo explicet, hominem iustificari. 200. Eius fundamenta soluta. 211. 212. Afferit, hominem, dum iustificatur, nil agere, sed merè passivè se habere. 235. Fidem solam iustificare. 238. 239. Opera iusti non posse mereri de condigno coram Deo. 255.

Caritas realiter distinguitur à gratia, habituali. 266. & seq. Objectiones in contrarium solutæ. 268. 269. 270. Caritas quomodo dicatur forma virtutum. 269. Potest realiter separari à gratia. 276. Quomodo operat multitudinem peccatorum. 208. Caritatis actus formaliter non iustificat. 214. 215. Objectiones contra hoc solutæ. 215. & seq. Neque etiam, ut forma partialis. 218. Non potest etiam de absoluta Dei potentia formaliter iustificare. ibi.

Causa finalis totius gratiæ ultima est Deus, non ultima gloria Christi, & vita æterna iusti. 177. Materialis est anima rationalis. ibi. Exemplaris primaria gratiæ nostræ est Deus, secundaria Christus. ibi. & 178. Meritoria est Christus. 178. Efficiens instrumentalis est humanitas Christi, & Sacramenta. ibi. Christus habuit gratias gratis datas per modum habitus. Ut homo non potest principaliter physicè producere gratiam in nobis. 170. 183. 184. Quomodo dicatur factum fuisse peccatum pro nobis. 212. Christus per quantam dilectionem meruit. 260. Non necessariò; sed liberè mortuus est. ibi. Cur etiam dormiens merebatur. 271. Christus solus habuit, ut aliis mereretur de condigno gratiam primam. 287.

Concilium Tridentinum definit, ad actum fidei, cur oportet, necessariò Dei auxilium gratiæ requiri. 6. Arausican. 11. decernit, etiam initium

tium fidei, esse per gratiam interiorum Dei. 9. Tridentinum quo sensu dicat, fidei esse salutis initium. 10. Milevitanum, & Arausicanum II. Quo sensu dicant, necessarium esse gratiam per Christum ad cognoscendas veritates morales naturales. 15. Tridentinum damnat dicentes, omnia opera ab homine facta ante justificationem esse peccata: imò & ab homine iusto. 25. Constantiense damnat quosdam errores Joan. Wicleff. & Joan. Hus. 29. Milevitanum, & Arausicanum II. docent, omnem amorem Dei super omnia, esse donum Dei. 46. Milevitanum, & Carthaginense I. definit, hominem lapsum non posse sine speciali auxilio implere totam legem naturæ. 55. 56. Tridentinum definit, nullum esse præceptum, per Dei gratiam, impossibile observatu. 67.—Concilia quo sensu tribuant soli gratiæ divinæ victoriam temptationum. 71. Tridentinum statuit, neminem etiam iustum, posse sine speciali Dei privilegio vitare, per totam vitam, omnia peccata etiam venialia. 81. Huiusmodi privilegium soli B. V. Mariæ tribuit. ibi. Neminem sine auxilio gratiæ moventis posse se præparare, & consequi gratiam justificationis. 91. Arausican. II. Sanxit, neminem viribus naturæ ullo modo se disponere ad primam gratiam. 92. Donum perseverantiæ finalis semper esse implorandum à Deo. 103. Tridentinum sentit, perseverantiæ doni efficaciam, & indelebilitatem esse à divina omnipotentia, non à consensu voluntatis humanæ. 104. Deum paratum esse omnibus perseverantiam conferre. 114. Admittit divisionem gratiæ actualis in excitantem, & adjuvantem. 126. Definit, gratiam iustificantem esse homini quid intrinsecum, & non tantum extrinsecum favorem Dei. 144. Immutat, gratiam iustificantem esse accidentem. 149.—Con-

cil. Viennense censet, probabilius esse conferri in Baptismo etiam parvulis gratiam informantem, & virtutes. 151. Tridentinum censet, Adultos liberè evehi in justificatione, ad filiationem adoptivam Dei. 158. Unicam causam formalem nostræ justificationis esse gratiam iustificantem. 159. Satisfactionem Christi esse causam meritoriam nostræ justificationis. 160. Videtur sentire, gratiam habitualement, & caritatem realiter inter se distingui. 164. Afferit, Causam finalem nostræ justificationis esse gloriam Dei, Christi, & vitam æternam. 177. Causam meritoriam esse Christum. 178. Efficientem principalem esse Deum. ibi. Neminem in hac vita posse certò credere, certitudine fidei divinæ, se esse in gratia, absque speciali revelatione. 198. Nec se esse prædestinatum ad gloriam. 199. Enumerat causas justificationis peccatoris. 201. Describit nostram justificationem. 203. Definit, per Baptismum omnia peccata verè tolli, nilque remanere damnationis in renatis. 205. Docet, justificationem non esse solam peccatorum remissionem. 211. Formaliter esse per solam gratiam habitualement. 214. Definit contritionem. ibi. Statuit, hominem adultum disponi ad justificationem per motus liberi arbitrii à Deo moti, & excitati. 235. Damnât eos, qui dicunt, solam fidem iustificare. 244. Statuitque, alios actus requiri. ibi. & 247. 248. 249. Eosque recenset. ibi. Censet, ad justificationem impii requiri odium, ac detestationem peccati. 249. Propositum suscipiendi Sacramentum, vitæ emendandi, & servandi præcepta Dei. 250.—Docet, opera iustorum mereri verè de condigno à puto Deum etiam vitam æternam. 255. 256. 258.—Concilium Lateran. III. idem docet. 257. Item Florentinum. ibi. Tridentinum asserit, opera bona meritoria non dare

occa-

- occasionem superbiendi, sed humiliandi coram Deo. 167. Requirit ad meritum coram Deo gratiam iustificantem in persona merente. 173. Agnoscit promissionem Dei de danda iustis gloriâ, ut mercede, pro meritis. 182. Definit, hominem non posse mereri sibi primam gratiam actualem. 185. Iustum mereri per bona opera augmentum gratiæ. 190.
- Concupiscentia* augetur occasionaliter per legem. 35.
- Contritio* actualis non est causa formalis nostre justificationis. 114. 215. Quæ opponuntur contraria solvuntur. 215. 216. 217. Nec potest esse etiam de potentia Dei absolutâ. 218. — *Contritio*, quæ est ultima dispositio ad gratiam habitualement, non procedit ab ista efficienter. 251. Non est meritoria de condigno gratiâ iustificante. 286.
- Conversio* ad Deum auctorem naturalem non potest haberi ab homine peccatore, sine auxilio speciali supernaturali. 50.
- Corpus* cur capax animæ rationalis. 175.
- Creatura* irrationalis non est subiectum capax gratiæ habitualis. 175.
- Cyrus* quare dicatur voluntatem Dei implevisse. 58.

D

- D***ebitum* reddendi gloriam ex iustitia non lædit dominium Dei. 165.
- Dæmones* quomodo naturali amore diligant Deum. 48.
- Deus* aliter concurret ad actus bonos, etiam solum moraliter, quàm ad malos. 40. Amari potest & ut auctor naturæ, & ut auctor gratiæ. 43. Amore efficaci, vel inefficaci. ibi. Deus nil præcipit homini impossibile. 59. 67. 68. Non invitat pædum cum Christo (ut sentit Molina) de non neganda gratiâ facienti quod in se est ex viribus naturæ. 92. 93. Objectiones contra hoc solutæ. 93. 94. 95. Deus quo sensu dicatur non deserere, nisi deservatur. 107. Paratus est conferre om-

- nibus donum perseverantiæ finalis. 114. Facit, non supponit, congruitatem, & circumstantias ad suscipiendam gratiam in nobis. 137. — Deus est omnino supernaturalis, & quomodo. 153. Deus habens filium naturalem, & qui numquam decidit, cur adoptet filios. 164. Proportionaliter perficit naturam in ordine supernaturali, ac in naturali. 167. Deus est causa finalis, exemplaris totius gratiæ. 177. Solus est, & esse potest causa efficiens principalis producens gratiam. 178. & seq. Quæ in contrarium opponuntur soluta. 180. & seq. Deus est causa gratiæ, non illam creando, sed educendo de potentia obedienciali animæ. 184. & 186. Non potest remittere peccatum homini elevato ad finem supernaturalem, per solam condonationem extrinsecam, & absque aliquo dono intrinseco. 219. & seq. Dei potentia etiam absolutâ nequit gratia habitualis simul esse cum peccato mortali in eodem subiecto. 230. 231. Objectiones contra hoc solutæ. 231. & seq. Deus de potentia absolutâ potest hominem iustificare, absque ullâ huius propriâ dispositione. 237. Quomodo præmet supra condignum. 260. Retribuit, pro meritis, iustis gloriam æternam, non ex fidelitate, non ex gratitudine. 262. Sed ex iustitia distributivâ. ibi. & 263. Aliquomodo potest dici debitor erga iustos. 264. Cur non dicatur acceptor personarum. 275.
- Dignitas* personæ conducit ad majus merendum de condigno, opere æquali. 293.
- Dilectio* Dei inchoata requiritur ad justificationem impij. 248. 259.
- Discretio* spirituum gratia gratis data quid sit. 118.
- Dispositio* ultima ad justificationem, probabilis est, non esse effectivè à gratia habituali, sed ab auxilio supernaturali. 250. 251. Non causat efficienter gratiam. 251.

Donum

Donum perseverantiæ in quo consistat. 113. Est diversum à dono confirmationis in gratia. 114. Donum linguarum gratia gratis data quid sit. 118.

E

Ecclesia cur possit à Deo postulare opera bona moralia. 39. Cur indubitatà fide possit colere, ut Sanctum, illum, qui Martyrium passus est. 194.

Effectus præcipui gratiæ sunt quinque. 114.

Efficacia gratiæ unde sumatur secundum Molinistas. 134. 135. Non desumitur præcisè ex eventu, seu à consensu voluntatis creatæ. 135. 136. Nec ex attemperatione gratiæ cum humana voluntate, quæ subit scientiæ mediæ. 136. & seq.

F

Fides divina cur non sit in hæretico. 5. Fidei actus nequit elici sine auxilio gratiæ interioris per Christum. 6. 7. Item nec fidei initium. 8. 9. 10. Fides quomodo sit primum Dei donum, & prima gratia. 10. Remanet in peccatore non ut virtus supernaturalis, sed in ratione habitus supernaturalis. 168. Fides quâ ratione sit proprietas gratiæ. 171. Non est, quo homo formaliter iustificatur. 171. Fides requiritur ad justificationem. 137. Fides ad justificationem conducent, non est fiducia. 139. & seq. Non est notitia rerum propositarum per fidem. 141. Sed assensus intellectus præstitus rebus propositis, & revelatis. ibi. & 141. Fidei iustificantis objectum non est sola divina benevolentia, sed quicquid à Deo revelatum est. 141. 143. Fides sola, & sine aliis actibus non ducit homines ad justificationem. 144. 145. Objecta hæreticorum contra hoc soluta. ibi. 146.

Fides, gratia gratis data, quid sit. 118. *Fiducia* non est illa fides, quæ conducit ad justificationem. 139. Sanctorum non oritur ex sola fide, sed ex bonis meritis per Christum comparatis. 166.

Filiatio adoptiva Dei habetur à gratia habituali. 159. Non stat sine acceptione ad hæreditatem. 161. Non fit per quamcumque assumptionem ad hæreditatem. 163.

G

Gloria quomodo sit gratia consummata. 173. Quomodo correspondeat gratiæ. ibi. & 174. Datur à Deo iustis, ut corona, ut merces, ut præmium &c. 156. & seq. Habet rationem hæreditatis, & mercedis. 161. Retribuitur pro meritis iustis, non ex fidelitate, non ex gratitudine. 161. Sed ex iustitia distributivâ ibi. & 163.

Gratia variè accipitur. 1. 2. A' quibus hæreticis oppugnata. 1. 3. 4. — Gratia actualis interior per Christum requiritur ad actum fidei divinæ. 6. 7. Non solum illustrans intellectum, sed & movens voluntatem. 7. Item necessaria est simpliciter, & absolutè ad initium fidei. ibi. & 8. 9. Gratia requisita ad tollendam impotentiam hominis lapsi, respectu collectionis omnium veritatum naturalium, qualis esse debet. 10. Gratia actualis specialis per Christum requiritur ad omne opus bonum salutare faciendum, & habendum. 14. 15. — Gratia sanctificans non requiritur ad faciendum opus bonum morale. 19. & seq. Nec gratia fidei. 33. & seq. Gratia sanans necessaria est in statu naturæ lapsæ ad observantiam totius legis naturalis. 60. Gratia item specialis auxilians. 61. Gratia specialis dans expeditionem virtutis non requirebatur in statu naturæ integræ ad observantiam totius legis naturalis. 63. 64. Gratia sanctificans.

iustificans sanans hominem necessaria est ad diu vitanda omnia peccata mortalia contra legem naturæ . 75. 76. Gratia actualis auxilians necessaria est, ut homo sanatus diu vitet mortalia . 76. 77. Objectiones contra hæc solutæ . 77. & seq. Gratia specialis extraordinaria requiritur, ut homo lapsus, non solum vitet, sed etiam vitare possit per totam vitam, imò & diuturnum tempus, omnia venialia collectivè sumpta . 81. & seq. Quæ obijciuntur soluta . 85. & seq. Hujusmodi gratia licet concessa fuerit, in aliqua determinatâ materiâ, aliquibus aliis, in omni tamen materia soli B. Virgini concessa est . 84. 85. — Gratia actualis ad singulos actus bonos datur . 95. 96. Objectiones in contrarium solutæ . 99. & seq. Gratia hæc est efficax . 97. Gratia excitans, præveniens, & adjuvans necessaria est ad singulos actus salutares . ibi. & 98. Gratia habitualis non datur ad agendum, sed ad posse bene agere . 99. Sanat animam quantum ad mentem, non quantum ad carnem . 100. Gratia per Christum necessaria est ad perseverandum finaliter . 101. Hujusmodi gratia est speciale Dei donum distinctum à gratia habituali, & communibus auxiliis . 103. 104. 105. Objectiones contra hoc solutæ . 105. & seq. Gratia gratis data quid sit . 115. Dividitur in novem species . 117. Gratia sanitarum quid sit . 118. Gratia gratis datæ aliæ non dantur, præter novem, ab Apostolo enumeratas . 119. Harum aliquæ sunt in homine per modum habitus; aliquæ per modum motionis transeuntis . 119. 120. Gratia actualis dividitur in operantem, & cooperantem . 120. 121. Operans, quo sensu dicatur operari in nobis, sine nobis . 121. Cooperans non semper comitatur operantem . 122. Gratia actualis, alia increata, alia creata . ibi. Creata etiam dividitur in operantem, &

cooperantem . 123. Actualis operans non est restringenda ad solam illam, quæ primam bonam voluntatem in nobis operatur . 124. Gratia dividitur in prævenientem, & subsequenientem . 124. 125. Gratia effectus quinque . ibi. Gratia unde dicatur præveniens, & subsequens . 124. 125. Non est idem, ac Dei dilectio . 125. Gratia actualis dividi potest in excitantem, & adjuvantem . 125. 126. In quo utraque consistat . 127. — Gratia dividitur in sufficientem, & efficacem . ibi. Sufficientis in sensu Molinistarum rejicitur . 128. Sufficientis, quæ dicatur in sensu Thomistarum . ibi. & seq. Objecta contraria diluuntur . 130. & seq. Gratia sufficiens distincta ab efficaci non è inutilis, noxia, nec perniciofa . 133. Gratia unde dicatur efficax secundum Molinistas . 134. 135. Non est efficax præcisè ex eventu, seu à consensu voluntatis creatæ . 135. 136. Gratia efficacia non debet reperi ex attemperazione gratiæ cum humana voluntate, quæ subit scientiæ mediæ . 136. & seq. Gratia dicitur efficax per se, & ab intrinseco . 138. Gratia habitualis, seu iustificans, è donum intrinsecè à Deo homini collatum; non verò favor purè extrinsecus Dei . 144. & seq. Objectiones in contrarium solutæ . 146. & seq. Est accidens . 149. De specie qualitatis, habens esse permanentis, & modum habitus . 150. 151. 151. Non autem potentia, nec relatio . 153. Gratia iustificans est ens supernaturale participativè . 154. Est formalis participatio divinæ naturæ non solum moralis, sed in aliquo vero sensu physica . 155. 156. Est participatio formalis naturæ divinæ, non subjectivè, sed objectivè . 156. Quæ contra hæc opponantur, solvuntur . 156. & seq. Gratia habitualis ex natura sua, omnique pacto Dei secluso, facit hominem filium Dei adoptivum . 159. Rationes in contrarium solutæ . 160. & seq.

& seq. Gratia habitualis realiter distinguitur ab habitu caritatis. 165. & seq. Objectiones contrariæ solutæ. 168. & seq. Gratia est radix virtutum, & quomodo. 170. 171. Est in essentia animæ rationalis, ut in subiecto immediato. 172. Obiecta contraria soluta. 173. 174. Gratiæ causa finalis, & exemplaris quæ. 177. Meritoria, & efficiens instrumentalis. 178. Efficiens physica principalis est solus Deus. ibi. & 179. 180. Non potest esse homo, nec Christus, ut homo. ibi. & seq. — Gratia non creatur à Deo, sed educitur de potentia animæ obedientiæ. 184. & seq. Objectiones contrariæ diluuntur. 185. 186. 187. Gratia primò Angelis collata, & primis Parentibus cur fuerit educta. 186. 187. Gratia sola habitualis est causa formalis iustificans, etiam extra Sacramentum. 184. Quæ ratione sit forma deletiva peccati venialis. 123. Gratia habitualis ex natura rei physice opponitur cum peccato mortali. 127. 128. Objectiones Scottistarum contrariæ solvuntur. 128. 129. Gratia habitualis quomodo demeritoriè expellatur à peccato actuali mortali. 129. Nec de potentia Dei absolutà potest simul esse in eodem subiecto cum peccato mortali. 130. 131. Objectiones contrariæ solutæ. 131. & seq. Gratiæ habitualis effectus primarius quinam sit. 132.

H

Homo nullam potest veritatem actu cognoscere absque auxilio generali Dei. 12. In statu naturæ lapsæ potest aliquas veritates naturales, etsi moveant ad bonum honestum, cognoscere, absque auxilio gratiæ per Christum; imò sine auxilio speciali gratiæ. 13. 14. 15. & seq. Potest sine gratiâ singulas veritates naturales speculativas, & practicas cognoscere, nequit autem omnes eas.

Tcm. IX.

dem collectivè. 17. 18. 19. Quæ in contrarium obijciuntur, soluta. 20. 21. 22. Contraria huic diluuntur. 22. 23. Homo in triplici statu considerari potest. 23. Non potest facere ullum opus bonum salutare, absque gratiâ actuali speciali per Christum. 24. 25. Hominis iusti opera omnia non sunt peccata. 25. & seq. Nec hominis peccatoris; qui potest aliquod bonum opus morale facere. 29. & seq. Nec Hominis infidelis. 33. & seq. Homo lapsus, ut faciat opus bonum morale ordinis naturalis, non indiget gratiâ theologicâ. 37. 38. Sed id potest cum solo concursu generali Dei. 40. & seq. Homo in statu naturæ integræ poterat naturæ viribus diligere Deum auctorem naturæ super omnia, absque speciali auxilio Dei. 44. 45. Conditus in statu naturæ puræ, potuisset cum solo concursu generali Dei Deum auctorem naturæ diligere super omnia, dilectione efficaci affectivè, saltem ad breve tempus. 45. In statu naturæ corruptæ non potest solis viribus naturæ, & cum solo auxilio generali, diligere dilectione efficaci, tam affectivè, quàm effectivè Deum auctorem naturæ super omnia. 45. & seq. Ad id requirit auxilium speciale, per se, ordinis naturalis; per accidens verò, supernaturale. 50. & seq. Homo habens gratiam sanctificantem potest cum solo auxilio speciali ordinis naturæ Deum diligere auctorem naturæ super omnia. 51. Nequit converti ad Deum auctorem naturæ, quin etiam convertatur ad ipsum auctorem gratiæ. 52. Homo lapsus nequit sine speciali gratiâ omnia mandata legis naturalis implere, nec quo ad substantiam. 54. & seq. Quæ in contrarium opponuntur soluta. 56. 57. & seq. Cur dicatur posse id, quod non sine Dei gratiâ potest. 59. Potest impedire gratiam efficacem, quam non potest advocare. 60. —

Q 9

Homo

Homo lapsus ad observantiam totius legis naturæ, ratione subiecti, indiget gratiâ sanctificantiæ. 60. Gratiâ item speciali auxiliante. 61. In statu naturæ integræ potuisset implere totam legem naturæ, absque speciali gratiâ dante expeditionem virtutis. 63. 64. Homo lapsus nequit servare ullum præceptum supernaturale, quoad substantiam, item nec ullum naturale, quoad modum, sine auxilio gratiæ supernaturali. 64. 65. 66. Potest sine speciali gratiâ, & cum solo auxilio generali Dei moventis vincere aliquam levem tentationem. 69. & seq. Secus de gravi tentatione. 72. & seq. Homo in statu integritatis potuisset sine gratiæ habitualis influxu vitare omnia peccata. 75. Non autem ad salutem pervenire. ibi. In statu lapsus non potest, sine gratiâ sanante, diu vitare peccata mortalia contra legem naturæ. ibi. & 76. Ad hoc, ut illa vitet, adhuc indiget gratiâ actuali auxiliante. 76. 77. Quæ obijciuntur contra hæc, soluta. 77. & seq. Homo innocens potuisset vitare omnia peccata venialia, etiam collectivè, ex vi auxiliorum, quæ consona erant illi statui. 80. Homo lapsus cum solis auxiliis ordinariis huius status potest vitare omnia venialia divisivè. ibi. Pro aliquo brevi tempore iustus potest esse absque omni veniali. ibi. Homo lapsus indiget speciali privilegio, ut possit omnia venialia collectivè summa vitare per totam vitam, aut per diuturnum tempus. 82. & seq. Se ipsum præparat ad gratiam justificantem, non per suas vires, sed auxilio gratiæ moventis. 90. Homo non potest sine auxilio gratiæ specialis se præparare ad gratiam habitualemente consequendam, ut illam de condigno mereatur. 92. Nequî, ex viribus naturæ ullo modo, nec remotè, se disponere ad primam gratiam, puta, recreationis ad fidem. 92. Omnis Ho-

mo qualem potentiam habeat ad finaliter perseverandum. 109. Homo in statu innocentie indigebat speciali auxilio Dei, quo perseveraret usque in finem status viæ. 111. & seq. Homo iustificatur per gratiam habitualemente in se illi inherentem. 144. & seq. Non est causa principalis produciens habitus fidei, spei, & caritatis. 180. Cur iustus possit esse causa efficiens principalis physica actus caritatis, & visionis beatæ; non autem gratiæ. 181. — Homo tripliciter potest cognoscere, se esse in gratia. 187. In hac vitâ positus, absque speciali revelatione sibi factâ, non teneur, nec potest certitudine fidei divinæ credere, aut scire, se habere gratiam coram Deo. 188. 189. 190. Hæreticorum argumenta contra hoc soluta. 191. & seq. Non propterea iustus semper fluctuans erit de sua conscientia. 194. — Homo iustus nequit esse certus de sua iustitiâ certitudine habitâ per discursum ex una premisâ supernaturali, & aliâ naturali. 194. 195. Nec pariter tantâ certitudine, quantâ certus est Romani esse illi, qui numquam Romam vidit. 195. 196. Neque etiam ex signis supernaturalibus, quæ in seipso experiatur, habere potest certitudinem moralem excludentem omnem formidinem, de sua iustitiâ. 196. Bene verò (seclusâ revelatione) habere potest cognitionem conjecturalem. ibi. 197. — Homo potest in hac vitâ esse certus, se habere fidem theologicam. 197. Probabiliter etiam idem dicitur de Spe. 198. Homo, absque revelatione speciali, nequit esse certus certitudine absolute, de sua prædestinatione ad gloriam. 198. 199. Hæreticorum objecta contra hoc soluta. ibi. & 200. Non iustificatur formaliter per iustitiam Christi fide apprehensam, ac sibi imputatam; sed per iustitiam ex meritis Christi in se derivatam, in seipsâ inherentem. 209. 210. Suario.

Clariorum contra hoc fundamenta. soluta 111. 112. Homini elevato ad finem supernaturalem non potest, probabilius, remitti peccatum mortale, nec de potentia absolutâ Dei, absque dono aliquo intrinseco. 119. 120. Objectiones contra hoc solvuntur. 120. & seq. Homo adultus rationis, & libertatis compos debet se disponere ad gratiam justificationis, per motus liberi arbitrii divino auxilio moti. 134. & seq. Hæreticorum fundamenta contraria diluuntur. 136. 137. Homo iustus per opera bona meretur de condigno apud Deum. 155. Etiam vitam æternam. ibi. & seq. Quæ contra hoc opponunt hæretici solvuntur. 159. & seq. Homo non potest nec de condigno, nec de congruo sibi mereri primam gratiam auxilii. 184. 185. Nec de condigno gratiam primò justificantem. 185. 186. 187. Homo iustus nequit de condigno mereri alteri primam gratiam, sive actualem, sive justificantem, bene tamen de congruo. 187. 188. Non potest de condigno mereri, ut si in peccatum labatur, detur ei venia, & restituatur status gratiæ. 188. 189. Nec de congruo. 189. 190. Meretur de condigno per opera bona augmentum gratiæ, & caritatis. 190. 191. Quæ obstat, videntur solvuntur. ibi. & 192. — Homo non potest mereri de condigno perseverantiam finalem. 194. 195. Objectiones solutæ. 195. 196. Potest tamen mereri merito de congruo latè sumro. 195.

I

Jansenius vult, gratiam fidei esse necessariam ad omne opus moraliter bonum. 14. Ejus fundamenta eversa. 34. 35. 36. Censet, aliqua præcepta in statu lapsus, etiam iustis, esse impossibilia, nec dari gratiam, quâ possibilia fiant. 67. Imperium caritatis non requiritur ad

faciendum opus bonum morale. 31. Imperium caritatis in actus aliarum virtutum è triplex. 179. Habitua- le non sufficit ad meritum. ibi. Non requiritur actuale. ibi. Virtuale sufficit. ibi. Et quidem, probabilius, quod sit tale proximè. 180. Impletio præceptorum legis fit dupliciter. 183. Impotentia hominis lapsi ad cognoscendum omnes veritates naturales collesive, qualis sit. 19. Incarnatio Verbi quomodo possit cadere sub merito creaturæ, & quomodo non. 186. Infidelis opera omnia non sunt peccata. 33. & seq. Intellectus ex sua inclinatione tendit ad verum sibi proportionatum. 14. Intentio efficax nequit dari de eo, cuius executio est impossibilis. 46. 48. Intentio sufficiens ad recitationem Officii, & confessionem Sacramentorum, quæ sit. 179. 180. Interpretatio sermonum, gratia gratis data, quid sit. 118. Jus hominis iusti ad gloriam æternam quale sit. 164. Justificatio multipliciter dicitur. 101. Sumi potest activè, & passivè. 103. Generaliter sumta describitur. ibi. Describitur prout convenit nobis. ibi. Generaliter accepta justificatio non est remissio peccatorum, nec eam, includit: hanc verò includit justificatio impii. 104. In justificatione impii peccata ita remittuntur, ut penitus auferantur; nec quidquam remaneat habens veram rationem culpæ mortalis. 105. & seq. Objecta hæreticorum contra hoc soluta. 106. 107. Justificatio quomodo à Luthero, & Calvino explicetur. 109. Fit formaliter per iustitiam intrinsecè inhaerentem, ex Christi iustitiâ, & merito derivatam. 109. 110. Sectariorum contra hoc objectiones solutæ. 111. 112. — Justificatio adultorum, qui sunt rationis, & libertatis compos non fit sine moribus liberi arbitrii & Q9 2 Spi-

Spiritu Sancto moti, & excitati. 234. & seq. Justificatio quamquam dilectionem Dei requirat, extra Sacramentum obtinenda. 249. Quamquam requirat, ut sufficientem, in Sacramento. ibi. Requirit odium, & detestationem peccati. 249. Propositum suscipiendi Sacramentum. Baptismi in Infideli; in baptizato, suscipiendi Sacramentum Pœnitentiæ: in omnibus vitæ emendandæ, & præcepta Dei observandi. 250. — Justificationis ultima dispositio (probabilis) non est efficienter ab ipsa gratiâ, sed ab auxilio supernaturali. 250. 251. Justificatio impii quo sensu dicatur opus maximum Dei, & miraculosum. 252.

Justitia Dei, & Christi quomodo homo dicatur iustus. 247. *Justitia* intrinseca hominis non est iniuriosa Christo. 248. Quâ formaliter justificamur, est capax intensionis & remissionis. 250.

Justitia tripliciter dicitur. 202. Vera & propria triplex est, legalis, distributiva, & commutativa. 261. 262. *Justitia* humana cur non respiciat affectum operantis, bene verò divina. 266.

Iustus qualiter implere possit præceptum caritatis in hac vitâ. 208. Per opera bona verè meretur de condigno etiam vitam æternam. 255. & seq. Sectariorum contraria diluuntur. 259. & seq. Cur coram Deo dicatur servus inutilis. ibi. Non potest mereri nec de condigno, nec de congruo sibi, post lapsum, reparationem. 28. 239. 290. Meretur de condigno per opera bona augmentum gratiæ, & caritatis. 290. 291. Non potest mereri de condigno perseverantiam finalem vitæ. 294. 295. Bene verò de congruo lato modo. 295.

*L*ibertat. quæ requiratur ad meritum. 268. 270. *Lumen* naturale intellectus attenua-

tum, sed non extinctum est per peccatum originale. 23.

Lumen Gloriæ cur in Patria effluat à gratia. 171.

Lutherus asseruit, liberum arbitrium ad bonum in nobis nil agere, & merè passivè se habere. 3. Iniuriam facere Redemptori, qui contenderet bene agere. 4. Omnia opera hominis, etiam iustificati, esse in se peccata, & solum ex meritis Christi non imputari. 24. Eius argumenta ex Scripturis, & PP. de prompta solvantur. 27. 28. Docet, hominem, etsi à gratia excitatum, nil agere posse, quo se disponat ad justificationem. 29. Graviam iustificationem nil aliud impetrare, quam extrinsecum Dei favorem, & benevolentiam, quâ homo dicitur Deo gratus. 144. Docuit, hominem viatorem certâ fide cognoscere, sibi remissa esse peccata, & esse in gratia; imò quolibet certò debere de seipso hoc tenere, & credere. 188. In justificatione peccata non verè tolli, sed tegi. 204. Quomodo justificationem peccatoris explicet. 209. Fundamenta ejus soluta. 211. 212. Docet, hominem dum iustificatur, merè passivè se habere, & nil agere. 235. Solum fidem iustificare. 238. 239.

M

Martyr, quando ab Ecclesia colatur ut Martyr. 194. Quando sit indubitatè certus, habere gratiam. ibi.

Mercedarius præcisè respectu vitæ æternæ, quis dicatur. 267.

Meritum quid sit. 253. Est duplex, scilicet, de condigno, & de congruo. 254. Utrumque explicatur. ibi. & 255. Meritum de condigno est in homine iusto ratione bonorum operum. 255. Etiam in ordine ad vitam æternam. ibi. & seq. Non est iniuriosum meritis Christi. 260. Quamquam aequalitatem cum præmiis requi-

requirat. ibi. Meritum inducit debitum legale. 156. Meritum vitæ æternæ quot; & quas condiciones requirat coram Deo. 158. Meritum coram Deo requirit, ut persona merens sit in gratia iustificante. 273. 274. Contraria huic solvuntur. 275. 276. Meritum principaliter pertinet ad caritatem, secundariò verò ad alias virtutes, ut imperantur a caritate. 276. 277. Requirit pactum, & promissionem mercedis. pag. 181. 182.

Motus liberi arbitrii requiruntur ad iustificationem in Adultis, qui rationis, & libertatis compotes sunt. 234. Tamquam dispositiones ad gratiam iustificationis acquirendam. 235. 236. Objectiones hæreticorum contrariæ solvuntur. 236. & 237. *Motus fidei* ad iustificationem requiritur. 237. Cujus fidei sit talis motus. 239. & seq.

N

Natura divina quomodo participat à gratia iustificante. 155. 156.

O

Observantiam totius legis naturalis nequit haberi ab homine lapso sine speciali Dei auxilio. 54. & seq. Sine gratiâ sanante. 60. Et absque gratiâ auxiliante. 61. 62.

Odium Dei cur nil ponat intrinsecum in peccatore. 147.

Omissio pura non sufficit ad meritum. 159. 270.

Operatio virtutum, gratia gratis data, quid sit. 118.

Opus bonum aliud est tale solum bonitate morali; aliud bonitate ad salutem. 24. Bonum bonitate ad salutem nequit fieri, vel haberi sine gratiâ actuali speciali per Christum. ibi. & 25. Opus omne Iustorum non est peccatum. 25. 26. & seq. Item nec opus omne peccatoris.

29. & seq. Opus bonum morale ut fiat, non requirit gratiam sanctificantem, nec imperium caritatis. ibi. Nec gratiam fidei: unde opus omne Infidelium non est peccatum. 33. & seq. Opera quædam Infidelium à Deo remunerata. ibi. Opera moraliter bona Deum non movent, ad dandam gratiam auxiliantem, nec de congruo. 92. Quæ obijciuntur contra, soluta. 93. 94. 95. Opus bonum totum tribuitur gratiæ, & totum libero arbitrio. 98. Opera Iustorum sunt verè de condigno meritoria etiam vitæ æternæ. 255. & seq. Sectariorum fundamenta contra hoc soluta. 259. & seq. Opera bona meritoria non sunt solum necessaria ad vitam æternam consequendam, ut conditio. 266. Non dant occasionem superbiendi, sed humiliandi coram Deo. 267. Licet operantur intuitu mercedis æternæ. ibi. Opus ut sit meritorium coram Deo, debet esse à persona, quæ sit in gratia. 273. 274. Opera bona facta pro defunctis quomodo, & quando sint meritoria. 275. 276. Opera bona facta à Iusto, absque imperio caritatis, non merentur de condigno vitam æternam. 278. Opus bonum Iusti factum ex gratia Christi magis est meritorium, quàm esset, si fieret ex gratia aqualis gradus, sed non datà ex meritis Christi. 293. 294.

Oratio peccatoris qualiter exaudiat à Deo. 30. Oratio Iusti potest merito de congruo, latè sumto, mereri donum perseverantiæ. 295.

P

Pactum Dei cum Christo initum de non neganda gratiâ facienti quod in se est, ex viribus naturæ, quod docuit Molina, commentitium est. 91. 92. 93. Quæ in contrarium obijciuntur, soluta. 93. 94. 95. Pactum Dei de danda mercede requiritur ad opera meritoria Iusti, ut verè habeant

beant rationem meriti de condigno. 181. 182. Objectiones in contrarium solutæ. 183. 184.

Pater, quo sensu victoriam tentationum tribuant soli divinæ gratiæ. 71. Docent, neminem etiam iustum, in statu lapsus, vitare posse diu omnia venialia, sine speciali gratiâ extraordinariâ. 81. 82. Neminem in hac vitâ, sine revelatione, posse certo credere, & scire, se esse in gratiâ. 190. Et esse prædestinatum ad gloriam. 198. 199.

Peccator in statu peccati mortalis potest facere aliquod opus bonum morale. 19. & seq. Peccatoris orationes, aliaque opera moraliter bona, quomodo illi prosint. 35. Peccator per gratiam, intrinsicè inhærentem illi, iustificatur. 145. Peccatore annihilato, annihilaretur etiam suum peccatum, etiam moraliter. 121.

Peccatum mortale in iustificatione verè, & penitus tollitur. 205. 206. & seq. Peccatum mortale, cui magis opponatur, amor Dei, an gratiæ Dei. 118. Non potest remitti homini elevato ad finem supernaturalem, absque dono aliquo intrinseco. 119. 126. Objectiones contra hoc diluuntur. 120. 121. & seq. -- Peccatum habituale non est solum, actus peccati præteritus, & carentia condonationis divinæ. 120. Quomodo opponatur gratiæ. 121. Peccatum veniale remittitur per aliquam formam intrinsecam. Unum peccatum mortale nec divinitus remitti potest, non remisit omnibus, quæ sunt in subiecto. 124. & seq. Objectiones in contrarium solutæ. 125. 126. Peccatum veniale potest remitti, alio veniali non remisso. 125. Ex peccatis mortalibus aliqua possunt remitti directè, aliis solum indirectè remisit. ibi. Peccatum, actuè mortale quomodo dicatur demeritorie expellere gratiam habitualement. 129. Peccati remissio quâ ratione superet in affirmatione mortali præstantiam gratiæ habitualis.

ibi. Peccatum mortale nec de potentia Dei absolutâ potest simul esse cum gratiâ habituali in eodem subiecto. 130. 131. Objectiones solutæ. 131. & seq. Peccati odium, & detestatio requiritur ad iustificationem. 149. Peccatum mortale non indiget ordinatione divinâ, ut sit dignum poenæ æternæ. 183.

Pelagius quomodo erraverit circa gratiam. 1. 3. Damnatur à variis Conciliis, & Pontificibus. ibi. Ex antecedenti de fide inferebat consequens hæreticum. Asserebat, hominem posse omnia divina mandata facere sine gratiâ. 53. Quo sensu diceret, Deum homini impossibilia non præcipere. 68. Hominem solis naturæ viribus posse se preparare ad gratiam. 90.

Perseverantia multipliciter sumitur. 101. 102. Quid sit. ibi. Ad perseverantiam finalem est necessaria gratia per Christum. 102. Perseverantia finalis respectu quorum sit speciale donum. 105. In quo consistat. 113. Est diversa à confirmatione in gratiâ. 114. Illam omnibus conferre paratus est Deus. ibi. Perseverantia finalis viæ non cadit sub merito de condigno ullius hominis. 194. 195. Quæ obitanti, soluta. 195. 196.

Persona Deo magis grata, cæteris paribus, majus præmium de condigno meretur. 192. 193.

Personalitas Verbi cur possit formaliter sanctificare humanitatem Christi. 119.

Philosophi gentiles plures veritates naturales morales cognoverunt, absque auxilio gratiæ per Christum. 14. 15.

S. Pius V. Damnat propositiones Baii. 19. 67. Quosdam articulos. 68. Aliam Baii. 70. Eiusdem alteram. 110. 145. 174. 183.

Pœna Animarum in Purgatorio non est propriè satisfactio. 169.

Penitentia, quæ debet præcedere iustificationem, qualis sit. 149.

Potentia operativa in homine alia physica, alia moralis. 12.

Præf.

Præcepta supernaturalia non possunt impleri sine auxilio gratiæ supernaturali. 65. 66. Naturalia quoque, prout ordinantur ad salutem. ibi. Præceptum nullum est, quod non possit impleri per gratiam in hac vita. 67. 58. Præceptum de nunquam venialiter peccando, quomodo intelligendum. 88.

Prædicata divina quædam sunt à creatura participabilia, quædam non. 153. 154. Habent duplicem infinitatem. 156.

Prædestinatio in quo sensu nil ponat intrinsecè in Prædestinato. 146.

Principium meriti non potest cadere sub merito. 185.

Privilegium speciale requiritur, ut homo lapsus vitet, imò & vitare possit per totam vitam, aut diuturnum tempus omnia venialia colligere sumpta. 81. & seq. Quæ in contrarium obstant, soluta. 85. & seq. Privilegium hoc in omni materia soli B. Virgini concessum est: in aliqua autem determinatâ materiâ etiam aliquibus aliis. 84. 85. In quo consistat huiusmodi privilegium. B. V. 85.

Propbetia gratiæ gratis data quid sit. 118.

Propositio de gratiâ sufficiente damnata ab Alexandro VIII. 133. Propositiones quædam de dilectione Dei damnatæ ab Innoc. XI.

Propositum de susceptione Sacramenti, vitâ emendandâ, & observantiâ præceptorum Dei requiritur in iustificatione impii. 250.

R

Recitatio divini Officii cum evagatione mentis voluntariâ est mala. 271.

Res inanimæ quo sensu dicantur nasci, & generari ex Deo. 157.

Retributio gloriæ eternæ ex meritis est actus, non pæne fidelitatis, & gratitudinis, sed veræ iustitiæ. 162. Et quidem distributiæ, bens aliquem modum commutatiæ. 163.

Objecta contra hæc soluta. 164. & seq.

S

Satisfactio Christi est causa meritoria, non formalis, nostræ iustificationis. 160. Cur possit etiam dici causa formalis. ibi. & 161.

Scriptura quo sensu tribuat soli gratiæ divinæ victoriam tentationum. 71. In quo sensu dicat, homines esse iustos per iustitiam Christi; effici in Christo ipsam iustitiam Dei, & non iustificari coram Deo. 147. 148.

Semipelagiani unde orti. 3. Quid senserint circa gratiam. ibi.

Sermo sapientiæ, & scientiæ, gratia gratis data, quid sit. 117.

Spes veniæ requiritur ad justificationem impii. 148. Et quidem simpliciter. ibi. Spes quomodo remaneat in peccatore. 168.

Status vioris requiritur, ut conditio ad merendum, ex parte personæ merentis, coram Deo. 272.

T

Tentatio quid sit. 68. Quotuplex. ibi. & 69. Tripliciter vinci potest. ibi. Tentatio aliqua levis potest ab homine lapsò vinci sine auxilio speciali gratiæ, & cum solo auxilio generali Dei moventis. 69. 70. & seq. Secus tentatio gravis. 72. & seq.

Timor Divinæ iustitiæ ad justificationem impii requiritur &c. 147. Qualis debeat esse. ibi.

S. Thomas docet, ad elicendum actum fidei supernaturalis necessariò requiri auxilium gratiæ. 7. Item ad initium fidei. ibi. & 8. Ad cognoscendum quodcumque verum, hominem egerè auxilio Dei generali. 12. In statu lapsus non indigere ad cognoscendum aliquos veritates naturales gratiâ per Christum; imò nec speciali auxilio gratiæ. 14. Docet.

Docet, qualiter orationes peccatoris à Deo aliquando exaudiantur; quomodo etiam opus bonum morale ipsius possit à Deo acceptari. 30. Infidelem posse aliquod opus bonum morale facere. 35. 36. Hominem lapsum posse facere opus bonum morale ordinis naturalis, sine gratiâ theologicâ, cum solo concursu generali Dei. 39. Deum diversimode concurrere ad actum, etiam solum moraliter bonum, quàm ad malum. 40. Tradit, hominem integrum non indiguisse speciali auxilio ad diligendum Deum super omnia naturaliter. 44. Benè verò indigere in statu naturæ corruptæ. 46. Hominem non posse advocare, benè verò impedire gratiam efficacem. 60. Non posse hominem lapsum, sine gratiâ sanctificante, diu vitare peccata mortalia. 74. Sanatum per gratiam indigere etiam gratiâ actuali auxiliante, ut diu vitet illa. 76. 77. 79. Docet, minimam gratiam resistere posse cuilibet concupiscentiæ. 79. Neminem posse abstinere ab omni veniali collectivè. 83. 87. Hominem non per seipsum, sed auxilio gratiæ moventis, se præparare ad gratiam iustificantem. 90. Ad gratiam actualem Dei moventem ad bonum, nullam præparationem requiri ex parte hominis. 93. Perseverantiam tripliciter dici. 102. Finalem esse donum Dei speciale, distinctum à gratia habituali. 104. Hominem non posse esse sibi causam perseverantiæ. 110. Accepisse in statu innocentiae donum, quo posset perseverare, non ut perseveraret. 111. 113. Ostendit, gratiam actualem dividi in gratiam gratum facientem, & gratis datam. 115. 116. Gratis datam dividi in novem species, quas explicat. 117. 118. Prophetiam esse in homine per modum motionis transeuntis. 119. Gratiam actualem dividi in operantem, & cooperantem. 121. Hanc divisionem posse tribui gratiæ habituali. 122. Gratiam dividi in præ-

venientem, & subsequenter. 124. 125. Docet, gratiam sufficentem distinctam ab efficaci. 130. Gratiam iustificantem esse donum Dei nobis inirinfecè collatum. 145. Esse qualitatem supernaturalem. 151. Caritatem sub una ratione esse perfectiorem animâ. 152. Gratiam habituales secundum se esse immobilem; & solum mobilem ex conditione subiecti. 153. Esse formalem participationem non solum moralem, sed & physicam naturæ divinæ. 155. Dici semen Dei relatè ad visionem beatam. 156. Adoptionem humanam supponere in adoptando naturam, divinam verò illam dare. 163. Adoptare in filium esse commune toti Trinitati. 163. 164. Docet, cur Deus adoptet sibi filios. ibi. Adoptare esse proprium solius creaturæ rationalis. 164. 165. Gratiam habituales realiter distinguì à caritate. 167. 160. Caritatem alio modo, ac gratiam dici formam virtutum. ibi. Gratiam habituales esse principium radicale, & mediatum operum meritoriorum. 171. Esse in essentia animæ, ut in subiecto immediato. 173. 175. Gratiam aliter esse in anima, aliter characterem. 176. 177. Habitus fidei, spei, & caritatis nostris actibus augeri solum dispositivè, & meritorie. 180. Docet, hominem non posse efficienter principaliter producere gratiam. 182. Quomodo Christus, ut homo, illam faceret nobis. 184. Virtutes infusas educi de potentia obedientiali animæ rationalis. 185. Quo sensu possit dici, gratiam creari. ibi. Creari esse proprium rei subsistentis. 187. Hominem posse per revelationem sibi factam certò scire, se esse in gratia. 187. 191. Non autem absque tali revelatione. 195. Posse id noscere solum conjecturaliter. 197. Cognitionem prædestinationis non esse necessariam ad salutem. 200. Ostendit, quomodo peccator iustificetur. 203. Quâ ratione

tionem idem sit iustificatio, ac peccatorum remissio. 104. Non possit etiam divinitus, hominem elevatum ad finem supernaturalem, iustificari, per solam condonationem Dei extrinsecam, absque aliquo dono intrinseco. 122. Peccatum veniale deleri per actum supernaturalem. 123. Unum peccatum mortale, etiam divinitus, remitti non posse, non remissis omnibus, quæ sunt in peccatore. 124. 125. 126. Docet, peccata esse conexa secundum aversionem à Deo, licet non sint secundum conversionem ad bonum creatum commutabile. 125. Gratiam habituales expellere peccatum mortale. 133. Pueros iustificari sine propriis dispositionibus, adultos etiam furiosos, & amenes, qui unquam habuerunt usum liberi arbitrii. 134. Secus eos, qui rationis, & libertatis sunt compores. 136. Afferit, ductam pertinere ad spem. 139. Distinguit triplicem conversionem in Deum. 140. 141. Docet, contritionem esse à gratia habituali, ut ab informante. 141. Quiliter iustificatio impii sit opus maximum Dei, & miraculosum. 151. Orationem peccatoris aliquando esse imperatoriam. 155. Quamnam æqualitatem habeat opus meritum cum gloria. 156. Deum non fieri simpliciter debitorem nobis, sed sibi. 159. 161. Hominem, cur etiam faciat, quod debet, mereri apud Deum. ibi. & 160. Deum ex bonis nostris non querere utilitatem, sed gloriam. 161. Æqualitatem proportionis esse inter Deum præmiantem, & creaturam. 163. Debitum attendi posse dupliciter in operatione divini. 164. 165. Ad merendum requiri libertatem à necessitate. 168. Poenam, quam animæ sustinent in Purgatorio, non esse propriè satisfactionem. 169. Evagationem voluntariam in oratione esse peccatum. 171. Siatum viæ requiri ad merendum, & demerendum. 171. 173. Gratiam iustificantem requiri in per-

sona merente coram Deo. ibi. Quomodo suffragia facta pro mortuis sint meritoria. 175. Docet, meritum viæ æternæ primū spectare ad caritatem, secundarīo ad alias virtutes, ut imperantur ab illi. 177. Quomodo oratio peccatoris possit esse pia. 187. Hominem iustum posse alteri mereri de congruo primam gratiam. 188. Iustum mereri per bona opera augmentum gratiæ, & caritatis de condigno. 191. 192. Nullum hominem posse sibi mereri de condigno perseverantiam finalem viæ. 195. Bene verò alteri, de congruo lato modo. 196.

V

V *A*lquezii opinio circa causam formalem nostræ iustificationis. 213. Rejicitur. 214. Eius fundamenta solvantur. 215. & seq.

Verbum Divinum potest uniri cuilibet naturæ corporali.

Veritas dici potest tripliciter supernaturalis. 4. Ut cognoscatur, duorequiruntur. 5. Veritas, est in se supernaturalis, quando positi viribus naturæ attingi. 5. Veritas naturalis speculativa quæ sit, & quæ practica. 11. Naturalis dici potest tripliciter. ibi. Veritas nulla naturalis potest cognosci ab homine sine auxilio generali Dei. 12. Veritas aliqua naturalis, etsi ad bonum honestum moveat, potest ab homine lapsa cognosci sine speciali auxilio gratiæ. 13. 14. 15. & seq. Omnis item sive speculativa, sive practica post cognosci divisivè cum solo auxilio generali, non autem collectivè. 17. 18. 19. Veritas naturalis practica alia dirigit factionem; alia dirigit actiones humanas. 18. Quæ in contrarium asseruntur, solvantur. pag. 20. 21. 22. 23.

Virtutes effluunt à gratia non solum moraliter, sed quodammodo physice. 170. 171. Morales infusæ, etsi spirituales, cur possint recipi in appetitu sensitivo. 176.

Virtus

Virtus alia respicit solum medium rationis, alia solum medium rei. 161.

Virtus Sacramentalis, licet spiritualis, cur subieciatur in re corporea. 176.

Vita æterna quomodo debeatur operibus meritoriis Justorum. 155. & seq.

Cur gratia voce ur à S. Paulo. 157.

Habet rationem hæreditatis, & mer-

cedis.

Voluntas hominis lapsi nequit propriis viribus diligere Deum auctorem naturæ. 49. Adiuta auxilio sufficiente, cur non exequatur bonum opus, ad quod per illud movetur. 133. Sui consensu non facit, gratiam efficacem.

151.

135. 136.

LAUS DEO.



